

MISSALE  
ROMANUM,

EX DECRETO SACROSANCTI  
CONCILII TRIDENTINI RESTITUTUM,

PII V. PONT. MAX. JUSSU EDITUM,

ET

CLEMENTIS VIII. PRIMUM,


NUNC DENUO

URBANI PAPÆ VIII.

AUCTORITATE RECOGNITUM.

ET NOVORUM FESTORUM MISSIS HUCUSQUE  
CONCESSIS AUCTUM.

HIS ACCEDUNT FESTA, QUÆ EX INDULTO  
APOSTOLICO IN REGNO HIBERNIÆ  
CELEBRANTUR.




DUBLINI:

TYPIS PATRITII WOGAN, NO. 23, PROPE VETEREM  
PONTEM.

CUM SUPERIORUM PERMISSU ET APPROBATIONE.

---

M: DCC: XCV.



8717 07






# U R B A N U S P A P A V I I I.

## *AD PERPETUAM REI MEMORIAM.*

**S**I quid est in rebus humanis planè divinum quod nobis Superni Cives (si in eos invidia caderet) invidere possent, id certè est Sacrosanctum Missæ Sacrificium, cujus beneficio fit ut homines quadam anticipatione possideant in terris cælum, dum ante oculos habent, & manibus contrectant ipsum cæli, terræque Conditorem. Quò magis est Mortalibus laborandum, ut hoc tantum privilegium cultu, atque honore debito tueantur, caveantque Angelos negligentiae otores, qui sunt æmuli venerationis. Hinc factum est, ut hujus sacri mysterii celebrandi rationem, ac preces, quas Summi Pontifices prædecessores nostri Pius V. & Clemens VIII. diligentissimè recognosci, atque instaurari curaverunt. Nos quoque eorum vestigiis inhærentes, iterùm examinari, & si quid fortè in iis assiduus (quod plerumque contingit) temporis cursus corruperit, restitui jusserimus. Quamobrem sicuti nuper ad divini Officii nitorem reformari Breviarium, ita demum hujus exemplo ad divini sacrificii ornamentum corrigi Missale mandavimus. Et quoniam hæc quasi alas, quas Sacerdos instar Cherubim prisci Mystici tabernaculi quotidie pandit ad verum mundi Propitiatorium decet esse planè geminas, atque uniformes, hujus rei curam commisimus viris eruditis, ac piis, quorum diligentia ita opus perfectum est, ut nihil desiderari amplius possit. Nam rubricæ, quæ sensim ab usu, rituque vetere degeneraverant, in pristinum restitutæ, quæ verò non ita captui legentium accommodatæ videbantur, clariùs explicatæ: prætereà collata omnia cum codice Sacræ Scripturæ vulgatæ editionis, quæque diversa irrepsent, ad ejus unius exemplum, normamque correctæ sunt. Verumtamen parum prodesse consuevit solertia Correctorum, nisi ad eam par Typographorum accedat industria; proptereà dilecto filio Andreæ Brogiotto Typographiæ nostræ Apostolicæ Præfecto mandavimus, ut Missale ita expurgatum in lucem emittat, sed quæ in posterum extra Urbem imprimi contigerit, ea non aliter, quàm ad exemplar in dicta Typographia nunc editum imprimi posse permittimus, requisita tamen priùs, & in scriptis obtenta dilectorum filiorum Inquisitorum hæreticæ pravitatis in iis locis, in quibus fuerint; ubi verò non fuerint, Ordinariorum locorum facultate, alioquin si absque ea dictum Missale ipsi post hac imprimere, aut Bibliopolæ vendere præsumpserint, Typographi, & Bibliopolæ extra statum nostrum Ecclesiasticum existentes excommunicationis latæ sententiæ, à qua, nisi à Romano Pontifice, præterquam in mortis articulo





ticulo constituti, absolvi nequeant. In alma verò Urbæ, & reliquo statu Ecclesiastico commorantes quingentorum ducatorum auri de Camera, ac amissionis librorum, & typorum omnium Cameræ prædictæ applicandorum pœnas absque alia declaratione irremissibiliter incurrant eo ipso: & nihilominus eorundem Missalium per eos de cetero absque hujusmodi licentia imprimendorum, aut vendendorum usum ubique locorum, & gentium sub eisdem pœnis interdicimus, & prohibemus. Ipsi autem Inquisitores, seu Ordinarii locorum, antequam hujusmodi licentiam, & facultatem concedant, Missalia ab ipsis Typographis imprimenda, & postquam impressa fuerint, cum hoc Missali auctoritate nostra recognito diligentissimè conferant, nec in illis aliquid addi, vel minui permittant. In ipsa verò licentia originali obtinenda, de collatione facta, & quòd omnino concordent, manu propria attestentur, cujus licentiæ copia initio, vel in fine cujusque Missalis semper imprimatur. Quòd si secus fecerint, Inquisitores privationis suorum officiorum, ac inhabilitatis ad illa, & alia in posterum obtinenda, Ordinarii autem locorum suspensionis à divinis, ac interdicti ab ingressu Ecclesiæ: eorum verò Vicarii privationis similiter officiorum & beneficiorum suorum, & inhabilitatis ad illa, & alia in posterum obtinenda, ac insuper excommunicationis absque alia declaratione pœnas incurrant eo ipso. Ceterum pauperum Ecclesiarum, Clericorum, & personarum Ecclesiasticarum, ac Typographorum, & Bibliopolarum quorumcumque indemnitate ex benignitate Apostolica rationem habentes, eisdem Missalia hætenus impressa penes se habentibus, ut ea retinere, & illis uti, eaque vendere respectivè possint, similiter permittimus, & indulgemus. Non obstantibus licentiis, Indultis, & privilegiis quibuscumque Typographis per Nos, seu Romanos Pontifices prædecessores nostros Missale imprimendi concessis; quæ per præsentem expresse revocamus, & revocata esse volumus, necnon constitutionibus, & ordinationibus Apostolicis generalibus, vel specialibus in contrarium præmissorum quomodocumque concessis, approbatis, & confirmatis. Quibus omnibus etiam si de illis, eorumque totis tenoribus specialis, specifica, & expressa mentio habenda esset, tenores hujusmodi præsentibus pro expressis habentes, hac vice dumtaxat specialiter, & expresse derogamus. Volumus autem, ut præsentium transumptis etiam impressis, manu alicujus Notarii publici subscriptis, & sigillo alicujus personæ in dignitate Ecclesiastica constitutæ munitis, eadem prorsus fides adhibeatur, quæ ipsis præsentibus adhiberetur, si essent exhibitæ vel ostensæ.

Datum Romæ apud Sanctam Mariam Majorem sub Annulo Piscatoris die 2. Septembris 1634. Pontificatus Nostri Anno duodecimo.

M. A. MARALDUS.

J. SAVENIER.



# C L E M E N S

## P A P A XIII.

### U R B I S & O R B I S.

**S**anctissimus Dominus noster Clemens Papa XIII. inter multiplices Apostolatus sui curas, Sacrorum Rituum amplitudinem præ oculis habere non prætermittens, pia meditatione perpendit, quod quamvis compertum sit festis quibuscumque diebus Ecclesiam jugi cultu Sacrosanctæ & individuae Trinitatis solemnita colere, cum Deum ipsum, qui est Pater, & Filius, & Spiritus Sanctus rerum omnium opifex, & ad quem omnia referenda sunt, in festis quoque Deiparæ, & aliorum Sanctorum venerari, & glorificare profiteatur; maxime tamen deceat Dominico die, quo Deus ipse lucem condidit, quo Jesus Christus à mortuis resurrexit, quo sedens ad dexteram Patris Paraclitum Spiritum Sanctum misit de Cœlis, quo proinde ineffabile, & incomprehensibile Trinitatis Mysterium manifestum factum est nobis, quemadmodum in Divino Officio tum ad Primam recitando Symbolum *Quicumque*, tum plerumque in ultimo tertii Nocturni responsorio Augustissimæ Triadis fit commemoratio, idem, & in Missæ Sacrificio peragi, & in ea potissimum parte, qua contestamur dignum, & justum esse Deo gratias agere, eumque collaudare, benedicere, & prædicare; idcirco ad majorem, splendidiorumque tanti Mysterii gloriam, ut Fideles quoque, qui die Dominico Missæ interesse debent, latius, atque apertius Sacrosancti ejusdem Mysterii præconia audientes, debitum & ipsi servitutis obsequium supremæ impendant Majestati, statuit, atque decernit, quod singulis Dominicis diebus totius anni, quibus Præfationes propriæ per rubricas non sunt assignatæ, incipiendo à Dominica Sanctissimæ Trinitatis currentis anni M.DCC.LIX. Sacerdotes omnes utriusque Cleri, Sæcularis nempe atque Regularis, Præfationem de Sanctissima Trinitate, quæ jam inde à vetustissimis temporibus in usu fuisse dignoscitur, in Missa recitare teneantur, & ita inviolabiliter observari mandavit. Hac die tertia Januarii 1759.

D. F. CARD. TAMBURINUS PRÆF.

Loco + Sigilli.

M. MAREFUSCUS, S. R. C. SECR.



# EX REGISTRO DECRETORUM

## SACRÆ RITUUM CONGREGATIONIS.

**S**Acra Rituum Congreg. inhærendo Decretis aliàs factis prohibet omnino Missas à S. R. Congr. non approbatas, & signanter Missas, nuncupatas S. Gregorii pro Vivis & Defunctis, Missas quindecim Auxiliatorum, Missam de Patre Æterno, & quaecumque alias, ut suprâ, non approbatas, exceptis tamen Missis Rosarii, & de Monte Carmelo, quæ sunt permissæ Regularibus quibusdam, & iisdem dumtaxat, nec possunt ab aliis celebrari etiam in ipsorum Regularium Ecclesiis.

Nemo audeat uti Pileolo in celebratione Missarum sine expressa licentia Sedis Apostolicæ, non obstante quacumque contraria consuetudine.

Item prohibetur usus Rochetti, exceptis tamen quibus de jure competit, & præter hoc statuitur, & declaratur, nemini licere inservire, aut assistere in celebratione Missarum, aut divinorum officiorum cum Rochetto, neque cum Cotta habente manicas angustas ad instar Rochetti: & idem servandum est in Concionibus.

Paramenta non debent sumi de Altari pro celebratione Missarum, cum id competat tantum Episcopis sive solemniter, sive privatim celebrent. Inferioribus verò habentibus usum Pontificalium, non nisi quando in Pontificalibus celebrant.

Demum renovando Decreta alias facta, mandat Sac. Congreg. & in omnibus, & per omnia servari Rubricas Missalis Romani, non obstante quocumque prætextu, contraria consuetudine, quam abusum esse declarat.

Et facta relatione horum Decretorum S. D. N. URBANO VIII. Sanctitas sua annuit, & ab omnibus ubique servari, & in Missali Romano noviter imprimendo apponi mandavit.

JULIUS ROSPIGLIOSIUS Secret.

---

## APPROBATIO ORDINARIÆ.

**N**OS, &c. Alteram editionem Missalis Romani, Dublinii Typis Patritii Wogan elaboratam, & cum recentioribus exemplaribus Romanis fideliter collatam, approbamus. Datum Dublinii hac die 31. Julii A. D. 1795.



F. JOH. THOMAS TROY, A. D. H. P.



# DE ANNO, ET EJUS

## PARTIBUS.

**A**nnus menses habet duodecim, hebdomadas duas & quinquaginta, & diem unum: dies verò tercentos sexaginta quinque, & ferè sex horas: tanto enim temporis intervallo Sol Zodiacum perlustrat. Quater autem sex horæ singulis quaternis annis diem constituent: hinc annus ille intercalaris, Bissextus, vel Bissextilis dicitur.

*De Anni correctione, ejusque necessitate, ac Kalendario Gregoriano.*

**Q**uod dictum est, Annum continere tercentos, & sexaginta quinque dies, & ferè sex horas, intelligendum est, sex horas non esse integras, cum ad earum complementum aliqua minuta deficiant.

Ex quorum minutorum neglectu progressum est, ac si annus ultra dies 355. contineret integras sex horas, & factum est, ut minuta, quæ ultra debitam quantitatem annis singulis tribuebantur, tractu temporis ita excreverint, ut invicem juncta constituerint dies decem, qui causam dederunt, ut Æquinoctium vernum sedem suam mutaverit.

Cui malo occurrens Gregorius XIII. non solum Æquinoctium vernum restituit in pristinam sedem, à qua jam à Concilio Nicæno, decem circiter diebus in anno correctionis 1582. præcedendo recesserat, quod à Concilio xii. Kalend. Aprilis fuerat constitutum; & xiv. Lunam Paschalem suo in loco reposuit; sed viam quoque tradidit, & rationem, qua caveretur, ut in posterum & Æquinoctium vernum, & xiv. Luna Paschalis à propriis sedibus numquam removerentur.

Ut enim Æquinoctium vernum ad xii. Kalendas Aprilis restitueretur, statuit, ut dicti decem dies in mense Octobris ipsius anni 1582. eximerentur, ut post quartam diem Octobris, sancto Francisco sacram sequens dies non esset quinta, sed decima quinta Octobris. Et ita error, qui in præteritum tot annorum circulis irrepsit, in momento temporis fuit correctus.

Ut autem in posterum idem error vitaretur, ne à xii. Kalendas Aprilis Æquinoctium vernum recederet, statuit idem Gregorius, Bissextum quarto quo-

que annum (uti mos est) continuari debere, præterquam in centesimis annis; qui quamvis Bissextiles antea semper fuerint, qualem etiam esse voluit annum 1600. anno correctionis proximum, post eum tamen, qui deinceps consequentur, centesimi non omnes Bissextiles essent, sed in quadringentis quibusque annis primi quique tres centesimi sine Bissextis transigerentur; quartas verò quisque centesimus esset Bissextilis; ita ut annus 1700. 1800. 1900. Bissextiles non sint, anno verò 2000. more consueto dies Bissextus intercaletur, Febuario dies 29. continente; idemque ordo intermittendi intercalandique Bissextum diem in quadringentis quibusque annis perpetuo conservaretur.

*Quatuor Tempora.*

**Q**uatuor Tempora celebrantur quarta, & sexta FERIA, ac Sabbato post tertiam Dominicam Adventus, post primam Dominicam Quadragesimæ, post Dominicam Pentecostes, post festum Exaltationis sanctæ Crucis.

*Nuptiæ quando celebrari non possint juxta Decretum Concilii Tridentini.*

**A** Dominica prima Adventus usque in diem Epiphaniæ, & à FERIA quarta Cinerum usque in Oct. Paschatis inclusivè, sancta Synodus sollemnitates nuptiarum prohibet. In aliis verò temporibus nuptias sollemniter celebrari permittit.

*De Cyclo Decennovennali Aurei Numeri.*

**C**yclo decennovennalis Aurei numeri est revolutio numeri 19. annorum ab 1. usque ad 19. qua revoluzione peracta, iterum ad unitatem reditur. Verbi gratia: Anno 1577. numerus Cyclo decennovennalis, qui dicitur Aureus, est 1. anno sequenti 1578. est 2. & ita deinceps in sequentibus annis, uno semper amplius usque ad 19. qui Aureus numerus cadet in annum 1595. post quem iterum ad unitatem redeundum est, ita ut anno 1596. Aureus numerus sit rursus 1. & anno 1597. sit 2. &c.

Igitur ut Aureus numerus quolibet anno



anno proposito inveniatur, composita est sequens tabella Aureorum numerorum, cujus usus incipit ab anno correctionis 1582. inclusive, duratque in perpetuum. Ex ea enim Aureus numerus cujusslibet anni post annum 1582. reperietur hoc modo.

6.	7.	8.	9.	10.	11.	12.	13.	14.	
15.	16.	17.	18.	19.	1.	2.	3.	4.	5.

Anno 1582. tribuatur primus numerus tabellæ, qui est 6. secundus autem, qui est 7. sequenti anno 1583. & ita deinceps in infinitum, donec ad annum, cujus Aureum numerum quæris, perveniat, redeundo ad principium tabellæ, quotiescumque eam percurreris. Nam numerus, in quem annus propositus cadit, dabit Aureum numerum quæsitum.

#### De Epactis, & Noviluniis.

**E**Pacta nihil aliud est, quam numerus dierum, quibus annus Solaris communis dierum 365. annum communem Lunarem dierum 354. superat: ita ut Epacta primi anni sit 11. cum hoc numero annis Solaris communis Lunarem annum communem excedat; atque adeo sequenti anno Novilunia contingant 11. diebus prius, quam anno primo. Ex quo fit, Epactam secundi anni esse 22. cum eo anno rursus annus Solaris Lunarem annum superet 11. diebus, qui additi ad 11. dies primi anni, efficiunt 22. ac proinde finito hoc anno, Novilunia contingere 22. diebus prius, quam primo anno: Epactam autem tertii anni esse 3. quia si rursus 11. dies ad 22. adjiciantur, efficietur numerus 33. à quo si rejiciantur 30. dies, qui unam Lunationem Embolismalem constituunt, relinquentur 3. atque ita deinceps. Progrediuntur enim Epactæ omnes per continuum augmentum 11. dierum, abjectis tamen 30. quando rejici possunt. Solùm quando perventum erit ad ultimam Epactam Aureo numero 19. respondentem, quæ est 29. adduntur 12. ut abjectis 30. ex composito num. 41. habeatur rursus Epacta 11. ut in principio. Quod idem fit, ut ultima Lunatio Embolismica, currente Aureo num. 19. sit tantùm 29. dierum. Si enim 30. dies contineret, ut aliæ sex Lunationes Embolismicæ, non redirent Novilunia post 19. annos Solares ad eodem dies, sed versus calcem mensium prolaberentur, contingerentque uno die tardiùs quam ante 19. annos. De qua re plura invenies in libro novæ rationis

restituendi Kalendarii Romani. Sunt autem novemdecim Epactæ, quot & Aurei numeri, respondebantque ipsis Aureis numeris ante Kalendarii correctionem, eo modo, quo in hac tabella dispositæ sunt.

#### Tabella Epactarum respondentium Aureis numeris ante Kalendarii correctionem.

---

Aur. num.	1.	2.	3.	4.	5.	6.
Epactæ.	xi.	xxii.	iii.	xiv.	xxv.	vi.

---

7.	8.	9.	10.	11.	12.	13.
xvii.	xxviii.	ix.	xx.	i.	xii.	xxiii.

---

14.	15.	16.	17.	18.	19.
iv.	xv.	xxvi.	vii.	xviii.	xxix.

---

Quia verò cyclus decennovennalis Aurei numeri imperfectus est; cum Novilunia post 19. annos Solares non præcisè ad eadem loca redeant, ut dictum est, imperfectus etiam erit hic cyclus 19. Epactarum. Quamobrem ita emendatus est, ut in posterum loco Aurei numeri, & dictarum 19. Epactarum, utamur 30. numeris Epactalibus ab 1. usque ad 30. ordine progredientibus, quamvis ultima Epacta, sive quæ ordine est trigesima, notata numero non sit, sed signo \*; propterea quod nulla Epacta esse possit 30. Variis autem temporibus ex his 30. Epactis respondent decem & novem Aureis numeris variæ decem & novem Epactæ, prout Solaris anni, ac Lunaris æquatio exposuit: quæ quidem decem & novem Epactæ progrediuntur, ut olim, per eundem numerum 11. addunturque semper 12. illi Epactæ, quæ respondet Aureo num. 19. ut habeatur sequens Epacta respondens Aureo numero 1. ob rationem paulò antè dictam. Id quod sequens tabella perspicuum faciet, quæ continet Aureos numeros, & Epactas inter se respondentes ab anno 1700. inclusive usque ad annum 1900. exclusive. Quamvis autem vulgares Epactæ murentur in Martio, re ipsa tamen in principio anni mutandæ sunt, unâ cum Aureo numero, in cujus locum hæ nostræ Epactæ succedunt.

#### Alia Tabella Epactarum respondentium Aureis numeris ab Anno 1700. inclusive, usque ad annum 1900. exclusive.

---

Aur. num.	10.	11.	12.	13.	14.	15.
Epact.	ix.	xx.	i.	xii.	xxiii.	iv.

---

16.	17.	18.	19.	1.	2.	3.
xv.	xxvi.	vii.	xviii.	*	xi.	xxii.

---

4.	5.	6.	7.	8.	9.
iii.	xiv.	xxv.	vi.	xvii.	xxviii.

---



Itaque si Epacta quocumque anno proposito invenienda sit, querendus est Aureus numerus illius anni in superiori ordine illius tabellæ, quæ illi temporis, in quo propositus annus continetur, congruit. Mox enim sub Aureo numero in inferiori ordine tabellæ reperietur Epacta anni propositi, vel certè hoc signum \*. Ubi ergo illa Epacta, vel signum \* in Kalendario inventum fuerit, eo die Novilunium fiet. Invenietur autem Aureus numerus, vel ex antecedente canone, vel ex tabella Epactarum proposito temporis congruente, tribuendo primum Aureum numerum illius tabellæ illi anno, à quo usus tabellæ incipit, & secundum Aureum numerum sequenti anno, &c. Eodem modo reperietur Epacta sine Aureo numero, si prima Epacta tabellæ tribuatur illi anno, à quo ejus usus incipit, & secunda Epacta sequenti anno, &c.

Exemplum. Anno 1700. Aureus numerus est 10. nempe primus primæ tabellæ. Erit ergo tunc Epacta ix. quæ sub Aureo numero 10. collocatur: fietque Novilunium die 22. Januarii, 20. Februarii, 22. Martii. Item anno 1701. Aureus numerus est 11. cui in eadem tabella supposita est Epacta xx. quæ toto eo anno in Kalendario Novilunium indicabit: ut in Januario die 11. in Februario die 9. in Martio die 11. &c.

*Tabella litterarum Dominicalium ab anno 1700. inclusive usque ad annum 1800. exclusive.*

d	b	A	g	f	d	c	b	A	f	e	d	c
c				e				g				b
A	g	f	e	c	b	A	g	e	d	c	b	g
			d				f			A		f

Usus hujus Tabellæ hic est, Anno 1700. tribuatur unica littera inferior c, primæ cellulæ, relicta littera d, superiori, quia annus ille 1700. non est Bissextilis, sed communis, & littera d, fuit Dominicalis præcedenti anno 1699. Anno sequenti 1701. tribuatur littera b, secundæ cellulæ, &c. Item anno 1704. tribuantur geminæ litteræ f, e, quintæ cellulæ, & sic deinceps aliis annis per ordinem aliæ cellulæ tribuantur, donec ad Annum propositum pervenias: redeundo ad principium Tabellæ, quotiescumque eam percurreris: nam cellula, in quam annus propositus cadet, dummodò minor sit, quam annus 1800. dabit litteram Dominicalem propositi an-

ni: quæ si unica occurrerit, annus erit communis; si verò duplex, Bissextilis: & tunc superior littera Dominicam diem indicabit in Kalendario à principio anni usque ad festum S. Mathiæ Apostoli; inferior autem ab hoc festo, usque ad finem Anni.

### De Indictione.

**I**ndictio est revolutio 15. annorum ab 1. usque ad 15. qua revolutione peracta, iterum reditur ad unitatem, initiumque sumit quilibet annus hujus cycli à Januario in Bullis Pontificiis. Et quoniam Indictionum frequens usus est in Diplommatibus, & scripturis publicis, facile annum Indictionis currentem quolibet anno proposito inveniemus ex sequenti tabella, cujus usus perpetuus est: initium tamen sumit ab anno correctionis 1582.

*Tabella Indictionis ab anno correctionis 1582.*

10.	11.	12.	13.	14.	15.	1.
2.	3.	4.	5.	6.	7.	8.

Nam si anno 1582. tribuas primum numerum, qui est 10. & sequenti anno 1583. secundum numerum, qui est 11. & sic deinceps usque ad annum propositum, redeundo ad principium tabellæ, quotiescumque eam percurreris, cadet annus propositus in Indictionem, quæ queritur.

### De Festis mobilibus.

**Q**uoniam ex Decreto sacri Concilii Nicæni Pascha, ex quo reliqua Festa mobilia pendent, celebrari debet die Dominico, qui proximè succedit xiv. Lunæ primi mensis, (is verò apud Hebræos vocatur primus mensis, cujus xiv. Luna vel cadit in diem verni Æquinoctii, quod die 21. mensis Martii contingit, vel propius ipsum sequitur) efficitur, ut si Epacta cujusvis anni inveniatur, & ab ea in Kalendario notata inter diem octavum Martii inclusive, & quatum Aprilis inclusive (hujus enim Epactæ xiv. Luna cadit vel in diem Æquinoctii verni, id est, in diem 21. Martii, vel eum propius sequitur) numerentur inclusive deorsum versus dies quatuordecim, proximus dies Dominicus diem hunc xiv. sequens (ne cum Judæis conveniamus, si fortè dies xiv. Lunæ caderet in diem Dominicum) sit dies Paschæ.



Exemplum. Anno 1605. Epacta est x. & littera Dominicalis b. Et quoniam invenimus Epactam x. inter diem 8. Martii, & 5. Aprilis inclusivè positam esse è regione diei 21. Martii, à quo inclusivè, si deorsum versus numerentur 14. dies, inveniemus xiv. Lunam die 3. Aprilis, quæ est Dominica, cum è regione illius sit littera Dominicalis b. Ne igitur cum Judæis conveniamus, qui Pascha celebrant die xiv. Lunæ, sumenda est littera Dominicalis b, quæ sequitur xiv. Lunam, nempe ea quæ è regione diei 10. Aprilis collocatur; atque eo anno Pascha celebrandum erit die 10. Aprilis. Item anno 1604. Epacta est xxix. & duplex littera Dominicalis d, c, cum annus ille sit Bissextilis. Si igitur ab Epacta xxix. quæ è regione diei 1. Aprilis ponitur inter diem 8. Martii, & 5. Aprilis inclusivè, numerentur dies 14. cadet xiv. Luna in diem 4. Aprilis. Et quia tunc currit posterior littera Dominicalis, nempe c, quæ post diem 14. Aprilis, id est, post xiv. Lunam collocata est è regione die 18. Aprilis, celebrabitur eo anno Pascha die 18. Aprilis.

Ceterum ut facilius omnia Festa mobilia inveniantur, compositæ sunt duæ sequentes Tabulæ Paschales, una antiqua, & nova altera. Ex antiqua ita Festa mobilia reperientur. In latere sinistro tabulæ accipiat Epacta currens, & in linea litterarum Dominicalium sumatur littera Dominicalis currens, infra tamen Epactam currentem, ita ut si littera Dominicalis currens reperiatur è regione Epactæ currentis, assumenda sit eadem littera Dominicalis proximè inferior. Nam è regione hujus litteræ Dominicalis omnia Festa Mobilia continentur.

Exemplum. Anno 1706. Epacta est xv. & littera Dominicalis c. Si igitur in Tabula antiqua sumatur littera Dominicalis c, quæ primò infra Epactam xv. occurrit, reperietur è regione hujus litteræ Dominica Septuagesimæ die 31. Januarii, dies Cinerum 17. Februarii, Pascha 4. Aprilis, Ascensio Domini 13. Maii, Pentecostes 23. Maii, & Festum Corporis Christi 3. Maii. Dominicæ autem inter Pentecosten, & Adventum eo anno erunt 26. & Adventus celebrabitur die 28. Novembris; & sic de ceteris. Item anno 1710. Epacta est \*, & littera Dominicalis e, quæ in tabula reperietur è regione Epactæ \*. Quare sumenda est alia littera e, quæ proximè infra Epactam invenitur, è regione cujus invenies Septuagesimam die 16. Fe-

bruarii, diem Cinerum 5. Martii, & Pascha 20. Aprilis, &c.

Notandum autem est, quòd quemadmodum in anno communi, cadente littera Dominicali è regione Epactæ in tabula antiqua, sumitur eadem littera proxima infra Epactam, ut diximus: ita quoque in anno Bissextili, si alterutra duarum litterarum Dominicalium tunc currentium è regione Epactæ reperiatur, assumendæ sunt aliæ duæ similes litteræ proximè inferiores, ut Festa Mobilia inveniantur.

Ex tabula verò Paschali nova ita eadem Festa mobilia reperientur. In cellula litteræ Dominicalis currentis quæ-ratur Epacta currens. Nam è directo omnia Festa mobilia deprehenduntur. Ut anno 1609. in cellula litteræ Dominicalis d, tunc currentis è regione Epactæ xxiv. quæ eodem anno currit, habetur Septuages. die 15. Februarii, die Cinerum 4. Martii, Pascha 19. Aprilis, &c.

Sed sive antiqua, sive nova tabula Paschali utamur, invenienda sunt omnia Festa Mobilia in annis Bissextilibus per litteram Dominicalem posteriorem, quæ nimirum currit post Festum sancti Mathiæ Apostoli, ne scilicet ambigamus, utra duarum litterarum pro hoc, aut illo Festo indagando accipienda sit: ita tamen, ut Septuagesimæ, & diei Cinerum inventæ in Januario, aut Febuario addatur unus dies. Quod idè fit, quia ante diem sancti Mathiæ currit prior littera Dominicalis, quæ in Calendario posteriorem semper sequitur: post festum autem sancti Mathiæ in Febuario, licet posterior littera currat, additur tamen tunc dies intercalaris, ita ut dies 24. Februarii dicatur 25. & dies 25. dicatur 26. &c. Quòd si dies Cinerum cadat in Martium, nihil addendum est, quia tunc & littera posterior currit, & dies mensis propriis numeris respondent, cum dies intercalaris Febuario sit additus. Imò nisi per posteriorem litteram investigaverentur, non inveniretur recte Septuag. in anno Bissextili currente Epacta xxiv. vel xxv. & litteræ Dominicales, d, c, ut in secundo ac tertio exemplo perspicuum fiet pro annis 4088. & 3784. Exempli gratia: Anno 2096. Bissextili Epacta erit v. & litteræ Dominicales A. g. Si igitur per posteriorem litteram, quæ est g, Festa mobilia investigentur, reperietur Septuages. die 11. Februarii, & dies Cinerum 28. Februarii. Si autem addatur unus dies, cadet Septuages. in diem 12. Februarii,



bruarii, quæ est Dominica, & dies Cinerum in diem 29. Februarii, quæ est FERIA IV. Pascha autem, & reliqua Festa in eos dies cadent, qui in Tabula expressi sunt. Item anno 4088. Bissextili Epacta erit xxiv. & litteræ Dominicales d, c. Si igitur per litteram c, quæ posterior est, inquirentur Festa mobilia, invenietur Septuagesima die 21. Februarii, & si addatur unus dies, cadet in diem 22. Februarii quæ est Dominica. Dies autem Cinerum cadet in diem 10. Martii: quare nihil additur, &c. Rursus anno 3784. Bissextili Epacta erit xxv. & litteræ Dominicales d, c. Ergo iterum per posteriorem c, reperietur Septuag. die 21. Februarii hoc est, addita 1. die 22. Quod si per priorem litteram d, in utroque horum duorum annorum agendum esset, nihil efficeretur, cum infra Epactas xxiv. vel. xxv. littera d, indicet Septuages. die 15. Februarii quod falsum esset, cum eo anno posterior littera c, Pascha offerat die 25. Aprilis, ac proinde Septuages. die 22. Februarii celebranda sit, ut liquido constat, si à die Paschæ, Dominicæ retrò numerentur usque ad Septuagesimam.

In priori porrò Tabula Paschali antiqua reformata, Epactis ad sinistram præposuimus Aureos numeros eodem ordine, quo ante emendationem Kalendarii collocari solebant, ut ex iis Festa Mobilia invenirentur. Hoc au-

tem idcirco à nobis factum est, ut Pascha, cæteraque Festa Mobilia, à Concilio Nicæno usque ad annum 1582. quilibet indagare possit. Eodem autem prorsus artificio ex Aureis numeris ita distributis Festa Mobilia eruuntur, quo ex Epactis. Sit enim explorandum, exempli causa, quando festa hæc celebrata fuerint anno 1450. Quoniam eo anno Aureus numerus fuit 7. & littera Dominicalis d, si Aureus numerus 7. in sinistro latere accipiat, & prima littera d, infra sum occurrens, reperietur è regione hujus litteræ d, Septuagesima die 1. Februarii, dies Cinerum 18. Februarii, Pascha die 5. Aprilis, &c.

Adventus Domini celebratur semper die Dominico, qui propinquior est festo S. Andreæ Apostoli, nempe à die 27. Novembris inclusivè, usque ad diem 3. Decembris inclusivè, ita ut littera Dominicalis currens, quæ reperitur in Kalendario à die 27. Novembris, usque ad diem 3. Decembris, indicet Dominicam Advent. Ut verbi gratia, si littera Dominicalis est g, Dominica Advent. cadet in diem 2. Decembris, quia ibi est littera g, in Kalendario, &c.

Ad finem tandem Tabularum Paschaliū apposita est Tabula temporaria multorum annorum, è regione quorum omnia Festa mobiliaveniuntur: quæ quidem Tabula ex Tabulis Paschalibus excerpta est, ex quibus infinitæ aliæ erui possunt pro quibuscumque annis.





# TABULA PASCHALIS

## ANTIQUA REFORMATA.

Aur. Num.	Cyclus Epactarum.	Litt. Do- mi- nic.	Sep- tua- ges.	Dies Cin.	Pas- cha.	Ascen- sio.	Pen- tec.	Cor- pus Chr.	Domi- nica post Pentec.	Domi- nica prima Adv.
16 5 13 2		23 22 21 20 19	d e f g	Jan. 18 19 20 21	Feb. 4 5 6 7	Mar. 22 23 24 25	Apr. 30 1. Ma. 2 3	Maï. 10 11 12 13	Maï. 21 22 23 24	28 28 28 28
10 18 7		18 17 16 15 14	A b c d e	22 23 24 25 26	8 9 10 11 12	26 27 28 29 30	4 5 6 7 8	14 15 16 17 18	25 26 27 28 29	28 27 27 27 27
5 4 12		13 12 11 10 9	f g A b c	27 28 29 30 31	13 14 15 16 17	31 1. A. 2 3 4	9 10 11 12 13	19 20 21 22 23	30 31 1. Ju. 2 3	27 27 27 26 26
9 17		8 7 6 5 4	d e f g A	1. P. 2 3 4 5	18 19 20 21 22	5 6 7 8 9	14 15 16 17 18	24 25 26 27 28	4 5 6 7 8	26 26 26 26 26
6 14 3		3 2 1 *	b c d e f	6 7 8 9 10	23 24 25 26 27	10 11 12 13 14	19 20 21 22 23	29 30 31 1. Ju. 2	9 10 11 12 13	25 25 25 25 25
11 19 8	25. XXV.	28 27 26 24	g A b c d	11 12 13 14 15	28 1. M. 2 3 4	15 16 17 18 19	24 25 26 27 28	3 4 5 6 7	14 15 16 17 18	25 25 24 24 24
			e f g A b c	16 17 18 19 20 21	5 6 7 8 9 10	20 21 22 23 24 25	29 30 31 1. Jun. 2 3	8 9 10 11 12 13	19 20 21 22 23 24	24 24 24 24 23 23
										30. 1. D. 2. 3. 27. N. 28. 29.



TABULA PASCHALIS

Lit.Domi- nicales.	Cyclus Epactarum.	Septuage- fima.	Dies Ciner.
D	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. *. 29. 28. 27. 26. xxv. 25. 24.	18. Jan. 25. Jan. 1. Feb. 8. Feb. 15. Feb.	4. Feb. 11. Feb. 18. Feb. 25. Feb. 4. Mar.
E	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. *. 29. 28. 27. 26. xxv. 25. 24.	19. Jan. 26. Jan. 2. Feb. 9. Feb. 16. Feb.	5. Feb. 12. Feb. 19. Feb. 26. Feb. 5. Mar.
F	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. *. 29. 28. 27. 26. xxv. 25. 24.	20. Jan. 27. Jan. 3. Feb. 10. Feb. 17. Feb.	6. Feb. 13. Feb. 20. Feb. 27. Feb. 6. Mar.
G	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. *. 29. 28. 27. 26. xxv. 25. 24.	21. Jan. 28. Jan. 4. Feb. 11. Feb. 18. Feb.	7. Feb. 14. Feb. 21. Feb. 28. Feb. 7. Mar.
A	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. *. 29. 28. 27. 26. xxv. 25. 24.	22. Jan. 29. Jan. 5. Feb. 12. Feb. 19. Feb.	8. Feb. 15. Feb. 22. Feb. 1. Mar. 8. Mar.
B	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. *. 29. 28. 27. 26. xxv. 25. 24.	23. Jan. 30. Jan. 6. Feb. 13. Feb. 20. Feb.	9. Feb. 16. Feb. 23. Feb. 2. Mar. 9. Mar.
C	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. *. 29. 28. 27. 26. xxv. 25. 24.	24. Jan. 31. Jan. 7. Feb. 14. Feb. 21. Feb.	10. Feb. 17. Feb. 24. Feb. 3. Mar. 10. Mar.



# NOVA REFORMATATA.

Pascha.	Ascensio.	Pentecostes.	Corpus Christi.	Dom. post Pentec.	Dom. i. Advent.
22. Mar.	30. Apr.	10. Maii	21. Maii	28	29. No.
29. Mar.	7. Maii	17. Maii	28. Maii	27	29
5. Apr.	14. Maii	24. Maii	4. Jun.	26	29
12. Apr.	21. Maii	31. Maii	11. Jun.	25	29
19. Apr.	28. Maii	7. Jun.	18. Jun.	24	29
23. Mar.	1. Maii	11. Maii	22. Maii	28	30. No.
30. Mar.	8. Maii	18. Maii	29. Maii	27	30
6. Apr.	15. Maii	25. Maii	5. Jun.	26	30
13. Apr.	22. Maii	1. Jun.	12. Jun.	25	30
20. Apr.	29. Maii	8. Jun.	19. Jun.	24	30
24. Mar.	2. Maii	12. Maii	23. Maii	28	1. De.
31. Mar.	9. Maii	19. Maii	30. Maii	27	1
7. Apr.	16. Maii	26. Maii	6. Jun.	26	1
14. Apr.	23. Maii	2. Jun.	13. Jun.	25	1
21. Apr.	30. Maii	9. Jun.	20. Jun.	24	1
25. Mar.	3. Maii	13. Maii	24. Maii	28	2. De.
1. Apr.	10. Maii	20. Maii	31. Maii	27	2
8. Apr.	17. Maii	27. Maii	7. Jun.	26	2
15. Apr.	24. Maii	3. Jun.	14. Jun.	25	2
22. Apr.	31. Maii	10. Jun.	21. Jun.	24	2
26. Mar.	4. Maii	14. Maii	25. Maii	28	3. De.
2. Apr.	11. Maii	21. Maii	1. Jun.	27	3
9. Apr.	18. Maii	28. Maii	8. Jun.	26	3
16. Apr.	25. Maii	4. Jun.	15. Jun.	25	3
23. Apr.	1. Jun.	11. Jun.	22. Jun.	24	3
27. Mar.	5. Maii	15. Maii	26. Maii	27	27. No.
3. Apr.	12. Maii	22. Maii	2. Jun.	26	27
10. Apr.	19. Maii	29. Maii	9. Jun.	25	27
17. Apr.	26. Maii	5. Jun.	16. Jun.	24	27
24. Apr.	2. Jun.	12. Jun.	23. Jun.	23	27
28. Mar.	6. Maii	16. Maii	27. Maii	27	28. No.
4. Apr.	13. Maii	23. Maii	3. Jun.	26	28
11. Apr.	20. Maii	30. Maii	10. Jun.	25	28
18. Apr.	27. Maii	6. Jun.	17. Jun.	24	28
25. Apr.	3. Jun.	13. Jun.	24. Jun.	23	28



# TABELLA TEMPORARIA

Anni Domini.	Litt. Dom.	Aur. num.	Cyclus Epactar.	Septuagesima.	Dies Cinerum.	PASCHA.
1796	c b	11	xx	24. Jan.	10. Feb.	27. Mar.
1797	A	12	i	12. Feb.	1. Mar.	16. Apr.
1798	g	13	xii	4. Feb.	21. Feb.	8. Apr.
1799	f	14	xxiii	20. Jan.	6. Feb.	24. Mar.
1800	e	15	iv	9. Feb.	26. Feb.	13. Apr.
1801	d	16	xv	1. Feb.	18. Feb.	5. Apr.
1802	c	17	xxvi	14. Feb.	3. Mar.	18. Apr.
1803	b	18	vii	6. Feb.	23. Feb.	10. Apr.
1804	A g	19	xviii	29. Jan.	15. Feb.	1. Apr.
1805	f	1	*	10. Feb.	27. Feb.	14. Apr.
1806	e	2	xi	2. Feb.	19. Feb.	6. Apr.
1807	d	3	xxii	25. Jan.	11. Feb.	29. Mar.
1808	c b	4	iii	14. Feb.	2. Mar.	17. Apr.
1809	A	5	xiv	29. Jan.	15. Feb.	2. Apr.
1810	g	6	xxv	18. Feb.	7. Mar.	22. Apr.
1811	f	7	vi	10. Feb.	27. Feb.	14. Apr.
1812	e d	8	xvii	26. Jan.	12. Feb.	29. Mar.
1813	c	9	xxviii	14. Feb.	3. Mar.	18. Apr.
1814	b	10	ix	6. Feb.	23. Feb.	10. Apr.
1815	A	11	xx	22. Jan.	8. Feb.	26. Mar.
1816	g f	12	i	11. Feb.	28. Feb.	14. Apr.
1817	e	13	xii	2. Feb.	19. Feb.	6. Apr.
1818	d	14	xxiii	18. Jan.	4. Feb.	22. Mar.
1819	c	15	iv	7. Feb.	24. Feb.	11. Apr.
1820	b A	16	xv	30. Jan.	16. Feb.	2. Apr.
1821	g	17	xxvi	18. Feb.	7. Mar.	22. Apr.
1822	f	18	vii	3. Feb.	20. Feb.	7. Apr.
1823	e	19	xviii	26. Jan.	12. Feb.	30. Mar.
1824	d c	1	*	15. Feb.	3. Mar.	18. Apr.
1825	b	2	xi	30. Jan.	16. Feb.	3. Apr.
1826	A	3	xxii	22. Jan.	8. Feb.	26. Mar.
1827	g	4	iii	11. Feb.	28. Feb.	15. Apr.



# FESTORUM MOBILIU.

Anni Domini.	Ascensio.	Pentecostes.	Corporis Christi.	Indictio.	Dom. post Pent.	Dom. i. Advent.
1796	5. Maii	15. Maii	26. Maii	14	27	27. Nov.
1797	25. Maii	4. Jun.	15. Jun.	15	25	3. Dec.
1798	17. Maii	27. Maii	7. Jun.	1	26	2. Dec.
1799	2. Maii	12. Maii	23. Maii	2	28	1. Dec.
1800	22. Maii	1. Jun.	12. Jun.	3	25	30. Nov.
1801	14. Maii	24. Maii	4. Jun.	4	26	29. Nov.
1802	27. Maii	6. Jun.	17. Jun.	5	24	28. Nov.
1803	19. Maii	29. Maji	9. Jun.	6	25	27. Nov.
1804	10. Maii	20. Maii	31. Maii	7	27	2. Dec.
1805	23. Maii	2. Jun.	13. Jun.	8	25	1. Dec.
1806	15. Maii	25. Maii	5. Jun.	9	26	30. Nov.
1807	7. Maii	17. Maii	28. Maii	10	27	29. Nov.
1808	26. Maii	5. Jun.	16. Jun.	11	24	27. Nov.
1809	11. Maii	21. Maii	1. Jun.	12	27	3. Dec.
1810	31. Maii	10. Jun.	21. Jun.	13	24	2. Dec.
1811	23. Maii	2. Jun.	13. Jun.	14	25	1. Dec.
1812	7. Maii	17. Maii	28. Maii	15	27	29. Nov.
1813	27. Maii	6. Jun.	17. Jun.	1	24	28. Nov.
1814	19. Maii	29. Maii	9. Jun.	2	25	27. Nov.
1815	4. Maii	14. Maii	25. Maii	3	28	3. Dec.
1816	23. Maii	2. Jun.	13. Jun.	4	25	1. Dec.
1817	15. Maii	25. Maii	5. Jun.	5	26	30. Nov.
1818	30. Apr.	10. Maii	21. Maii	6	28	29. Nov.
1819	20. Maii	30. Maii	10. Jun.	7	25	28. Nov.
1820	11. Maii	21. Maii	1. Jun.	8	27	3. Dec.
1821	31. Maii	10. Jun.	21. Jun.	9	24	2. Dec.
1822	17. Maii	27. Maii	7. Jun.	10	26	1. Dec.
1823	8. Maii	18. Maii	29. Maii	11	27	30. Nov.
1824	27. Maii	6. Jun.	17. Jun.	12	24	28. Nov.
1825	12. Maii	22. Maii	2. Jun.	13	26	27. Nov.
1826	4. Maii	14. Maii	25. Maii	14	28	3. Dec.
1827	22. Maii	1. Jun.	12. Jun.	15	25	2. Dec.



# JANUARIUS.

Cyclus Epact.	L. D.		D. M.	
*	A	Kal.	1	CIRCUMCISIO DOMINI, <i>duplex</i> .
xxix	b	iv	2	Oct. S. Stephani, <i>dupl.</i> cum commemor. Oct. S. Joannis Apost. & SS. Innocentium.
xxviii	c	iii	3	Oct. S. Joannis, <i>duplex</i> , cum commem. Oct. SS. Innocentium.
xxvii	d	Prid.	4	Octava SS. Innocentium, <i>dupl.</i>
xxvi	e	Non.	5	Vigilia Epiphaniæ, <i>semid.</i> & commemor. S. Telesphori Papæ & mart.
25. xxv.	f	viii	6	EPIPHANIA DOMINI, <i>dupl.</i>
xxiv	g	vii	7	De Octava Epiphaniæ.
xxiii	A	vi	8	De Octava.
xxii	b	v	9	De Octava.
xxi	c	iv	10	De Octava.
xx	d	iii	11	De Octava, & commemor. S. Hygini Papæ & martyris.
xix	e	Prid.	12	De Octava.
xviii	f	Idib.	13	Octava Epiphaniæ, <i>dupl.</i> Dominica secunda post Epiphaniam, festum SS. Nominis Jesu, <i>duplex secundæ Classis</i> , cum commemor. Dominicæ.
xvii	g	xix	14	Hilarii Episc. & Conf. <i>semid.</i> cum commemor. S. Felicis Presbyteri & mart.
xvi	A	xviii	15	Pauli primi Eremitæ Confess. <i>duplex</i> , cum commemor. S. Mauri Abbatis.
xv	b	xvii	16	Marcelli Papæ & mart. <i>semiduplex</i> .
xiv	c	xvi	17	Antonii Abbatis, <i>duplex</i> .
xiii	d	xv	18	Cathedra S. Petri Romæ, <i>duplex</i> . & commemor. S. Priscæ virginis & mart.
xii	e	xiv	19	Canuti mart. <i>semidupl.</i> ad libitum, cum commemor. SS. martyr. Marii, Marthæ, Audifacis, & Abachum.
xi	f	xiii	20	Fabiani, & Sebastiani mart. <i>dupl.</i>
x	g	xii	21	Agnetis virginis & mart. <i>dupl.</i>
ix	A	xi	22	Vincentii & Anastasii mart. <i>semiduplex</i> .
viii	b	x	23	Desponsatio B. V. Mariæ, <i>duplex</i> , cum commemor. S. Emerentianæ virginis & mart.
vii	c	ix	24	Timothei Episcopi & mart. <i>semiduplex</i> .
vi	d	viii	25	Conversio S. Pauli Apostoli, <i>duplex</i> .
v	e	vii	26	Polycarpi Episcopi & martyris, <i>semiduplex</i> .
iv	f	vi	27	Joannis Chrysostomi Episc. & Conf. <i>duplex</i> .
iii	g	v	28	Agnetis secundò.
ii	A	iv	29	Francisci Salesii Episc. & Conf. <i>duplex</i> .
i	b	iii	30	Martinæ virg. & mart. <i>semiduplex</i> .
*	c	Prid.	31	Petri Nolasco Confess. <i>duplex</i> .

FEBRUARIUS.



# F E B R U A R I U S.

Cyclus Epact.	L. D.	D. M.	
xxix	d	Kal.	1 Ignatii Episcopi & mart. <i>semidupl.</i>
xxviii	e	iv	2 PURIFICATIO B. MARIE VIRGINIS, <i>dupl.</i>
xxvii	f	iii	3 Blasii Episcopi & mart.
25. xxvi	g	Prid.	4 Andreæ Corsini Episc. & Confess. <i>dupl.</i>
xxv. xxiv	A	Non.	5 Agathæ virginis & martyr. <i>dupl.</i>
xxiii	b	viii	6 Dorotheæ virg. & mart.
xxii	c	vii	7 Romualdi Abbatis, <i>dupl.</i>
xxi	d	vi	8 Joannis de Matha Confess. <i>dupl.</i>
xx	e	v	9 Apolloniæ virg. & mart.
xix	f	iv	10 Scholasticæ virg. & mart. <i>dupl.</i>
xviii	g	iii	11 Raymundi de Pennafort Conf. <i>semid.</i>
xvii	A	Prid.	12
xvi	b	Idib.	13
xv	c	xvi	14 Valentini Presbyteri & mart.
xiv	d	xv	15 Faustini & Jovitæ mart.
xiii	e	xiv	16
xii	f	xiii	17
xi	g	xii	18 Simeonis Episc. & mart.
x	A	xi	19
ix	b	x	20
viii	c	ix	21
vii	d	viii	22 Cathedra S. Petri Antiochiæ, <i>dupl.</i>
vi	e	vii	23 Vigilia.
v	f	vi	24 Mathiæ Apostoli, <i>dupl.</i>
iv	g	v	25
iii	A	iv	26
ii	b	iii	27
i	c	Prid.	28

In Anno Bissextili Februarius est dierum 29. & Festum S. Mathiæ celebratur 25. Februarii, & bis dicitur, sexto Kalendas, idest, die 24. & die 25. & littera Dominicalis, quæ assumpta fuit in mense Januario, mutatur in præcedentem : ut si in Januario, littera Dominicalis fuit A, mutatur in præcedentem, quæ est g, &c. & littera f, bis servit, 24. & 25.



# M A R T I U S.

Cyclus Epact.	L. D.	D. M.	
*	d	Kal.	1
xxix	e	vi	2
xxviii	f	v	3
xxvii	g	iv	4
			Casimiri Confess. <i>semid.</i> & commem. S. Lucii Papæ & mart.
xxvi	A	iii	5
25. xxv	b	Prid.	6
xxiv	c	Non.	7
			Thomæ de Aquino Confess. & Ecclesiæ Doctoris, <i>duplex</i> , & commemor. SS. Perpetuæ & Felicitatis mart.
xxiii	d	viii	8
xxii	e	vii	9
xxi	f	vi	10
xx	g	v	11
xix	A	iv	12
			Gregorii Papæ & Confessoris, & Ecclesiæ Doctoris, <i>duplex</i> .
xviii	b	iii	13
xvii	c	Prid.	14
xvi	d	Idib.	15
xv	e	xvii	16
xiv	f	xvi	17
xiii	g	xv	18
xii	A	xiv	19
xi	b	xiii	20
x	c	xii	21
ix	d	xi	22
viii	e	x	23
vii	f	ix	24
vi	g	viii	25
v	A	vii	26
iv	b	vi	27
iii	c	v	28
ii	d	iv	29
i	e	iii	30
*	f	Prid.	31

Missa de Septem Doloribus B. M. V. cujus Festum celebratur Feria vi.  
post Dominicam Passionis, sub ritu Duplici majore de præcepto.

APRILIS.



# A P R I L I S.

Cyclus Epact.	L. D.	D. M.	
xxix	g	Kal.	1
xxviii	A	iv	2 Francisci de Paula Confess. <i>dupl.</i>
xxvii	b	iii	3
25. xxvi	c	Prid.	4 Isidori Episc. & Confess. <i>dupl.</i>
xxv. xxiv	d	Non.	5 Vincentii Ferrerii Confess. <i>dupl.</i>
xxiii	e	viii	6
xxii	f	vii	7
xxi	g	vi	8
xx	A	v	9
xix	b	iv	10
xviii	c	iii	11 Leonis Papæ & Confessoris, <i>dupl.</i>
xvii	d	Prid.	12
xvi	e	Idib.	13 Hermenegildi Regis & mart. <i>semidupl.</i>
xv	f	xviii	14 Tiburtii, Valeriani, & Maximi martyrum.
xiv	g	xvii	15
xiii	A	xvi	16
xii	b	xv	17 Aniceti Papæ & martyr.
xi	c	xiv	18
x	d	xiii	19
ix	e	xii	20
viii	f	xi	21 Anselmi Episcopi & Confess. <i>dupl.</i>
vii	g	x	22 Soteris & Caii Pontificum & mart. <i>semidupl.</i>
vi	A	ix	23 Georgii martyr. <i>semidupl.</i>
v	b	viii	24 Fidelis a Sigmaringa mart. <i>dupl.</i>
iv	c	vii	25 Marci Evangelistæ, <i>dupl.</i>
iii	d	vi	26 Cleti & Marcellini Pontif. & mart. <i>semidupl.</i>
ii	e	v	27
i	f	iv	28 Vitalis martyr.
*	g	iii	29 Petri martyr, <i>dupl.</i>
xxix	A	Prid.	30 Catharinæ Senensis virginis, <i>dupl.</i>

Missa de Patrocinio S. Josephi cuj. Festum celebratur Dominica  
 tertia post Pascha sub ritu duplici. ad Calorem hujus mensis.

MAIUS.



# M A I U S.

Cyclus Epact.	L. D.	D. M.	
xxviii	b	Kal.	1 PHILIPPI & JACOBI Apostolorum, <i>dupl.</i>
xxvii	c	vi	2 Athanasii Episcopi & Confessoris, <i>dupl.</i>
xxvi	d	v	3 INVENTIO S. CRUCIS, <i>duplex</i> , & commem. SS. Alexandri, Eventii, & Theoduli martyrum, ac Juvenalis Episcopi, & Confessoris, in Missis privatis tantum.
25. xxv	e	iv	4 Monicae viduae, <i>dupl.</i>
xxiv	f	iii	5 Pii V. Papae & Confessoris, <i>dupl.</i>
xxiii	g	Prid.	6 Joannis ante portam Latinam, <i>dupl.</i>
xxii	A	Non.	7 Stanislai Episcopi & mart. <i>dupl.</i>
xxi	b	viii	8 Apparitio S. Michaelis Archangeli, <i>dupl.</i>
xx	c	vii	9 Gregorii Nazianzeni Episc. & Confess. <i>dupl.</i>
xix	d	vi	10 Antonini Episcopi & confessoris, <i>semidupl.</i> cum commemor. SS. Gordiani, & Epimachi mart.
xviii	e	v	11
xvii	f	iv	12 Nerei, Achillei, & Domitillae virg. atque Pancratii martyr. <i>semidupl.</i>
xvi	g	iii	13
xv	A	Prid.	14 Bonifacii martyris.
xiv	b	Idib.	15
xiii	c	xvii	16 Joannis Nepomuceni mart. <i>dupl.</i>
xii	d	xvi	17 Paschalis Baylon Confess. <i>dupl.</i>
xi	e	xv	18 Venantii martyris, <i>semidupl.</i>
x	f	xiv	19 Petri Coelestini Papae & Confess. <i>dupl.</i> cum commem. S. Pudentianae virg.
ix	g	xiii	20 Bernardini Senensis Conf. <i>semidupl.</i>
viii	A	xii	21 Ubaldi Episc. & Conf. <i>semidupl.</i>
vii	b	xi	22
vi	c	x	23
v	d	ix	24
iv	e	viii	25 Gregorii Septimi Papae & Conf. <i>dupl.</i> cum commem. S. Urbani Papae & mart.
iii	f	vii	26 Philippi Nerii Confess. <i>dupl.</i> cum commem. S. Eleutherii Papae & mart.
ii	g	vi	27 Mariae Magdalenae de Pazzis virg. <i>semidupl.</i> (Sed in Italia & Insulis adjacentibus tantum, <i>dupl.</i> ) cum commemor. S. Joannis Papae & martyr.
i	A	v	28
*	b	iv	29
xxix	c	iii	30 Felicis Papae & martyris.
xxviii	d	Prid.	31 Petronillae virginis.

JUNIUS.



# J U N I U S.

Cyclus Epact.	L. D.	D. M.	
xxvii	e	Kal.	1
25. xxvi	f	iv	2 Marcellini, Petri, atque Erasmi mart.
xxv. xxiv	g	iii	3
xxiii	A	Prid.	4
xxii	b	Non.	5
xxi	c	viii	6 Norberti Episcopi & Confess. <i>dupl.</i>
xx	d	vii	7
xix	e	vi	8
xviii	f	v	9 Primi & Feliciani martyrum.
xvii	g	iv	10 Margaritæ Scotorum Reginæ, <i>semid.</i>
xvi	A	iii	11 Barnabæ Apostoli, <i>dupl.</i>
xv	b	Prid.	12 Joannis à S. Facundo Confess. <i>dupl.</i> cum commem. SS. Basilidis, Cyrini, Naboris, & Nazarii martyrum.
xiv	c	Idib.	13 Antonii de Padua Confess. <i>dupl.</i>
xiii	d	xviii	14 Basilii Magni Episc. & Conf. <i>dupl.</i>
xii	e	xvii	15 Viti, Modesti, atque Crescentiæ mart.
xi	f	xvi	16
x	g	xv	17
ix	A	xiv	18 Marci & Marcelliani mart.
viii	b	xiii	19 Julianæ de Falconeriis virg. <i>semid.</i> cum commemor. SS. Gervasii & Protasii martyrum.
vii	c	xii	20 Silverii Papæ & martyris.
vi	d	xi	21
v	e	x	22 Paulini Episcopi & Confessoris.
iv	f	ix	23 Vigilia.
iii	g	viii	24 NATIVITAS S. JOANNIS BAPTISTÆ, <i>dupl.</i>
ii	A	vii	25 Gulielmi Abbatis <i>duplex.</i> cum commem. Octavæ Na- tiv. S. Joannis.
i	b	vi	26 Joannis & Pauli mart. <i>dupl.</i> cum commem. Octavæ Nativitatis S. Joannis.
*	c	v	27 De Octava Nativitatis S. Joannis.
xxix	d	iv	28 Leonis Papæ & Confessoris, <i>semid.</i> cum commem. Oc- tavæ, & Vigiliæ.
xxviii	e	iii	29 PETRI & PAULI Apostolorum, <i>dupl.</i>
xxvii	f	Prid.	30 Commemoratione S. Pauli Apostoli, <i>dupl.</i> cum com- mem. Octavæ Nativit. S. Joannis.

JULIUS.



# JULIUS.

Cyclus Epact.	L. D.	D. M.		
xxvi	g	Kal.	1	Oct. S. Joannis Baptistæ, <i>duplex</i> , cum commem. Octavæ Apostolorum.
25. xxv	A	vi	2	Visitatio B. Mariæ Virg. <i>duplex</i> . cum commemor. Octav. Apostol. ac SS. Processi, & Martiniani marty.
xxiv	b	v	3	De Octava Apostolorum, <i>semidupl.</i>
xxiii	c	iv	4	De Octava.
xxii	d	iii	5	De Octava.
xxi	e	Prid.	6	Octava Apostolorum Petri & Pauli, <i>dupl.</i>
xx	f	Non.	7	
xix	g	viii	8	Elisabeth Regina Portugalliæ, viduæ, <i>semidupl.</i>
xviii	A	vii	9	Beatorum Martyrum Gorcomiensium Ord. Minor. <i>dupl.</i>
xvii	b	vi	10	Septem fratrum marty. & SS. Rufinæ ac Secundæ marty. <i>semidupl.</i>
xvi	c	v	11	Pii Papæ & mart.
xv	d	iv	12	Joannis Gualberti Abbatis, <i>dupl.</i> cum commemor. SS. Naboris & Felicis mart.
xiv	e	iii	13	Anacleti Papæ & mart. <i>semidupl.</i>
xiii	f	Prid.	14	Bonaventuræ Episcopi & Confess. & Ecclesiæ Doctoris, <i>dupl.</i>
xii	g	Idib.	15	Henrici Confess. <i>semidupl.</i>
xi	A	xvii	16	B. V. M. de Monte Carmelo, <i>dupl.</i>
x	b	xvi	17	Alexii Confessoris, <i>semidupl.</i>
ix	c	xv	18	Camilli de Lellis Conf. <i>dupl.</i> cum commemor. S. Symphorose cum Septem Filiis Martyrib.
viii	d	xiv	19	Vincentii à Paulo Conf. <i>semidupl.</i>
vii	e	xiii	20	Hieronymi Emiliani Conf. <i>dupl.</i> cum commemor. S. Margaritæ Virg. & mart.
vi	f	xii	21	Praxedis virginis.
v	g	xi	22	Mariæ Magdalene, <i>dupl.</i>
iv	A	x	23	Apollinaris Episc. & mart. <i>dupl.</i> cum commemor. S. Liborii Episc. & Confess.
iii	b	ix	24	Vigilia, & commemor. S. Christinæ virg. & mart.
ii	c	viii	25	JACOBI Apostoli, <i>dupl.</i> & commemor. S. Christophori mart. in Missis privatis.
i	d	vii	26	ANNÆ Matris B. Mariæ virg. <i>dupl.</i>
*	e	vi	27	Pantaleonis martyr.
xxix	f	v	28	Nazarii, Celsi, & Victoris Papæ & martyr. ac Innocentii Papæ & Confess. <i>semidupl.</i>
xxviii	g	iv	29	Marthæ virginis, <i>semidupl.</i> & commemor. SS. Felicis, Simplicii, Faustini, & Beatricis mart.
xxvii	A	iii	30	Abdon, & Sennen mart.
25. xxvi	b	Prid.	31	Ignatii Confessoris, <i>dupl.</i>

AUGUSTUS.



# AUGUSTUS.

Cyclus Epact.	L. D.	D. M.		
xxv. xxiv	c	Kal.	1	Petri ad Vincula, <i>dupl.</i> & commem. SS. Machabæorum mart.
xxiii	d	iv	2	Stephani Papæ & mart.
xxii	e	iii	3	Inventio S. Stephani Protomart. <i>semidupl.</i>
xxi	f	Prid.	4	Dominici Confessoris, <i>dupl.</i>
xx	g	Non.	5	Dedicatio S. Mariæ ad Nives, <i>dupl.</i>
xix	A	viii	6	Transfiguratio Domini, <i>dupl.</i> & commem. SS. Xysti Papæ, Felicissimi, & Agapiti mart.
xviii	b	vii	7	Cajetani Confessoris, <i>dupl.</i> cum commem. S. Donati Episcopi & mart.
xvii	c	vi	8	Cyriaci, Largi, & Smaragdi mart. <i>semidupl.</i>
xvi	d	v	9	Vigilia, & commem. S. Romani mart.
xv	e	iv	10	LAURENTII mart. <i>dupl.</i>
xiv	f	iii	11	De Octava S. Laurentii, <i>semidupl.</i> cum commem. SS. Tiburtii & Susannæ mart.
xiii	g	Prid.	12	Clare virginis, <i>dupl.</i> cum commem. Octav.
xii	A	Idib.	13	De Octava, & commem. SS. Hippolyti & Cassiani martyr.
xi	b	xix	14	Vigilia, cum commem. Octavæ, & S. Eusebii Confessoris.
x	c	xviii	15	ASSUMPTIO B. Mariæ Virginis, <i>dupl.</i> Dominica infra Octavam Assumptionis, festum S. Joachim Confess. Patris B. V. Mariæ, <i>dupl.</i> cum commem. Dominicæ, & Octav.
ix	d	xvii	16	Hyacinthi Confess. <i>dupl.</i> cum commem. Oct. Assumptionis & S. Laurentii.
viii	e	xvi	17	Octav. S. Laurentii, <i>dupl.</i> & commem. Octav. Assumptionis.
vii	f	xv	18	De Octava, & commem. S. Agapiti mart.
vi	g	xiv	19	De Octava.
v	A	xiii	20	Bernardi Abbatis, <i>dupl.</i> cum commem. Octavæ Assumptionis.
iv	b	xii	21	Joannæ Franciscæ Fremiot à Chantal Viduæ <i>dupl.</i> cum commem. Oct. Assumpt.
iii	c	xi	22	Octava Assumpt. B. M. V. <i>dupl.</i> cum commemor. SS. Timothei, Hippolyti, & Symphoriani martyrum.
ii	d	x	23	Philippi Beniti Confessoris, <i>dupl.</i> cum commemor. Vigiliæ.
i	e	ix	24	BARTHOLOMÆI Apostoli, <i>duplex.</i> Romæ celebratur die 25.
*	f	viii	25	Ludovici Regis Franciæ, Confessoris, <i>semiduplex.</i> Romæ 26.
xxix	g	vii	26	Zephyrini Papæ & mart.
xxviii	A	vi	27	Josephi Calasanti Conf. <i>dupl.</i>
xxvii	b	v	28	Augustini Episcopi Confess. & Ecclesiæ Doct. <i>dupl.</i> & commem. S. Hermetis mart.
xxvi	c	iv	29	Decollatio S. Joannis Baptistæ. <i>duplex,</i> & commem. S. Sabinæ mart.
25. xxv	d	iii	30	Rosæ Limanæ virg. <i>duplex,</i> cum commem. SS. Felidis & Adaucti mart.
xxiv	e	Prid.	31	Raymundi Nonnati Confess. <i>dupl.</i>

D

SEPTEMBER



# S E P T E M B E R.

Cyclus Epact.	L. D.	D. M.	
xxiii	f	Kal.	1 Ægidii Abbatis, & commem. SS. Duodecim fratrum martyrum.
xxii	g	iv	2 Stephani Regis Hungariæ Conf. <i>semidupl.</i>
xxi	A	iii	3
xx	b	Prid.	4
xix	c	Non.	5 Laurentii Justiniani Episc. & Confessoris, <i>semidupl.</i> ad libitum.
xviii	d	viii	6
xvii	e	vii	7
xvi	f	vi	8 NATIVITAS B. M. VIRGINIS, <i>dupl.</i> & commemor. S. Adriani mart. in Missis privatis. Dominica infra Octav. Nativit. B. Mariæ virginis cele- bratur Festum SS. Nominis B. Mariæ virginis, <i>du- plex.</i>
xv	g	v	9 De Octav. Nativit. B. Mariæ, <i>semiduplex</i> , & commemor. S. Gorgonii martyr.
xiv	A	iv	10 Nicolai de Tolentino Confess. <i>dupl.</i> cum commemor. Oct. Nativitatis B. Mariæ.
xiii	b	iii	11 De Octava Nativitatis B. Mariæ, & commemor. SS. Protj, & Hyacinthi martyr.
xii	c	Prid.	12 De Octava.
xi	d	Idib.	13 De Octava.
x	e	xviii	14 Exaltatio S. Crucis, <i>dupl.</i> cum commemor. Oct. Nativi- tatis B. Mariæ.
ix	f	xvii	15 Octav. Nativit. B. Mariæ, <i>dupl.</i> & commemor. S. Ni- comedis mart.
viii	g	xvi	16 Cornelii & Cypriani Pontif. & martyr. <i>semiduplex</i> , cum commemor. SS. Euphemie, Lucie, & Geminiani martyr.
vii	A	xv	17 Sacrorum Stigmatum S. Francisci, <i>semidupl.</i>
vi	b	xiv	18 Josephi a Cupertino Conf. <i>dupl.</i>
v	c	xiii	19 Januarii Episcopi & sociorum martyr. <i>dupl.</i>
iv	d	xii	20 Eustachii, & socior. martyr. <i>duplex</i> , cum commemor. Vigilie.
iii	e	xi	21 MATTHÆI Apostoli & Evang. <i>dupl.</i>
ii	f	x	22 Thomæ a Villanova Ep. & Conf. <i>semid.</i> cum commemor. SS. Mauritii & socior. mart.
i	g	ix	23 Lini Papæ & martyr. <i>semiduplex</i> , cum commemor. S. Theclæ virg. & mart.
*	A	viii	24 Beatissimæ Mariæ virginis de Mercede, <i>dupl.</i>
xxix	b	vii	25
xxviii	c	vi	26 Cypriani, & Justinæ mart.
xxvii	d	v	27 Cosmæ & Damiani mart. <i>semid.</i>
25. xxvi	e	iv	28 Wenceslai martyr. <i>semid.</i>
xxv. xxiv	f	iii	29 DEDICATIO S. MICHAELIS ARCHANGELI, <i>dupl.</i>
xxiii	g	Prid.	30 Hieronymi Presbyt. Confessoris, & Ecclesiæ Doctoris, <i>duplex.</i>

OCTOBER.



# O C T O B E R.

Cyclus Epact.	L. D.	D. M.	
			Dominica, quæ vel occurrit in Kalendis, vel prima est post Kalendas Octobris, Solemnitas, SS. Rosarii B. Mariæ virginis, <i>dupl.</i>
xxii	A	Kal.	1 Remigii Episc. & confess. simplex de præcepto, vel <i>semidupl.</i> ad libitum.
xxi	b	vi	2 Angelorum Custodum, <i>dupl.</i>
xx	c	v	3
xix	d	iv	4 Francisci Confessoris, <i>dupl.</i>
xviii	e	iii	5 Placidi & sociorum martyr.
xvii	f	Prid.	6 Brunonis Confessoris, <i>dupl.</i>
xvi	g	Non.	7 Marci Papæ & Confessoris, cum commem. SS. Sergii, Bacchi, Marcelli, & Apuleii martyrum.
xv	A	viii	8 Birgittæ Viduæ, <i>dupl.</i>
xiv	b	vii	9 Dionysii, Rustici, & Eleutherii mart. <i>semidupl.</i>
xiii	c	vi	10 Francisci Borgiæ Confessoris, <i>semidupl.</i>
xii	d	v	11
xi	e	iv	12
x	f	iii	13 Edvardi Confessoris, <i>semidupl.</i>
ix	g	Prid.	14 Callisti Papæ, & mart. <i>semidupl.</i>
viii	A	Idib.	15 Terefiæ virginis, <i>dupl.</i>
vii	b	xvii	16
vi	c	xvi	17 Hedvîgis Viduæ, <i>semidupl.</i>
v	d	xv	18 Lucæ Evangelistæ, <i>dupl.</i>
iv	e	xiv	19 Petri de Alcantara Confessoris, <i>dupl.</i>
iii	f	xiii	20 Joannis Cantii Conf. <i>semidupl.</i>
ii	g	xii	21 Hilarionis Abbatis, & commem. SS. Ursulæ, & sociarum virg. & mart.
i	A	xi	22
*	b	x	23
xxix	c	ix	24
xxviii	d	viii	25 Chrysanthi, & Darie mart.
xxvii	e	vii	26 Evaristi Papæ, & mart.
25. xxvi	f	vi	27 Vigilia.
xxv	g	v	28 SIMONIS & JUDÆ Apostolorum. <i>dupl.</i>
xxiv	A	iv	29
xxiii	b	iii	30
xxii	c	Prid.	31 Vigilia.



# N O V E M B E R.

Cyclus Epact.	L. D.	D. M.		
xxi	d	Kal.	1	FESTUM OMNIUM SANCTORUM, <i>dupl.</i>
xx	e	iv	2	Commém. Omnium fidelium Defunctorum, <i>dupl.</i> & de Oët. Omnium Sanctorum.
xix	f	iii	3	De Oëtava.
xviii	g	Prid.	4	Caroli Episc. & Confess. <i>dupl.</i> cum commem. Oët. & SS. Vitalis & Agricolæ mart.
xvii	A	Non.	5	De Oëtava.
xvi	b	viii	6	De Oëtava.
xv	c	vii	7	De Oëtava.
xiv	d	vi	8	Oët. Omnium SS. <i>dupl.</i> & commem. SS. Quatuor Co- ronatorum mart.
xiii	e	v	9	Dedicatio Basilicæ Salvatoris, <i>duplex</i> , & commem. S. Theodori mart.
xii	f	iv	10	Andræ Avellini Confess. <i>semidupl.</i> cum commem. SS. Tryphonis, Respicii, & Nymphæ mart.
xi	g	iii	11	Martini Episcopi & Confess. <i>duplex</i> , & commem. S. Mennæ mart.
x	A	Prid.	12	Martini Papæ & martyris, <i>semidupl.</i>
ix	b	Idib.	13	Didaci Confessoris, <i>semidupl.</i>
viii	c	xviii	14	
vii	d	xvii	15	Gertrudis virginis, <i>dupl.</i>
vi	e	xvi	16	
v	f	xv	17	Gregorii Thaumaturgi Episcopi, & Confessoris, <i>semi- duplex</i> .
iv	g	xiv	18	Dedicatio Basilicarum Petri & Pauli, <i>dupl.</i>
iii	A	xiii	19	Elisabeth Viduæ, <i>dupl.</i> cum commem. S. Pontiani Pa- pæ, & mart.
ii	b	xii	20	Felicis de Valois Confess. <i>dupl.</i>
i	c	xi	21	Præsentatio B. Mariæ virginis, <i>dupl.</i>
*	d	x	22	Cæcilie virginis & mart. <i>dupl.</i>
xxix	e	ix	23	Clementis Papæ & mart. <i>semidupl.</i> cum commem. S. Felicis mart.
xxviii	f	viii	24	Joannis à Cruce Confess. <i>semiduplex</i> , cum commem. S. Chrysogoni martyris.
xxvii	g	vii	25	Catharinæ virg. & mart. <i>dupl.</i>
25. xxvi	A	vi	26	Petri Alexandrinj Episcopi & mart.
xxv. xxiv	b	v	27	
xxiii	c	iv	28	
xxii	d	iii	29	Vigilia, & commem. S. Saturnini mart.
xxi	e	Prid.	30	ANDRÆ Apostoli, <i>dupl.</i>

DECEMBER.



# D E C E M B E R.

Cyclus Epact.	L. D.		D. M.	
xx	f	Kal.	1	
xix	g	iv	2	Bibianæ virginis & mart. <i>semidupl.</i>
xviii	A	iii	3	Francisci Xaverii confess. <i>dupl.</i>
xvii	b	Prid.	4	Petri Chrysologi Episc. & Confess. <i>dupl.</i> cum commem. Feriæ, ac S. Barbaræ virg. & mart.
xvi	c	Non.	5	Sabbæ Abbatis, commem.
xv	d	viii	6	Nicolai Episc. & Confess. <i>dupl.</i>
xiv	e	vii	7	Ambrosii Episcopi, & Confess. & Ecclesiæ Doctoris, <i>duplex.</i>
xiii	f	vi	8	CONCEPTIO B. Mariæ Virginis, <i>dupl.</i>
xii	g	v	9	De Octava.
xi	A	iv	10	De Octav. cum commem. Feriæ, & S. Melchiadis Pa- pæ & mart.
x	b	iii	11	Damasi Papæ & Confess. <i>semiduplex</i> , cum commem. Octavæ, & Feriæ.
ix	c	Prid.	12	De Octava.
viii	d	Idib.	13	Luciæ virginis, & martyr. <i>duplex</i> , cum commemor. Octavæ, & Feriæ.
vii	e	xix	14	De Octava.
vi	f	xviii	15	Octava Conceptionis, <i>dupl.</i> cum commem. Feriæ.
v	g	xvii	16	Eusebii Vercellensis Episc. & martyr. <i>semiduplex</i> cum commem. Feriæ.
iv	A	xvi	17	
iii	b	xv	18	Expectatio Partus B. Virg. Mariæ <i>dupl.</i>
ii	c	xiv	19	
i	d	xiii	20	Vigilia.
*	e	xii	21	Thomæ Apostoli, <i>dupl.</i>
xxix	f	xi	22	
xxviii	g	x	23	
xxvii	A	ix	24	Vigilia.
xxvi	b	viii	25	NATIVITAS DOMINI NOSTRI JESU CHRISTI, <i>dupl.</i> & commemor. S. Anastasiæ martyr. in secunda Missa.
25. xxv	c	vii	26	STEPHANI Protomartyris, <i>duplex</i> , cum commemor. Oct. Nativitatis.
xxiv	d	vi	27	JOANNIS Apostoli, & Evangelistæ, <i>dupl.</i> cum com- mem. Octavarum.
xxiii	e	v	28	SS. INNOCENTIUM martyr. <i>duplex</i> , cum commem. Octavarum.
xxii	f	iv	29	Thomæ Cantuariensis Episcopi & martyr. <i>semiduplex</i> , cum commem. Octav.
xxi	g	iii	30	De Dominica infra Octavam Nativitatis. vel de Octa- va Nativitatis, cum commemor. aliarum Octava- rum.
xx	A	Prid.	31	SILVESTRI Papæ & Confess. <i>dupl.</i> cum commem. Oc- tavarum.

RUBRICÆ



# RUBRICÆ GENERALES

## MISSALIS.

**M**ISSA quotidie dicitur secundum ordinem Officii: de festo Duplici, vel Semiduplici, vel Simplici: de Dominica, vel Feria, vel Vigilia, vel Octava: & extra ordinem Officii, Votiva, vel pro Defunctis.

### *De Duplici. I.*

**M**issa dicitur de Duplici illis diebus, quibus in Calendario ponitur hæc nota *Duplex*, & in Festis mobilibus, quodcumque Officium est duplex. In duplicibus dicitur una tantum Oratio, nisi aliqua commemor. fieri debeat. Alia omnia dicuntur ut in propriis Missis assignatum est. Quando dici debeat, *Gloria in excelsis*, & *Credo*, inferius ponitur in proprii S. Rubricis.

### *De Semiduplici, & Simplici. II.*

**M**issa de Semid. dicitur, quando in Calendario ponitur hæc vox, *Semidupl.* Præterea in Dominicis, & diebus infra Oct. in Semid. tam festis, quam Dominicis, & infra Oct. dicuntur plures Orat. ut infra dicetur in Rubr. de orationibus. Infra Oct. dicitur Missa, sicut in die Festi, nisi propriam Missam habuerit. In Dominicis vero; sicut in propriis locis assignatur. De Simpl. dicitur Missa sicut de Semid. ut suis locis ponitur.

### *De Feria, & Vigilia. III.*

**M**issa de Feria dicitur, quando non occurrit Festum, vel Oct. vel sabbatum, in quo fiat Officium B. M. In Feriis tamen Quadr. Quat. Temp. Rogat. & Vigiliarum, etiam si Duplex vel Semidupl. festum, vel Oct. occurrat, in Ecclesiis Cathedralibus, & Collegiatis cantantur duæ Missæ, una de festo post Tertiam, alia de Feria post Nonam.

2. In Vigiliis autem, & Feriis Quat. Temp. vel Feria ii. Rogat. quæ veniunt infra Octav. Missa dicitur de Vigil. vel Feriis supradictis cum commemor. Oct. præterquam infra Octav. Corporis Christi, in qua in Ecclesiis Cathedralibus, & Collegiatis cantantur duæ Missæ, una de Oct. post Tertiam, alia de Vigil. post Nonam. In Missis autem privatis dicitur Missa de Octav. cum commemor. Vigiliæ. Si autem in die Vigiliæ,

vel prædictis Feriis fiat Officium de aliquo Festo, tunc dicitur Missa de festo cum commemor. Oct. & Vigiliæ, vel Feriar. prædictarum. Quod si Vigil. occur. in die alicujus Festi ex major. primæ Classis, in Missa non fit commemor. de ea, sicut nec in Officio.

3. Si festum habens Vigiliam celebretur Feria secunda Missa Vigiliæ dicitur in Sabbato, sicut etiam de ea fit Officium: excepta Vigilia Nativit. Domini, & Epiph.

4. Missa Vig. in Adv. occurrentis dicitur cum commemor. Feriæ Adv. licet de ea non sit factum Officium, Vigilia Nativitatis excepta.

5. Si in Quadr. & Quatuor Temporibus occurrat Vig. dicatur Missa de Feria cum commemor. Vigiliæ.

6. Tempore Paschali non dicitur Missa de Vigilia: nisi in Vigilia Ascensionis, quæ tamen non jejunatur, sicut nec Vigil. Epiphaniæ.

### *De Missis Votivis S. Mariæ, & aliis. IV.*

**I**N Sabbatis non impeditis Festo Duplici vel Semiduplici, Oct. Vigilia, Feriis Quadrages. vel Quatuor Temp. vel Offic. alicujus Dominicæ quæ superfit, in præcedens Sabbatum translato, dicitur Missa de S. M. secundum varietatem temporum, ut in fine Missalis ponitur.

2. In Adv. autem, licet Offic. non fiat de S. Maria in Sabbato, dicitur tamen Missa principalis de ea cum commemor. de Adv. nisi fuerint Quat. tempora, vel Vigilia, ut supra.

3. Aliis diebus infra Hebdomadam, quando Offic. fit de Feria, & non est resumenda Missa Dominicæ præcedentis, quæ fuerit impedita (exceptis Feriis Adv. Quadrag. Quatuor Temporum. Rogationum, & Vigiliarum) dici potest aliqua ex Missis votivis etiam in principali Missa, quæ vocatur Conventualis, secundum ordinem dierum, in fine Missalis assignatum cum commemor. Feriæ, de qua factum est Offic. Quæ tamen Missæ, & omnes aliæ votivæ, in Missis privatis dici possunt pro arbitrio Sacerdotum, quocumque die Offic. non est duplex, aut Dominica, cum commemor. ejus, de quo factum est Officium, & con-



& commem. item festi simplicis, si de aliquo occurrat eo die fieri commemorationem in Officio. Id verò passim non fiat, nisi rationabili de causa. Et quoad fieri potest, Missa cum Officio conveniat.

*De Missis Defunctorum. V.*

**P**rima die cujusque mensis (extra Adventum, Quadragesimam & tempus Paschale) non impedita Officio duplici, vel Semidupl. dicitur Missa principalis generaliter pro Defunctis sacerdotibus, benefactoribus, & aliis. Si verò in ea fuerit festum Simplex, vel Feria, quæ propriam habeat Missam, aut resumenda sit Missa Dominicæ præcedentis, quæ fuit impedita: & infra Hebdom. non occurrat alius dies in quo resumari possit; in Ecclesiis Cathedralibus, & Collegiatis dicantur duæ Missæ, una pro Defunctis, alia de Festo Simplici, vel Feria prædicta. Sed in Ecclesiis non Cathedralibus, nec Collegiatis dicatur Missa de die cum commemor. generaliter pro Defunctis.

2. Præterea Feria ii. cujusque hebdomadæ, in qua Officium sit de Feria, Missa principalis dici potest pro Defunctis. Si autem fuerit propria Missa de Feria, vel de Festo Simplici, vel resumenda sit Missa Dominicæ præcedentis ut supra, in Missa de die fiat commemor. (ut dictum est) pro Defunctis. Excipitur tamen Quadr. & totum tempus Paschale, & quando per annum Offic. est Duplex, vel Semidupl. quibus temporibus non dicitur Missa Conventualis pro defunctis, (nisi in die depositionis defuncti, & in Anniversario pro Defunctis) neque pro eis fit commemor. Missæ autem privatz pro defunctis quocumque die dici possunt, præterquam in festis duplicibus, & Dominicis diebus.

3. In die commemor. omnium Defunct. & in die depositionis, & in Annivers. defuncti dicitur una tantum Oratio: & similiter in die Tertia, Septima, Trigesima, & quodcumque pro Defunctis solemniter celebratur; in aliis Missis plures, ut de Feriis, & Simpl. dicetur infra in Rubr. de Orat.

4. Sequentia pro Defunctis dicitur in die Commemorationis omnium fidelium Defunct. & Depositionis defuncti, & quodcumque in Missa dicitur una tantum Oratio: in aliis autem Missis pro Defunctis, dicatur ad arbitrium Sacerdotis.

*De Translatione Festorum. VI.*

**I**n dicendis Missis servetur Ordo Breviarii de Translatione festorum Du-

plicium, & Semid. quando majori aliquo Festo, seu Dominica impediuntur. In Ecclesiis autem ubi titulus est Ecclesiæ, vel concursus populi ad celebrandum festum quod transferri debet, possunt cantari duæ Missæ, una de die, alia de Festo, excepta Dominica prima Adventus, Feria iv. Cinerum, Dominica i. Quadr. Dominica Palmarum cum tota Hebdomada majori, Dominica Resurrectionis, & Dominica Pentecostes, cum duobus diebus sequentibus, Die Nativitatis Domini, Epiphaniæ, Ascens. & Festo Corporis Christi.

*De Commemorationibus. VII.*

**C**ommemorationes in Missis fiunt sicut in Offic. de festo simplici fit commemor. in Missa, quando de eo in Offic. facta est commemor. in i. Vesper. Quando autem de eo fit commemor. tantum ad Laudes, in Missa solenni non fit commemor. de eo; sed in Missis tantum privatis. Excipitur Dominica Palmarum, & in Vigilia Pentec. in quibus nulla fit commemor. etiam in Missis privatis, de Festo simplici occurrente, licet facta sit in Offic. De Dominica fit commemor. quando in ea agitur de festo Dupl. De oct. fit commemor. quando infra oct. celebratur aliquod Festum, nisi illud Festum fuerit de exceptuatis in Rubrica Breviarii de commemor. Item quando infra oct. fit de Dominica.

2. De Feria fit commemor. in Adventu, Quadr. Quat. Temp. Rogationibus, & Vigiliis, quando Missa dicenda est de festo illis temporibus occurrente. Sed in Ecclesiis Cathedralibus, & Collegiatis, ubi plures Sacerdotes quotidie celebrant, in Feriis, Rogationibus, & Vigiliis prædictis, quæ habent Missas proprias, dicuntur duæ Missæ, una de festo, alia de fer. Rogationibus, & Vigil. absque ulla utrorumque commemor. In festis tamen majoribus i. Classis nihil fit de Vigilia occurrente, ut dictum est supra.

3. Quando infra Hebd. dicuntur Missæ votivæ, post primam Orationem semper dicatur Oratio ejus, de quo fit Officium, ut supra explicatum est in propria Rubrica.

4. Quando fit commemor. de Feria Quatuor temporum pro Feriæ commemor. dicitur prima Oratio, quæ concordat cum Officio.

5. In faciendis commemor. fervetur ordo ut in Breviario. De Dominica ante diem infra Oct. de die infra Oct. ante Ferias prædictas: de Feriis prædictis ante festum Simplex: de festo Simplici ante Orationes, quæ secundo,



vel tertio loco dicendæ assignantur, & hæ dicantur ante Orationes Votivas, in quibus Votivis servetur deinde dignitas Orationum, ut de SS. Trinitate, de Spiritu sancto, de Sacramento, de S. Cruce ante Votivam de B. Maria, & de Angelis, & S. Joanne Baptista ante Apostolos, & similiter in aliis.

6. Si facienda sit commemor. pro Defunctis, semper ponitur penultimo loco. In Missis autem Defunct. nulla fit commemor. pro vivis, etiamsi Oratio esset communis pro vivis, & defunctis.

7. Quando dicuntur plures Orationes, prima tantum, & ultima cum sua conclusione terminantur: & ante primam, & ii. Orationem tantum dicitur *Oremus*. ante i. dicitur etiam *Dominus vobiscum*.

8. Cum verò dicuntur plures Orationes, & una Oratio eadem sit cum alia ibidem dicenda, Oratio hujusmodi, illa scilicet quæ eadem est, non aliæ, commutetur cum alia de Comuni, vel Proprio, quæ sit diversa. Idem servetur in Secretis, & Orationibus post communionem.

*De Introitu, Kyrie eleison, & Gloria in excelsis.* VIII.

**I**ntroitus semper eodem modo dicitur cum *Gloria Patri* ut in Ordinario, præterquam tempore Passionis & in Missis Defunct. ut etiam ibi annotatum est.

2. *Kyrie eleison*, dicitur novies post introitum, alternatim cum ministro, idest ter *Kyrie eleison*, ter *Christe eleison*, ter *Kyrie eleison*.

3. *Gloria in excelsis*, dicitur quodcumque in Matutin. dictus est Hymnus *Te Deum*, præterquam in Missa Feriæ v. in Cæna Domini, & Sabbati sancti, in quibus, *Gloria in excelsis*, dicitur, quamvis in Officio non sit dictum, *Te Deum*.

4. In Missis votivis non dicitur, etiam temp. Paschali, vel infra Oct. nisi in Missa B. M. in Sabbato, & Angelorum: & nisi Missa votiva solemniter dicenda sit pro re gravi, vel pro publica Ecclesiæ causa, dummodò non dicatur Missa cum paramentis violaceis. Neque dicitur in Missis Defunctor.

*De Orationibus.* IX.

**I**n festis dupl. dicitur una tantum Oratio. nisi facienda sit aliqua commemor. ut dictum est supra.

2. In festis Semidupl. occurrentibus ab Oct. Pentec. usque ad Adventum, & à Purificatione usque ad Quadrages. dicitur secunda Oratio *A cunctis*, tertia ad libitum.

3. In festis Semidupl. occurrentibus ab Oct. Epiph. usque ad Purificationem, dicitur secunda Oratio, *Deus qui salutis*, tertia *Ecclesiæ*, vel pro Papa, *Deus omnium fidelium*.

4. In festis Semidupl. à Fer. iv. Cinerum usque ad Dominicam Pass. secunda Oratio de Fer. tertia *A cunctis*.

5. In Semiduplicibus à Dominica Passionis usque ad Dominicam Palmarum, secunda Oratio de Feria, tertia *Ecclesiæ tuæ*, vel pro Papa.

6. In festis Semiduplicibus ab Oct. Paschæ usque ad Ascensionem, secunda Oratio de S. Maria, *Concede nos* tertia *Ecclesiæ*, vel pro Papa.

7. In Festis Semiduplicibus infra Octavas occurrentibus, secunda Oratio dicitur de Octava, tertia, quæ secundo loco infra Octav. ponitur.

8. Infra Octavas Paschæ, & Pentecostes, in Missa de Oct. dicuntur duæ tantum Orationes, una de die, alia *Ecclesiæ tuæ*, vel pro Papa.

9. Infra alias Oct. & in Vigiliis, quæ jejunantur (excepta Vig. Nativitatis Domini, & Pentec.) dicuntur tres, una de die, secunda de S. Maria, tertia *Ecclesiæ* vel pro Papa. Sed infra Oct. S. M. & in Vigilia & infra Oct. omnium SS. secunda Oratio dicitur de Spiritu sancto, *Deus qui corda* tertia *Ecclesiæ* vel pro Papa.

10. In Dominicis infra Oct. occurrentibus dicuntur duæ Orationes, una de Dominica, secunda de Oct. & in die Oct. dicitur una tantum Oratio, nisi facienda sit aliqua commemor.

11. In Dominica dicuntur tres, ut in Ordinario assignantur, quibusdam exceptis, ut suis etiam locis notatur.

12. In festis Simplic. & Feriis per annum, nisi aliter in propriis locis notetur, dicuntur tres, ut in Semid. aut quinque, possunt etiam dici septem ad libitum.

13. In feriis Quat. Temp. & ubi plures leguntur Lect. hujusmodi plures Orationes dicuntur post ultimam Orationem ante Epistolam ut suis locis in Proprio Missarum de Temp.

14. In Missis votivis, quando solemniter dicuntur pro re gravi, vel pro publica Eccl. causa, dicitur una tantum Oratio: sed in Missa pro gratiarum actione additur alia Oratio, ut in proprio loco notatur. In aliis autem dicuntur plures, ut in festis Simpl.

15. In votivis B. M. secunda Oratio dicitur de Offic. illius diei, & tertia de Spiritu S. sed in Sabbato, quando de ea factum est Offic. secunda Oratio erit de Spiritu S. tertia *Ecclesiæ* vel pro Papa. In Votivis de Apostoli, quando ponitur



ponitur Oratio *A cunctis*, ejus loco dicitur Oratio de S. Maria, *Concede nos famulos.*

16. Si, cum plures dicuntur Orationes, occurrat fieri commemorationem alicujus Sancti, ea ponitur secundo loco, & tertia Oratio, dicitur, quæ aliàs secundo loco dicenda erat.

17. In conclusione Orationum hic modus servatur. Si Oratio dirigatur ad Patrem, concluditur. *Per Dominum nostrum, &c.* Si ad Filium, *Qui vivis & regnas cum Deo Patre.* Si in principio Orationis fiat mentio Filii, concluditur, *Per eundem Dominum nostrum.* Si in fine orationis, ejus fiat mentio, *Qui tecum vivit.* Si facta sit mentio Spiritus sancti, in conclusione dicitur, *In unitate ejusdem Spiritus sancti, &c.* Alia quoque in dicendis Orationibus servantur, quæ superius in Rubrica de Commemorationibus dicta sunt.

*De Epistola, Graduali, Alleluia, & Tractu, ac de Evangelio. X.*

**P**ost ultimam Orationem dicitur *Epistola*, qua finita, à ministris respondetur *Deo gratias.* Et similiter quando leguntur plures Lectiones, post singulas dicitur, *Deo gratias*, præterquam in fine quintæ Lect. Danielis in sabbatis Quatuor Temporum, & in fine Lectionum Feriæ sextæ in Parasceve & Sabbati sancti.

2. Post Epistolam dicitur *Graduale*, quod semper dicitur, præterquam Tempore Paschali, cujus loco tunc dicuntur duo Versus, ut habetur in Rubrica in Sabbato in Albis.

3. Post Grad. dicuntur duo *Allel.* deinde Versus, & post Versum, unum *Allel.* Temp. Pasch. quando non dicitur Grad. dicitur aliud *Allel.* post secundum Versum: & quando dicitur *Sequentia* non dicitur post ultimum versum, sed post *Sequentiam.*

4. A Septuagesima usque ad Sabbatum sanctum non dicitur *Allel.* neque dicitur in Missis de Feria in Adventu, Quat. Temp. & Vig. quæ jejunantur, exceptis Vig. Nativ. Domini, si venerit in Dominica, & Vig. Paschæ & Pentec. ac Quat. Temp. Pentec. Nec dicitur in Festo SS. Innocentium, nisi venerit in Dominica.


5. A Septuages. usque ad Pascha, ejus loco dicitur *Tractus*, qui *Tractus* prædicto tempore in aliquibus Feriis non dicitur, ut suis locis ponitur, nec dicitur in Feriis à Septuag. usque ad Quadrag. quando repetitur Missa Dominice.

6. Dicto *Graduali* seu *Alleluia*, seu *Tractu*, dicitur *Evangelium.* Et in principio Evangelii dicitur, *Dominus*

*vobiscum, R. Et cum spiritu tuo,* deinde, *Sequentia sancti Evangelii secundum N. R. Gloria tibi Domine.* in fine Evangelii à ministro respondetur, *Laus tibi Christe.* quod etiam dicitur in fine illius partis passionis, quæ legitur in tono Evangelii, præterquam in Parasceve. Postea si dicendum est, dicitur *Credo.*

*De Symbolo. XI.*

**S**ymbolum dicitur post Evangelium in omnibus Dominicis per annum, etiam si in illis fiat de festo, in quo aliàs non diceretur, vel Dominica vacet. In tribus Missis de Nativitate Domini, & deinceps usque ad Oct. beati Joannis Apostoli inclusivè. In Epiphania, & per Oct. Feria v. in Cæna Domini. In Paschate Resurrectionis & per Oct. In Ascensione Domini, & per Octav. in Pentecoste, & per Oct. In festo Corporis Christi, & per Oct. In omnibus festis B. M. & per Oct. In festis duodecim Apostolorum, & Evangelistarum, & per Octav. In utraque Cathedra S. Petri, & in festo S. Petri ad Vincula. In Festis Conversionis & Commemorationis S. Pauli Apostoli. In festo S. Joannis ante portam Latinam. In festo S. Barnabæ Apostoli. In festis Inventionis, & Exaltationis S. Crucis. In Transfiguratione Domini. In festis Angelorum. In festo sanctæ Mariæ Magdalenzæ. In festis Quatuor Doctorum, videlicet, Gregorii, Ambrosii, Augustini, & Hieronymi, addito festo S. Thomæ de Aquino, & S. Bonaventuræ, Item in festis Doctorum Athanasii, Basilii, Gregorii Nazianzeni, & Joannis Chrysostomi. In die Oct. S. Joannis Baptistæ & S. Laurentii. In festo omnium Sanctorum, & per Octav. In Dedicationibus S. Salvatoris, & SS. Apostolorum Petri & Pauli. In Anniversario Dedicationis propriæ Ecclesiæ, & per Octav. In die Consecrationis Ecclesiæ, vel altaris. In festis Sanctorum quibus dedicata est Ecclesia, & ubi habetur corpus, vel insignis reliquia Sancti de quo agitur. In die Creationis, & Coronationis summi Pontificis, & in Anniversario ejusdem dici. In die & Anniversario electionis, & consecrationis Episcopi. Item in omnibus festis, quæ in Dominica, & infra Oct. celebrantur: in quibus ratione Dominicæ, & octav. dici debet. Item in festo Patroni alicujus loci, vel tituli Ecclesiæ (non autem alicujus Capellæ, vel Altaris) & in festis principalibus Ordinum, & per eorum octav. in Ecclesiis tantum illius Ordinis. Item dicitur *Credo* in Missis votivis, quæ solemniter pro re gravi, vel pro publica Ecclesiæ causa celebrantur.





tur, etiamsi dicantur in paramentis violaceis in Dominica.

*De Offertorio, Secretis, Præfationibus, & Canone. XII.*

**P**ost Symbolum, vel si non sit dicendum, post Evangelium, dicitur, *Dominus vobiscum, Oremus*, deinde *Offertorium* postea fit oblatio cum Orationibus ut in Ordine Missæ. Qua oblatione facta, dicuntur *Orationes secretæ* secundum numerum Orationum, quæ clara voce in principio dictæ sunt: sed ante primam Orationem non dicitur *Dominus vobiscum* nec aliquid aliud, sed dicto *Suscipiat Dominus sacrificium*, absolutè dicuntur: neque etiam ante secundam Orationem dicitur *Oremus*, Terminatur autem prima & ultima oratio, ut dictum est suprâ in Rubrica de orationibus, & secretò dicuntur usque ad illa verba in conclusione. *Per omnia sæcula &c.* quæ clara voce proferuntur, & incipitur *Præfatio*.

2. Præfationes autem dicuntur, ut in ordine Missæ annotatum est: & quæ in Quadrage. Tempore Passionis, & Paschali, & infra octavas propriæ assignantur, dicuntur etiam in Dominicis, & festis, quæ illis temporibus celebrantur: nisi illa Festa propriam Præfationem habeant.

3. Si infra oct. alicujus Festi quod habet Præfationem propriam, occurrat festum ex majoribus non habens propriam Præfationem, dicitur Præfatio de octava, quamvis de ea nulla fiat commemoratio in Missa.

4. In Missis Votivis dicitur etiam Præfatio propria, si propriam habeat: si verò non habuerint, dicitur Præfatio de Tempore, vel Oct. infra quam contigerit hujusmodi Missas celebrari: alioquin Præfatio communis. Et quando aliqua Missa votiva pro causa publica solemniter celebratur, dicitur in cantu solemniter, ut in Duplicibus. In Missis Defunctor. quocumque tempore semper dicitur Præfatio communis.

5. Post Præfationem incipitur *Canon Missæ* secreto: in quo servantur omnia ut in Ordine Missæ. Ubi verò infra actionem, *Communicantes & Hanc igitur* vel alia variari contingit, suo loco in propriis Missis adnotatur.

*De Communionibus, Orationibus post Communionem, Ite Missa est, vel Benedicamus Domino, de Benedictione, & Evangelio S. Joannis. XIII.*

**E**xpleto Canone, & aliis omnibus usque ad Communionem, ea peracta

dicitur *Communio & Orationes post Communionem*, eodem modo & ordine ut in principio Missæ, & repetito, *Dominus vobiscum*, dicitur, *Ite Missa est*, vel *Benedicamus Domino*, pro temporis ratione. *Ite Missa est*, dicitur quocumque dictum est, *Gloria in excelsis*, cum non dicitur ejus loco dicitur, *Benedicamus Domino*. *R. Deo gratias*, in Missis Defunctorum dicitur, *Requiescant in pace*. *R. Amen*.

2. Dicto *Placeat* datur *Benedictio*: quæ à Celebrante semper datur in Missa, præterquam in Missis Defunctor. Deinde legitur Evangelium S. Joannis, in principio præmisso, *Dominus vobiscum & Initium*, ut moris est, quod Evangelium nunquam prætermittitur in Missa, nisi quando sit de Festo in aliqua Dominica, vel Feria, quæ habet Evangelium proprium, quod legitur ejus loco. Excipitur Dominica iv. Adv. cujus Evangelium non legitur in fine Missæ, quando in ea occurrit Vig. Nativ. Domini, quia nec in Officio lectum est. In tertia Missa de die Nativ. Domini, legitur in fine Evangelium de Epiphania, *Cum natus esset Jesus*. Et in Dominica Palmarum in Missis privatis legitur Evangelium quod ponitur in benedictione Palmarum, quod etiam lectum est in Officio. In Vig. quæ occurrunt in Quadr. vel Quatuor Temporibus, non legitur Evangelium Vig. in fine Missæ. Et similiter in Missis votivis nunquam legitur in fine aliud Evangelium, nisi sancti Joannis.

*De ordinanda Missa ex supradictis Rubricis. XIV.*

**S**upradictis Rubricis cognitis, si quis velit ordinare Missam diei, recurrat ad ordinarium Missarum de tempore, vel de Sanctis secundum qualitatem Offic. Si proprium non habeat, recurrat ad Commune Sanctorum. Si de feria agendum sit, & propria Missa non fuerit de Feria, dicatur Missa præcedentis Dominicæ, omittis *Gloria in excelsis* & *Symbolum*, præterquam Tempore Paschali, in quo semper dicitur *Gloria in excelsis*, ut suprâ, excepta Missa Rogat. & in Adventu prætermittitur *Alleluia* post *Graduale* cum suo versu. Si dicenda sit Missa votiva, requirantur post commune Sanctorum suo loco. Si plures Orationes dicendæ sint, requirantur post Missas votivas, suo loco de singulis rebus singulæ. Si pro Defunctis dicenda sit Missa, habetur post Missas votivas, cum Collectis diversis, circa finem Missalis. Ordo totius Missæ, cum præfationibus, Canone, & aliis dicendis, habetur suo loco cum proprio Missarum de tempore.



*De hora celebrandi Missam. XV.*

**M**issa privata saltem post Matutinum, & Laudes quacumque hora ab aurora usque ad meridiem dici potest.

2. Missa autem Conventualis & solemnis sequenti ordine dici debet. In festis Duplicibus, & Semidupl. in Dominicis, & infra Oct. dicta in Choro Hora Tertia. In festis Simplicibus, & in Feriis per annum dicta Sexta. In Adv. Quadrag. Quatuor Temporibus, etiam infra Oct. Pentecostes, & in Vig. quæ junantur, quamvis sint dies solemnes, Missa de tempore debet cantari post Nonam.

3. Missa autem Defunctorum dici debet post Primam diei: ubi verò dicuntur eorum Vig. manè post Matutinum diei dictis hujusmodi Vigiliis cum Laud. immediatè dici potest Missa pro Defunct. Sed in die Commem. omnium fidelium Defunctor. Missa Conventualis dicitur post Nonam, quia eo die est principalis. In die autem Depositionis Defuncti, vel Tertio, Septimo, Trigesimo, aut Annivers. solemni, in quo fit concursus populi, poterit similiter dici ultimo loco post Nonam.

4. Excipiuntur ab hoc ordine dicendi Missam Conventualem, Missæ in Nativ. Domini, quarum prima dicitur post mediam noctem, finito *Te Deum laudamus*, in Matutino; secunda in Aurora, dictis Laudibus & Prima, tertia verò in die post Tertiam, vel ubi aliter ex dispensatione Apostolica disponatur.

5. Missæ Votivæ, quia non correspondent Offic. si solemniter celebrentur pro re gravi, vel publica Ecclesiæ causa cum populi frequentia, dicantur post Nonam.

*De his quæ clara voce, aut secretò dicenda sunt in Missa. XVI.*

1. **I**N Missa privata clara voce dicuntur *Antiphona* & *Psalmus* ad Introitum, *Confessio*, & quæ sequuntur: excepta Oratione *Aufer à nobis*, *Oremus te Domine per merita Sanctorum tuorum*, &c. Item *Introitus*, *Kyrie eleison*, *Gloria in excelsis*, *Dominus vobiscum*, *Oremus*, *Flectamus genua*, *Levate*, *Oratio*. vel *Orationes*, *Prophetiæ*, *Epistola*, *Graduale*, *Versus*, *Tractus*, *Sequentia*, *Evangelium*, *Credo*, *Offertorium*, *Orate fratres*, solum hæc duo verba. *Præfatio*, *Nobis quoque peccatoribus*, solum hæc tria verba. Item *Per omnia sæcula sæculorum*, &c. cum *Pater noster*, *Per omnia sæcula sæculorum*, *Pax Domini*, *Agnus Dei*, *Do-*

*mine non sum dignus*, hæc quatuor verba tantum. *Communio*, *Oratio*, vel *Orationes post Communionem*, *Humiliate capita vestra Deo*, *Ite missa est*, vel *Benedicamus Domino*, vel *Requiescant in pace*, *Benedictio*, & *Evangelium*, *In principio*, vel aliud *Evangelium*. Alia omnia dicuntur secretò.

2. Sacerdos autem maximè curare debet, ut ea quæ clara voce dicenda sunt, distinctè, & appositè proferat, non admodum festinanter, ut advertere possit quæ legit, nec nimis morosè, ne audientes tædio afficiat: neque etiam voce nimis elata, ne perturbet alios, qui fortasse in eadem Ecclesia tunc temporis celebrant, neque tam submissa, ut à circumstantibus audiri non possit, sed mediocri, & gravi, quæ & devotionem moveat, & audientibus ita sit accommodata, ut quæ leguntur, intelligant. Quæ verò secretè dicenda sunt, ita pronuntiet, ut & ipsemet se audiat, & à circumstantibus non audiat.

3. In Missa solemni quando dici debent à Celebrante *Gloria in excelsis*, & *Credo* intonantur & cantantur, *Dominus vobiscum*, & *Orationes* ante *Epistolam*. *Dominus vobiscum*. *Oremus*, ante *Orationes*, & ante *Offertorium*. *Præfatio*, *Per omnia sæcula sæculorum*, cum *Pater noster*, *Per omnia sæcula sæculorum*, cum *Pax Domini*, & *Orationes post Communionem*. Alia, quæ in Missa privata dicuntur clara voce, in Missa solemni à Celebrante dicuntur submissa voce.

*De ordine genuflectendi, sedendi, & standi in Missa privata, & solemni. XVII.*

1. **I**N Missa privata Sacerdos genuflectit quando legit *Evangelium S. Joannis*, *In principio*, ad illa verba, *Et Verbum caro factum est*, & in *Evangelio Epiphaniæ*: *Cum natus esset Jesus*, ad illa verba, *Et procidentes adoraverunt eum*. Item in *Evangelio Feriæ iv.* post *Dominicam quartam Quadrag.* ad illa verba in fine, *Et procidens adoravit eum*. Item genuflectit *Dominica Palmarum*, & in Missis de *Cruce* ad illa verba in *Epistola*, *In nomine Jesu omne genu flectatur*, &c. & quando legitur *Passio*, ad illa verba, *expiravit*, vel *emisit spiritum*, ut suis locis notatur. Item genuflectit cum dicit, *Flectamus genua*. Item quando in *Quadr.* dicit in *Tractu V.* *Adjuva nos Deus*, &c. & in omnibus Missis de *Spiritu sancto*, cum dicit *V. Veni sancte Spiritus*, &c. Item quando *Sacramentum* in *Altari discoopertum* apparet, genuflectit quoties



ties ante illud transit in medio Altaris : & quodcumque in Ordine Missæ, & in ritu servando in celebratione Missæ notatur, quod debeat genuflectere.

2. Circumstantes autem in Missis privatis semper genua flectunt, etiam tempore Paschali, præterquam dum legitur Evangelium.

3. In Missa solemni Celebrans genuflectit ad omnia supradicta, præterquam ad *Flectamus genua*, & tunc ipse solus stat, Diaconus verò, & Subdiaconus, & omnes alii genuflectunt. Ad Versum verò, *Adjuva nos Deus*, &c. & ad versum, *Veni sancte Spiritus*, &c. genuflectit usque ad finem. Item genuflectit in die Annuntiationis B. M. & in tribus Missis Nativitatis Domini, quando cantatur in choro, *Et incarnatus est*, &c. Aliis diebus si sedeat cum cantantur ea verba, non genuflectit, sed caput tantum profunde inclinat apertum : si non sedet, genuflectit.

4. Ministri semper genuflectunt cum celebrante, præterquam Subdiaconus tenens librum ad Evangelium, & Acolythi tenentes candelabra, qui tunc non genuflectunt. Et cum Diaconus cantat illa verba ad quæ est genuflectendum, ipse versus librum, Celebrans & omnes alii versus Altare genuflectunt.

In Choro genuflectitur ab iis, qui non sunt Prælati, ad confessionem cum suo Psalmo. In Missis autem Feriarum Adv. Quadrag. Quatuor Temp. & Vigil. quæ jejuntur, ac in Missis Defunct. genuflectunt omnes etiam ad Orationes, & dicto per Celebrantem, *Sanctus* usque ad, *Pax Domini*, & ad *Orationes post Communionem*, & *Super populum*, excepta Vigilia Paschæ & Pentec. ac Nativit. Domini, & Quatuor Tempor. Pentecost. Et similiter ab omnibus genuflectitur, quando elevatur Sacramentum.

6. In Missa item solemni Celebrans medius inter Diaconum & Subdiaconum sedere potest à cornu Epistolæ juxta Altare cum cantatur, *Kyrie eleison*, *Gloria in excelsis* & *Credo*, alio tempore stat ad Altare, vel genuflectit, ut supra.

7. In Choro non sedent qui actu cantant, reliqui autem possunt sedere, quando Celebrans sedet, & præterea dum cantantur *Epistol.* & *Prophetiæ Graduale*, *Tractus*, vel *Alleluia*, cum *versu*, ac *Sequentia*, & ab *Offertorio*, usque ad incensationem Chori, & si non incensatur, usque ad *Præfationem*, & ad *Antiph.* quæ dicitur *Communio*, Ad alia stant, vel genuflectunt, ut supra.

## De coloribus Paramentorum. XVIII.

Paramenta Altaris, Celebrantis, & ministrorum, debent esse coloris convenientis Officio, & Missæ diei, secundum usum Romanæ Ecclesiæ : quæ quinque coloribus uti consuevit, Albo, Rubeo, Viridi, Violaceo, & Nigro.

2. Albo colore utitur à Vesper. Vig. Nativ. Domini usque ad Octav. Epiph. inclusivè, exceptis festis Martyrum, quæ infra eam veniunt, feria quinta in Cæna Domini, & Sabbato Sancto in officio Missæ, & ab illo die usque ad Sabbatum in Vig. Pentecost. ad Nonam, in officio de Tempore, præterquam in Missa Litaniarum, & Rogationum. In festo SS. Trinitatis. In festo Corporis Christi. In Festo Transfigurationis Domini. In festis beatæ Mariæ Virginis, præterquam in benedictione Candelarum, & Processione quæ fit in festo Purificationis ejusdem. In festis Angelorum. In Nativ. S. Joannis Baptistæ. In principali festo S. Joannis Evangelistæ, quod celebratur infra oct. Nativ. Domini. In utraque Cathedra S. Petri. In festo S. Petri ad Vincula. In Conversione S. Pauli. In festo omnium Sanctorum. In festis Confessorum Pontificum, & non Pontificum, & Doctorum. In festis sanctarum Virginum non martyrum, & nec virginum, nec martyrum. In dedicatione, & consecratione Ecclesiæ, vel Altaris, ac in consecratione Summi Pontificis, & in anniversario Creationis, & Coronationis ejusdem, & electionis, & consecrationis Episcopi. Item per oct. prædictorum Festorum, quæ octavas habent, quando dicitur Missa de octava, & in Dominicis infra eas occurrentibus, quando in eis fit officium de Dominica, præterquam in illis Dominicis, quibus tributus est color Violaceus. In Missis Votivis supradictorum Festorum, quocumque tempore dicantur & in Missa pro Sponso & Sponsa.

3. Rubeo colore utitur à Vig. Pentecostes in Missa usque ad Sabbatum sequens finita Nona, in Missa. In festis S. Crucis. In Decollatione S. Joannis Baptistæ. In natali Apostolorum Petri & Pauli, & in festis aliorum Apostolorum (exceptis festo principali S. Joannis Evangelistæ post Nativit. & festis Conversionis S. Pauli, & Cathedræ S. Petri, & ejus Vinculorum.) In festo S. Joannis ante portam Latinam. In Commemoratione S. Pauli Apostoli. In festis Martyrum, excepto festo Sanctorum Innocentium, quando non venerit



nerit in Dominica: si autem in Dominica venerit, utitur Rubeo: in ejus verò die Octav. semper utitur Rubeo, quocumque die occurrat. In festis sanctarum Virginum martyrum, & martyrum non Virginum. Item per octavas prædictorum Festorum quæ octavas habent: quando fit de oct. & in Dominicis infra eas oct. occurrentibus eodem modo, ut dictum est suprâ de colore Albo. Item in Missis Votivis supradictorum Festorum, & in Missa pro eligendo Summo Pontifice.

4. Viridi colore utitur ab octava Epiphaniæ usque ad Septuages. & ab oct. Pentec. usque ad Adv. exclusivè, in officio de Tempore, excepta Dominica Trinitatis ut suprâ: ac exceptis Dominicis infra octavas occurrentibus, in quibus color octavarum servatur, exceptis etiam vigiliis, & quatuor Temporib. ut infra.

5. Violaceo colore utitur à prima Dominica Adventus in primis vespers usque ad Missam Vigilæ Nativitatis Domini inclusivè: & à Septuagesima usque ad Sabbatum sanctum ante Missam inclusivè: in officio de Tempore, excepta Feria quinta in Cœna Domini, in qua utitur Albo: & Feria sexta in Parasceve, in qua utitur Nigro, ut infra: & benedictione Cerei in Sabbato sancto, in qua Diaconus, illius Præfationem dicens, solus utitur Albo: ea autem finita, Violaceo, ut priùs. Item in vigilia Pentecostes ante Missam, à prima Prophetia usque ad benedictionem fontis inclusivè. In Quatuor Temporibus, & Vigiliis, quæ jejunantur, exceptis Vigilia, & Quatuor Temporibus Pentecostes. In Missa Litaniarum in die S. Marci Evangelistæ, & Rogationum, & in processionibus, quæ his diebus fiunt. In festo sanctorum Innocentium, quando non venerit in Dominica. In benedictione Candelarum, in die Purificationis B. Mariæ, & in benedictione Cinerum, ac Palmarum, & ipsa Dominica in Palmis, & in eorundem, ac generaliter in omnibus processionibus: exceptis processionibus sanctissimi Sacramenti, & quæ fiunt in diebus solemnibus, vel pro gratiarum actione: In Missis de Passione Domini, Pro quacumque necessitate, Pro peccatis, Ad postulandam gratiam benè moriendi. Ad tollendum schisma, Contra paganos, Tempore belli, Pro pace, Pro vitanda mortalitate, Pro iter agentibus, & pro infirmis.

6. Nigro colore utitur Feria sexta in Parasceve, & in omnibus Officiis, & Missis Defunctorum.

*De qualitate Paramentorum. XIX.*

1. **I**N officio Missæ Celebrans semper utitur Planeta super Albam.

2. Si autem sit Episcopus, & solemniter celebret, super Dalmaticam, & Tunicellam.

3. Pluviali utitur in Processionibus, & benedictionibus, quæ fiunt in Altari. Item in Officio Laudum, & Vesperarum, quando solemniter dicuntur. Eodem utitur Assistens Celebranti in Missa Pontificali. Item quando Celebrans post Missam Defunctorum facit in fine Absolutionem.

4. Cum Celebrans utitur Pluviali, semper deponit Manipulum, & ubi Pluviale haberi non potest in benedictionibus quæ fiunt in Altari, Celebrans stat sine Planeta, cum Alba, & Stola.

5. Dalmatica, & Tunicella utuntur Diaconus, & Subd. in Missa solemniori, & Processionibus, & benedictionibus, quando Sacerdoti ministrant.

6. In diebus verò jejuniorum (præterquam in Vigiliis Sanctorum) & in Dominicis, & Feriis Adventus, & Quadragesimæ, ac in Vigilia Pentecostes ante Missam (exceptis Dominica *Gaudete*, etiam si ejus Missa infra Hebdomadam repetatur, & Dominica *Lætare*. Vigilia Nativitatis Domini, Sabbato sancto in benedictione Cerei, & in Missa, ac in Quat. Temporibus Pentecostes) item in benedictione candelarum, & Processione in die Purificationis Beatæ Mariæ, & in benedictione Cinerum, ac benedictione Palmarum, & Processione: in Cathedralibus, & præcipuis Ecclesiis utuntur Planetis plicatis ante pectus, quam Planetam Diaconus dimittit, cum lecturus est Evangelium, eaque tunc super sinistrum humerum super Stolum complicatur; aut ponitur aliud genus Stolæ latioris in modum Planetæ plicatæ, & facta Communionem resumit planetam ut priùs. Similiter Subdiaconus dimittit eam, cum lecturus est Epistolam quam legit in Alba, & ea finita, osculataque Celebrantis manu, Planetam resumit, ut priùs.

7. In minoribus autem Ecclesiis prædictis diebus jejuniorum Alba tantum amicti ministrant: Subdiaconus cum manipulo, Diaconus etiam cum Stola ab humero sinistro pendente sub dextrum.

*De præparatione Altaris, & paramentorum ejus. XX.*

1. **A**Ltare, in quo sacrosanctum Missæ sacrificium celebrandum est,



est, debet esse lapideum, & ab Episcopo consecratum, vel saltem ara lapidea, similiter ab Episcopo consecrata, in eo inserta, quæ tam ampla sit, ut Hostiam, & majorem partem calicis capiat. Hoc Altare operiatur tribus mappis, seu tobaleis mundis ab Episc. vel alio habente potestatem benedictis, superiori saltem oblonga, quæ usque ad terram pertingat, duabus aliis brevioribus, vel una duplicata. Pallio quoque ornetur coloris quoad fieri potest diei festo, vel officio convenientis, super Altare collocetur Crux in medio, & candelabra saltem duo cum

candelis accensis hinc & inde in utroque ejus latere. Ad Crucis pedem ponatur tabella Secretarum appellata, in cornu Epistolæ cussinus supponendus Missali: & ab eadem parte Epistolæ paretur cereus, ad elevationem Sacramenti accendendus, parva campanula, ampullæ vitreæ vini, & aquæ, cum pelvicula, & manu tergio mundo in fenestella, seu in parva mensa ad hæc præparata. Super Altare nihil omnino ponatur, quod ad Missæ sacrificium, vel ipsius Altaris ornatum non pertineat.

## RITUS SERVANDUS IN CELEBRATIONE MISSÆ.

### *De præparatione Sacerdotis celebraturi.*

#### I.

1. **S**acerdos celebraturus Missam, prævia confessione sacramentali, quando opus est, & saltem Matutino cum Laud. absoluto, orationi aliquantulum vacet, & Orationes inferiùs positas pro temporis opportunitate dicat. Deinde accedit ad locum in Sacristia, vel alibi præparatum, ubi paramenta, aliaque ad celebrationem necessaria habentur: accipit Missale, perquirat Missam, perlegit, & signacula ordinat ad ea, quæ dicturus est. Postea lavat manus, dicens orationem inferiùs positam, deinde præparat calicem (qui debet esse vel aureus, vel argenteus, aut saltem habere cuppam argenteam intus inauratam, & simul cum Patena itidem inaurata, ab Episcopo consecratus:) super ejus os ponit purificatorium mundum, & super illud Patenam cum hostia integra, quam leviter extergit, si opus est, à fragmentis, & eam tegit parva palla linea, tum velo serico: super velo ponit bursam coloris paramentorum, intus habentem Corporale plicatum, quod ex lino tantum esse debet, nec serico, vel auro in medio intextum, sed totum album, & ab Episcopo, vel alio habente facultatem, simul cum palla benedictum.

2. Quibus ita dispositis accedit ad paramenta, quæ non debent esse lacera, aut scissa, sed integra, & decenter munda, ac pulchra, & ab Episcopo item, vel alio facultatem habente benedicta: ubi calceatis pedibus, & indutus vestibus sibi convenientibus, quarum exterior saltem talum pedis attingat: induet se, si sit Prælatus sæcularis, supra rochetum, si sit Prælatus regularis, vel

alius Sacerdos sæcularis, supra superpelliceum, si commodè haberi possit, alioquin sine eo supra vestes communes, dicens ad singula singulas orationes inferiùs positas.

3. Ac primùm accipiens Amictum circa extremitates, & chordulas, osculatur illud in medio, ubi est Crux, & ponit super caput, mox declinat ad collum, & eo vestium collaria circumtegens, ducit chordulas sub brachiis, & circumducens per dorsum, ante pectus reducit, & ligat. Tum Alba induitur, caput submittens, & deinde manicam dexteram brachio dextro, & sinistram sinistro imponens. Albam ipsam corpori adaptat, elevat ante, & à lateribus hinc inde, & Cingulo per ministrum à tergo sibi porrecto, se cingit. Minister elevat Albam super Cingulum circumcirca, ut honestè dependeat, & tegat vestes: ac ejus fimbrias diligenter aptat, ut ad latitudinem digiti, vel circiter supra terram æqualiter fluat. Sacerdos accipit Manipulum, osculatur Crucem in medio, & imponit brachio sinistro. Deinde ambabus manibus accipiens Stolum, simili modo deosculatur, & imponit medium ejus collo, ac transversando eam ante pectus in modum Crucis, ducit partem à sinistro humero pendentem ad dexteram: & partem à dextro humero pendentem ad sinistram. Sicque utramque partem stolæ extremitatibus cinguli hinc inde ipsi cingulo conjungit.

4. Si Celebrans sit Episcopus, non ducit Stolum ante pectus in modum Crucis, sed sinit hinc inde utrasque extremitates pendere, & antequam accipiat stolum, accipit parvam Crucem pectoralem, quam osculatur, & collo impostam sinit ante pectus chordulis penderet.



re. Manipulum quoque non accipit ante Stolum nisi in Missis Defunctorum; sed accipit ad Altare cum in confessione dicit, *Indulgentiam*, illumque prius osculatur. Postremò Sacerdos accipit Planetam.

5. Si sit Episcopus, & solemniter celebret, accipit paramenta, & alia ut in Cæremoniali.

*De ingressu Sacerdotis ad Altare.*

II.

**S**acerdos omnibus paramentis indutus, accipit manu sinistra calicem, ut suprà præparatum, quem portat elevatum ante pectus, bursam manu dextra super Calicem tenens, & facta reverentia Cruci, vel imagini illi quæ in Sacristia erit, capite cooperto accedit ad Altare; ministro cum Missali, & aliis ad celebrandum necessariis (nisi ante fuerint præparata) præcedente superpelliceum induto. Procedit autem oculis demissis, incessu gravi: erecto corpore. Si verò contigerit eum transire ante Altare majus, capite cooperto faciat ad illud reverentiam. Si ante locum Sacramenti, genuflectat. Si ante Altare, ubi celebretur Missa, in qua elevatur, vel tunc ministratur Sacramentum, similiter genuflectat, & detecto capite illud adorat, nec antè surgat, quàm Celebrans deposuerit Calicem super corporale.

2. Cum pervenerit ad Altare, stans ante illius infimum gradum, caput detegit, biretum ministro porrigit, & Altari, seu imagini Crucifixi desuper positæ profundè inclinat. Si autem in eo sit tabernaculum sanctissimi Sacramenti, genuflectens debitam facit reverentiam. Tunc ascendit ad medium Altaris, ubi ad cornu Evangelii sistit Calicem, extrahit corporale de bursa, quod extendit in medio Altaris, & super illud Calicem velo coopertum collocat, bursam autem ad cornu Evangelii: Si in Altari paramenta accipit, hoc idem facit antequam descendat ab Altari, ut Missam inchoet.

3. Si est consecraturus plures Hostias pro communione facienda, quæ ob quantitatem super Patena manere non possint, locat eas super corporale ante Calicem, aut in aliquo Calice consecrato, vel vase mundo benedicto, ponit eas retrò post Calicem, & alia patena seu palla cooperit.

4. Collocato Calice in Altari, accedit ad cornu Epistolæ, Missale super cussino aperit, repetit Missam: & signaculo suis locis accommodat. Deinde rediens ad medium Altaris, facta primum Cruci

reverentia, vertens se ad cornu Epistolæ, descendit post infimum gradum Altaris, ut ibi faciat confessionem.

5. In Missa solemnè Missale apertum super Altare, Calix verò, & alia necessaria præparentur in credentia cooperta linteis, antequam Sacerdos veniat ad Altare. Ipse autem procedit cum Diacono, & Subdiacono, qui capite cooperto simul cum eo tenet manus junctas ante pectus. Acolythy verò ante eos deferunt candelabra cum candelis accensis, quæ deinde collocantur super credentia, & cum pervenerit ante infimum gradum Altaris ibi medius inter Diaconum à dextris, & Subdiaconum à sinistris, antequam ascendat ad Altare, facit cum ipsis (ut infrà) confessionem.

6. In Missa Pontificali omnia servantur, ut in Cæremoniali ordinatur: cujus ordinem Episcopus numquam prætermittat, quodcumque cum Diacono, & Subdiacono paratis celebrat.

*De principio Missæ, & Confessione facienda.* III.

1. **S**acerdos cum primum descenderit sub infimum gradum Altaris, convertit se ad ipsum Altare, ubi stans in medio, junctis manibus ante pectus, extensis, & junctis pariter digitis, & pollice dextro super sinistram posito in modum Crucis (quod semper servatur, quando junguntur manus, præterquam post consecrationem) detecto capite, facta prius Cruci, vel Altari profunda reverentia, vel si in ea sit tabernaculum sanctissimi Sacramenti, facta genuflexione, erectus incipit Missam.

2. Si celebraturus sit coram Summo Pontifice, sistit se ante infimum gradum Altaris à cornu Evangelii ante ipsum Pontificem, ubi genuflexus expectat: accepta benedictione erigit se, & stans aliquantulum versus ad Altare incipit Missam. Si autem sit coram Cardinali, Legato Sedis Apostolicæ, aut Patriarcha, Archiepiscopo, & Episcopo in eorum residentiis, vel loco jurisdictionis, stans ante infimum gradum à cornu Evangelii, ut suprà expectat: dato signo facit profundam reverentiam Prælato, & versus ad Altare incipit Missam.

3. Si autem solemniter celebrat coram Summo Pontifice, aut alio ex Prælatibus prædictis in Ecclesiis eorum jurisdictionis, stans à sinistris Prælati, facit cum eo confessionem, & alia servat, ut in Cæremoniali ordinatur.

4. Stans igitur Celebrans ante infimum gradum Altaris, ut suprà, producens manu dextra à fronte ad pectus signum Crucis, dicit intelligibili voce, *In nomine Pa-*  
*tris,*



tris, & Filii, & Spiritus sancti, Amen. Et postquam id dixerit, non debet advertere quemcumque in alio Altari celebrantem, etiam si Sacramentum elevet, sed continuatè proseguere Missam suam usque ad finem. Quod item observatur in Missa solemni, & simul etiam à ministris.

5. Cum seipsum signat, semper sinistram ponit infra pectus: in aliis benedictionibus cum est ad Altare, & benedicit oblata, vel aliquid aliud, ponit eam super Altare, nisi aliter notetur. Seipsum benedicens, vertit ad se palmam manus dextræ, & omnibus illius digitis junctis, & extensis à fronte ad pectus, & ab humero sinistro ad dextrum, signum crucis format. Si vero alios, vel rem aliquam benedicit, parvum digitum vertit ei, cui benedicit, ac benedicendo totam manum dextram extendit, omnibus illius digitis pariter junctis, & extensis; quod in omni benedictione observatur.

6. Postquam dixerit, *In nomine Patris*, &c. ut suprà, jungens iterum manus ante pectus, pronuntiat clara voce Antiphonam, *Introibo ad Altare Dei*. Minister retrò post eum ad sinistram genuflexus, & in Missa solemni ministri hinc inde stantes persequuntur, *Ad Deum qui lætificat juventutem meam*. Deinde Sacerdos eodem modo stans incipit, & proseguitur cum ministro, vel ministris alternatim Psalmum, *Judica me Deus*, usque ad finem, cum *Gloria Patri*, quo finito repetit Antiphonam, *Introibo*, cum ministris, ut suprà. Qui Psalmus nunquam prætermittitur, nisi in Missis Defunctorum, & in Missis de Tempore à Dominica Passionis inclusivè, usque ad Sabbatum sanctum exclusivè; in quibus semel tantum dicta Antiphona, *Introibo*, cum ministris, ut suprà, Sacerdos statim subjungit *Ÿ. Adjutorium nostrum*, &c. ut infra. Cum in fine Psalmi dicit, *Gloria Patri*, caput Cruci inclinatur.

7. Repetita Antiphona. *Introibo*, dextra manu producens signum crucis à fronte ad pectus, dicit *Ÿ. Adjutorium nostrum in nomine Domini*.

R. *Qui fecit cælum & terram*, Deinde Altari se profundè inclinans, junctis manibus dicit, *Confiteor Deo*, ut in Ordine Missæ, & proseguitur eodem modo stans inclinatus, donec à ministro, vel ministris dictum sit, *Misereatur*. Cum incipitur à ministris *Confiteor*, se erigit. Cum dicit, *mea culpa*: ter pectus dextra manu percutit, sinistra infra pectus posita.

8. Si est coram Pontifice, Cardinale, Legato Sedis Apostolicæ, vel Patriarcha,

Archiepiscopo, & Episcopo in eorum Provincia, civitate, vel diocesi constitutis, ubi dicit, *vobis fratres*, dicat *tibi Pater*, similiter in fine, ubi dicit, *vos fratres*, dicat *te Pater*, quod dicens Summo Pontifici genuflectit, aliis Prælati profundè se inclinatur.

9. Cum minister, & qui interfant (etiam si ibi fuerit Summus Pontifex) respondent, *Confiteor*, dicunt, *tibi Pater*, & *te Pater*, aliquantulum conversi ad Celebrantem.

10. Facta à circumstantibus confessione, Celebrans stans respondet, *Misereatur vestri*, &c. Deinde producens manu dextra à fronte ad pectus signum Crucis dicit, *Indulgentiam*, &c. & si est Episcopus accipit manipulum osculando illum in medio. Et stans inclinatus junctis manibus proseguitur, *Deus tu conversus*, & quæ sequuntur in ordine Missæ, clara voce usque ad Orationem, *Aufer à nobis*, &c. & cum dicit, *Oremus*, extendit, & jungit manus.

11. Et tunc si coram Summo Pontifice, aut aliis Prælati, ut suprà, celebret, facta Summo Pontifici genuflexione, aliis Prælati profunda reverentia, accedit ad medium Altaris ante infimum gradum, & ibi incipit secretò, *Aufer a nobis*, ut in Ordine Missæ.

*De Introitu, Kyrie eleison, & Gloria in excelsis.* IV.

**D**Um dicit, *Aufer à nobis*, &c. Celebrans junctis manibus ascendit ad medium altaris, & ibi inclinatus, manibusque item junctis super eo positis, ita ut digiti parvi dumtaxat frontem, seu medium anterioris partis tabulæ, seu mensæ Altaris tangant, residuo manuum inter Altare, & se retento, pollice dextro super sinistram in modum crucis posito (quæ omnia semper observantur cum manus junctæ super Altare ponuntur) secretò dicit, *Oramus te Domine*, &c. & cum dicit, *Quorum reliquiae hic sunt*, osculatur Altare in medio manibus extensis æqualiter hinc inde super eo positis, quod semper servatur quando osculatur Altare: sed post consecrationem pollices ab indicibus non disjunguntur. In omni etiam deosculatione sive Altaris, sive libri, sive alterius rei, non producit signum Crucis pollice, vel manu super id, quod osculandum est.

2. Osculato Altari accedit ad cornu ejus sinistram, idest Epistolæ, ubi stans versus altare, & producens à fronte ad pectus signum Crucis, incipit intelligibili voce, *Introitum* Missæ, & proseguitur



tur junctis manibus. Cùm dicit, *Gloria Patri*, tenens junctas manus, caput inclinat versus Crucem. Cùm repetit *Intracitum*, non signat se ut priùs: & eo repetito, junctis manibus ante pectus accedit ad medium Altaris, ubi stans versus illud similiter manibus junctis, dicit eadem voce ter *Kyrie eleison*, ter *Christe eleison*, & iterùm ter *Kyrie eleison*, alternatim cum ministro. Si minister, vel qui interfunt, Celebranti non respondeant, ipse solus novies dicit.

3. Dicto ultimo *Kyrie eleison*, Sacerdos stans in medio altaris, & manus extendens, elevansque usque ad humeros (quod in omni manuum elevatione observatur) voce prædicta incipit, si dicendum sit, *Gloria in excelsis*. Cùm dicit, *Deo*, jungens manus, caput Cruci inclinat: quo erecto, stans junctis manibus ante pectus, prosequitur usque ad finem. Cùm dicit, *Adoramus te*, *Gratias agimus tibi*, & *Jesu Christe*, *Suscipe deprecationem nostram*, & iterùm, *Jesu Christe*, caput Cruci inclinat. Cùm dicit in fine, *Cum sancto Spiritu*, seipsum à fronte ad pectus signat, interim absolvens, *In gloria Dei Patris, Amen*.

4. In Missa solemni Sacerdos facta Confessione ascendit cum ministris ad medium Altaris, ubi dicto *Oramus te Domine*, & osculato Altari, ponit incensum in Thuribulum, ministrante Diacono naviculam, & Thuriferario Thuribulum. Diaconus parum inclinatus versus Celebrantem, dicit: *Benedicite Pater reverende*, & osculatur cochlear & manum celebrantis antè & post. Celebrans ter incensum ponit in Thuribulum, dicens interim, *Ab illo benedicaris*, & deposito cochleari, produciens manu dextra signum Crucis super thus in Thuribulo, illud benedicit. Postea Diaconus dimissa navicula, accipit Thuribulum, & dat celebranti, osculata priùs catenularum summitate, & manu illius dextera: qui facta Cruci profunda reverentia, eam ter incensat, nihil dicens: & facta iterùm Cruci reverentia, incensat Altare, ter ducens Thuribulum æquali distantia, prout distribuuntur candelabra, à medio ejus usque ad cornu Epistolæ: ubi demissa manu, thurificat illius postremam partem inferiorem, mox superiorem, bis ducto Thuribulo; & conversus ad altare, elevans manum incensat ejus planitiem, seu mensam in parte anteriori, ter ducens Thuribulum usque ad medium: ubi facta Cruci reverentia, procedendo thurificat aliud latus Altaris triplici ductu

usque ad cornu Evangelii: & pariter incensata inferiori & superiori parte ipsius cornu Evangelii duplici ductu, adhuc stans ibidem, elevat Thuribulum, & ter incensat superiorem tabulæ partem versus medium Altaris, ut fecit in cornu Epistolæ: deinde manu aliquantulum demissa, incensat anteriorem ejus partem seu frontem, ter ducens Thuribulum dum procedit à cornu Evangelii usque ad medium Altaris: & facta Cruci reverentia incensat similiter triplici ductu reliquam partem anteriorem usque ad cornu Epistolæ: ubi reddito Thuribulo ipsi Diacono, ab eo ipse solus incensatur.

5. Si verò in Altari fuerint Reliquiæ, seu Imagines Sanctorum, incensata Cruce, & facta ei reverentia, antequam discedat à medio Altaris, primùm incensat eas quæ à dextris sunt, id est à parte Evangelii prope Crucem, bis ducens Thuribulum, & iterùm facta Cruci reverentia similiter incensat bis alias quæ sunt à sinistris, hoc est à parte Epistolæ: deinde prosequitur incensationem Altaris ut supra, ter ducens Thuribulum in unoquoque latere, etiam si in eo essent plures Reliquiæ, vel imagines, seu etiam plura vel pauciora candelabra.

6. Si in Altari fuerit tabernaculum SS. Sacramenti, accepto Thuribulo antequam incipiat incensationem, genuflectit; quod item facit quotiescumque transit ante medium Altaris.

7. Diaconus & Subdiac. hinc inde assistunt Celebranti cùm incensat, & cùm transeunt ante Crucem, semper genuflectunt. Deinde Celebrans, Diacono à dextris ejus, Subdiacono à dextris Diaconi stantibus in cornu Epistolæ, legit *Intracitum*, & *Kyrie eleison*. Cùm verò intonat Hymnum, *Gloria in excelsis Deo*. Diaconus & Subdiac. unus post alium, stant à tergo Celebrantis: postea ascendunt ad altare, & hinc inde, Diaconus à dextris, Subdiac. à sinistris, cum Celebrante Hymnum submissa voce prosequantur usque ad finem. Quod etiam servatur cùm dicitur *Credo*, & cùm dicitur *Dominus vobiscum*, *Oratio*, *Præfatio*, & *Pater noster*, Diaconus & Subdiaconus similiter stant unus post alterum à tergo Celebrantis.

#### De Oratione. V.

1. Dicto Hymno, *Gloria in excelsis*, vel, si non sit dicendus, eo omisso, Celebrans osculatur Altare in medio, manibus hinc inde super eo, ut supra, extensis, tum illis ante pectus junctis & demissis ad terram oculis,



vertit se à sinistro latere ad dextrum versus populum, hoc est, per eam partem quæ respicit cornu Epistolæ, & extendens ac jungens manus ante pectus, ut prius, dicit voce prædicta, *Dominus vobiscum*, vel, si sit Episcopus, *Pax vobis*, quod dicitur tantum hoc loco, quando dictus est Hymnus, *Gloria in excelsis*. *R. Et cum spiritu tuo*, & junctis ut prius manibus revertitur per eandem viam ad librum, ubi eas extendens & jungens ante pectus, caputque Cruci inclinans dicit, *Oremus*, tum extendit manus ante pectus, ita ut palma unius manus respiciat alteram, & digitis simul junctis, quorum summitas humerorum altitudinem distantiamque non excedat: quod in omni extensione manuum ante pectus servatur. Stans autem, ut supra, extensis manibus dicit *Orationem*. Cum dicit, *Per Dominum*, jungit manus, easque junctas tenet usque ad finem. Si aliter concluditur Oratio, *Qui tecum*, vel *Qui vivis*, cum dicit in *unitate*, jungit manus.

2. Cum nominatur nomen *JESUS*, caput versus Crucem inclinatur: quod etiam facit cum nominatur in Epistola. Et similiter ubicumque nominatur nomen B. M. vel Sanctorum, de quibus dicitur Missa, vel sit commemor. item in Oratione pro Papa, quando nominatur, semper caput inclinatur, non tamen versus Crucem. Si plures Orationes sint dicendæ, idem in eis, in voce, extensione manuum, & capitis inclinatione, quod supra dictum est, observatur.

3. Si Altare sit ad Orientem versus populum, Celebrans versa facie ad populum, non vertit humeros ad Altare, cum dicitur est, *Dominus vobiscum*, *Orate fratres*, *Ite Missa est*, vel daturus benedictionem, sed osculato Altari in medio, ibi expansis & junctis manibus, ut supra, salutat populum, & dat benedictionem.

4. In Quat. Temp. vel aliàs quando dicendæ sunt plures Orationes cum Prophetiis, dicto *Kyrie eleison*, in medio Altaris, revertitur ad cornu Epistolæ, ubi stans ante librum, extensis & junctis ante pectus manibus, caput Cruci inclinans, dicit, *Oremus*, *Flectamus genua*, & illicò manibus super Altare extensis, ut seipsum ad Altare sustineat, genuflectit, & sine mora surgens, eadem voce ministro respondente, *Levate* manibus extensis dicit *Orationem*, ut supra, & in conclusione eas jungit. Dum autem legit Prophetias, tenet manus super librum, vel Altare positas, ut mox dicetur de Epistola.

5. In Missa solemni cum dicitur, *Dominus vobiscum*, & *Oratio*, Diaconus & Subdiaconus stant retrò post Celebrantem. *Flectamus genua*, dicitur à Diacono, à Subdiacono verò, *Levate*, illo primùm genuflectente, hoc primùm surgente. Celebrans verò non genuflectit.

*De Epistola, Graduali, & aliis usque ad Offertorium.* VI.

**D**ictis Orationibus, Celebrans positus super librum, vel super Altare manibus, ita ut palmæ librum tangant, vel (ut placuerit) librum tenens, legit *Epistolam*, intelligibili voce, & respondetur à ministro, *Deo gratias*, & similiter stans eodem modo prosequitur, *Graduale*, *Alleluia*, & *Tractus*, ac *Sequentiam*, si dicenda sint. Quibus dictis, Sacerdos si privatim celebret, ipsemet, seu minister portat Missale ad alteram partem Altaris, in cornu Evangelii; dum transit ante medium Altaris, caput Cruci inclinatur, & Missale, sic locat, ut posterior pars libri respiciat ipsum cornu Altaris, & non ad parietem, sive ad partem ejus contra se directam.

2. Locato Missali in Altari, Celebrans redit ad medium Altaris, ibique stans junctis manibus ante pectus, levatisque ad Deum oculis, & statim demissis, tum profundè inclinatus, dicit secretò, *Munda cor meum*, & *Jube Domine benedicere*, *Dominus sit in corde meo*, ut in Ordinario. Quibus dictis vadit ad librum Missalis, ubi stans versus illum junctis manibus ante pectus, dicit intelligibili voce, *Dominus vobiscum*. *R. Et cum spiritu tuo*. Deinde pollice dextræ manus signo Crucis signat, primò librum super principio Evangelii, quod est lecturus, postea seipsum in fronte, ore, & pectore, dicens, *Sequentia*, vel *Initium sancti Evangelii*, &c. *R. Gloria tibi Domine*. Tum junctis iterùm manibus ante pectus, stans ut supra, prosequitur Evangelium usque ad finem. Quo finito, minister stans in cornu Epistolæ post infimum gradum Altaris, respondet, *Laus tibi Christe*, & Sacerdos elevans parumper librum, osculatur principium Evangelii, dicens, *Per Evangelica dicta*, &c. præterquam in Missis Defunctorum, & nisi celebret coram summo Pontifice, Cardinali, & Legato Sedis Apostolicæ, vel Patriarcha, Archiepiscopo, & Episcopo, in eorum residentiis: quo casu deferitur cuilibet prædictorum osculandus liber, & Celebrans tunc non osculatur illum, nec dicit, *Per Evangelica dicta*. Cum autem nominatur *JESUS*,



JESUS, caput versus librum inclinat : & eodem modo versus librum genuflectit, cum in Evangelio est genuflectendum.

3. Dicto Evangelio stans in medio Altaris versus crucem, elevans & extendens manus, incipit (si dicendum sit) *Credo*, cum dicit, *in unum Deum*, jungit manus, & caput Cruci inclinat : quo erecto, stans ibidem junctis ante pectus manibus, ut prius, prosequitur usque ad finem. Cum dicit, *Jesum Christum*, caput Cruci inclinat. Cum dicit, *Et incarnatus est*, usque ad, *Et homo factus est*, inclusivè, genuflectit. Cum dicit, *simul adoratur*, caput Cruci inclinat. Cum dicit, *Et vitam venturi sæculi, Amen*, producit sibi manu dextra signum Crucis à fronte ad pectus.

4. In Missa solemni Subdiaconus circa finem ultimæ Orationis accipit ambabus manibus librum Epistolarum, deferens illum supra pectus, & facta Altari genuflexione in medio, vadit ad partem Epistolæ contra Altare, & cantat Epistolam, quam etiam Celebrans interim submissa voce legit, assistente sibi Diacono à dextris, & item Graduale, Tractum, &c. usque ad *Munda cor meum*, Epistola cantata, Subdiaconus facit iterum genuflexionem Altari in medio, ac redit ad Celebrantem, & genuflectens osculatur ejus manum : & ab eo benedicitur, præterquam in Missis Defunctorum.

5. Postea idem Subdiaconus accipit Missalis Celebrantis, deferat ad cornu Evangelii in Altari, & ibi ministrat celebranti, qui in medio Altaris submissa voce, dicto, *Munda cor meum*, &c. & deinde lecto Evangelio, quod in finem osculatur, delato etiam per Diaconum libro Evangeliorum ad Altare, imponit incensum in Thuribulum. Postea Diaconus genuflexus ante altare, dicit, *Munda cor meum*, & accipiens librum Evangeliorum de Altari, petit benedictionem à Celebrante similiter genuflexus in superiori gradu Altaris, & osculata illius manu, præcedentibus Thuriferario, & duobus Acolythis cum candelabris accensis de credentia sumptis, vadit cum Subdiacono à sinistris ad locum Evangelii contra Altare versus populum, ubi Subdiacono librum tenente, medio inter duos Acolythes tenentes candelabra accensa, dicit, *Dominus vobiscum*, junctis manibus. Cum dicit, *Sequentia*, &c. signat librum in principio Evangelii, frontem, os & pectus ; postea ter librum incensat, hoc est, in medio, à dextris, & à sinistris, & prosequi-

tur Evangelium junctis manibus. Interim Celebrans post datam Diacono benedictionem retrahens se ad cornu Epistolæ, ibi stat junctis manibus. Et cum Diaconus dicit, *Sequentia sancti Evangelii*, Sacerdos etiam signat se, & cum nominatur JESUS caput inclinat versus Altare. Finito Evangelio Sacerdos osculatur librum à Subdiacono sibi delatum, dicens, *Per Evangelica dicta*, &c. & à Diacono ter incensatur. Si sit coram Prælato in sua residentia, liber deferatur ad Prælatum, ut supra, & ille incensatur, ut in Cæremoniali. Postea stans in medio Altaris versus ad Crucem, incipit, si dicendum sit, *Credo*, stantibus post eum Diacono, & Subdiacono : deinde ad Altare accedentibus, & cum eo prosequentibus, ut dictum est ad *Gloria in excelsis*.

6. Si autem sit prædicandum, Concionator finito Evangelio prædicet, & sermone five concione expleta, dicatur *Credo*, vel si non sit dicendum, cantetur *Offertorium*.

7. Cum verò in Symbolo cantatum fuerit, *Et incarnatus est*. Diaconus accepta bursa de credentia, ambabus manibus eam deferat elevatam cum solitis reverentiis ad medium Altaris, in quo explicat Corporale, & revertitur ad Celebrantem. Cum non dicitur, *Credo*, Subdiaconus deferat bursam simul cum Calice, ut infra dicitur.

8. Si quandoque Celebrans cantat Missam sine Diacono, & Subdiacono, *Epistolam*, cantat in loco consueto aliquis Lector superpelliceo indutus : qui in fine non osculatur manum Celebrantis. *Evangelium*, autem cantat ipse celebrans ad cornu Evangelii, qui & in fine Missæ cantat, *Ite Missa est*, vel *Benedicamus Domino*, aut, *Requiescant in pace*.

De Offertorio, & alia usque ad Canticum.  
VII.

1. **D**ICTO Symbolo, vel, si non sit dicendum, post Evangelium Celebrans osculatur altare in medio, junctis manibus ante pectus, ibidem à manu sinistra ad dextram (ut dictum est supra) vertit se ad populum, & extendens, ac jungens manus, dicit, *Dominus vobiscum*, & junctis manibus revertitur per eandem viam ad medium Altaris, ubi extendens, & jungens manus, caputque Cruci inclinans, dicit, *Oremus*, tum junctis ut prius manibus, dicit, *Offertorium*, & omnia, quæ usque ad finem Missæ in medio Altaris dicenda sunt, dicit ibidem stans versus ad altare, nisi ubi aliter ordinatur.



2. Dicto *Offertorio*, discooperit Calicem, & ad cornu Epistolæ sistit, & manu dextra amovet parvam pallam desuper Hostiam, accipit Patenam cum Hostia, & ambabus manibus usque ad pectus eam elevatam tenens, oculis ad Deum elevatis, & statim demissis dicit, *Suscipe sancte Pater, &c.*

3. Si fuerint aliæ Hostiæ non super Patenam, sed super Corporale, vel in alio Calice, seu vase pro Communione populi consecrandæ, Calicem illum, seu vas dextra discooperit, & intentionem suam etiam ad illas offerendas, & consecrandas dirigens, dicit ut suprâ, *Suscipe, &c.* ut in ordine Missæ. Quo dicto, Patenam utraque manu tenens, cum ea facit signum Crucis super corporale, & deponit Hostiam circa medium anterioris partis corporalis ante se, & patenam ad manum dextram aliquantulum subtus Corporale: quam exterso Calice, ut dicetur, cooperit purificatorio. Si autem adsit vas, seu Calix cum aliis Hostiis, ipsum cooperit alia patena, vel palla.

4. Deinde in cornu Epistolæ accipit Calicem, purificatorio extergit: & sinistra tenens illius nodum, accipit ampullam vini de manu ministri (qui osculatur ipsam ampullam, non autem manum Celebrantis) & ponit vinum in Calicem. Deinde eodem modo tenens Calicem, producit signum Crucis super ampullam aquæ, & dicit: *Deus qui humanæ substantiæ, & infundens parum aquæ in Calice prosequitur, Da nobis per hujus aquæ, & vini mysterium, &c.* Si vero celebrat pro defunctis, non facit signum crucis super aquam, sed imponit absque benedictione, dicens Orationem ut suprâ.

5. Imposita aqua in Calice, & finita Oratione prædicta, accipit manu dextra Calicem discoopertum, & stans ante medium Altaris, ipsum ambabus manibus elevatum tenens, videlicet cum sinistra pedem, cum dextra autem nodum infra cuppam, intentis ad Deum oculis offert, dicens: *Offerimus tibi Domine, &c.* Qua oratione dicta, facit signum Crucis cum Calice super corporale, & ipsum in medio post Hostiam collocat, & palla cooperit. Deinde junctis manibus super Altare positis, aliquantulum inclinatus dicit secretò, *In spiritu humilitatis, &c.* Postea erectus elevans oculos, manusque expandens, & statim jungens ante pectus, (quod semper facit quando aliquid est benedicturus) dicit, *Veni sanctificator, &c.* cum dicit, & benedic, signat manu dextra communiter, super

Hostiam, & Calicem, sinistra posita super Altare.

6. Tum junctis ante pectus manibus accedit ad cornu Epistolæ, ubi stans, ministro aquam fundente lavat manus, idest, extremitates digitorum pollicis, & indicis, dicens Psalmum, *Lavabo inter innocentes, cum Gloria Patri, &c.* qui Versus *Gloria Patri*, prætermittitur in Missis Defunctorum, & in Missis de Tempore à Dominica de Passione usque ad Sabbatum sanctum exclusivè.

7. Celebrans lotis manibus eas tergit, & illis ante pectus junctis, revertitur ad medium Altaris, ubi stans oculosque ad Deum elevans, & statim demittens, manibus junctis super Altare, aliquantulum inclinatus dicit secretò Orationem, *Suscipe sancta Trinitas, &c.* Qua dicta, manibus hinc inde extensis, & super Altare positis, osculatur illud in medio: tum junctis manibus ante pectus, demissisque oculis ad terram, à sinistra manu ad dextram vertit se ad populum, & versus eum extendens & jungens manus, dicit voce aliquantulum elata, *Orate Fratres, & secretò prosequens, ut meum, ac vestrum sacrificium, & perficit circulum revertens junctis manibus ante pectus à manu dextra ad medium Altaris.* Et responso à ministro, vel à circumstantibus, *Suscipiat Dominus sacrificium de manibus tuis, &c.* alioquin per se ipsum dicens, *Sacrificium de manibus meis,* ipse Celebrans submissa voce, dicit, *Amen,* & manibus ante pectus extensis, ut fit ad Orationem, stans in medio Altaris versus librum dicit absolute sine *Oremus,* & sine alia interpositione *Orationem,* vel *Orationes secretas,* Cum dicit, *Per Dominum,* jungit manus, cum dicit, *Jesum Christum,* caput inclinat, quod facit in prima Oratione, & in ultima, si plures sint dicendæ.

8. Pervento autem in conclusione ultimæ Secretæ ad verba illa, *Per omnia sæcula sæculorum* exclusivè: Sacerdos stans in medio Altaris, depositis super eo manibus hinc inde extensis, dicit convenienti, & intelligibili voce *Præfationem.* Cum dicit, *Sursum corda,* elevat manus, hinc inde extensas usque ad pectus, ita ut palma unius manus respiciat alteram. Cum dicit, *Gratias agamus Domino,* jungit manus, cum dicit, *Deo nostro* oculos elevat: & statim Cruci caput inclinat. Responso, *Dignum & justum est,* elevatis, & extensis, ut prius, manibus prosequitur *Præfationem* propriam vel communem, ut tempus requirit. Cum dicit *Sanctus* junctis ante pectus manibus, & in-



& inclinatus, voce mediocri prosequitur: ministro interim parvam campanulam pulsante. Cum dicit, *Benedictus qui venit in nomine Domini*, &c. erigit se, & signum crucis sibi producit à fronte ad pectus.

9. In Missa solemnī dicto *Oremus*, Diaconus, & Subdiaconus accedunt ad Altare in cornu Epistolæ. Diaconus amovet Calicem, si est in Altari, vel si est in credentia, ut magis decet, accipit eum de manu Subdiaconi, qui illum cum patena, & Hostia, cooperit palla, & velo à collo sibi pendente manu sinistra tenens, & alteram manum superponens velo, ne aliquid decidat, de credentia detulit, comitatus ab Acolythis ampullas vini & aquæ portante: ipse Diaconus Calicem detegit, & dat Patenam cum Hostia celebranti, osculando ejus manum: Subdiaconus extergit Calicem purificatorio. Diaconus accepta ampulla vini de manu Subdiaconi, imponit vinum in Calice. Subdiaconus interim ampullam aquæ ostendens celebranti dicit, *Benedicite Pater reverende*, qui facto versus eam signo crucis, dicit Orationem, *Deus qui humanæ*, &c. interim Subdiaconus infundit paululum aquæ in Calicem, Diaconus illum Celebranti dat, & pedem calicis tangens, seu brachium dextrum celebrantis sustentans cum eo dicit, *Offerimus tibi Domine*, &c. quem postea positum in Altari, ut supra palla cooperit. Subdiacono deinde stanti in cornu Epistolæ ponit in dextra manu Patenam, quam cooperit extremitate veli ab ejus humero pendentis, qui vadit post Celebrantem ante medium Altaris, & facta genuflexione ibi stat, sustinens eam elevatam usque ad finem Orationis Dominicæ, ut dicetur. In Missis autem Defunctorum, & in Feria vi. Parasceves Patena non tenetur à Subdiacono.

10. Dicto *Veni sanctificator*, ut supra, celebrans ministrante Diacono naviculam, & dicente, *Benedicite Pater reverende*, ponit incensum in Thuribulum dicens, *Per intercessionem* &c. ut in ordine Missæ. Deinde accepto Thuribulo per manum Diaconi, nullam tunc faciens Cruci reverentiam, incensat oblata, ter ducens Thuribulum super calicem, & Hostiam simul in modum crucis, & ter circum Calicem, & Hostiam, scilicet bis à dextra ad sinistram, & semel à sinistra ad dexteram (Diacono interim pedem Calicis tenente manu dextra) dispensans verba in qualibet incensatione, hoc modo: In prima in-

ensatione, *Incensum istud*. In secunda, *à te benedictum*. In tertia, *ascendat ad te Domine*. In quarta, *Et descendat super nos*. In quinta & sexta, *miserericordia tua*. Deinde facta reverentia, incensat Crucem & Altare, ut dictum est supra, assistente eodem Diacono, interim dicens, *Dirigatur Domine oratio mea*, &c. & cum incensatur crux, Diaconus amovet Calicem ad partem Epistolæ, & incensata cruce reponit in loco suo. Cum reddit Thuribulum Diacono, dicit, *Accendat in nobis* &c. Et incensatur ab eo. Deinde Diaconus incensat chorum, & postremò Subdiaconum tenentem Patenam, & ipse Diaconus incensatur à Thuriferario, & Thuriferarius postea incensat Acolythis, & populum. Celebrans postquam incensatus fuerit, lavat manus, ministrantibus Acolythis ampullam aquæ cum pellicula, & manutergio.

11. Cum dicitur *Præfatio* Diaconus, & Subdiaconus stant retrò post Celebrantem: & paulo antequam dicatur, *Sanctus* accedunt ad Altare, ubi cum Celebrante hinc inde dicunt, *Sanctus*, & quæ sequuntur usque ad *Canonem*. Deinde Diaconus accedit ad sinistram Celebrantis, ei assistens dum dicitur *Canon*, nisi alius Sacerdos assistat, quia tunc ipse staret ad dextram aliquantulum post Celebrantem. Subdiaconus verò tunc stat post Celebrantem.

*De Canone Missæ usque ad consecrationem. VIII.*

1. **F**inita Præfatione, ut supra, Sacerdos stans ante medium Altaris, versus ad illud aliquantulum elevat manus, oculisque elevatis ad Deum, & sine mora devotè demissis, ac manibus junctis, & super altare positis, profundè inclinatus incipit Canonem, secretò dicens, *Te igitur*, &c. ut in ordine Missæ. Cum dicit, *ut accepta habeas*, & *benedicas*, prius osculatur Altare in medio, deinde erigit se, & stat junctis manibus ante pectus. Cum dicit, *Hæc igitur*, hæc munera, hæc sancta sacrificia, dextra manu signat ter communiter super Hostiam & Calicem. Deinde extensis manibus ante pectus, prosequitur, *in primis, quæ tibi offerimus*, &c.

2. Ubi dicit, *una cum famulo tuo Papa nostro N.* exprimit nomen Papæ: Sede autem vacante verba prædicta omittuntur. Ubi dicitur, & *Antistite nostro N.* specificatur nomen Patriarchæ, Archiepiscopi, vel Episcopi ordinarii in propria diocesi, & non alterius Superioris, etiam si Celebrans sit omnino exemptus, vel sub alterius Episcopi jurisdictione. Si verò Episcopus ordinarius illius loci, in quo Missa cele-



celebratur, sit vita functus, prædicta verba omittuntur quæ etiam omittuntur ab iis, qui Romæ celebrant. Si Celebrans est Episcopus, Archiepisc. vel Patriarcha, omiſſis prædictis verbis, eorum loco dicit, *Et me indigno servo tuo.* Summus autem Pontifex cum celebrat, omiſſis verbis, *una cum famulo tuo Papa nostro N. & Antistite nostro N.* dicit, *una cum me indigno famulo tuo, quem gregi tuo præesse voluisti.* Et continuant omnes, ut sequitur, *Et omnibus orthodoxis.*

3. Cum dicit *Memento Domine*, elevans, & jungens manus usque ad faciem, vel pectus, sic junctis manibus stat paulisper in quiete, demisso aliquantulum capite, faciens commemorationem vivorum Christi fidelium ad suam voluntatem, quorum nomina si vult, secretò commemoret: non tamen necesse est ea exprimere, sed mente tantum eorum memoriam habeat. Potest enim Celebrans, si pro pluribus orare intendit, ne circumstantibus sit morosus, ante Missam in animo proponere sibi omnes illos tam vivos, quam Defunctos, pro quibus in ipsa Missa orare intendit, & hoc loco generaliter unico contextu ipsorum vivorum commemorationem agere, pro quibus ante Missam orare proposuit in Missa.

4. Commemoratione vivorum facta, deſiſſis, & extensis, ut prius, manibus continuat, *Et omnium circumſtantium*, &c. Similiter stans proſequitur, *Communicantes*, cum dicit, *Jesu Christi*, caput Crucis inclinat: in conclusione quando dicit, *Per eundem* jungit manus. Cum dicit, *Hanc igitur oblationem*, expandit manus simul super oblata, ita ut palmæ sint apertæ verſus ac ſupra calicem, & Hostiam, quas sic tenet usque ad illa verba, *Per Christum Dominum nostrum*, tunc enim jungit manus, & sic proſequitur, *quàm oblationem tu Deus in omnibus quaesumus*, & cum dicit, *benedicam adſcriptam, ractam* communiter ſignat ter super Hostiam, & Calicem simul: deinde cum dicit, *ut nobis corpus*, ſeparatim ſignat ſemel super Hostiam tantum, & cum dicit, *& Sanguis*, ſemel super Calicem tantum: deinde elevans, & jungens manus ante pectus proſequitur, *ſiat dilectiſſimi Filii tui Domini nostri Jesu Christi*: & inclinans caput Crucis, & extergit, ſi opus fuerit, pollices, & indices super Corporale, & dicit ſecretò ut prius, *Qui pridie quam pateretur*, & accipiens pollice, & indice dexteræ manus Hostiam, & eam cum illis ac indice, & pollice ſiniſtræ manus tenens, ſtans erectus ante medium Altaris, dicit: *Ac-*

*cepit panem in ſanctas, ac venerabiles manus ſuas, elevansque ad cælum oculos, & ſtatim demittens, dicit, & elevatis oculis in cælum ad te Deum Patrem ſuum omnipotentem; caputque aliquantulum inclinans, dicit: tibi gratias agens, & tenens Hostiam inter pollicem, & indicem ſiniſtræ manus, dextra producit ſignum Crucis ſuper eam, dicens, benedixit, fregit, deditque diſcipulis ſuis, dicens: Accipite & manducate ex hoc omnes.*

5. Si adſit vas cum aliis Hostiis confeſcandis antequam accipiat Hostiam, diſcooperit manu dextra Calicem, ſeu vas aliarum Hostiarum. Cum autem finierit ſupraſta verba, cubitis ſuper Altare poſitis, ſtans capite inclinato, diſtinctè, reverenter, & ſecretò proſert verba confeſcrationis ſuper Hostiam, & ſimul ſuper omnes, ſi plures ſint confeſcandæ, & Hostiam ſuam pollicibus, & indicibus tantum tenens, dicit, *Hoc eſt enim corpus meum.* Quibus prolatis, Celebrans tenens Hostiam inter pollices, & indices prædictos ſuper Altare, reliquis manuum digitis extensis, & ſimul junctis (& Hostiis, ſi plures ſint confeſcandæ, in loco, in quo à principio Miſſæ poſitæ ſunt, ſuper Corporali, vel in alio vaſe, aut calice demiſſis) genuflexus eam adorat. Tunc ſe erigens, quantum commodè poſteſt, elevat in altum Hostiam, & intentis in eam oculis (quod & in elevatione Calicis facit) populo reverenter oſtendit adorandam, & mox ſola manu dextra ipſam reverenter reponit ſuper Corporale in eodem loco unde eam levavit, & deinceps pollices, & indices non diſjungit, niſi quando Hostiam confeſcram tangere, vel tractare debet, uſque ad ablutionem digitorum poſt Communionem.

6. Repoſita Hostia confeſcram ſuper Corporale, genuflexus ipſam veneratur: ſi adſit vas aliarum Hostiarum, Patena, vel palla cooſperit, ut ſuprà. Interim dum Celebrans elevat Hostiam, accenſo prius intortitio (quod non extinguitur niſi poſtquam Sacerdos Sanguinem ſumpſerit, vel alios communicaverit, ſi qui erunt communicandi in Miſſa,) miniſter manu ſiniſtra elevat ſimbrias poſteriores Planetæ, ne ipſum Celebrantem impediatur in elevatione brachiorum, quod & facit in elevatione Calicis: & manu dextra pulſat campanulam ter ad unamquamque elevationem, vel continuatè quovis Sacerdos deponat Hostiam ſuper Corporale, & ſimiliter poſtmodum ad elevationem Calicis.

7. Celebrans adorato Sacramento ſurgit, & diſcooperit Calicem, in quem, ſi opus



si opus sit, extergit digitos, quod semper faciat, si aliquod fragmentum digitis adhæreat, & stans erectus dicit, *Simili modo postquam cœnatum est*, & ambabus manibus accipiens Calicem juxta nodum infra cuppam: & aliquantulum illum elevans, ac statim deponens, dicit, *accipiens & hunc præclarum Calicem*, &c. cum dicit, *Item tibi gratias agens*, caput inclinat, cum dicit, *benedixit*, sinistra Calicem infra cuppam tenens, dextra signat super eum, & prosequens, *deditque discipulis suis*, &c. & ambabus manibus tenens Calicem, videlicet sinistra pedem, dextra nodum infra cuppam, cubitis super Altare positus, & capite inclinato profert attentè, continuatè, & secretò, ut suprâ, verba consecrationis Sanguinis: *Hic est enim Calix*, &c. Quibus dictis reponit Calicem super corporale, dicens secretò: *Hæc quotiescumque feceritis*, &c. genuflexus Sanguinem reverenter adorat. Tum se erigit, & accipiens Calicem discoopertum cum Sanguine ambabus manibus, ut prius elevat eum, & erectum, quantum commodè potest, ostendit populo adorandum: mox ipsum reverenter reponit super Corporale in locum pristinum, & manu dextra palla cooperit, ac genuflexus Sacramentum veneratur.

8. In Missa solemni ad finem Præfationis accenduntur duo saltem intortitia ab Acolythis, quæ extinguuntur post elevationem Calicis, nisi aliqui sint communicandi, & tunc extinguuntur post Communionem. In diebus etiam jejuniorum, & in Missis pro Defunctis tenentur accensæ usque ad Communionem. Cum autem Celebrans dicit, *Quam oblationem*, &c. Diaconus accedit ad ejus dexteram, & ibi in superiori gradu altaris genuflexus, cum Sacramentum elevatur, fimbrias Planetæ elevat, & quando opus est, se erigens Calicem discooperit, & cooperit, & cum Celebrante genuflectit. Subdiaconus genuflectit in loco suo. Thuriferarius genuflexus in cornu Epistolæ ter incensat Hostiam cum elevatur, & similiter Calicem, posito incenso in Thuribulum absque benedictione. Reposito Calice, Diaconus redit ad librum, nisi alius assistat. Ceteri surgunt, & stant in suis locis.

*De Canone, post Consecrationem usque ad Orationem Dominicam. IX.*

1. **R**eposito Calice, & adorato, Sacerdos stans ante Altare, extensis manibus ante pectus dicit secretò, *Unde & memores*, &c. cum dicit, *de tuis donis, ac datis*, jungit manus

ante pectus: & cum dicit, *Hostiam ✠ puram, Hostiam ✠ sanctam, Hostiam ✠ immaculatam*, manu sinistra posita super Altare intra Corporale, dextra signat ter communiter super Hostiam & Calicem, & semel super Hostiam tantum, & semel super Calicem tantum, dicens, *Panem ✠ sanctum, vitæ æternæ, & Calicem ✠ salutis perpetuæ*, deinde stans, ut prius, extensis manibus prosequitur, *Supra quæ propitio*, &c. Cum dicit, *Supplices te rogamus*, &c. inclinat se ante medium Altaris, manibus junctis super illo positus: cum dicit, *ex hac Altaris participatione*, osculatur Altare, manibus hinc inde super Corporale positus. Cum dicit, *Sacrosanctum Filii tui*, jungit manus, & dextera signans semel super Hostiam tantum, & semel super Calicem, sinistra super corporale posita, dicit, *Cor ✠ pus, & san ✠ guinem sumpserimus*: & cum dicit, *omni benedictione ✠ cælesti*, seipsum signat à fronte ad pectus signo Crucis, sinistra posita infra pectus, & prosequitur, *& gratia repleamur*. Cum dicit, *Per eundem*, jungit manus.

2. Cum dicit, *Memento Domine famulorum famularumque tuarum*, &c. extensis, & junctis manibus ante pectus, & usque ad faciem elevatis, & intentis oculis ad Sacramentum super Altare, facit commemorationem fidelium Defunctorum, de quibus sibi videtur, eodem modo, ut dictum est de commemoratione vivorum. Qua commemoratione facta, stans ut prius extensis manibus prosequitur, *Ipsis Domine, & omnibus in Christo* &c. & in fine ad *Per eundem*, jungit manus, & caput inclinat.

3. Cum dicit, *Nobis quoque peccatoribus*, vocem aliquantulum elevat, & dextra manu pectus sibi percutit, sinistra posita super Corporale, & prosequitur secretò *famulis tuis*, &c. stans manibus extensis, ut prius. Cum dicit, *Per Christum Dominum nostrum: Per quem hæc omnia Domine semper bona creas*, jungit manus ante pectus: deinde manu dextra ter signans communiter super Hostiam, & Calicem, dicit *Sancti ✠ ficas, vivi ✠ ficas, bene ✠ dicis, & præstas nobis*. Postea discooperit manu dextra Calicem, & genuflexus Sacramentum adorat: tum se erigit, & reverenter accipit Hostiam inter pollicem, & indicem dextræ manus, & cum ea super Calicem, quem manu sinistra tenet circa nodum infra cuppam signat ter à labio ad labium dicens: *Per ✠ ipsum, & cum ✠ ipso,*



to, & in  $\text{I}$  ipso. Et similiter cum Hostia signat bis inter Calicem & pectus incipiens à labio Calicis, & dicit: *Est tibi Deo Pa  $\text{I}$  tri omnipotenti, in unitate Spiritus  $\text{I}$  sancti.* Deinde tenens manu dextra Hostiam super Calicem, sinistra Calicem, elevat eum aliquantulum simul cum Hostia, dicens, *omnis honor, & gloria,* & statim utrumque deponens, Hostiam collocat super Corporale, & si opus sit, digitos extergit, ut supra, ac pollices & indices, ut prius jungens, Calicem palla cooperit, & genuflexus Sacramentum adorat.

4. In Missa solemni cum Celebrans dicit, *Per quem hæc omnia,* &c. Diaconus facta Sacramento genuflexione, accedit ad dexteram Celebrantis, & quando opus est, discooperit Calicem, & cum Celebrante adorat, similiter cooperit, & iterum genuflectit. Cum incipit, *Pater noster*, idem vadit retrò post Celebrantem, facta prius Sacramento genuflexione, ubi stat, dum dicitur Oratio Dominica.

*De Oratione Dominica, & aliis usque ad factam Communionem. X.*

**C**elebrans cooperto Calice, adoratoque Sacramento erigit se, & manibus extensis hinc inde super Altare intra corporale positus, dicit intelligibili voce, *Per omnia sæcula sæculorum,* & cum dicit, *Oremus,* jungit manus, caput Sacramento inclinans. Cum incipit, *Pater noster*, extendit manus, stans oculis ad Sacramentum intentis, prosequitur usque ad finem. Responso à ministro, *Sed libera nos à malo,* & a Celebrante submissa voce, *Amen,* manu dextra pollice, & indice non disjunctis, patenam aliquantulum purificatorio extergens, eam accipit inter indicem & medium digitos, quam tenens, super Altare erectam, sinistra super Corporale posita dicit secretò, *Libera nos quæsumus,* &c.

2. Antequam Celebrans dicat, *Da propitius pacem,* elevat manu dextra Patenam de Altari, & seipsum eum ea signat signo Crucis, dicens: *da propitius pacem in diebus nostris.* Cum signat i.e., manum sinistram ponit infra pectus; deinde Patenam ipsam osculatus, & prosequens, *ut ope misericordiae tuæ.* &c. submittit Patenam Hostiæ, quam indice sinistro accommodat super Patenam, discooperit Calicem, & genuflexus Sacramentum adorat: tum se erigens, accipit Hostiam inter pollicem & indicem dextræ manus, & cum illis, ac pollice, & indice sinistræ manus eam super Calicem tenens, reve-

renter frangit per medium dicens: *Per eundem Dominum nostrum Jesum Christum Filium tuum,* & mediam partem, quam inter pollicem et indicem dextræ manus tenet, ponit super Patenam, de alia media, quam sinistra manu tenet, frangit cum pollice et indice dextræ manus particulam prosequens, *Qui tecum vivit & regnat,* &c. et eam inter ipsos dextræ manus pollicem, et indicem retinens, partem majorem, quam sinistra tenet, adjungit mediæ super Patenam positæ, interim dicens, *in unitate Spiritus sancti Deus;* & particulam Hostiæ, quam in dextra manu retinuit, tenens, super Calicem, quem sinistra per nodum infra cuppam retinet, intelligibili voce dicit, *Per omnia sæcula sæculorum. R. Amen,* & cum ipsa particula signans ter à labio ad labium Calicis dicit, *Pax Domini sit semper vobiscum,* responso per Ministrum, *Et cum spiritu tuo,* particulam, quam dextra manu tenet, immittit in Calicem, dicens secretò, *Hæc commixtio, & consecratio Corporis,* &c. Deinde pollices & indices super Calicem aliquantulum tergit & jungit, Calicem palla cooperit, & genuflexus Sacramentum adorat, surgit, & stans junctis manibus, ante pectus, capite inclinato versus Sacramentum, dicit intelligibili voce, *Agnus Dei, qui tollis peccata mundi,* & dextra percutiens sibi pectus, sinistra super Corporale posita, dicit, *miserere nobis,* & deinde non jungit manus, sed iterum percutit sibi pectus, cum dicit secundò, *miserere nobis,* quod & tertio facit, cum dicit, *dona nobis pacem.*

3. Tunc manibus junctis super Altare positus, oculisque ad Sacramentum intentis, inclinatus dicit secretò, *Domine Jesu Christe,* &c. Qua Oratione finita, si est daturus pacem, osculatur Altare in medio, & instrumentum pacis ei porrectum à ministro juxta ipsum ad dextram, hoc est in cornu Epistolæ genuflexo, & dicit, *Pax tecum,* minister respondet, *Et cum spiritu tuo.* Si non ad sit qui hujusmodi Instrumento pacem recipiat à celebrante, pax non datur, etiam si illius datio Missæ conveniat: nec osculatur Altare, sed dicta præmissa Oratione, statim subjungit alias Orationes, ut in ordine Missæ.

4. Si verò celebret pro Defunctis, non percutit pectus ad *Agnus Dei*, quia dicit, *dona eis requiem,* nec dicit primam Orationem, *Domine Jesu Christe, qui dixisti Apostolis tuis,* &c. non dat pacem, sed dicit alias duas sequentes Orationes, *Domine Jesu Christe filii Dei vi-*



vi, & Perceptio Corporis tui. Quibus Orationibus dictis genuflectens Sacramentum adorat, & se erigens dicit secretò, *Panem cœlestem accipiam*, &c. quo dicto, dextra manu accipit de Patena reverenter ambas partes Hostiæ, & collocat inter pollicem, & indicem sinistræ manus, quibus Patenam inter eundem indicem & medium digitos supponit, & eadem manu sinistra tenens partes hujusmodi super Patenam inter pectus & Calicem, parùm inclinatus, dextra tribus vicibus percutit pectus suum, interim etiam tribus vicibus dicens voce aliquantulum elevata, *Domine non sum dignus*, &c. secretò prosequitur, *ut intres* &c. Quibus tertio dictis ex sinistra accipit ambas partes prædictas Hostiæ inter pollicem, & indicem dextræ manus, & cum illa supra Patenam signat se ipsum signo Crucis, ita tamen, ut Hostia non egrediatur limites Patenæ, dicens, *Corpus Domini nostri Jesu Christi custodias animam meam in vitam æternam, Amen.* Et se inclinans, cubitis super Altare positus reverenter easdem ambas partes sumit, quibus sumptis, deponit patenam super Corporale, & erigens se junctis indicibus, & pollicibus, ambas quoque manus ante faciem jungit, & aliquantulum quiescit in meditatione sanctissimi Sacramenti. Deinde depositis manibus dicit secretò: *Quid retribuam Domino pro omnibus, quæ tribuit mihi?* & interim discooperit Calicem, genuflectit, surgit, accipit Patenam, inspicit Corporale, colligit fragmenta cum Patena, si quæ sint in eo, Patenam quoque diligenter cum pollice, & indice dextræ manus super Calicem extergit, & ipsos digitos, ne quid fragmentorum in eis remaneat.

5. Si verò adsint Hostiæ consecratæ super Corporale positæ pro alio tempore conservandæ, facta prius genuflexione reponit eas in vas ad hoc ordinatum, & diligenter advertit, ne aliquod fragmentum, quantumcumque minimum, remaneat super Corporale: quod si fuerit, accuratè reponit in Calicem. Post extersionem Patenæ, junctis pollicibus, & indicibus Calicem dextra manu infra nodum cuppæ accipit, sinistra Patenam, dicens, *Calicem salutaris*, &c. & signans se signo Crucis cum Calice, dicit, *Sanguis Domini nostri*, &c. & manu sinistra supponens Patenam Calici stans reverenter, sumit totum Sanguinem cum particula in Calice posita. Quibus sumptis dicit secretò, *Quod ore sumpsimus*, &c. & super Altare porrigit Calicem ministro in cornu Epistolæ, quo vinum in fundente,

se purificat: deinde vino, & aqua abluit pollices, et indices super Calicem, quos abstergit purificatorio, interim dicens, *Corpus tuum Domine quod sumpsi*, &c. Ablutionem sumit, & extergit os, & Calicem purificatorio; quo factò, purificatorium extendit super Calicem: & desuper Patenam, ac super Patenam parvam pallam, & plicato Corporali, quod reponit in bursam, cooperit calicem velo, & bursam desuper ponit, & collocat in medio Altaris, ut in principio Missæ.

6. Si qui sunt communicandi in Missa, Sacerdos post sumptionem Sanguinis antequam se purificet, facta genuflexione ponat particulas consecratas in pyxide, vel si pauci sint communicandi, super Patenam, nisi à principio positæ fuerint in Pyxide, seu alio calice. Interim minister ante eos extendit linteum, seu velum album, & pro eis facit confessionem, dicens, *Confiteor Deo*, &c. Tum Sacerdos iterum genuflectit, & manibus junctis vertens se ad populum in cornu Evangelii, dicit, *Misereatur vestri, & Indulgentiam, absolutionem, & remissionem peccatorum vestrorum*, &c. & manu dextra facit signum Crucis super eos. Postea genuflectens, accipit manu sinistra pyxidem, seu Patenam cum Sacramento, dextrâ verò sumit unam particulam, quam inter pollicem, & indicem tenet aliquantulum elevatam super pyxidem, seu Patenam, & conversus ad communicandos in medio Altaris dicit: *Ecce Agnus Dei, ecce qui tollit peccata mundi.* Deinde dicit: *Domine non sum dignus, ut intres sub tectum meum, sed tantum dic verbo, & sanabitur anima mea.* Quibus verbis tertio repetitis, accedit ad eorum dextram, hoc est ad latus Epistolæ, & unicuique porrigit Sacramentum, faciens cum eo signum Crucis super pyxidem, vel Patenam, & simul dicens: *Corpus Domini nostri Jesu Christi custodiat animam tuam in vitam æternam. Amen.* Omnibus communicatis, revertitur ad Altare, nihil dicens: & non dat eis benedictionem: quia illam daturus est in fine Missæ. Si particule positæ erant super Corporale, extergit illud cum Patena, & si qua in eo fuerint fragmenta, in Calicem immittit. Deinde dicit secretò: *Quod ore sumpsimus Domine*, &c. se purificat dicens: *Corpus tuum Domine quod sumpsi*, & alia facit ut suprâ. Minister autem dextra manu tenens vas cum vino & aqua, sinistra verò mappulam, aliquantò post Sacerdotem, eis porrigit purificationem & mappulam ad os abstergendum.

7. Si in Altari remaneant particule in Calice;



Calice seu in alio vase usque ad finem Missæ, servantur ea, quæ Feria v. in Cæna Domini præscribuntur circa finem Missæ.

8. In Missa solemni Diaconus stans retrò post Celebrantem, cum in Oratione Dominica dicitur: *Et dimitte nobis debita nostra*, factâ ibidem genuflexione vadit ad dextram Celebrantis, & Subdiaconus circa finem Orationis Dominicæ, factâ itidem genuflexione revertitur ad Altare, & stans in cornu Epistolæ, porrigit Patenam Diacono, qui eam discooperit, & purificatorio abstergens dat Celebranti, illius manum osculando, & quando opus est, discooperit, & cooperit Calicem, & cum Celebrante adorat. Subdiaconus reddita Patena, & deposito velo, quod ab humeris ejus pendeat, genuflectit, & descendit retrò post Celebrantem: & cum dicitur, *Pax Domini*, iterum genuflectens accedit ad sinistram Celebrantis, & simul dicunt, *Agnus Dei*, deinde factâ ibidem Sacramento genuflexione, redit post Celebrantem, Diaconus verò à dextris genuflexus expectat pacem, & cum Celebrans osculatur Altare, ipse se erigens simul osculatur illud extra Corporale, & à Celebrante dicente, *Pax tecum*, complexus accipit pacem sinistris genis sibi invicem appropinquantibus, & ei respondet, *Et cum spiritu tuo*. Postea iterum Sacramento in Altari adorato, vertit se ad Subdiac. retrò post Celebrantem, & similiter dat ei pacem. Subdiaconus accepta pace à Diacono, & factâ Altari genuflexione, comitatus ab Acolyitho vadit ad Chorum, & dat pacem primo cujusque ordinis, dignioribus prius, deinde minus dignis, & reversus ad Altare, factâ genuflexione dat pacem Acolyitho, qui ipsum comitaverat, qui & aliis Acolythis circa Altare dat Pacem: deinde Subdiaconus vadit ad dextram Celebrantis, & quando opus est, discooperit Calicem, accipit ampullam vini, & infundit quando Celebrans vult purificare. Diaconus post datum pacem Subdiacono vadit ad librum, & dum Celebrans se communicat, stant ipse & Subdiaconus profundè inclinati versus Altare.

9. In Missa Pontificali Assistens accipit, & defert pacem, ut in Cæremoniali habetur. Si in Missa solemni fiat Communio, omnia servantur ut suprâ, sed prius communicet Diaconum, & Subdiaconum, deinde alios per ordinem: & Diaconus purificationem eis ministret. Interim à Choro cantatur Antiphona, quæ dicitur, *Communio*.

De Communione, & Orationibus post Communionem dicendis. XI.

Celebrante purificato, dum Calicem collocat in Altari, liber Missalis defertur per ministrum ad cornu Epistolæ, & collocatur ut in Introitu. Ipse autem minister genuflectit juxta cornu Evangelii, ut in principio Missæ. Deinde Celebrans stans junctis manibus legit *Antiphonam*, quæ dicitur *Communio*, qua lecta, junctis itidem manibus ante pectus vadit ad medium Altaris, & eo osculato vertit se ad populum à manu sinistra ad dextram, & dicit, *Dominus vobiscum*, & per eandem viam redit ad librum, dicit *Orationes post Communionem*, eisdem modo, numero, & ordine, ut suprâ dictæ sunt collectæ. Quibus finitis, claudit librum, & jungens manus ante pectus, revertitur ad medium Altaris, ubi eo osculato vertit se ad populum, & dicit ut suprâ, *Dominus vobiscum*, quo dicto, stans junctis manibus ante pectus versus populum, dicit si dicendum est, *Ite Missa est*, & per eandem viam revertitur ad Altare. Si verò non sit dicendum, dicto *Dominus vobiscum*, revertitur eodem modo per eandem viam ad medium Altaris, stans versus ad illud, junctis ante pectus manibus, dicit, *Benedicamus Domino*. In Missis autem Defunctorum eodem modo stans versus Altare dicit, *Requiescant in pace*.

2. In Quadragesima autem à Feria quarta Cinerum usque ad Feriam quartam majoris Hebdomadæ, in feriali Officio postquam Celebrans dixit Orationes post Communionem cum suis solitis conclusionibus antequam dicat, *Dominus vobiscum*, stans in eodem loco ante librum dicit: *Oremus, Humiliate capita vestra Deo*, caput inclinans, & extensis manibus subjungit eadem voce *Orationem super populum*, ibidem positam: qua finita osculatur Altare, & vertens se ad populum dicit, *Dominus vobiscum*, & alia ut suprâ.

3. In Missa solemni Diaconus defert librum Missalis ad cornu Epistolæ: deinde vadit retrò post Celebrantem: Subdiaconus verò vadit ad cornu Evangelii, ubi Calicem mundat, aptat cum Purificatorio, Patena, & palla cooperit, plicat Corporale, reponit in bursam, & illam ponit super Calicem coopertum velo, quem collocat in Altari, vel super Credentia, ut prius: postea redit ad locum suum retro post Diaconum, qui cum dicit, *Ite Missa est*, cum Celebrante vertit se ad populum: & in Quadragesima dicto per Celebrantem, *Oremus*, Diaconus in cornu Epistolæ vertens se ad Populum junctis manibus dicit ut suprâ, *Humiliate*, &c.



&c. quo dicto vertit se versus Altare à tergo Celebrantis, & Celebrans dicit Orationem super populum.

*De benedictione in fine Missæ, & Evangelio sancti Joannis. XII.*

**D**ICTO, *Ite Missa est*, vel *Benedicamus Domino*, ut suprâ, Celebrans ante medium Altaris stans junctis manibus super eo, & capite inclinato, dicit secretò, *Placeat tibi sancta Trinitas*, &c. quo dicto, extensis manibus hinc inde super Altare positus, ipsum in medio osculatur: tum erigens se, adhuc stans versus illud, elevat ad cælum oculos & manus, quas extendit, & jungit, caputque Cruci inclinans, dicit voce intelligibili, *Benedicat vos Omnipotens Deus*, & junctis manibus, ac demissis ad terram oculis, vertens se ad populum à sinistro latere ad dextrum, extensa manu dextra, junctisque digitis, & manu sinistra infra pectus posita, semel benedicit populo, dicens: *Pater, & Filius, & Spiritus sanctus, R. Amen*, & circulum perficiens accedit ad cornu Evangelii, ubi dicto, *Dominus vobiscum*, & *R. Et cum spiritu tuo*, pollice dextro signans primum signo Crucis Altare, seu librum in principio Evangelii, deinde frontem, os, & pectus, dicit, *Initium sancti Evangelii secundum Joannem*, vel *Sequentia S. Evangelii*, ut dictum est in Rubricis generalibus, & *R. Gloria tibi Domine*, junctis manibus legit Evangelium, *In principio*, vel aliud ut convenit. Cum dicit, *Et Verbum caro factum est*, genuflectit versus cornu Evangelii, & surgens prosequitur ut prius: quo finito, minister stans à parte Epistolæ respondet, *Deo gratias*.

2. Si Celebrans in Altari vertit faciem ad populum, non vertit se, sed stans, ut erat, benedicit populo, ut suprâ in medio Altaris: deinde accedit ad cornu Evangelii, & dicit Evangelium S. Joannis.

3. Si celebravit coram summo Pontifice, Cardinale, & Legato Sedis Apostolicæ, vel Patriarcha, Archiepiscopo, & Episcopo in Provincia, Civitate, vel diœcesi sua existente, Celebrans dicto, *Placeat tibi sancta Trinitas*, &c. dicit, *Benedicat vos omnipotens Deus*, & convertens se ad summum Pontificem genuflexus, ad Cardinalem verò, & Legatum, vel alium ex supradietis Prælati, capite inclinato, quasi licentiam benedicendi petens, prosequitur, *Pater, & Filius, & Spiritus sanctus*, benedicens astantes à parte, ubi non adest Pontifex, Cardinalis, Legatus, aut Prælati prædicti.

Si autem celebravit coram Patriarcha, Archiepiscopo, & Episcopo, extra eorum provinciam, civitatem, vel diœcesim constitutis, eis absque alio respectu, ut ceteris, qui intersunt, more consueto benedicit.

4. Si autem celebravit pro Defunctis, dicto, *Placeat tibi sancta Trinitas*, ut suprâ, & osculato Altari, accedit ad cornu Evangelii, & dicit Evangelium sancti Joannis, prætermissa benedictione, quæ in Missis Defunctorum non datur.

5. Finito Evangelio in fine Missæ, si celebravit coram Summo Pontifice, Cardinale, & Legato Sedis Apostolicæ, vel Patriarcha, Archiepiscopo, & Episcopo, convertit se ad illum, coram quo ex prædictis celebravit, & facit reverentiam convenientem. Si non celebravit coram aliquo prædictorum, hujusmodi reverentiam prætermittit.

6. Quibus omnibus absolutis, extinguuntur per ministrum candelæ, interim sacerdos accipit sinistra calicem, dextram ponens super bursam, ne aliquid cadat, descendit ante infimum gradum Altaris, & ibi in medio vertens se ad illud, caput inclinat, (vel, si in eo est Tabernaculum sanctissimi Sacramenti genuflectit,) & facta reverentia, accipit biretum à ministro, caput cooperit, ac præcedente eodem ministro eo modo quo venerat, redit ad Sacristiam, interim dicens Antiphonam, *Trium puerorum* & Canticum, *Benedicite*. Si verò sit dimissurus paramenta apud Altare, ubi celebravit, finito Evangelio prædicto ibidem illis se exuit, & dicit Antiphonam, *Trium puerorum*, cum Canticis, & aliis Orationibus, ut suo loco ponuntur.

7. In Missa solenni Celebrans eadem voce, & modo, quo in Missis privatis, semel tantum benedicit populo, nisi sit Episcopus: & dicto Evangelio secundum Joannem, vel alio ut suprâ, ministrante Subdiacono librum, si opus est, discedit cum ministris ordine, & modo quo venerat.

8. Episcopus autem ter benedicit populo etiam in Missis privatis, ut in Cæremonialibus habetur.

*De his, quæ omittuntur in Missa pro Defunctis. XIII.*

**I**N Missa pro Defunctis ante Confessionem non dicitur Psalmus, *Judica me Deus*, sed promuntiata Antiphona, *Introibo ad Altare Dei*, & responso à ministro, *Ad Deum qui latificat*, &c. dicitur *V. Adjutorium nostrum*, & Confessio, cum reliquis ut suprâ. Cum Ce-



lebrans ad Altare incipit *Introitum* non signat se, sed manu dextra extensa, facit signum Crucis super librum, quasi aliquem benedicens. Non dicitur *Gloria Patri*, sed post Psalmum repetitur, *Requiem æternam*, nec dicitur *Gloria in excelsis*, nec *Alleluia*, nec *Jube domne benedicere*, nec *Dominus sit in corde meo*: nec osculatur librum in fine. Non dicitur *Credo*, non benedicitur aqua in Calicem fundenda: dicitur tamen Oratio, *Deus, qui humanæ substantiæ*, &c. Cum lavat manus, in fine Psalmi, *Lavabo inter innocentes*, non dicitur *Gloria Patri*, Ad *Agnus Dei*, non dicitur, *miserere nobis*, cujus loco dicitur, *dona eis requiem*, nec tertio, *dona nobis pacem*, cujus loco dicitur, *dona eis requiem sempiternam*, neque percutitur pectus. Non dicitur prima Oratio ante Communionem, scilicet, *Domine Jesu Christe, qui dixisti Apostolis tuis*, &c. nec datur pax. In fine non dicitur, *Ite Missa est*, nec *Benedicamus Domino*, sed *Requiescant in pace*. Et non datur benedictio: sed dicto *Placeat*, & osculato Altari, dicitur ut suprâ, *In principio erat Verbum*, &c. Alia omnia ut in alijs Missis.

2. In Missa solemni non incensatur Altare ad *Introitum*, & Subdiaconus finita Epistola non osculatur manum Celebrantis, nec benedicitur Diaconus, non petit benedictionem, nec osculatur Celebrantis manum: non tenentur luminaria ad Evangelium, nec portatur incensum, sed duo tantum Acolythi sine candelabris stant unus à dextris & alter à sinistris Subdiaconi tenentis librum Evangeliorum. Non incensatur liber, nec in fine Celebrans, nec deferitur liber Evangeliorum osculandus. Oblata & Altare incensantur ut suprâ: incensatur solus Celebrans, & non incensantur alii. Subdiaconus non tenet Patenam post Celebrantem, sed tempore elevationis Sacramenti genuflexus in cornu Epistolæ illud incensat. Ministri cum aliquid porrigunt Celebranti, in hac Missa non osculantur ejus manum, neque rem, quæ porrigitur.

3. Si distribuendæ sunt candelæ, distribuuntur post Epistolam, & accendantur ad Evangelium, ad elevationem Sacramenti, & post Missam dum sit absolutio. Si habendus est sermo, habeatur, finita Missa ante Absolutionem.

4. Finita Missa, si facienda est Absolutio, Celebrans retrahit se ad cornu Epistolæ, ubi exiit casula, & deposito Manipulo, accipit Pluviale nigrum. Subdiaconus medius inter duos Acolythos

cum candelabris accensis deferit Crucem sicut in Processionibus, præcedentibus duobus alijs Acolythi, uno cum Thuribulo & navicula incensi, alio cum vase aquæ benedictæ, & aspersorio: sequitur Celebrans, facta prius Altari reverentia, & Diaconus à sinistris ejus. Subdiaconus cum Cruce sistit se ad pedes tumuli, seu lecticæ mortuorum contra Altare, medius inter dictos Acolythos tenentes luminaria: Celebrans verò ex alia parte in capite loci inter Altare, & tumulum aliquantulum versus cornu Epistolæ, ita ut Crucem Subdiaconi respiciat: à sinistris ejus Diaconus; & prope eum alii duo Acolythi deferentes Thuribulum, & vas aquæ benedictæ. Iterim cantantur R. *Libera me Domine*, & circa illius finem Celebrans ponit incensum in Thuribulum, benedicens illud more solito, ministrante Diacono naviculam: & finito *Kyrie eleison*, incipit intelligibili voce, *Pater noster*, & secretè proseguendo reliqua, accipit aspersorium de manu Diaconi, & facta Altari reverentia, comitante eodem Diacono à dextris, & tenente fimbriam anteriorem Pluvialis, circueinstumulum, aspergit illum aqua benedicta, ter à parte dextra, & ter à sinistra. Cum transit ante Crucem, profundè inclinat, Diaconus verò genuflectit, postea de manu ejusdem Diaconi accipit Thuribulum, & eodem modo quo aspererat, incensat. Et rediens ad pristinum locum Diacono tenente librum junctis manibus, dicit:

- ℣. Et ne nos inducas in tentationem.
- ℟. Sed libera nos à malo.
- ℣. A porta inferi.
- ℟. Erue Domine animam ejus.
- ℣. Requiescat in pace. ℟. Amen.
- ℣. Domine exaudi orationem meam.
- ℟. Et clamor meus ad te veniat.
- ℣. Dominus vobiscum.
- ℟. Et cum spiritu tuo.

Oremus.

**A**bsolve, quæsumus Domine, animam famuli tui N. ab omni vinculo delictorum: ut in resurrectionis gloria, inter Sanctos, & electos tuos resuscitatus respiret. Per Christum Dominum nostrum. ℟. Amen.

Deinde celebrans faciens Crucem manu dextera super tumulum dicit: ℣. Requiem æternam dona ei Domine.

℟. Et lux perpetua luceat ei.

Et dicto per Cantores. Requiescant in pace & ℟. Amen. Præcedente Cruce reddit cum alijs ad Sacristiam.

Si officium sit pro pluribus Defunctis, omnia dicantur in numero plurali.



## DE DEFECTIBUS

In Celebratione Missarum  
occurrentibus.

**S**acerdos celebraturus, omnem adhibeat diligentiam, ne desit aliquid ex requisitis ad Sacramentum Eucharistiæ conficiendum. Potest autem defectus contingere ex parte materiæ consecrandæ, & ex parte formæ adhibendæ, & ex parte ministri conficientis. Quidquid enim horum deficit, scilicet materia debita, forma cum intentione, & Ordo Sacerdotalis in conficiente, non conficitur Sacramentum. Et his existentibus, quibuscumque aliis deficientibus, veritas adest Sacramenti. Alii verò sunt defectus, qui in Missæ celebratione occurrentes, etsi veritatem Sacramenti non impediunt; possunt tamen aut cum peccato, aut cum scandalo contingere.

## De defectibus materiæ. II.

**D**efectus ex parte materiæ possunt contingere, si aliquid desit ex iis, quæ ad ipsam requiruntur. Requiritur enim ut sit panis triticeus, & vinum de vite: & ut hujusmodi materia consecranda in actu consecrationis sit coram Sacerdote.

## De defectu panis. III.

**S**i panis non sit triticeus, vel si triticeus, admixtus sit granis alterius generis in tanta quantitate, ut non maneat panis triticeus, vel si alioqui corruptus, non conficitur Sacramentum.

2. Si sit confectus de aqua rosacea, vel alterius distillationis, dubium est an conficiatur.

3. Si cœperit corrumpi, sed non sit corruptus: similiter si non sit azymus, secundum morem Ecclesiæ Latinæ; conficitur, sed conficiens graviter peccat.

4. Si Celebrans ante consecrationem advertit Hostiam esse corruptam, aut non esse triticeam, remota illa Hostia, aliam ponat, & facta oblatione, saltem mente concepta, prosequatur ab eo loco, ubi desivit.

5. Si id adverterit post consecrationem, etiam post illius Hostiæ sumptionem posita alia, faciat oblationem, ut supra, & à consecratione incipiat, scilicet ab illis verbis: *Qui pridie quam pateretur*, & illam priorem si non sumpsit,umat post sumptionem Corporis, & Sanguinis, vel alii sumendam tradat, vel alicubi reverenter conservet. Si autem sumpserat, nihilominusumat eam, quam consecravit: quia præceptum de perfectione Sacramenti majoris est ponderis, quam quod à jejunis sumatur.

6. Quod si hoc contingat post sumptionem Sanguinis, apponi debet rursus novus panis, & vinum cum aqua, & facta prius oblatione, ut supra, Sacerdos consecret, incipiendo ab illis verbis, *Qui pridie*, ac statimumat utrumque, & prosequatur Missam: ne Sacramentum remaneat imperfectum, ut & debitus servetur ordo.

7. Si Hostia consecrata dispareat, vel casu aliquo, ut vento, aut miraculo, vel ab aliquo animali accepta, & nequeat reperiri; tunc altera consecretur, ab eo loco incipiendo, *Qui pridie quam pateretur*, facta ejus prius oblatione, ut supra.

## De defectu vini. IV.

**S**i vinum sit factum penitus acetum, vel penitus putridum, vel de uvis acerbis, seu non maturis expressum, vel ei admixtum tantum aquæ, ut vinum sit corruptum; non conficitur Sacramentum.

2. Si vinum cœperit acescere, vel corrumpi, vel fuerit aliquantum acre, vel mustum de uvis tunc expressum, vel non fuerit admixta aqua, vel fuerit admixta aqua rosacea, seu alterius distillationis; conficitur Sacramentum, sed conficiens graviter peccat.

3. Si Celebrans ante consecrationem Sanguinis, quamvis post consecrationem Corporis advertat aut vinum, aut aquam, aut utrumque non esse in Calice, debet statim apponere vinum cum aqua, & facta oblatione, ut supra, consecrare, incipiendo ab illis verbis, *Simili modo*, &c.

4. Si post verba consecrationis, advertat vinum non fuisse positum, sed aquam; deposita aqua in aliquod vas, iterum vinum cum aqua ponat in Calice, & consecret, resumendo à verbis prædictis, *Simili modo*, &c.

5. Si hoc advertat post sumptionem Corporis, vel hujusmodi aquæ; apponet aliam Hostiam iterum consecrandam, & vinum cum aqua in Calice, offerat utrumque & consecret, &umat, quamvis non sit jejunos, Vel, si Missa celebretur in loco publico, ubi plures adsint, ad evitandum scandalum poterit apponere vinum cum aqua, & facta oblatione, ut supra, consecrare, ac statimumere, & prosequi cetera.

6. Si quis percipiat ante consecrationem, vel post consecrationem, totum vinum esse acetum, vel aliàs corruptum, idem servetur quod supra, ac si deprehenderet non esse positum vinum, vel solam aquam fuisse appositam in Calice.

7. Si autem Celebrans ante consecrationem



tionem Calicis advertat non fuisse appositam aquam, statim ponat eam, & proferat verba consecrationis. Si advertat post consecrationem Calicis, nullo modo apponat, quia non est de necessitate Sacramenti.

8. Si materia quæ esset apponenda, ratione defectus vel panis, vel vini, non posset ullo modo haberi, si id sit ante consecrationem Corporis, ulterius procedi non debet: si post consecrationem Corporis, aut etiam vini, deprehenditur defectus alterius speciei, altera jam consecrata: tunc si nullo modo haberi possit, procedendum erit, & Missa absolvenda, ita tamen ut prætermittantur verba, & signa, quæ pertinent ad speciem deficientem. Quod si expectando aliquamdiu haberi possit, expectandum erit, ne sacrificium remaneat imperfectum.

#### De defectibus formæ. V.

**D**efectus ex parte formæ possunt contingere, si aliquid desit ex iis, quæ ad integritatem verborum in ipsa consecratione requiruntur. Verba autem consecrationis, quæ sunt forma hujus Sacramenti, sunt hæc: *Hoc est enim Corpus meum. Et, Hic est enim Calix Sanguinis mei, novi & æterni testamenti: mysterium fidei: qui pro vobis & pro multis effundetur in remissionem peccatorum.* Si quis autem aliquid diminuerit, vel immutaret de forma consecrationis Corporis, & Sanguinis, & in ipsa verborum immutatione verba idem non significarent, non conficeret Sacramentum. Si verò aliquid adderet, quod significationem non mutaret, conficeret quidem, sed gravissimè peccaret.

2. Si Celebrans non recordetur se dixisse ea, quæ in consecratione communiter dicuntur, non debet propterea turbari. Si tamen certò ei constet, se omisisse aliquid eorum, quæ sunt de necessitate Sacramenti, id est, formam consecrationis, seu partem, resumat ipsam formam, & cetera prosequatur per ordinem. Si verò valdè probabiliter dubitat se aliquid essentialis omisisse, iteret formam saltem sub tacita conditione. Si autem non sunt de necessitate Sacramenti, non resumat, sed procedat ulterius.

#### De defectibus ministri. VI.

**D**efectus ex parte Ministri possunt contingere quoad ea, quæ in ipso requiruntur. Hæc autem sunt: In primis intentio, deinde dispositio animæ, dispositio corporis, dispositio vestimentorum, dispositio in ministerio ipso, quoad ea, quæ in ipso possunt occurrere.

#### De defectu intentionis. VII.

**S**i quis non intendit conficere, sed deulioriè aliquid agere. Item si aliquæ Hostiæ ex oblivione remaneant in Altari, vel aliqua pars vini, vel aliqua Hostia lateat, cum non intendat consecrare nisi quas videt. Item si quis habeat coram se undecim Hostias, & intendat consecrare solum decem, non determinans quas decem intendit, in his casibus non consecrat, quia requiritur intentio. Secus si putans quidem esse decem, tamen omnes voluit consecrare, quas coram se habeat: nam tunc omnes erunt consecratæ: atque idè quilibet Sacerdos talem semper intentionem habere deberet, scilicet consecrandi eas omnes, quas ante se ad consecrandum positas habet.

2. Si Sacerdos putans se tenere unam Hostiam, post consecrationem invenerit fuisse duas simul junctas, in sumptione sumat simul utramque. Quod si deprehendat post sumptionem Corporis, & Sanguinis, aut etiam post ablationem reliquias aliquas relictas consecratas, eas sumat, si parvæ sint, si magnæ, quia ad idem sacrificium spectant.

3. Si verò relictæ sit Hostia integra consecrata, eam in tabernaculo cum aliis reponat: si hoc fieri nequit, sequenti Sacerdoti ibi celebraturo in Altari supra Corporale decenter opertam, sumendam unâ cum alterâ, quam est consecraturus, relinquat, vel si neutrum horum fieri possit, in ipso Calice seu Patena decenter conservet, quousque vel in tabernaculo reponatur, vel ab altero sumatur; quod si non habeat quomodò honestè conservetur, potest eam ipsamet sumere.

4. Si intentio non sit actualis in ipsa consecratione propter evagationem mentis, sed virtualis, cum accedens ad Altare intendat facere quod facit Ecclesia: conficitur Sacramentum, & sic curare debet Sacerdos, ut etiam actualem intentionem adhibeat.

#### De defectibus dispositionis animæ. VIII.

**S**i quis suspensus, excommunicatus, degradatus, irregularis, vel aliàs canonicè impeditus, celebret: conficit quidem Sacramentum, sed gravissimè peccat, tam propter Communionem, quam indignè sumit, quàm propter executionem Ordinum, quæ sibi erat interdicta.

2. Si quis habens copiam Confessoris celebret in peccato mortali, graviter peccat.

3. Si



3. Si quis autem in casu necessitatis non habens copiam Confessoris, in peccato mortali absque contritione celebret, graviter peccat, secus si conteratur: debet tamen cum primum poterit, confiteri.

4. Si in ipsa celebratione Missæ, Sacerdos recordetur se esse in peccato mortali, conteratur cum proposito confitendi, & satisfaciendi.

5. Si recordetur se esse excommunicatum, vel suspensum, aut locum esse interdictum: similiter conteratur cum proposito petendi absolutionem. Ante consecrationem autem in supradictis casibus, si non timetur scandalum, debet Missam inceptam deferere.

*De defectibus dispositionis corporis. IX.*

**S**I quis non est jejunus post mediam noctem, etiam post sumptionem solius aquæ, vel alterius potus, aut cibi, per modum etiam medicinæ, & in quantumcumque parva quantitate, non potest communicare, nec celebrare.

2. Si autem ante mediam noctem cibum, aut potum sumserit, etiam si postmodum non dormierit; nec sit digestus, non peccat: sed ob perturbationem mentis, ex qua devotio tollitur, consulitur aliquando abstinendum.

3. Si reliquæ cibi remanentes in ore transglutiantur, non impediunt Communionem, cum non transglutiantur per modum cibi, sed per modum salivæ. Idem dicendum si lavando os deglutiatur illa aquæ præter intentionem.

4. Si plures Missas in una die celebret, ut in Nativitate Domini, in unaquaque Missa abluat digitos in aliquo vase mundo, & in ultima tantum percipiat purificationem.

5. Si præcesserit pollutio nocturna, quæ causata fuerit ex præcedenti cogitatione, quæ sit peccatum mortale, vel evenierit propter nimiam crapulam, abstinendum est à communione, & celebratione, nisi aliud Confessario videatur. Si dubium est, an in præcedenti cogitatione fuerit peccatum mortale, consulitur abstinendum, extra tamen casum necessitatis. Si autem certum est non fuisse in illa cogitatione peccatum mortale, vel nullam fuisse cogitationem, sed evenisse ex naturali causa, aut ex diabolica illusione, potest communicare, & celebrare, nisi ex illa corporis commotione tanta evenierit perturbatio mentis, ut abstinendum videatur.

*De defectibus in ministerio ipso occurrentibus. X.*

**P**ossunt etiam defectus occurrere in ministerio ipso, si aliquid ex requisitis ad illud deest: ut si celebretur

in loco non sacro, vel non deputato ab Episcopo, vel in Altari non consecrato, vel tribus mappis non cooperto; si non adsint luminaria cerea; si non sit tempus debitum celebrandi, quod est ab aurora usque ad meridiem, communiter: si celebrans: saltem Matutinum cum Laudibus non dixerit; si emittat aliquid ex vestibus sacerdotalibus: si vestes sacerdotales, & mappæ non sint ab Episcopo, vel ab alio hanc habente potestatem benedictæ: si non adsit clericus, vel alius deserviens in Missa, vel adsit, qui deservire non debet, ut mulier: si non adsit Calix cum Patena conveniens, cujus cuppa debet esse aurea, vel argentea, vel stannea; non ærea, vel vitrea: si Corporalia non sint munda, quæ debent esse ex lino, nec serico in medio ornata, & ab Episcopo vel ab alio hanc habente potestatem benedicta, ut etiam superius dictum est; si celebret capite cooperto sine dispensatione; si non adsit Missale, licet memoriter sciret Missam, quam intendit dicere.

2. Si Sacerdote celebrante, videretur Ecclesia ante Canonem, dimittatur Missa: si post Canonem, non dimittatur. Si timeatur incursum hostium, vel alluvionis, vel ruina loci, ubi celebratur, ante consecrationem dimittatur Missa, post consecrationem vero sacerdos accelerare poterit sumptionem Sacramenti ommissis omnibus aliis.

3. Si sacerdos ante consecrationem graviter infirmetur, vel in syncopen inciderit, aut moriatur, prætermittitur Missa: si post consecrationem Corporis tantum, ante consecrationem Sanguinis, vel utroque consecrato id accidit, Missa per alium sacerdotem expleatur ab eo loco, ubi ille desit, & in casu necessitatis etiam per non jejunum; si autem non obierit, sed fuerit infirmus, adeo tamen ut possit communicare, & non adsit alia Hostia consecrata, sacerdos qui Missam supplet, dividat Hostiam, & unam partem præbeat infirmo, aliam ipse sumat. Si autem semiprolata forma corporis obiit sacerdos, quia non est facta consecratio, non est necesse, ut Missa per alium suppleatur. Si vero obierit semiprolata forma Sanguinis, tunc alter prosequatur Missam, & super eundem Calicem repetat integram formam, ab eo loco, *Simili modo postquam cœnatum est*, vel posset super alium Calicem præparatum integram formam proferre, & Hostiam primi sacerdotis, & Sanguinem à se consecratum sumere, ac deinde Calicem relictum semiconsecratum.

4. Si quis extra hujusmodi casus necessitatis,



cessitatis, integra Sacramenta non sumpserit, gravissimè peccat.

5. Si musca, vel aranea, vel aliquid aliud ceciderit in Calicem ante consecrationem, projiciat vinum in locum decentem, & aliud ponat in Calice, misceat parum aquæ, offerat, ut suprâ, & prosequatur Missam: si post consecrationem ceciderit musca, aut aliquid ejusmodi, & fiat nausea sacerdoti, extrahat eam, & lavet cum vino, finita Missa comburat, & combustio ac lotio hujusmodi in sacrarium projiciatur. Si autem non fuerit ei nausea, nec ullum periculum timeat,umat cum sanguine.

6. Si aliquid venenosum ceciderit in Calicem, vel quod provocaret vomitum, vinum consecratum reponendum est in alio Calice, & aliud vinum cum aqua apponendum denudè consecrandum; & finita Missa sanguis repositus in panno lineo, vel stappa tamdiù servetur, donec species vini fuerint desiccatae, & tunc stappa comburatur, & combustio in sacrarium projiciatur.

7. Si aliquod venenatum contigerit Hostiam consecratam, tunc alteram consecret, &umat modo quo dictum est: & illa fervetur in tabernaculo loco separato donec species corrumpantur, & corruptæ deinde mittantur in sacrarium.

8. Si samendo sanguinem particula remanserit in Calice, digito ad labium Calicis eam adducat, &umat ante purificationem, vel infundat vinum, &umat.

9. Si Hostia ante consecrationem inveniat fracta, nisi populo evidenter appareat, talis Hostia consecratur: si autem scandalum populo esse possit, alia accipiat, & offeratur: quod si illius Hostiæ jam erat facta oblatio, eam post oblationemumat. Quod si ante oblationem Hostia appareat confracta, accipiat altera integra, si citra scandalum, aut longam moram fieri poterit.

10. Si propter frigus, vel negligentiam Hostia consecrata dilabatur in Calicem, propterea nihil est reiterandum, sed Sacerdos Missam prosequatur, faciendo cæremonias, & signa consueta cum residua parte Hostiæ, quæ non est madefacta sanguine, si commodè potest. Si verò tota fuerit madefacta, non extrahat eam, sed omnia dicat omittendo signa, &umat pariter Corpus, & sanguinem, signans se cum Calice, dicens: *Corpus & Sanguis Domini nostri*, &c.

11. Si in hieme sanguis congeletur in

Calice, involvatur Calix pannis calefactis: si id non proficeret, ponatur in ferventi aqua prope Altare, dummodo in Calicem non intret, donec liquefiat.

12. Si per negligentiam aliquid de Sanguine Christi ceciderit, si quidem super terram, seu super tabulam, lingua lambatur, & locus ipse radatur quantum satis est, & abrasio comburatur; cinis verò in sacrarium recondatur. Si verò super lapidem altaris ceciderit, sorbeat sacerdos stillam, & locus benè abluatur, & ablutio in sacrarium projiciatur. Si super linteum Altaris, & ad aliud linteum stilla pervenerit: si usque ad tertium, linteamina ter abluantur ubi stilla ceciderit, Calice supposito, & aqua abluionis in sacrarium projiciatur. Quod si in ipso solùm corporali, aut si in vestibus ipsis sacerdotalibus ceciderit, debet similiter abluì, & ablutio in sacrarium projici. Si in substrato pedibus panno, vel tapeto, benè abluatur ut suprâ.

13. At si contingat totum Sanguinem post consecrationem effundi, si quidem aliquid vel parum remansit, illudumat, & de effuso reliquo sanguine fiat ut dictum est. Si verò nihil omnino remansit, ponat iterùm vinum, & aquam, & consecret ab eo loco, *Simili modo postquam cœnatum est*, facta priùs tamen Calicis oblatione, ut suprâ.

14. Si Sacerdos evomat Eucharistiam, si species integræ appareant, reverenter sumantur, nisi nausea fiat: tunc enim species consecratae cautè separantur, & in aliquo loco sacro reponantur, donec corrumpantur, & postea in sacrarium projiciantur. Quod si species non appareant, comburatur vomitus, & cineres in sacrarium mittantur.

15. Si Hostia consecrata, vel aliqua ejus particula dilabatur in terram, reverenter accipiat, & locus, ubi cecidit mundetur, & aliquantulum abradatur, & pulvis, seu abrasio hujusmodi in sacrarium immittatur. Si ceciderit extra Corporale in mappam, seu alio quovis modo in aliquod linteum, mappa vel linteum hujusmodi diligenter lavetur, & lotio ipsa in sacrarium effundatur.

16. Possunt etiam defectus in ministerio ipso occurrere, si Sacerdos ignoret ritus, & cæremonias ipsas in eo servandas: de quibus omnibus in superioribus Rubricis copiosè dictum est.



# PRÆPARATIO AD MISSAM

## PRO OPPORTUNITATE SACERDOTIS FACIENDA.

*Antiphona.* Ne reminiscaris Dómine delicta nostra, vel paréntum nostrórum : neque vindictam sumas de peccátis nostris.

*Quæ Antiphona in festis Duplicibus tantum duplicatur : & tempore Paschali additur in fine, Allelúia.*

*Deinde dicantur sequentes Psalmi.*

*Psalmus 83.*

**Q**UAM dilécta tabernacula tua Dómine virtutum ! concupiscit, & déficit ánima mea in átria Dómini.

Cor meum & caro mea exultavérunt in Deum vivum.

Etenim passer invénit sibi domum : & turtur nidum sibi, ubi ponat pullos suos.

Altária tua Dómine virtutum : Rex meus, & Deus meus.

Beáti qui hábitant in domo tua Dómine : in sæcula sæculórum laudábunt te.

Beátus vir, cujus est auxílium abs te : ascensíones in corde suo dispósuit, in valle lacrymárum, in loco quem pónit.

Etenim benedictíonem dabit legislátor, ibunt de virtúte in virtutem : videbitur Deus deórum in Sion.

Dómine Deus virtutum exáudi oratíonem meam : áuribus pécipe Deus Jacob.

Protéctor noster áspice Deus : & respice in faciém Christi tui.

Quia mélior est dies una in átriis tuis super millia.

Elégi abjéctus esse in domo Dei mei, magis quàm habitáre in tabernáculis peccatórum.

Quia misericórdiam, & veritátem diligit Deus : grátiam, & glóriam dabit Dóminus.

Non privábit bonis eos qui ámbulant in innocentia : Dómine virtutum, beátus homo qui sperat in te.

Glória Patri.

*Psalmus 84.*

**B**enedixísti Dómine terram tuam : avertísti captivitátem Jacob.

Remisísti iniquitátem plebis tuæ : operuísti ómnia peccáta eórum.

Mitigásti omnem iram tuam : avertísti ab ira indignatíonis tuæ.

Convérte nos Deus salutaris noster : & averte iram tuam à nobis.

Numquid in æternum irascerís nobis ?

aut exténderis iram tuam à generatíone in generatíonem ?

Deus tu convérsus vivificábis nos : & plebs tua lætábitur in te.

Osténde nobis Dómine misericórdiam tuam : & salutáre tuum da nobis.

Audiam quid loquátur in me Dóminus Deus : quóniam loquétur pacem in plebem suam.

Et super sanctos suos : & in eos qui convertúntur ad cor.

Verúmtamen propè timéntes eum salutáre ipsíus : ut inhábitet glória in terra nostra.

Misericórdia & veritas obviavérunt tibi : justitia, & pax osculatæ sunt.

Veritas de terra orta est, & justitia de cælo prospexit :

Etenim Dóminus dabit benignitátem : & terra nostra dabit fructum suum.

Justitia antè eum ambulábit : & ponet in via gressus suos.

Glória Patri.

*Psalmus 85.*

**I**nclína Dómine aurem tuam, & exáudi me : quóniam inops, & pauper sum ego.

Custódi ánimam meam, quóniam sanctus sum : salvum fac servum tuum, Deus meus, sperántem in te.

Miserere mei Dómine, quóniam ad te clamávi tota die : lætífica ánimam servi tui, quóniam ad te Dómine ánimam meam levávi.

Quóniam tu Dómine suavis, & mitis : & multæ misericórdiæ ómnibus invocántibus te.

Auribus pécipe Dómine oratíonem meam : & inténde voci deprecationis meæ.

In die tribulatíonis meæ clamávi ad te : quia exaudisti me.

Non est similis tui in diis Dómine : & non est secúndum ópera tua.

Omnes Gentes quascúmque fecísti, vément, & adorábunt coram te Dómine : & gloriificábunt nomen tuum.

Quóniam magnus es tu, & fáciens mirabilia : tu es Deus solus.

Deduc me Dómine in via tua, & ingrédiar in veritáte tua : lætétur cor meum, ut timeat nomen tuum.

Confitebor tibi Dómine Deus meus in toto corde meo : & glorificábo nomen tuum in æternum.

Quia misericórdia tua magna est super me :

H



me : & eruísti ánimam meam ex inférno inférióri.

Deus, iníqui insurrexérunt super me, & synagóga poténtium quæsierunt ánimam meam : & non proposuérunt te in conspéctu suo.

Et tu Dómine Deus miserátor, & misericors : pátiens, & multæ misericórdiæ, & verax.

Réspice in me, & miserére mei, da impérium tuum púero tuo : & saluum fac filium ancillæ tuæ.

Fac mecum signum in bonum, ut vídeant qui odérunt me, & confundántur : quóniam tu Dómine adjuvísti me, & consolátus es me.

Glória Patri, & Fílio.

*Psalmus 115.*

**C**Rédidi, propter quod locútus sum : ego autem humiliátus sum nimis.

Ego dixi in excéssu meo : Omnis homo mendax.

Quid retribuam Dómino, pro ómnibus quæ retribuit mihi ?

Cálicem salutáris accípiam : & nomen Dómini invocábo.

Vota mea Dómino reddam coram omni pópulo ejus : pretiósá in conspéctu Dómini mors sanctórum ejus.

O Dómine, quia ego servus tuus : ego servus tuus, & filius ancillæ tuæ.

Dirupísti víncula mea : tibi sacrificábo hóstiam laudis, & nomen Dómini invocábo.

Vota mea Dómino reddam in conspéctu omnis pópuli ejus : in átriis domus Dómini, in médio tui Jerúsalem.

Glória Patri, & Fílio.

*Psalmus 129.*

**D**E profúndis clamávi ad te Dómine : Dómine exáudi vocem meam.

Fiant aures tuæ intendéntes, in vocem deprecationis meæ.

Si iniquitátes observáveris Dómine : Dómine quis sustinébit ?

Quia apud te propitiátio est : & propter legem tuam sustinui te Dómine.

Sustinuit anima mea in verbo ejus : sperávit ánimá mea in Dómino.

A custódia matutína usque ad noctem, speret Israel in Dómino.

Quia apud Dóminum misericórdia : & cæpiósá apud eum redemptio.

Et ipse rédimet Israel, ex ómnibus iniquitatibus ejus. Glória Patri.

*Deinde repetitur Antiphona.*

Ne reminiscáris Dómine delicta nostra, vel paréntum nostrórum : neque vindictam sumas de peccátis nostris.

*Postea Sacerdos dicit, Kyrie eléison. Christe eleison. Kyrie eléison.*

Pater noster.

℣. Et ne nos indúcas in tentatióem.

℞. Sed libera nos à malo. ℣. Ego dixi, Dómine, miserére mei. ℞. Sana ánimam meam, quia peccávi tibi.

℣. Convértere Dómine aliquantulúm.

℞. Et deprecáre super servos tuos.

℣. Fiat misericórdia tua Dómine super nos. ℞. Quemádmódum sperávimus in te. ℣. Sacerdótes tui induántur justitiam. ℞. Et sancti tui exúltent. ℣. Ab occultis meis munda me Dómine.

℞. Et ab aliénis parce servo tuo.

℣. Dómine exáudi oratióem meam.

℞. Et clamor meus ad te véniat.

℣. Dóminus vobiscum.

℞. Et cum spíritu tuo.

Orémus.

**A**ures tuæ pietátis, mitíssime Deus, inclina précibus nostris, & grátia sancti Spíritus illúmina cor nostrum : ut tuis mystériis dignè ministráre, teque ætérna charitáte diligere mereámur.

**D**eus, cui omne cor patet, & omnis volúntas lóquitur, & quem nullum latet secrétum : purifica per infusióem sancti Spíritus cogitatióes cordis nostri ; ut te perfectè diligere, & dignè laudáre mereámur.

**U**Re igne sancti Spíritus renes nostros, & cor nostrum, Dómine : ut tibi casto corpore serviámus, & mundo corde placeámus.

**M**entes nostras, quæsumus Dómine, Paráclitus, qui à te procedit, illúminet : & indúcat in omnem, sicut tuus promissit Fílius, veritátem.

**A**dít nobis, quæsumus Dómine, virtus Spíritus sancti : quæ & corda nostra cleménter expúrget, & ab ómnibus tueátur advérsis.

**D**eus, qui corda fidélium sancti Spíritus illustratióne docuísti : da nobis in eódem Spíritu recta sápere, & de ejus semper consolatióne gaudére.

**C**onsciéntias nostras, quæsumus Dómine, visitándo purifica : ut véniens Dóminus noster Jesus Christus Fílius tuus, parátam sibi in nobis invéniat mansiόνem. Qui tecum vivit & regnat in unitáte Spíritus sancti Deus, per ómnia sæcula sæculórum. Amen.

ORATIONES DICENDÆ CUM SACERDOS induitur sacerdotalibus paramentis.

*Cum lavat manus, dicat :*

**D**A, Dómine, virtutem mánibus meis ad abstergéndam omnem maculam : ut sine pollutióne mentis & corpóris váleam tibi servire.



*Ad Amictum dum penitur super caput,  
dicat :*

**I**mpone, Dómine, cápiti meo gáleam  
salútis, ad expugnandos diabólicos in-  
cursus.

*Ad Albam, cum ea induitur.*

**D**eálba me Dómine, & munda cor  
meum : ut in Sanguine Agni de-  
albátus, gáudiis pérfruar sempitérnis.

*Ad Cingulum, dum se cingit.*

**P**ræcinge me Dómine cingulo puritá-  
tis, & extingue in lumbis meis hu-  
mórem libidinis : ut máneat in me vir-  
tus continéntiæ, & castitátis.

*Ad Manipulum, dum imponitur brachio  
sinistro.*

**M**erear, Dómine, portáre mani-  
pulum fletus, & dolóris, ut cum  
exultatióne recipiam mercédem la-  
bóris.

*Ad stolam, dum imponitur collo.*

**R**edde mihi, Dómine, stolam im-  
mortalitátis, quam pérdidi in præ-  
varicatióne primi parentis : & quam-  
vis indignus accédo ad tuum sacrum  
mystérium, merear tamen gáudium tem-  
pitérnum.

*Ad Casulam, cum assumitur.*

**D**omine, qui dixisti, Jugum meum  
suáve est, & onus meum leve : fac  
ut istud portáre sic váleam, quòd conse-  
quar tuam grátiam. Amen.

ORATIONES DICENDÆ AB EPIS-  
COPO, quando in Pontificalibus cele-  
brat.

*Ad Caligas.*

**C**alcea, Dómine, pedes meos in præ-  
paratióne Evangelii pacis, & pró-  
tege me in velaménto alárum tuárum.

*Cum exitur Cappa.*

**E**xue me, Dómine, vétorem hómi-  
nem cum móribus & áctibus suis :  
& indue me novum hóminem, qui se-  
cúndum Deum créatus est in justitia, &  
sanctitate veritátis.

*Cum lavat manus.*

**D**a Dómine, virtutem manibus meis  
ab abstergendam omnem maculam  
immúdam . ut sine pollutióne mentis &  
córporis váleam tibi servíre.

*Ad Amictum.*

**P**one, Dómine gáleam salútis in cá-  
pite meo, ad expugnandas omnes  
diabólicas fraudes, inimicórum ómnium  
versútias superándo.

*Ad Albam.*

**D**eálba me, Dómine, & à delicto  
meo munda me : ut cum his qui  
stolas suas dealbaverunt in Sanguine  
Agni, gáudiis pertruar ten pitérnis.

*Ad Cingulum.*

**P**ræcinge me, Dómine, cingulo fi-  
dei, & virtúte castitátis lumbos  
meos, & extingue in eis humórem li-  
bídinis, ut júgiter máneat in me vigor  
totius castitátis.

*Cum accipit Crucem pectoralem.*

**M**unire dignéris me, Dómine Jesu  
Christe, ab ómnibus insidiis ini-  
micórum ómnium, signo sanctíssimæ  
Crucis tuæ : ac concédere dignéris mihi  
indigno servo tuo, ut sicut hanc Crucem  
Sanctorum tuorum reliquiis refértam  
ante pectus meum téneo, sic semper  
mente retineam & memóriam passiónis,  
& sanctorum victórias Mátyrum.

*Ad Stolam.*

**R**edde mihi, Dómine, óbsecro, sto-  
lam immortalitátis, quam pérdidi  
in prævaricatióne primi parentis : &  
quavis indignus accédere præsumo ad  
tuum sacrum mystérium cum hoc orna-  
méto, præsta ut in eodem in perpé-  
tuum merear latári.

*Ad Tunicellam.*

**T**unica jucunditátis, & induménto  
lætitiæ induat me Dóminus.

*Ad Dalmaticam.*

**I**ndue me Dómine induménto salútis,  
& vestiménto lætitiæ, & Dalmática  
justitiæ circúmde me semper.

*Ad Chirothecas.*

**C**ircúmde Dómine manus meas mun-  
dítia novi hóminis, qui de cœlo  
descéndit : ut, quemádmódum Jacob di-  
léctus tuus, pelliculis hœdórum opértis  
mánibus paternam benedictiõem, oblá-  
to patri cibo potúque gratíssimo, im-  
petrávit : sic et oblata per manus nos-  
tras salutári hóstia, grátia tuæ be-  
nedictiõem merear. Per Dóminum  
nostrum Jesum Christum Filium tuum :  
qui in similitúdinem carnis peccáti pro  
nobis obtulit semetípsum.

*Ad Planetam.*

**D**omine, qui dixisti, Jugum meum  
suáve est, & onus meum leve :  
præsta, ut illud portáre sic váleam,  
quòd possim consequi tuam grátiam.

*Ad Mitram.*

**M**itram, Dómine, & salútis gáleam  
imponé cápiti meo : ut contra an-  
tíqui hostis, omniúmque inimicórum  
meórum insidias inoffensus evádam.

*Ad Annulum cordis.*

**C**ordis & córporis mei Dómine, di-  
gites virtúte decóra, & septiformis  
Spíritus sanctificatione circúmde.

*Ad Manipulum.*

**M**erear, precor, Dómine, mani-  
pulum portáre mente fébili : ut  
cum exultatióne portiõem accipiam  
cum iustis.



## GRATIARUM ACTIO POST MISSAM.

*Antiphona.* Trium puerorum cantemus hymnum, quem cantabant sancti in camino ignis, benedicentes Dóminum.

*Quæ Antiphona in festis Duplicibus tantum duplicatur; & tempore Paschali additur in fine, Alleluia.*

*Canticum trium puerorum. Dan. 3.*

**B**enedicite ómnia ópera Dómini Dómino: laudáte & superexaltáte eum in sæcula.

Benedicite Angeli Dómini Dómino: benedicite cœli Dómino.

Benedicite aquæ omnes, quæ super cœlos sunt, Dómino: benedicite omnes virtutes Dómini Dómino.

Benedicite sol & luna Dómino: benedicite stellæ cœli Dómino.

Benedicite omnis imber & ros Dómino: benedicite omnes spiritus Dei Dómino.

Benedicite ignis & æstus Dómino: benedicite frigus & æstus Dómino.

Benedicite rores & pruina Dómino: benedicite gelu & frigus Dómino.

Benedicite glacies & nives Dómino: benedicite noctes & dies Dómino.

Benedicite lux & tenebræ Dómino: benedicite fúlgura & nubes Dómino.

Benedicat terra Dóminum: laudet & superexáltet eum in sæcula.

Benedicite montes & colles Dómino: benedicite univérſa geminántia in terra Dómino.

Benedicite fontes Dómino: benedicite mária & flúmina Dómino.

Benedicite cete, & ómnia, quæ movéntur in aquis Dómino: benedicite omnes volucres cœli Dómino.

Benedicite omnes béstia & pécora Dómino: benedicite filii hóminum Dómino.

Benedicat Israel Dóminum: laudet & superexáltet eum in sæcula.

Benedicite Sacerdótes Dómini Dómino: benedicite servi Dómini Dómino.

Benedicite spiritus, & animæ justórum Dómino: benedicite sancti, & húmiles corde Dómino.

Benedicite Ananía, Azaría, Misael Dómino: laudáte, & superexaltáte eum in sæcula.

Benedicámus Patrem, & Fílium cum sancto Spiritu: laudémus, & superexaltémus eum in sæcula.

Benedíctus es Dómine in firmaménto cœli: & laudábilis, & glorióſus, & superexaltátus in sæcula.

*Psalmus 150.*

**L**audáte Dóminum in sanctis ejus: laudáte eum in firmamento virtútis ejus.

Laudáte eum in virtútibus ejus: laudáte eum secundùm multitudinem magnitudinis ejus.

Laudáte eum in sono tubæ: laudáte eum in psaltério & cithara.

Laudáte eum in tympano, & choro: laudáte eum in chordis, & órgano.

Laudáte eum in cymbalis benesonántibus: laudáte eum in cymbalis jubilationis: omnis spiritus laudet Dóminum.

Glória Patri.

*Deinde repetitur Antiph.* Trium puerorum cantemus hymnum: quem cantabant sancti in camino ignis, benedicentes Dóminum.

*Deinde Sacerdos dicit* Kyrie eléison. Christe eléison. Kyrie eléison.

Pater noster. *V.* Et ne nos indúcas in tentatiónem. *R.* Sed libera nos à malo. *V.* Confiteántur tibi Dómine ómnia ópera tua. *R.* Et sancti tui benedicant tibi. *V.* Exultábunt sancti in glória.

*R.* Lætábuntur incubilibus suis. *V.* Non nobis Dómine, non nobis. *R.* Sed nómini tuo da glóriam. *V.* Dómine exaudi oratióem meam. *V.* Et clamor meus ad te véniat. *V.* Dóminus vobíscum. *R.* Et cum spiritu tuo.

Orémus.

**D**Eus, qui tribus púeris mitigásti flammæ ignium: concéde propítius, ut nos fámulos tuos non exúrat flamma vitiórum.

**A**ctiões nostras, quæsumus Dómine, aspirádo præveni, & adjuvándo proféqueré: ut cuncta nostra oratio, & operatio à te semper incipiat, & per te cœpta finiátur.

**D**A nobis, quæsumus Dómine, vitiórum nostrórum flammæ extingueré, qui beáto Lauréntio tribuísti tormentórum suórum incéndia superáre. Per Christum Dóminum nostrum.

*R.* Amen.

## ORATIONES

*Pro opportunitate Sacerdotis ante celebrationem, & Communionem dicendæ.*

Oratio sancti Ambrosii Episcopi.

## DIE DOMINICA.

**S**Umme Sacerdos, & vere Póntifex Jesu Christe: qui te obtulísti Deo Patri hóstiam puram, & immaculatam in ara crucis pro nobis miseris & peccatóribus, & qui dedísti nobis carnem tuam ad manducándum, & sánguinem tuum ad bibéndum, & posuísti mysterium istud in virtúte Spiritus sancti tui, dicens: Hæc quotiescúmque feceritis, in mei memóriam faciétis. Rogo per eundem



eúndem sánguinem tuum, magnum salútis nostræ prætium: rogo per hanc miram, & ineffáblem charitátem, qua nos míseros, & indignos sic amáre dignátus es, ut laváres nos à peccátis nostris in ságuine tuo: Doce me servum tuum indignum, quem inter cétera dona tua étiam ad officium sacerdotále vocáre dignátus es, nullis meis méritis, sed sola dignatióne misericórdiæ tuæ: doce me, quæso, per Spíritum sanctum tuum, tantum tractáre mystérium ea reveréntia, & honóre, ea devotióne, & timóre, quibus opórtet, & decet. Fac me per grátiam tuam semper illud de tanto mystério crédere, & intelligere, sentíre, & firmiter tenére, dícere, & cogitáre quod tibi placet, & expedit ánimæ meæ. Intret spíritus tuus bonus in cor meum, qui sonet ibi sine sono, & sine strépitu verbórum loquátur omnem veritátem. Profúnda quippe sunt nimis, & sacro tecta velámine. Propter magnam cleméntiam tuam concéde mihi Missárum solémnia mundo corde, & pura mente celebráre. Libera cor meum ab immúndis, & nefándis, vanis, & nóxiis cogitatióibus. Muni me beatórum Angelórum pia & fida custódiá, ac tutéla fortíssima, ut hostes ómnium bonórum confúsi discédant. Per virtutem tanti mystérii, & per manum sancti Angeli tui repélle à me, & à cunctis servis tuis duríssimum spíritum supérbiæ, & cenodexiæ, invidiæ, & blasphemíæ, fornicatióis, & immunditiæ, dubietátis, & diffidéntiæ. Confundántur qui nos persequúntur: péreant illi qui nos pérdere festinant.

*Feria II.*

Rex vírginum, & amátor castitátis, & integritátis, cœlesti rore benedictiόνis tuæ extingue in corpore meo fómitem ardéntis libidinis: ut máneat in me tenor castitátis corpóris, & ánimæ. Mortífica in membris meis carnis stímulos, omnesque libidinósas commotióes, & da mihi veram, & perpétuam castitátem cum céteris donis tuis, quæ tibi placent in veritáte, ut sacrificium laudis casto corpore, & mundo corde váleam tibi offérre. Quanta enim cordis contritióne, & lacrymárum fonte, quanta reveréntia, & tremóre, quanta corpóris castitáte, & ánimæ puritáte istud divinum, & cœléste sacrificium est celebrándum, ubi caro tua in veritáte súmitur, ubi ságuis tuus in veritáte bibitur, ubi ima summis, terréna d'vinis jungúntur, ubi adest sanctórum Angelórum præsentia, ubi tu es Sacrificium, & Sacerdos mirabiliter, & ineffábiliter, constitutus.

*Feria III.*

Quis dignè hoc celebráre póterit, nisi tu Deus omnipotens offeréntem féceris dignum? Scio Dómine, & verè scio, & idípsum pietáti tuæ confiteor, quia non sum dignus accédere ad tantum mystérium, propter nímia peccáta mea, & infinitas negligéntias meas. Sed scio, & veráciter ex toto corde meo credo, & ore confiteor, quia tu potes me fácere dignum, qui solus potes fácere mundum de immúndo concéptum sémine, & de peccatóribus justos, & sanctos. Per hanc omnipoténtiam tuam te rogo Deus meus, ut concédas mihi peccatóri hoc Sacrificium celebráre cum timóre, & tremóre, cum cordis puritáte, & lacrymárum fonte, cum lætítia spiritali, & cœlesti gáudio. Séntiat mens mea dulcedinem beatíssimæ præsentíæ tuæ, & excúbias sanctórum Angelórum tuórum in circúitu meo.

*Feria IV.*

Ego enim Dómine, memor venerándæ Passiόνis tuæ accédo ad altáre tuum, licét peccátor, ut offeram tibi Sacrificium, quod tu instituísti, & offerri præcepísti in commemoratióem tui pro salute nostra. Súscipe illud quæso, summe Deus, pro Ecclesiá sancta tua, & pro pópulo, quem acquisísti Sanguine tuo. Et quóniam me peccatórem inter te, & eúndem pópulum tuum médium esse voluísti, licét in me áliquod boni óperis testimoniúm non agnóscas, officium saltem dispensatióis creditæ non recúses: nec per me indignum eórum salútis péreat prætium, pro quibus víctima salutáris dignátus es esse redemptio. Prófero étiam Dómine, (si dignéris propitiús intuéri) tribulatióes plébium, perícula populórum, captivórum gémitus, misérias orphanórum, necessitátes peregrinórum, inópiam debílium, desperatióes languéntium, deféctus senum, suspíria júvenum, vota vírginum, láménta viduárum.

*Feria V.*

Tu enim miseréris ómnium Dóminæ: & nihil odísti eórum, quæ fecísti. Memoráre, quæ sit nostra substántia: quia tu Pater noster es, quia tu Deus noster es, ne irascáris satis, neque multitudínem víscerum tuórum super nos contineas. Non enim in justificatióibus nostris prostérnimus preces ante faciém tuam, sed in miserationibus tuis multis. Aufer à nobis iniquitátes nostras: & ignem sancti Spiritus in nobis clementer accénde. Aufer cor lapideum de carne nostra: & da nobis cor carneum, quod te amet, te diligat, te delectetur, te sequátur, te perfruátur. Orámus Dómine cleméntiam tuam, ut seréno vultu familiam tuam, sacri



facri tui nóminis officia præstolántem, aspícere dignéris: & ut nullius sit irritum votum, nullius vácuá postulátio, tu nobis preces súggere, quas ipse propítius audíre, & exaudire delectéris.

*Feria VI.*

Rogámus étiam te, Dómine sancte Pater, & pro spirítibus fidélium defunctorum: ut sit illis salus, sánitas, gándium, & refrigerium, hoc magnum pietátis sacraméntum. Dómine Deus meus, sit illis hódie magnum, & plenum convívium de te pane vivo, qui de cælo descendísti, & das vitam mundo, de tua carne sancta, & benedícta, Agni vidélicet immaculáti, qui tollis peccáta mundi, quæ de sancto, & glorióso beátæ virginis Mariæ útero est assumpta, & de Spíritu sancto concépta; ac de illo pietátis fonte, qui per láncéam militis ex tuo sacratíssimo latere emanávit: ut exínde refécti, & satiáti, refrigeráti, & consoláti, exúltent in laude, & glória tua. Peto cleméntiam tuam Dómine, ut descendat super panem tibi sacrificándum plenitúdo tuæ benedictiónis, & sanctificátio tuæ divinitátis. Descendat étiam Dómine illa sancti Spíritus tui invisibilis, incomprehensibilisque majéstas, sicut quondam in patrum hóstias descendébat, qui & oblatiónes nostras corpus, & sánguinem tuum efficiat, & me indignum sacerdotem dóceat tantum tractáre mystérium cum cordis puritáte, & lacrymárum devotíone, cum reveréntia, & tremóre, ita ut plácide, ac benignè suscipias sacrificium de mánibus meis ad salutem ómnium, tam vivórum, quàm defunctorum.

*Sabbato.*

Rogo étiam te Dómine, per ipsum sacrosáctum mystérium Córporis, & Sanguinis tui, quo quotidie in Ecclesia tua páscimur, & potámur, ablúimur, & sanctificámur, atque unius summæ divinitátis partícipes effícimur: da mihi virtutes tuas sanctas, quibus replétus, bona consciéntia ad Altáre tuum accédam, ita ut hæc cœléstia sacraménta efficiántur mihi salus, & vita. Tu enim dixísti ore tuo sancto, & benedícto: Panis, quem ego dabo, caro mea est pro mundi vita. Ego sum panis vivus, qui de cælo descendí. Si quis manducáverit ex hoc pane, vivet in ætérnum. Panis dulcíssime, sana palátum cordis mei, ut sentiam suavitátem amoris tui. Sana illud ab omni languóre, ut nullam præter te sentiam dulcédinem. Panis candidíssime, habens omne delectaméntum, & omnem sapórem, qui nos semper réfcis, & num-

quam in te defícis; cómedat te cor meum, & dulcédine sapóris tui repleántur víscera ánimæ meæ. Mandúcat te Angelus ore pleno, mandúcet te peregrínus homo pro módulo suo, ne deficere possit in via, tali recreátus viático. Panis sancte, panis vive, panis munde, qui descendísti de cælo, & das vitam mundo, veni in cor meum, & munda me ab omni inquinaménto carnis, & spíritus. Intra in ánimam meam: sana, & munda me intérius, & extérius. Esto tutámen, & continua salus ánimæ, & cörperis mei. Repélle à me insidiántes mihi hostes: recédant procul à præsentia poténtiæ tuæ, ut foris, & intus per te munitus, recto trámite ad tuum regnum pervéniam, ubi non in mystériis, sicut in hoc témpore ágitur, sed fácie ad fáciem te vidébimus, cùm tradideris regnum Deo, & Patri, & eris Deus ómnia in ómnibus. Tunc enim me de te satiabis satietáte mirífica, ita ut nec esúriam, nec sítiám in ætérnum. Qui cum eódem Deo Patre, & Spíritu sancto vivis, & regnās, per ómnia sæcula sæculórum. Amen.

*Alia Oratio ante Missam.*

**A**D mensam dulcíssimi convívii tui, pie Dómine Jesu Christe, ego peccátor de propriis méritis nihil præsumens, sed de tua confidens misericórdia, & bonitáte, accédere véreor, & contremísco. Nam cor & corpus hábeo multis criminibus maculátum, mentem & linguam non cautè custodítam. Ergo, ò pia Déitas, ò treménda majéstas, ego miser, inter angústias deprehénsus, ad te fontem misericórdiæ recúrro, ad te festíno sanándus, sub tuam protectiónem fúgio: & quem júdicem sustinére néqueo, Salvatórem habére suspiro. Tibi Dómine plagas meas osténdo: tibi verecúndiam meam détego. Scio peccáta mea multa, & magna, pro quibus timeo. Spero in misericórdias tuas, quarum non est númerus. Réspice ergo in me óculis misericórdiæ tuæ, Dómine Jesu Christe, Rex ætérne, Deus & homo, crucifixus propter hóminem. Exáudi me sperántem in te: miserére mei pleni misériis & peccátis, tu qui fontem miserationis numquam manáre cessábis. Salve salutáris víctima, pro me & omni humano génere in patíbulo crucis obláta. Salve nóbilis & pretióse Sanguis, de vulnéribus crucifixi Dómini mei Jesu Christi prófluens, & peccáta totius mundi ábluens. Recordáre Dómine creatúræ tuæ, quam tuo Sanguine redemísti. Pœnitet me peccásse, cupio emendáre quod feci. Aufer ergo à me,



à me, clementissime Pater, omnes iniquitates & peccata mea : ut purificatus mente & corpore, dignè degustare merear sancta sanctorum : & concede, ut hæc sancta prælibatio Corporis & Sanguinis tui, quam ego indignus sumere intendendo, sit peccatorum meorum remissio, sit delictorum perfecta purgatio, sit turpium cogitationum effugatio, ac bonorum sensuum regeneratio, operumque tibi placentium salubris efficacia, animæ quoque & corporis contra inimicorum meorum insidias firmissima tuitio. Amen.

*Oratio S. Thomæ Aquinatis.*

**O**Mnipotens sempiternè Deus, ecce accedo ad sacramentum unigeniti Filii tui Domini nostri Jesu Christi : accedo tamquam infirmus ad medicum vitæ, immundus ad fontem misericordiz, cæcus ad lumen claritatis æternæ, pauper, & egenus ad Dominum cæli & terræ. Rogo ergo immensæ largitatis tuæ abundantiam, quatenus meam curare digneris infirmitatem, lavare foeditatem, illuminare cæcitatem, ditare paupertatem, vestire nuditatem : ut panem Angelorum, Regem regum, & Dominum dominantium, tanta suscipiam reverentia, & humilitate, tanta contritione, & devotione, tanta puritate, & fide, tali proposito, & intentione, sicut expedit salutis animæ meæ. Da mihi quæso Domini corporis, & sanguinis non solum suscipere Sacramentum, sed etiam rem & virtutem sacramenti. O mitissime Deus, da mihi corpus unigeniti Filii tui Domini nostri Jesu Christi, quod traxit de virgine Maria, sic suscipere, ut corpori suo mystico merear incorporari, & inter ejus membra connumerari. O amantissime Pater, concede mihi dilectum Filium tuum, quem nunc velatum in via suscipere propono, revelata tandem facie perpetuè contemplari. Qui tecum vivit & regnat in unitate Spiritus sancti, Deus, per omnia sæcula sæculorum. Amen.

*Orationes post Celebrationem, & Communionem dicendæ.*

*Oratio S. Thomæ de Aquino.*

**G**Ratias tibi ago Domine sancte, Pater omnipotens, æternè Deus, qui me peccatorem indignum famulum tuum, nullis meis meritis, sed sola dignatione misericordiz tuæ satiare dignatus es pretioso corpore, & sanguine Filii tui Domini nostri Jesu Christi. Et precor, ut hæc sancta Communionis non sit mihi reatus ad peccatum, sed intercessio salutari-

ris ad veniam. Sit mihi armatura fidei, & scutum bonæ voluntatis. Sit vitiis meorum evacuatio : concupiscentiæ, & libidinis exterminatio : charitatis, & patientiæ, humilitatis, & obedientiæ, omniumque virtutum augmentatio : contra insidias inimicorum omnium, tam visibillum, quam invisibillum, firma defensio : motuum meorum, tam carnalium, quam spiritalium, perfecta quietatio : in te uno ac vero Deo firma adhesio : atque finis mei felix consummatio. Et precor te, ut ad illud ineffabile convivium me peccatorem perducere digneris, ubi tu cum Filio tuo, & Spiritu sancto, Sanctis tuis es lux vera, satietas plena, gaudium sempiternum, jucunditas consummata, & felicitas perfecta. Per eundem Christum Dominum, &c.

*Alia Oratio S. Bonaventuræ.*

**T**Ransige, dulcissime Domine Jesu, medullas, & viscera animæ meæ suavissimo, ac saluberrimo amoris tui vulnere, vera, serenaque & Apostolica sanctissima charitate, ut langueat, & liquefiat anima mea solo semper amore & desiderio tui, te concupiscat, & deficiat in atriâ tuâ, cupiat dissolvi, & esse tecum. Da, ut anima mea te esuriat, panem Angelorum, refectiorem animarum sanctarum, panem nostrum quotidianum supersubstantialem, habentem omnem dulcedinem, & saporem, & omne delectamentum suavitatis : te, in quem desiderant Angeli prospicere, semper esuriat, & comedat cor meum, & dulcedine saporis tui repleantur viscera animæ meæ : te semper sitiât fontem vitæ, fontem sapientiæ & scientiæ, fontem æterni luminis, torrentem voluptatis, ubertatem domus Dei : te semper ambiat, te quærat, te inveniat, ad te tendat, ad te perveniat, te meditetur, te loquatur, & omnia operetur in laudem, & gloriam nominis tui, cum humilitate & discretione, cum dilectione & delectatione, cum facilitate & affectu, cum perseverantia usque in finem : & tu sis solus semper spes mea, tota fiducia mea, divitiæ meæ, delectatio mea, jucunditas mea, gaudium meum, quies & tranquillitas mea, pax mea, suavitas mea, odor meus, dulcedo mea, cibus meus, refectio mea, refugium meum, auxilium meum, sapientia mea, portio mea, possessio mea, thesaurus meus, in quo fixa, & firma, & immobiliter semper sit radicata mens mea, & cor meum. Amen.

**FORMA GRATIARUM ACTIONIS**  
post Missam.

**O** Dulcedo cordis mei, & vita animæ meæ, & jucunda requies spiritus mei,



mei, dulcis Jesu! Immortales tibi ago gratias pro omnibus beneficiis, mihi collatis; signanter verum & immaculatum Corpus & Sanguinem tuum pretiosum consecrare, pertractare, illudque tibi offerre in memoriam tuorum mirabilium, ad tuam gloriam, & in remissionem omnium peccatorum tam meorum, quam illorum, pro quibus orare, sacrificare, & offerre proposui, illoque in salutem animæ meæ cibari & nutriri: quapropter verè dicere audeo: Cibus meus Christus, & ego ejus, Multiplico ergo, & quotiescunque respiro, multiplicare intendo meam voluntatem in infinitum in tuis laudibus. Precorque beatissimam Virginem, Angelos, Sanctos, Sanctas, & creaturas universas, pro me immensas tibi referre gratias: imò quia ista minimè sufficiunt, te supplice, tibi ipsi gratias agere, te laudare, & glorificare compláceas: & quia dignatus es istam indignam, tuam tamen facere habitationem, dignare quoque apud ipsam perpetuam facere mansionem, effice me hominem secundum cor tuum. Uni me tibi intimè, & totum transforma & transmuta in te. Salva me Jesu Christe, & cunctam à me hostis antiqui depelle nequitiam per tuam innocentissimam passionem. Oro tandem ut digneris gratias, & indulgentias omnes quas hoc sacrificio, vel communione mediante acquirere & lucrari possum, concedere, tam mihi, quam aliis, vivis, & defunctis, quibus applicare proposui, quia te ipsum & pro ipsis exoro, pro quibus, & tu vis, & Sanctissimus Pontifex intendit hac de causa me debere orare. Amen.

**A** Djuvet nos gratia tua omnipotens Deus, ut qui officium Sacerdotale suscepimus, dignè ac devotè in omni puritate & conscientia bona tibi famulari valeamus. Et si non possumus in tanta innocentia vitæ conversari ut debemus, concede nobis tamen dignè flere mala quæ gessimus, & in spiritu humilitatis, ac bonæ voluntatis proposito tibi ferventiùs de cetero deservire. Per Christum Dominum nostrum. Amen.

*Oratio.*

**O**mnipotens sempiternè Deus, conservator animarum, mundique Redemptor, me famulum tuum ante majestatem tuam prostratum benignissimè respice: & Sacrificium, quod in honore nominis tui pro salute fidelium, tam vivorum, quam etiam defunctorum, & pro peccatis, & offensionibus meis obtuli, piissime respice: iram tuam à me remove, gratiam & misericordiam mihi concede: Januam paradisi mihi pande, ab omnibus malis me potenter eripe: & quidquid proprio commisi reatu, clementer indolge. Sic in hoc sæculo in præceptis tuis fac me perseverare, ut dignus electorum gregi copulari efficiar, te præstante Deus meus, cujus nomen benedictum, honor, atque regnum permanet in sæcula sæculorum. Amen.

*Rhythmus S. Thomæ ad sacram Eucharistiam.*

**A** Doro te devotè, latens Déitas,  
Quæ sub his figuris verè latitas:  
Tibi se cor meum totum subjicit,  
Quia te contemplan, totum deficit.  
Visus, tactus, gustus in te fallitur,  
Sed auditu solo tutò creditur.  
Credo quidquid dixit Dei Filius,  
Nil hoc verbo veritatis verius.  
In cruce latebat sola Déitas,  
At hic latet simul & humanitas.  
Ambo tamen credens, atque confitens,  
Peto quod petivit latro pœnitens.  
Plagas, sicut Thomas, non intueor,  
Deum tamen meum te confiteor.  
Fac me tibi semper magis credere,  
In te spem habere, te diligere.  
O memoriale mortis Domini,  
Panis vivus, vitam præstans homini:  
Præsta meæ menti de te vivere,  
Et te illi semper dulce sapere.  
Pie pellicane Jesu Domine,  
Me immundum munda tuo sanguine:  
Cujus una stilla saluum facere  
Totum mundum quit ab omni scelere.  
Jesu, quem velatum nunc aspicio,  
Oro fiat illud, quod tam sitio:  
Ut te revelata cernens facie,  
Visu sim beatus tuæ gloriæ. Amen.





# P R O P R I U M

# M I S S A R U M

## D E T E M P O R E.

### D O M I N I C A I. A D V E N T U S.

*Statio ad S. Mariam majorem.*

*Ad Missam. Introitus. Ps. 24.*

**A**D te levavi animam meam : Deus meus, in te confido, non erubescam : neque irrideant me inimici mei ; etenim universi, qui te expectant, non confundentur.

*Psalm. ibid.* Vias tuas, Domine, demonstra mihi : & fides tuas edoce me.

✠. Glória Patri, & Fílio, & Spiritui sancto : Sicut erat in principio, & nunc, & semper, & in sæcula sæculorum, Amen.

*Quo finito, repetitur, Ad te levavi. usque ad Psalmum.*

¶ *Hic modus repetendi Introitum servatur per totum annum.*

*Non dicitur Glória in excelsis. ab hac Dominica usque ad Nativit. Domini, nisi in Festis.*

Orémus. Oratio.

**E**Xcita, quæsumus Domine, potentiam tuam, & veni : ut ab imminéntibus peccatorum nostrorum periculis, te mereamur protegente eripi, te liberante salvári. Qui vivis, & regnas cum Deo Patre in unitate Spiritus sancti Deus, per omnia sæcula sæculorum.

R. Amen.

¶ *Ab hac die usque ad Vigiliam Nativ. Domini, post Orationem diei dicitur Oratio. Deus, qui de beatæ Mariæ. & Ecclesiæ tuæ. vel Deus omnium fidelium. ut infra.*

¶ *Si autem facienda sit commemoratio alicujus Festi simplicis occurrentis, post Orationem diei dicitur Oratio de Sancto, & tertia de Sancta Maria.*

*De S. Maria. Oratio.*

**D**Eus, qui de beatæ Mariæ Virginis utero, Verbum tuum, Angelo nuntiante, carnem suscipere voluisti : præsta supplicibus tuis ; ut qui verè eam genitricem Dei credimus, ejus apud te intercessionibus adjuvemur.

*Contra persecutores Ecclesiæ. Oratio.*

**E**cclesiæ tuæ, quæsumus Domine, preces placatus admitte : ut destructis adversitatibus & erroribus universis, secúra tibi serviat libertate. Per Dóminum nostrum Jesum Christum Fílium tuum : Qui tecum vivit, & regnat in unitate Spiritus sancti Deus, per omnia sæcula sæculorum.

R. Amen.

*Vel pro Papa. Oratio.*

**D**Eus omnium fidelium pastor & rector, famulum tuum N. quem pastorem Ecclesiæ



clésiæ tuæ præesse voluisti, propitius respice: da ei quæsumus, verbo & exemplo, quibus præest, proficere; ut ad vitam, unâ cum grege sibi credito, perveniat sempiternam. Per Dóminum nostrum.

¶ *Infra Hebdomadas Adv. quando dicitur Missa de Festo Semiduplici, secunda Oratio erit de Adventu, tertia de S. Maria, quæ terminatur sic: Per eundem Dóminum, &c.*

¶ *Si autem dicitur Missa de Festo Duplici, post Orationem Festi dicitur Oratio tantum de Adventu.*

¶ *De Festis simplicibus in Adventu occurrentibus fit tantum commemoratio.*

Lectio Epistolæ B. Pauli Apostoli ad Romanos. Rom. 13. d.

**F**ratres, Sciéntes, quia hora est jam nos de somno surgere. Nunc enim propior est nostra salus, quam cum credidimus. Nox præcessit, dies autem appropinquavit. Abjiciamus ergo ópera tenebrarum, & induamur arma lucis. Sicut in die honestè ambulémus: non in comessationibus & ebrietatibus, non in cubilibus & impudiciis, non in contentione & æmulatione: sed induimini Dóminum Jesum Christum.

*Graduale. Psal. 24. Univerſi, qui te expéctant, non confundentur, Dómine.*

℣. Vias tuas, Dómine, notas fac mihi: & semitas tuas edoce me. Allelúia, allelúia.

*Psal. 84. ℣. Osténde nobis Dómine misericórdiam tuam: & salutáre tuum da nobis. Allel.*

¶ *In Feriis Adv. quando per Hebdomadam resumitur Missa de Dominica, non dicitur Allelúia,*

*nec Versus sequens, sed tantum Graduale.*

Sequéntia S. Evangélii secundum Lucam. Luc. 21.

**I**N illo témpore: Dixit Jesus discipulis suis: Erunt signa in sole, & luna, & stellis, & in terris pressúra Gentium præ confusione sonitus maris, & fluctuum, arescentibus hominibus præ timóre, & expectacióné, quæ superveniént univérſo orbi: nam virtútes cœlorum movebúntur, & tunc videbunt Fílium hóminis veniéntem in nube cum potestate magna, & majestate. His autem fieri incipientibus, respicite, & leváte cápita vestra: quóniam appropinquat redemptio vestra. Et dixit illis similitudinem: Vidéte ficulneam, & omnes árbores: cum producunt jam ex se fructum, scitis quóniam propè est æstas. Ita & vos cum videritis hæc fieri, scitote quóniam propè est regnum Dei. Amen dico vobis, quia non præteríbit generatio hæc, donec ómnia fiant. Cœlum & terra transibunt: verba autem mea non transibunt. Credo.

*Offertorium. Psal. 24. Ad te levavi ánimam meam: Deus meus, in te confido, non erubescam: neque irrideant inimici mei: etenim univérſi, qui te expéctant, non confundentur. Secreta.*

**N**Æc sacra nos, Dómine, impoténti virtúte mundatos, ad suum fácient puriores venire princípium. Per Dóminum.

*De S. Maria. Secreta.*

**I**N méntibus nostris, quæsumus Dómine, veræ fidei



dei sacramenta confirma: ut, qui concéptum de Vírgine Deum verum & hóminem confitémur; per ejus salutíferæ resurrectionis poténtiam, ad ætérnam mereámur pervenire lætítiam. Per eúndem Dóminum nostrum.

*Contra persecutores Ecclesiæ.*

*Secreta.*

**P**Rótege nos Dómine, tuis mystériis serviéntes: ut divínis rebus inhæréntes, & corpore tibi famulémur, & mente. Per Dóminum.

*Vel pro Papa. Secreta.*

**O**blátis, quæsumus Dómine, placare munéribus: & famulum tuum N. quem pastórem Ecclesiæ tuæ præesse voluísti, assídua protectione gubérna. Per Dóminum.

*Communio. Ps. 84.* Dóminus dabit benignitatem: & terra nostra dabit fructum suum.

*Postcommunio.*

**S**uscipiámus, Dómine, misericórdiam tuam in médio templi tui: ut reparationis nostræ ventúra solémnia, congruis honóribus præcedámus. Per Dóminum.

*De S. Maria. Postcommunio.*

**G**rátiam tuam, quæsumus Dómine, méntibus nostris infunde: ut, qui Angelo nuntiánte, Christi Fílii tui incarnationem cognóvimus; per passionem ejus & crucem, ad resurrectionis glóriam perducámur. Per eúndem Dóminum. *si dicatur ultimo loco.*

*Contra persecutores Ecclesiæ.*

*Postcommunio.*

**Q**uæsumus Dómine Deus noster: ut quos divína tribuis participatione gaudere, humanis non finas subja-

cere perículis. Per Dóminum nostrum.

*Vel pro Papa. Postcomm.*

**H**Æc nos, quæsumus Dómine, divíni sacraménti percéptio próteget: & famulum tuum N. quem pastórem Ecclesiæ tuæ præesse voluísti, unà cum commísso sibi grege salvet semper, & múniat. Per Dóminum nostrum.

*Dicitur Benedicámus Dómino. Et sic servatur, quoties non dicitur Glória in excélsis.*

¶ *Infra Hebdomadam si dicenda sit Missa de Feria, resumitur Missa de Dominica præcedenti, nisi propria Missa assignetur.*

¶ *Cum verò in Adv. Quadragesima, Quatuor Temporibus, Vigiliis, & Rogationibus dicitur Missa de Festo Duplici, vel Semid. occurrente, semper fit cõmem. de Feria. Et pro cõmem. Feriarum Adv. dicitur Oratio Dominicæ præced. nisi sint Quat. Tempora, in quibus habetur Oratio propria.*

## DOMINICA II. ADVENTUS.

*Statio ad S. Crucem in Jerusalem. Introitus. Is. 30.*

**P**Opulus Sion, ecce Dóminus véniet ad salvándas Gentes: & audítam faciet Dóminus glóriam vocis suæ in lætítia cordis vestri.

*Psalmus 79.* Qui regis Israël, inténde: qui dedúcis, velut ovem, Joseph. v. Glória.

*Non dicitur Glória in excélsis.*

*Oratio.*

**E**Xcita, Dómine, corda nostra ad præparándas



Unigéniti tui vias: ut per ejus adventum purificáris tibi méntibus servíre mereámur. Qui tecum vivit & regnat.

*Secunda Oratio de S. Maria,*  
Deus, qui de beátæ Mariæ.

*Tertia pro Ecclesia, vel pro Papa.* fol. i.

Lectio Epístolæ B. Pauli Apóstoli ad Romános. *Rom.* 15.

**F**Ratres, Quæcúmque scripta sunt, ad nostram doctrinam scripta sunt, ut per patientiam, & consolationem Scripturarum, spem habeamus. Deus autem patientiæ & solatii det vobis idípsum sapere in alterutrum secundum Jesum Christum: ut unánimes, uno ore honorificétis Deum, & Patrem Dómini nostri Jesu Christi. Propter quod suscipite invicem, sicut & Christus suscepit vos in honorem Dei. Dico enim Christum Jesum ministrum fuisse circumcisionis propter veritatem Dei, ad confirmandas promissiones patrum: Gentes autem super misericórdia honorare Deum, sicut scriptum est: Propterea confitebor tibi in Géntibus, Dómine, & nómini tuo cantabo. Et iterum dicit: Lætámini Gentes cum plebe ejus. Et iterum: Laudáte omnes Gentes Dóminum: & magnificáte eum omnes populi. Et rursus Isaías ait: Erit radix Jesse, & qui exúrget regere Gentes, in eum Gentes sperábunt. Deus autem spei répleat vos omni gáudio, & pace in credéndo: ut abundétis in spe, & virtute Spíritus sancti.

*Graduale. Ps.* 49. Ex Sion species decóris ejus: Deus manifestè véniet. *V.* Congregáte

illi sanctos ejus, qui ordinaverunt testaméntum ejus super sacrificia. Allelúia, allelúia.

*V.* Lætátus sum in his, quæ dicta sunt mihi: in domum Dómini íbimus. Allelúia.

Sequéntia S. Evangélii secundum Matthæum. *Matt.* 11.

**I**N illo témpore: Cúm audisset Joánnes in vinculis ópera Christi, mittens duos de discipulis suis, ait illi: Tu es, qui ventúrus es, an alium expectámus? Et respondens Jesus, ait illi: Eúntes renuntiáte Joánni, quæ audístis, & vidístis. Cæci vident, claudi ambulant, leprósi mundántur, furdi audiunt, mórtui resurgunt, páuperes evangelizántur: & beátus est, qui non fuerit scandalizátus in me. Illis autem abeúntibus, cœpit Jesus dicere ad turbas de Joánnē: Quid exístis in desértum vidére? arúndinem vento agitátam? Sed quid exístis vidére? hóminem móllibus vestítum? Ecce qui móllibus vestiúntur, in dómibus Regum sunt. Sed quid exístis vidére? Prophétam? Etiam dico vobis, & plus quàm Prophétam. Hic est enim, de quo scriptum est: Ecce ego mitto Angelum meum ante faciém tuam, qui præparabit viam tuam ante te. Credo.

*Offertorium. Ps.* 84. Deus, tu convértens vivificábis nos, & plebs tua lætábitur in te: osténde nobis, Dómine, misericórdiam tuam, & salutáre tuum da nobis.

*Secreta.*

**P**Lacáre, quæsumus, Dómine, humilitátis nostræ precibus & hóstiis: & ubi nulla  
lúp-



Suppetunt suffragia meritó-  
rum, tuis nobis succurre præ-  
sidiis. Per Dóminum.

*Secunda Secreta de S. Maria,  
tertia pro Ecclesia, vel pro Papa.*  
fol. 2.

*Communio. Baruch 4. & 5.*  
Jerusalem surge, & statim ex-  
célso: & vide jucunditatem,  
quæ veniet tibi à Deo tuo.

*Postcommunio.*

**R** Epléri cibo spirituális  
animóniæ, supplices te,  
Dómine, deprecámur: ut hujus  
participatióne mystérii, dó-  
ceas nos terréna despícere, &  
amare coeléstia. Per Dómi-  
num nostrum.

*Secunda Postcommunio de S.  
Maria, tertia pro Ecclesia, vel  
pro Papa.* fol. 3.

## DOMINICA III. AD- VENTUS.

*Statio ad sanctum Petrum.*

*Introitus. Phil. 4.*

**G** Audéte in Dómino sem-  
per: iterum dico, gau-  
déte: modéstia vestra nota  
sit ómnibus homínibus: Dó-  
minus enim propè est: nihil  
soliciti sitis; sed in omni ora-  
tione petitiónes vestræ inno-  
téscant apud Deum.

*Psalmus 84. Benedixísti, Dó-  
mine, terram tuam: avertísti  
captivitatem Jacob.*

*v. Glória Patri.*

*Non dicitur Glória in ex-  
célis.*

*Oratio.*

**A** Urem tuam, quæsumus,  
Dómine, precibus no-  
stris accómmoda: & mentis  
nostræ ténebras, gratiâ tuæ  
visitatiónis illústra. Qui vi-  
vis & regnas cum Deo Patre,

*Secunda Oratio de S. Maria,  
tertia pro Ecclesia, vel pro Papa.*  
fol. 1.

*Lectio Epistolæ B. Pauli  
Apóstoli ad Philippénse.*  
*Phil. 4.*

**I** Ratres, Gaudéte in Dómi-  
no semper: iterum dico,  
gaudéte. Modéstia vestra nota  
sit ómnibus homínibus: Dó-  
minus propè est. Nihil so-  
liciti sitis; sed in omni ora-  
tione, & obsecratióne, cum  
gratiarum actiόne, petitiόnes  
vestræ innotéscant apud De-  
um. Et pax Dei, quæ exsúpe-  
rat omnem sensum, custódiat  
corda vestra, & intelligéntias  
vestras: in Christo Jesu Dó-  
mino nostro.

*Graduale, Psalm. 79. Qui  
sedes, Dómine, super Chéru-  
bim, excita poténtiam tuam,  
& veni. v. Qui regis Israël,  
inténde: qui dedúcis, velut  
ovem, Joseph.*

*Allelúia, allelúia.*

*v. Excita Dómine potén-  
tiam tuam, & veni: ut salvos  
fácias nos. Allelúia.*

*Sequéntia S. Evangélii se-  
cúndum Joánnem.*

*Joan. 1.*

**I** N illo témpore: Misérunt  
Judæi ab Jerosólymis sa-  
cerdótes & Levítas ad Jo-  
ánnem, ut interrogarent eum:  
Tu quis es? Et conféssus  
est, & non negávit: & con-  
féssus est: Quia non sum  
ego Christus. Et interroga-  
verunt eum: Quid ergo?  
Elías es tu? Et dixit: Non sum.  
Prophéta es tu? Et respón-  
dit: Non. Dixérunt ergo ei:  
Quis es, ut respónsum demus  
his, qui misérunt nos? Quid  
dicis de te ipso? Ait: Ego vox  
cla-



clamantis in deserto, dirigite viam Domini, sicut dixit Isaias Propheta. Et qui missi fuerant, erant ex Phariseis. Et interrogaverunt eum, & dixerunt ei: Quid ergo baptizas, si tu non es Christus, neque Elias, neque Propheta? Respondit eis Joannes, dicens: Ego baptizo in aqua: medius autem vestrum stetit, quem vos nescitis. Ipse est, qui post me venturus est, qui ante me factus est: cujus ego non sum dignus, ut solvam ejus corrigiam calceamenti. Hæc in Bethania facta sunt trans Jordanem, ubi erat Joannes baptizans. **Credo.**

**Offertorium.** Psal. 84. Benedixisti, Domine, terram tuam: avertisti captivitatem Jacob: remisisti iniquitatem plebis tuæ.

*Secreta.*

**D**evotionis nostræ tibi, quæsumus Domine, hostia jûgiter immoletur: quæ & sacri peragat instituta mysterii, & salutare tuum in nobis mirabiliter operetur. Per Dominum, &c.

*Secunda Secreta de S. Maria; tertia pro Ecclesia, vel pro Papa. fol. 2.*

**Communio.** Isai. 35. Dicitte pusillanimis: Confortamini, & nolite timere: ecce Deus noster veniet, & salvabit nos.

*Postcommunio.*

**I**mploramus, Domine, clementiam tuam: ut hæc divina subsidia à vitiis expiatis, ad festa ventura nos præparent. Per Dominum nostrum.

*Secunda Postcomm. de S. Maria; tertia pro Ecclesia, vel pro Papa. fol. 3.*

**FERIA IV. QUATUOR TEMP. ADVENTUS.**

*Statio ad S. Mariam majorem.*

*Introitus. Isai. 45.*

**R**orate cœli desuper, & nubes pluant justum: aperiatur terra, & germinet Salvatorem.

*Psal. 18.* Cœli enarrant gloriam Dei, & opera manuum ejus annuntiat firmitermentum.

*v. Glória Patri.*

*Post Kyrie eleison, immediate dicitur, Orémus.* Flectamus genua. &. Levate.

*Oratio.*

**P**ræsta, quæsumus, omnipotens Deus: ut redemptionis nostræ ventura sollemnitas, & præsentis nobis vitæ subsidia conferat, & æternæ beatitudinis præmia largiatur. Per Dominum.

**Lectio** Isaiæ Prophætæ.

*Isaiæ 2.*

**I**n diebus illis: Dixit Isaias Propheta: Erit in novissimis diebus præparatus mons domus Domini in vertice montium, & elevabitur super colles, & fluent ad eum omnes Gentes. Et ibunt populi multi, & dicent: Venite, & ascendamus ad montem Domini, & ad domum Dei Jacob: & docebit nos vias suas, & ambulabimus in semitis ejus: quia de Sion exibit lex, & verbum Domini de Jerúsalem. Et judicabit Gentes, & arguet populos multos, & conflabunt gladios suos in vomeres, & lanceas suas in falces: non levabit gens contra gentem gladium: nec exercebuntur ultra ad prælium. Domus Jacob venite, & am-



ambulémus in lumine Dómini Dei nostri.

*Graduale. Ps. 23.* Tóllite portas, príncipes, vestras: & elevámini portæ æternáles, & introíbit Rex glóriæ. *℣.* Quis ascéndet in montem Dómini, aut quis stabit in loco sancto ejus? innocens má nibus, & mundo corde.

*Hic dicitur ℣.* Dóminus vobíscum, *sine* Flectámus génuá.

*Oratio.*

**F**estína, quæsumus Dómine, ne tardáveris: & auxiliúm nobis supérnæ virtútis impénde; ut advéntus tui consolatió nibus sublevéntur, qui in tua pietáte confidunt. Qui vivis, &c.

*Secunda Oratio de S. Maria; tertia, Ecclesiæ, vel pro Papa. fol. i.*

*Lectio Isaíæ Prophétæ. Is. 7. 6.*

**I**N diébus illis: Locútus est Dóminus ad Achaz, dicens: Pete tibi signum à Dómino Deo tuo in profúndum inférni, sive in excélsu supra. Et dixit Achaz: Non petam, & non tentábo Dóminu. Et dixit: Audíte ergo domus David: Numquid parum vobis est, moléstos esse homínibus, quia molésti estis & Deo meo? Propter hoc dabit Dóminus ipse vobis signum. Ecce Virgo concípiet, & páriet Fíliu, & vocábitur nomen ejus Emmánuél. Butyrum & mel cómedet, ut sciát reprobáre malum, & elígere bonu.

*Graduale. Psal. 144.* Propè est Dóminus ómnibus invocántibus eum, ómnibus qui invocant eum in veritate.

*℣.* Laudem Dómini loquétur

os meum: & benedícat omnis caro nomen sanctu ejus.

Sequéntia S. Evangélii secúndu Lucam. *Luc. i. c.*

**I**N illo témpore: Missus est Angelus Gábriél à Deo in civitátem Galilææ, cui nomen Názareth, ad Vírginem desponsátam viro, cui nomen erat Joseph de domo David, & nomen Vírginis María. Et ingrèssus Angelus ad eam, dixit: Ave grátiá plena: Dóminus tecum: Benedícta tu in muliéribus. Quæ cù audíset, turbáta est in sermóne ejus, & cogitábat qualis esset ista salutatio. Et ait Angelus ei: Ne tímeas María; invenísti enim grátiam apud Deu: ecce concípies in útero, & páries filiu, & vocábis nomen ejus Jesu. Hic erit magnus, & Fílius Altíssimi vocábitur, & dabit illi Dóminus Deus sedem Dávid patris ejus: & regnábit in domo Jacob in ætérnum, & regni ejus non erit finis. Dixit autem María ad Angelu: Quómodo fiet istud, quóniam viru non cognósko? Et respóndens Angelus, dixit ei: Spíritus sanctus supervéniet in te, & virtus Altíssimi obumbrábit tibi. Ideóque & quod nascétur ex te Sanctu, vocábitur Fílius Dei. Et ecce Elísabeth cognáta tua, & ipsa concépit filiu in senectúte sua: & hic mensis sextus est illi, quæ vocátur stérilis: quia non erit impóssibile apud Deu omne verbu. Dixit autem María: Ecce ancílla Dómini, fiat mihi secúndu verbu tuu.

*Offertorium. Isa. 35. Confor-*



támini, & jam nolite timere: ecce enim Deus noster retribuet iudicium: ipse veniet, & salvos nos faciet. *Secreta.*

**A**ccépta tibi sint, quæsumus Dómine, nostra jejúnia: quæ & expiando nos tuâ gratiâ dignos efficiant, & ad sempiterna promissa perdúcant. Per Dóminum.

*Secunda Secr. de S. Maria. iii. pro Eccles. vel pro Papa. fol. 2.*

*Communio. Is. 7.* Ecce Virgo concipiet, & páriet filium: & vocábitur nomen ejus Emmánuël. *Postcommunio.*

**S**alutáris tui, Dómine, múnere satiáti, supplices deprecámur: ut, cujus lætámur gustu, renovémur efféctu. Per Dóminum.

*Secunda Postcommun. de S. Maria, tertia pro Ecclesia, vel pro Papa. fol. 3.*

## FERIA VI. QUATUOR TEMP. ADVENTUS.

*Statio ad SS. duodecim Apostolos.*

*Introitus. Ps. 118.*

**P**ropè es tu Dómine, & omnes viæ tuæ véritas: initio cognóvi de testimoniis tuis, quia in ætérnum tu es.

*Psal. ibid.* Beáti immaculáti in via: qui ámbulant in lege Dómini. *v.* Glória Patri.

*Oratio.*

**E**Xcita, quæsumus Dómine, poténtiam tuam, & veni: ut hi, qui in tua pietáte confidunt, ab omni citiùs adversitaté liberéntur. Qui vivis.

*Secunda Oratio de S. Maria, tertia pro Ecclesia, vel pro Papa. fol. 1.*

Lectio Isaíæ Prophétæ.

*Isaia 11.*

**I**Æc dicit Dóminus Deus: Egrediétur virga de radice Jesse, & flos de radice ejus ascéndet. Et requiescet super eum spíritus Dómini: spíritus sapiéntiæ, & intelléctus: spíritus consílii, & fortitúdinis: spíritus sciéntiæ, & pietátis: & replébit eum spíritus timóris Dómini: non secúndum visiónem oculórum judicábit, neque secúndum auditum áurium árguet: sed judicábit in justítia páuperes, & árguet in æquitáte pro mansuétis terræ: & percútiet terram virgâ oris sui, & spíritu labiórum suórum interficiet ímpium. Et erit justítia cingulum lumbórum ejus: & fides cinctórium renum ejus.

*Graduale. Psal. 84.* Osténde nobis, Dómine, misericórdiam tuam: & salutare tuum da nobis. *v. ibid.* Benedixísti, Dómine, terram tuam: avertísti captivitátem Jacob.

*Sequéntia S. Evángelii secúndum Lucam. Luc. 1. d.*

**I**N illo tēpore: Exúrgens María, abiit in montána cum festinátione in civitátem Juda: Et intrávit in domum Zacharíæ, & salutávit Elísabeth. Et factum est, ut audívit salutatióem Mariæ Elísabeth, exultávit infans in útero ejus: & repléta est Spíritu sancto Elísabeth: & exclamávit voce magnâ, & dixit: Benedícta tu inter mulieres, & benedíctus fructus ventris tui. Et unde hoc mihi, ut véniat mater Dómini mei ad me? Ecce enim, ut facta est vox salutatio-



nōnis tuæ in auribus meis, exultavit in gaudio infans in utero meo. Et beata quæ credidisti, quoniam perficiētur ea, quæ dicta sunt tibi à Dōmino. Et ait Maria: Magnificat anima mea Dōminum, & exultavit spīritus meus in Deo salutāri meo.

*Offertorium. Ps. 84.* Deus tu convertens vivificābis nos, & plebs tua lætābitur in te: ostēde nobis Dōmine misericordiā tuam, & salutāre tuum da nobis. *Secreta.*

**M**unēribus nostris, quæsumus Dōmine, precibusque susceptis: & cœlestibus nos munda mystēriis, & clemēter exāudi. Per Dōminum.

*Secunda Secreta de S. Maria, tertia pro Ecclesia, vel pro Papa. fol. 2.*

*Communio. Zach. 14.* Ecce Dōminus veniet, & omnes Sancti ejus cum eo: & erit in die illa lux magna.

*Postcommunio.*

**T**ui nos, Dōmine, sacramēti libatio sancta restāuret: & à vetustate purgatos, in mystērii salutāris faciāt transire consōrtium. Per Dōminum.

*Secunda Postcomm. de S. Maria, tertia. Quæsumus. vel pro Papa. fol. 3.*

## SABBATO QUATUOR TEMP. ADVENTUS.

*Statio ad sanctum Petrum.*

*Introitus. Psal. 79.*

**V**eni, & ostēde nobis faciē tuam, Dōmine, qui sedes super Chérubim: & salvi érimus.

*Psal. ibid.* Qui regis Israël,

intēde: qui dedúcis, velut ovem, Joseph. v. Glória Patri.

*Post Kyrie eléison, dicitur, Orémus. Flectāmus gēnua. R. Levāte. Oratio.*

**D**eus, qui cōspicis, quia ex nostra pravitate affligimur: concēde propitius; ut ex tua visitatiōne consolémur: Qui vivis & regnas, &c.

*Lectio Isaíæ Prophætæ.*

*Isaíæ 19. d.*

**I**N diēbus illis: Clamābunt ad Dōminum à facie tribulantis, & mittet eis Salvatorem, & propugnatorem, qui liberet eos. Et cognoscetur Dōminus ab Ægypto, & cognoscent Ægyptii Dōminum in die illa: & colent eum in hōstiis, & in munēribus: & vota vōvēbunt Dōmino, & solvent. Et percūtiēt Dōminus Ægyptum plagā, & sanābit eam: & revertentur ad Dōminum, & placābitur eis, & sanābit eos Dōminus Deus noster.

*Graduale. Psal. 18.* A summo cœlo egressio ejus: & occursus ejus usque ad summum ejus.

v. Cœli enarrant glóriam Dei: & ópera manuum ejus annūtiāt firmamētum.

*Orémus. Flectāmus gēnua: R. Levāte. Oratio.*

**C**oncēde quæsumus omnipotens Deus: ut, qui sub peccāti jugo, ex vetusta servitute deprīmimur; expectatā unigéniti Fílii tui novā nativitate liberémur. Qui tecum vivit & regnat.

*Lectio Isaíæ Prophætæ.*

*Isaíæ 35.*

**H**Æc dicit Dōminus: Lætābitur deférta & invia, & exultābit solitúdo, & florēbit quasi lílium. Germīnans

*gera*



germinabit, & exultabit lætābūnda & laudans: glória Líbani data est ei, decor Carméli, & Saron: ipsi vidēbunt glóriam Dómini, & decórem Dei nostri. Confortáte manus dissolutas, & gēna debília roboráte. Dícite pusillānimis: Confortámini, & nolíte timére: ecce Deus vester ultiónem addúcet retributiónis: Deus ipse véniet, & salvábit vos. Tunc aperientur óculi cæcórū, & aures surdórum patébunt. Tunc saliet sicut cervus claudus, & apérta erit lingua mutórum: quia scissæ sunt in deserto aquæ, & torrētes in solitūdine. Et quæ erat árida, erit in stagnum, & sítiens, in fontes aquárum. Ait Dóminus omnipotens.

*Graduale. Psal. 18.* In sole pósuit tabernáculum suum: & ipse tamquam sponsus procedens de thálamo suo. *℣.* A summo cælo egréssio ejus: & occúrsum ejus usque ad summum ejus. *Orémus.* Flectámus genua. *℟.* Leváte.

*Oratio.*

**I**ndígnos nos, quæsumus Dómine, fámulos tuos, quos actiōnis propriæ culpa contrístat, unigéniti Fílii tui advéntu lætífica. Qui tecum vivit & regnat in unitáte Spíritus sancti Deus.

Léctio Isaíæ Prophétæ.

*Isaia 40. b.*

**H**æc dicit Dóminus: Super montem excélsū ascēde tu, qui evangelízas Sion: exálta in fortitūdine vocem tuam, qui evangelízas Jerúsalem: exálta, nolí timére. Dic civitatibus Juda: Ecce Deus vester: ecce Dóminus

Deus in fortitūdine véniet, & bráchium ejus dominábitur: Ecce merces ejus cum eo, & opus illíus coram illd. Sicut pastor gregem suum pascet: in bráchio suo congregábit agnos, & in sinu suo levábit, Dóminus Deus noster.

*Graduale. Psalm. 79.* Dómine Deus virtútum convérte nos: & ostēde fáciem tuam, & salvi érimus. *℣.* Excita Dómine poténtiam tuam, & veni: ut salvos fácias nos. *Orémus.* Flectámus gēna. *℟.* Leváte. *Oratio.*

**P**ræsta quæsumus omnipotens Deus: ut Fílii tui ventúra solémnitas, & præsentis nobis vitæ remédia cónferat, & præmia ætérna concédant. Per eúndem Dóminum.

Léctio Isaíæ Prophétæ. *Is. 45.*

**H**æc dicit Dóminus christo meo Cyro, cujus apprehéndi dexteram, ut subjiciam ante fáciem ejus Gentes, & dorsa regum vertam, & apériam coram eo jánuas, & portæ non claudéntur. Ego ante te ibo, & gloriófos terræ humiliábo: portas æreas cónteram, & vectes fërreos confringam. Et dabo tibi thesauros absconditos, & arcána secretórum: ut scias, quia ego Dóminus, qui voco nomen tuum, Deus Israél. Propter servum meum Jacob, & Israél eléctum meum, & vocávi te nómine tuo: assimilávi te, & non cognovísti me. Ego Dóminus, & non est ámplius: extra me non est Deus: accínxi te, & non cognovísti me: Ut sciant hi, qui ab ortu solis, & qui ab occidente, quóniam absque me non est. Ego Dóminus, & non est



est alter, formans lucem, & creans tenebras, faciens pacem, & creans malum: ego Dominus faciens omnia hæc. Rorate cœli desuper, & nubes pluant justum: aperiatur terra, & germinet Salvatorem: & justitia oriatur simul: ego Dominus creavi eum.

*Graduale. Psalm. 79.* Excita, Domine, potentiam tuam, & veni, ut salvos facias nos.

*v.* Qui regis Israël, intende, qui deducis, velut ovem, Joseph: qui sedes super Chérubim, appare coram Ephraim, Benjamin, & Manasse.

Orémus. Flectamus gēnua.

*R.* Levate.

*Oratio.*

**P** Reces pōpuli tui, quæsumus Domine, clemēter exaudi: ut qui justē prō peccātis nostris affligimur, pietātis tuæ visitatione consolēmur. Qui vivis & regnas cum Deo. Lēctio Daniēlis Prophētæ.

*Dan. 3. c.*

**I**N diēbus illis: Angelus Domini descendit cum Azaria, & sociis ejus in fornācem: & excussit flammam ignis de fornāce, & fecit medium fornācis quasi ventum roris flantem. Flamma autem effundebatur super fornācem cūbitis quadraginta novem: & erupit, & incendit quos reperit juxta fornācem de Chaldæis ministros regis, qui eam incendebant. Et non tetigit eos omnino ignis, neque contristavit, nec quidquam molestiæ intulit. Tunc hi tres quasi ex uno ore laudabant, & glorificabant, & benedicēbant Deum in fornace, dicentes:

*Hic non respondetur Deo grātias.*

*Hymnus. Ibid.*

**B**enedictus es Domine Deus patrum nostrorum. Et laudabilis & gloriosus in sæcula.

Et benedictum nomen gloriæ tuæ, quod est sanctum. Et laudabile & gloriosum in sæcula.

Benedictus es in templo sancto gloriæ tuæ. Et laudabilis & gloriosus in sæcula.

Benedictus es super thronum sanctum regni tui. Et laudabilis, & gloriosus in sæcula.

Benedictus es super sceptrum Divinitatis tuæ. Et laudabilis & gloriosus in sæcula.

Benedictus es, qui sedes super Chérubim, intuens abyssos. Et laudabilis & gloriosus in sæcula.

Benedictus es, qui ambulas super pennas ventorum, & super undas maris. Et laudabilis & gloriosus in sæcula.

Benedicant te omnes Angeli, & Sancti tui. Et laudent te & glorificent in sæcula.

Benedicant te cœli, terra, mare, & omnia, quæ in eis sunt. Et laudent te & glorificent in sæcula.

Glória Patri, & Fílio, & Spirítui sancto. Et laudabili & glorioso in sæcula.


Sicut erat in principio, & nunc, & semper: & in sæcula sæculorum, Amen. Et laudabili & glorioso in sæcula.

Benedictus es Domine Deus Patrum nostrorum. Et laudabilis & gloriosus in sæcula.

*Hic dicitur, Dominus vobiscum, sine Flectamus gēnua.*

Orémus. *Oratio.*

**D**Eus, qui tribus pueris mitigasti flammam ignium:





concède propítius ; ut nos fá-  
mulos tuos non exúrat flam-  
ma vitiorum. Per Dóminum.

*De S. Maria. Oratio.*

**D**Eus, quide beátæ Mariæ  
Vírginis útero, Verbum  
tuum, Angelo nuntiánte, car-  
nem suscipere voluísti : præsta  
supplícibus tuis ; ut qui verè  
eam genitrícem Dei credi-  
mus, ejus apud te intercessi-  
onibus adjuvémur.

*Pro Papa, Oratio.*

**D**Eus ómnium fidélium  
pastor & rector, fámulum  
tuum N. quem pastórem Ec-  
clésiæ tuæ præesse voluísti,  
propítius réspice : da ei, quæ-  
sumus, verbo & exémplo,  
quibus præest, proficere ; ut ad  
vitam, unà cum grege sibi cré-  
dito, pervéniat sempitérnam.  
Per Dóminum nostrum,

*Vel contra persecutores Ec-  
clesiæ, Oratio. Ecclesiæ tuæ.  
ut in Dominica i. Adv. fol. 1.*

Léctio Epístolæ beíti Pauli  
Apóstoli ad Thessaloni-  
censes, 2. *Theff. 2.*

**F**Ratres, Rogámus vos per  
advéntum Dómini nostri  
Jesu Christi, & nostræ congre-  
gationis in ipsum : ut non citò  
moveámini à vestro sensu, ne-  
que terreámini, neque per spí-  
ritum, neque per sermónem,  
neque per epístolam tam-  
quam per nos missam, quali  
instet dies Dómini. Ne quis  
vos seducat ullo modo : quó-  
niam nisi vénerit discéssio pri-  
mum, & revelátus fuerit homo  
peccáti, filius perditionis, qui  
adversátur, & extóllitur supra  
omne quod dicitur Deus, aut  
quod colitur, ita ut in templo  
Dei sédeat osténdens se tam-  
quam sit Deus. Non retinétis,

quòd cùm adhuc essem apud  
vos, hæc dicébam vobis ? Et  
nunc quid detíneat scitis, ut  
revelétur in suo témpore.  
Nam mystérium jam operátur  
iniquitátis : tantum ut qui te-  
net nunc, teneat, donec de  
medio fiat. Et tunc revelábi-  
tur ille iníquus, quem Dómi-  
nus Jesus interficiet spíritu  
oris sui, & destruet illustra-  
tione advéntus sui.

*Tractus. Psal. 79. Qui regis  
Israël, inténde : qui dedúcis,  
velut ovem, Joseph. v. Qui  
sedes super Chérubim, appá-  
re coram Ephraim, Bénjamin,  
& Manásse. v. Excita, Dómi-  
ne, poténtiam tuam, & veni,  
ut salvos fácias nos.*

Sequéntia sancti Evangélii se-  
cúndum Lucam.

*Lucæ 3.*

**A**Nno quintodécimo im-  
périi Tibérii Cæsaris  
procurántè Póntio Piláto Ju-  
dæam, tetrárcha autem Ga-  
lilææ Heróde, Philíppo au-  
tem fratre ejus tetrárcha  
Iturææ, & Trachonítidis re-  
giónis, & Lytánia Abilínæ  
tetrárcha, sub princípibus  
sacerdotum Anna & Cáipha :  
factum est verbum Dómini  
super Joánnem, Zachariæ  
filium, in deserto. Et venit  
in omnem regiónem Jordánis  
prædicans baptísmum pœni-  
tentiæ in remissionem pecca-  
torum, sicut scriptum est in li-  
bro sermónum Isaíæ Prophé-  
tæ : Vox clamántis in deserto :  
Paráte viam Dómini : rectas  
fácite sémitas ejus : omnis val-  
lis implébitur, & omnis mons  
& collis humiliábitur : & erunt  
prava in directa, & áspera in  
vias



vias planas: & vidébit omnis caro salutáre Dei.

*Offertorium. Zach. 9.* Exúlta satis, filia Sion, prædica filia Jerúsalem: ecce Rex tuus venit tibi sanctus, & salvátor.

*Secreta.*

**S**acrificiis præsentibus, quæsumus Dómine, placatus inténde: ut & devotióni nostræ proficiant, & salutí. Per Dóminum.

*De sancta Maria. Secreta.*

**I**n mentibus nostris, quæsumus Dómine, veræ fidéi sacraménta confirma: ut qui concéptum de Vírgine Deum verum & hóminem confitémur; per ejus salutíferæ resurrectionis poténtiam, ad ætérnam mereámur pervenire lætítiam.

*Pro Papa. Secreta.*

**O**blátis, quæsumus Dómine, placáre munéribus: & fámulum tuum N. quem pastórem Ecclesiæ tuæ præesse voluísti, assídua protectióne gubérna. Per Dóminum.

*Vel contra persecutores Ecclesiæ, Secreta.* Prótege nos Dómine. ut in Dominica prima Adventus. fol. 3.

*Communio. Psal. 18.* Exultávit ut gigas ad curréndam viam: à summo cœlo egressio ejus, & occúrsum ejus usque ad summum ejus.

*Postcommunio.*

**Q**uæsumus, Dómine Deus noster: ut sacrosáncta myitéria, quæ pro reparatiónis nostræ munímine contulísti; & præsens nobis remédiū esse fácias, & futúrum. Per Dóminum nostrum.

*De S. Maria. Postcommunio.*

**G**rátiam tuam, quæsumus Dómine, mentibus no-

stris infúnde: ut qui, Angelo nuntiánte, Christi Fílii tui incarnationem cognóvimus; per passióem ejus & crucem, ad resurrectionis glóriam perducamur.

*Pro Papa. Postcommunio.*

**H**æc nos, quæsumus Dómine, divini sacraménti percéptio próteget: & fámulum tuum N. quem pastórem Ecclesiæ tuæ præesse voluísti, unà cum commísso sibi grege salvet semper, & múniat. Per Dóminum.

*Vel contra persecutores Ecclesiæ, Postcommunio.* Quæsumus Dómine. ut in Dominica prima Adventus. fol. 3.

## DOMINICA IV. ADVENTUS.

*Statio ad SS. duodecim Apostolos.*

*Intritus. Isaia 45.*

**R**oráte cœli désuper, & nubes pluant justum: aperiátur terra, & gérmínet Salvatórem.

*Psal. 18.* Cœli enarrant glóriam Dei: & ópera manuum ejus annúnciat firmaméntum.

v. Glória Patri.

*Oratio.*

**E**xcita, quæsumus Dómine, poténtiam tuam, & veni, & magna nobis virtúte succúrre; ut per auxílium grátiae tuæ, quod nostra peccáta præpédiunt, indulgéntia tuæ propitiatióis accéleret. Qui vivis & regnas cum Deo Patre.

*De S. Maria. Oratio.*

**D**eus, qui de beátæ Mariæ Vírginis útero, Verbum tuum, Angelo nuntiánte, carnem suscépere voluísti: præsta sup-



supplícibus tuis; ut qui verè eam genitrícem Dei credimus, ejus apud te intercessiónibus adjuvémur.

*Contra persecutores Ecclesiæ.  
Oratio.*

**E**Cclésiæ tuæ, quæsumus Dómine, preces placátus admítte: ut destrúctis adversitátibus & erroribus univér-  
tis, secúra tibi sérviat liber-  
tate. Per Dóminum.

*Vel pro Papa. Oratio.*

**D**Eus ómnium fidélium pastor & rector, fámulum tuum N. quem pastórem Ecclesiæ tuæ præesse voluísti, propitius réspice: da ei, quæsumus, verbo & exémplo, quibus præest, proficere; ut ad vitam, unà cum grege sibi crédito, pervéniat sempitérnam. Per Dóminum nostrum Jesum Christum.

Léctio Epístolæ beáti Pauli  
Apóstoli ad Corínthios.

*1. Cor. 4.*

**F**Ratres, Sic nos exístimet homo, ut minístros Christi, & dispensatóres mysteriórum Dei. Hic jam quæritur inter dispensatóres: ut fidélis quis inveniátur. Mihi autem pro mínimo est, ut à vobis júdicer, aut ab humano die: sed neque meípsum júdico. Nihil enim mihi cónsciús sum: sed non in hoc justificátus sum: qui autem júdicat me, Dóminus est. Itaque nolíte ante tempus júdicare, qucadúsque véniat Dóminus: qui & illuminábit abscondita tenebrárum, & manifestábit consília córdium: & tunc laus erit unicuísque à Deo.

*Graduale. Psalm. 144.* Propè est Dóminus ómnibus invo-

cántibus eum, ómnibus qui invocant eum in veritate.

*v.* Laudem Dómini loquétur os meum, & benedícat omnis caro nomen sanctum ejus. Allelúia, allelúia.

*v.* Veni Dómine, & noli tardáre: reláxa facínora plebis tuæ Israël. Allelúia.

Sequéntia sancti Evangélíi secúndum Lucam. *Lucæ 3.*

**A**Nno quintodécimo impérii Tibérii Cæsaris procuránte Póntio Piláto Judæam, tetrárcha autem Galilææ Heróde, Philíppo autem fratre ejus tetrárcha Iturææ, & Trachonítidis regiónis, & Lysánia Abilínæ tetrárcha, sub princípibus sacerdotum Anna & Cáipha: factum est verbum Dómini super Joán-  
nem, Zachariæ filium, in deserto: Et venit in omnem regiónem Jordánis prædicans baptísmum pœnitentiæ in remissionem peccatórum, sicut scriptum est in libro sermónum Isaíæ Prophætæ: Vox clamántis in deserto: Paráte viam Dómini: rectas fácite fémitas ejus: omnis vallis implébitur, & omnis mons & collis humiliábitur: & erunt prava in directa, & áspera in vias planas: & vidébit omnis caro salutáre Dei. Credo.

*Offertorium. Lucæ 1.* Ave María, grátia plena, Dóminus tecum: Benedícta tu in mulieribus, & benedíctus fructus ventris tui.

*Secreta.*

**S**Acrificiis præsentibus, quæsumus Dómine, placátus inténde: ut & devotióni nostræ proficiant, & salúti. Per Dóminum nostrum.

*Dè*



*De S. Maria. Secreta.*

**I**N méntibus nostris, quæsumus Dómine, veræ fidei sacraménta confirma: ut qui concéptum de Vírgine Deum verum & hóminem confitémur; per ejus salutíferæ resurrectionis poténtiam, ad ætérnam mereámur pervenire lætítiam.

*Contra persecutores Ecclesiæ. Secreta.*

**P**Rótege nos Dómine, tuis mystériis serviéntes: ut divínis rebus inhæréntes: & corpore tibi famulémur & mente. Per Dóminum.

*Vel pro Papa. Secreta.*

**O**Blátis, quæsumus Dómine, placáre munéribus: & sámulum tuum N. quem pastórem Ecclesiæ tuæ præesse voluísti, assídua protectióne gubérna. Per Dóminum.

*Communio. Isaia 7. Ecce Virgo concípiet, & páriet Fílium: & vocábitur nomen ejus Emmánuël.*

*Postcommunio.*

**S**Umpis munéribus, quæsumus Dómine, ut cum frequentatióne mystérii crescat nostræ salutis efféctus. Per Dóminum nostrum.

*De S. Maria. Postcommunio.*

**G**Rátiam tuam, quæsumus Dómine, méntibus nostris infúnde: ut qui, Angelo nuntiánte, Christi Fílii tui incarnationem cognóvimus; per passióem ejus & crucem, ad resurrectionis glóriam perducámur.

*Contra persecutores Ecclesiæ. Postcommunio.*

**Q**Uæsumus, Dómine Deus noster: ut quos divína tribuis participatióne gaudé-

re, humánis non finas subjacére perículis. Per Dóminum nostrum.

*Vel pro Papa. Postcommunio.*

**H**Æc nos, quæsumus Dómine, divíni sacraménti percéptio próteget: & sámulum tuum N. quem pastórem Ecclesiæ tuæ præesse voluísti, uná cum commisso tibi grege salvet semper, & múniat. Per Dóminum.

¶ *Si Vigilia Nativitatis Domini venerit in Dominica, totum Officium Missæ fit de Vigil. cum commemoratione Dominicæ: sed non legitur ejus Evangelium in fine.*

## IN VIGILIA NATIVITATIS DOMINI.

*Statio ad Sanctam Mariam majorem.*

*Introitus.*

*Exod. 16.*


**H**odie sciétis, quia véniet Dóminus, & salvábit nos: & manè vidébitis glóriam ejus.

*Psal. 23. Dómini est terra, & plenitúdo ejus; orbis terrarum, & univérsi qui hábitant in eo. V. Glória Patri.*

*Oratio.*

**D**Eus, qui nos redemptionis nostræ ánnua expectatióne lætíficas: presta; ut Unigénitum tuum, quem Redemptórem læti suscipimus, veniéntem quoque júdicem secúri videámus. Dóminum nostrum Jesum Christum Fílium tuum. Qui tecum vivit & regnat.

*Et dicitur hæc Oratio tantum, nisi Vigilia venerit in Dominica.*





Lectio Epistolæ beati Pauli  
Apostoli ad Romanos.

Rom. i.

**P**Aulus, servus Jesu Christi, vocatus Apostolus, segregatus in Evangelium Dei, quod antè promiserat per Prophetas suos in Scripturis sanctis de Fílio suo, qui factus est ei ex semine David secundum carnem, qui prædestinatus est Fílius Dei in virtute secundum spíritum sanctificationis ex resurrectione mortuorum Jesu Christi Domini nostri. Per quem accepimus grátiam, & Apostolatúm ad obediendum fidei in ómnibus Géntibus pro nómine ejus, in quibus estis & vos vocati Jesu Christi Domini nostri.

*Graduale. Exod. 16.* Hódie sciétis, quia véniet Dóminus, & salvábit nos: & manè videbitis glóriam ejus. *℣.* Qui regis Israël inténde, qui dedúcis, velut ovem, Joseph: qui sedes super Chérubim, appáre coram Ephraim, Bénjamin, & Manásse.

*Non dicitur Allelúia, cum sequenti ℣. nisi hæc Vigilia venerit in Dominica.*

Allelúia, allelúia. *℣.* Crástinâ die delébitur iníquitas terræ: & regnabit super nos Salvátor mundi. Allelúia.

Sequéntia sancti Evangelii secundum Matthæum.

Matth. i. c.

**C**Um esset desponsata mater Jesu María Joseph, antequam convenirent, inventa est

in útero habens de Spíritu sancto. Joseph autem vir ejus, cum esset justus, & nollet eam tradúcere, vóluit occúltè dimittere eam. Hæc autem eo cogitante, ecce Angélus Domini apparuit in somnis ei, dicens: Joseph fili David, noli timere accipere Mariám conjugem tuam: quod enim in ea natum est, de Spíritu sancto est. Páriet autem filium: & vocabis nomen ejus Jesum. Ipse enim salvum faciet pópulum suum à peccátis eórum

*Offertorium Psal. 23.* Tóllite portas, príncipes, vestras, & elevámini portæ æternáles, & introíbit Rex glóriæ.

*Secreta.*

**D**A nobis, quæsumus omnípotens Deus: ut sicut adoranda Fílii tui natalítia prævenímus, sic ejus múnera capiámus sempitérna gaudentes. Qui tecum vivit, & regnat.

*Communio. Isaia 40.* Revelábitur glória Domini, & videbit omnis caro salutáre Dei nostri.

*Postcommunio.*

**D**A nobis, quæsumus Domine, unigéniti Fílii tui recensíta nativitate respiráre: cujus cœlésti mystério páscimur & potámur. Per eúdem Dóminum.

¶ *Sacerdos, quoniam in die Nativit. Domini celebrat tres Missas, in prima & secunda Missa non sumat purificationem, sed in tertia Missa tantum, & in prima & secunda abluat digitos in aliquo vase mundo.*



# N A T I V I T A T E D O M I N I.

## AD PRIMAM MISSAM IN NOCTE.

*Statio ad S. Mariam Majorem  
ad Præsepe.*

*Introitus. Psal. 2.*

**D**ominus dixit ad me: Fílius meus es tu, ego hódie génui te.

*Psal.* Quare frenuérunt Gentes: & pópuli meditáti sunt inánia? *℣.* Glória Patri, & Fílio, & Spirítui sancto.

*Oratio.*

**D**eus, qui hanc sacratíssimam noctem veri lúminis fecísti illustratióne claréscere: da quæsumus; ut cujus lucis mystéria in terra cognóvimus, ejus quoque gáudiis in cœlo perfruámur. Qui tecum vivit & regnat.

Léctio Epístolæ beáti Pauli Apóstoli ad Titum. *Tit. 2. c.*

**C**haríssime, Appáruit grátia Dei Salvatóris nostri ómnibus homínibus erúdiens nos, ut abnegántes impietátem, & sæculária desidéria, sóbriè, & justè, & piè vivámus in hoc sæculo, expectántes beátam spem, & advéntum glóriæ magni Dei, & Salvatóris nostri Jesu Christi: qui dedit semetípsum pro nobis, ut nos redímeret ab omni iniquitáte, & mundáret sibi pópulum acceptábilem, sectatórem bonórum óperum. Hæc loquere, &

exhortáre in Christo Jesu Dómino nostro.

*Graduale. Psal. 109.* Tecum princípium in die virtútis tuæ in splendóribus sanctórum, ex útero ante lucíferum génui te.

*℣.* Dixit Dóminus Dómino meo: Sede à dextris meis: donec ponam inimícos tuos, scabéllum pedum tuórum. Allelúia, allel. *℣.* Dóminus dixit ad me: Fílius meus es tu, ego hódie génui te. Allelúia.

Sequéntia sancti Evangélíi secúndum Lucam. *Luc. 2.*

**I**n illo témpore: Exiit edíctum à Cæsare Augústio, ut describerétur univérsus orbis. Hæc descriptio prima facta est à præfide Syriæ Cyríno: & ibant omnes, ut profiteréntur sínguli in suam civitátem. Ascéndit autem & Joseph à Galilæa de civitáte Názareth in Judæam in civitátem David, quæ vocátur Béthlehem: eò quòd esset de domo & família David, ut profiterétur cum María desponsáta sibi uxóre prægnante. Factum est autem, cùm essent ibi, impléti sunt dies ut páreret. Et péperit filium suum primogénitum, & pannis eum invólvit, & reclinávit eum in præsépio: quia non erat eis locus



cus in diversório. Et pastores erant in regione eadem vigilantes, & custodiētes vigiliis noctis super gregem suum. Et ecce Angelus Domini stetit juxta illos, & claritas Dei circumfulsit illos, & timuerunt timore magno. Et dixit illis Angelus: Nolite timere: ecce enim evangelizo vobis gaudium magnum, quod erit omni populo: quia natus est vobis hodie Salvator, qui est Christus Dominus, in civitate David. Et hoc vobis signum: Invenietis infātem pannis involutum, & positum in præsepio. Et subito facta est cum Angelo multitudo militiæ cœlestis laudantium Deum, & dicentium: Gloria in altissimis Deo, & in terra pax hominibus bonæ voluntatis. Credo.

*Offertorium. Psal. 95.* Lætentur cœli, & exultet terra ante faciē Dōmini: quoniam venit.

*Secreta.*

**A**ccēpta tibi sit, Dōmine quæsumus, hodiernæ festivitatis oblatio. ut tua grātiā largiēte. per hanc sacrosancta commēcia, in illius inveniamur forma, in quo tecum est nostra substantia. Qui tecum vivit & regnat.

*Præfatio.* Quia per incarnāti.

*Et dicitur quotidie usque ad Epiphaniā, præterquam in die Oct. S. Joannis.*

*Infra actionem.* Communicantes, & noctem, sacratissimam celebrantes. *Et dicitur quotidie usque ad Oct. Nat. inclusive, sed in hac Missa tantum dicitur noctem, deinceps verò diem.*

*Communio. Psal. 109.* In splendoribus sanctorum, ex utero ante luciferum genui te.

*Postcommunio.*

**D**A nobis, quæsumus Dōmine Deus noster: ut qui nativitatem Dōmini nostri Jesu Christi mystēriis nos frequentare gaudemus; dignis conversatiōibus ad ejus mereāmur pervenire consōrtium. Qui tecum vivit.

¶ *Debet Sacerdos etiam ante sequentes Missas confessionem dicere, & in fine cujuslibet populo benedicere, & Evangelium S. Joannis, In principio erat Verbum. legere, ut infra. fol. 20.*

*Post iii. verò Missam, loco prædicti Evangelii dicitur Evang. Cū natus esset Jesus. quod habetur in die Epiph. fol. 38.*

## AD SECUNDAM MISSAM IN AURORA.

*Statio ad S. Anastasiam.*

*Introitus. Isa. 9.*

**L**ux fulgebit hodie super nos: quia natus est nobis Dōminus: & vocabitur Admirabilis, Deus, Princeps pacis, Pater futuri sæculi: cujus regni non erit finis.

*Psal. 92.* Dōminus regnavit, decorem indutus est: indutus est Dōminus fortitudinem, & præcinxit se.

✠. Glória Patri.

*Oratio.*

**D**A nobis, quæsumus omnípotens Deus: ut qui novā incarnāti Verbi tui luce perfundimur: hoc in nostro resplendeat opere, quod per fidem fulget in mente. Per eundem Dōminum.

*Pro commem. S. Anastasiæ.*

*Oratio.*

**D**A, quæsumus, omnípotens Deus: ut qui beátæ Anastasiæ



ſtatiſſe mártýris tuæ ſolémnia  
cólimus, ejus apud te patrocí-  
nia ſentiámus. Per Dóminum.

Léctio Epíſtolæ beáti Pauli A-  
póſtoli ad Titum. *Tit. 3. b.*

**C**haríſſime, Appáru. bení-  
gnitas & humanitas Sal-  
vatóris noſtri Dei: non ex opé-  
ribus juſtitiæ, quæ fécimus nos,  
ſed ſecúndum ſuam miſericór-  
diam ſalvos nos fecit per lavá-  
crum regeneratiónis & reno-  
vatiónis Spíritus ſancti, quem  
effúdit in nos abúndè per Je-  
ſum Chriſtum Salvatórem no-  
ſtrum: ut juſtificáti grátiâ  
ipſius, hærédes ſimus ſecún-  
dum ſpem vitæ æternæ, in  
Chriſto Jeſu Dómino noſtro.

*Graduale. Pſal. 117.* Bene-  
díctus, qui venit in nómine  
Dómini: Deus Dóminus, &  
illúxit nobis. *ŷ.* A Dómino  
factum eſt iſtud, & eſt mirá-  
bile in óculis noſtris.

Allelúia, allelúia.

*Pſal. 92. ŷ.* Dóminus reg-  
návít, decórem índuit: índuit  
Dóminus fortitúdinem, &  
præcínxit ſe virtúte. Allelúia.

Sequéntia ſancti Evangélíi ſe-  
cúndum Lucam. *Luc. 2. b.*

**I**N illo témpore: Paſtóres  
loquebántur ad ínvicem:  
Tranſeámus uſque Béthle-  
hem, & videámus hoc ver-  
bum, quod factum eſt, quod  
Dóminus oſténdit nobis. Et  
venérunt feſtinántes, & inve-  
nérunt Mariám, & Joſeph, &  
infántem póſitum in præſé-  
pio. Vidéntes autem cogno-  
vérunt de verbo, quod dictum  
erat illis de púeró hoc. Et om-  
nes, qui audiérunt, miráti ſunt:  
& de his, quæ dicta erant à  
paſtóribus ad ipſos. Mariá au-

tem conſervábat ómnia verba  
hæc, cónferens in corde ſuo.  
Et revérſi ſunt paſtóres glori-  
ficántes & laudántes Deum in  
ómnibus, quæ audierant, &  
viderant, ſicut dictum eſt ad  
illos. Credo.

*Offertorium. Pſal. 92.* Deus  
firmavit orbem terræ, qui non  
commovébitur: paráta ſedes  
tua, Deus, ex tunc, à ſæculo  
tu es.

*Secreta.*

**M**Unera noſtra, quæſu-  
mus Dómine, nativitátis  
hodiérnæ myſtériis apta pro-  
véniant, & pacem nobis ſem-  
per infúndant: ut ſicut homo  
génitus idem refúlſit & Deus,  
ſic nobis hæc terréna ſubſtán-  
tia cónferat quod divínium eſt.  
Per eúmdem Dóminum.

*Pro S. Anaſtaſia. Secreta.*

**A**Ccipe, quæſumus, Dó-  
mine, múnera dignán-  
ter obláta: & beátæ Anaſtáſiæ  
mártýris tuæ ſuffragántibus  
méritis, ad noſtræ ſalútis auxí-  
lium proveníre concéde. Per  
Dóminum noſtrum.

*Præfatio, & Communicán-  
tes. ut ſuprà in prima Miſſa.*

*Communio. Zach. 9.* Exúlta,  
filia Sion, lauda, filia Jerúſa-  
lem: ecce Rex tuus venit ſan-  
ctus, & Salvátor mundi.

*Postcommunio.*

**H**Ujus nos, Dómine, ſa-  
craménti ſemper nóvi-  
tas natális inſtáuret: cujus na-  
tívitatis ſinguláris humanam  
répult vetuſtátem. Per eúmdem  
Dóminum.

*Pro S. Anaſtaſia. Postcomm.*

**S**Atiáſti, Dómine, famíliam  
tuam munéribus ſacris:  
ejus, quæſumus, interventióne  
nos réfove, cujus ſolémnia ce-  
lebrámus. Per Dóminum.



AD III. MISSAM IN DIE  
NATIV. DOMINI.*Statio ad S. Mariam majorem.**Introitus. Isa. 9.*

**P**uer natus est nobis, & filius datus est nobis: cujus impérium super húmerum ejus: & vocábitur nomen ejus magni consílii Angelus.

*Psal. 97.* Cantáte Dómino cánticum novum: quia mirabília fecit. *℟. Glória.*

*Oratio.*

**C**oncède, quæsumus, omnipotens Deus: ut nos Unigéniti tui nova per carnem natívitatis líberet; quos sub peccáti jugo vetústa sérvitus tenet. Per eúndem Dóminum nostrum.

Léctio Epístolæ beáti Pauli Apóstoli ad Hebræos. *Hebr. 1.*

**M**ultifáriam, multisque modis olim Deus loquens pátribus in Prophétis: novíssimè diébus istis locútus est nobis in Fílio, quem constituit hæredem universórum, per quem fecit & sæcula: qui cum sit splendor glóriæ, & figura substántiæ ejus, portánsque ómnia verbo virtútis suæ, purgatiónem peccatórum faciens, sedet ad dexteram majestátis in excélsis, tantò melior Angelis efféctus, quantò différentius præ illis nomen hæreditávit. Cui enim dixit aliquándo Angelórum: Fílius meus es tu, ego hódie genui te? Et rursum: Ego ero illi in patrem, & ipse erit mihi in filium? Et cum íterùm introducit primogénitum in orbem terræ, dicit: Et adorent eum omnes Angeli Dei. Et ad An-

gelos quidem dicit: Qui facit Angelos suos spíritus, & minístros suos, flammam ignis. Ad Fílium autem: Thronus tuus Deus in sæculum sæculi: virga æquitátis, virga regni tui. Dilexísti justítiam, & odísti iniquitátem: proptérea unxit te Deus, Deus tuus, óleo exultatiónis præ participibus tuis. Et, Tu in princípío, Dómine, terram fundásti: & ópera mánuum tuárum sunt cœli. Ipsi peribunt, tu autem permanébis, & omnes ut vestiméntum veteráscunt. Et velut amíctum mutábis eos, & mutabúntur: tu autem idem ipse es, & anni tui non deficient.

*Graduale. Psal. 97.* Vidérunt omnes fines terræ salutáre Dei nostri: jubiláte Deo omnis terra. *℟. Notum fecit Dóminus salutáre suum: ante conspéctum Géntium revelávit justítiam suam.*

Allelúia, allelúia.

*℟. Dies sanctificátus illúxit nobis: veníte Gentes, & adoráte Dóminum: quia hódie descendit lux magna super terram. Allelúia.*

Inítium sancti Evangélíi secúndum Joánnem. *Joan. 1.*

**I**N princípío erat Verbum, & Verbum erat apud Deum, & Deus erat Verbum. Hoc erat in princípío apud Deum. Omnia per ipsum facta sunt: & sine ipso factum est nihil: quod factum est, in ipso vita erat, & vita erat lux hóminum: & lux in ténebris lucet, & ténebræ eam non comprehendérunt. Fuit homo missus à Deo, cui nomen erat Joánnes. Hic venit in



in testimónium, ut testimónium perhibéret de lúmine, ut omnes créderent per illum. Non erat ille lux, sed ut testimónium perhibéret de lúmine. Erat lux vera, quæ illúminat omnem hóminem veniéntem in hunc mundum. In mundo erat, & mundus per ipsum factus est, & mundus eum non cognóvit. In própria venit, & sui eum non recepérunt. Quotquot autem recepérunt eum, dedit eis potestátem filios Dei fieri, his, qui credunt in nómine ejus: qui non ex sanguinibus, neque ex voluntáte carnis, neque ex voluntáte viri, sed ex Deo nati sunt. *Hic genuflectitur*: Et Verbum caro factum est, & habitávit in nobis, & vídimus glóriam ejus, glóriam quasi unigéniti à Patre, plenum grátiae & veritátis. Credo:

*Offertorium. Psalm. 88.* Tui sunt cœli, & tua est terra: orbem terrárum, & plenitudinem ejus tu fundásti: justitia & judícium præparátio sedis tuæ.

*Secreta.*

**O**bláta Dómine múnera, novâ Unigéniti tui nativitate sanctífica: nosque à peccatórum nostrórum máculis emúnda. Per eúndem Dóminum. *Præfatio, & Communicantes. ut supra in prima Missa.*

*Communio. Psalm. 97.* Vidérunt omnes fines terræ salutare Dei nostri.

*Postcommunio.*

**P**ræsta quæsumus omnipotens Deus: ut natus hodie Salvátor mundi, sicut divínæ nobis generatiónis est auctor; ita & immortalitátis sit ipse largítor. Qui tecum vivit.

## IN FESTO S. STEPHANI PROTOMARTYRIS.

*Statio ad S. Stephanum in Cælio monte. Introitus. Psal. 118.*

**S**edérunt príncipes, & adversum me loquebántur: & iníqui persecúti sunt me: ádjuva me, Dómine Deus meus, quia servus tuus exercebátur in tuis justificatióibus.

*Pf. ib.* Beáti immaculáti in via: qui ámbulant in lege Dómini. *℟.* Glória Patri.

*Oratio.*

**D**A nobis, quæsumus Dómine, imitári quod cólimus, ut discámus & inimícos dilígere: quia ejus natalítia celebrámus, qui novit étiam pro persecutóribus exórare Dóminum nostrum Jesum Christum Fílium tuum. Qui tecum vivit.

*Et fit commemoratio de Nativitate. Oratio.*

**C**oncède, quæsumus, omnipotens Deus: ut nos Unigéniti tui nova per carnem nativitas líberet; quos sub peccáti jugo vetústa sérvitus tenet. Per eúndem Dóminum.

*Lectio Actuum Apost. Act. 6.*

**I**N diébus illis: Stéphanus plenus grátia & fortitúdine, faciébat prodígia & signa magna in pópulo. Surrexérunt autem quidam de Synagóga, quæ appellátur Libertinórum, & Cyrenénsium, & Alexandrinórum, & eórum qui erant à Cilícia, & Asia, disputántes cum Stéphano: & non póterant resístere sapiéntiæ, & Spirítui, qui loquebátur. Audiéntes autem hæc dissecabántur córdibus suis, & stridébant déntibus



bus in eum. Cùm autem efflet Stéphaneus plenus Spíritu fan-cto, inténdens in cœlum, vidit glóriam Dei, & Jefum ftantem à dextris Dei. Et ait: Ecce vídeo cœlos apértos, & Fílium hóminis ftantem à dextris Dei. Exclamántes autem voce magnâ continuérunt aures fuas, & ímpetum fecérunt unánimiter in eum. Et ejiciéntes eum extra civitátem lapidábant: & testes depofuérunt veftiménta fua fecus pedes adolefcér. is, qui vocabátur Saulus. Et lapidábant Stéphaneum invocántem, & dicéntem: Dómine Jefu súscipe fpíritum meum. Pófitis autem génibus, clamávit voce magnâ, dicens: Dómine, ne ftátuas illis hoc peccátum. Et cùm hoc dixíffet, obdormívit in Dómino.

*Graduale. Pſal. 118.* Sedérunt príncipes, & advérſum me loquebántur: & iníqui perfecúti funt me. ✠. Adjuvame, Dómine Deus meus: ſalvum me fac propter miſericórdiam tuam. Allelúia, allelúia.

✠. Vídeo cœlos apértos, & Jefum ftantem à dextris virtútis Dei. Allelúia.

Sequéntia ſancti Evangélíi ſecúndum Matthæum.

*Matth. 23. d.*

**I**N illo témpore: Dicébat Jefus Scribis & Pharifæis: Ecce ego mitto ad vos Prophétas, & ſapiéntes, & Scribas, & ex illis occidétis, & crucifigétis, & ex eis flagellábitis in Synagógis veſtris, & perſequémíni de civitáte in civitátem: ut véniat ſuper vos omnis ſanguis juſtus, qui effúſus eſt ſuper terram, à ſánguine Abel juſti uſque ad ſánguinem

Zachariæ, filii Barachíæ, quem occidíſtis inter templum & altáre. Amen dico vobis, vénient hæc ómnia ſuper generatióem iſtam. Jerúſalem, Jerúſalem, quæ occídís Prophétas, & lápidas eos qui ad te miſſi funt, quóties vólui congregáre filios tuos, quemádmodum gallína cóngregat pullos ſuos ſub alas, & noluíſti? Ecce, relinquétur vobis domus veſtra deſérta. Dico enim vobis, non me vidébitis ámodò, donec dicátis: Benedíctus, qui venit in nómine Dómini. Credo.

*Offertorium. Act. 6. & 7.* Elegerunt Apóſtoli Stéphaneum levítam, plenum fide & Spíritu ſancto, quem lapidavérunt Judæi orántem, & dicéntem: Dómine Jefu, áccipe fpíritum meum. Allelúia. *Secreta.*

**S**Uſcipe Dómine munera, pro tuórum commemoratióne ſanctórum: ut ſicut illos páſſio glorióſos effécit, ita nos devótio reddat innócuos. Per Dóminum.

*De Nativitate. Secreta.*

**O**Bláta, Dómine, múnera, novâ Unigéniti tui nativitatē ſanctífica; noſque à peccatórum noſtrórum máculis emúnda. Per eúndem Dóminum.

*Communio. Act. 7.* Vídeo cœlos apértos, & Jefum ftantem à dextris virtútis Dei. Dómine Jefu, áccipe ſpíritum meum, & ne ftátuas illis hoc peccátum.

*Postcommunio.*

**A**Uxiliéntur nobis, Dómine, ſumpta myſtéria: & intercedénte beáto Stéphano mártýre tuo, ſempitérna protectióne confirment. Per Dóminum.

*De*



*De Nativitate. Postcommunio.*

**P**Ræsta, quæsumus, omnipotens Deus: ut natus hodie Salvator mundi, sicut divinæ nobis generationis est auctor; ita & immortalitatis sit ipse largitor. Qui tecum vivit.

**IN FESTO S. JOANNIS**

Apostoli &amp; Evangelistæ.

*Statio ad S. Mariam majorem.**Introitus. Eccl. 15.*

**I**N medio Ecclesiæ aperuit os ejus: & implevit eum Dominus spiritu sapientiæ & intellectus: stolam gloriæ induit eum.

*Psalm. 91.* Bonum est confiteri Domino: & psallere nomini tuo, Altissime.

v. Glória Patri. *Oratio.*

**E**Cclésiā tuā, Domine, benignus illustra: ut beati Joannis Apostoli tui & Evangelistæ illuminata doctrinis, ad dona perveniat sempiterna. Per Dominum.

*De Nativitate. Oratio.*

**C**oncède, quæsumus, omnipotens Deus: ut nos Unigeniti tui nova per carnem natiuitas liberet: quos sub peccati iugo vetusta servitus tenet.

*De S. Stephano. Oratio.*

**D**A nobis, quæsumus, Domine, imitari quod colimus, ut discamus & inimicos diligere: quia ejus natalitia celebramus, qui novit etiam pro persecutoribus exorare Dominum nostrum Jesum Christum Filium tuum. Qui tecum.

Lectio libri Sapientiæ.

*Eccl. 15.*

**Q**ui timet Deum, faciet bona: & qui continens

est justitiæ, apprehendet illam, & obviabit illi quasi mater honorificata. Cibabit illum pane vitæ & intellectus, & aqua sapientiæ salutaris potabit illum: & firmabitur in illo, & non flectetur: & continet illum, & non confundetur: & exaltabit illum apud proximos suos, & in medio Ecclesiæ aperiet os ejus, & adimplebit illum spiritu sapientiæ & intellectus, & stolam gloriæ vestiet illum. Jucunditatem & exultationem thesaurizabit super illum, & nomine æterno hæreditabit illum, Dominus Deus noster.

*Graduale. Joan. 21.* Exiit sermo inter fratres, quod discipulus ille non moritur: & non dixit Jesus, Non moritur.

v. Sed sic eum volo manere, donec veniam: tu me sequere.

Allelúia, allelúia.

v. *ibid.* Hic est discipulus ille, qui testimonium perhibet de his: & scimus, quia verum est testimonium ejus. Allelúia.

Sequéntia sancti Evangelii secundum Joannem.

*Joan. 21. d.*

**I**N illo tempore: Dixit Jesus Petro. Séquere me. Conversus Petrus vidit illum discipulum, quem diligebat Jesus, sequentem, qui & recubuit in cœna super pectus ejus, & dixit: Domine, quis est qui tradet te? Hunc ergo cum vidisset Petrus, dixit Jesu: Domine, hic autem quid? Dicit ei Jesus: Sic eum volo manere, donec veniam, quid ad te? tu me sequere. Exiit ergo sermo iste inter fratres, quia discipulus ille non moritur. Et non dixit



dixit ei Jesus: Non móritur; Sed: Sic eum volo manére donec véniam, quid ad te? Hic est discipulus ille, qui testimonium pérhibet de his, & scripsit hæc: & scimus, quia verum est testimonium ejus. Credo.

*Offertorium. Psal. 91.* Justus ut palma florébit: sicut cedrus, quæ in Líbano est, multiplicábitur.

*Secreta.*

**S**uscipe, Dómine, múnera, quæ in ejus tibi solemnitáte deférimus, cujus nos confidimus patrocínio liberári. Per Dóminum.

*De Nativitate. Secreta.*

**O**bláta, Dómine, múnera, novâ Unigéniti tui nativitate sanctífica: nosque à peccatórum nostrórum máculis emúnda.

*De S. Stephano. Secreta.*

**S**uscipe, Dómine, múnera, pro tuórum commemoratióne sanctórum: ut sicut illos pássio gloriósa effécit, ita nos devótio reddat innócuos. Per Dóminum nostrum.

*Præfatio, & Communicantes. de Nativitate.*

*Communio. Joan. 21.* Exiit sermo inter fratres, quòd discipulus ille non móritur: & non dixit Jesus, Non móritur: sed, Sic eum volo manére, donec véniam.

*Postcommunio.*

**R**efécti cibo potúque cœlésti, Deus noster, te supplices deprecámur: ut in cujus hæc commemoratióne percépimus, ejus muniámur & præcibus. Per Dóminum nostrum.

*De Nativitate. Postcommunio.*

**P**ræsta, quæsumus, omnípotens Deus: ut natus hódie Salvátor mundi, sicut divínæ nobis generatiónis est auctor;

ita & immortalitátis sit ipse largitor.

*De S. Stephano. Postcommunio.*

**A**uxiliéntur nobis, Dómine, sumpta mystéria: & intercedente beáto Stéphanó mártyre tuo, sempitérna protectiône confirmet. Per Dóminum nostrum.

## IN FESTO SS. INNOCENTIIUM.

*Statio ad sanctum Paulum.*

*Introitus. Psal. 8.*

**E**x ore infántium, Deus, & lacténtium perfecísti laudem propter infmicos tuos.

*Psal. ibid.* Dómine Dóminus noster, quàm admirábile est nomen tuum in univérſa terra! ✠. Glória. *Non dicitur, Glória in excélsis, nec Allelúia, nec Ite missa est, nisi hoc Festum venerit in Dominica: sed in Octava semper dicuntur.*

*Oratio.*

**D**eus, cujus hodiérna die præcónium Innocéntes mártynes, non loquendo, sed moriendo conféssi sunt: ómnia in nobis vitiórum mala mortífica; ut fidem tuam, quam lingua nostra lóquitur, étiam móribus vita fateátur. Per Dóminum.

*De Nativitate. Oratio.*

**C**oncède, quæsumus, omnípotens Deus: ut nos Unigéniti tui nova per carnem nativitas líberet; quos sub peccáti iugo vetústa sérvitus tenet.

*De S. Stephano. Oratio.*

**D**a nobis, quæsumus, Dómine, imitári quod cólimus, ut discámus & inimicos dilígere: quia ejus natalítia cele-



celebramus, qui novit etiam pro persecutoribus exorare Dominum nostrum Jesum Christum Filium tuum.

*De S. Joanne. Oratio.*

**E**Cclesiam tuam, Domine, benignus illustra: ut beati Joannis Apostoli tui & Evangelistæ illuminata doctrinis, ad dona perveniat sempiterna. Per Dominum.

Lectio libri Apocalypsis beati Joannis Apostoli.

*Apoc. 14.*

**I**N diebus illis: Vidi supra montem Sion Agnum stantem, & cum eo centum quadraginta quatuor millia habentes nomen ejus, & nomen Patris ejus scriptum in frontibus suis. Et audivi vocem de cælo, tamquam vocem aquarum multarum, & tamquam vocem tonitruum magni: & vocem, quam audivi, sicut citharædorum citharizantium in citharis suis. Et cantabant quasi canticum novum ante sedem, & ante quatuor animalia, & seniores: & nemo poterat dicere canticum, nisi illa centum quadraginta quatuor millia, qui empti sunt de terra. Hi sunt, qui cum mulieribus non sunt coinquinati: Virgines enim sunt. Hi sequuntur Agnum, quocumque ierit. Hi empti sunt ex hominibus primitiæ Deo & Agno, & in ore eorum non est inventum mendacium: sine macula enim sunt ante thronum Dei.

*Graduale Psalm. 123.* Anima nostra, sicut passer, erepta est de laqueo venantium.

℣. Laqueus contritus est, & nos liberati sumus: adiutorium nostrum in nomine Dō-

mini, qui fecit cælum & terram.

*Traetus. Psal. 78.* Effuderunt sanguinem Sanctorum, velut aquam, in circuitu Jerusale-

℣. Et non erat qui sepeliret.

℣. Vindica, Domine, sanguinem Sanctorum tuorum, qui effusus est super terram.

*Si verò fuerit Dominica, tunc omisso Traetu, ejus loco dicitur Allelúia, allelúia.*

℣. *Psal. 112.* Laudate pueri Dominum, laudate nomen Domini. Allelúia.

Sequentia sancti Evangelii secundum Matthæum.

*Matth. 2. b.*

**I**N illo tempore: Angelus Domini apparuit in somnis Joseph, dicens: Surge, & accipe puerum, & matrem ejus, & fuge in Ægyptum, & esto ibi usque dum dicam tibi. Futurum est enim, ut Herodes quærat puerum ad perdendum eum. Qui consurgens accepit puerum, & matrem ejus nocte, & recessit in Ægyptum: & erat ibi usque ad obitum Herodis: ut adimpleretur quod dictum est à Domino per Prophetam dicentem: Ex Ægypto vocavi filium meum. Tunc Herodes videns, quoniam illusus esset à Magis, iratus est valde, & mittens occidit omnes pueros, qui erant in Bethlehém, & in omnibus finibus ejus, à bimatu & infra, secundum tempus, quod exquisierat à Magis. Tunc adimpleretur est, quod dictum est per Jeremiam Prophetam dicentem: Vox in Rama audita est, ploratus &



ululatus multus: Rachel plorans filios suos, & noluit consolari, quia non sunt. Credo.

*Offertorium. Psal. 123.* Anima nostra, sicut passer, erepta est de laqueo venantium: laqueus contritus est, & nos liberati sumus. *Secreta.*

**S**anctorum tuorum, Domine, nobis pia non desit oratio: quæ & muneribus nostra conciliet, & tuam nobis indulgentiam semper obtineat. Per Dominum.

*De Nativitate. Secreta.*

**O**blata, Domine, munera, novæ Unigeniti tui natalitate sanctifica: nosque à peccatorum nostrorum maculis emunda.

*De S. Stephano. Secreta.*

**S**uscipe, Domine, munera, pro tuorum commemoratione Sanctorum: ut sicut illos passio gloriosus effecit, ita nos devotio reddat innocuos.

*De S. Joanne. Secreta.*

**S**uscipe, Domine, munera, quæ in ejus tibi solemnitate deferimus, cujus nos confidimus patrocinio liberari. Per Dominum.

*Communio. Matth. 2.* Vox in Rama audita est, ploratus & ululatus, Rachel plorans filios suos, & noluit consolari, quia non sunt.

*Postcommunio.*

**V**otiva, Domine, dona percipimus: quæ Sanctorum nobis precibus, & præsentis quæsumus vitæ pariter, & æternæ tribue conferre subsidium. Per Dominum.

*De Nativitate. Postcommunio.*

**P**ræsta, quæsumus, omnipotens Deus: ut natus hodie Salvator mundi, sicut divinæ nobis generationis est auctor;

ita & immortalitatis sit ipse largitor.

*De S. Stephano. Postcomm.*

**A**uxiliéntur nobis, Domine, sumpta mysteria: & intercedente beato Stephano martyre tuo, sempiterna protectione confirmet.

*De S. Joanne. Postcommunio.*

**R**efecti cibo potuque cælesti, Deus noster, te supplices deprecámur: ut in cujus hæc commemoratione percipimus, ejus muniamur & precibus. Per Dominum.

¶ Si festum S. Thomæ venerit in Dominica, transfertur in sequentem diem.

## IN FESTO S. THOMÆ Episcopi & martyris.

*Introitus.*

**G**Audeamus omnes in Domino, diem festum celebrantes sub honore beati Thomæ martyris: de cujus passione gaudent Angeli, & collaudant Filium Dei.

*Psalm. 32.* Exultate justi in Domino: rectos decet collaudatio. *v.* Glória Patri.

*Oratio.*

**D**Eus, pro cujus Ecclesia gloriosus Pontifex Thomas gladiis impiorum occubuit: præsta, quæsumus; ut omnes, qui ejus implorant auxilium, petitionis suæ salutarem consequantur effectum. Per Dominum.

*De Nativitate. Oratio.*

**C**oncède, quæsumus, omnipotens Deus: ut nos Unigeniti tui nova per carnem natalitas liberet; quos sub peccati iugo vetusta servitus tenet.

*De*



*De S. Stephano. Oratio.*

**D**A nobis, quæsumus, Dómine, imitari quod cōtinuamus, ut discāmus & inimicos diligere: quia ejus natalitia celebrāmus, qui novit étiam pro persecutóribus exorāre Dóminum nostrum Jesum Christum Fílium tuum.

*De S. Joanne. Oratio.*

**E**Cclésiā tuam Dómine, benígnus illústra: ut beāti Joānnis Apóstoli tui & Evangelistæ illumināta doctrínis, ad dona perveniat sempiterna.

*De SS. Innocentibus. Oratio.*

**D**Eus, cujus hodierna die præcónium Innocéntes mártires, non loquendo, sed moriendo conféssi sunt: ómnia in nobis vitiórum mala mortífica; ut fidem tuam, quam lingua nostra lóquitur, étiam móribus vita fateatur. Per Dóminum.

Léctio Epístolæ beāti Pauli Apóstoli ad Hebræos.

*Hebr. 5.*

**F**Ratres, Omnis pöntifex ex homínibus assumptus, pro homínibus constitúitur in iis, quæ sunt ad Deum, ut offerat dona & sacrificia pro peccátis, qui condolere possit iis, qui ignorant & errant: quóniam & ipse circumdatus est infirmitate: & propterea debet, quemádmódum pro pópulo, ita étiam & pro semetípso offerre pro peccátis. Nec quisquam sumit sibi honórem, sed qui vocátur à Deo, tamquam Aaron. Sic & Christus, non semetípsum clarificávit, ut pöntifex fieret: sed qui locútus est ad eum: Fílius meus es tu, ego hódie genui te. Quemádmódum & in alio

loco dicit: Tu es sacerdos in ætérnum secúndum órđinem Melchisedech.

*Graduale. Eccles. 44.* Ecce sacerdos magnus, qui in diébus suis plácuit Deo. *℣.* Non est invéntus símilis illi, qui conserváret legem Excélsi. Allelúia, allelúia. *℣.* *Joan. 10.* Ego sum pastor bonus: & cognóscō oves meas, & cognóscunt me meæ. Allelúia.

Sequéntia sancti Evangelii secúndum Joánnem.

*Joan. 10. b.*

**I**N illo témpore: Dixit Jesus Pharisæis: Ego sum pastor bonus. Bonus pastor animam suam dat pro óvibus suis. Mercenárius autem, & qui non est pastor, cujus non sunt oves propriæ, videt lupum veniéntem, & dimíttit oves, & fugit: & lupus rapit, & dispérgit oves: Mercenárius autem fugit, quia mercenárius est, & non pértinet ad eum de óvibus. Ego sum pastor bonus: & cognóscō meas, & cognóscunt me meæ. Sicut novit me Pater, & ego agnóscō Patrem, & animam meam pono pro óvibus meis. Et alias oves hábeo, quæ non sunt ex hoc ovíli: & illas oportet me addúcere, & vocem meam áudient, & fiet unum ovíle, & unus pastor. Credo.

*Offertorium. Psalm. 20.* Posuísti, Dómine, in cápite ejus corónam de lapide pretióso: vitam pétiit à te, & tribuísti ei, allelúia. *Secreta.*

**M**Unera tibi, Dómine, dicata sanctífica: & intercedente beáto Thoma mártire tuo atque Pontífice, per eadem



dem nos placatus inténde. Per Dóminum nostrum.

*De Nativitate. Secreta.*

**O**bláta, Dómine, múnera, novâ Unigéniti tui nativitate sanctifica: nosque à peccatorum nostrorum máculis emúnda.

*De S. Stephano. Secreta.*

**S**uscipe, Dómine, múnera, pro tuorum commemoratione Sanctorum: ut sicut illos pássio gloriófos effécit, ita nos devótio reddat innócuos.

*De S. Joanne. Secreta.*

**S**uscipe, Dómine, múnera, quæ in ejus tibi solemnitáte deférimus, cujus nos confidimus patrocínio liberári.

*De SS. Innocentibus.*

*Secreta.*

**S**anctorum tuorum, Dómine, nobis pia non desit oratio: quæ & múnera nostra concíliet, & tuam nobis indulgéntiam semper obtíneat Per Dóminum.

*Communio. Joan. 10.* Ego sum pastor bonus, & cognósko oves meas, & cognóscunt me meæ.

*Postcommunio.*

**H**æc nos commúnio, Dómine, purget à crimine: & intercedente beáto Thoma mártire tuo atque Pontífice: cœléstis remédii fáciat esse consórtes. Per Dóminum.

*De Nativitate. Postcommunio.*

**P**resta, quæsumus, omnípotens Deus: ut natus hódie Salvátor mundi, sicut divínæ nobis generatiónis est auctor; ita & immortalitátis sit ipse largítor.

*De S. Stephano. Postcomm.*

**A**uxiliéntur nobis, Dómine, sumpta mystéria: & intercedente beáto Stéphan

mártire tuo, sempitérna protectione confirment.

*De S. Joanne. Postcomm.*

**R**efécti cibo potúque cœlésti, Deus noster, te supplices deprecámur: ut in cujus hæc commemoratione percépimus, ejus muniámur & precibus.

*De SS. Innocentibus. Postcomm.*

**V**otiva, Dómine, dona percépimus: quæ Sanctorum nobis precibus, & præsentis, quæsumus, vitæ páriter, & æternæ tríbue conférre subsidium. Per Dóminum.

¶ *Si festum Nativit. Domini, S. Stephani, S. Joannis Evang. & SS. Innocent. venerit in Dominica, ipsa die nihil fit de Dominica: sed die proximo post festum S. Thomæ mart. dicitur Missa de Dominica. Si autem festum S. Thomæ venerit in Dominica, dicitur Missa de Dominica, cum commem. aliarum Oct. & festum S. Thomæ transfertur in secundam Feriam.*

¶ *Si verò post Festum S. Thomæ fuerit Sabbatum, ipsa die Sabbati dicitur Missa de Oct. Nativit. cum commem. aliarum Octavarum. & in die S. Silvestri fit Officium de eo, cum commem. Dominicæ, & Octavarum.*

## DOMINICA INFRA OCT. NATIVITATIS DOMINI.

*Introitus. Sap. 18.*

**D**um médium filéntium tenérent ómnia, & nox in suo cursu médium iter haberet, omnípotens sermo tuus, Dómine, de cœlis à regálibus fédibus venit.

*Psal. 91.* Dóminus regnávít,



vit, decorem indutus est: indutus est Dominus fortitudinem, & præcinxit se.

v. Glória Patri. *Oratio.*

**O**Mnípotens sempiternus Deus, dirige actus nostros in beneplácito tuo: ut in nómine dilécti Fílii tui, mereámur bonis opéribus abundare. Qui tecum vivit.

*Commemorationes quatuor Octavarum, ut in Missa S. Thomæ. fol. 28.*

Léctio Epístolæ beáti Pauli Apóstoli ad Gálatas.

*Galat. 4.*

**F**Ratres, Quanto témpore hæres párvulus est, nihil differt à servo, cùm sit dóminus ómnium: sed sub tutóribus & aétóribus est, usque ad præfínitum témpus à Patre: ita & nos cùm esémus párvuli, sub eleméntis mundi erámus serviéntes. At ubi venit plenitúdo témporis; misit Deus Fílium suum, factum ex muliere, factum sub lege, ut eos qui sub lege erant, redímeret, ut adoptionem filiórum reciperémus. Quóniam autem estis Fílii, misit Deus Spíritum Fílii sui in corda vestra clamántem: Abba, Pater. Itaque jam non est servus, sed filius: quòd si filius, & hæres per Deum.

*Graduale. Psal. 44.* Speciósus formá præ filiis hóminum: diffusa est grátia in lábiis tuis.

v. Eructávit cor meum verbum bonum, dico ego ópera mea regi: lingua mea cálamus scribæ velóciter scribéntis.

Allelúia, allelúia.

v. Dóminus regnávit, decorem induit: induit Dóminus fortitudinem, & præcinxit se virtúte. Allelúia.

Sequéntia sancti Evangélii secúndum Lucam. *Luc. 2. e.*

**I**N illo témpore: Erat Joseph, & María mater Jesu, mirántes super his, quæ dicebántur de illo. Et benedixit illis Símeon, & dixit ad Mariám matrem ejus: Ecce pósitus est hic in ruínam, & in resurrectionem multórum in Israél: & in signum, cui contradicétur, & tuam ipsíus ánimam pertransíbit gládius, ut reveléntur ex multis córdibus cogitationés. Et erat Anna Prophetíssa, filia Phánuël, de tribu Aser: hæc procésserat in diébus multis, & víxerat cum viro suo annis septem à virginitáte sua. Et hæc vídua usque ad annos octogintaquátuor: quæ non discedébat de templo, jejúniis & obsecrationibus sérvians nocte ac die. Et hæc, ipsâ horâ supervéniens, confitebátur Dómino, & loquebátur de illo ómnibus, qui expectábant redemptionem Israél. Et ut perfecérunt ómnia secúndum legem Dómini, revérsi sunt in Galilæam in civitatem suam Názareth. Puer autem crescébat & confortabátur plenus sapiéntiâ: & grátia Dei erat in illo. Credo.

*Offert. Psal. 92.* Deus firmávit orbem terræ, qui non commovébitur: paráta sedes tua, Deus, ex tunc, à sæculo tu es.

*Secreta.*

**C**oncède, quæsumus, ómnipotens Deus: ut óculis tuæ majestátis munus oblátum, & grátiam nobis piæ devotiónis obtíneat, & efféctum beátæ perennitátis acquírat. Per Dóminum.

*Secretæ quatuor Octavarum,*



ut ordinantur in Missa S. Thomæ. fol. 28.

*Communio. Matth. 2.* Tolle puerum, & matrem ejus, & vade in terram Israël: defuncti sunt enim qui quærebant animam pueri.

*Postcommunio.*

**P**er hujus, Dómine, operationem mystérii, & vítia nostra purgéntur, & justa desideria compleántur. Per Dóminum nostrum.

*Postcommuniones quatuor Octavarum, ut in Missa S. Thomæ. fol. 28.*

## MISSA DE OCTAVA NATIVITATIS DOMINI.

*Introitus.*

*Isa. 9.*

**P**uer natus est nobis, & filius datus est nobis: cujus impérium super húmerum ejus: & vocábitur nomen ejus magni consílii Angelus.

*Psal. 97.* Cantáte Dómino cánticum novum: quia mirabilia fecit. *Ps. Glória. Oratio.*

**C**oncède, quæsumus, omnipotens Deus: ut nos Unigéniti tui nova per carnem natiuitas liberet; quos sub peccáti jugo vetústa sérvitus tenet. Per eúmdem Dóminum.

*Commemorationes SS. Stephani, Joannis, & Innocentium, ut supra in Missa S. Thomæ. fol. 28.*

Léctio Epístolæ beáti Pauli Apóstoli ad Titum. *Tit. 3.*

**C**haríssime, Appáruit benignitas & humánitas Salvatóris nostri Dei: non ex opéribus justítiæ, quæ fecimus nos, sed secúndum suam misericórdiam salvos nos fecit per lavá-

crum regeneratiónis & renovatiónis Spíritus sancti, quem effudit in nos abúndè per Jesum Christum Salvatórem nostrum: ut justificáti grátia ipsíus, hærédes simus secúndum spem vitæ æternæ, in Christo Jesu Dómino nostro.

*Graduale. Psal. 97.* Vidérunt omnes fines terræ salutáre Dei nostri: jubiláte Deo omnis terra. *Ps.* Notum fecit Dóminus salutáre suum: ante conspéctum Géntium revelávit justítiam suam. Allelúia, allelúia. *Ps.* Dies sanctificátus illúxit nobis: veníte Gentes, & adoráte Dóminum: quia hódie descéndit lux magna super terram. Allelúia.

Sequéntia sancti Evangélíi secúndum Lucam. *Luc. 2. b.*

**I**n illo témpore: Pastóres loquebántur ad ínvicem: Transeámus usque Bétlehem, & videámus hoc verbum, quod factum est, quod Dóminus osténdit nobis. Et venérunt festinántes, & invénérunt Mariám, & Joseph, & infántem pósitum in præsépio. Vidéntes autem cognovérunt de verbo, quod dictum erat illis de púero hoc. Et omnes, qui audiérunt, miráti sunt: & de his, quæ dicta erant à pastóribus ad ipsos. María autem conservábat ómnia verba hæc, cónferens in corde suo. Et revérsi sunt pastóres glorificántes & laudántes Deum in ómnibus, quæ audierant, & víderant, sicut dictum est ad illos. Credo.

*Offertorium. Ps. 88.* Tui sunt cœli, & tua est terra: orbem terrárum, & plenitúdinem ejus



ejus tu fundásti: justítia & júdicium præparátio sedis tuæ.

*Secreta.*

**O** Bláta, Dómine, múnera, novâ Unigéniti tui nativité sanctífica: nosque à peccatōrum nostrōrum máculis emúnda. Per eúmdem Dóminum.

*Secretæ SS. Stephani, Joannis, & Innocentium, ut supra in Missa S. Thomæ. fol. 28.*

*Communio. Psal. 97. Vidérunt omnes fines terræ salutare Dei nostri.*

*Postcommunio.*

**P**Ræsta, quæsumus, omnípotens Deus: ut natus hódie Salvátor mundi, sicut divínæ nobis generatiónis est auctor; ita & immortalitátis sit ipse largítor. Qui tecum vivit.

*Postcommuniones SS. Stephani, Joannis, & Innocentium, ut supra in Missa S. Thomæ. 28.*

¶ *Si festum S. Silvestri venerit in Dominica, dicitur Missa de eo, cum commemoratione Dominica, & Octavarum.*

## IN FESTO S. SILVESTRI Papæ & Confessoris.

*Introitus. Psalm. 131.*

**S**acerdótes tui, Dómine, induant justítiam, & sancti tui exúltent: propter David servum tuum non avértas faciém Christi tui.

*Psal. ibid. Meménto, Dómine, David, & omnis mansuetúdinis ejus. v. Glória Patri.*

*Oratio.*

**D**A, quæsumus, omnípotens Deus: ut beáti Silvestri Confessoris tui, atque Pontíficis veneránda solémni-

tas, & devotiōnem nobis áugeat, & salútem. Per Dóminum nostrum.

*Orationes de Nativitate, de S. Stephano, de S. Joanne, & de SS. Innocensibus, ut supra. fol. 28.*

Léctio Epístolæ beáti Pauli Apóstoli ad Timótheum.

*2. Timoth. 4.*

**C**haríssime, Testíficor coram Deo, & Jesu Christo, qui judicatúrus est vivos & mórtuos, per advéntum ipsius, & regnum ejus: prædica verbum, in sta opportúnè, in portúnè: árgue, óbsecra, increpa in omni paciéntia & doctrína. Erit enim tempus, cùm sanam doctrínam non sustinébunt, sed ad sua desidéria coacervábunt sibi magístros, pruriéntes áuribus: & à veritate quidem audítum avértent, ad fábulas autem converténtur. Tu verò vígila, in ómnibus labóra, opus fac Evangelístæ, ministérium tuum imple. Sóbrius esto. Ego enim jam delíbor, & tempus resolutiōnis meæ instat. Bonum certámen certávi, cursum consummávi, fidem servávi. In réliquo repósita est mihi coróna justítia, quam reddet mihi Dóminus in illa die justus judex: non solum autem mihi, sed & iis, qui díligunt advéntum ejus.

*Graduale. Eccli. 44. Ecce sacerdos magnus, qui in diébus suis plácuit Deo. v. Non est invéntus símilis illi, qui conserváret legem Excélsi.*

*Allelúia, allelúia.*

*v. Psal. 88. invéni David servum meum, óleo sancto meo unxi eum. Allelúia.*

Se-



Sequéntia sancti Evangélii secúndum Lucam.

*Luc. 12. e.*

**I**N illo témpore: Dixit Iesus discíplis suis: Sint lumbi vestri præcíncti, & lucérnæ ardéntes in mánibus vestris, & vos símiles homínibus expectántibus dóminum suum quando revertátur à núptiis: ut, cùm vénerit, & pulsáverit, conféstim apériant ei. Beáti servi illi, quos, cùm vénerit dóminus, invénerit vigilántes: Amen dico vobis, quòd præcínget se, & fáciat illos discumbere, & tránfiens ministrábit illis. Et si vénerit in secúnda vigília, & si in tértia vigília vénerit, & ita invénerit, beáti sunt servi illi. Hoc autem scitóte, quóniam si sciret paterfamílias, quâ horâ fur veníret, vigiláret útique, & non síneret pérfodi domum suam. Et vos estóte paráti, quia, quâ horâ non putátis, Fílius hóminis véniet. Credo.

*Offertorium. Psal. 88. Inveni*

David servum meum, óleo sancto meo unxi eum: manus enim mea auxiliábitur ei, & bráchium meum confortábit eum.

*Secreta.*

**S**ancti tui nos, Dómine, quæsumus, ubique lætíficent: ut dum eórum mérita recólimus, patrocínia sentiámus. Per Dóminum.

*Secretæ quatuor Octavarum, ut ordinantur in Missa S. Thomæ, supra. fol. 28.*

*Communio. Matth. 24. Beatus servus, quem, cùm vénerit dóminus, invénerit vigilántem: Amen dico vobis, super ómnia bona sua constituet eum.*

*Postcommunio.*

**P**ræsta, quæsumus, omnípotens Deus: ut de percéptis munéribus grátias exhibéntes, intercedénte beáto Silvéstro Confessóre tuo atque Pontífice, beneficia potióra sumámus. Per Dóminum.

*Postcommuniones de Nativitate, de S. Stephano, de S. Joanne, & de SS. Innocentibus, ut supra. fol. 28.*



I N  
C I R C U M C I S I O N E  
D O M I N I,  
E T O C T A V A N A T I V I T A T I S.

*Statio ad S. Mariam trans Ti-  
berim.*

*Introitus. Isa. 9.*

**P**uer natus est nobis, &  
Filius datus est nobis: cu-  
jus impérium super húmerum  
ejus: & vocábitur nomen ejus  
magni consílii Angelus.

*Psal. 97.* Cantáte Dómino  
cánticum novum: quia mira-  
bília fecit. *v.* Glória.

*Oratio.*

**D**eus, qui salutis æternæ,  
beátæ Mariæ virginitáte  
fecúnda, humáno géneri præ-  
mia præstitísti: tríbue quæsu-  
mus; ut ipsam pro nobis inter-  
cédere sentiámus, per quam  
merúimus auctórem vitæ sus-  
cípere, Dóminum nostrum Je-  
sum Christum Fílium tuum:  
Qui tecum vivit.

Léctio Epístolæ beáti Pauli A-  
póstoli ad Titum. *Tit. 2. c.*

**C**haríssime, Appáruit grá-  
tiâ Dei Salvatóris nostri  
óm nibus homínibus, erúdiens  
nos, ut abnegántes impietátem  
& sæculária desidéria, sóbriè,  
& justè, & piè vivámus in hoc  
sæculo, expectántes beátam  
spem, & advéntum glóriæ ma-  
gni Dei, & Salvatóris nostri Je-  
su Christi: qui dedit semetíp-  
sum pro nobis, ut nos redímeret  
ab omni iniquitáte, & mundá-  
ret sibi pópulum acceptábilem,  
sectatórem bonórum óperum.  
Hæc lóquere, & exhortáre: in  
Christo Jesu Dómino nostro.

*Graduale. Psal. 97.* Vidérunt  
omnes fines terræ salutáre Dei  
nostri: jubiláte Deo omnis ter-  
ra, *v.* Notum fecit Dóminus  
salutáre suum: ante conspéc-  
tum Géntium revelávit justíti-  
am suam. Allelúia, allelúia.

*v. Heb. 1.* Multifáriè olim  
Deus loquens pátribus in Pro-  
phétis, novíssimè diébus istis  
locútus est nobis in Fílio.  
Allelúia.

Sequéntia sancti Evangélii se-  
cúndum Lucam. *Luc. 2. v.*

**I**n illo tēpore: Postquam  
consummáti sunt dies octo,  
ut circumciderétur puer: vocá-  
rum est nomen ejus Jesus, quod  
vocátum est ab Angelo, priús-  
quam in útero conciperétur.  
Credo.

*Offert. Ps. 88.* Tui sunt cæli,  
& tua est terra: orbem terrá-  
rum, & plenitúdinem ejus tu  
fundásti: justítia & judícium  
præparátio sedistuxæ. *Secreta.*

**M**Unéribus nostris, quæ-  
sumus, Dómine, preci-  
búsque suscéptis: & cœléstibus  
nos munda mystériis, & cle-  
ménter exáudi. Per Dóminum.

*Communio. Ps. 97.* Vidérunt  
omnes fines terræ salutáre Dei  
nostri. *Postcommunio.*

**H**æc nos commúnio, Dó-  
mine, purget à crimine:  
& intercedénte beáta Vírgine  
Dei genitríce Mariá, cœléstis  
remédii fáciat eíse consórtes.  
Per eúmdem Dóminum.



*Si aliqua ex sequentibus Octavis in Dominica venerit, dicitur Missa de Octava: de Dominica verò nihil fit.*

¶ *In Octava S. Stephani totum Officium Missæ dicitur sicut in die, præter Orationem, quæ sequitur.* Oratio.

**O**Mnípotens sempitérne Deus, qui primítias mártirum in beáti levítæ Stéphaní sánguine dedicásti: tríbue quæsumus; ut pro nobis intercéssor exístat, qui pro suis étiam persecutóribus exorávit Dóminum nostrum Jesum Christum Fílium tuum: Qui tecum vivit.

*Et fit commem. de Octava S. Joannis, & SS. Innocentium. Dicitur Credo, & Præfatio de Nativitate.*

¶ *In Octava S. Joannis Missa dicitur sicut in ejus Festo, cum commemor. de Innocentibus tantum. Et dicitur Credo, & Præfatio de Apostolis.*

¶ *In Oct. SS. Innocentium Officium Missæ fit sicut in die, excepto quod Glória in excélsis, Allelúia, & Ite Missa est, dicuntur: & non dicitur Credo, nisi venerit in Dominica.*

## IN VIGILIA EPIPHANIE.

*Introitus. Sap. 18.*

**D**Um médium siléntium tenérent ómnia, & nox in suo cursu médium iter habéret, omnípotens sermo tuus, Dómine, de cœlis à regálibus sédibus venit.

*Psal. 92. Dóminus regnavit, decórem indútus est: indútus est Dóminus fortitúdinem, & præcínxit se.*

✠ Glória Patri.

*Oratio.*

**O**Mnípotens sempitérne Deus, dírige actus nostros in beneplácito tuo: ut in nómine dilécti Fílii tui, mereámur bonis opéribus abundáre. Qui tecum vivit.

*Pro commem. S. Telesphori Papæ & mart. Oratio.*

**D**Eus, qui nos beáti Telé-sphori mártiris tui atque Pontíficis ánnua solemnitáte lætíficas: concéde propítius; ut cujus natalítia cólimus, de ejúsdem étiam protectióne gaudeámus.

*De S. Maria. Oratio.*

**D**Eus, qui salútis æternæ, beátæ Maríæ virginitáte fecúnda, humáno géneri præmia præstitísti: tríbue quæsumus; ut ipsam pro nobis intercédere sentiámus, per quam merúimus auctórem vitæ suscípere, Dóminum nostrum Jesum Christum Fílium tuum. Qui tecum vivit, &c.

Léctio Epístolæ beáti Pauli Apóstoli ad Gálatas.

*Galat. 4.*

**F**Ratres, Quanto témpore hæres párvulus est, nihil differt à servo, cùm sit dóminus ómnium: sed sub tutóribus & actóribus est, usque ad præfínitum témpus à Patre: ita & nos cùm effémus párvuli, sub eleméntis mundi erámus serviéntes. At ubi venit plenitúdo témporis, misit Deus Fílium suum, factum ex muliere, factum sub lege, ut eos, qui sub lege erant, redímeret, ut adoptionem filiórum reciperémus. Quóniam autem estis Fílii, misit Deus Spíritum Fílii sui in corda vestra clamántem: Abba, Pater. Itaque jam non est



est servus, sed filius: quòd si filius, & hæres per Deum.

*Graduale. Psal. 44.* Speciosus forma præ filiis hominum: diffusa est grátia in lábiis tuis.

℣. Eructávit cor meum verbum bonum, dico ego ópera mea regi: lingua mea cálamus scribæ velóriter scribéntis.

Allelúia, allel. ℣. *Ps. 92.* Dóminus regnávit, decórem induit: induit Dóminus fortitudinem, & præcínxit se virtute. Allelúia.

Sequéntia sancti Evangélíi secúndum Matthæum.

*Matth. 2. d.*

**I**N illo témpore: Defúcto Heróde, ecce Angelus Dómini appáruit in somnis Joseph in Ægypto, dicens: Surge, & áccipe púerum, & matrem ejus, & vade in terram Israël: defúcti sunt enim qui quærébant ánimam púeri. Qui confúrgens, accépit púerum, & matrem ejus, & venit in terram Israël. Audiens autem quòd Archeláus regnáret in Judæa pro Heróde patre suo, tímuit illò ire: & admónitus in somnis, secéssit in partes Galilææ. Et véniens habitávit in civitáte, quæ vocátur Náza-reth: ut adimplerétur quod dictum est per Prophétas: Quóniam Nazaræus vocábitur.

*Offertorium. Psalm. 92.* Deus firmávit orbem terræ, qui non commovébitur: paráta sedes tua Deus ex tunc, à sæculo tu es.

*Secreta.*

**C**oncède quæsumus omnipotens Deus: ut óculis

tuæ majestátis munusoblátum, & grátiam nobis piæ devotiõnis obtíneat, & efféctum beátæ perennitátis acquírat. Per Dóminum.

*De S. Telesphoro. Secreta.*

**M**Unera tibi Dómine dicáta sanctífica: & intercedente beáto Telésphoro mártire tuo, atque Pontífice, per eadem nos placátus inténde.

*De S. Maria. Secreta.*

**M**Unéribus nostris, quæsumus Dómine, precibúsque suscéptis: & cœléstibus nos munda mystériis, & cleménter exáudi. Per Dóminum.

*Communio. Matth. 2.* Tolle púerum, & matrem ejus, & vade in terram Israël: defúcti sunt enim qui quærébant ánimam púeri. *Postcommunio.*

**P**er hujus Dómine operationem mystérii, & vítia nostra purgéntur, & justa desideria compleántur. Per Dóminum nostrum.

*De S. Telesphoro. Postcomm.*

**R**efécti participationem muneris sacri, quæsumus Dómine, Deus noster: ut, cujus exéquimur cultum, intercedente beáto Telésphoro mártire tuo atque Pontífice, sentiámus efféctum.

*De S. Maria. Postcommunio.*

**H**æc nos commúnio, Dómine, purget à crimine: & intercedente beáta Vírgine Dei Genitríce María, cœléstis remédii fáciat esse consórtes. Per eúmdem Dóminum nostrum Jesum Christum Fílium tuum: Qui tecum vivit, &c.



I N  
E P I P H A N I A  
D O M I N I .

---

*Statio ad sanctum Petrum.*

*Introitus. Mal. 3.*

**E**Cce advénit dominátor  
Dóminus : & regnum in  
manu ejus, & potéstas, & im-  
périum.

*Psal. 71.* Deus iudícium tuum  
Regi da : & iustítiam tuam Fí-  
lio Regis. *v.* Glória Patri.

*Oratio.*

**D**Eus, qui hodiérna die  
Unigénitum tuum Gén-  
tibus stella duce revelásti :  
concéde propítius ; ut qui jam  
te ex fide cognóvimus, usque  
ad contemplándam spéciem  
tuæ celsitudinis perducámur.  
Per eúmdem Dóminum.

*Léctio Isaíæ Prophétæ. Is. 60.*

**S**URge, illumináre Jerúsa-  
lem : quia venit lumen tu-  
um, & glória Dómini super te  
orta est. Quia ecce ténebræ  
opérient terram, & calígo pó-  
pulos : super te autem oriétur  
Dóminus, & glória ejus in te  
vidébitur. Et ambulábunt  
Gentes in lúmine tuo, & reges  
in splendóre ortus tui. Leva in  
circúitu óculos tuos, & vide,  
omnes isti congregáti sunt, ve-  
nérunt tibi : filii tui de longè  
vénient, & filia tuæ de látere  
surgent. Tunc vidébis, & áf-  
flues, & mirábitur & dilatábi-  
tur cor tuum, quando convér-  
sa fúerit ad te multitúdo ma-  
ris, fortitúdo Géntium vénerit  
tibi. Inundátio camelórum  
opériet te, dromedárii Má-  
dian & Ephá : omnes de Sa-

ba vénient, aurum & thus de-  
feréntes, & laudem Dómino  
annuntiántes.

*Graduale. ibid.* Omnes de Sa-  
ba vénient, aurum & thus de-  
feréntes, & laudem Dómino  
annuntiántes. *v.* Surge, &  
illumináre Jerúsalem : quia  
glória Dómini super te orta  
est. Allelúia, allelúia.

*v. Matth. 2.* Vídimus stellam  
ejus in Oriénte : & vénimus  
cum munéribus adoráre Dó-  
minum. Allelúia.

*Sequéntia sancti Evangélii se-  
cúndum Matthæum.*

*Matth. 2.*

**C**UM natus esset Jesus in  
Béthlehem Juda in diébus  
Heródis regis, ecce Magi ab  
Oriénte venérunt Jerosóly-  
mam, dicéntes : Ubi est qui  
natus est Rex Judæórum ? Víd-  
imus enim stellam ejus in O-  
riénte, & vénimus adoráre e-  
um. Audiens autem Heródes  
rex, turbátus est, & omnis Je-  
rosólyma cum illo. Et cón-  
gregans omnes príncipes sa-  
cerdótum, & Scribas pópuli,  
sciscitabátur ab eis, ubi Chri-  
stus nascerétur. At illi dixé-  
runt ei : In Béthlehem Judæ.  
Sic enim scriptum est per Pro-  
phétam : Et tu Béthlehem ter-  
ra Juda, nequáquam mínima  
es in princípibus Juda : ex te  
enim éxiet dux, qui regat pó-  
pulum meum Israël. Tunc He-  
ródes, clàm vocátis Magis di-  
ligénter dídicit ab eis tempus  
stellæ, quæ apparuit eis : & mit-  
tens



tens illos in Bêthlehem, dixit :  
Ite, & interrogâte diligenter  
de pûero : & cum invenêritis,  
renuntiâte mihi, ut & ego vé-  
niens, adórem eum. Qui cum  
audissent regem, abiêrunt. Et  
ecce stella, quam víderant in  
Oriente, antecedébat eos, us-  
que dum véniens staret suprâ  
ubi erat puer. Vidéntes autem  
stellam gavísi sunt gáudio ma-  
gno valdè. Et intrântes do-  
mum, invenêrunt pûerum cum  
María matre ejus, *Hic genu-  
flectitur*, & procidéntes, ado-  
ravêrunt eum. Et apértis the-  
sauris suis obtulêrunt ei mú-  
nera, aurum, thus, & myr-  
rham. Et respónso accépto in  
somnia ne redírent ad Heró-  
dem, per áliam viam revêr-  
sunt in regiónem suam. Cre-  
do.

*Offertorium. Psal. 71.* Reges  
Tharsis & ínsulæ múnera óffe-  
rent : reges Arabum, & Saba  
dona addúcent : & adorábunt  
eum omnes reges terræ, omnes  
Gentes sérvient ei. *Secreta.*

**E**Cclésiæ tuæ, quæsumus  
Dómine, dona propítius  
intuère : quibus non jam au-  
rum, thus, & myrrha profér-  
tur ; sed quod eisdem munéri-  
bus declarátur, immolátur, &  
súmitur, Jesus Christus Fílius  
tuus Dóminus noster. Qui  
tecum vivit.

*Præfatio.* Quia cum Unigé-  
nitus. *Et infra actionem.* Com-  
municántes, & diem sacratíssi-  
mum, &c. *ut in Præfationibus.*  
*Et dicuntur per totam Octavam.*  
*Communio. Matth. 2.* Vídi-  
mus stellam ejus in Oriente : &  
vénimus cum munéribus ado-  
râre Dóminum. *Postcomm.*

**P**Ræsta quæsumus omnípo-  
tens Deus : ut quæ solémni

celebrámus officio, purificátæ  
mentis intelligentia conse-  
quámur. Per Dóminum.

*Infra Oct. Epiphaniæ fit idem  
Officium, quod in die : & post  
Orationem diei dicuntur Oratio-  
nes, Deus, qui salutis, & Ec-  
clésiæ tuæ, vel pro Papa, De-  
us ómnium fidélium. ut infra  
in Dominica ii. post Epiphani-  
am.*

*De Festis Duplicibus, & Se-  
mid. quæ infra Octavam veni-  
unt, nihil tunc agitur, (nisi tan-  
tùm de Patrono vel Titulari Ec-  
clesiæ, & de Dedicatione ejus-  
dem, in propria Ecclesia, non  
tamen in die Oct.) sed peracta  
Oct. celebrantur : de Simplicibus  
verò fit tantùm commemor.*

*In Dominica infra Oct. Mis-  
sa dicitur ut infra. Quod si Epi-  
phania venerit in Dominica, ipsa  
Missa Dominicæ dicitur in Sab-  
bato infra Octavam, & in die  
Octava nihil fit de Dominica.*

## DOMINICA INFRA OCTAVAM EPIPHANIÆ.

*Introitus.*

**I**N excélso throno vidi sedere  
virum, quem adórat multi-  
túdo Angelórum psalléntes in  
unum : ecce cujus impérii no-  
men est in ætérnum.

*Psalms. 99.* Jubiláte Deo  
omnis terra : servíte Dómino  
in lætítia. *v.* Glória Patri.

*Oratio.*

**V**Ota, quæsumus Dómine,  
supplicántis pópuli cœ-  
lésti pietáte proséquere : ut, &  
quæ agénda sunt, vídeant ; &  
adim-



adimplenda quæ viderint, convaléscent. Per Dóminum.

*Secunda Oratio de Epiphania, ut supra. fol. 36.*

Lectio Epistolæ beati Pauli Apostoli ad Romanos. *Rom. 12.*

**F**ratres, Obsecro vos per misericórdiam Dei, ut exhibeátis corpora vestra hóstiam vivéntem, sanctam, Deo placéntem, rationábile obséquium vestrum. Et nolíte conformári huic sæculo, sed reformámini in novitáte sensus vestri: ut probétis quæ sit voluntas Dei bona, & benéplacens, & perfécta. Dico enim per grátiam, quæ data est mihi omnibus qui sunt inter vos: Non plus sápere, quàm oportet sápere, sed sápere ad sobrietatem: & unicuique sicut Deus divísit mensúram fidei. Sicut enim in uno corpore multa membra habémus, ómnia autem membra non eúmdem actum habent: ita multi unum corpus sumus in Christo, singuli autem alter altérius membra: in Christo Jesu Dómino nostro.

*Graduale. Psal. 71.* Benedictus Dóminus Deus Israël, qui facit mirabília magna solus à sæculo. ✽. Suscípiant montes pacem pópulo tuo, & colles justítiam. Allelúia, allelúia.

✽. *Psal. 99.* Jubiláte Deo omnis terra: servíte Dómino in lætítia. Allelúia.

Sequéntia sancti Evangélii secundum Lucam. *Luc. 2. f.*

**C**Um factus esset Jesus annórum duódecim, ascendéntibus illis Jerosólymam secundum consuetúdinem diéi festi, consummatísque diébus,

cúm redírent, remánfit puer Jesus in Jerúsalem, & non cognovérunt paréntes ejus. Existimántes autem illum esse in comitátu, venérunt iter diéi, & requirébant eum inter cognátos & notos. Et non inveniéntes, regréssi sunt in Jerúsalem requiréntes eum. Et factum est, post tríduum invenérunt illum in templo sedéntem in médio Doctórum, audiéntem illos, & interrogántem eos. Stupébant autem omnes, qui eum audiébant, super prudéntia & respónsis ejus. Et videntes admiráti sunt. Et dixit mater ejus ad illum: Fili, quid fecísti nobis sic? Ecce pater tuus, & ego doléntes quærebámus te. Et ait ad illos: Quid est, quòd me quærebátis? nesciebátis, quia in his, quæ Patris mei sunt, oportet me esse? Et ipsi non intellexérunt verbum, quod locútus est ad eos. Et descéndit cum eis, & venit Náza-reth: & erat súbditus illis. Et mater ejus conservábat ómnia verba hæc in corde suo. Et Jesus proficiébat sapiéntia, & ætáte, & gratiâ apud Deum & hómines. Credo.

*Offertorium. Psalm. 99.* Jubiláte Deo omnis terra, servíte Dómino in lætítia: intráte in conspéctu ejus in exultatióne, quia Dóminus ipse est Deus.

*Secreta.*

**O** Blátum tibi, Dómine, sacrificium, vivíficet nos semper & múniat. Per Dóminum nostrum.

*Secunda Secreta de Epiphania, ut supra. fol. 37.*

*Communio. Luc. 2.* Fili, quid fecísti nobis sic? ego & pater tuus



tuus dolentes quærebamus te. Et quid est, quod me quærebatis? nesciebatis, quia in his, quæ Patris mei sunt, oportet me esse? *Postcommunio.*

**S**upplices te rogamus, omnipotens Deus: ut quos tuis réficis sacramentis, tibi étiam plácitis móribus dignánter deservíre concédas. Per Dóminum.

*Secunda Postcomm. de Epiphania, ut suprà. fol. 37.*

## IN OCTAVA EPIPHANIE.

*Introitus. Mal. 3.*

**E**Cce advénit dominátor Dóminus: & regnum in manu ejus, & potéstas, & impérium.

*Psal. 71. Deus judícium tuum Regi da: & justítiam tuam Fílio Regis. v. Glória. Oratio.*

**D**eus, cujus Unigénitus in substántia nostræ carnis apparuit: præsta quæsumus; ut per eum, quem símilem nobis foris agnóvimus, intus reíormári meréamur. Qui tecum vivit & regnat.

*Lectio Isaíæ Prophætæ. Isa. 6.*

**S**urge, illumináre Jerúsalem: quia venit lumen tuum, & glória Dómini super te orta est. Quia ecce ténebræ opérient terram, & calígo pópulos: super te autem oriétur Dóminus, & glória ejus in te vidébitur. Et ambulábunt Gentes in lúmine tuo, & reges in splendóre ortus tui. Leva in circúitu óculos tuos, & vide, omnes isti congregáti sunt, vénierunt tibi: filii tui de longè vénient, & filiæ tuæ de látere surgent. Tunc vidébis, & áfflues, & mirábitur & dilatábi-

tur cor tuum, quando convérta fúerit ad te multitúdo maris, fortitúdo Géntium vénerit tibi. Inundátio camelórum opériet te, dromedárii Mádian & Ephra: omnes de Saba vénient, aurum & thus deferéntes, & laudem Dómino annuntiántes.

*Graduale. ibid.* Omnes de Saba vénient, aurum & thus deferéntes, & laudem Dómino annuntiántes. v. Surge, & illumináre Jerúsalem: quia glória Dómini super te orta est.

Allelúia, allelúia.

v. *Matth. 2.* Vídimus stellam ejus in Oriénte: & vénimus cum munéribus adoráre Dóminum. Allelúia.

Sequéntia sancti Evangélii secúndum Joánnem.

*Joan. 1. d.*

**I**N illo témpore: Vidit Joánes Jesum veniéntem ad se, & ait: Ecce Agnus Dei, ecce qui tollit peccátum mundi. Hic est, de quo dixi: Post me venit vir, qui ante me factus est: quia prior me erat. Et ego nesciébam eum, sed ut manifestétur in Israél, proptéreà veni ego in aqua baptízans. Et testimónium perhíbuit Joánes, dicens: Quia vidi Spíritum descendéntem quasi colúmbam de cœlo, & mansit super eum. Et ego nesciébam eum: sed qui misit me baptizáre in aqua, ille mihi dixit; Super quem videris Spíritum descendéntem, & manéntem super eum, hic est, qui baptízat in Spíritu sancto. Et ego vidi: & testimónium perhíbui, quia hic est Fílius Dei. Credo.

*Offertorium. Psal. 71.* Reges Tharsis & ínsulæ múnera offerent: reges Arabum & Saba dona



dona addúcent: & adorábunt eum omnes reges terræ, omnes Gentes sérvient ei.

*Secreta.*

**H**ostias tibi Dómine, pro nati Filii tui apparitióne deférimus, suppliciter exorantes: ut sicut ipse nostrórum auctor est múnorum; ita sit ipse miséricors & suscéptor, Jesus Christus Dóminus noster. Qui tecum vivit.

*Communio. Matth. 2. Vídimus stellam ejus in Oriénte: & vénimus cum munéribus adoráre Dóminum.*

*Postcommunio.*

**C**elésti lúmine, quæsumus Dómine, semper & ubique nos præveni: ut mystérium, cujus nos partícipes esse vóluiisti, & puro cernámus intuitu, & digno percipiámus afféctu. Per Dóminum.

¶ *Ab Oét. Epiphaniae usq; ad Purificationem, nisi fuerit Duplex, post Orationem diei dicuntur istae Orationes, Deus, qui salutis æternæ, & Ecclesiæ tuæ, vel Deus ómnium fidélium. ut infra in Dominica ii. post Epiphaniam.*

¶ *Si tempus breve fuerit ab Oét. Epiphaniae usque ad Septuagesimam, ita ut Officia sequentium Dominicarum non possint expleri suis diebus, Officia illarum quæ supersunt post Dominicam ii. post Epiphaniam, eo anno omittuntur, & resumuntur (quoad Orationem, Epistolam & Evangelium duntaxat) post Dominicam xxiii. post Pentec. ut ibi dicitur in Rubr.*

¶ *Si Dominica Septuag. venerit sequenti Dominica post Octavam Epiph. in præced. Sabbato: si non est impeditum Festo semid. dicitur Missa de Dominica ii.*

*post Epiph. cum commem. Festi Simplicis, si in eo occurrat. Si verò Sabbatum fuerit impeditum Festo Semiduplici, tunc prima die post Oét. Epiphaniae, in qua non sit Festum Duplex, dicitur Missa de ii. Dominica, & Festum Semidupl. in ea occurrens, transfertur in primam diem similiter non impeditam.*

## DOMINICA SECUNDA POST EPIPHANIAM.

*Introitus. Psal. 65.*

**O**Mnis terra adóret te, Deus, & psallat tibi; psalmum dicat nómini tuo, Altíssime.

*Psal. ibid. Jubiláte Deo omnis terra, psalmum dícite nómini ejus: date glóriam laudi ejus. v. Glória Patri.*

*Dicitur Glória in excélsis. in Dominicis usque ad Septuag. exclusivè: in Ferialibus verò diebus, quando resumitur Missa de Dominica præcedenti, non dicitur. Quod servatur & post Pentecosten.*

*Oratio.*

**O**Mnípotens sempitérne Deus: qui cœléstia simul & terréna moderáris: supplicatiónes pópuli tui cleménter exáudi, & pacem tuam nostris concéde temporibus. Per Dóminum nostrum.

*De S. Maria. Oratio.*

**D**Eus, qui salutis æternæ, beátæ Mariæ virginitáte fecúnda, humano géneri præmia præstitísti: tríbue quæsumus; ut ipsam pro nobis intercédere sentiámus, per quam merúimus auctórem vitæ suscípere, Dóminum nostrum Jesum Christum Fílium tuum.

*Con-*



*Contra persecutores Ecclesiæ.*

*Oratio.*

**E**cclésiæ tuæ, quæsumus Dómine, preces placatus admítte: ut destrúctis adversitatibus & erróribus univér- sis, secúra tibi sérviat libertá- te. Per Dóminum.

*Vel pro Papa. Oratio.*

**D**eus ómnium fidélium pastor & rector, fámu- lum tuum N. quem pastórem Ecclesiæ tuæ præesse voluísti, propítius réspice: da ei, quæ- sumus, verbo & exémplo, quibus præest, proficere; ut ad vitam, unà cum grege sibi cré- dito, pervéniat sempitérnam. Per Dóminum.

Léctio Epístolæ beáti Pauli Apóstoli ad Romános.

*Rom. 12. b.*

**F**Ratres, Habéntes dona- tiónessecúndum grátiam, quæ data est nobis, differen- tes: sive prophetíamsecúndum ratiónem fidei, sive ministé- rium in ministrándo, sive qui docet in doctrína, qui exhor- tátur in exhortándo, qui trí- buit in simplicitáte, qui præest in sollicitúdone, qui miserétur in hilaritáte. Diléctio sine si- mulatióne. Odiéntes malum, adhæréntes bono: Charitáte fraternitátis ínvicem diligén- tes: Honóre ínvicem præve- niéntes: Sollicitúdone non pi- gri: Spíritu ferventes: Dó- mino serviéntes: Spe gau- déntes; In tribulatióne pati- éntes: Oratióni instántes: Ne- cessitatibus sanctórum com- municántes: Hospitalitátem sectántes. Benedícite perse- quéntibus vos: benedícite, & nolíte maledícere. Gaudére cum gaudéntibus: flere cum fléntibus: Idípsum ínvicem

sentiéntes: Non alta sapiéntes, sed humílibus consentiéntes.

*Graduale. Psal. 106.* Misit Dóminus verbum suum, & fá- návit eos: & erípuit eos de in- térítu eórum. *v.* Confiteántur Dómino misericórdiæ ejus: & mirabília ejus filiis hóminum. Allelúia, allelúia.

*v. Psal. 148.* Laudáte Dó- minum omnes Angeli ejus, laudáte eum omnes virtutes ejus. Allelúia.

¶ *Sic dicitur Allelúia cum Versu post Graduale, ab Oñ. Epiph. usque ad Septuagesimam, & ab Oñ. Pentec. usque ad Ad- ventum, etiam infra Hebdoma- dam, quando resumitur Missa de Dominica.*

Sequéntia sancti Evangélii se- cúndum Joánnem. *Joan. 2.*

**I**N illo témpore: Núptiæ factæ sunt in Cana Gali- lææ, & erat mater Jesu ibi. Vo- cátus est autem & Jesus, & di- scípuli ejus ad núptias. Et defi- ciente vino, dicit mater Jesu ad eum: Vinum non habent. Et di- cit ei Jesus: Quid mihi & tibi est múlter? nondum venit hora mea. Dicit mater ejus miní- stris. Quodcúmque díxerit vo- bis, fácite. Erant autem ibi la- pídeæ hydriæ sex, pósitæ se- cúndum purificatiónem Ju- dæórum, capiéntes singulæ metrétas binas, vel ternas. Di- cit eis Jesus: Impléte hydrias aqua. Et implevérunt eas us- que ad summum. Et dicit eis Jesus: Hauríte nunc, & ferte architriclíno. Et tulérunt. Ut autem gustávit architriclínus aquam vinum factam, & non sciébat unde esset, minístri au- tem sciébant, qui háuserant aquam; vocat sponsum archi- tri-



triclinus, & dicit ei: Omnis homo primum bonum vinum ponit: & cum inebriati fuerint, tunc id, quod deterius est: Tu autem servasti bonum vinum usque adhuc. Hoc fecit initium signorum Jesus in Cana Galilææ: & manifestavit gloriam suam, & crediderunt in eum discipuli ejus. Credo.

*Offertorium. Psal. 65.* Jubilate Deo universa terra: psalmum dicite nomini ejus: venite, & audite, & narrabo vobis, omnes, qui timetis Deum, quanta fecit Dominus animæ meæ, allelúia.

*Secreta.*

**O** Bláta, Dómine, múnera sanctifica: nosque à peccatorum nostrorum máculis emúnda. Per Dóminum.

*De S. Maria. Secreta.*

**M**Unéribus nostris, quæsumus Dómine, precibusque susceptis, & coeléstibus nos munda mystériis, & cleménter exáudi.

*Contra persec. Eccles. Secreta.*

**P**Rótege nos Dómine, tuis mystériis serviéntes: ut divínis rebus inhæréntes, & corpore tibi famulémur, & mente. Per Dóminum.

*Vel Pro Papa. Secreta.*

**O** Blátis, quæsumus Dómine, placáre munéribus, & famulum tuum N. quem pastórem Ecclesiæ tuæ præesse voluísti, assídua protectióne gubérna. Per Dóminum.

*Commun. Joan. 2.* Dicit Dóminus: Impléte hydrias aqua, & ferte architriclino: cum gustasset architriclinus aquam vinum factam, dicit sponso: Servasti bonum vinum usque adhuc: hoc signum fecit Jesus primum coram discipulis suis.

*Postcommunio.*

**A**Ugeátur in nobis, quæsumus Dómine, tuæ virtútis operatio: ut divínis vegetati sacraméntis, ad eórum promissa capiéndá, tuo múnere præparémur. Per Dóminum.

*De S. Maria. Postcommunio.*

**H**Æc nos commúnio, Dómine, purget à crimine: & intercedente beáta Vírgine Dei Genitríce María coeléstis remédii fáciat esse consórtes.

*Contra persecutores Ecclesiæ. Postcommunio.*

**Q**Uæsumus, Dómine, Deus noster: ut quos divína tribuis participatióne gaudere, humanis non finas subjacere perículis. Per Dóminum.

*Vel pro Papa. Postcomm.*

**H**Æc nos, quæsumus, Dómine, divíni sacraménti percéptio próteget: & famulum tuum N. quem pastórem Ecclesiæ tuæ præesse voluísti, unà cum commisso sibi grege salvet semper, & múniat. Per Dóminum.

## DOMINICA III. POST EPIPHANIAM.

*Introitus. Ps. 96.*

**A**Dorate Deum omnes Angeli ejus: audívit, & lætáta est Sion: & exultavérunt filiæ Judæ.

*Psalm. ibid.* Dóminus regnavit, exúltet terra: læténtur insulæ multæ. *v.* Glória Patri, & Fílio. *Oratio.*

**O**Mnípotens sempitérne Deus, infirmitatem nostram propítius réspice: atque ad protegéndum nos dexteram tuæ majestátis exténde. Per



Per Dóminum nostrum Jesum Christum Fílium tuum.

*Secunda Oratio de S. Maria, Deus, qui salútis. tertia, Ecclesiæ, vel pro Papa. fol. 40.*

Léctio Epístolæ beáti Pauli Apóstoli ad Romános.

*Rom. 12. d.*

**F**Ratres, Nolíte esse prudentes apud vosmetípsos: Nulli malum pro malo reddentes: providentes bona non tantum coram Deo, sed étiam coram ómnibus homínibus. Si fieri potest, quod ex vobis est, cum ómnibus homínibus pacem habéntes. Non vosmetípsos defendéntes, charíssimi, sed date locum iræ. Scriptum est enim: Mihi vindícta; ego retríbuam, dicit Dóminus. Sed si esuríerit inimícus tuus, ciba illum: si sitit, potum da illi: hoc enim fáciens, carbónes ignis cóngeres super caput ejus. Noli vinci à malo, sed vince in bono malum.

*Graduale. Psal. 101. Timébunt Gentes nomen tuum Dómine, & omnes reges terræ glóriam tuam. V. Quóniam ædificávit Dóminus Sion, & vidébitur in majestáte sua. Allelúia, allelúia.*

*V. Psal. 96. Dóminus regnávít, exúltet terra: læténtur ínsulæ multæ. Allelúia.*

Sequéntia sancti Evangélíi secundum Matthæum.

*Matth. 8.*

**I**N illo témpore: Cùm descendíffet Jesus de monte, secútæ sunt eum turbæ multæ: & ecce leprósus véniens, adorábat eum, dicens: Dómine, si vis, potes me mundáre. Et exténdens Jesus manum, tétigit eum, dicens: Volo, mun-

dáre. Et conféstim mundáta est lepra ejus. Et ait illi Jesus: Vide, némini díxeris: sed vade, osténde te sacerdoti, & offer munus, quod præcépit Móyses, in testimónium illis. Cùm autem introíffet Caphárnaum, accéssit ad eum Centúrio, rogans eum, & dicens: Dómine, puer meus jacet in domo paralyticus, & malè torquétur. Et ait illi Jesus: ego véniam, & curábo eum. Et respóndens Centúrio, ait: Dómine, non sum dignus, ut intres sub tectum meum: sed tantum dic verbo, & sanábitur puer meus. Nam & ego homo sum sub potestáte constitútus, habens sub me mílites, & dico huic: Vade, & vadit: & álii, Veni, & venit: & servo meo, Fac hoc, & facit. Audiens autem Jesus, mirátus est, & sequéntibus se, dixit: Amen dico vobis, non invéni tantam fidem in Israél. Dico autem vobis, quòd multi ab Oriénte, & Occidénté vénient, & recumbent cum Abraham, & Isaac, & Jacob in regno cœlórum: filii autem regni ejiciéntur in ténebras exterióres: ibi erit fletus, & stridor dentium. Et dixit Jesus Centurióni: Vade, & sicut credidísti, fiat tibi. Et sanátus est puer in illa hora. Credo.

*Offertorium. Psal. 117. Dextera Dómini fecit virtútem, dextera Dómini exaltávit me: non móriar, sed vivam, & narrábo ópera Dómini.*

*Secreta.*

**H**Æc hóstia, Dómine quæsumus, emúndet nostra delícta: & ad sacrificium celebrándum, subditórum tibi



córpóra mentésque sanctíficet. Per Dóminum.

*Secunda Secreta de S. Maria, Muneribus tertia, Protege. vel pro Papa. fol. 42.*

*Communio. Luc. 4. Mirabántur omnes de his, quæ procedébant de ore Dei.*

*Postcommunio.*

**Q**Uos tantis, Dómine, largiris uti mystériis: quæsumus; ut effectibus nos eórum veráciter aptáre dignéris. Per Dóminum.

*Secunda Postcomm. de S. Maria, Hæc nos. tertia, Quæsumus. vel pro Papa. fol. 42.*

## DOMINICA IV. POST EPIPHANIAM.

*Introitus. Psal. 96.*

**A**Dorate Deum omnes Angeli ejus: audívit, & lætáta est Sion: & exultavérunt filiæ Judæ.

*Psal. ibid. Dóminus regnavit, exúltet terra: læténtur ínsulæ multæ. v. Glória Patri.*

*Oratio.*

**D**Eus, qui nos tantis periculis constitutos, pro humana scis fragilitate non posse subsistere: da nobis salutem mentis & corporis; ut ea, quæ pro peccatis nostris patimur, te adjuvante, vincamus. Per Dóminum.

*Secunda Oratio de S. Maria, Deus qui salutis. tertia, Ecclésiæ. vel pro Papa. fol. 40.*

*Si autem hæc Dominica venerit post festum Purificationis, dicitur secunda Oratio. A cunctis. ut infrà in Dominica sequenti. fol. 45. Et tertia ad libitum Sacerdotis.*

Lectio Epístolæ beati Pauli Apóstoli ad Romános.

*Rom. 13. b.*

**F**Ratres, Némíni quidquam debeátis, nisi ut invicem diligátis: qui enim diligit próximum, legem implévit. Nam: Non adulterábis: Non occídes: Non furáberis: Non falsum testimónium dices: Non concupísces, & si quod est áliud mandátum, in hoc verbo instaurátur: Diliges próximum tuum sicut teípsum. Diléctio próximi malum non operátur. Plenitúdo ergo legis est diléctio.

*Graduale. Ps. 101. Timébunt Gentes nomen tuum Dóminé, & omnes reges terræ glóriam tuam. v. Quóniam ædificávit Dominus Sion, & vidébitur in majestáte sua. Allelúia, alleluia.*

*v. Psal. 96. Dóminus regnavit, exúltet terra: læténtur ínsulæ multæ. Allelúia..*

Sequéntia sancti Evangélíi secúndum Matthæum.

*Matth. 2. c.*

**I**N illo témpore: Ascendénte Jesu in navículam, secúti sunt eum discípuli ejus, & ecce motus magnus factus est in mari, ita ut navícula operirétur flúctibus, ipse verò dormiébat. Et accessérunt ad eum discípuli ejus, & suscitavérunt eum, dicéntes: Dómine, salva nos, perímus. Et dicit eis Jesus: Quid tímidi estis, módicæ fidei? Tunc surgens, imperávit ventis & mari, & facta est tranquillitas magna. Porrò hómines miráti sunt, dicéntes: Qualis est hic, quia venti, & mare obédiunt ei? Credo.

*Offertorium. Psal. 117. Dextera*



ra Dómini fecit virtútem, dextera Dómini exaltávit me: non móriar, sed vivam, & narrábo ópera Dómini.

*Secreta.*

**C**oncède quæsumus omnípotens Deus: ut hujus sacrificii munus oblátum, fragilitátem nostram ab omni malo purget semper, & muniat. Per Dóminum.

*Secunda Secreta de S. Maria, Munèribus, tertia, Prótege. vel pro Papa. fol. 42.*

*Communio. Lucæ 4. Mirábantur omnes de his, quæ procedébant de ore Dei.*

*Postcommunio.*

**M**unera tua nos, Deus, à delectatióibus terrénis expédiant: & coeléstibus semper instáurent aliméntis. Per Dóminum.

*Secunda Postcomm. de S. Maria, Hæc nos. tertia, Quæsumus. vel pro Papa. fol. 42.*

## DOMINICA V. POST EPIPHANIAM.

*Introitus. Psal. 96.*

**A**dorate Deum omnes Angeli ejus: audívit, & lætata est Sion: & exultavérunt filiæ Judæ.

*Psal. ibid. Dóminus regnávít, exúltet terra: læténtur ínsulæ multæ. V. Glória Patri. Oratio.*

**F**amíliam tuam, quæsumus Dómine, continúa pietáte custódi: ut quæ in sola spe grátiae coeléstis innítitur, tua semper protectiône muniátur. Per Dóminum.

*Ad poscenda suffragia Sanctórum. Oratio.*

**A**cunctis nos, quæsumus Dómine, mentis & cör-

poris defénde perículis: & intercedénte beáta & gloriósa semper vírgine Dei genitríce María cum beátis Apóstolis tuis Petro & Paulo, atque beáto N. & ómnibus Sanctis, salútem nobis tríbue benígnus, & pacem; ut destructis adversitatibus & erróribus univérsis, Ecclésia tua secúra tibi sérviat libertáte.

*In hac Oratione nomina SS. Michaelis, & Joannis Baptistæ præponuntur Apostolis.*

*Tertia Oratio dicitur ad libitum Sacerdotis.*

Léctio Epístolæ beáti Pauli Apóstoli ad Colossénfes.

*Col. 3. b.*

**F**ratres, Indúite vos sicut elécti Dei, sancti, & dilecti, víscera misericórdiæ, benignitátem, humilitátem, modéstiam, paciéntiam: supporántes ínvicem, & donántes vobismetípsis, si quis advérsus áliquem habet querélam: sicut & Dóminus donávit vobis, ita & vos. Super ómnia autem hæc, charitátem habéte, quod est vínculum perfectiόνis: & pax Christi exúltet in córdibus vestris, in qua & vocáti estis in uno corpore: & grati estóte. Verbum Christi hábitet in vobis abundánter, in omni sapiéntia, docéntes, & commonéntes vosmetípsos psalmis, hymnis, & cánticis spirituálibus, in grátia cantántes in córdibus vestris Deo. Omne quodcúmque fácitis in verbo aut in ópere, ómnia in nómine Dómini Jesu Christi, grátias ágéntes Deo, & Patri per Jesum Christum Dóminum nostrum.

*Graduale Ps. 101 Timébunt Gentes nomen tuum Dómine,*



ne, & omnes reges terræ glóriam tuam. *Ps.* Quóniam ædificávit Dóminus Sion, & vidébitur in maiestáte sua.

Allelúia, allelúia.

*Ps.* *Psal.* 96. Dóminus regnávít, exúltet terra: læténtur ínsulæ multæ. Allelúia.

Sequéntia sancti Evangélíi secúndum Matthæum.

*Matth.* 13. c.

**I**N illo témpore: Dixit Iesus turbis parábolam hanc: Símile factum est regnum cœlórum hómini, qui seminávit bonum semen in agro suo. Cùm autem dormírent hómines, venit inimícus ejus, & superseminávit zizánia in médiotrífici, & ábiit. Cùm autem crevíssset herba, & fructum fecíssset, tunc apparuérunt & zizánia. Accedéntes autem servi patris famílias, dixérunt ei: Dómine, nóne bonum semen seminásti in agro tuo? Unde ergo habet zizánia? Et ait illis: Inimícus homo hoc fecit. Servi autem dixérunt ei: Vis, imus, & collígimus ea? Et ait: Non: ne fortè colligéntes zizánia, eradicétis simul cum eis & tríticum. Sínite útrique créscere usque ad messem, & in témpore messis dicam mesóribus: Collígite primùm zizánia, & alligáte ea in fascículos ad comburéndum, tríticum autem congregáte in hórreum meum. Credo.

*Offertorium.* *Psal.* 117. Dextera Dómini fecit virtútem, dextera Dómini exultávit me: non móriar, sed vívam, & narrábo ópera Dómini. *Secreta.*

**H**ostiastibi, Dómine, platiónis offérimus, ut &

delícta nostra miserátus absolvas, & nutántia corda tu dírigas. Per Dóminum.

*Ad poscenda suffragia Sanctorum.*  
*Secreta.*

**E**Xáudi nos Deus salutáris noster: ut per hujus sacraménti virtútem, à cunctis nos mentis & córporis hóstibus tueáris, grátiam tríbuens in præsénti, & glóriam in futúro.

*Tertia ad libitum.*

*Communio.* *Luc.* 4. Mirábantur omnes de his, quæ procedébant de ore Dei.

*Postcommunio.*

**Q**uæsumus omnípotens Deus: ut illíus salutáris capiámus efféctum, cujus per hæc mystéria pignus accépi-mus. Per Dóminum.

*Ad poscenda suffragia Sanctorum.* *Postcommunio.*

**M**undet & múniat nos, quæsumus Dómine, divíni sacraménti munus oblátum: & intercedénte beáta vírgine Dei genitríce María, cum beátis Apóstolis tuis Petro & Paulo, atque beáto N. & ómnibus Sanctis; à cunctis nos reddat & perversitatibus expiátos, & adversitatibus expeditos.

*Tertia ad libitum.*

## DOMINICA VI. POST EPIPHANIAM.

*Intritus.* *Psalm.* 96.

**A**Doráte Deum omnes Angeli ejus: audívit, & lætáta est Sion: & exultavérunt filiaæ Judæ.

*Psalm.* *ibid.* Dóminus regnávít, exúltet terra: læténtur ínsulæ multæ. *Ps.* Glória Patri.

*Ora-*



## Oratio.

**P**Ræsta quæsumus omnipotens Deus: ut semper rationabilia meditantes, quæ tibi sunt placita, & dictis exequamur & factis. Per Dñm.

*Secunda Oratio.* A cunctis. *ut supra.* fol. 45.

*Tertia ad libitum.*

Lectio Epistolæ beati Pauli Apóstoli ad Thessalonicenses. 1. *Theff.* 1.

**F**Ratres, Grátias ágimus Deo semper pro ómnibus vobis, memóriam vestri faciéntes in oratióibus nostris sine intermissiõe, mémores óperis fidei vestræ, & labóris, & charitátis, sustinéntiæ spei Dñi nostri Jesu Christi, ante Deum & Patrem nostrum: sciéntes fratres dilécti à Deo, electiõeem vestram: quia Evangélium nostrum non fuit ad vos in sermõe tantum, sed & in virtúte, & in Spírítu sancto, & in plenitúdine multa, sicut scitis quales fuérimus in vobis propter vos. Et vos imitatóres nostri facti estis, & Dñi, excipiéntes verbum in tribulatiõe multa, cum gáudio Spírítus sancti: ita ut facti sitis forma ómnibus credéntibus in Macedónia, & in Achája. A vobis enim diffamátus est sermo Dñi, non solum in Macedónia & in Achája, sed & in omni loco fides vestra, quæ est ad Deum, profécta est, ita ut non sit nobis necesse quidquam loqui. Ipsi enim de nobis annúntiant qualem intróitum habuérimus ad vos: & quómo do convérsi estis ad Deum à simulácris, servíre Deo vivo & vero, & expectáre Fílium ejus de cœlis (quem suscitávit ex

mórtuis) Jesum, qui erípuit nos ab ira ventúra.

*Graduale.* *Psf.* 101. Timébunt Gentes nomen tuum Dñmine, & omnes reges terræ glóriam tuam. *℣.* Quóniam ædificávit Dñmus Sion, & vidébitur in majestáte sua. Allelúia, allelúia.

*℣.* *Psal.* 96. Dñmus regnávit, exúltet terra: læténtur ínsulæ multæ. Allelúia.

Sequéntia sancti Evangélii secúndum Matthæum.

*Matth.* 23. d.

**I**N illo témpore: Dixit Jesus turbis parábolam hanc: Símile est regnum cœlórum grano sinápis, quod accípiens homo seminávit in agro suo: quod minimum quidem est ómnibus semínibus: cum autem créverit, majus est ómnibus oléribus, & fit arbor, ita ut vólucres cœli véniant, & hábitent in ramis ejus. Aliam parábolam locútus est eis: Símile est regnum cœlórum fermento, quod accéptum múlier abscondit in farínæ satis tribus, donec fermentátum est totum. Hæc ómnia locútus est Jesus in parábolis ad turbas: & sine parábolis non loquebátur eis: ut implerétur quod dictum erat per Prophétam dicéntem: Apériam in parábolis os meum, eructábo abscondita à constitutiõe mundi. Credo.

*Offertorium.* *Psal.* 117. Déxtera Dñi fecit virtútem, déxtera Dñi exaltávit me: non móriar, sed vivam, & narrábo ópera Dñi.

*Secreta.*

**H**Æc nos oblátio, Deus, mundet, quæsumus, & réne-



renovet, gubernet, & protegat. Per Dominum.

*Secunda Secreta.* Exaudi nos. ut *suprà.* fol. 46.

*Tertia ad libitum.*

*Communio.* Lucæ 4. Mirabantur omnes de his, quæ procedebant de ore Dei. *Postcom.*

**C**œlestibus Domine patri delictis: quæsumus, ut semper eadem, per quæ veraciter vivimus, appetamus. Per Dominum nostrum.

*Secunda Postcomm.* Mundet. fol. 46.

*Tertia ad libitum.*

## DOMINICA IN SEPTUAGESIMA.

*Statio ad S. Laurentium extra muros. Introitus. Psal. 17.*

**C**ircumdedérunt me gemitus mortis, dolores inferni circumdedérunt me: & in tribulatione mea invocavi Dominum, & exaudivit de templo sancto suo vocem meam.

*Psal. ibid.* Diligam te Domine fortitudo mea: Dominus firmamentum meum, & refugium meum, & liberator meus. *℟.* Glória Patri.

*Non dicitur Glória in excelsis, ab hac Dominica usque ad Pascha, exceptis Fer. v. in Cæna Domini, & Sabbato sancto, & quando dicitur Missa de Festo.*

*Oratio.*

**P**reces populi tui, quæsumus Domine, clementer exaudi: ut qui justè pro peccatis nostris affligimur, pro tui nominis glória misericorditer liberemur. Per Dominum.

*Secunda Oratio.* A cunctis. ut *suprà.* fol. 45.

*Tertia ad libitum.*

¶ Sic dicitur *secunda & tertia Oratio à festo Purificationis usque ad Fer. iv. Cinerum exclusivè, quando non est Duplex: nisi Dominica Septuag. venerit ante festum Purificationis, vel in ipsa die Purificationis: quia tunc dicuntur Orationes sicut in Dominica ii. post Epiphan. de S. Maria, & contra persecut. Eccles. vel pro Papa.* fol. 40.

*Simili modo fiat in Sexagesima, & Quinquagesima.*

Lectio Epistolæ beati Pauli Apostoli ad Corinthios.

*1. Cor. 9. d. & 10.*

**F**ratres, Nescitis quod ii qui in stadio currunt, omnes quidem currunt, sed unus accipit bravium? Sic currite ut comprehendatis. Omnis autem, qui in agone contendit, ab omnibus se abstinere: & illi quidem ut corruptibilem coronam accipiant: nos autem incorruptam. Ego igitur sic curro, non quasi in incertum: sic pugno, non quasi aerem verberans: sed castigo corpus meum, & in servitutem redigo: ne fortè cum aliis prædicaverim, ipse reprobus efficiar. Nolo enim vos ignorare fratres, quoniam patres nostri omnes sub nube fuerunt, & omnes mare transierunt, & omnes in Moyse baptizati sunt in nube & in mari: & omnes eandem escam spiritalem manducaverunt, & omnes eundem potum spiritalem biberunt: (bibebant autem de spiritali, consequente eos petra: petra autem erat Christus) sed non in pluribus eorum beneplacitum est Deo.

*Graduale. Psal. 9.* Adjutor in opportunitatibus, in tribula-

tió-



tióne: sperent in te qui novérunt te: quóniam non derelínquis quæréntes te, Dómine. *v.* Quóniam non in finem oblívio erit páuperis: patiéntia páuperum non períbit in ætérnum: exúrge Dómine, non præváleat homo.

*Traetus. Psal. 129.* De profundis clamávi ad te Dómine, Dómine exáudi vocem meam. *v.* Fiant aures tuæ intendéntes in oratióem servi tui.

*v.* Si iniquitátes observáveris Dómine, Dómine quis sustinébit? *v.* Quia apud te propitiatio est, & propter legem tuam sustínui te Dómine.

¶ *A Septuagesima usque ad Fer. iv. Cinerum, Traetus dicitur tantum in Dominicis, & Festis: in Feriis autem, quando repetitur Missa de Dominica, non dicitur, sed tantum Graduale.*

Sequéntia sancti Evangélii secúndum Matthæum.

*Matth. 20.*

**I**N illo témpore: Dixit Jesus discíplis suis parábolam hanc: Símile est regnum cœlórum hómini patrifamílias, qui éxiit primo manè conducere operários in vîneam suam. Conventiône autem facta cum operáriis ex denário diúrno, misit eos in vîneam suam. Et egréssus circa horam tértiam, vidit álios stantes in foro otíosos, & dixit illis: *Ite & vos in vîneam meam, & quod justum fúerit, dabo vobis.* Illi autem abiérunt. Iterum autem éxiit circa sextam, & nonam horam: & fecit simíliter. Circa undécimam verò éxiit, & invénit álios stantes, & dicit illis: Quid híc

statis tota die otíosi? Dicunt ei; Quia nemo nos condúxit. Dicit illis: *Ite & vos in vîneam meam.* Cùm ferò autem factum esset, dicit dóminus vîneæ procuratóri suo: *Voca operários, & redde illis mercedem: incípiens à novíssimis usque ad primos.* Cùm veníssent ergo qui circa undécimam horam vénerant, acceperunt síngulos denários. Veniéntes autem & primi, arbitrátí sunt, quòd plus essent acceptúri: acceperunt autem & ipsi síngulos denários. Et accipiéntes murmurábant advérsus patremfamílias, dicéntes: *Hi novíssimi una hora fecérunt, & pares illos nobis fecísti, qui portávimus pondus diéi & æstus.* At ille respóndens uni eórum, dixit: *Amíce non facio tibi injúriam: nónne ex denário convenísti mecum? Tolle quod tuum est, & vade: volo autem & huic novíssimo dare sicut & tibi. Aut non licet mihi, quod volo, fácere? an óculus tuus nequam est, quia ego bonus sum? Sic erunt novíssimi primi, & primi novíssimi. Multi enim sunt vocáti, pauci verò elécti. Credo.*

*Offertorium. Psal. 91.* Bonum est confitéri Dómino, & psállere nómini tuo, Altíssime. *Secreta.*

**M**Unéríbus nostris, quæsumus, Dómine, precibúsq; suscéptis: & cœléstibus nos munda mystériis, & cleménter exáudi. Per Dóminum.

*Si Dominica Septuag. venerit ante festum Purific. vel ipsa die Purificationis, Secreta de S. Maria erit; Tua Dómine. ut in ejusdem Missa votiva.*



*Secunda Secreta.* Exáudi nos.  
*ut supr. fol. 46.*

*Tertia ad libit.*

*Communio. Psal. 30.* Illúmina fáciem tuam super servum tuum, & salvum me fac in tua misericórdia: Dómine non confúndar, quóniam invocávi te.

*Postcommunio.*

**F**idéles tui, Deus, per tua dona firméntur: ut éadem & percipiéndò requírant, & quæréndò sine fine percípiant. Per Dóminum.

*Secunda Postcomm.* Mundet & múniat. fol. 46.

*Tertia ad libitum.*

Benedicámus Dómino.

℟. Deo grátias.

## DOMINICA IN SEXAGESIMA.

*Statio ad sanctum Paulum.*

*Introitus. Psal. 43*

**E**Xúrge, quare obdórmis Dómine? exúrge, & ne repéllas in finem: quare fáciem tuam avértis, oblivísceris tribulatióem nostram? adhæsit in terra venter noster: exúrge Dómine, ádjuva nos, & libera nos.

*Psal. ibid.* Deus áuribus nostris audívimus: patres nostri annuntiavérunt nobis.

℣. Glória Patri.

*Oratio.*

**D**eus, qui cónspicis, quia ex nulla nostra actióne confidimus: concéde propítius; ut contra advérsa ómnia Doctóris Géntium protectiône muniámur. Per Dóminum.

*Secunda Oratio.* A cunctis.  
*ut supr. fol. 45.*

*Tertia ad libitum.*

Léctio Epístolæ beáti Pauli Apóstoli ad Corínthios.

2. Cor. 11. d. & 12.

**F**Ratres, Libénter suffértis insipiéntes: cùm sitis ipsi sapiéntes. Sustinétis enim si quis vos in servitútem rédigit, si quis dévorat, si quis áccipit, si quis extóllitur, si quis in fáciem vos cædit. Secúndum ignobilitátem dico, quasi nos infirmi fuérimus in hac parte. In quo quis audet (in insipiéntia dico) áudeo & ego: Hebræi sunt, & ego: Israelítæ sunt, & ego: Semen Abrahæ sunt, & ego: Minístri Christi sunt, (ut minùs fápiens dico) plus ego: in labóribus plúrimis, in cárceribus abundántiús, in plagis supra modum, in mórtibus fréquénter. A Judæis quínquies, quadragénas, una minus, ac cépi. Ter virgis cæsus sum, semel lapidátus sum, ter naufrágium feci, nocte & die in profúndo maris fui, in itinéribus sæpè, perículis flúminum, perículis latrónum, perículis ex génere, perículis ex Géntibus, perículis in civitáte, perículis in solitúdine, perículis in mari, perículis in falsis frátribus: in labóre & ærúmna, in vigíliis multis, in fame & siti, in jejúniis multis, in frígore & nuditáte: præter illa quæ extrínsecùs sunt, instántia mea quotidiana, sollicitúdo ómnium Ecclesiárum. Quis infirmáitur, & ego non infirmor? quis scandalizáitur, & ego non uror? Si gloriári opórtet: quæ infirmitátis meæ sunt, gloriábor. Deus & Pater Dómini nostri Jesu Christi, qui est benedíctus in sæcula, scit quòd non méntior. Damásci præpósitus Gentis Aretæ re-



regis, custodiébat civitatem Damascenórum, ut me comprehénderet: & per fenéstram in sporta demíssus sum per murum, & sic effúgi manus ejus. Si gloriári opórtet (non expedit quidem:) véniam autem ad vísiões & revelatiões Dómini. Scio hóminem in Christo ante annos quatuórdecim (sive in corpore nésceo, sive extra corpus nésceo, Deus scit) raptum hujúsmodi usque ad tértium cœlum. Et scio hujúsmodi hóminem (sive in corpore, sive extra corpus nésceo, Deus scit) quóniam raptus est in Paradísium: & audívit arcána verba, quæ non licet hómini loqui. Pro hujúsmodi gloriábor: pro me autem nihil gloriábor, nisi in infirmitátibus meis. Nam & si volúero gloriári, non ero insípiens: veritatem enim dicam: parco autem, ne quis me exístimet supra id, quod videt in me, aut áliquíd audit ex me. Et ne magnitúdo revelatiónum extóllat me, datus est mihi stímulus carnis meæ, ángelus sátanæ, qui me colaphízet. Propter quod ter Dóminus rogávi, ut discéderet à me: & dixit mihi: Súfficit tibi grátiâ mea, nam virtus in infirmitáte perficitur. Libénter igitur gloriábor in infirmitátibus meis, ut inhábitet in me virtus Christi.

*Graduale. Ps. 82.* Sciant Gentes, quóniam nomen tibi Deus: tu solus Altíssimus super omnem terram. *℣.* Deus meus, pone illos ut rotam, & sicut stípulam ante fáciem venti.

*Tractus. Psal. 59.* Commovísti Dómine terram, & conturbásti eam. *℣.* Sana contritiões ejus, quia móta est. *℣.*

Ut fúgiant à fácie arcus; ut liberéntur elécti tui.

Sequéntia sancti Evangélíi scúndum Lucam.

*Lucæ 8.*

**I**N illo témpore: Cùm turba plúrima convenírent, & de civitátibus properárent ad Jesum, dixit per similitúdinem: Exiit, qui féminat, fémináre semen suum: & dum féminat, áliud cécidit secus viam, & conculcátum est, & volucres cœli comedérunt illud. Et áliud cécidit supra petram: & natum áruit, quia non habébat humórem. Et áliud cécidit inter spinas: & simul exórtæ spinæ suffocavérunt illud. Et áliud cécidit in terram bonam: & ortum fecit fructum centuplum. Hæc dicens, clamábat: Qui habet aures audiéndi, áudiat. Interrogábant autem eum discípuli ejus, quæ esset hæc parábola. Quibus ipse dixit: Vobis datum est nosse mystérium regni Dei, céteris autem in parábolis: ut vidéntes non vídeant, & audiéntes non intélligant. Est autem hæc parábola: Semen est verbum Dei. Qui autem secus viam, hi sunt qui áudiunt: deínde venit diábolus, & tollit verbum de corde eórum, ne credéntes salvi fiant. Nam, qui supra petram: qui cùm audierint, cum gáudio suscipiunt verbum: & hi radices non habent: quia ad tempus credunt; & in témpore tentatiónis recédunt. Quod autem in spinas cécidit: hi sunt qui audierunt, & à sollicitudinibus, & divítiis, & volup-



luptatibus vitæ eūntes, suffocantur, & non réferunt fructum. Quod autem in bonam terram: hi sunt, qui in corde bono & óptimo audiētes verbum rétinent, & fructum áfferunt in paciētia. Credo.

*Offertorium. Psal. 16.* Pérfice gressus meos in sémitis tuis, ut non moveántur vestígia mea: inclína aurem tuam, & exáudi verba mea: mirífica miseri-córdias tuas, qui salvos facis sperántes in te, Dómine.

*Secreta.*

**O**blátum tibi, Dómine, sacrificium, vivíficet nos semper & múníat. Per Dóminum nostrum.

*Secunda Secr.* Exáudi nos. 46.

*Tertiá ad libitum.*

*Communio. Psal. 42.* Introibo ad altáre Dei, ad Deum qui lætíficat juventútem meam.

*Postcommunio,*

**S**upplices te rogámus omnipótens Deus: ut quos tuis réficis sacraméntis, tibi etiám plácitis móribus dignánte deservíre concédas. Per Dóminum.

*Secunda Postcomm.* Mundet & múníat. 46.

*Tertia ad libitum.*

Benedicámus Dómino,

## DOMINICA IN QUINQUAGESIMA.

*Statio ad sanctum Petrum*

*Introitus. Psal. 30.*

**E**sto mihi in Deum protectórem, & in locum refúgii, ut salvum me fácias: quóníam firmaméntum meum, & refúgium meum es tu: & propter nomen tuum dux mihi eris, & enútries me. *Psal.*

*ibid.* In te Dómine sperávi, non confúndar in ætérnum: in justítia tua líbera me, & éripe me.

*v. Glória Patri. Oratio.*

**P**Reces nostras, quæsumus Dómine, clemēter exáudi: atque à peccatórum vīculis absolútos, ab omni nos adversitáte custódi. Per Dóminum.

*Secunda Oratio.* A cunctis nos. fol. 45.

*Tertia ad libitum.*

Léctio Epístolæ beáti Pauli Apóstoli ad Corínthios.

*1. Cor. 13.*

**F**Ratres, Si linguis hóminum loquar, & Angelórum, charitátem autem non hábeam, factus sum velut æs sonans, aut cymbalum tinniens. Et si habúero prophetíam, & nóverim mystéria ómnia, & omnem sciéntiam & si habúero omnem fidem, ita ut montes transférám, chárítem autem non habúero, nihil sum. Et si distribúero in cibos páuperum omnes facultátes meas, & si tradídero corpus meum, ita ut árdeam, charitátem autem non habúero, nihil mihi prodest. Chárítas pátiens est, benígna est: Chárítas non æmulátur, non agit pérperám, non inflátur, non est ambitiósa, non quærit quæ sua sunt, non irritátur, non cógitat malum, non gaudet super iniquitáte, congáudet autem veritáti: ómnia suffert, ómnia credit, ómnia sperat, ómnia sústinet. Chárítas numquam éxcidit: sive prophetiæ evacuabúntur, sive linguæ cessábunt, sive sciéntia destruétur. Ex parte enim cognóscimus, & ex parte pro-



phetamus. Cùm autem venerit quod perfectum est, evacuabitur quod ex parte est. Cùm essem parvulus, loquebar ut parvulus, sapiebam ut parvulus, cogitabam ut parvulus. Quando autem factus sum vir, evacuavi quæ erant parvuli. Videmus nunc per speculum in ænigmate: tunc autem facie ad faciem. Nunc cognosco ex parte: tunc autem cognoscam, sicut & cognitus sum. Nunc autem manent, fides, spes, charitas, tria hæc: major autem horum est charitas.

*Graduale. Psalm. 76.* Tu es Deus, qui facis mirabilia solus: notam fecisti in Gentibus virtutem tuam.

℣. Liberasti in brachio tuo populum tuum, filios Israël, & Joseph.

*Traetus. Ps. 99.* Jubiláte Deo omnis terra: servíte Dómino, in lætítia. ℣. Intráte in conspectu ejus in exultatione: scitote quòd Dóminus ipse est Deus. ℣. Ipse fecit nos, & non ipsi nos: nos autem populus ejus, & oves pascuæ ejus.

Sequéntia sancti Evangélii secundùm Lucam. *Luc. 18.*

**I**N illo tempore: Assumpsit Jesus duodecim, & ait illis: Ecce ascéndimus Jerosólymam, & consummabúntur omnia, quæ scripta sunt per Prophétas de Fílio hóminis. Tradétur enim Gentibus, & illudétur, & flagellábitur, & conspuétur, & postquam flagelláverint, occídent eum, & tértia die resúrget. Et ipsi nihil horum intellexérunt, & erat verbum istud absconditum ab eis,

& non intelligébant quæ dicebantur. Factum est autem, cùm appropinquáret Jéricho, cæcus quidam sedébat secus viam, mendicans. Et cùm audíret turbam prætereúntem, interrogábat quid hoc esset. Dixérunt autem ei, quòd Jesus Nazarénus transíret. Et clamávit, dicens: Jesu fili David, miserére mei. Et qui præibant, increpábant eum, ut taceret. Ipse verò multò magis clamábat: Fili David, miserére mei. Stans autem Jesus, jussit illum addúci ad se. Et cùm appropinquáset, interrogávit illum, dicens: Quid tibi vis faciam? At ille dixit: Dómine ut vídeam. Et Jesus dixit illi: Respice, fides tua te salvum fecit. Et confestim vidit, & sequebátur illum magnificans Deum. Et omnis plebs ut vidit, dedit laudem Deo. *Credo.*

*Offertorium. Psal. 118.* Benedictus es Dómine, doce me justificationes tuas: in lábiis meis pronuntiávi omnia judicia oris tui. *Secreta.*

**H**Æc hóstia, Dómine quæsumus, emúndet nostra delícta: & ad sacrificium celebrándum subditorum tibi corpora mentésque sanctíficet. Per Dóminum.

*Secunda Secr. Exáudi nos. 46.*

*Tertia ad libitum.*

*Communio. Ps. 77.* Manducáverunt, & saturáti sunt nimis, & desiderium eórum attulit eis Dóminus: non sunt fraudáti à desiderio suo.

*Postcommunio.*

**Q**Uæsumus omnipotens Deus: ut, qui cælestia aliménta percépimus, per hæc contra omnia advérsa muniámur. Per Dóminum.

*Se-*



*Secunda Postcomm.* Mundet  
& muniat. fol. 46.

*Tertia ad libitum.*

Benedicamus Dómino.

## FERIA IV. CINERUM.

*Ante Missam benedicuntur Cineres facti de ramis olivarum, sive aliarum arborum, præcedenti anno benedictis, hoc modo.*

*Finita Nona, Sacerdos indutus pluviâ violaceo, vel sine casula, cum ministris similiter indutis, procedit ad benedicendum cineres in vase aliquo super altare posito. Et primò cantatur à Choro sequens Antiphona. Psalmus 68.*

**E**Xaudi nos, Dómine, quóniam benígna est misericordia tua: & secundum multitudinem miserationum tuarum respice nos Dómine.

*Psal. ib.* Salvum me fac Deus: quóniam intravérunt aquæ usque ad animam meam.

Glória Patri.

*Repetitur.* Exaudi nos.

*Deinde Sacerdos in cornu Epistolæ, non vertens se ad populum, manibus junctis (quod servatur etiam in Orationibus omnium benedictionum quoad manus junctas) dicit:*

Dóminus vobíscum.

*R.* Et cum spíritu tuo.

Orémus. *Oratio.*

**O**Mnípotens sempitérne Deus, parce pœnitentibus, propitiâre supplicántibus: & mittere dignéris sanctum Angelum tuum de cœlis, qui benedícat, & sanctíficet hos cíneres, ut sint remedium salúbre ómnibus nomen sanctum tuum humíliter im-

plorántibus, ac semetípso, pro consciéntia delictórum suórum accusántibus, ante conspéctum divínæ cleméntiæ tuæ facínora sua deplorántibus, vel sereníssimam pietátem tuam suppliciter obnixéque flagitántibus: & præsta per invocatiónem sanctíssimi nóminis tui: ut quicumque per eos aspérsi fúerint, pro redemptione peccatórum suórum, corpóris sanitátem, & ánimæ tutelam percípiant. Per Christum Dóminum nostrum. *R.* Amen.

Orémus.

**D**Eus, qui non mortem, sed pœniténtiam desíderas peccatórum: fragilitátem conditionis humanæ benigníssimè respice: & hos cíneres, quos causa proferéndæ humilitátis, atque promeréndæ véniæ, capítibus nostris imponi decérnimus, benedícere pro tua pietáte dignáre: ut, qui nos cínerem esse, & ob pravitátis nostræ deméritum in púlverem reversúros cognóscimus: peccatórum ómnium véniam, & præmia pœniténtibus repromíssa, misericórditer cónsequi mereámur. Per Christum Dóminum nostrum. *R.* Amen.

Orémus.

**D**Eus, qui humiliatióne récteris, & satisfactiône placáris: aurem tuæ pietátis inclína précibus nostris: & capítibus servórum tuórum, horum cínerum aspersiône contactis, effúnde propítius grátiam tuæ benedictiόνis: ut eos & spíritu compunctiόνis repleas, & quæ justè postuláverint, effícaciter tríbuas; & concéssa perpétuò stabilita & intá-



intácta manére decérnas. Per Christum Dóminum nostrum  
R. Amen.

Orémus.

**O**Mnípotens sempitérne Deus, qui Ninivítis in cínere & cilício pœniténtibus, indulgéntiæ tuæ remédia præstitísti: concéde propítius; ut sic eos imitémur hábitu, quatenus véniaæ prosequámur obténtu. Per Dóminum.

¶ *Posteà Celebrans imposito incenso in thuribulo, ter aspergit Cineres aqua benediéta, dicendo Antiphonam. Aspérget. sine cantu, & sine Psalmo, & ter adolet incenso. Deinde dignior Sacerdos ex Clero accedens ad Altare, imponit Cinerem Celebranti non genuflexo. Si verò non adsit alius Sacerdos, ipsemet Celebrans, genibus flexis coram Altari sibi ipsi Cineres imponit in capite, nihil dicens: & cantatur statim à Choro Antiphon. Joél. 2.*

**I**mmutémur hábitu, in cinere & cilício: jejunémus & plorémus ante Dóminum: quia multùm miséricors est dimíttre peccáta nostra Deus noster.

*Alia Antiphon. Joél. 2. Inter vestibulum & Altáre plorábunt Sacerdótes minístri Dómini, & dicent: Parce Dómine, parce pópulo tuo: & ne claudas ora canéntium te Dómine.*

*Sequitur R. Joél. 2. Emendémus in mélius quæ ignoránter peccávimus; ne súbitò præoccupáti die mortis, quærámus spátium pœniténtiæ, & inveníre non possímus. Atténde Dómine, & miserére, quia peccávimus tibi.*

¶ *Psal. 78. Adjuva nos Deus salutáris noster, & propter ho-*

nórem nóminis tui Dómine líbera nos. Atténde Dómine: ¶ Glória Patri, & Fílio, & Spirítui sancto. Atténde Dómine.

¶ *Sacerdos verò, dum cantantur Antiphonæ, & Responsorium, detecto capite, primò imponit Cineres digniori Sacerdoti, à quo ipse accepit, deinde ministris paratis, genibus flexis coram Altari, dicens: Meménto homo, quia pulvis es, & in púlverem revertèris.*

*Posteà veniunt alii, primò Clerus per ordinem, deinde pópulus: & genibus flexis ante Altare singulatim recipiunt Cineres à Sacerdote, ut dictum est de Ministris. Completa Cinerum impositione, Sacerdos dicit: Dóminus vobíscum.*

Oratio.

**C**oncéde nobis Dómine, præsídia milítiaæ Christiánæ sanctis inchoáre jejúnis: ut contra spíritáles nequitias pugnatúri, continéntiæ muniámur auxiliis. Per Christum Dóminum nostrum R. Amen.

*Deinde dicitur Missa.*

*Statio ad sanctam Sabinam.*

*Introitus. Sap. 11.*

**M**iseréris ómnium Dómine, & nihil odísti eórum quæ fecísti: dissímulans peccáta hóminum propter pœniténtiam, & parcens illis: quia tu es Dóminus Deus noster.

*Psal. 56. Miserére mei Deus, miserére mei: quoniam in te confidit ánima mea.*

¶ Glória Patri.

Oratio.

**P**Ræsta Dómine fidélibus tuis: ut jejuniórum veneránda



randa sólemnia, & cóngtua pietáte fuscípiant, & secúra devotióne percúrrant. Per Dóminum.

¶ *Ab hac die usque ad Dominicam de Passione, post Orationem diei dicuntur duæ sequentes Orationes. Ad poscenda suffragia Sanctorum.*  
*Oratio.*

**A** Cunctis nos, quæsumus Dómine, mentis & corporis defénde perículis: & intercedénte beáta & gloriósa semper vírgine Dei genitríce María, cum beátis Apóstolis tuis Petro & Paulo, atque beáto N, & ómnibus Sanctis, salútem nobis tríbue benígnus, & pacem; ut destrúctis adversitatibus & erróribus univérſis, Ecclésia tua secúra tibi sérviat libertáte.

*Pro vivis & defunctis.*

*Oratio.*

**O** Mnípotens sempitérne Deus, qui vivórum domináris simul & mortuórum, omniumque miseréris, quos tuos fide & ópere futúros esse prænúscis: te súpplices exorá-mus; ut pro quibus effúndere preces decrévimus, quosque vel præsens sæculum adhuc in carne rétinet, vel futúrum jam exútos corpore fuscépit; intercedéntibus ómnibus Sanctis tuis, pietátis tuæ clemén-tia, ómnium delictórum suórum véniam consequántur. Per Dóminum.

*Lectio Joélis Prophætæ. Joel. 2.*

**H**Æc dicit Dóminus: Convertímini ad me in toto corde vestro, in jejúnio, & in fletu, & in planctu. Et scíndite corda vestra, & non vestimén-ta vestra, & convertímini ad Dóminum Deum vestrum: quia benignus & miséricors

est, pátiens, & multæ miseri-córdiæ, & præstábilis super malítia. Quis scit, si conver-tátur, & ignóscat, & relínquat post se benedictiónem, sacrificium, & libámen Dómino Deo vestro? Cánite tuba in Sion, sanctificáte jejúnium, vocáte cœtum, congregáte pópulum, sanctificáte Ecclé-siam, coadunáte senes, congregáte párvulos, & fugéntes úbera: egrediátur sponsus de cubíli suo, & sponsa de thála-mo suo. Inter vestíbulam & altáre plorábunt sacerdótes minístri Dómini, & dicent: Parce Dómine, parce pópulo tuo, & ne des hæreditátem tuam in oppróbrium, ut dominéntur eis nationes. Quare dicunt in pópulis: Ubi est Deus eórum? Zelátus est Dóminus terram suam, & pepér-cit pópulo suo. Et respóndit Dóminus, & dixit populo suo: Ecce ego mittam vobis fru-méntum, & vinum, & óleum, & replebímmini eis: & non dabo vos ultrà oppróbrium in Gén-tibus: dicit Dóminus omní-potens.

*Graduale. Psal. 56. Miserére mei Deus, miserére mei, quóniam in te confidit ánima mea. V. Misit de cœlo, & liberávit me: dedit in oppróbrium conculcántes me.*

*Tractus. Psal. 102. Dómine, non secúndum peccáta nostra, quæ fécimus nos: neque secúndum iniquitátes nostras retríbuas nobis.*

*V. Psal. 78. Dómine, ne memíneris iniquitátum nostrárum antiquárum: citò anticipent nos misericórdiæ tuæ, quia páuperes facti sumus nimis.*

*V. Hic genuflectitur. Adjuva nos*



nos Deus salutáris noster: & propter glóriam nóminis tui Dómine libera nos, & propítius esto peccátis nostris, propter nomen tuum.

¶ *Supradictus Tractus ab hac die dicitur Feria ii. iv. & vi. usque ad Fer. iv. majoris Hebdomadæ, nisi proprius assignetur.*

Sequéntia sancti Evangélíi secundum Matthæum.

*Matt. 6. b.*

**I**N illo témpore: Dixit Jesus discípulis suis: Cùm jejúnatis, nolíte fieri sicut hypócritæ, tristes. Extérminant enim fácies suas, ut appáreant homínibus jejúnantes. Amen dico vobis, quia recepérunt mercédem suam. Tu autem, cùm jejúnas, unge caput tuum, & faciém tuam lava, ne videáris homínibus jejúnans, sed Patri tuo, qui est in abscón-dito: & Pater tuus, qui videt in abscón-dito, reddet tibi. Nolíte thesaurizáre vobis thesáuros in terra: ubi ærúgo & tínea demolítur: & ubi fures effódiunt, & furántur. The-saurizáte autem vobis thesáu-ros in cœlo, ubi neque ærú-go, neque tínea demolítur, & ubi fures non effódiunt, nec fu-rántur. Ubi enim est thesáu-rus tuus, ibi est & cor tuum.

*Offertorium. Psal. 29. Exal-tábo te Dómine, quóniam suscepísti me, nec delectásti inimícos meos super me: Dó-mine clamávi ad te, & sanásti me.*

*Secreta.*

**F**Ac nos, quæsumus Dó-mine, his munéribus of-feréndis conveniénter aptári: quibus ipsíus venerábilis Sa-

craménti celebrámus exórdi-um. Per Dóminum.

*Aliæ Secretæ usque ad Domini-  
cam Passionis.*

**E**Xáudi nos Deus salutáris noster: ut per hujus sa-craménti virtútem, à cunctis nos mentis & córporis hóstibus tueáris, grátiam tríbuens in præsénti, & glóriam in futúro.

**D**Eus, cui soli cógnitus est númerus electórum in supérna felicitáte locándus: tríbue quæsumus; ut interce-déntibus ómnibus Sanctis tuis, universórum, quos in orati-óne còmmendátos suscepimus, & ómnium fidélium nómina, beátæ prædestinatiónis liber adscrípta retíneat. Per Dó-minum.

*Præfatio. Qui corporáli je-júnio. Et dicitur quotidie usque ad Dominicam Passionis, etiam in Festis, si in eis propria non habeatur.*

*Communio. Psal. 1. Qui me-ditábitur in lege Dómini die ac nocte, dabit fructum suum in témpore suo.*

*Postcommunio.*

**P**ercépta nobis, Dómine, præbeant sacraménta sub-sídium: ut tibi grata sint nostra jejúnia, & nobis próficient ad medélam. Per Dóminum.

*Aliæ Postcommuniones.*

**M**Undet & múniat nos, quæsumus Dómine, di-víni sacraménti munus oblá-tum: & intercedente beáta vírgine Dei genitríce María, cum beátis Apóstolis tuis Pe-tro & Paulo, atque beáto N. & ómnibus Sanctis; à cunctis nos reddat & perversitatibus expiátos, & adversitatibus ex-peditos.

H

Purí-



**P**Uríficent nos, quæsumus  
omnípotens & miséricors  
Deus, Sacraménta, quæ sump-  
psimus : & intercedéntibus  
ómnibus Sanctis tuis, præsta :  
ut hoc tuum sacraméntum non  
sit nobis reátus ad pœnam,  
sed intercêssio salutáris ad vé-  
niam : sit ablútio scélerum, sit  
fortitúdo fragílium, sit contra  
ómnia mundi perícula firma-  
méntum : sit vivórum, atque  
mortuórum fidélium remíssio  
ómnium delictórum. Per Dó-  
minum.

*Deinde Sacerdos absolutè di-  
cit : Orémus. Et Diaconus (si  
in officio Diaconus serviat) versus  
ad populum junctis manibus dicit :  
Humiliáte cápita vestra Deo,  
Alioquin ipse Sacerdos, stans in  
eodem loco ante librum, & non  
vertens se ad populum. Oratio.*

**I**Nclinántes se, Dómine, ma-  
jestàti tuæ, propitiátus in-  
ténde : ut qui divíno múnere  
sunt refécti, cœléstibus sem-  
per nutriántur auxiliis. Per  
Dóminum nostrum.

*Et hic modus dicendi Orationem  
super populum servatur tantum-  
modò in Missis de Feria, usque ad  
quartam Feriam majoris Heb-  
domadæ.*

*Deinde Benedicámus Dómi-  
no. R. Deo grátias.*

## FERIA QUINTA.

*Statio ad sanctum Georgium.*

*Introitus. Psal. 54.*

**D**Um clamárem ad Dómi-  
num, exaudivit vocem  
meam ab his, qui appropín-  
quant mihi : & humiliávit eos,  
qui est ante sæcula, & manet in  
ætérrnum : jacta cogitátum tu-  
um in Dómino, & ipse te  
enútriet.

*Psal. ibid. Exáudi Deus  
oratióem meam, & ne des-  
péxeris deprecationem meam :  
inténde, mihi, & exáudi me.*

*v. Glória Patri. Oratio.*

**D**Eus, qui culpa offénde-  
ris, pœniténtia placáris :  
preces pópuli tui supplicántis  
propítius réspice : & flagélla  
tuæ iracúndiæ, quæ pro pec-  
cátis nostris merémur, avérte.  
Per Dóminum.

*Aliæ Orationes, ut suprà in  
Feria quarta Cinerum. fol. 56.*

Léctio Isaíæ Prophétæ.

*Isaia 28.*

**I**N diébus illis : Ægrotávit  
Ezechías usque ad mortem,  
& introívit ad eum Isaías filius  
Amos Prophéta, & dixit ei :  
Hæc dicit Dóminus : Dispóne  
dómuí tuæ, quia moriérís tu, &  
non vives. Et convértit Eze-  
chías fáciem suam ad parie-  
tem, & orávit ad Dóminum, &  
dixit : Obsecro Dómine, me-  
ménto, quæso, quómodo am-  
buláverim coram te in veritá-  
te, & in corde perfécto, & quod  
bonum est in óculis tuis féce-  
rim. Et flevit Ezechías fletu  
magno. Et factum est verbum  
Dómini ad Isaíam, dicens : Va-  
de, & dic Ezechíæ : Hæc dicit  
Dóminus Deus David patris  
tui : Audívi oratióem tuam,  
& vidi lácrymas tuas : ecce ego  
adjíciam super dies tuos quín-  
decim annos : & de manu regis  
Assyriórum éruam te, & civi-  
tátem istam, & prótegam eam,  
ait Dóminus omnípotens.

*Graduale. Psal. 54. Jacta co-  
gitátum tuum in Dómino, &  
ipse te enútriet. v. Dum cla-  
márem ad Dóminum, exau-  
divit vocem meam ab his, qui  
appropínquant mihi.*



Sequētia sancti Evangēlii secūndum Matthæum.

*Matth. 8.*

**I**N illo tēpore : Cū in-  
troisset Iesus Capharnaum,  
accessit ad eum Centurio, ro-  
gans eum, & dicens : Dōmi-  
ne puer meus jacet in domo  
paralyticus, & malè torqué-  
tur. Et ait illi Iesus : Ego vé-  
niam, & curābo eum. Et re-  
spōndens Centurio, ait : Dō-  
mine non sum dignus ut intres  
sub tectum meum : sed tantūm  
dic verbo : & sanābitur puer  
meus. Nam & ego homo sum  
sub potestate constitutus, ha-  
bens sub me milites, & dico  
huic : Vade, & vadit : & alii,  
Veni, & venit : & servo meo,  
Fac hoc, & facit. Audiens au-  
tem Iesus mirātus est, & se-  
quētibz se, dixit : Amen dico  
vobis, non invēni tantam fidem  
in Israēl. Dico autem vobis,  
quod multi ab Oriēte & Oc-  
cidēte venient, & recumbent  
cum Abraham, & Isaac, & Ja-  
cob in regno cœlōrum : filii au-  
tem regni ejiciētur in tēne-  
bras exteriōres : ibi erit fletus,  
& stridor dēntium. Et dixit Je-  
sus Centurioni : Vade, & sic-  
ut credidisti, fiat tibi. Et sanā-  
tus est puer in illa hora.

*Offertorium. Psalm. 24.* Ad te  
Dōmine levāvi ānimam me-  
am : Deus meus in te confido,  
non erubescam : neque irrīde-  
ant me inimīci mei : etenim u-  
nivērsi, qui te expēctant, non  
confundētur.

*Secreta.*

**S**Acrificiis præsētibz, Dō-  
mine quæsumus, intēde  
placātus : ut & devotiōni no-  
stræ proficiant, & salutī. Per  
Dōminum.

*Alia Secretæ ut in Fer. iv.  
Cinerum. fol. 57.*

*Communio. Ps. 50.* Acceptā-  
bis sacrificium justitiæ, obla-  
tiones, & holocāusta, super al-  
tāre tuum Dōmine.

*Postcommunio.*

**C**Œlētis doni benediētio-  
ne percēpta, sūpplices te  
Deus omnīpotens deprecā-  
mur : ut hoc idem nobis & sa-  
cramēti causa sit & salutis.  
Per Dōminum.

*Aliæ Postcomm. ut in Fer. iv.  
Cinerum. fol. 57.*

*Super populum.* Orémus.  
Humiliāte cāpita vestra Deo.

*Oratio.*

**P**ARCE Dōmine, parce pō-  
pulo tuo : ut dignis flagel-  
lātiōnibz castigātus, in tua  
miseratiōne respīret. Per Dō-  
minum.

## FERIA SEXTA.

*Statio ad SS. Joannem & Pau-  
lum. Introitus. Psalm. 29.*

**A**UDĪvit Dōminus, & mi-  
sértus est mihi : Dōmi-  
nus factus est adjutor meus.

*Psalm. ibid.* Exaltābo te Dō-  
mine, quoniam suscepisti me,  
nec delectāsti inimicos meos  
super me.

*v. Glória Patri. Oratio.*

**I**Nchoāta jejūnia, quæsumus  
Dōmine, benigno favōre  
profēquere : ut observāntiam,  
quam corporāliter exhibēmus,  
mētibus etiā sinceris exer-  
cere valeāmus. Per Dōminum  
nostrum.

*Aliæ Orationes ut in Fer. iv.  
Cinerum. fol. 56.*

*Lectio Isaïæ Prophætæ. Is. 58.*

**H**Æc dicit Dōminus Deus :  
Clama, ne cesses : quasi  
tuba exalta vocem tuam, &



annúntia pópulo meo scélera eórum, & dómui Jacob peccáta eórum. Me étenim de die in diem quærunt, & scire vias meas volunt, quasi gens quæ justítiam fécerit, & judícium Dei sui non derelíquerit: rogant me judícia justítiae, appropinquáre Deo volunt. Quare jejunávimus, & non aspexisti? humiliávimus ánimas nostras, & nescísti? Ecce in die jejúnii vestri invenítur volúntas vestra, & omnes debitóres vestros repétitis. Ecce ad lites & contentiónes jejunátis, & percútitis pugno impiè. Nolíte jejunáre sicut usque ad hanc diem, ut audiátur in excélso clamor vester. Numquid tale est jejúnium, quod elégi, per diem affligere hóminem ánimam suam? Numquid contorquere, quasi círculum caput suum, & saccum & cínerem stérnere? Numquid istud vocábis jejúnium, & diem acceptábilem Dómino? Nónne hoc est magis jejúnium, quod elégi? Dissólve colligatiónes impietátis, solve fascículos depri-méntes: dimítte eos, qui confrácti sunt, líberos, & omne onus dirúmpe. Frange esuriénti panem tuum, & egénos vagósque induc in domum tuam: cùm videris nudum, óperi eum, & carnem tuam ne despéxeris. Tunc erúmpet quasi manè lumen tuum, & sánitas tua cítiùs oriétur, & anteíbit fáciem tuam justítia tua, & glória Dómini cólliget te. Tunc invocábis, & Dóminus exáudiet: clamábis, & dicet: Ecce adsum. Quia miséricors sum, Dóminus Deus tuus.

*Graduale. Ps. 26.* Unam pétii à Dómino, hanc requíram, ut

inhábitem in domo Dómini. *Ps. 78.* Dómine, ne memíneris iniquitátum nostrárum antiquárum: citò antícipent nos miséricórdiae tuæ, quia páuperes facti sumus nimis. *Ps. 78.* Dómine, ne memíneris iniquitátum nostrárum antiquárum: citò antícipent nos miséricórdiae tuæ, quia páuperes facti sumus nimis. *Ps. 78.* Dómine, ne memíneris iniquitátum nostrárum antiquárum: citò antícipent nos miséricórdiae tuæ, quia páuperes facti sumus nimis.

*Tractus. Psal. 102.* Dómine, non secúndum peccáta nostra, quæ fécimus nos: neque secúndum iniquitátes nostras retribuas nobis. *Ps. 78.* Dómine, ne memíneris iniquitátum nostrárum antiquárum: citò antícipent nos miséricórdiae tuæ, quia páuperes facti sumus nimis. *Ps. 78.* Dómine, ne memíneris iniquitátum nostrárum antiquárum: citò antícipent nos miséricórdiae tuæ, quia páuperes facti sumus nimis. *Ps. 78.* Dómine, ne memíneris iniquitátum nostrárum antiquárum: citò antícipent nos miséricórdiae tuæ, quia páuperes facti sumus nimis.

Sequéntia sancti Evangélíi secúndum Matthæum.

*Matth. 5. 8.*

**I**N illo témpore: Dixit Jesus discíplis suis: Audístis, quia dictum est: Díliges próximum tuum, & ódio habébis inimícum tuum. Ego autem dico vobis: Dilígite inimícos vestros, benefácite his, qui odérunt vos, & oráte pro persequéntibus, & calumniántibus vos: ut sitis filii Patris vestri, qui in cœlis est, qui solem suum oríri facit super bonos & malos, & pluit super justos & injústos. Si enim dilígitis eos, qui vos díligunt, quam mercédem habébitis? nónne & publicáni hoc faciunt? Et si salutavéritis fratres vestros tantum, quid ámplius fácitis? nónne & éthnici hoc faciunt? Estóte ergo vos perfécti, sicut & Pater vester cœléstis perféctus est. Atténdite ne justítiam vestram faciátis coram homínibus, ut videámini ab eis: alió-



alióquin mercédem non habé-  
bitis apud Patrem vestrum,  
qui in cœlis est. Cùm ergo fa-  
cis eleemósynam, nòli tuba cá-  
nere ante te, sicut hypócritæ  
fáciunt in synagógis, & in vi-  
cis, ut honorificéntur ab ho-  
mínibus. Amen dico vobis, re-  
cepérunt mercédem suam. Te  
autem faciente eleemósynam,  
nesciat finístra tua quid fáciat  
dextera tua: ut sit eleemósy-  
na tua in abscondito, & Pater  
tuus, qui videt in abscondito,  
reddet tibi.

*Offertorium. Psal. 118.* Dó-  
mine, vivifica me secúndum  
elóquium tuum: ut sciam te-  
stimónia tua. *Secreta.*

**S**acrificium, Dómine, ob-  
servántiæ quadragesimális,  
quod offérimus: præsta quæsu-  
mus; ut tibi & mentes nostras  
reddat accéptas, & continén-  
tiæ promptiórís nobis tríbuat  
facultátem. Per Dóminum.

*Aliæ Secretæ ut in Feria iv.*  
*Cinerum. fol. 57.*

*Communio. Psal. 2.* Servíte  
Dómino in timóre, & exultá-  
te ei cum tremóre: apprehén-  
dite disciplínam, ne pereátis  
de via iusta.

*Postcommunio.*

**S**píritum nobis, Dómine,  
tuæ charitátis infúnde: ut,  
quos uno pane cœlésti satiásti,  
tua facias pietáte concórdes.  
Per Dóminum, in unitáte ejús-  
dem Spíritus sancti Deus.

*Aliæ Postcomm. ut in Feria*  
*iv. Cinerum. fol. 57.*

*Super populum.* Orémus.  
Humiliáte cápita vestra Deo.

*Oratio.*

**T**uére Dómine pópulum  
tuum, & ab ómnibus pec-  
catis cleménter emúnda: quia  
nulla ei nocébit advérfitas, si

nulla ei dominétur iníquitas.  
Per Dóminum.

S A B B A T O.

*Statio ad S. Tryphonem.*

*Introitus. Psal. 9.*

**A**udívit Dóminus, & mi-  
sértus est mihi: Dómi-  
nus tactus est adjutor meus.

*Psal. ibid.* Exaltábo te Dó-  
mine, quóniam suscepísti me,  
nec delectásti inimícos meos  
super me. *v. Glória Patri.*

*Oratio.*

**A**désto Dómine supplica-  
tiónibus nostris, & con-  
céde: ut hoc solémne jejúnium,  
quod animábus corporibúf-  
que curándis salúbriter insti-  
tutum est, devóto servítio ce-  
lebrémus. Per Dóminum.

*Aliæ Orationes ut in Feria iv.*  
*Cinerum. fol. 56.*

Léctio Isaíæ Prophétæ.

*Isaíæ 58. c.*

**H**æc dicit Dóminus Deus:  
Si abstúleris de médio  
tui caténam, & desíeris extén-  
dere dígitum, & loqui quod  
non prodest. Cùm effúderis  
esuriénti ánimam tuam, &  
ánimam afflíctam repléveris,  
oriétur in ténebris lux tua, &  
ténebræ tuæ erunt sicut merí-  
dies. Et réquiem tibi dabit  
Dóminus semper, & implébit  
splendoribus ánimam tuam,  
& ossa tua liberábit, & eris  
quasi hortus irríguus, & sicut  
fons aquárum, cujus non defi-  
cient aquæ. Et ædificabúntur  
in te desérta sæculórum: fun-  
daménta generatiónis & gene-  
ratiónis suscitábis: & vocábe-  
ris ædificátor sépium, avér-  
tens sémitas in quiétem Si.  
avér-



avérteris à sabbato pedem tuum, facere voluntatem tuam in die sancto meo, & vocaveris sabbatum delicatum, & sanctum Dómini gloriósum, & glorificáveris eum, dum non facis vias tuas, & non invenitur voluntas tua, ut loquáris sermónem. Tunc delectáberis super Dómino, & sustól-lam te super altitú-dines terræ, & cibábo de hæreditáte Jacob patris tui. Os enim Dómini locútum est.

*Graduale. Psal. 26.* Unam pétii à Dómino, hanc requíram, ut inhabitem in domo Dómini.

ŷ. Ut vídeam voluptátem Dómini: & prótegar à templo sancto ejus.

Sequéntia sancti Evangélíi secúndum Marcum.

*Marc. 6. f.*

**I**N illo témpore: Cúm serò esset, erat navis in médio mari, & Jesus solus in terra. Et videns discípulos suos laborántes in remigándo, (erat enim ventus contrárius eis) & circa quartam vigíliam noctis venit ad eos ámbulans supra mare: & volébat præteríre eos. At illi ut vidérunt eum ambulántem supra mare, putavérunt phantásma esse, & exclamavérunt. Omnes enim vidérunt eum, & conturbáti sunt. Et statim locútus est cum eis, & dixit eis: Confidite, ego sum, nolíte timére. Et ascéndit ad illos in navim, & cessávit ventus. Et plus magis intra se stupébant: non enim intellexérunt de pá-nibus: erat enim cor eórum ob-cæcátum. Et cúm transfre-tássent, venérunt in terram Genésáreth: & applicuérunt.

Cúmque egréssi essent de navi, continuò cognovérunt eum: & percurréntes univér-sam regiónem illam, coepérunt in grabátis eos, qui se malè habébant, circumferre ubi audiébant eum esse. Et quocúmque introibat, in vicos, vel in villas, aut civitates, in platéis ponébant infirmos, & deprecabántur eum, ut vel fimbriam vestiménti ejus tangerent: & quotquot tangébant eum, salvi fiébant.

*Offertorium. Psal. 118.* Dómine, vivífica me secúndum elóquium tuum: ut sciam testimónia tua. *Secreta.*

**S**Uscipe Dómine sacrificium, cujus te voluísti dignánter immolatióne placári: præsta quæsumus; ut hujus operatióne mundáti, beneplácitum tibi nostræ mentis offerámus efféctum. Per Dóminum.

*Aliæ Secretæ ut in Feria quarta Cinerum. fol. 57.*

*Communio. Psal. 2.* Servíte Dómino in timóre, & exultáte ei cum tremóre: apprehéndite disciplínam, ne pereátis de via jústa. *Postcommunio.*

**C**ELÉSTIS vitæ múnere vegetáti, quæsumus Dómine: ut quod est nobis in præ-sénti vita mystérium, fiat æternitátis auxílium. Per Dóminum.

*Aliæ Postcomm. ut in Feria quarta Cinerum. fol. 57.*

*Super populum.* Oremus. Humiliáte cápita vestra Deo.

*Oratio.*

**F**Idéles tui, Deus, per tua dona firméntur: ut éadem & percipiéndò requírant, & quæréndò sine fine percípiant. Per Dóminum.

DO-



## DOMINICA I. IN QUADRAGESIMA.

*Statio ad S. Joannem in Laterano.**Introitus. Psal. 90.*

**I**Nvocabit me, & ego exaudiam eum: eripiam eum, & glorificabo eum: longitudine dierum adimplébo eum.

*Psal. ibid.* Qui hábitat in adiutorio Altissimi: in protectione Dei cœli commorabitur.

℣. Glória Patri.

*Oratio.*

**D**Eus, qui Ecclesiam tuam ánnua quadragesimali observatione purificas: præsta familiæ tuæ; ut quod à te obtinere abstinendo nítitur, hoc bonis opéribus exequatur. Per Dóminum.

*Aliæ Orationes ut in Feria quarta Cinerum. fol. 56.*

Lectio Epístolæ beáti Pauli Apóstoli ad Corínthios.

2. Cor. 6.

**F**Ratres, Hortámur vos, ne in vácuum grátiam Dei recipiátis. Aitenim: Tém-pore accépto exaudívi te, & in die salútis adjúvi te. Ecce nunc tempus acceptábile, ecce nunc dies salútis. Némini dantes ullam offensiónem, ut non vituperétur ministérium nostrum: sed in ómnibus exhibeámus nosmetipsos sicut Dei ministros, in multa paciéntia, in tribulatió-nibus, in necessitatibus, in angúst-iis, in plagis, in cárceribus, in seditió-nibus, in labóribus, in vigíliis, in jejúniis, in castitate, in sciéntia, in longanimitate, in suavitate, in Spíritu sancto, in charitate non ficta, in verbo veritátis, in virtúte Dei, per arma justitiæ à dextris, & à sinístris,

per glóriam, & ignobilitátem. per infámiam, & bonam famam: ut seductóres, & veraces, sicut qui ignóti, & cónniti: quasi moriéntes, & ecce vívimus: ut castigáti, & non mortificáti: quasi tristes, semper autem gaudentes: sicut egéntes, multos autem locupletántes: tamquam nihil habentes, & ómnia possidéntes.

*Graduale. Psal. 90.* Angelis suis Deus mandávit de te, ut custódiant te in ómnibus viis tuis. ℣. In mánibus portábunt te, ne umquam offéndas ad lápidem pedem tuum.

*Tractus ibid.* Qui hábitat in adiutorio Altissimi, in protectione Dei cœli commorabitur.

℣. Dicit Dómino: Suscéptor meus es tu, & refúgium meum, Deus meus, sperábo in eum. ℣. Quóniam ipse liberávit me de láqueo venántium, & à verbo áspero. ℣. Scápulis suis obumbrábit tibi, & sub pennis ejus sperábis. ℣. Scuto circúndabit te veritas ejus: non timébis à timóre noctúrno. ℣. A sagítta volánte per diem, à negótio perambulánte in ténebris, à ruína & dæmónio meridiáno. ℣. Cadent à látere tuo mille: & decem míllia à dextris tuis: tibi autem non appropinquábit. ℣. Quóniam Angelis suis mandávit de te, ut custódiant te in ómnibus viis tuis. ℣. In mánibus portábunt te, ne umquam offéndas ad lápidem pedem tuum. ℣. Super áspidem, & basilíscum ambulábis, & conculcábis leónem & dracónem. ℣. Quóniam in me sperávit, liberábo eum: prótegam eum, quóniam cognóvit nomen meum. ℣. Invocábit me, & ego



ego exáudiam eum, cum ipso sum in tribulatióne.

v. Erípiam eum, & glori-  
ficábo eum: longitúdine dié-  
rum adimplébo eum, & ostén-  
dam illi salutáre meum.

Sequéntia sancti Evangélíi se-  
cúndum Matthæum.

*Matth. 4.*

**I**N illo témpore: Ductus  
est Jesus in désertum à Spí-  
ritu, ut tentarétur à diábo-  
lo. Et cùm jejunáffet quadra-  
gínta diébus & quadragínta  
nóctibus, póstea esúriit. Et  
accédens tentátor, dixit ei: Si  
Fílius Dei es, dic ut lápidés isti  
panes fiant. Qui respóndens,  
dixit: Scriptum est: Non in so-  
lo pane vivit homo: sed in om-  
ni verbo, quod procedit de ore  
Dei. Tunc asúmpsit eum diá-  
bolus in sanctam civitátem, &  
státuit eum super pinnáculum  
templi, & dixit ei: Si Fílius Dei  
es, mitte te deórsum. Scriptum  
est enim: Quia Angelis suis  
mandávit de te, & in mánibus  
tollent te, ne fortè offéndas ad  
lápidem pedem tuam. Ait illi  
Jesus: Rursum scriptum est:  
Non tentábis Dóminum De-  
um tuum. Iterùm asúmpsit  
eum diábolus in montem ex-  
célsum valdè: & osténdit ei  
ómnia regna mundi, & gló-  
riam eórum, & dixit ei: Hæc  
ómnia tibi dabo, si cadens ado-  
ráveris me. Tunc dicit ei Je-  
sus: Vade Sátana: Scriptum  
est enim: Dóminum Deum  
tuum adorábis, & illi soli sér-  
vies. Tunc relíquit eum diá-  
bolus: & ecce Angeli acces-  
sérunt, & ministrábant ei.  
Credo.

*Offertorium. Ps. 90.* Scápu-  
lis suis obumbrábit tibi Dómi-

nus, & sub pennis ejus sperá-  
bis: scuto circúmdabit te vé-  
ritas ejus.

*Secreta.*

**S**Acrificium quadragesimá-  
lis inítií solémniter immo-  
lámus, te Dómine deprecán-  
tes: ut cum epulárum restri-  
ctióne carnálium à noxiis  
quoque voluptátibus temperé-  
mus. Per Dóminum.

*Aliæ Secretæ ut in Feria iv.*  
*Cinerum, fol. 57.*

*Communio. Ps. ibid.* Scápulís  
suis obumbrábit tibi Dóminus,  
& sub pennis ejus sperábis:  
scuto circúmdabit te véritas  
ejus.

*Postcommunio.*

**T**Ui nos, Dómine, sacra-  
ménti libatio sancta re-  
stáuret: & à vetustáte purgá-  
tos, in mystérii salutáris fá-  
ciat transíre consórtium. Per  
Dóminum.

*Aliæ Postcommuniones ut in*  
*Feria iv. Cinerum. fol. 57.*

## FERIA SECUNDA.

*Statio ad S. Petrum ad Vincula.*

*Introitus. Psal. 122.*

**S**icut óculi fervórum in  
mánibus dominórum suó-  
rum: ita óculi nostri ad Dó-  
minum Deum nostrum, do-  
nec misereátur nobis: mise-  
rére nobis Dómine, misere-  
re nobis.

*Psal. ibid.* Ad te levávi ócu-  
los meos: qui hábitas in cœlis.

v. Glória Patri.

*Oratio.*

**C**Onvérte nos Deus salu-  
táris noster: & ut no-  
bis jejúnium Quadragesimále  
proficiat, mentes nostras cœ-  
léstibus ínstrue disciplínis. Per  
Dóminum.

*Aliæ Orationes ut in Feria iv.*  
*Cinerum. fol. 56.*



Lectio Ezechiélis Prophétæ.

*Ezech. 34. c.*

**H**æc dicit Dóminus Deus: Ecce ego ipse requíram oves meas, & visitábo eas. Sicut vísitat pastor gregem suum in die, quando fúerit in médio óvium suárum dissipátarum: sic visitábo oves meas, & liberábo eas de ómnibus locis, in quibus dispérsæ fúerant in die nubis & caliginis. Et edúcam eas de pópulis, & congregábo eas de terris, & indúcam eas in terram suam: & pascam eas in móntibus Israël, in rivis, & in cunctis fédibus terræ. In páscuis ubérrimis pascam eas, & in móntibus excélsis Israël erunt páscua eárum: ibi requiescent in herbis viréntibus, & in páscuis pín-guibus pascéntur super montes Israël. Ego pascam oves meas: & ego eas accubáre fáciam, dicit Dóminus Deus. Quod perierat, requíram: & quod ab-jéctum erat, redúcam; & quod confráctum fúerat, alligábo; & quod infirmum fúerat, consolídábo; & quod pingue & forte, custódiam: & pascam illas in judício, dicit Dóminus omnípotens.

*Graduale, Psal. 83.* Protéctor noster áspice Deus, & respice super fervos tuos.

*℣.* Dómine Deus virtútum, exáudi preces fervórum tuórum.

*Tractus, Psal. 102.* Dómine, non secúndum peccáta nostra, quæ fecimus nos: neque secúndum iniquitates nostras retríbuas nobis. *℣. Ps. 78.* Dómine, ne memíneris iniquitátum nostrárum antiquárum: citò anticipent nos misericórdiæ tuæ,

quia páuperes facti sumus nimis.

*℣. Hic genuflectitur.* Adjuva nos Deus salutáris noster: & propter glóriam nóminis tui Dómine líbera nos: & propítius esto peccátis nostris, propter nomen tuum.

Sequéntia sancti Evangélii secúndum Matthæum.

*Matth. 25. c.*

**I**n illo témpore: Dixit Jesus discípulis suis: Cúm vénerit Fílius hóminis in majestáte sua, & omnes Angeli cum eo, tunc sedébit super sedem majestátis suæ: & congregabúntur ante eum omnes Gentes, & separábit eos ab ínvicem, sicut pastor ségregat oves ab hœdis: & státuet oves quidem à dextris suis, hœdos autem à sinístris. Tunc dicet Rex his, qui à dextris ejus erunt: Veníte benedícti Patris mei, possidéte parátum vobis regnum à constitutióne mundi. Esurívi enim, & dedístis mihi manducáre: sitívi, & dedístis mihi bíbere: hospes eram, & collegístis me: nudus, & cooperuístis me: infirmus, & visitástis me: in cárcere eram, & venístis ad me. Tunc respondébunt ei justí, dicéntes: Dómine, quando te vidímus esuriéntem, & pávimus te: sitiéntem, & dedimus tibi potum? Quando autem te vidímus hóspitem, & collégimus te: aut nudum, & cooperuimus te? Aut quando te vidímus infirmum, aut in cárcere, & vénimus ad te? Et respóndens Rex, dicit illis: Amen dico vobis, quámdiu fecístis uni ex his frátribus meis mínimis, mihi fecístis. Tunc dicet & his, qui à sinístris erunt: Discedite à me maledícti



cti in ignem ætérnum, qui parátus est diábolo, & ángelis ejus. Esurívi enim, & non dedístis mihi mandúcáre: sitívi, & non dedístis mihi potum: hospes eram, & non collegístis me: nudus, & non cooperuístis me: infirmus, & in cárcere, & non vísitástis me. Tunc rêspondébunt ei & ipsi, dicéntes: Dómine, quando te vídimus esuriéntem, aut sitiéntem, aut hóspitem, aut nudum, aut infirmum, aut in cárcere, & non ministrávimus tibi? Tunc rêspondébit illis, dicens: Amen dico vobis, quámdu non fecístis uni de minóribus his, nec mihi fecístis. Et ibunt hi in supplícium ætérnum: justí autem in vitam ætérnam.

*Offertorium. Ps. 118.* Levábo óculos meos, & considerábo mirabília tua Dómine, ut dóceas me justítias tuas: da mihi intelléctum, & discam mandáta tua.

*Secreta.*

**M**Unera tibi Dómine obláta sanctífica: nosque à peccatórum nostrórum máculis emúnda. Per Dóminum.

*Aliæ Secretæ ut in Feria iv. Cinerum. fol. 57.*

*Communio. Matth. 25.* Amen dico vobis: quod uni ex mínimis meis fecístis, mihi fecístis: veníte benedícti Patris mei, possidéte parátum vobis regnum ab inítio sæculi.

*Postcommunio.*

**S**alutáris tui Dómine, múnere satiáti, súpplíces exorámus: ut cujus lætámur gustu, renovémur efféctu. Per Dóminum.

*Aliæ Postcomm. ut in Feria iv. Cinerum. 57.*

*Super populum. Orémus.* Humiliáte cápita vestra Deo.

*Oratio.*

**A**bsólve quæsumus Dómine, nostrórum víncula peccatórum: & quidquid pro eis merémur, propitiátus averte. Per Dóminum.

## FERIA TERTIA.

*Statio ad S. Anastasiam.*

*Introitus.*

*Psalm. 89.*

**D**omine, refúgium factus es nobis à generatióne & progénie: à sæculo, & in sæculum tu es.

*Psalm. ibid.* Priúsqvam montes fierent, aut formarétur terra & orbis: à sæculo & usque in sæculum tu es Deus.

*v. Glória Patri.*

*Oratio.*

**R**espice Dómine famíliam tuam, & præsta: ut apud te mens nostra tuo desidério fúlgeat, quæ se carnis maceratióne castígat. Per Dóminum.

*Aliæ Orationes ut in Feria iv. Cinerum. fol. 56.*

*Léctio Isaíæ Prophétæ.*

*Is. 55. b.*

**I**n diébus illis: Locútus est Isaías Prophéta, dicens: Quærite Dóminum, dum inveníri potest: invocáte eum, dum propè est. Derelínquat impius viam suam, & vir iníquus cogitatiónes suas, & revertátur ad Dóminum, & miserébitur ejus, & ad Deum nostrum: quóniam multus est ad ignoscéndum. Non enim cogitatiónes meæ, cogitatiónes vestræ: neque viæ vestræ, viæ meæ, dicit Dóminus. Quia sicut exaltántur cœli à terra, sic exaltátæ sunt viæ meæ à viis vestris, & cogitatiónes meæ à cogitatióibus vestris. Et quómodo descéndit imber, & nix de cœlo, & illuc



illuc ultrà non revértitur, sed inébriat terram, & infúndit eam, & germináre eam facit, & dat semen ferénti, & panem comedénti: Sic erit verbum meum, quod egrediétur de ore meo: non revertétur ad me vácuum, sed fáciat quæcúmque vólui, & prosperábitur in his, ad quæ misi illud: ait Dóminus omnípotens.

*Graduale. Psal. 140.* Dirigátur orátio mea, sicut incénsum in conspéctu tuo, Dómine.

✠. Elevátio mánuum meárum, sacrificium vespertínum.

Sequéntia sancti Evangélíi secúndum Matthæum.

*Matth. 21. b.*

**I**N illo témpore: Cùm intráset Jesus Jerosólymam, commóta est univérſa civitas, dicens: Quis est hic? Pópuli autem dicébant: Hic est Jesus Prophéta à Názareth Galilææ. Et intrávit Jesus in templum Dei, & ejiciébat omnes vendéntes, & eméntes in templo, & mensas numulariórum, & cáthedras vendéntium colúmbas evértit, & dicit eis: Scriptum est: Domus mea domus oratiónis vocábitur; vos autem fecístis illam spelún- cam latrónum. Et accessérunt ad eum cæci, & claudi in templo, & sanávit eos. Vidéntes autem Príncipes sacerdotum, & Scribæ mirabília, quæ fecit, & púeros clamántes in templo, & dicéntes: Hosánna filio David: indignáti sunt, & dixerunt ei: Audis quid isti dicunt? Jesus autem dixit eis: Utique. Numquam legístis: Quia ex ore infántium & lacténtium per-

fecísti laudem? Et relíctis illis, ábiit foras extra civitátem in Bethániam: ibíque mansit.

*Offertorium. Psalm. 30.* In te sperávi Dómine: dixi: Tu es Deus meus, in mánibus tuis témpora mea.

*Secreta.*

**O**Blátis, quæsumus Dómine, placáre munéribus: & à cunctis nos defénde perículis. Per Dóminum.

*Aliæ Secretæ ut in Feria iv. Cinerum. fol. 57.*

*Communio. Ps. 4.* Cùm invocárem te, exaudísti me, Deus justítiæ meæ: in tribulatióne dilatásti me: miserére mihi Dómine, & exáudi oratiónem meam. *Postcommunio.*

**Q**Uæsumus omnípotens Deus: ut illíus salutáris capiámus efféctum, cujus per hæc mystéria pignus accépi- mus. Per Dóminum.

*Aliæ Postcommuniones ut in Feria iv. Cinerum. fol. 57.*

*Super populum. Orémus.* Humiliáte cápita vestra Deo.

*Oratio.*

**A**Scéndant ad te, Dómine, preces nostræ: & ab Ecclesia tua cunctam repélle nequítiam. Per Dóminum.

## FERIA IV. QUATUOR TEMP. QUADRAG.

*Statio ad S. Mariam majorem.*

*Introitus. Psalm. 24.*

**R**Eminíscere miseratió- num tuárum Dómine, & misericórdiæ tuæ, quæ à sæculo sunt, ne umquam dominéntur nobis inimíci nostri: líbera nos Deus Israél ex ómnibus angústíis nostris.

*Psal. ibid.* Ad te Dómine levávi ánimam meam: Deus meus



meus in te confido, non erubescam. *℣.* Glória Patri.

*Post Kyrie eleison. Dicitur,*  
Orémus. Flectámus gēnua.  
*℟.* Leváte. *Oratio.*

**P**Reces nostras, quæsumus  
Dómine, clemēter ex-  
audi: & contra cuncta nobis  
adversántia, dēxteram tuæ  
majestátis extēde. Per Dó-  
minum.

Léctiolibri Exodi. *Exod. 24. c.*

**I**N diébus illis: Dixit Dó-  
minus ad Móysen: Ascēde  
ad me in montem, & esto ibi,  
dabóque tibi tábulas lapídeas,  
& legem, ac mandáta, quæ  
scripsi: ut dóceas filios Israél.  
Surrexérunt Móyses, & Jósue  
miníster ejus: ascendénsque  
Móyses in montem Dei, seni-  
óribus ait: Expectáte híc do-  
nec revertámur ad vos. Habé-  
tis Aaron, & Hur vobíscum.  
Si quid natum fúerit quæstió-  
nis, referétis ad eos. Cúmque  
ascendíffet Móyses, opérui-  
t nubes montem, & habitávit  
glória Dómini super Sínai,  
tegens illum nube sex diébus:  
séptimo autem die vocávit eum  
de médio caliginis. Erat autem  
spécies glóriæ Dómini, quasi  
ignis ardens super vérticem  
montis in conspéctu filiórum  
Israél. Ingressúsque Móyses  
médium nébulæ, ascendit in  
montem: & fuit ibi quadra-  
gínta diébus, & quadragínta  
nóctibus.

*Graduale. Psal. 24.* Tribula-  
tiones cordis mei dilatátæ  
sunt: de necessitatibus meis  
éripe me Dómine. *℣.* Vide  
humilitátem meam, & labó-  
rem meum: & dimítte ómnia  
peccáta mea.

*Hic non dicitur, Flectámus*

gēnua. *sed* *℣.* Dóminus vobíscum.

Orémus. *Oratio.*

**D**Evotiónem populi tui,  
quæsumus Dómine, be-  
nignus intēde, ut qui per  
abstinéntiam macerántur in  
córpoze, per fructum boni  
óperis reficiántur in mente.  
Per Dóminum.

*Aliæ Orationes, ut in Feria  
iv. Cinerum. fol. 56.*

Léctio libri Regum.

*3. Reg. 19.*

**I**N diébus illis: Venit Elías  
in Bersabée Juda, & dimísit  
ibi púerum suum, & perréxit  
in desértum, viam uníus diéi.  
Cúmque veníffet, & sedéret  
subter unam juníperum, pe-  
tívít ánimæ suæ ut morerétur,  
& ait: Súfficit mihi Dómine,  
tolle ánimam meam: neque  
enim mélior sum, quàm pa-  
tres mei. Projecítque se, &  
obdormívit in umbra junípe-  
ri: & ecce Angelus Dómini  
tétigit eum, & dixit illi: Sur-  
ge, & cómede. Respéxit, &  
ecce ad caput suum subcinerí-  
cius panis, & vas aquæ: co-  
médit ergo, & bibit, & rur-  
sum obdormívit. Reversús-  
que est Angelus Dómini se-  
cúndò, & tétigit eum, dixít-  
que illi: Surge, cómede:  
grandis enim tibi restat via.  
Qui cùm surrexíffet, comé-  
dit, & bibit, & ambulávit in  
fortitúdine cibi illíus quadra-  
gínta diebus, & quadragínta  
nóctibus, usque ad montem  
Dei Horeb.

*Tractus. Psal. 24.* De neces-  
sitatibus meis éripe me Dómi-  
ne: vide humilitátem meam,  
& labórem meum, & dimítte  
ómnia peccáta mea, *℣.* Ad te  
Dómine levávi ánimam me-

am,



am, Deus meus in te confido, non erubescam : neque irrideant me inimici mei. *v.* Et enim universi, qui te expectant, non confundentur : confundantur omnes facientes vana.

Sequentia sancti Evangelii secundum Matthæum.

*Matth. 12.*

**I**N illo tempore : Respondērunt Jesu quidam de Scribis & Phariseis, dicentes : Magister, volumus à te signum videre. Qui respondens, ait illis : Generatio mala & adúltera signum quærit : & signum non dabitur ei, nisi signum Jonæ Prophætæ. Sicut enim fuit Jonas in ventre ceti tribus diebus & tribus noctibus : sic erit Filius hominis in corde terræ tribus diebus & tribus noctibus. Viri Ninivitæ surgent in iudicio cum generatione ista, & condemnabunt eam : quia poenitentiam egerunt in prædicatione Jonæ. Et ecce plus quam Jonas hic. Regina Austri surget in iudicio cum generatione ista, & condemnabit eam : quia venit à finibus terræ audire sapientiam Salomonis, & ecce plus quam Salomon hic. Cum autem immundus spiritus exierit ab homine, ambulat per loca arida, quærens requiem, & non invenit. Tunc dicit : Revertar in domum meam, unde exivi. Et veniens, invenit eam vacantem, scopis mundatam, & ornata. Tunc vadit, & assumit septem alios spiritus secum nequiores se, & intrantes habitant ibi : & fiunt novissima hominis illius pejora prioribus. Sic erit & generationi huic pessimæ. Adhuc eo

loquente ad turbas, ecce mater ejus, & fratres stabant foris, quærentes loqui ei. Dixit autem ei quidam : Ecce mater tua, & fratres tui foris stant, quærentes te. At ipse respondens dicenti sibi, ait : Quæ est mater mea, & qui sunt fratres mei ? Et extendens manum in discipulos suos, dixit : Ecce mater mea, & fratres mei. Quicumque enim fecerit voluntatem Patris mei, qui in cœlis est : ipse meus frater, & soror, & mater est.

*Offertorium. Psal. 118.* Meditabor in mandatis tuis, quæ dilexi valde : & levabo manus meas ad mandata tua, quæ dilexi.

*Secreta.*

**H**ostias tibi Dómine plati-  
cationis offerimus : ut & delicta nostra miseratus absolvas, & nutantia corda tu dirigas. Per Dóminum.

*Aliæ Secretæ ut in Feria iv. Cinerum. fol. 57.*


*Communio. Psal. 5.* Intellige clamorem meum, intende voci orationis meæ, Rex meus & Deus meus : quoniam ad te orabo Dómine. *Postcomm.*

**T**ui Dómine perceptione sacramenti, & à nostris mundemur occultis, & ab hostium liberemur insidiis. Per Dóminum.

*Aliæ Postcommuniones ut in Feria iv. Cinerum. fol. 57.*

*Super populum.* Orémus. Humiliáte capita vestra Deo. *Oratio.*

**M**entes nostras, quæsumus Dómine, lumine tuæ claritatis illustra : ut videre possimus quæ agenda sunt ; & quæ recta sunt, agere valeamus. Per Dóminum.





## FERIA QUINTA.

*Statio ad S. Laurentium in Paneperna.**Introitus. Psal. 95.*

**C**onfessio & pulchritudo in conspectu ejus: sanctitas & magnificentia in sanctificatione ejus. *Psal. ibid.* Cantate Dómino canticum novum: cantate Dómino omnis terra. *℟. Glória Patri.*

*Oratio.*

**D**evotionem pópuli tui, quæsumus Dómine, benígnus inténde: ut, qui per abstinentiam macerántur in corpore, per fructum boni óperis reficiántur in mente. Per Dóminum,

*Aliæ Orationes ut in Feria iv. Cinerum. fol. 56.*

Lectio Ezechiélis Prophætæ.

*Ezech. 18.*

**I**n diébus illis: Factus est sermo Dómini ad me, dicens: Quid est, quòd inter vos parabolam vértitis in provérbium istud in terra Israél, dicétes: Patres comedérunt uvam acérbam: & dentes filiórum obstupéscunt? Vivo ego, dicit Dóminus Deus: si erit ultrà vobis parábola hæc in provérbium in Israél. Ecce omnes ánimæ meæ sunt: ut ánima patris, ita & ánima filii mea est: ánima quæ peccáverit, ipsa moriétur. Et vir, si fúerit justus, & fécerit judícium & justítiam, in móntibus non coméderit, & óculos suos non leváverit ad idóla domus Israél: & uxórem próximi sui non violáverit, & ad mulierem menstruátam non accésserit, & hóminem

non contristáverit, pignus debitóri reddíderit, per vim nihil rapúerit, panem suum esuriénti déderit, & nudum operúerit vestiménto, ad usúram non commodáverit, & ámplius non accéperit, ab iniquitáte avérterit manum suam, & judícium verum fécerit inter virum & virum, in præcéptis meis ambuláverit, & judícia mea custodíerit, ut fáciat veritátem: hic justus est, vita vivet, ait Dóminus omnípotens.

*Graduale. Ps. 16.* Custódi me Dómine, ut pupíllam óculi: sub umbra alárum tuárum protége me. *℟. De vultu tuo judícium meum pródeat: óculi tui vídeant æquitátem.*

Sequéntia sancti Evangélii secúndum Matthæum.

*Matth. 15. c.*

**I**n illo témpore: Egréssus Jesus secéssit in partes Tyri & Sidónis. Et ecce mulier Chananæa à finibus illis egréssa clamávit, dicens ei: Misérére mei Dómine fili David: filia mea malè à dæmónio vexátur. Qui non respóndit ei verbum. Et accedéntes discípuli ejus rogábant eum, dicétes: Dimítte eam, quia clamat post nos. Ipse autem respóndens, ait: Non sum missus nisi ad oves, quæ periérunt, domus Israél. At illa venit, & adorávit eum, dicens: Dómine ádjuva me. Qui respóndens, ait: Non est bonum fúmere panem filiórum, & mittere cánibus. At illa dixit: Etiam Dómine: nam & catélli edunt de micis, quæ cadunt de mensa dominórum suórum. Tunc respón-



spondens Jesus, ait illi: Omú-  
lier, magna est fides tua: fiat  
tibi sicut vis. Et sanáta est filia  
ejus ex illa hora.

*Offertorium. Psal. 33.* Immít-  
tet Angelus Dómini in circú-  
tu timéntium eum, & erípiet  
eos: gustáte, & vidéte, quó-  
niam suávis est Dóminus.

*Secreta.*

**S**Acrificia, Dómine quæsu-  
mus, propítius ista nos sal-  
vent, quæ medicinálibus sunt  
institúta jejúniis. Per Dómi-  
num nostrum.

*Aliæ Secretæ ut in Feria iv.*  
*Cinerum. fol. 57.*

*Communio. Joan. 6.* Panis  
quem ego dédero, caro mea  
est pro sæculi vita.

*Postcommunio.*

**T**Uórum nos, Dómine,  
largitáte donórum, &  
temporálibus attólle præsídiis,  
& rénova sempitérnis. Per  
Dóminum.

*Aliæ Postcommuniones ut in*  
*Feria iv. Cinerum. fol. 57.*

*Super populum. Orémus.* Hu-  
miliáte cápita vestra Deo.

*Oratio.*

**D**A, quæsumus Dómine,  
pópulis Christiánis, &  
quæ profiténtur agnóscere, &  
cœléste munus dilígere, quod  
frequéntant. Per Dóminum.

## FERIA VI. QUATUOR TEMP. QUADRAG.

*Statio ad SS. duodecim Apostolos.*

*Introitus. Psal. 24.*

**D**E necessitatibus meis  
éripe me Dómine: vide  
humilitátem meam, & labó-  
rem meum, & dimítte ómnia  
peccáta mea.

*Psal. ibid.* Ad te Dómine  
levávi ánimam meam: Deus

meus in te cónfido, non eru-  
béscam.

*Glória Patri. Oratio.*

**E**Sto Dómine propítius  
plebi tuæ: & quam tibi  
facis esse devótam, benígno  
réfove miserátus auxílio. Per  
Dóminum nostrum.

*Aliæ Orationes ut in Feria iv.*  
*Cinerum. fol. 56.*

Léctio Ezechiélis Prophétæ.

*Ezech. 18.*

**H**Æc dicit Dóminus Deus  
Anima quæ peccáverit,  
ipsa moriétur: filius non por-  
tábit iniquitátem patris, & pa-  
ter non portábit iniquitátem  
filii: justítia justí super eum  
erit, & impietas ímpii erit su-  
per eum. Si autem ímpius ége-  
rit pœniténtiam ab ómnibus  
peccátis suis, quæ operátus est,  
& custodíerit ómnia præcépta  
mea, & fécerit judícium, &  
justítiam: vita vivet, & non  
moriétur. Omnium iniquitá-  
tum ejus, quas operátus est,  
non recordábor: in justítia  
sua, quam operátus est, vivet.  
Numquid voluntátis meæ est  
mors ímpii, dicit Dóminus  
Deus, & non ut convertátur à  
viis suis, & vivat? Si autem  
avérterit se justus à justítia  
sua, & fécerit iniquitátem fe-  
cúndum omnes abominatió-  
nes, quas operári solet ímpius,  
numquid vivet? omnes justítia  
ejus, quas fécerat, non recor-  
dabúntur: in prævaricatióne,  
qua prævaricátus est, & in pec-  
cáto suo quod peccávit, in ipsis  
moriétur. Et dixístis: Non est  
æqua via Dómini. Audíte ergo  
domus Israél: Numquid via  
mea non est æqua, & non  
magis viæ vestræ pravæ sunt?  
Cùm enim avérterit se justus à  
justítia sua, & fécerit iniquitá-  
tem,



tem, moriétur in eis: in iniquitá-  
tia, quam operátus est, moriétur.  
Et cùm avérterit se impius  
ab impietáte sua, quam operá-  
tus est, & fécerit judícium, &  
justítiam: ipse ánimam suam  
vivificábit. Consíderans enim,  
& avértens se ab ómnibus ini-  
quitátibus suis, quas operátus  
est, vita vivet, & non moriétur,  
ait Dóminus omnípotens.

*Graduale. Psal. 85.* Salvum  
fac pópulum tuum Deus meus  
sperántem in te.

✠. Auribus pécipe Dómine  
oratióem meam.

*Tractus. Psal. 102.* Dómine  
non secúndum peccáta nostra,  
quæ fécimur nos: neque se-  
cúndum iniquitátes nostras re-  
tribuas nobis. ✠. *Psal. 78.*  
Dómine, ne memíneris ini-  
quitátum nostrárum antiquá-  
rum: citò antícipent nos mi-  
sericórdiæ tuæ, quia páuperes  
facti sumus nimis.

✠. *Hic genuflectitur.* Adjuva  
nos Deus salutáris noster: &  
propter glóriam nóminis tui  
Dómine, líbera nos: & propí-  
tius esto peccátis nostris, pro-  
pter nomen tuum.

Sequéntia sancti Evangélíi se-  
cúndum Joánnem.

*Joann. 5.*

**I**N illo témpore: Eia dies  
festus Judæórum, & ascen-  
dit Jesus Jerosólymam. Est  
autem Jerosólymis Probática  
piscína, quæ cognominátur  
Hebráicè Bethsáida, quinque  
pórticus habens. In his jacé-  
bat multitúdo magna lan-  
guéntium, cæcórum, clau-  
dórum, aridórum, expectán-  
tium aquæ motum. Angelus  
autem Dómini descendébat

secúndum tempus in piscí-  
nam: & movebátur aqua. Et  
qui prior descendíffet in piscí-  
nam post motiónem aquæ,  
sanus fiébat à quacúmque  
detinebátur infirmitáte. Erat  
autem quidam homo ibi tri-  
gínta & octo annos habens in  
infirmitáte sua. Hunc cùm  
vidíffet Jesus jacéntem, & co-  
gnovíffet, quia jam multum  
tempus habéret, dicit ei: Vis  
sanus fieri? Respóndit ei lán-  
guidus: Dómine, hóminem  
non hábeo, ut cùm turbáta  
fúerit aqua, mittat me in pis-  
cínam: dum vénio enim ego,  
álius ante me descéndit. Dicit  
ei Jesus: Surge, tolle grabátum  
tuum, & ámbula. Et statim sa-  
nus factus est homo ille: & sú-  
stulit grabátum suum, & am-  
bulábat. Erat autem sábbá-  
tum in die illo. Dicébant er-  
go Judæi illi, qui sanátus fúe-  
rat: Sábbatum est, non licet  
tibi tollere grabátum tuum.  
Respóndit eis: Qui me sa-  
num fecit, ille mihi dixit: Tol-  
le grabátum tuum, & ámbula.  
Interrogavérunt ergo eum:  
Quis est ille homo, qui dixit  
tibi, Tolle grabátum tuum, &  
ámbula? Is autem, qui sanus  
fúerat efféctus, nesciébat quis  
esset. Jesus enim declinávit  
à turba constitúta in loco.  
Póstea invénit eum Jesus in  
templo, & dixit illi: Ecce sanus  
factus es: jam noli peccáre, ne  
detérius tibi áliquíd contín-  
gat. Abiit ille homo, & nun-  
tiávit Judæis, quia Jesus esset,  
qui fecit eum sanum.

*Offertorium. Psal. 102.* Bé-  
nedic ánima mea Dómino, &  
noli oblivísci omnes retributi-  
ónes ejus: & renovábitur sicut  
áquilæ, juvéntus tua.



Secreta.

**S**Uscipe, quæsumus, Dómine, múnera nostris oblata servítiis, & tua propítius dona sanctífica. Per Dóminum nostrum.

*Aliæ Secretæ ut in Feria iv. Cinerum. fol. 57.*

*Communio. Psalm. 6. Erubescant, & conturbentur omnes inimíci mei: avertántur retrórsus, & erubescant valdè velóciter. Postcomm.*

**P**ER hujus, Dómine, operationem mystérii, & vítia nostra purgéntur, & iusta desideria compleántur. Per Dóminum nostrum.

*Aliæ Postcommuniones ut in Feria iv. Cinerum. fol. 57.*

*Super populum. Orémus. Humiliáte cápita vestra Deo.*

Oratio.

**E**Xáudi nos miséricors Deus: & méntibus nostris grátiaæ tuæ lumen osténde. Per Dóminum.

## SABBATO QUATUOR TEMP. QUADRAG.

*Statio ad sanctum Petrum.*

*Introitus. Psal. 87.*

**I**Ntret orátio mea in conspéctu tuo: inclína aurem tuam ad precem meam, Dómine. *Psal. ibid.* Dómine Deus salutis meæ: in die clamávi, & nocte coram te.

*℟. Gloria, Post Kyrie eléïson. Dicitur, Orémus. Flectámus génua. ℞. Leváte. Oratio.*

**P**Opulum tuum, quæsumus Dómine, propítius respice, atque ab eo flagélla tuæ iracúndiæ cleménter averte. Per Dóminum.

Lectio libri Deuteronomii.

Deuter. 26. c.

**I**N diébus illis: Locútus est Móyses ad pópulum, dicens: Quando compléveris décimam cunctárum frugum tuárum, loquéris in conspéctu Dómini Dei tui: Abstuli, quod sanctificátum est de domo mea, & dedi illud Levítæ, & ádvenæ. & pupíllo, ac víduæ, sicut iussísti mihi: non præterívi mandata tua, nec sum oblítus impérii tui. Obedívi voci Dómini Dei mei, & feci ómnia sicut præcepísti mihi. Réspice de sanctuário tuo, & de excélso cœlórum habitáculo, & benedic pópulo tuo Israël, & terræ, quam dedísti nobis, sicut jurásti pátribus nostris, terræ lacte & melle manánti. Hódie Dóminus Deus tuus præcépit tibi, ut fácias mandata hæc, atque judícia: & custódias, & ímpleas ex toto corde tuo, & ex tota ánima tua. Dóminum elegísti hódie, ut sit tibi Deus, & ámbules in viis ejus & custódias cæremónias illíus, & mandata, atque judícia, & obédias ejus império. Et Dóminum elégit te hódie, ut sis eis populus peculiáris, sicut locútus est tibi, & custódias ómnia præcepta illíus: & fáciat te excelsiorem cunctis Géntibus, quas creávit in laudem, & nomen, & glóriam suum: ut sis pópulus sanctus Dómini Dei tui, sicut locútus est.

*Grad. Psal. 78. Propítius esto Dómine peccátis nostris: ne quando dicant Gentes, Ubi est Deus eorum? ℟. Hic genuflectitur. Adjuva nos Deus salutaris noster, & propter honó-*



rem nóminis tui Dómine líbera nos. Orémus. Flectámus génuā. *R.* Leváte.

*Oratio.*

**P**rotéctor noster áspice Deus: ut qui malórum nostrórum póndere prémimur, percépta misericórdialíberati bi mente famulémur. Per Dóminum.

Léctio libri Deuteronomii.

*Deuter. 11. c.*

**I**N diébus illis: Dixit Móyses filiis Israél: Si custodiéritis mandáta, quæ ego præcipio vobis, & fecéritis ea, ut diligátis Dóminum Deum vestrum, & ambulétis in ómnibus viis ejus, adhæréntes ei, dispérdet Dóminus omnes Gentes istas ante fáciem vestram, & possidébitis eas, quæ majóres & fortióres vobis sunt. Omnis locus, quem calcáverit pes vester, vester erit. A desérto, & à Líbano, à flúmine magno Euphráte, usque ad mare Occidentále erunt términi vestri. Nullus stabit contra vos: terrórem vestrum, & formídinem dabit Dóminus Deus vester super omnem terram, quám calcatúri estis, sicut locútus est vobis Dóminus Deus vester.

*Graduale. Psal. 83.* Protéctor noster aspice Deus, & respice super servos tuos.

*V.* Dómine Deus virtútum, exáudi preces servórum tuórum. Orémus. Flectámus génuā. *R.* Leváte.

*Oratio.*

**A**Desto, quæsumus Dómine, supplicatióibus nostris: ut esse, te largiente, mereámur & inter próspera húmiles, & inter advérfa secúri. Per Dóminum.

Léctio libri Machabæórum.

*2. Mach. 1. f.*

**I**N diébus illis: Oratióem faciébant omnes sacerdotes, dum consummarétur sacrificium, Jónatha inchoánte, céteris autem respondéntibus. Et Nehemíæ erat oratió hunc habens modum: Dómine Deus ónnium creátor, terríbilis & fortis, justus & misericors, qui sólus es bonus Rex, sólus præstans, sólus justus, & omnípotens, & ætérnus, qui líberas Israél de omni malo, qui fecísti patres eléctos, & sanctificásti eos: accipe sacrificium pro univérso pópulo tuo Israél, & custódi partem tuam, & sanctífica: ut sciant Gentes, quia tu es Deus noster.

*Graduale. Psal. 89.* Convértere Dómine aliquántulùm: & deprecáre super servos tuos. *V.* Dómine refúgium factus es nobis à generatióne & progénie. Orémus. Flectámus génuā. *R.* Leváte.

*Oratio.*

**P**Reces pópuli tui, quæsumus Dómine, cleménter exáudi: ut, qui justè pro peccátis nostris affligimur, pro tui nóminis glória misericórditer liberémur. Per Dóminum.

Léctio libri Sapiéntiæ.

*Eccli. 36.*

**M**iserére nostri Deus ónnium, & respice nos, & osténde nobis lucem miserationum tuárum: & immítte timórem tuum super Gentes, quæ non exquisiérunt te, ut cognóscant, quia non est Deus, nisi tu, & enárrent magnália tua. Alleva manum tuam super Gentes aliénas, ut vídeant poténtiam tuam. Sicut enim in conspéctu éorum



rum sanctificatus es in nobis, sic in conspectu nostro magnificaberis in eis, ut cognoscant te, sicut & nos cognovimus, quoniam non est Deus præter te Dómine. Innova signa, & immuta mirabilia. Glorifica manum, & brachium dextrum. Excita furorem, & effunde iram. Tolle adversarium, & afflige inimicum. Festina tempus, & meménto finis, ut enarrant mirabilia tua, Dómine Deus noster.

*Graduale. Ps. 140.* Dirigatur oratio mea, sicut incensum in conspectu tuo, Dómine.

℣. Elevatio manuum mearum sacrificium vespertinum. Orémus. Flectamus genua. &. Leváte. *Oratio.*

**A**ctiões nostras, quæsumus Dómine, aspirando præveni, & adjuvando proséquere: ut cuncta nostra oratio & operatio à te semper incípiat, & per te cœpta finiatur. Per Dóminum.

Lectio Daniélis Prophætæ.

*Dan. 3. c.*

**I**N diébus illis: Angelus Dómini descendit cum Azaría, & sóciis ejus in fornacem: & excussit flammam ignis de fornace, & fecit médium fornacis quasi ventum roris flantem. Flamma autem effundebatur super fornacem cúbitis quadraginta novem; & erúpit, & incéndit quos réperit juxta fornacem de Chaldæis minístros regis, qui eam incendebant. Et non tétigit eos omnino ignis, neque contristávit, nec quidquam moléstiae íntulit. Tunc hi tres quasi ex uno ore laudábant, & glorificábant, & benedicébant Deum in for-

nace, dicentes: *Hic non respondetur, Deo grátias. Hymnus. ibid.*

**B**enedíctus es Dómine Deus patrum nostrorum. Et laudábilis & gloriósus in sæcula.

Et benedíctum nomen glóriæ tuæ, quod est sanctum. Et laudábile & gloriósum in sæcula.

Benedíctus es in templo sancto glóriæ tuæ. Et laudábilis & gloriósus in sæcula.

Benedíctus es super thronum sanctum regni tui. Et laudábilis & gloriósus in sæcula.

Benedíctus es super sceptrum Divinitátis tuæ. Et laudábilis & gloriósus in sæcula.

Benedíctus es, qui sedes super Chérubim, íntuens abyssos. Et laudábilis & gloriósus in sæcula.

Benedíctus es, qui ámbulas super pennas ventórum, & super undas maris. Et laudábilis & gloriósus in sæcula.

Benedícant te omnes Angeli, & Sancti tui. Et laudent te & gloríficent in sæcula.

Benedícant te cœli, terra, mare, & ómnia, quæ in eis sunt. Et laudent te & gloríficent in sæcula.

Glória Patri, & Fílio, & Spirítui sancto. Et laudábili & glorióso in sæcula.

Sicut erat in princípio, & nunc, & semper: & in sæcula sæculórum, Amen. Et laudábili & glorióso in sæcula.

Benedíctus es Dómine Deus Patrum nostrorum. Et laudábilis & gloriósus in sæcula.

*Hic non dicitur, Flectamus genua. sed ℣. Dóminus vobíscum. Orémus. Oratio.*

**D**eus, qui tribus púeris mitigásti flammam ignium: concéde propítius: ut



nos famulos tuos non exurat flamma vitiórum. Per Dóminum.

*Aliæ Orationes ut in Feria iv. Cinerum. fol. 56.*

Lectio Epístolæ beati Pauli Apóstoli ad Thessalonicenses. 1. *Theff. 5.*

**F**ratres, Rogamus vos, corrípíte inquietos, consolámini pusillánimes, fuscípi- te infirmos, patientes estóte ad omnes. Vidéte, ne quis malum pro malo alicui reddat: sed semper quod bonum est sectámini in invicem, & in omnes. Sèmpér gaudéte. Sine intermissione oráte. In ómnibus grátias ágite: hæc est enim volúntas Dei in Christo Jesu in ómnibus vobis. Spíritum nolíte extingueré. Prophetías nolíte spérnere. Omnia autem probáte: quod bonum est, tenéte. Ab omni specie mala abstinéte vos. Ipse autem Deus pacis sanctíficet vos per ómnia: ut ínteger spíritus vester, & ánima, & corpus sine queréla, in advéntu Dómini nostri Jesu Christi servétur.

*Traetus. Psal. 116.* Laudáte Dóminum omnes Gentes: & collaudáte eum omnes pópuli. *ꝯ.* Quóniam confirmáta est super nos misericórdia ejus: & véritas Dómini manet in ætérnum.

*Evangelium.* In illo témpore: Assumpsit Jesus Petrum, & Jacobum. *ut infra. fol. 77.*

*Offertorium. Psal. 87.* Dómine Deus salútis meæ, in die clamávi & nocte corám te: iatret orátio mea in conspéctu tuo Dómine. *Secreta.*

**P**ræséntibus sacrificiis, quæsumus Dómine, jejunia nostra sanctífica: ut,

quod observántia nostra profitétur extrínsecus, intérius operétur. Per Dóminum.

*Aliæ Secreta ut in Feria iv. Cinerum. fol. 57.*

*Communio. Psal. 7.* Dómine Deus meus in te sperávi, líbera me ab ómnibus persequéntibus me, & éripe me. *Postcom.*

**S**anctificatióibustuis, omnípotens Deus, & vítia nostra curéntur, & remédia nobis ætérna provéniant. Per Dóminum.

*Aliæ Postcomm. ut in Feria iv. Cinerum. fol. 57.*

*Super populum.* Orémus. Humiliáte cápita vestra Deo.

*Oratio.*

**F**idéles tuos, Deus, benedíctio desideráta confirmet: quæ eos & à tua voluntáte numquam fáciat discrepáre, & tuis semper indulgeat beneficiis gratulári. Per Dóminum.

## DOMINICA SECUNDA IN QUADRAGESIMA.

*Statio ad S. Mariam in Domínica. Introitus. Ps. 24.*

**R**eminíscere miserationum tuarum, Dómine, & misericórdiæ tuæ, quæ à sæculo sunt, ne umquam dominéntur nobis inimíci nostri: líbera nos Deus Israël ex ómnibus angústíis nostris. *Psal. ibid.* Ad te Dómine levávi ánimam meam: Deus meus in te confido, non erubescam. *ꝯ.* Glória Patri.

*Oratio.*

**D**eus, qui conspícis omni nos virtúte destítui, intérius exteríusque custódi: ut ab ómnibus adversitatibus muni-

niá-



niámur in córpore, & à pravis cogitatióibus mundémur in mente. Per Dóminum.

*Aliæ Orationes ut in Feria iv. Cinerum. fol. 56.*

Léctio Epístolæ beáti Pauli Apóstoli ad Theffalonícenses. 1. *Theff. 4.*

**F**Ratres, Rogámus vos, & obsecrámus in Dómino Jesu, ut quemádmódum accepístis à nobis, quómodo opóreat vos ambuláre, & placére Deo, sic & ambulétis, ut abundétis magis. Scitis enim quæ præcépta déderim vobis per Dóminum Jesum. Hæc est enim volúntas Dei, sanctificátió vestra, ut abstineátis vos à fornicatióne, ut sciat unusquisque vestrúm, vas suum possidére in sanctificatióne, & honóre: non in passióne desidérii, sicut & Gentes, quæ ignoránt Deum: & ne quis supergrediátur, neque circumvéniat in negótio fratrem suum: quóniam vindex est Dóminus de his ómnibus, sicut prædíximus vobis, & testificáti sumus. Non enim vocávit nos Deus in immundítiam, sed in sanctificátióne: in Christo Jesu Dómino nostro.

*Graduale. Ps. 24.* Tribulatiónes cordis mei dilatátæ sunt: de necessitatibus meis éripe me Dómine. *℣.* Vide humilitátem meam, & labórem meum: & dimítte ómnia peccáta mea.

*Trañus. Ps. 105.* Confitémini Dómino, quóniam bonus: quóniam in sæculum misericórdia ejus. *℣.* Quis loquétur poténtias Dómini: audítas faciet omnes laudes ejus?

*℣.* Beáti qui custódiunt iudícium, & faciunt justítiam in omni témpore. *℣.* Meménto

nostri Dómine in beneplácito pópuli tui: vísitá nos in salutári tuo.

Sequéntia sancti Evangélii secúndum Matthæum.

*Matth. 17.*

**I**N illo témpore: Assúmpsit Jesus Petrum, & Jacóbum, & Joánnem fratrem ejus, & duxit illos in montem excélsu seórsum: & transfigurátus est ante eos. Et resplénduit fácies ejus sicut sol: vestiménta autem ejus facta sunt alba sicut nix. Et ecce apparuérunt illis Móyses, & Elías cum eo loquéntes. Respóndens autem Petrus, dixit ad Jesum: Dómine, bonum est nos híc esse: si vis, faciámus híc tria tabernácula, tibi unum, Móysi unum, & Elíæ unum. Adhuc eo loquente, ecce nubes lúcida obumbrávit eos. Et ecce vox de nube, dicens: Hic est Fílius meus diléctus, in quo mihi benè còmplácu: ipsum audíte. Et audiéntes discípuli, cecidérunt in faciém suam, & timuérunt valdè. Et accéssit Jesus, & tétigit eos, dixítque eis: Súrgite, & nolíte timére. Levántes autem óculos suos, néminem vidérunt, nisi solum Jesum. Et descendéntibus illis de monte, præcépit eis Jesus, dicens: Némini dixeritis visióne, donec Fílius hóminis à mórtuis resúrgat. Credo.

*Offert. Ps. 118.* Meditábor in mandátis tuis, quæ diléxi valdè: & levábo manus meas ad mandáta tua, quæ diléxi.

*Secreta.*

**S**Acrificiis præsentibus, quæsumus Dómine, inténde placátus: ut & devotióni nostræ proficiant & salutí. Per Dóminum.

*Aliæ*



*Aliæ Secretæ ut in Feria iv. Cinerum. fol. 57.*

*Communio. Psal. 5.* Intellige clamorem meum: intende voci orationis meæ, Rex meus, & Deus meus: quoniam ad te orabo Domine. *Postcomm.*

**S**upplices te rogamus, omnipotens Deus: ut quos tuis reficis sacramentis, tibi etiam placitis moribus dignanter deservire concedas. Per Dominum.

*Aliæ Postcommuniones ut in Feria iv. Cinerum. fol. 57.*

## FERIA SECUNDA.

*Statio ad S. Clementem.*

*Introitus. Psal. 25.*

**R**edime me Domine, & miserere mei: pes enim meus stetit in via recta: in Ecclesiis benedicam Dominum.

*Psalm. ibid.* Iudica me Domine, quoniam ego in innocentia mea ingressus sum: & in Domino sperans, non infirmabor. *¶ Gloria. Oratio.*

**P**resta quæsumus omnipotens Deus: ut familia tua, quæ se, affligendo carnem, ab alimentis abstinet; sectando justitiam, à culpa jejundet. Per Dominum.

*Aliæ Orationes ut in Feria iv. Cinerum. fol. 56.*

Lectio Jeremiæ Prophætæ.

*Dan. 9. d.*

**I**N diebus illis: Oravit Daniel Dominum, dicens: Domine Deus noster, qui eduxisti populum tuum de terra Ægypti in manu forti, & fecisti tibi nomen secundum diem hanc: peccavimus, iniquitatem fecimus, Domine, in omnem justitiam tuam: Avertatur, obsecro, ira tua, & furor tuus à ci-

vitâte tua Jerusalem, & monte sancto tuo. Propter peccata enim nostra, & iniquitates patrum nostrorum, Jerusalem, & populus tuus in opprobrium sunt omnibus per circuitum nostrum. Nunc ergo exaudi Deus noster orationem servi tui, & preces ejus: & ostende faciem tuam super sanctuarium tuum, quod desertum est, propter temetipsum. Inclina Deus meus aurem tuam, & audi: âperi oculos tuos, & vide desolationem nostram, & civitatem, super quam invocatum est nomen tuum; neque enim in justificationibus nostris prosternimus preces ante faciem tuam, sed in miserationibus tuis multis. Exaudi Domine, placare Domine: attende & fac. Ne moreris propter temetipsum Deus meus: quia nomen tuum invocatum est super civitatem, & super populum tuum, Domine Deus noster.

*Grauale. Psal. 69.* Adjutor meus, & liberator meus esto; Domine ne tardaveris.

*¶.* Confundantur & reverentur inimici mei, qui quant animam meam.

*Tractus. Ps. 102.* Domine non secundum peccata nostra, quæ fecimus nos: neque secundum iniquitates nostras retribuas nobis. *¶. Ps. 78.* Domine, ne memineris iniquitatum nostrarum antiquarum, citò anticipent nos misericordiæ tuæ, quia pauperes facti sumus nimis.

*¶. Hic genuflectitur.* Adjuva nos Deus salutaris noster: & propter gloriam nominis tui Domine, libera nos: & propitius esto peccatis nostris, propter nomen tuum.



Sequéntia sancti Evangélíi secúndum Joánnem.

*Joan. 8. c.*

**I**N illo témpore: Dixit Jesus turbis Judæórum: Ego vado, & quærétis me, & in peccáto vestro moriémmini. Quò ego vado, vos non potéstis veníre. Dicébant ergo Judæi: Numquid interficiet semetípsum, quia dicit: Quò ego vado, vos non potéstis veníre? Et dicébat eis: Vos de deórsum estis, ego de supérnis sum. Vos de mundo hoc estis, ego non sum de hoc mundo. Dixi ergo vobis, quia moriémmini in peccátis vestris: si enim non credidérítis quia ego sum, inoriémmini in peccáto vestro. Dicébant ergo ei: Tu quis es? Dixit eis Jesus: Príncípium, qui & loquor vobis. Multa hábeo de vobis loqui, & judicáre. Sed qui me misit, verax est: & ego quæ audívi ab eo, hæc loquor in mundo. Et non cognovérunt quia Patrem ejus dicébat Deum. Dixit ergo eis Jesus: Cùm exaltavérítis Fílium hóminis, tunc cognoscétis, quia ego sum, & à meípso fácio nihil: sed sicut dócuit me Pater, hæc loquor: & qui me misit, mecum est, & non relíquit me solum: quia ego, quæ plácita sunt ei, fácio semper.

*Offertorium. Psal. 15.* Benedícam Dóminum, qui tríbuit mihi intelléctum, providébam Dóminum in conspéctu meo semper: quóniam à dextris est mihi, ne commóvear.

*Secreta.*

**H**Æc hóstia, Dómine, placatiónis & laudis, tua

nos protectiône dignos efficiat. Per Dóminum.

*Aliæ Secretæ ut in Feria iv. Cinerum. fol. 57.*

*Communio. Psal. 8.* Dómine Dóminus noster, quàm admirábile est nomen tuum in univérfa terra!

*Postcommunio.*

**H**Æc nos commúnio Dómine, purget à crímine: & cœléstis remédii fáciat esse consórtes. Per Dóminum.

*Aliæ Postcommuniones ut in Feria iv. Cinerum. fol. 57.*

*Super populum.* Orémus. Humiliáte cápita vestra Deo.

*Oratio.*

**A**Desto, supplicatióibus nostris omnipotens Deus: & quibus fidúciám sperándæ pietátis indúlges, consuétæ misericórdiæ tríbue benígnus efféctum. Per Dóminum.

## FERIA TERTIA.

*Statio ad sanctam Balbinam.*

*Introitus. Psal. 26.*

**T**ibi dixit cor meum: quæ sívi vultum tuum, vultum tuum Dómine requíram: ne avértas fáciem tuam à me. *Psal. ibid.* Dóminus illuminátió mea, & salus mea: quem timébo?

✠ Glória Patri. *Oratio.*

**P**Erface, quæsumus Dómine, benígnus in nobis observántiæ sanctæ subsídium: ut, quæ te auctóre faciéndá cognóvimus, te operánte impleámus. Per Dóminum.

*Aliæ Orationes ut in Feria iv. Cinerum. fol. 56.*

*Léctio libri Regum.*

*2. Reg. 17.*

**I**N diébus illis: Factus est sermo Dómini ad Eliám Thesbítén,



bſten, dicens: Surge, & vade in Saréphta Sidoniórum, & manébis ibi: præcépi enim ibi mulieri víduæ, ut pascat te. Surréxit, & ábiit in Saréphta. Cùmque veníſſet ad portam civitátis, apparuit ei múlſier vídua cólligens ligna, & vocávit eam, dixítque ei: Da mihi páululum aquæ in vafe, ut bibam. Cùmque illa pérgeret ut afférret, clamávit poſt tergum ejus, dicens: Affer mihi, óbſecro, & buccéllam panis in manu tua. Quæ reſpóndit: Vivit Dóminus Deus tuus, quia non hábeo panem, niſi quantum pugíllus cápere poteſt farínæ in hydria, & páululum ólei in lécytho: en cólligo duo ligna, ut ingrédiam, & fáciam illud mihi & filio meo, ut comedámus, & moriámur. Ad quam Elías ait: Noli timére, ſed vade, & fac ſicut dixíſti: verúmtamen mihi primùm fac de ipſa farínula ſubcinerícium panem párvulum, & affer ad me: tibi autem & filio tuo fácies póſtea. Hæc autem dicit Dóminus Deus Iſraël: Hydria farínæ non deficiet, nec lécythus ólei minuétur, uſque ad diem, in qua Dóminus datúrus eſt plúviam ſuper faciém terræ. Quæ ábiit, & fecit juxta verbum Elíæ: & comédit ipſe, & illa, & domus ejus: & ex illa die hydria farínæ non defécit, & lécythus ólei non eſt imminútus, juxta verbum Dómini, quod locútus fúerat in manu Elíæ.

*Graduale. Pſal. 54.* Jacta cogitátum tuum in Dómino, & ipſe te enútriet. *v.* Dum clamárem ad Dóminum, exaudí-

vit vocem meam ab his, qui appropínquant mihi.

Sequéntia ſancti Evangélſii ſecúndum Matthæum.

*Matth. 23.*

**I**N illo témpore: Locútus eſt Jeſus ad turbas, & ad diſcípulos ſuos, dicens: Super cáthedram Móyſi ſederunt Scribæ & Pharíſæi. Omnia ergo quæcúmque dixerint vobis, ſerváte, & fácite: ſecúndum ópera verò eórum nolíte fácere: dicunt enim, & non faciunt. Alligant enim ónera gravia, & importabília, & impónunt in húmeros hóminum: dígitó autem ſuo nolunt ea movére. Omnia verò ópera ſua faciunt, ut videántur ab homínibus: dilátant enim phylactéria ſua, & magníficant ſimbrias. Amant autem primos recúbitus in cœnis, & primas cáthedras in ſynagógis, & ſalutatiónes in foro, & vocári ab homínibus Rabbi. Vos autem nolíte vocári Rabbi. Unus eſt enim Magíſter veſter, omnes autem vos fratres eſtis. Et patrem nolíte vocáre vobis ſuper terram; unus eſt enim Pater veſter, qui in cœlis eſt. Nec vocémini magíſtri, quia Magíſter veſter unus eſt Chriſtus. Qui major eſt veſtrum, erit miníſter veſter. Qui autem ſe exaltáverit, humiliábitur: & qui ſe humiliáverit, exaltábitur.

*Offertorium. Pſal. 50.* Miſerére mei Dómine ſecúndum magnam miſericórdiam, tuam: dele, Dómine, iniquitátem meam.



*Secreta.*

**S**anctificationem tuam nobis, Dómine, his mystériis operare placátus: quæ nos & à terrénis purget vítiis, & ad coeléstia dona perducát. Per Dóminum.

*Aliæ Secretæ ut in Feria iv. Cinerum, fol. 57.*

*Communio. Psal. 9.* Narrábo ómnia mirabília tua: lætabor & exultábo in te: psallam nómini tuo, Altíssime.

*Postcommunio.*

**U**t sacris, Dómine, redámur digni munéribus, fac nos tuis quæsumus semper obedíre mandátis. Per Dóminum.

*Aliæ Postcommuniones ut in Feria iv. Cinerum. fol. 57.*

*Super populum. Orémus.* Humiliáte cápita vestra Deo.

*Oratio.*

**P**ropitiáre Dómine supplicatióibus nostris, & animárum nostrárum medére languóribus: ut remissióne percépta, in tua semper benedictióne lætémur. Per Dóminum.

## FERIA QUARTA.

*Statio ad S. Cæciliam.*

*Introitus. Psalm. 37.*

**N**E derelínquas me, Dómine Deus meus, ne discédas à me: inténde in adiutórium meum, Dómine virtus salútis meæ.

*Psalmus. ibid.* Dómine ne in furóre tuo árguas me: neque in ira tua corrípias me.

℣. Glória Patri. *Oratio.*

**P**opulum tuum, quæsumus Dómine, propítius respice: & quos ab escis carnálibus præcipis abstinére, à

nóxiis quoque vítiis cessáre concéde. Per Dóminum.

*Aliæ Orationes ut in Feria iv. Cinerum. fol. 56.*

*Léctio libri Esther. Esth. 13. c.*

**I**n diébus illis: Orávit Mardocheus ad Dóminum, dicens: Dómine Deus Rex omnípotens; in ditióne enim tua cuncta sunt pófita: & non est qui possit tuæ resístere voluntáti, si decreveris salváre Israël. Tu fecísti cælum & terram, & quidquid cæli ámbitu continétur. Dóminus ómniū es, nec est qui resístat majestáti tuæ. Et nunc Dómine Rex Deus Abraham, miserére pópuli tui, quia volunt nos inimíci nostri pérdere, & hæreditátem tuam delére. Ne despicias partem tuam, quam redemísti tibi de Ægypto. Exáudi deprecationem meam, & propítius esto forti & funículo tuo; & convérte luctum nostrum in gáudium, ut vivéntes laudémus nomen tuum Dómine, & ne claudas ora te canéntium, Dómine Deus noster.

*Graduale. Psal. 27.* Salvum fac pópulum tuum Dómine, & benedic hæreditáti tuæ. ℣. Ad te Dómine clamávi, Deus meus ne síleas à me, & ero similis descendéntibus in lacum.

*Trañtus. Psal. 102.* Dómine non secúndum peccáta nostra, quæ fecimus nos: neque secúndum iniquitátes nostras retribuas nobis. ℣. *Psal. 78.* Dómine, ne memínieris iniquitátum nostrárum antiquárum, citò antícipent nos misericórdiæ tuæ, quia páuperes facti sumus nimis.

℣. *Hic genuflectitur.* Adjuva nos Deus salutáris noster &

L

prop-



propter glóriam nóminis tui Dómine, líbera nos : & propítius esto peccátis nostris, propter nomen tuum.

Sequéntia sancti Evangélíi secúndum Matthæum.

*Matth. 20. b.*

**I**N illo témpore : Ascéndens Iesus Jerosólymam, assúmpsit duódecim discípulos secrétò, & ait illis : Ecce ascéndimus Jerosólymam, & Fílius hóminis tradétur Princípius sacerdotum & Scribis, & condemnábunt eum morte, & tradent eum Géntibus ad illudéndum, & flagellándum, & crucifigéndum, & tértia die resúrget. Tunc accéssit ad eum mater filiórum Zebedæi cum filiis suis, adórans & petens áliquíd ab eo. Qui dixit ei : Quid vis ? Ait illi : Dic, ut sédeant hi duo filii mei, unus ad dexteram tuam, & unus ad sinístram in regno tuo. Respóndens autem Iesus, dixit : Nescítis quid petátis. Potéstis bíbere cálicem, quem ego bibitúrus sum ? Dicunt ei : Póssumus. Ait illis : Cálicem quidem meum bibétis : sedére autem ad dexteram meam, vel sinístram non est meum dare vobis, sed quibus parátum est à Patre meo. Et audiéntes decem, indignáti sunt de duóbus frátribus. Iesus autem vocávit eos ad se, & ait : Scitis quia príncipes Géntium dominántur eórum : & qui majóres sunt, potestátem exércent in eos. Non ita erit inter vos : sed quicúmque volúerit inter vos major fieri, sit vester mínister : & qui volúerit inter vos primus esse, erit vester servus. Sicut filius hóminis non venit

ministrári, sed ministráre, & dare ánimam suam, redemptiónem pro multis.

*Offertorium. Psal. 24.* Ad te Dómine levávi ánimam meam, Deus meus in te confido, non erubéscam, neque irrídeant me inimíci mei : étenim univérsi, qui te expéctant, non confundéntur.

*Secreta.*

**H**ostias, Dómine, quas tibi offérimus, propítius respice : & per hæc sancta commércia, víncula peccatórum nostrórum absólve. Per Dóminum.

*Aliæ Secretæ ut in Feria iv. Cinerum. fol. 57.*

*Communio. Psal. 10.* Justus Dóminus, & justítiam diléxit : æquitátem vidit vultus ejus.

*Postcommunio.*

**S**umptis Dómine sacraméntis, ad redemptionis æternæ, quæsumus, proficiámus augméntum. Per Dóminum.

*Aliæ Postcomm. ut in Feria iv. Cinerum. fol. 57.*

*Super populum. Oremus.* Humiliáte cápita vestra Deo.

*Oratio.*

**D**eus innocentiae restitutor & amátor, dírige ad te tuórum corda servórum : ut spíritus tui fervóre concépto, & in fide inveniántur stábiles, & in ópere efficáces. Per Dóminum. in unitáte ejúsdem.

## FERIA QUINTA.

*Statio ad S. Mariam trans Tiberim.*

*Introitus. Psal. 69.*

**D**eus in adiutorium meum inténde, Dómine ad adiuvándum me festína : confundántur & reveeántur inimíci mei,



mei, qui quærunť animam meam. *Psal. ibid.* Avertantur retrorsum, & erubescant qui cõgitant mihi mala.

✠. Glória Patri.

*Oratio.*

**P**Ræsta nobis, quæsumus Dõmine, auxilium gratiæ tuæ: ut jejuniis, & orationibus conveniẽter intẽti, liberemur ab hostibus mentis & corporis. Per Dõminum.

*Aliæ Orationes ut in Feria iv. Cinerum. fol. 56.*

Lectio Jeremiæ Prophætæ.

*Jer. 17.*

**H**Æc dicit Dõminus Deus: Maledictus homo, qui confidit in homine, & ponit carnem brachium suum, & à Dõmino recedit cor ejus. Erit enim quasi myricæ in deserto, & non videbit, cum venerit bonum: sed habitabit in siccitate in deserto, in terra falsuginis, & inhabitabili. Benedictus vir, qui confidit in Dõmino, & erit Dõminus fiducia ejus. Et erit quasi lignum quod transplantatur super aquas, quod ad humorem mittit radices suas: & non timebit cum venerit æstus. Et erit folium ejus viride, & in tempore siccitatis non erit sollicitum, nec aliquando desinet facere fructum. Pravum est cor omnium, & inscrutabile: quis cognoscet illud? Ego Dõminus scrutans cor, & probans renes: qui do unicuique juxta viam suam, & juxta fructum adinventiõnum suarum: dicit Dõminus omnipotens.

*Graduale. Psal. 78.* Propitius esto Dõmine, peccatis nostris: ne quando dicant Gentes, Ubi est Deus eorum? ✠. Adjuva nos Deus salutaris noster, &

propter honorem nominis tui Dõmine libera nos.

Sequẽtia sancti Evangelii secundum Lucam.

*Luc. 16. c.*

**I**N illo tempore: Dixit Jesus Phariseis: Homo quidam erat dives, qui induebatur purpura & bysso, & epulabatur quotidie splendide. Et erat quidam mendicus, nomine Lázarus, qui jacebat ad januam ejus, ulceribus plenus, cupiens saturari de micis, quæ cadebant mensa divitis, & nemo illi dabat: sed & canes veniebant, & lingebant ulcera ejus. Factum est autem, ut moreretur mendicus, & portaretur ab Angelis in sinum Abraham. Mortuus est autem & dives, & sepultus est in inferno. Elevans autem oculos suos, cum esset in tormentis vidit Abraham à longè, & Lázarum in sinu ejus, & ipse clamans, dixit: Pater Abraham, miserere mei, & mitte Lázarum, ut intingat extremum digiti sui in aquam, ut refrigeret linguam meam, quia crucior in hac flamma. Et dixit illi Abraham: Fili, recordare quia recepisti bona in vita tua, & Lázarus similiter mala: nunc autem hic consolatur, tu verò cruciaris. Et in his omnibus inter nos & vos chaos magnum firmatum est: ut hi, qui volunt hinc transire ad vos, non possint, neque inde huc transmeare. Et ait: Rogo ergo te pater, ut mittas eum in domum patris mei. Hæbeo enim quinque fratres, ut testetur illis, ne & ipsi veniant in hunc locum tormentorum. Et ait illi



illi Abraham: Habent Móysen & Prophétas, áudiant illos. At ille dixit: Non, Pater Abraham: sed si quis ex mórtuis íerit ad eos, pœniténtiam agent. Ait autem illi: Si Móysen & Prophétas non áudiunt, neque si quis ex mórtuis resurréxerit, credent.

*Offertorium. Exodi 32.* Precátus est Móyses in conspéctu Dómini Dei sui, & dixit: Quare Dómine irásceris in pópulo tuo? parce iræ ánimæ tuæ: meménto Abraham, Isaac, & Jacob, quibus jurásti dare terram fluéntem lac & mel. Et placátus est Dóminus de malignitáte, quam dixit fácere pópulo suo.

*Secreta.*

**P**Ræsénti sacrificio, nómini tuo, nos, Dómine, jejúnia dicáta sanctíficent: ut quod observántia nostra profitétur extérius, intérius operétur efféctu. Per Dóminum.

*Aliæ Secretæ ut in Feria iv. Cinerum. fol. 57.*

*Communio. Joan. 6.* Qui mandúcat meam carnem, & bibit meum ságuinem, in me manet, & ego in eo, dicit Dóminus.

*Postcommunio.*

**G**Rátiâ tua nos, quæsumus Dómine, non derelínquat: quæ & sacræ nos déditos faciat servitúti, & tuam nobis opem semper acquírat. Per Dóminum.

*Aliæ Postcommuniones ut in Feria iv. Cinerum. fol. 57.*

*Super populum. Orémus.* Humiliáte cápita vestra Deo.

*Oratio.*

**A**Desto Dómine fámulis tuis, & perpétuam benignitátem largíre poscéntibus:

ut iis, qui te auctóre & gubernatóre gloriántur, & congregáta restáures, & restauráta consérves. Per Dóminum.

## FERIA SEXTA.

*Statio ad sanctum Vitalem.*

*Introitus. Psal. 16.*

**E**Go autem cum iustítia apparebo in conspéctu tuo: satiábor, dum manifestábitur glória tua.

*Psal. ibid.* Exáudi Dómine iustítiam meam: inténde deprecationi meæ.

v. Glória Patri.

*Oratio.*

**D**A quæsumus omnipotens Deus: ut sacro nos purificánte jejúnio, sincéris méntibus ad sancta ventúra fácias pervenire. Per Dóminum.

*Aliæ Orationes ut in Feria iv. Cinerum. fol. 56.*

*Léctio libri Génesis. Gen. 37.*

**I**N diébus illis: Dixit Joseph frátribus suis: Audíte sómniū meum, quod vidi: Putábam nos ligáre manípulos in agro, & quasi confúrgere manípulum meum, & stare, vestrosque manípulos circumstántes adoráre manípulum meum. Respondérunt fratres ejus: Numquid rex noster eris? aut subjiciémur ditióni tuæ? Hæc ergo causa sómniórum, atque sermónum, invídiæ & ódii sómitem ministrávit. Aliud quoque vidit sómniū, quod narrans frátribus, ait: Vidi per sómniū quasi solem & lunam, & stellas undecim adoráre me. Quod cū patri suo, & frátribus retulisset, increpávit eum pater suus, & dixit: Quid sibi vult hoc sómniū, quod vidísti? num ego, & mater



ter tua, & fratres tui adorabimus te super terram? Invidébant ei igitur fratres sui: pater verò rem tåcitus consideråbat. Cùmque fratres illius in pascendis grégibus patris moraréntur in Sichem, dixit ad eum Israël: Fratres tui pascunt oves in Sichimis: veni, mittam te ad eos. Quo respondente, Præstò sum: ait ei: Vade, & vide si cuncta próspera sint erga fratres tuos, & pécora: & renúntia mihi, quid agátur. Missus de valle Hebron, venit in Sichem: invenítque eum vir errántem in agrò, & interrogávit quid quæreret. At ille respóndit: Fratres meos quæro: indica mihi ubi pascant greges. Dixítque ei vir: Recessérunt de loco isto: audívi autem eos dicéntes: Eámus in Dóthain. Perréxit ergo Joseph post fratres suos, & invénit eos in Dóthain. Qui cùm vidíssent eum procul, ántequam accéderet ad eos, cogitavérunt illum occídere: & mútuò loquebántur: Ecce somniátor venit: veníte, occidámus eum, & mittámus in cistérnam vétèrem: dicemúsque, Fera péssima devorávit eum: & tunc apparébit quid illi profint sómnia sua. Audiens autem hoc Ruben, nitébatur liberáre eum de máribus eórum, & dicébat: Non interficiátis ánimam ejus, nec effundátis sánguinem: sed projícite eum in cistérnam hanc, quæ est in solitúdine, manúsque vestras serváte innóxias. Hoc autem dicébat, volens erípere eum de máribus eórum, & réddere patri suo.

*Graduale. Psal. 119.* Ad Dóminum cùm tribulárer clamávi, & exáudivit me. *℣.* Dómi-

ne libera ánimam meam à lábiis iníquis, & à lingua dolósa.

*Tractus. Psal. 102.* Dómine, non secúndum peccáta nostra, quæ fécimus nos: neque secúndum iniquitátes nostras retríbuas nobis.

*℣. Psal. 78.* Dómine ne memíneris iniquitátum nostrárum antiquárum, citó antícipent nos misericórdiæ tuæ, quia p. uperes facti sumus nimis. *℣. Hic genuflectitur.* Adjuva nos Deus salutáris noster: & propter glóriam nóminis tui Dómine, libera nos: & propítius esto peccátis nostris, propter nomen tuum.

Sequéntia sancti Evangélíi secúndum Matthæum.

*Matth. 21. d.*

**I**N illo témpore: Dixit Jesus turbis Judæórum, & princípibus sacerdotum parabolam hanc: Homo erat paterfamilias, qui plantávit vineam, & sepe circumdedit ei, & fodit in ea tórcular, & ædificávit turrim, & locávit eam agricolis, & péregrè proféctus est. Cùm autem tempus fructuum appropinquáisset, misit servos suos ad agrícolas, ut accíperent fructus ejus. Et agricolæ, apprehénsis servis ejus, álium ceciderunt, álium occiderunt, álium verò lapidavérunt. Iterum misit álios servos plures prióribus, & fecérunt illis simíliter. Novíssimè autem misit ad eos filium suum, dicens: Verebúntur filium meum. Agricolæ autem vidéntes filium, dixerunt intra se: Hic est hæres, veníte, occidámus eum, & habébimus hæ-

redi-



reditatem ejus. Et apprehensum eum ejecerunt extra vineam, & occiderunt. Cum ergo venerit dominus vineæ, quid faciet agricolis illis? Ajunt illi: Malos malè perdet: & vineam suam locabit aliis agricolis, qui reddant ei fructum temporibus suis. Dicit illis Jesus: Numquam legistis in Scripturis: Lapidem, quem reprobarunt ædificantes, hic factus est in caput anguli? A Domino factum est istud, & est mirabile in oculis nostris: idèò dico vobis, quia auferetur à vobis regnum Dei, & dabitur Genti facienti fructus ejus. Et qui ceciderit super lapidem istum, confringetur: super quem verò ceciderit, conteret eum. Et cum audissent principes sacerdotum & Pharisei parabolas ejus, cognoverunt quòd de ipsis diceret. Et quærentes eum tenere, timuerunt turbas, quoniam sicut Prophetam eum habebant.

*Offertorium. Ps. 39.* Domine in auxilium meum respice: confundantur & revereantur qui quærent animam meam, ut auferant eam: Domine in auxilium meum respice.

*Secreta.*

**H**Æc in nobis sacrificia Deus, & actione permanent, & operatione firmantur. Per Dominum.

*Aliæ Secretæ ut in Feria iv. Cinerum. fol. 57.*

*Communio. Ps. 11.* Tu Domine servabis nos, & custodies nos à generatione hac in æternum.

*Postcommunio.*

**F**Ac nos, quæsumus Domine, accepto pignore salutis æternæ, sic tendere congru-

enter: ut ad eam pervenire possimus. Per Dominum.

*Aliæ Postcommuniones, ut in Feria iv. Cinerum. fol. 57.*

*Super populum.* Oremus. Humiliate capita vestra Deo.

*Oratio.*

**D**A, quæsumus Domine, populo tuo salutem mentis & corporis: ut bonis operibus inhærendo, tuæ semper virtutis mereatur protectione defendi. Per Dominum.

S A B B A T O.

*Statio ad SS. Marcellinum & Petrum. Introitus. Psal. 18.*

**L**Ex Domini irreprehensibilis, convertens animas: testimonium Domini fidele, sapientiam præstans parvulis.

*Ps. ibid.* Cæli enarrant gloriam Dei: & opera manuum ejus annuntiat firmamentum, v. Glória Patri.

*Oratio.*

**D**A, quæsumus Domine, nostris effectum jejuniis salutarem: ut castigatio carnis assumpta, ad nostrarum vegetatorem transcat animarum. Per Dominum.

*Aliæ Orationes ut in Feria iv. Cinerum. 56.*

*Lectio libri Exodi. Gen. 27.*

**I**N diebus illis: Dixit Rebecca filio suo Jacob: Audi vi patrem tuum loquentem cum Esau fratre tuo, & dicentem ei: Affer mihi de venatione tua, & fac cibos, ut comedam, & benedicam tibi coram Domino antequam moriar. Nunc ergo fili mi, acquiesce consiliis meis: & pergens ad gregem, affer mihi duos hœdos optimos, ut faciam



ciam ex eis escas patri tuo quibus libenter véscitur: quas cum intúleris, & coméderit, benedícat tibi priúsq̃uam moriátur. Cui ille respóndit: Nosti quòd Esau frater meus homo pilósus sit, & ego lenis: si attrectáverit me pater meus, & sénserit, tímeo ne putet me sibi voluisse illúdere, & indúcam super me maledictiõnem pro benedictiõne. Ad quem mater: In me sit, ait, ista maledictio, fili mi; tantum audi vocem meam, & pergens, affer quæ dixi. Abiit, & attulit, deditque matri. Parávit illa cibos, sicut velle nóverat patrem illíus. Et véstibus Esau valdè bonis, quas apud se habébat domi, induit eum: pelliculásq̃ue hœdórum circúmdedit mânibus, & colli nuda protéxit. Deditque pulmémentum, & panes, quos cóxerat, trádidit. Quibus illátis, dixit: Pater mi? At ille respóndit: Audio. Quis es tu fili mi? Dixítque Jacob: Ego sum primogénitus tuus Esau: feci sicut præcepísti mihi: surge, sede, & cómede de venatiõne mea, ut benedícat mihi ánima tua. Rursúmque Isaac ad filium suum: Quómodo, inquit, tam citò inveníre potuísti fili mi? Qui respóndit: Volúntas Dei fuit, ut citò occurreret mihi quod volébam. Dixítque Isaac: Accéde huc, ut tangam te fili mi, & probem utrum tu sis filius meus Esau, an non. Accessit ille ad patrem, & palpáto eo, dixit Isaac: Vox quidem, vox Jacob est: sed manus, manus sunt Esau. Et non cognóvit eum, quia pilósæ manus similitúdinem majóris exprésserant. Benedícens ergo illi, ait: Tu es filius meus

Esau? Respóndit: Ego sum. At ille: Affer mihi, inquit, cibos de venatiõne tua, fili mi, ut benedícat tibi ánima mea. Quos cum oblátos comedíset, óbtulit eí étiam vinum. Quo hausto, dixit ad eum: Accéde ad me, & da mihi ósculum, fili mi. Accessit, & osculátus est eum. Statimque ut sensit vestimentórum illíus fragrántiam, benedícens illi, ait: Ecce odor filii mei, sicut odor agri pleni, cui benedíxit Dóminus. Det tibi Deus de rore cœli, & de pinguédine terræ abundántiam fruménti & vini. Et sérviant tibi pópuli, & adórent te tribus: esto dóminus fratrum tuórum, & incurvéntur ante te filii matris tuæ. Qui maledíxerit tibi, sit ille maledíctus: & qui benedíxerit tibi, benedictiõnibus repleátur. Vix Isaac sermónem impléverat: & egréssó Jacob foras, venit Esau, coctósque de venatiõne cibos intulit patri, dicens: Surge, pater mi, & cómede de venatiõne filii tui, ut benedícat mihi ánima tua. Dixítque illi Isaac: Quis enim es tu? Qui respóndit: Ego sum filius tuus primogénitus Esau. Expávit Isaac stupóre veheménti, & ultrà quàm credi potest, admírans, ait: Quis igitur ille est, qui dudum captam venatiõnem attulit mihi: & comédi ex ómnibus priúsq̃uam tu veníres? benedixítque ei, & erit benedíctus. Auditis Esau sermónibus patris, irrúgiit clamóre magno, & consternátus, ait: Benedic étiam & mihi, pater mi. Qui ait: Venit germánus tuus fraudulénter, & acépít



cēpit benedictiōnem tuam. At ille subjūxit: Justè vocātum est nomen ejus Jacob: supplantāvit enim me en āltera vice: primogénita mea antè tulit, & nunc secúndò surripuit benedictiōnem meam. Rursúmque ad patrem: Numquid non reservásti, ait, & mihi benedictiōnem? Respōdit Isaac: Dóminum tuum illum constitui. & omnes fratres ejus servituti illius subjugávi: fruménto, & vino stabilívi eum, & tibi post hæc, fili mi, ultrà quid faciā? Cui Esau: Num unam, inquit, tantum benedictionem habes, pater? Mihi quoque, obsecro, ut benedícas. Cūque ejulātu magno fleret, motus Isaac, dixit ad eum: In pinguédine terræ, & in rore cœli defuper erit benedictio tua.

*Graduale. Psal. 91.* Bonum est confitēri Dómino, & psállere nómini tuo, Altíssime.

*v.* Ad annuntiāndum manē misericórdiam tuam, & veritatem tuam per noctem.

Sequéntia sancti Evangélíi secúndum Lucam.

*Luc. 15. c.*

**I**N illo témpore: Dixit Jesus Pharisæis & Scribis parabolam istam: Homo quidam hábuit duos filios, & dixit adolescéntior ex illis patri: Pater, da mihi portiōnem substantiæ, quæ me contíngit. Et divisit illis substantiam. Et non post multos dies congregátis ómnibus, adolescéntior filius pérégrè proféctus est in regiónem longínquam, & ibi dissipavit substantiam suam,

vivendo luxuriósè. Et postquam ómnia consummáset, facta est fames válda in regiōne illa, & ipse cœpit egére. Et ábiit, & adhæsit uní cívium regiōnis illius. Et misit illum in villam suam, ut pásceret porcos. Et cupiébat implére ventrem suum de síliquis, quas porci manducábant: & nemo illi dabat. In se autem revérsum, dixit: Quanti mercenárii in domo patris mei abundant panibus, ego autem híc fame péreo. Surgam, & ibo ad patrem meum, & dicam ei: Pater, peccávi in cœlum, & coram te, jam non sum dignus vocári filius tuus: fac me sicut unum de mercenáriis tuis. Et surgens, venit ad patrem suum. Cū autem adhuc longè esset, vidit illum pater ipsius, & misericórdia motus est, & accúrrens cecidit super collum ejus, & osculátus est eum. Dixítque ei filius: Pater, peccávi in cœlum, & coram te; jam non sum dignus vocári filius tuus. Dixit autem pater ad servos suos: Citò proférte stolam primam, & indúite illum, & date ánnulum in manum ejus, & calceaménta in pedes ejus: & addúcite vítulum saginátum, & occídite, & manducémus, & epulémur: quia hic filius meus mórtuus erat, & revíxit: perierat, & invéntus est. Et cœpérunt epulári. Erat autem filius ejus sénior in agro, & cū veníret, & appropinquáret dómui, audívit symphoníam, & chorum: & vocávit unum de servis, & interrogávit, quid hæc essent. Isque dixit illi: Frater tuus venit, & occídit pater tuus vítulum saginátum, quia sal-



salvum illum recépit. Indignatus est autem, & nolébat introire. Pater ergo illius egréssus, cœpit rogare illum. At ille respóndens, dixit patri suo: Ecce tot annis sêrvio tibi, & numquam mandátum tuum præterívi, & numquam dedísti mihi hœdum, ut cum amícis meis epulárer, sed postquam filius tuus hic, qui devorávit substantiam suam cum meretricibus, venit, occidísti illi vítulum faginátum. At ipse dixit illi: Fili, tu semper mecum es: & ómnia mea tua sunt; epulári autem, & gaudére oportébat, quia frater tuus hic, mórtuus erat, & revíxit: perierat, & invéntus est.

*Offertorium. Ps. 12.* Illúmina oculos meos, ne umquam obdórmiam in morte: nequándo dicat inimícus meus, Præválui advérsus eum. *Secreta.*

**H**is sacrificiis, Dómine, concéde placátus: ut, qui própriis orámus absólvi delíctis, non gravémur extérnis. Per Dóminum.

*Aliæ Secretæ ut in Feria iv. Cinerum. fol. 57.*

*Communio. Luc. 15.* Opórtet te, fili, gaudére, quia frater tuus mórtuus fuerat, & revíxit: perierat, & invéntus est.

*Postcommunio.*

**S**acraménti tui, Dómine, divína libátio, penetrália nostri cordis infúndat: & sui nos partícipes poténter efficiat. Per Dóminum.

*Aliæ Postcommun. ut in Feria iv. Cinerum. fol. 57.*

*Super populum.* Orémus. Humiliáte cápita vestra Deo.

*Oratio.*

**F**amíliam tuam, quæsumus Dómine, contínuapietáte

custódi: ut quæ in sola spe grátiae cœléstis innítitur, cœlésti étiam protectióne muniátur. Per Dóminum.

### DOMINICA III. IN QUADRAGESIMA.

*Statio ad S. Laurentium extra muros. Introitus. Psal. 24.*

**O**Culi mei semper ad Dóminum, quia ipse evéllit de láqueo pedes meos: respice in me, & miserére mei, quóniam únicus, & pauper sum ego.

*Psal. ib.* Ad te Dómine levávi ánimam meam: Deus meus in te confido, non erubescam.

*v. Glória Patri. Oratio.*

**Q**uæsumus omnipotens Deus, vota humílium respice: atque ad defensiónem nostram, dexteram tuæ majestátis exténde. Per Dóminum.

*Aliæ Orationes ut in Feria iv. Cinerum. fol. 56.*

Léctio Epístolæ beáti Pauli Apóstoli ad Ephésios *Ephes. 5.*

**F**Ratres, Estóte imitátóres Dei, sicut filii charíssimi: & ambuláte in dilectióne, sicut & Christus dilexit nos, & trádidit semetípsum pro nobis oblatiónem, & hóstiam Deo in odórem suavitátis. Fornicatio autem, & omnis immundítia, aut avarítia nec nominétur in vobis, sicut decet sanctos: aut turpítudo, aut stultilóquium, aut scurrílitás, quæ ad rem non pértinet: sed magis gratiárum áctio. Hoc enim scitóté intelligéntes: quòd omnis fornicátor, aut immúndus, aut avárus, quod est

M

ido.



idolórum sérvitus, non habet hæreditátem in regno Christi & Dei. Nemo vos sedúcat inánibus verbis: propter hæc enim venit ira Dei in filios diffidéntiæ. Nolíte ergo éffici partícipes eórum. Erátis enim aliquándo ténebræ: nunc autem lux in Dómino. Ut filii lucis ambuláte: fructus enim lucis est in omni bonitáte, & justítia, & veritáte.

*Graduale. Psal. 9.* Exúrge Dómine, non præváleat homo: judicéntur Gentes in conspéctu tuo. *℣.* In converténdo inimicum meum retrórsim, infirmabúntur, & períbunt à fácie tua.

*Traçtus. Psal. 122.* Ad te levávi óculos meos, qui hábitas in cœlis. *℣.* Ecce sicut óculi fervórum in mánibus dominórum suórum. *℣.* Et sicut óculi ancillæ in mánibus dóminæ suæ: ita óculi nostri ad Dóminum Deum nostrum, donec misereátur nostri.

*℣.* Miserére nobis Dómine, miserére nobis.

Sequéntia sancti Evangélíi secúndum Lucam.

*Luc. 11. b.*

**I**n illo témpore: Erat Jesus ejícíens dæmónium, & illud erat mutum. Et cùm ejecíffet dæmónium, locútus est mutus, & admirátæ sunt turbæ. Quidam autem ex eis dixerunt: in Beélzebub príncipe dæmoniórum ejícit dæmónia. Et álíi tentátes, signum de cœlo quærébant ab eo. Ipse autem ut vidit cogitátiones eórum, dixit eis: Omne regnum in seípsum di-

vísium, desolábitur, & domus supra domum cadet. Si autem & fátanas in seípsum divísus est, quómodo stabit regnum ejus? quia dícitis, in Beélzebub me ejícere dæmónia. Si autem ego in Beélzebub ejício dæmónia: filii vestri in quo ejíciunt? Ideò ipsi júdices vestri erunt. Porrò si in dígitó Dei ejício dæmónia, proféctò pervénit in vos regnum Dei. Cùm fortis armátus custódit átrium suum, in pace sunt ea, quæ póssidet. Si autem fórtior eo supervéniens vícerit eum, univérsa arma ejus áuferet, in quibus confidébat, & spólia ejus dítribuet. Qui non est mecum, contra me est: & qui non cólligit mecum, dispérgit. Cùm immúndus spíritus exíerit de hómíne, ámbulat per loca inaquósa, quærens réquiem, & non invéniens, dicit: Révértar in domum meam unde exívi. Et cùm vénerit, invenit eam scopis mundátam & ornátam. Tunc vadit, & afsúmit septem álíos spíritus secum, nequióres se, & ingrési hábitant ibi. Et fiunt novíssima hómínis illíus pejóra prióribus. Factum est autem, cùm hæc diceret: extóllens vocem quædam múlíer de turba dixit illi: Beátus venter, qui te portávit, & úbera, quæ suxísti. At ille dixit: Quinímò beáti, qui áudiunt verbum Dei, & custódiunt illud. Credo.

*Offertorium. Ps. 18.* Justítia Dómini rectæ, lætificátes corda, & judícia ejus dulcióra super mel & favum: nam & servus tuus custódit ea.



*Secreta.*

**H**Æc hóstia, Dómine quæsumus, emúndet nostra delícta: & ad sacrificium celebrándum subditórum tibi córpora mentésque sanctíficet. Per Dóminum.

*Aliæ Secretæ ut in Feria iv. Cinerum. fol. 57.*

*Communio. Ps. 83.* Passer invénit sibi domum, & tur-tur nidum, ubi repónat pullos suos: altária tua Dómine virtútum, Rex meus, & Deus meus: beáti qui hábitant in domo tua, in sæculum sæculi laudábunt te.

*Postcommunio.*

**A** Cunctis nos, quæsumus Dómine, reátibus & perículis propitiátus absólve: quos tanti mystérii tríbuis esse partícipes. Per Dóminum.

*Aliæ Postcom. ut in Feria iv. Cinerum. fol. 57.*

## FERIA SECUNDA.

*Statio ad sanctum Marcum.**Introitus. Psal. 55.*

**I**N Deo laudábo verbum, in Dómino laudábo sermónem, in Deo sperábo, non timébo quid fáciat mihi homo.

*Psal. ibid.* Miserére mei Deus, quóniam conculcávit me homo: tota die bellans tribulávit me. v. Glória.

*Oratio.*

**C**Ordibus nostris, quæsumus Dómine, grátiam tuam benígnus infúnde: ut sicut ab escis carnálibus abstínemus; ita sensus quoque nostros à nóxiis retrahámus excéssibus. Per Dóminum.

*Aliæ Orationes ut in Feria iv. Cinerum. fol. 56.*

Léctio libri Regum. 4. Reg. 5.

**I**N diébus illis: Náaman princeps milítiae regis Syriæ, erat vir magnus apud dóminum suum, & honorátus: per illum enim dedit Dóminus salútem Syriæ: erat autem vir fortis, & dives, sed leprósus. Porrò de Syria egréssi fúerant latrúnculi, & captívam duxérunt de terra Israél puéllam párvulam, quæ erat in obsequio uxóris Náaman, quæ ait ad dóminam suam: Utinam fuisset dóminus meus ad Prophétam, qui est in Samaría: profectò curasset eum à lepra, quam habet. Ingressus est itaque Náaman ad dóminum suum, & nuntiávit ei, dicens: Sic & sic locúta est puélla de terra Israél. Dixitque ei rex Syriæ: Vade, & mittam líteras ad regem Israél. Qui cùm profectus esset, & tulisset secum decem talénta argénti, & sex míllia áureos, & decem mutatória vestimentórum, détulit líteras ad regem Israél, in hæc verba: Cùm acceperis epístolam hanc, scito quòd míserim ad te Náaman servum meum, ut cures eum à lepra sua. Cùmque legisset rex Israél líteras, scidit vestiménta sua, & ait: Numquid Deus ego sum, ut occídere possim, & vivificáre, quia iste misit ad me, ut cures hóminem à lepra sua? animadvértite, & vidéte quòd occasiões quærat advérsum me. Quod cùm audisset Eliséus vir Dei, scidisse videlicet Regem Israél vestiménta sua, misit ad eum, dicens: Quare scidisti vestiménta tua? véniat ad me, & sciat esse Prophétam in Israél. Venit ergo Náaman cum equis



& cúrribus, & stetít ad óstium domus Eliséi: misítque ad eum Eliséus núntium, dicens: Vade, & laváre sépties in Jordáne, & recípiet sanitátem caro tua, atque mundáberis. Irátus Náaman recedébat, dicens: Putábam quòd egredérétur ad me, & stans invocáret nomen Dómini Dei sui, & tángeret manu sua locum lepræ, & curáret me. Numquid non meliôres sunt Abana & Pharphar flúvii Damásci ómnibus aquis Israël, ut laver in eis, & munder? Cùm ergo vertíffet se, & abíret indignans, accessérunt ad eum servi sui, & locúti sunt ei: Pater, & si rem grandem dixíffet tibi Prophéta, certè fácere debúeras: quantò magis quia nunc dixit tibi: Laváre, & mundáberis? Descéndit, & lavit in Jordáne sépties juxta fermónem viri Dei, & restitúta est caro ejus, sicut caro púeri párvuli, & mundátus est. Reversúsque ad virum Dei cum univérso comitátu suo venit, & stetit coram eo, & ait: Verè scio, quòd non sit álius Deus in univérsa terra, nisi tantùm in Israël.

*Graduale. Ps. 55.* Deus, vítam meam annuntiávi tibi: posuísti lácrymas meas in conspéctu tuo. *V.* Miserére mei Dómine, quóniam conculcávit me homo: tota die bellans tribulávit me.

*Tractus. Ps. 102.* Dómine, non secúndum peccáta nostra, quæ fécimus nos: neque secúndum iniquitates nostras retríbuas nobis.

*V. Ps. 78.* Dómine, ne memíneris iniquitátum nostrárum antiquárum: citò anticipent

nos misericórdiæ tuæ, quia páuperes facti sumus nimis.

*V. Hic genuflectitur.* Adjuva nos Deus salutáris noster: & propter glóriam nóminis tui Dómine, libera nos: & propítius esto peccátis nostris, propter nomen tuum.

Sequéntia sancti Evangélíi secúndum Lucam.

*Luc 4. c.*

**I**N illo témpore: Dixit Jesus Pharisæis: Utique dicétis mihi hanc similitúdinem: Médice cura, teípsum: quanta audívimus facta in Caphárnaum, fac & híc in pátria tua. Ait autem: Amen dico vobis, quia nemo Prophéta accéptus est in pátria sua. In veritáte dico vobis, multæ víduæ eránt in diébus Elíæ in Israël, quando clausum est cœlum annis tribus, & ménfibus sex, cùm facta esset fames magna in omni terra: & ad nullam illárum missus est Elías, nisi in Sarépta Sidóniæ, ad mulierem víduam. Et multi leprósi erant in Israël sub Eliséo Prophéta: & nemo eórum mundátus est nisi Náaman Syrus. Et repléti sunt omnes in synagóga ira, hæc audiéntes. Et surrexérunt, & ejecérunt illum extra civitátem, & duxérunt illum usque ad supercílíum montis, super quem civitas illórum erat ædificáta, ut præcipitárent eum. Ipse autem tránfiens per médium illórum, ibat.

*Offertorium. Ps. 54.* Exáudi Deus oratióem meam, & ne despéxeris deprecatióem meam: inténde in me, & exáudi me.

*Secreta.*



## Secreta.

**M**Unus, quod tibi Dómine nostræ servitutis offerimus, tu salutare nobis perfice sacramentum. Per Dóminum nostrum

*Aliæ Secretæ ut in Feria iv. Cinerum. fol. 57.*

*Commun. Ps. 13.* Quis dabit ex Sion salutare Israël? cūm avérterit Dóminus captivitatem plebis suæ, exultábit Jacob, & lætábitur Israël.

## Postcommunio.

**P**Ræsta quæsumus omnipotens & miséricors Deus: ut quod ore contíngimus, pura mente capiámus. Per Dóminum nostrum.

*Aliæ Postcommun. ut in Feria iv. Cinerum. fol. 57.*

*Super populum.* Orémus. Humiliáte cápita vestra Deo.

## Oratio.

**S**ubvéniat nobis, Dómine, misericórdia tua: ut ab imminéntibus peccatórum nostrórum perículis, te mereámur protegente éripi, te liberánte, salvári. Per Dóminum.

## FERIA TERTIA.

*Statio ad S. Pudentianam.*

*Introitus. Psal. 16.*

**E**Go clamávi, quóniam exaudísti me Deus: inclínam aurem tuam, & exaudi verba mea: custódi me Dómine, ut pupíllam óculi: sub umbra alárum tuárum prótege me.

*Psal. ibid.* Exáudi Dómine justítiam meam: inténde deprecationem meam.

v. Glória Patri.

## Oratio.

**E**Xáudi nos omnipotens & miséricors Deus: & continéntiæ salutaris propítius nobis dona concéde. Per Dóminum nostrum.

*Aliæ Orationes ut in Feria iv. Cinerum. fol. 56.*

Léctio libri Regum. 4. Reg. 4.

**I**N diébus illis: Múlier quædam clamábat ad Eliséum Prophétam, dicens: Servus tuus vir meus mórtuus est, & tu nosti quia servus tuus fuit timens Dóminum: & ecce créditor venit ut tollat duos filios meos ad serviéndum sibi. Cui dixit Eliséus: Quid vis ut fáciam tibi? Dic mihi, quid habes in domo tua? At illa respóndit: Non hábeo ancílla tua quidquam in domo mea, nisi parum ólei, quo ungar: Cui ait: Vade, pete mútuò ab ómnibus vicínis tuis vasa vácuā non pauca. Et ingrédere, & claude óstium tuum, eūm intrínsecūs fúeristu, & filii tui: & mitte inde in ómnia vasa hæc: & cū plena fúerint, tolles. Ivit itaque múlier, & clausit óstium super se & super filios suos: illi offerébant vasa, & illa infundébat. Cūque plena fuíssent vasa, dixit ad filium suum: Affer mihi adhuc vas. Et ille respóndit: Non hábeo. Stetítque óleum. Venit autem illa, & indicávit hómini Dei. Et ille, Vade, inquit, vende óleum, & redde creditóri tuo: tu autem, & filii tui vívite de réliquo.

*Graduale. Ps. 18.* Ab occultis meis munda me Dómine: & ab aliénis parce servo tuo. ✠. Si mei non fúerint domináti, tunc immaculátus ero.



ero: & emundabor à delicto máximo.

Sequéntia sancti Evangélíi secundùm Matthæum.

*Matth. 18. d.*

**I**N illo témpore: Dixit Jesus discíplis suis: Si peccáverit in te frater tuus, vade, & córripe eum inter te & ipsum solum. Si te audierit, lucrátus eris fratrem tuum. Si autem te non audierit, ádhibe tecum adhuc unum, vel duos, ut in óre duórum, vel trium téstium stet omne verbum. Quòd si non audierit eos, dic Ecclesiæ. Si autem Ecclesiám non audierit, sit tibi sicut éthnicus & publicánus. Amen dico vobis, quæcúmque alligavéritis super terram, erunt ligáta & in cælo: & quæcúmque solvéritis super terram, erunt solúta & in cælo. Iterùm dico vobis, quia si duo ex vobis consénserint super terram, de omni re quancúmque petierint, fiet illis à Patre meo, qui in cælis est. Ubi enim sunt duo vel tres congregáti in nómine meo, ibi sum in médio eórum. Tunc accédens Petrus ad eum, dixit: Dómine quoties peccábit in me frater meus, & dimittam ei? usque septies? Dicit illi Jesus: Non dico tibi usque septies: sed usque septuágies septies.

*Offertorium. Ps. 117.* Dextera Dómini fecit virtútem, dextera Dómini exaltávit me: non inóriar, sed vivam, & narrábo ópera Domini.

*Secreta.*

**P**er hæc véniat, quæsumus Dómine, salus nostra, no-

stræ redemptionis efféctus: qui nos & ab humánis rétrahat semper excéssibus, & ad salutária dona perdúcat. Per Dóminum.

*Aliæ Secretæ ut in Feria iv. Cinerum. fol. 57.*

*Communio. Ps. 14.* Dómine quis habitábit in tabernáculo tuo? aut quis requiescet in monte sancto tuo? Qui ingreditur sine mácula, & operátur justítiam.

*Postcommunio.*

**S**acris, Dómine, mystériis expiáti: & véniam, quæsumus, consequámur, & grátiam. Per Dóminum.

*Aliæ Postcomm. ut in Feria iv. Cinerum. fol. 57.*

*Super populum.* Orémus. Humiliáte cápita vestra Deo.

*Oratio.*

**T**ua nos, Domine, protectione defénde, & ab omni semper iniquitate custódi. Per Dominum.

## FERIA QUARTA.

*Statio ad sanctum Xystum.*

*Introitus. Psal. 30.*

**E**go autem in Dómino sperábo: exultábo & letabor in tua misericórdia: quia respexísti humilitátem meam. *Psal. ib.* In te Dómine sperávi, non confúndar in ætérnum: in justítia tua libera me, & éripe me. v. Glória Patri.

*Oratio.*

**P**ræsta nobis, quæsumus Dómine: ut salutáribus jejúniis erudíti, à nóxiis quoque vítiis abstinéntes, propitiatiónem tuam facílius impetrémus. Per Dóminum.

*Aliæ*



*Aliæ Orationes ut in Feria iv.  
Cinerum. fol. 56.*

*Lectio libri Génesis.*

*Exod. 20. b.*

**H**Æc dicit Dóminus Deus:  
Honóra patrem tuum &  
matrem tuam, ut sis longævus  
super terram, quam Dóminus  
Deus tuus dabit tibi. Non oc-  
cides. Non mœcháberis. Non  
furtum fácies. Non loquéris  
contra próximum tuum fal-  
sum testimónium. Non con-  
cupísces domum próximi tui.  
Nec desiderábis uxórem ejus,  
non servum, non ancíllam,  
non bovem, non ásinum, nec  
ómnia, quæ illíus sunt. Cun-  
ctus autem pópulus vidébat  
voces, & lámpades, & sóni-  
tum búccinæ, montémque fu-  
mántem: & pertérriti, ac pa-  
vóre concússi, steterunt pro-  
cul, dicéntes Móysi: Lóquere  
tu nobis, & audiémus: non lo-  
quátur nobis Dóminus, ne for-  
tè moriámur. Et ait Móyses  
ad pópulum: Nolíte timére:  
ut enim probáret vos, venit  
Deus, & ut terror illíus esset  
in vobis, & non peccarétis.  
Stetítque pópulus de longè.  
Móyses autem accéssit ad calí-  
ginem, in qua erat Deus. Dixit  
prætereà Dóminus ad Móy-  
sen: Hæc dices filiis Israél: Vos  
vidístis, quòd de cœlo locútus  
sim vobis. Non faciétis deos  
argénteos, nec deos áureos fa-  
ciétis vobis. Altáre de terra  
faciétis mihi, & offerétis su-  
per eo holocáusta & pacífica  
vestra, oves vestras, & boves  
in omni loco, in quo memó-  
ria fúerit nóminis mei.

*Graduale. Psal. 6. Miserére  
mei Dómine, quóniam infir-  
mus sum: sana me Dómine.*

*℣. Conturbáta sunt ómnia*

ossa mea: & ánima mea tur-  
báta est valdè,

*Traetus. Psal. 102. Dómine  
non secúndum peccáta nostra,  
quæ fécimus nos: neque se-  
cúndum iniquitátes nostras re-  
tribuas nobis. ℣. Ps. 78. Dó-  
mine, ne memíneris ini-  
quitátum nostrárum antiquá-  
rum: citò anticipent nos mi-  
sericórdiæ tuæ, quia páuperes  
facti sumus nimis.*

*℣. Hic genuflectitur. Adjuva  
nos Deus salutáris noster: &  
propter glóriam nóminis tui  
Dómine, líbera nos: & propí-  
tius esto peccátis nostris, pro-  
pter nomen tuum.*

*Sequéntia sancti Evangélíi se-  
cúndum Matthæum.*

*Matth. 15.*

**I**N illo témpore: Accessé-  
runt ad Jesum ab Jerosó-  
lymis Scribæ & Pharisei,  
dicéntes: Quare discípuli tui  
transgrediúntur traditióem  
seniórum? non enim lavant  
manus suas cùm panem man-  
dúcant. Ipse autem respón-  
dens, ait illis: Quare & vos  
transgredímini mandatum Dei  
propter traditióem vestram?  
Nam Deus dixit: Honóra pa-  
trem & matrem. Et: Qui ma-  
ledíxerit patri vel matri, mor-  
te moriátur. Vos autem díci-  
tis: Quicúmque díxerit patri  
vel matri: Munus quodcúm-  
que est ex me, tibi próderit: &  
non honorificábit patrem su-  
um, aut matrem suam: & írri-  
tum fecístis mandátum Dei  
propter traditióem vestram.  
Hypócritæ, benè prophetávit  
de vobis Isaías, dicens: Pópulus  
hic lábiis me honórat: cor au-  
tem eórum longè est à me. Si-  
ne causa autem colunt me, do-



céntes doctrínas & mandáta hóminum. Et convocátis ad se turbis, dixit eis: Audíte, & intelligíte: Non quod intrat in os, coínquinat hóminem: sed quod procedit ex ore, hoc coínquinat hóminem. Tunc accedéntes discípuli ejus, dixerunt ei: Scis quia Pharisei, audíto verbo hoc, scandalizáti sunt? At ille respóndens, ait: Omnis plantátio, quam non plantávit Pater meus coeléstis, eradicábitur. Sínite illos: cæci sunt, & duces cæcorum. Cæcus autem si cæco ducátum præstet, ambo in foveam cadunt. Respóndens autem Petrus, dixit ei: Edíffere nobis parábolam istam. At ille dixit: Adhuc & vos sine intellectu estis? Non intelligitis, quia omne, quod in os intrat, in ventrem vadit, & in secéssum emíttitur? Quæ autem procedunt de ore, de corde éxeunt, & ea coínquinant hóminem: de corde enim éxeunt cogitatiónes malæ, homicídia, adultéria, fornicatiónes, furta, falsa testimónia, blasphemíæ. Hæc sunt, quæ coínquinant hóminem. Non lotis autem mánibus manducáre, non coínquinat hóminem.

*Offertorium. Psal. 108. Dómine, fac mecum misericórdiam tuam propter nomen tuum: quia suávis est misericórdia tua.*

*Secreta.*

**S**Uscipe, quæsumus Dómine, preces pópuli tui cum oblatiόνibus hostiárum: & tua mystéria celebrantes, ab ómnibus nos defénde perículis. Per Dóminum.

*Aliæ Secretæ ut in Feria iv. Cinerum. fol. 57.*

*Communia. Psal. 15. Notas mihi fecísti vias vitæ: adimplébis me lætítia cum vultu tuo, Dómine.*

*Postcommunio.*

**S**ANCTÍFICET nos, Dómine, qua pasti sumus, mensa coeléstis: & à cunctis erróribus expiátos, supernis promissiόνibus reddat accéptos. Per Dóminum.

*Aliæ Postcommuniones ut in Feria iv. Cinerum. fol. 57.*

*Super populum. Orémus. Humiliáte cápita vestra Deo.*

*Oratio.*

**C**ONCÉDE quæsumus omnípotens Deus: ut qui protectiόνis tuæ grátiam quærimus, liberáti à malis ómnibus, secúra tibi mente fervíamus. Per Dóminum.

**F E R I A Q U I N T A.**  
*Statio ad SS. Cosmam & Damianum. Introitus.*

**S**ALUS pópuli ego sum, dicit Dóminus: de quacúmque tribulatióne clamáverint ad me, exáudiam eos: & ero illórum Dóminus in perpétuum.

*Psal. 77. Atténdite pópule meus legem meam: inclináte aurem vestram in verba oris mei.*

*v. Glória Patri. Oratio.*

**M**AGNÍFICET te, Dómine, sanctórum tuórum Cosmæ & Damiáni beáta solémnitas: qua & illis glóriam sempitérnam, & opem nobis ineffábili providéntia contulísti. Per Dóminum.

*Aliæ Orationes ut in Feria iv. Cinerum. fol. 56.*

*Léctio Jeremíæ Proph. Jer. 7.*  
**I**N diébus illis: Factum est verbum Dómini ad me, dicens:



cens: Sta in porta domus Dómini, & prædica ibi verbum istud, & dic: Audíte verbum Dómini omnis Juda, qui ingredimini per portas has, ut adorétis Dóminum. Hæc dicit Dóminus exercítuum Deus Israël: Bonas fácite vias vestras, & stúdia vestra: & habitábo vobíscum in loco isto. Nolíte confidere in verbis mendácii, dicéntes: Templum Dómini, templum Dómini, templum Dómini est. Quóniam si benè direxéritis vias vestras, & stúdia vestra: si fecéritis iudícium inter virum & próximum ejus: ádvenæ, & pupíllo, & víduæ non fecéritis calúmniam, nec sánguinem innocentem effudéritis in loco hoc, & post deos aliénos non ambulavéritis in malum vobismetípsis, habitábo vobíscum in loco isto; in terra, quam dedi pátribus vestris à sæculo, & usque in sæculum: ait Dóminus omnípotens.

*Graduale. Psal. 144.* Oculi ómnium in te sperant, Dómine: & tu das illis escam in témpore opportúno. *V.* Aperis tu manum tuam, & imples omne ánimam benedictióne.

Sequéntia sancti Evangélíi secúndum Lucam.

*Luc. 4. f.*

**I**N illo témpore: Surgens Iesus de Synagóga, introívit in domum Simónis. Sorcrus autem Simónis tenebátur magnis fébribus, & rogavérunt illum pro ea. Et stans super illam, imperávit febrí, & dimísit illam. Et contínuò surgens, ministrábat illis. Cúm autem sol occidíffet, omnes qui habébant infirmos váriis languóri-

bus, ducébant illos ad eum. At ille sín-gulis manus impónens, curábat eos. Exíbant autem dæmónia à multis, clamántia, & dicéntia: Quia tu es Fílius Dei: & increpans, non finébat ea loqui, quia sciébant ipsum esse Christum. Facta autem die, egréssus ibat in desértum locum, & turbæ requirébant eum, & venérunt usque ad ipsum, & detinébant illum, ne discéderet ab eis. Quibus ille ait: Quia & áliis civitatibus opórtet me evangelizáre regnum Dei: quia ídeò missus sum. Et erat prædicans in Synagógis Galilææ.

*Offertorium. Ps. 137.* Si ambulávero in médio tribulatiónis, vivificábis me Dómine, & super iram inimicórum meórum exténderis manum tuam, & salvum me fáciet dextera tua.

*Secreta.*

**I**N tuórum, Dómine, pretiósa morte justórum sacrificium illud offérimus, de quo martyrium sumpsit omne principium. Per Dóminum.

*Aliæ Secretæ ut in Feria iv. Cinerum. fol. 57.*

*Communio.* Tu mandásti mandáta tua custodíri nimis: útinam dirigántur viæ meæ ad custodiéndas justificatiónes tuas.

*Postcommunio.*

**S**It nobis Dómine sacraménti tui certa salvátio: quæ cum beatórum mártýrum tuórum Cosmæ & Damiáni méritis implorátur. Per Dóminum.

*Aliæ Postcommuniones ut in Feria iv. Cinerum. fol. 57.*

*Super populum.* Orémus. Humiliáte cápita vestra Deo.

*Oratio.*

**S**ubjéctum tibi pópulum, quæsumus Dómine, propiti-

N

tiá-



tiatio cœlestis amplifcet, & tuis semper faciat servire mandatis. Per Dñm.

### FERIA SEXTA.

*Statio ad S. Laurentium in Lucina. Introitus. Ps. 85.*

**F**Ac mecum, Dñe, signum, in bonum: ut videant qui me oderunt, & confundantur, quoniam tu Dñe adjuvisti me, & consolatus es me.

*Psal. ibid.* Inclina Dñe aurem tuam, & exaudi me: quoniam inops, & pauper sum ego.

*v.* Glória Patri.

*Oratio.*

**J**ejunia nostra, quæsumus Dñe, benigno favore profequere, ut sicut ab alimentis abstinemus in corpore, ita à vitiis jejunemus in mente. Per Dñm.

*Aliæ Orationes ut in Feria iv. Cinerum. fol. 56.*

Lectio libri Númeri.

*Num. 20.*

**I**N diébus illis: Convenérunt filii Israël adversum Móysen & Aaron: & versi in seditionem, dixerunt: Date nobis aquam, ut bibamus. Ingressusque Móyses & Aaron, dimissa multitúdine, tabernáculum fœderis, corruérunt proni in terram, clamaveruntque ad Dñm, atque dixerunt: Dñe Deus, audi clamorem hujus pópuli, & áperi eis thesaurum tuum, fontem aquæ vivæ, ut satiati, cesset murmuratio eorum. Et apparuit glória Dñi super eos. Locutusque est Dñus ad Móysen, dicens: Tolle virgam, & congrega pópulum tu & Aaron

frater tuus, & loquimini ad petram coram eis, & illa dabit aquas. Cúmque eduxeris aquam de petra, bibet omnis multitúdo, & jumenta ejus. Tulit igitur Móyses virgam, quæ erat in conspectu Dñi, sicut præcéperat ei, congregata multitúdine ante petram, dixitque eis: Audite rebelles & increduli: Num de petra hac vobis aquam poterimus ejicere? Cúmque elevasset Móyses manus, percussit virga bis sílicem, egressæ sunt aquæ largíssimæ, ita ut pópulus biberet & jumenta. Dixitque Dñus ad Móysen & Aaron: Quia non credidistis mihi, ut sanctificaretis me coram filiis Israël, non introducétis hos pópulos in terram, quam dabo eis. Hæc est aqua contradiçtionis, ubi jurgati sunt filii Israël contra Dñm, & sanctificatus est in eis.

*Graduale. Psal. 17.* In Deo sperávit cor meum, & adjutus sum, & reflóruit caro mea, & ex voluntate mea confitebor illi. *v.* Ad te, Dñe, clamávi: Deus meus ne síleas: ne discédas à me.

*Tractus. Ps. 102.* Dñe, non secúndum peccata nostra, quæ fecimus nos: neque secúndum iniquitates nostras retribuas nobis. *v.* *Psal. 78.* Dñe, ne memíneris iniquitatum nostrarum antiquarum: citò anticipent nos misericórdiæ tuæ, quia páuperes facti sumus nimis. *v.* *Hic genuflectitur.* Adjuva nos Deus salutáris noster, & propter glóriam nóminis tui Dñe, libera nos: & propítius esto peccatis nostris, propter nomen tuum.

Se-



Sequéntia sancti Evangélíi secúndum Joannem.

*Joann. 4.*

**I**N illo témpore: Venit Jesus in civitátem Samaríæ, quæ dicitur Sichar: juxta prædium, quod dedit Jacob Joseph filio suo. Erat autem ibi fons Jacob. Jesus ergo fatigátus ex itínere, sedébat sic supra fontem. Hora erat quasi sexta. Venit múlíer de Samaría hauríre aquam. Dicit ei Jesus: Da mihi bíbere. (Discípuli enim ejus abierant in civitátem, ut cibos émerent.) Dicit ergo ei múlíer illa Samaritána: Quómodo tu Judæus cùm sis, bíbere à me poscis, quæ sum múlíer Samaritána? non enim contúntur Judæi Samaritánis. Respóndit Jesus, & dixit ei: Si scires donum Dei, & quis est qui dicit tibi, Da mihi bíbere: tu fórfitan petísses ab eo, & dedíffet tibi aquam vivam. Dicit ei múlíer: Dómine, neque in quo háurias habes, & púteus altus est: unde ergo habes aquam vivam? Numquid tu major es patre nostro Jacob, qui dedit nobis púteum, & ipse ex eo bibit, & filii ejus, & pécora ejus? Respóndit Jesus, & dixit ei: Omnis qui bibit ex aqua hac, sítiet íterum: qui autem bíberit ex aqua, quam ego dabo ei, non sítiet in ætérnum: sed aqua, quam ego dabo ei, fiet in eo fons aquæ salíentis in vitam ætérnam. Dicit ad eum múlíer: Dómine da mihi hanc aquam, ut non sítiam, neque véniam huc hauríre. Dicit ei Jesus: Vade, voca virum tuum, & veni huc. Respóndit múlíer, & dixit: Non

hábeo virum. Dicit ei Jesus: Benè dixísti, quia non hábeo virum: quinque enim viros habuísti, & nunc, quem habes, non est tuus vir: hoc verè dixísti. Dicit ei múlíer: Domine, vídeo, quia Prophéta es tu. Patres nostri in monte hoc adoravérunt, & vos dicitis, quia Jerosólymis est locus, ubi adoráre opórtet. Dicit ei Jesus: Múlíer, crede mihi, quia venit hora, quando neque in monte hoc, neque in Jerosólymis adorábitis Patrem. Vos adorátis quod nescítis: nos adorámus quod scimus, quia salus ex Judæis est. Sed venit hora, & nunc est, quando veri adoratóres adorábunt Patrem in spírítu & veritáte. Nam & Pater tales quærit, qui adorant eum. Spírítus est Deus: & eos, qui adorant eum, in spírítu & veritáte opórtet adoráre. Dicit ei múlíer: Scio, quia Messías venit (qui dicitur Christus.) Cùm ergo vénerit ille, nobis annuntiábit ómnia. Dicit ei Jesus: Ego sum, qui loquor tecum. Et contínuò venérunt discípuli ejus: & mirabántur, quia cum muliere loquebátur. Nemo tamen dixit: Quid quæris, aut quid lóqueris cum ea? Relíquit ergo hydriam suam múlíer, & ábiit in civitátem, & dicit illis homínibus: Veníte, & vidéte hóminem, qui dixit mihi ómnia quæcúmque feci: numquid ipse est Christus? Exiérunt ergo de civitáte, & veniébant ad eum. Intérea rogábant eum discípuli, dicéntes: Rabbi, mandúca. Ille autem dicit eis: Ego cibum hábeo manducáre, quem vos nescítis. Dicébant ergo discípuli



ad invicem: Numquid aliquis attulit ei manducare? Dicit eis Jesus: Meus cibus est, ut faciam voluntatem ejus, qui misit me, ut perficiam opus ejus. Nonne vos dicitis, quod adhuc quatuor menses sunt, & messis venit? Ecce dico vobis: Levate oculos vestros, & videte regiones, quia albæ sunt jam ad messem. Et qui metit, mercedem accipit, & congregat fructum in vitam æternam: ut & qui seminat, simul gaudeat & qui metit. In hoc enim est verbum verum: quia alius est qui seminat, & alius est qui metit. Ego misi vos metere, quod vos non laborastis: alii laboraverunt, & vos in labores eorum introistis. Ex civitate autem illa multi crediderunt in eum Samaritanorum, propter verbum mulieris testimonium perhibentis: Quia dixit mihi omnia quaecumque feci. Cum venissent ergo ad illum Samaritani, rogaverunt eum, ut ibi maneret. Et mansit ibi duos dies. Et multo plures crediderunt in eum propter sermonem ejus. Et mulieri dicebant: Quia jam non propter tuam loquelam credimus: ipsi enim audivimus, & scimus, quia hic est verè Salvator mundi.

*Offertorium. Psal. 5.* Intende voci orationis meæ, Rex meus, & Deus meus: quoniam ad te orabo, Domine.

*Secreta.*

**R**espice, quæsumus Domine, propitius ad munera, quæ facimus: ut tibi grata sint, & nobis salutaria semper existant. Per Dominum.

*Aliæ Secretæ ut in Feria iv. Cinerum. fol. 57.*

*Communio. Joan. 4.* Qui biberit aquam, quam ego dabo ei, dicit Dominus, fiet in eo fons aquæ salientis in vitam æternam.

*Postcommunio.*

**H**ujus nos, Domine, percéptio sacramenti mundet à crimine: & ad cælestia regna perducat. Per Dominum.

*Aliæ Postcomm. ut in Feria iv. Cinerum. fol. 57.*

*Super populum.* Orémus. Humiliate capita vestra Deo.

*Oratio.*

**P**ræsta quæsumus omnipotens Deus: ut qui in tua protectione confidimus, cuncta nobis adversantia, te adjuvante, vincamus. Per Dominum nostrum.

## S A B B A T O.

*Statio ad S. Susannam.*

*Introitus. Psal. 5.*

**V**erba mea auribus percipe Domine, intèllige clamorem meum: intènde voci orationis meæ, Rex meus, & Deus meus.

*Psal. ibid.* Quoniam ad te orabo Domine: manè exaudies vocem meam.

*v. Glória Patri. Oratio.*

**P**ræsta quæsumus omnipotens Deus: ut qui se, affligendo carnem, ab alimentis abstinent; sectando justitiam, à culpa jejūnent. Per Dominum.

*Aliæ Orationes ut in Feria iv. Cinerum. fol. 56*

*Lectio Danielis Prophætæ.*

*Dan. 3.*

**I**n diebus illis: Erat vir habitans in Babylone, & nomen ejus Joakim: & accepit uxorem nomine Susannam, filiam



filiam Helciæ, pulchram nimis, & timéntem Deum: parentes enim illius, cùm essent iusti, erudiérunt filiam suam secúndum legem Móysi. Erat autem Jóakim dives valdè, & erat ei pomárium vicínium dómui suæ, & ad ipsum confluébant Judæi, eò quòd esset honorabílior ómnium. Et constitúti sunt de pópulo duo senes júdices in illo anno: de quibus locútus est Dóminus: Quia egréssa est iníquitas de Babylóne à senióribus judícibus, qui videbántur régere pópulum. Isti frequentábant domum Jóakim, & veniébant ad eos omnes, qui habébant judícia. Cùm autem pópulus revertíffet per merídiem, ingrediebátur Susánna, & deambulábat in pomário viri sui. Et vidébant eam senes quotidie ingrediéntem, & deambulántem: & exarsérunt in concupiscéntiam ejus: & evertérunt sensum suum, & declinavérunt óculos suos, ut non vidérent cœlum, neque recordaréntur judiciórum justórum. Factum est autem, cùm observárent diem aptum, ingrèssa est aliquándo sicut heri & nudiustértius cum duabus solis puéllis, volúitque lavári in pomário: æstus quippe erat: & non erat ibi quisquam præter duos senes absconditos, & contemplátes eam. Dixit ergo puéllis: Aférte mihi óleum & smígmata, & óstia pomárii cláudite, ut laver. Cùm autem egréssæ essent puéllæ, surrexérunt duo senes, & accurrérunt ad eam, & dixerunt: Ecce óstia pomárii clausa sunt, & nemo nos videt, &

nos in concupiscéntia tui sumus: quámobrem assentíre nobis, & commiscére nobiscum. Quòd si nolúeris, dicemus contra te testimónium, quòd fúerit tecum júvenis, & ob hanc causam emíseris puéllas à te. Ingémuit Susánna, & ait: Angústia sunt mihi úndique: si enim hoc égero, mors mihi est: si autem non égero, non effúgiam manus vestras. Sed mélius est mihi absque ópere incidere in manus vestras, quàm peccáre in conspéctu Dómini. Et exclamávit voce magna Susánna: exclamavérunt autem & senes advérsus eam. Et cucúrrit unus ad óstia pomárii, & apéruit. Cùm ergo audíffent clamórem fámuli domus in pomário, irruérunt per pósticum ut vidérent quidnam esset. Postquam autem senes locúti sunt, erubuérunt servi vehementer: quia numquam dictus fúerat sermo hujuscémodi de Susánna. Et facta est dies crástina. Cùmque veníffet pópulus ad Jóakim virum ejus, venérunt & duo senióres pleni iníqua cogitatíone advérsus Susánnam, ut interficerent eam. Et dixerunt coram pópulo: Míttite ad Susánnam filiam Helciæ, uxórem Jóakim. Et statim misérunt. Et venit cum parentibus, & filiis, & univérsis cognátis suis. Flebant ígitur sui, & omnes, qui nóverant eam. Consurgéntes autem duo senióres in médio pópuli, posuérunt manus suas super caput ejus. Quæ flens suspéxit ad cœlum: erat enim cor ejus fidúciam habens in Dómino. Et dixerunt senióres: Cùm deambularémus



in pomário soli, ingressa est hæc cum duabus puellis, & clausit ostia pomarii, & dimisit à se puellas. Venitque ad eam adolescens, qui erat absconditus, & concubuit cum ea. Porro nos cum effemus in angulo pomarii, videntes iniquitatem, cucurrimus ad eos, & vidimus eos pariter commisceri. Et illum quidem non quivimus comprehendere, quia fortior nobis erat, & apertis ostiis exilivit: hanc autem cum apprehendissemus, interrogavimus, quisnam esset adolescens, & noluit indicare nobis: hujus rei testes sumus. Credidit eis multitudo quasi senibus & iudicibus populi, & condemnaverunt eam ad mortem. Exclamavit autem voce magna Susanna, & dixit: Deus æternæ, qui absconditorum es cognitor, qui nosti omnia antequam fiant, tu scis quoniam falsum testimonium tulerunt contra me: & ecce morior, cum nihil horum fecerim, quæ isti malitiosè composuerunt adversum me. Exaudivit autem Dominus vocem ejus. Cumque duceretur ad mortem, suscitavit Dominus spiritum sanctum pueri junioris, cujus nomen Daniel: Et exclamavit voce magna: Mundus ego sum à sanguine hujus. Et conversus omnis populus ad eum, dixit: Quis est iste sermo, quem tu locutus es? Qui cum staret in medio eorum, ait: Sic fatui filii Israël, non judicantes, neque quod verum est cognoscentes, condemnastis filiam Israël? Revertimini ad iudicium, quia falsum testimonium locuti

sunt adversus eam. Reversus est ergo populus cum festinatione. Et dixit ad eos Daniel: Separate illos ab invicem procul, & dijudicabo eos. Cum ergo divisi essent alter ab altero, vocavit unum de eis, & dixit ad eum: Inveterate dierum malorum, nunc venerunt peccata tua, quæ operaberis prius, iudicans iudicia injusta, innocentes opprimens, & dimittens noxios, dicente Domino: Innocentem & justum non interficies. Nunc ergo si vidisti eam, dic sub qua arbore videris eos colloquentes sibi. Qui ait: Sub schino. Dixit autem Daniel: Rectè mentitus es in caput tuum. Ecce enim Angelus Dei, accepta sententia ab eo, scindet te medium. Et amoto eo, iussit venire alium, & dixit ei: Semen Chanaan, & non Juda, species decipit te, & concupiscentia subvertit cor tuum: sic faciebatis filiabus Israël, & illæ timentes loquebantur vobis: sed filia Juda non sustinuit iniquitatem vestram. Nunc ergo dic mihi, sub qua arbore comprehenderis eos loquentes sibi. Qui ait: Sub prino. Dixit autem ei Daniel: Rectè mentitus es & tu in caput tuum: manet enim Angelus Domini, gladium habens, ut secet te medium, & interficiat vos. Exclamavit itaque omnis cætus voce magna, & benedixerunt Deum, qui salvat sperantes in se. Et confurrexerunt adversus duos seniores (convicerat enim eos Daniel, ex ore suo falsum dixisse testimonium) feceruntque



quæ eis sicut malè égerant advérsus próximum, & interfecerunt eos, & salvátus est sanguis innóxius in die illa.

*Graduale. Psal. 22.* Si ámbulem in médio umbræ mortis, non timébo mala: quóniam tu mecum es, Domine. *v.* Virga tua, & báculus tuus, ipsa me consoláta sunt.

Sequéntia sancti Evangélíi secúndum Joánnem.

*Joann. 8.*

**I**N illo témpore: Perréxit Jesus in montem Olivéti, & dilúculò íterum venit in templum, & omnis pópulus venit ad eum, & sedens docébat eos. Addúcunt autem Scribæ & Pharisæi mulierem in adultério deprehénsam: & statuérunt eam in medio, & dixerunt ei: Magíster, hæc mulier modò deprehénsa est in adultério. In lege autem Móyses mandávit nobis hujúsmodi lapidáre. Tu ergo quid dicis? Hoc autem dicébant tentántes eum, ut possent accusáre eum. Jesus autem inclinans se deórsum, dígitó scribebat in terra. Cùm ergo perseverárent interrogántes eum, eréxit se, & díxit eis: Qui sine peccáto est vestrúm, primus in illam lápidem mittat. Et íterum se inclinans, scribébat in terra. Audiéntes autem unus post unum exíbant, incipiéntes à senióribus: & remánfit solus Jesus, & mulier in médio stans. Erigens autem se Jesus, díxit ei: Múlier, ubi sunt, qui te accusábant? nemo te condemnávit? Quæ díxit: Nemo, Dómine. Díxit autem Jesus: Nec ego te con-

demnábo: Vade, & jam ámpliùs noli peccáre.

*Offertorium. Psal. 118.* Gressus meos dírige secúndum elóquium tuum: ut non dominétur mei omnis injustítia, Dómine.

*Secreta.*

**C**oncède quæsumus omnípotens Deus: ut hujus sacrificii munus oblátum, fragilitátem nostram ab omni malo purget semper & múniat. Per Dóminum.

*Aliæ Secretæ ut in Feria iv. Cinerum. fol. 57.*

*Communio. Joan. 8.* Nemo te condemnávit, mulier? nemo, Dómine: nec ego te condemnábo: jam ámpliùs noli peccáre.

*Postcommunio.*

**Q**uæsumus omnípotens Deus: ut inter ejus membra numerémur, cujus cörperi comunicámus & sánguini. Qui tecum vivit.

*Aliæ Postcommuniones ut in Feria iv. Cinerum. fol. 57.*

*Super populum. Orémus.* Humiliáte cápita vestra Deo.

*Oratio.*

**P**ræténde Dómine fidélibus tuis dexteram cœlestis auxílii: ut te toto corde perquírant; & quæ dignè postulant, cónsequi mereántur. Per Dóminum.

## DOMINICA IV. IN QUADRAGESIMA.

*Statio ad S. Crucem in Jerusalem.*

*Introitus. Is. 66.*

**L**ætáre Jerúsalem: & convéntum fácite omnes, qui dilígitis eam: gaudéte cum lætítia, qui in tristítia fuístis:

ut



ut exultétis, & satiémini ab ubéribus consolatiónis vestræ.

*Psal. 121.* Lætátus sum in his quæ dicta sunt mihi : in domum Dómini íbimus. *℟.* Glória Patri. *Oratio.*

**C**oncède quæsumus omnipotens Deus : ut qui ex mérito nostræ actiόνis affligimur, tuæ grátiae consolatióne respirémus. Per Dóminum.

*Aliæ Orationes ut in Feria iv. Cincrum. fol. 56.*

Lectio Epístolæ beáti Pauli Apóstoli ad Gálatas. *Gal. 4. c.*

**F**Ratres, Scriptum est : Quóniam Abraham duos filios habuit : unum de ancílla, & unum de líbera. Sed qui de ancílla, secúndum carnem natus est : qui autem de líbera, per repromissiónem, quæ sunt per allegoríam dicta. Hæc enim sunt duo testaménta. Unum quidem in monte Sina, in servitútem génerans, quæ est Agar : (Sina enim mons est in Arábia, qui conjúctus est ei, quæ nunc est Jerúsalem,) & servit cum filiis suis. Illa autem, quæ sursum est Jerúsalem, líbera est, quæ est mater nostra. Scriptum est enim : Lætáre stérilis, quæ non parit : erúmpe, & clama, quæ non párturis : quia multi filii desérta, magis quàm ejus, quæ habet virum. Nos autem fratres secúndum Isaac promissiónis filii sumus. Sed quómodo tunc is, qui secúndum carnem natus fúerat, persequébatur eum, qui secúndum spíritum : ita & nunc. Sed quid dicit Scriptúra ? Ejice ancíllam, & filium ejus : non enim hæres erit filius ancíllæ cum filio líberæ. Itaque, fratres, non sumus ancíllæ filii,

sed líberæ : qua libertáte Christus nos liberávit.

*Graduale. Psal. 121.* Lætátus sum in his, quæ dicta sunt mihi : in domum Dómini íbimus.

*℟.* Fiat pax in virtúte tua, & abundántia in túrribus tuis.

*Tractus. Psal. 124.* Qui confidunt in Dómino, sicut mons Sion : non commovébitur in ætérnum, qui hábitat in Jerúsalem. *℟.* Montes in circúitu ejus, & Dóminus in circúitu pópuli sui, ex hoc nunc, & usque in sæculum.

Sequéntia sancti Evangélíi secúndum Joánnem. *Joan. 6.*

**I**N illo témpore : Abiit Jesus trans mare Galilææ, quod est Tiberíadis : & sequebátur eum multitúdo magna, quia vidébant signa, quæ faciébat super his, qui infirmabántur. Súbiit ergo in montem Jesus : & ibi sedébat cum discípulis suis. Erat autem próximum Pascha dies festus Judæórum. Cùm subleváset ergo óculos Jesus, & vidísset, quia multitúdo máxima venit ad eum, dixit ad Philíppum : Unde emémus panes, ut mandúcent hi ? Hoc autem dicebat tentans eum : ipse enim sciébat quid esset factúrus. Respóndit ei Philíppus : Ducentórum denariórum panes non sufficiunt eis, ut unusquisque módicum quid accípiat. Dicit ei unus ex discípulis ejus, Andréas frater Simónis Petri ; Est puer unus híc, qui habet quinque panes hordeáceos, & duos pisces : sed hæc quid sunt inter tantos ? Dixit ergo Jesus : Fácite hómines discúmbere. Erat autem fœ-



multum in loco. Discubuérunt ergo viri, número quasi quinque mília. Accépit ergo Jesus panes: & cùm grátias egíffet, distríbuit discumbéntibus; simíliter & ex pískibus quantum volébant. Ut autem impléti sunt, dixit discípulis suis: Collígite quæ superavérunt fragmenta, ne péreant. Collegérunt ergo, & implevérunt duódecim cóphinos fragmentórum ex quinque pánibus hordeáceis, quæ superfuérunt his, qui manducáverant. Illi ergo hómínes cùm vidíssent quòd Jesus fécerat signum, dicébant: Quia hic est verè Prophéta, qui ventúrus est in mundum. Jesus ergo cùm cognovíffet, quia ventúri essent, ut ráperent eum, & fácerent eum regem, fugit íterùm in montem ipse solus. Credo.

*Offertorium. Ps. 139.* Laudáte Dóminum, quia benígnus est: psállite nómini ejus, quóniam suávis est: ómnia quæcúmque vóluit, fecit in cœlo & in terra.

*Secreta.*

**S**acrificiis præsentibus, Dómine quæsumus, inténde placátus: ut & devotióni nostræ proficiant & salúti. Per Dóminum.

*Aliæ Secretæ ut in Feria iv. Cinerum. fol. 57.*

*Communio. Ps. 121.* Jerúsalem, quæ ædificátur ut cívitas, cujus participátio ejus in idípsum: illuc enim ascendérunt tribus, tribus Dómini, ad confiténdum nómini tuo Dómine.

*Postcommunio.*

**D**A nobis, quæsumus misericors Deus: ut sancta tua, quibus incessanter explémur, sincéris tractémus obsé-

quiis, & fidéli semper mente sumámus. Per Dóminum.

*Aliæ Postcommuniones ut in Feria iv. Cinerum. fol. 57.*

FERIA SECUNDA.

*Statio ad sanctos Quatuor Coronatos.*

*Introitus. Psal. 53.*

**D**Eus in nómine tuo salvum me fac, & in virtúte tua libera me: Deus exáudi oratiómem meam: áuribus pércipe verba oris mei.

*Psalm. ibid.* Quóniam aliéni insurrexérunt in me: & fortes quæsiérunt ánimam meam. *v.* Glória Patri.

*Oratio.*

**P**ræsta quæsumus omnipotens Deus: ut observatiónes sacras ánnua devotióne recoléntes, & corpore tibi placeámus & mente. Per Dóminum nostrum.

*Aliæ Orationes ut in Feria iv. Cinerum. fol. 56*

Léctio libri Regum.

*3. Reg. 3. c.*

**I**N diébus illis: Venérunt duæ mulíeres meretríces ad regem Salomónem, steterúntque coram eo: quarum una ait: Obsecro, mi dómíne, ego & mulier hæc habitábamus in domo una, & péperi apud eam in cubículo. Tértia autem die postquam ego péperi, péperit & hæc: & erámus simul, nullúsque álius nobíscum in domo, excéptis nobis duábus. Mórtuus est autem filius mulieris hujus nocte. Dórmíens quippe oppréssit eum. Et confúrgens intempéstæ noctis filéntio, tulit filium meum



meum de latere meo ancillæ tuæ dormientis, & collocavit in sinu suo: suum autem filium, qui erat mortuus, posuit in sinu meo. Cumque surrexisset manē, ut darem lac filio meo, apparuit mortuus: quem diligentius intuens clara luce, deprehendi non esse meum, quem genueram. Responditque altera mulier: Non est ita ut dicis, sed filius tuus mortuus est: meus autem vivit. E contrario illa dicebat: Mentiris: filius quippe meus vivit, & filius tuus mortuus est. Atque in hunc modum contendebant coram rege. Tunc rex ait: Hæc dicit, Filius meus vivit, & filius tuus mortuus est. Et ista respondit, Non, sed filius tuus mortuus est, meus autem vivit. Dixit ergo rex: Afferte mihi gladium. Cumque attulissent gladium coram rege, Dividite, inquit, infāntem vivum in duas partes, & date dimidiam partem uni, & dimidiam partem alteri. Dixit autem mulier, cujus filius erat vivus ad regem: (commota sunt quippe viscera ejus super filio suo:) Obsecro domine, date illi infāntem vivum, & nolite interficere eum. E contrario illa dicebat: Nec mihi, nec tibi sit, sed dividatur. Respondit rex, & ait: Date huic infāntem vivum, & non occidatur: hæc est enim mater ejus. Audivit itaque omnis Israël judicium, quod judicasset rex, & timuerunt regem, videntes sapiētiā Dei esse in eo ad faciendum judicium.

*Graduale. Ps. 30.* Esto mihi in Deum protectōrem, & in locum refūgii, ut salvum me

facias. *Ps. 70.* Deus in te speravi: Domine, non confundar in ætēnum.

*Traetus. Ps. 102.* Domine, non secūndum peccāta nostra, quæ fecimus nos: neque secūndum iniquitates nostras retribuas nobis.

*Ps. 78.* Domine, ne memineris iniquitatum nostrarum antiquarum, citō anticipent nos misericordiæ tuæ, quia pauperes facti sumus nimis.

*Ps. Hic genuflectitur.* Adjuva nos Deus salutaris noster: & propter gloriā nominis tui Domine, libera nos: & propitius esto peccatis nostris, propter nomen tuum.

Sequētia sancti Evangelii secūndum Joānnem.

*Joann. 1.*

**I**N illo tempore: Propè erat Pascha Judæorum, & ascendit Jesus Jerosolymam, & invenit in templo vendētes boves, & oves, & colūmbas, & numulārios sedētes. Et cum fecisset quasi flagellum de funiculis, omnes ejecit de templo, oves, quoque, & boves, & numulariorum effudit æs, & menfas subvertit. Et his, qui colūmbas vendēbant, dixit: Auferte ista hinc, & nolite facere domum Patris mei, domum negotiatiōnis. Recordati sunt verò discipuli ejus, quia scriptum est: Zelus domus tuæ comedit me. Respondērunt ergo Judæi, & dixerunt ei: Quod signum ostēdis nobis, quia hæc facis? Respondit Jesus & dixit eis: Sōlvite templum hoc, & in tribus diēbus excitābo illud. Dixerunt ergo Judæi:



dæi: Quadraginta & sex annis ædificatum est templum hoc, & tu in tribus diebus excitabis illud? Ille autem dicebat de templo corporis sui. Cum ergo resurrexisset à mortuis, recordati sunt discipuli ejus, quia hoc dicebat, & crediderunt Scripturæ & sermóni, quem dixit Jesus. Cum autem esset Jerosólymis in Pascha in die festo, multi crediderunt in nómine ejus, videntes signa ejus, quæ faciēbat. Ipse autem Jesus non credēbat semetípsum eis, eò quòd ipse nosset omnes, & quia opus ei non erat, ut quis testimónium perhiberet de hómine: ipse enim sciēbat quid esset in hómine.

*Offertorium. Ps. 99.* Jubiláte Deo omnis terra, servíte Dómino in lætítia: intráte in conspéctu ejus in exultatióne: quia Dóminus ipse est Deus.

*Secreta.*

**O**blátum tibi, Dómine, sacrificium vivíficet nos semper & múniat. Per Dóminum.

*Aliæ Secretæ ut in Feria iv. Cinerum. fol. 57.*

*Communio. Psal. 18.* Ab occultis meis munda me Domine: & ab aliénis parce servo tuo. *Postcommunio.*

**S**umptis, Dómine, salutáribus sacraméntis, ad redemptionis æternæ, quæsumus, proficiámus augmentum. Per Dóminum.

*Aliæ Postcommuniones ut in Feria iv. Cinerum. fol. 57.*

*Super populum.* Orémus. Humiliáte cápita vestra Deo.

*Oratio.*

**D**eprecatióne nostram, quæsumus Dómine, benígnus exáudi, & quibus sup-

plicándi præstas afféctum, tribue defensionis auxílium. Per Dóminum.

## FERIA TERTIA.

*Statio ad S. Laurentium in Damaso.*

*Introitus. Psal. 54.*

**E**Xáudi Deus oratióne meam, & ne despéxeris deprecationem meam: inténde in me, & exáudi me. *Psal. ibid.* Contristátus sum in exercitatióne mea: & conturbátus sum à voce inimíci, & à tribulatióne peccatóris.

*v. Glória Patri. Oratio.*

**S**acræ nobis, quæsumus Dómine, observatiónis jejúnia, & piæ conversatiónis augmentum, & tuæ propitiatiónis contínuum præstent auxílium. Per Dóminum.

*Aliæ Orationes ut in Feria iv. Cinerum. fol. 56.*

*Lectio libri Exodi. Exod. 32. b.*

**I**N diébus illis: Locútus est Dóminus ad Móysen, dicens: Descénde de monte: peccávit pópulus tuus, quem eduxísti de Terra Ægypti. Recessérunt citò de via, quam ostendísti eis: fecerúntque sibi vítulum conflátilem & adoravérunt, atque immolántes ei hóstias, dixerunt: Isti sunt dii tui Israél, qui te eduxérunt de Terra Ægypti. Rursúmque ait Dóminus ad Móysen: Cerno quòd pópulus iste duræ cervícis sit: dimítte me, ut irascatur furor meus contra eos, & deleam eos, faciámque te in gentem magnam. Móyses autem orábat Dóminum Deum suum, dicens: Cur, Dómine, iráscitur furor tuus contra pópulum tuum, quem eduxísti de



Terra Ægypti, in fortitudine magna, & in manu robusta? Ne, quæso, dicant Ægyptii: Cállidè edúxit eos, ut interficeret in móntibus, & deléret è terra: quiéscat ira tua, & esto placábilis super nequítia pópuli tui. Recordáre Abraham, Isaac, & Israël servórum tuórum, quibus jurásti per te metipsum, dicens: Multiplicábo sēmen vestrum sicut stellas cœli: & univérſam terram hanc, de qua locútus sum, dabo sēmini vestro, & possidébitis eam semper. Placátusque est Dóminus, ne fáceret malum, quod locútus fúerat advérsus pópulum suum.

*Graduale. Psal. 13.* Exúrge Dómine, fer opem nobis: & líbera nos propter nomen tuum. *v.* Deus, áuribus nostris audívimus: & patres nostri annuntiavérunt nobis opus, quod operátus es in diebus eórum, & in diébus antíquis.

Sequéntia sancti Evangélíi secúndum Joánnem.

*Joan. 7. 6.*

**I**N illo témpore: Jam die festo mediánte, ascéndit Iesus in templum, & docébat. Et mirabántur Judæi, dicétes: Quómodo hic líttēras scit, cū non didícerit? Respóndit eis Iesus, & dixit: Mea doctrína non est mea, sed ejus, qui misit me. Si quis volúerit voluntátem ejus fácere, cognóscet de doctrína, utrū ex Deo sit, an ego à meípso loquar. Qui à semetípso lóquitur, glóriam própriam quærit. Qui autem quærit glóriam ejus, qui misit eum, hic verax est, & injustítia in illo non est. Nónne Móyses dedit vo-

bis legem: & nemo ex vobis facit legem? quíd me quæritis interficere? Respóndit turba, & dixit: Dæmónium habes: quis te quærit interficere? Respóndit Iesus, & dixit eis: Unum opus feci, & omnes mirámini. Proptérea Móyses dedit vobis circumcisió-nem: (non quia ex Móyse est, sed ex pátribus) & in Sábbato circumcídítis hóminem. Si circumcisió-nem áccipit homo in Sábbato, ut non solvátur lex Móysi: mihi indignámini, quia totum hóminem sanum feci in Sábbato? Nolíte judicáre secúndum fáciem, sed justum judícium judicáte. Dicébant ergo quidam ex Jerosólymis? Nónne hic est, quem quærunť interficere? Et ecce palàm lóquitur, & nihil ei dicunt. Numquid verè cognovérunt príncipes, quia hic est Christus? Sed hunc scimus unde fit: Christus autem cū vénerit, nemo scit unde fit. Clamábat ergo Iesus in templo docens, & dicens: Et me scitis, & unde sim scitis, & à meípso non veni, sed est verus, qui misit me, quem vos nescítis. Ego scio eum: quia ab ipso sum, & ipse me misit. Quærebant ergo eum apprehéndere: & nemo misit in illum manus, quia nondum vénerat hora ejus. De turba autem multi credidérunt in eum.

*Offertorium. Psal. 39.* Expéctans expectávi Dóminum, & respéxit me: & exaudivit deprecationem meam: & immísit in os meum cánticum novum, hymnum Deo nostro.

*Secreta.*

**H**Æchóstia, Dómine quæsumus, emúndet nostra de-



delicta, & ad sacrificium celebrandum, subditorum tibi corpora mentesque sanctificet. Per Dominum.

*Aliae Secretæ ut in Feria iv. Cinerum. fol. 57.*

*Communio. Psalm. 19.* Lætābimur in salutari tuo: & in nomine Domini Dei nostri magnificābimur.

*Postcommunio.*

**H**Ujus nos Domine, perceptio sacramenti mundet à crimine: & ad cœlestia regna perducat. Per Dominum nostrum.

*Aliae Postcom. ut in Feria iv. Cinerum. fol. 57.*

*Super populum.* Orémus. Humiliāte capita vestra Deo.

*Oratio.*

**M**iserere, Domine, populo tuo: & continuis tribulationibus laborantem, propitius respirare concede. Per Dominum

## FERIA QUARTA.

*Statio ad Sanctum Paulum.*

*Introitus. Ezech. 37.*

**C**Um sanctificatus fuero in vobis, congregabo vos de universis terris: & effundam super vos aquam mundam, & mundabimini ab omnibus inquinamentis vestris: & dabo vobis spiritum novum.

*Ps. 33.* Benedicam Domino in omni tempore: semper laus ejus in ore meo. *v.* Gloria.

*Post Kyrie eleison. dicitur,* Orémus. Flectāmus gēnua. *R.* Levāte.

*Oratio.*

**D**eus, qui & justis præmia meritōrum, & peccatōri-

bus per jejūnium vēniam præbes: miserere supplicibus tuis; ut reatus nostri confessio, indulgentiam valeat percipere delictōrum. Per Dominum.

Lectio Ezechiélis Prophætæ.

*Ezech. 36. c.*

**H**Æc dicit Dominus Deus: Sanctificabo nomen meum magnum, quod pollutum est inter Gentes, quod polluistis in medio earum: ut sciant Gentes, quia ego Dominus, cum sanctificatus fuero in vobis coram eis. Tollam quippe vos de Gentibus, & congregabo vos de universis terris, & adducam vos in terram vestram. Et effundam super vos aquam mundam, & mundabimini ab omnibus inquinamentis vestris, & ab universis idolis vestris mundabo vos. Et dabo vobis cor novum, & spiritum novum ponam in medio vestri: & auferam cor lapideum de carne vestra, & dabo vobis cor carneum. Et spiritum meum ponam in medio vestri: & faciam, ut in præceptis meis ambulētis, & judicia mea custodiātis, & operemini. Et habitabitis in terra, quam dedi patribus vestris: & eritis mihi in populum, & ego ero vobis in Deum: dicit Dominus omnipotens.

*Graduale. Ps. 33.* Venite filii, audite me: timorem Domini docebo vos. *v.* Accedite ad eum, & illumināmini: & facies vestrae non confundentur. *Hic dicitur Dominus vobiscum. sine* Flectāmus gēnua.

Orémus. *Oratio.*

**P**Ræsta quæsumus omnipotens Deus: ut quos jejūnia votiva castigant, ipsa quoque devotio-



devotio sancta lætificet; ut terrenis affectibus mitigatis, facilius cœlestia capiamus. Per Dñm.

*Aliæ Orationes ut in Feria iv. Cinerum. fol. 56.*

Lectio Isaïæ Prophætæ.

*Isaïæ i. d.*

**H**Æc dicit Dñs Deus: Lavamini, mundi estote, auferte malum cogitationum vestrarum ab oculis meis: quiescite agere perversè, discite benefacere: quærite iudicium, subvenite oppresso, iudicate pupillo, defendite viduam. Et venite, & arguite me, dicit Dñs: si fuerint peccata vestra ut coccinum, quasi nix dealbabuntur: & si fuerint rubra quasi vermiculus, velut lana alba erunt. Si volueritis, & audieritis me, bona terræ comedetis: dicit Dñs omnipotens.

*Graduale. Psalm. 32.* Beata gens, cujus est Dñs Deus eorum: populus quem elegit Dñs in hæreditatem sibi. ✠. Verbo Dñi cœli firmati sunt: & spiritu oris ejus omnis virtus eorum.

*Traetus. Ps. 102.* Domine, non secundum peccata nostra, quæ fecimus nos: neque secundum iniquitates nostras retribuas nobis.

✠. *Psal. 78.* Domine, ne memineris iniquitatum nostrarum antiquarum: citò anticipent nos misericordiæ tuæ, quia pauperes facti sumus nimis.

✠. *Hic genuflectitur.* Adjuva nos Deus salutaris noster: & propter gloriā nominis tui Domine, libera nos: & propitius esto peccatis nostris, propter nomen tuum.

Sequentia sancti Evangelii secundum Joannem.

*Joann. 9.*

**I**N illo tempore: Præteriens Jesus, vidit hominem cæcum à nativitate: & interrogaverunt eum discipuli ejus: Rabbi, quis peccavit, hic, aut parentes ejus, ut cæcus nasceretur? Respondit Jesus: Neque hic peccavit, neque parentes ejus: sed ut manifestentur opera Dei in illo. Me oportet operari opera ejus, qui misit me, donec dies est: venit nox, quando nemo potest operari. Quamdiu sum in mundo, lux sum mundi. Hæc cum dixisset, expuit in terram, & fecit lutum ex sputo, & linivit lutum super oculos ejus, & dixit ei: Vade, & lava in natatoria Sîloe (quod interpretatur Missus.) Abiit ergo, & lavit, & venit videns. Itaque vicini, & qui viderant eum prius, quia mendicus erat, dicebant: Nōne hic est, qui sedebat, & mendicabat? Alii dicebant: Quia hic est. Alii autem: Nequaquam, sed similis est ei. Ille verò dicebat: Quia ego sum. Dicebant ergo ei: Quomodo aperti sunt tibi oculi? Respondit: Ille homo, qui dicitur Jesus, lutum fecit, & unxit oculos meos, & dixit mihi: Vade ad natatoria Sîloe, & lava. Et abiit, lavi, & video. Et dixerunt ei: Ubi est ille? Ait: Nescio. Adducunt eum ad Phariseos, qui cæcus fuerat. Erat autem sabbatum quando lutum fecit Jesus, & aperuit oculos ejus. Iterum ergo interrogabant eum Pharisei, quomodo vidisset. Ille autem



autem dixit eis: Lutum mihi pōsuit super oculos, & la-  
vi, & vīdeo. Dicēbant ergo  
ex Pharisæis quidam: Non  
est hic homo à Deo, qui sabbatum non custodit. Alii  
autem dicēbant: Quomodo  
potest homo peccator hæc  
signa facere? Et schisma erat  
inter eos. Dicunt ergo cæco  
iterum: Tu quid dicis de illo,  
qui aperuit oculos tuos? Ille  
autem dixit: Quia Prophē-  
ta est. Non crediderunt ergo  
Judæi de illo, quia cæcus fuisset,  
& vidisset, donec vocaverunt  
parētes ejus, qui viderat:  
& interrogaverunt eos,  
dicētes: Hic est filius vester  
quem vos dicitis, quia cæcus  
natus est? Quomodo ergo  
nunc videt? Responderunt eis  
parētes ejus, & dixerunt: Sci-  
mus, quia hic est filius noster,  
& quia cæcus natus est: quomodo  
autem nunc videat, nescimus,  
aut quis ejus aperuit oculos,  
nos nescimus: ipsum  
interrogāte: ætatem habet,  
ipse de se loquatur. Hæc dixe-  
runt parētes ejus, quoniam  
timēbant Judæos; jam enim  
conspiraverant Judæi, ut si  
quis eum confiteretur esse  
Christum, extra synagogam  
fieret. Propterea parētes ejus  
dixerunt: Quia ætatem habet,  
ipsum interrogāte. Vocave-  
runt ergo rursus hominem,  
qui fuerat cæcus, & dixerunt  
ei: Da gloriā Deo. Nos  
scimus, quia hic homo pec-  
cator est. Dixit ergo eis  
ille: Si peccator est, nescio:  
unum scio, quia cæcus cum  
essem, modò vīdeo. Dixe-  
runt ergo illi: Quid fecit  
tibi? quomodo aperuit tibi  
oculos? Respondit eis: Dixi

vobis jam, & audistis: quid  
iterum vultis audire? num-  
quid & vos vultis discipuli  
ejus fieri? Maledixerunt er-  
go ei, & dixerunt: Tu disci-  
pulus illius sis: nos autem  
Mōysi discipuli sumus. Nos  
scimus, quia Mōysi locutus est  
Deus: hunc autem nescimus  
unde sit. Respondit ille ho-  
mo, & dixit eis: In hoc enim  
mirābile est, quia vos nescitis  
unde sit, & aperuit meos ocu-  
los: scimus autem quia pec-  
catōres Deus non audit: sed  
si quis Dei cultor est, & volun-  
tatem ejus facit, hunc exau-  
dit. A sæculo non est auditum  
quia quis aperuit oculos cæci  
nati. Nisi esset hic à Deo, non  
pōterat facere quidquam. Re-  
sponderunt, & dixerunt ei:  
In peccatis natus es totus, &  
tu doces nos? Et ejecerunt  
eum foras. Audivit Jesus,  
quia ejecerunt eum foras, &  
cum invenisset eum, dixit  
ei: Tu credis in Fīlium Dei?  
Respondit ille, & dixit: Quis  
est, Dōmine, ut credam in  
eum? Et dixit ei Jesus: Et  
vidisti eum, & qui loquitur  
tecum, ipse est. At ille ait:  
Credo, Dōmine. *Hic genu-  
flectitur.* Et prōcidens ado-  
ravit eum.

*Offertorium. Psal. 64.* Be-  
nedicite Gentes Dōminum  
Deum nostrum, & obaudite  
vocem laudis ejus: qui pōsuit  
ānimam meam ad vitam, &  
non dedit commoveri pedes  
meos: benedictus Dōminus,  
qui non amōvit deprecatiō-  
nem meam, & misericordiam  
suam à me.

*Secreta.*

**S**upplices te rogāmus, om-  
nipotens Deus: ut his fa-  
c





crificiis peccata nostra mundentur: quia tunc veram nobis tribuis & mentis & corporis sanitatem. Per Dóminum.

*Aliæ Secretæ ut in Feria iv. Cinerum. fol. 57.*

*Communio. Joan. 9.* Lutum fecit ex sputo Dóminus, & linavit oculos meos, & abii, & lavi, & vidi, & credidi Deo.

*Postcommunio.*

**S**acramenta, quæ sumpsimus, Dómine Deus noster, & spirituálibus nos repleant alimentis, & corporálibus tueantur auxiliis. Per Dóminum.

*Aliæ Postcommuniones ut in Feria iv. Cinerum. fol. 57.*

*Super populum.* Orémus. Humiliáte cápita vestra Deo.  
*Oratio.*

**P**ateant aures misericordiæ tuæ, Dómine, pécibus supplicántium: & ut peténtibus desideráta concédas, fac eos quæ tibi sunt plácita, postulare. Per Dóminum.

## FERIA QUINTA.

*Statio ad sanctos Sylvestrum & Martinum.*

*Introitus. Psal. 104.*

**L**ætetur cor quæréntium Dóminum: quærite Dóminum, & confirmámini: quærite faciem ejus semper.

*Psal. ibid.* Confitémini Dómino, & invocáte nomen ejus, annuntiáte inter Gentes ópera ejus.

*v. Glória Patri. Oratio.*

**P**ræsta quæsumus omnipotens Deus: ut quos jejúnia votíva castígant, ipsa quoque devótio sancta lætíficet; ut terrénis affectibus mi-

tigátis, facílius coeléstia capiamus. Per Dóminum.

*Aliæ Orationes ut in Feria iv. Cinerum. fol. 56.*

*Léctio libri Regum. 4. Reg. 4.*

**I**N diébus illis: Venit mulier Sunamítis ad Eliséum in montem Carméli: cùmque vidisset eam vir Dei ecóntrà, ait ad Giézi púerum suum: Ecce Sunamítis illa. Vade ergo in occúrsum ejus, & dic ei: Rectè ne ágitur circa te, & circa virum tuum, & circa filium tuum? Quæ respóndit: Rectè. Cùmque venisset ad virum Dei in montem, apprehéndit pedes ejus: & accéssit Giézi ut amovéret eam. Et ait homo Dei: Dimítte illam; ánima enim ejus in amaritúdine est, & Dóminus celávit à me, & non indicávit mihi. Quæ dixit illi: Numquid petívi filium à Dómino meo? Numquid non dixi tibi: Ne illúdas me? Et ille ait ad Giézi: Accínge lumbos tuos, & tolle báculum meum in manu tua, & vade. Si occurrerit tibi homo, non salútes eum: & si salutáverit te quispiam, non respónd eas illi: & pones báculum meum super faciem púeri. Porro mater púeri ait: Vivit Dóminus, & vivit ánima tua, non dimíttam te. Surréxit ergo, & secútus est eam. Giézi autem præcésserat ante eos, & posúerat báculum super faciem púeri, & non erat vox, neque sensus: reversúsque est in occúrsum ejus, & nuntiávit ei, dicens: Non surréxit puer. Ingréssus est ergo Eliséus domum, & ecce puer mórtuus jacebat in léctulo ejus: ingres-

susque



súsque clausit óstium super se, & super púerum, & orávit ad Dóminum. Et ascéndit, & incúbuit super púerum: posuítque os suum super os ejus, & ocúlos suos super óculos ejus, & manus suas super manus ejus: & incurvávit se super eum, & calefacta est caro púeri. At ille revérsum, deambulávit in domo, semel huc, atque illuc: & ascéndit, & incúbuit super eum: & oscitávit puer sépties, aperuitque óculos. At ille vocávit Giézi, & dixit ei: Voca Sunamítidem hanc. Quæ vocáta, ingrèssa est ad eum. Qui ait: Tolle filium tuum. Venit illa, & córruit ad pedes ejus, & adorávit super terram: tulítque filium suum, & egréssa est, & Eliséus revérsum est in Gálgala.

*Graduale. Psal. 73.* Réspice Dómine in testaméntum tuum, & ánimas páuperum tuórum ne obliviscáris in finem. *℟.* Exúrge Dómine, júdica causam tuam: memor esto oppróbrii servórum tuórum.

Sequéntia sancti Evangélíi secúndum Lucam.

*Luc. 7.*

**I**N illo témpore: Ibat Jesus in civitátem, quæ vocátur Naim: & ibant cum eo discípuli ejus, & turba copiósá. Cúm autem appropinquáret portæ civitátis, ecce defúctus efferebátur filius únicus matris suæ, & hæc vídua erat, & turba civitátis multa cum illa. Quam cúm vidíffet Dóminus misericórdia motus super eam, dixit illi: Noli flere. Et ac-

céffit, & tétigit lóculum. (Hi autem, qui portábant, steterunt.) Et ait: Adolésens, tibi dico, surge: Et resédit qui erat mórtuus, & cœpit loqui. Et dedit illum matri suæ. Accépit autem omnes timor: & magnificábant Deum, dicéntes: Quia Prophéta magnus surréxit in nobis, & quia Deus visitávit plebem suam.

*Offertorium. Psal. 69.* Dómine ad adjuvándum me festína: confundántur omnes, qui cógitant servis tuis mala.

*Secreta.*

**P**URÍfica nos misericors Deus: ut Ecclesiæ tuæ preces, quæ tibi gratæ sunt, pia múnera deferéntes, fiant expiátis méntibus gratióres. Per Dóminum nostrum.

*Aliæ Secretæ ut in Feria iv. Cinerum. fol. 57.*

*Communio. Psalm. 70.* Dómine memorábor justitiæ tuæ solíus: Deus docuísti me à juventúte mea, & usque in senéctam & sénium, Deus ne derelínquas me.

*Postcommunio.*

**C**Æléstia dona capiéntibus quæsumus Dómine, non ad júdícium proveníre patiáris, quæ fídelibus tuis ad remédium providísti. Per Dóminum.

*Aliæ Postcomm. ut in Feria iv. Cinerum. fol. 57.*

*Super populum.* Orémus. Humiliáte cápita vestra Deo.

*Oratio.*

**P**OPULI tui Deus institútor & rector, peccáta, quibus impugnátur, expélle: ut semper tibi plácitus, & tuo munímine sit secúrus. Per Dóminum nostrum.



## FERIA SEXTA.

*Statio ad sanctum Eusebium.**Introitus. Ps. 18.*

**M**editatio cordis mei in conspectu tuo semper: Domine adiutor meus, & redemptor meus.

*Psal. ib.* Cœli enarrant gloriam Dei: & opera manuum ejus annuntiat firmamentum.

✠. Glória Patri.

*Oratio.*

**D**eus, qui ineffabilibus mundum renovas sacramentis: præsta quæsumus; ut Ecclesia tua, & æternis proficiat institutis, & temporalibus non destituatur auxiliis. Per Dominum.

*Aliæ Orationes, ut in Feria iv. Cinerum. fol. 56.*

Lectio libri Regum.

3. Reg. 17.

**I**N diēbus illis: Ægrotavit filius mulieris matrisfamilias, & erat languor fortissimus, ita ut non remaneret in eo hálitus. Dixit ergo ad Eliam. Quid mihi & tibi vir Dei? Ingressus es ad me, ut rememorarentur iniquitates meæ, & interficeres filium meum? Et ait ad eam Elias: Da mihi filium tuum. Tulitque eum de sinu ejus, & portavit in cœnaculum, ubi ipse manebat, & posuit super lectulum suum, & clamavit ad Dominum, & dixit: Domine Deus meus: etiámne viduam, apud quam ego utcúmque sustentor, afflixisti, ut interficeres filium ejus? Et expandit se, atque mensus est super puerum tribus vicibus, & clamavit ad Dominum, & ait: Domine Deus meus, revertatur, obse-

cro, ánima pueri hujus in viscera ejus. Et exaudivit Dominus vocem Eliæ, & reversa est ánima pueri intra eum, & revixit. Tulitque Elias puerum, & deposuit eum de cœnaculo in inferiorem domum, & tradidit matri suæ, & ait illi: En vivit filius tuus. Dixitque mulier ad Eliam: Nunc in isto cognovi, quóniam vir Dei es tu, & verbum Domini in ore tuo verum est.

*Graduale. Psal. 117.* Bonum est confidere in Domino, quàm confidere in homine. ✠. Bonum est sperare in Domino, quàm sperare in principibus.

*Tractus. Ps. 102.* Domine, non secundum peccata nostra, quæ fecimus nos: neque secundum iniquitates nostras retribuas nobis. ✠. *Psal. 78.* Domine, ne memineris iniquitatum nostrarum antiquarum: citò anticipent nos misericordiæ tuæ, quia pauperes facti sumus nimis.

✠. *Hic genuflectitur.* Adjuva nos Deus salutaris noster: & propter gloriam nominis tui Domine libera nos: & propitius esto peccatis nostris, propter nomen tuum.

Sequéntia sancti Evangelii secundum Joannem.

*Joann. 11.*

**I**N illo tempore: Erat quidam languens Lázarus à Bethánia, de castèllo Mariæ, & Marthæ sororis ejus. (María autem erat, quæ unxit Dominum unguento, & extersit pedes ejus capillis suis: cujus frater Lázarus infirmabatur.) Misérunt ergo soróres ejus ad eum, dicentes: Domine, ecce quem amas,



amas, infirmatur. Audiens autem Jesus, dixit eis: Infirmitas hæc non est ad mortem, sed pro glória Dei, ut glorificetur Fílius Dei per eam. Diligebat autem Jesus Martham, & sorórem ejus Mariám, & Lázarum. Ut ergo audívit, quia infirmabatur, tunc quidem mansit in eodem loco duóbus diébus. Deinde post hæc dixit discípulis suis: Eamus in Judæam iterum. Dicunt ei discípuli: Rabbi, nunc quærebant te Judæi lapidare, & iterum vadis illuc? Respondit Jesus: Nónne duódecim sunt horæ diéi? Si quis ambuláverit in die, non offéndit, quia lucem hujus mundi videt: si autem ambuláverit in nocte, offéndit, quia lux non est in eo. Hæc ait, & post hæc dixit eis: Lázarus amicus noster dormit: sed vado ut à somno excitem eum. Dixérunt ergo discípuli ejus: Dómine, si dormit, salvus erit. Díxerat autem Jesus de morte ejus: illi autem putavérunt quia de dormitióne somni diceret. Tunc ergo Jesus dixit eis manifestè: Lázarus mórtuus est, & gaudeo propter vos, ut credátis, quóniam non eram ibi. Sed eamus ad eum. Dixit ergo Thomas, qui dicitur Dídymus, ad condiscípulos: Eamus & nos, ut moriamur cum eo. Venit itaque Jesus, & invénit eum quátuor dies jam in monumento habéntem. (Erat autem Bethánia juxta Jerosólymam quasi stádiis quíndecim.) Multi autem ex Judæis vénerant ad Martham,

& Mariám, ut consolarentur eas de fratre suo. Martha ergo ut audívit, quia Jesus venit, occúrrit illi: Mariá autem domi sedébat. Dixit ergo Martha ad Jesum: Dómine si fuísses híc, frater meus non fuíffet mórtuus. Sed & nunc scio, quia quæcúmque popósceris à Deo, dabit tibi Deus. Dicit illi Jesus: Resúrget frater tuus. Dixit ei Martha: Scio quia resúrget in resurrectione in novíssimo die. Dixit ei Jesus: Ego sum resurrectio, & vita: qui credit in me, étiam si mórtuus fúerit, vivet: & omnis, qui vivit, & credit in me, non moriétur in ætérnum. Credis hoc? Ait illi: Utique Dómine, ego crédidi, quia tu es Christus Fílius Dei vivi, qui in hunc mundum venísti. Et cum hæc dixíffet, ábiit, & vocávit Mariám sorórem suam siléntio, dicens: Magíster adest, & vocat tè. Illa ut audívit, surgit citò, & venit ad eum: nondum enim vénerat Jesus in castéllum: sed erat adhuc in illo loco, ubi occurrerat ei Martha. Judæi ergo, qui erant cum ea in domo, & consolabantur eam, cum vidíssent Mariám, quia citò surrexit, & éxiit, secúti sunt eam, dicéntes: Quia vadit ad monumentum, ut plórer ibi. Mariá ergo, cum veníffet ubi erat Jesus, videns eum, cecidit ad pedes ejus, & dicit ei: Dómine, si fuísses híc, non esset mórtuus frater meus. Jesus ergo, ut vidit eam plórántem, & Judæos, qui vénerant cum ea, plorantes, infrémuit spíritu, & turbávit seípsum, & dixit:



dixit: Ubi posuistis eum? Dicunt ei: Domine, veni, & vide. Et lacrymatus est Jesus. Dixérunt ergo Judæi: Ecce quomodo amabat eum. Quidam autem ex ipsis dixérunt: Non póterat hic, qui aperuit óculos cæci nati, fácere ut hic non morerétur? Jesus ergo rursus fremens in semetípso, venit ad monuméntum. Erat autem spelúnca: & lapis superpósitus erat ei. Ait Jesus: Tóllite lápidem. Dicit ei Martha soror ejus, qui mórtuus fúerat: Domine, jam fœtet; quatríduánus est enim. Dicit ei Jesus: Nónne dixi tibi, quóniam si credíderis, vidébis glóriam Dei? Tulérunt ergo lápidem. Jesus autem elevátis sursum óculis, dixit: Pater grátias ago tibi, quóniam audísti me. Ego autem sciébam, quia semper me audis, sed propter pópulum, qui circúmstat, dixi: ut credant, quia tu me misísti. Hæc cùm dixíffet, voce magna clamávit: Lázare veni foras. Et statim pródiit, qui fúerat mórtuus ligátus pedes & manus ínstitis, & fácies illíus sudário erat ligáta. Dixit ei Jesus: Sóluite eum, & sínite abíre. Multi ergo ex Judæis, qui vénerant ad Mariám & Martham, & víde-rant quæ fecit Jesus, credidérunt in eum.

*Offertor. Psal. 17.* Pópulum húmilem saluum fácies Dómine, & óculos superbórum humiliábis: quóniam quis Deus præter te, Dómine?

*Secreta.*

**M**Unera nos, Dómine quæsumus, oblata puríficent: & te nobis júgiter

fáciant esse placátum. Per Dóminum nostrum.

*Aliæ Secretæ ut in Feria iv. Cinerum. fol. 57.*

*Communio. Joan. 11.* Videns Dóminus flentes soróres Lázari ad monuméntum, lacrymátus est coram Judæis, & exclamávit: Lázare, veni foras: & pródiit, ligátis má-nibus & pédibus, qui fúerat quatríduánus mórtuus.

*Postcommunio.*

**H**Æc nos, quæsumus Dómine, participatio sacraménti, & à propriis reátibus indefinenter expédiat, & ab ómnibus tueatur advérsis. Per Dóminum.

*Aliæ Postcommuniones, ut in Feria iv. Cinerum. fol. 57.*

*Super populum.* Orémus. Humiliáte cápita vestra Deo

*Oratio.*

**D**A nobis, quæsumus omnípotens Deus: ut qui infirmitátis nostræ cónsicii, de tua virtúte confidimus, sub tua semper pietáte gaudeámus. Per Dóminum.

## S A B B A T O.

*Statio ad S. Nicolaum in carcere.*

*Introitus. Isaia 55.*

**S**Itientes veníte ad aquas, dicit Dóminus: & qui non habétis prétium, veníte, & bíbite cum lætítia.

*Psal. 77.* Atténdite pópule meus legem meam: inclináte aurem vestram in verba oris mei.

v. Glória Patri.

*Oratio.*

**F**iat, Dómine quæsumus, per grátiam tuam fructuó-sus



sus nostræ devotiōnis afféctus: quia tunc nobis pröderunt suscepta jejúnia, si tuæ sint plácita pietáti. Per Dominum.

*Aliæ Orationes ut in Feria iv. Cinerum. fol. 56.*

Léctio Isaíæ Prophétæ.

*Isa. 49. c.*

**H**Æc dicit Dóminus: In témpore plácito exaudívi te, & in die salútis auxiliátus sum tui, & servávi te, & dedi te in fœdus pópuli, ut suscitáres terram, & possidéres hæreditátes dissipátas: ut díceres his, qui vincti sunt: Exíte: & his qui in ténebris: Revelámini. Super vias pascéntur, & in ómnibus planis páscua eórum. Non esúrient, neque sítient, & non percútiét eos æstus & sol; quia miserátor eórum reget eos, & ad fontes aquárum potábit eos. Et ponam omnes montes meos in viam, & sémitæ meæ exaltabúntur. Ecce iiti de longè vénient, & ecce illi ab Aquilóne, & mari, & isti de terra Austráli. Laudáte cœli, & exúlta terra, jubiláte montes laudem, quia consolátus est Dóminus pópulum suum, & páuperum suórum miserébitur. Et dixit Sion: Derelíquit me Dóminus, & Dóminus oblítus est mei. Numquid oblivísci potest múlier infántem suum, ut non misereátur filio úteri sui? & si illa oblíta fúerit, ego tamen non oblivíscar tui, dicit Dóminus omnípotens.

*Graduale. Ps. 9. Tibi Dómine derelíctus est pauper: pupillo tu eris adjutor. v. Ut quid Dómine recessísti longè, déspicis in opportunitátibus,*

in tribulatióne? dum supérbit impius, incénditur pauper.

Sequéntia sancti Evangélii secúndum Joánnem.

*Joan. 8. b.*

**I**N illo témpore: Locútus est Jesus turbis Judæórum, dicens: Ego sum lux mundi: qui séquitur me, non ámbulat in ténebris, sed habébit lumen vitæ. Dixérunt ergo ei Pharisæi: Tu de te ipso testimónium pérhibes: testimónium tuum non est verum. Respóndit Jesus, & dixit eis: Et si ego testimónium perhíbeo de me ipso, verum est testimónium meum, quia scio unde veni, & quò vado: vos autem nescítis unde vénio, aut quò vado. Vos secúndum carnem judicátis: ego non júdico quemquam: & si júdico ego, júdiciu meum verum est, quia solus non sum: sed ego, & qui misit me, Pater. Et in lege vestra scriptum est, quia duórum hóminum testimónium verum est. Ego sum, qui testimónium perhíbeo de me ipso, & testimónium pérhibet de me, qui misit me, Pater. Dicébant ergo ei: Ubi est Pater tuus? Respóndit Jesus: Neque me scitis, neque Patrem meum: si me scirétis, fórfitan & Patrem meum scirétis. Hæc verba locútus est Jesus in gazophylácio, docens in templo: & nemo apprehéndit eum, quia needum vénerat hora ejus.

*Offertorium. Ps. 17. Factus est Dóminus firmaméntum meum, & refúgium meum, & liberátor meus, & sperábo in eum.*

*Se-*



*Secreta.*

**O**blationibus nostris, quæsumus Dómine, placáre suscéptis: & ad te nostras étiam rebélles compélle propítius voluntátes. Per Dóminum.

*Aliæ Secretæ ut in Feria iv. Cinerum. fol. 57.*

*Communio. Ps. 22.* Dóminus regit me, & nihil mihi déerit: in loco páscuæ ibi me collocávit: super aquam refectionis educávit me.

*Postcommunio.*

**T**ua nos, quæsumus Dómine, sancta puríficent: & operatione tua tibi plácitos esse perficiant. Per Dóminum.

*Aliæ Postcommuniones ut in Feria iv. Cinerum. fol. 57.*

*Super populum.* Orémus. Humiliáte cápita vestra Deo.

*Oratio.*

**D**eus, qui sperántibus in te miseréri pótius éligis, quàm irásci: da nobis dignè flere mala, quæ fécimus, ut tuæ consolationis grátiam inveníre mereámur. Per Dóminum.

*Ante Vesperas cooperiuntur Cruces, & Imagines.*

*Ab hac die usque ad Sabbatum sanctum exclusivè non dicitur Psalm. Júdica me, ante Confessionem: neque Glória Patri, ad Lavábo.*

## DOMINICA DE PASSIONE.

*Statio ad sanctum Petrum.*

*Introitus. Psal. 42.*

**J**údica me Deus, & discérne causam meam de gente non sancta: ab hómine iníquo, & dolóso éripe me: quia tu es Deus meus, & fortitúdo

mea. *Psalm. ibid.* Emítte lucem tuam, & veritátem tuam: ipsa me deduxérunt, & adduxérunt in montem sanctum tuum, & in tabernácula tua. Júdica.

*Non dicitur, Glória Patri. ad Introitum usque ad Pascha, nisi in Missa de Festo, si occurrerit: sed finito Psalmo, absolute repetitur Introitus usque ad Psalmum.*

*Oratio.*

**Q**uæsumus omnipotens Deus, famíliam tuam propítius réspice; ut te largiénte, regátur in corpore; & te servánte, custodiátur in mente. Per Dóminum.

*Ab hac die usque ad Feria v. in Cæna Domini, post Orationem diei dicitur, vel contra persecutores Ecclesiæ.*

*Oratio.*

**E**cclésiæ tuæ, quæsumus Dómine, preces placátus admitte: ut destrúctis adversitatibus, & erróribus univérsis, secúra tibi sérviat libertáte. Per Dóminum.

*Vel pro Papa. Oratio.*

**D**eus, ómnium fidélium pastor & rector, fámulum tuum N. quem pastórem Ecclésiæ tuæ præesse voluísti, propítius réspice: da ei, quæsumus, verbo & exémplo, quibus præest, proficere; ut ad vitam, unà cum grege sibi crédito, pervéniat sempitérnam. Per Dóminum.

*Non dicitur tertia Oratio.*

*Léctio Epístolæ beati Pauli Apóstoli ad Hebræos. Hebr. 9. c.*

**F**ratres, Christus asísstens Póntifex futurórum bonórum, per ámplius & perféctius tabernáculum non manufactum, idest, non hujus crea-



creationis: neque per sanguinem hircorum, aut vitulorum, sed per proprium sanguinem introivit semel in Sancta, æterna redemptione inventa. Si enim sanguis hircorum, & taurorum, & cinis vitulæ aspersus inquinatos sanctificat ad emundationem carnis: quanto magis sanguis Christi, qui per Spiritum sanctum semetipsum obtulit immaculatum Deo, emundabit conscientiam nostram ab operibus mortuis, ad serviendum Deo viventi? Et ideo novi testamenti mediator est: ut morte intercedente, in redemptionem earum pravaricationum, quæ erant sub priori testamento: repromissionem accipiant, qui vocati sunt, æternæ hæreditatis in Christo Jesu Domino nostro.

*Graduale. Psal. 142.* Eripe me Domine de inimicis meis: doce me facere voluntatem tuam.

*Psal. 17.* Liberátor meus, Domine, de gentibus iracundis: ab insurgentibus in me exaltabis me: à viro iniquo eripies me.

*Tractus. Psal. 128.* Sæpè expugnaverunt me à juventute mea. *Psal.* Dicat nunc Israël: sæpè expugnaverunt me à juventute mea. *Psal.* Etenim non potuerunt mihi: supra dorsum meum fabricaverunt peccatores. *Psal.* Prolongaverunt iniquitates suas: Dominus justus concidet cervices peccatorum.

Sequéntia sancti Evangélíi secundum Joánnem.

*Joan. 8. f.*

**I**N illo tempore: Dicebat Jesus turbis Judæorum: Quis ex vobis arguet me de

peccato? Si veritatem dico vobis, quare non creditis mihi? Qui ex Deo est, verba Dei audit. Propterea vos non audistis, quia ex Deo non estis. Respondérunt ergo Judæi, & dixerunt ei: Nónne benè dicimus nos, quia Samaritanus es tu, & dæmónium habes? Respondit Jesus: Ego dæmónium non habeo: sed honorifico Patrem meum, & vos inhonorastis me. Ego autem non quæro glóriam meam: est qui quærat, & judicet. Amen, amen dico vobis: si quis sermonem meum serváverit, mortem non videbit in ætérnum. Dixérunt ergo Judæi: Nunc cognovimus, quia dæmónium habes. Abraham mortuus est, & Prophætæ: & tu dicis: Si quis sermonem meum serváverit, non gustábit mortem in ætérnum. Numquid tu major es patre nostro Abraham, qui mortuus est? & Prophætæ mortui sunt. Quem teipsum facis? Respondit Jesus: Si ego glorífico meipsum, glória mea nihil est: est Pater meus, qui glorificat me, quem vos dicistis, quia Deus vester est, & non cognovistis eum: ego autem novi eum. Et si dixerò, quia non scio eum, ero similis vobis mendax. Sed scio eum, & sermonem ejus servo. Abraham pater vester exultávit, ut vidéret diem meum: vidit, & gavísus est. Dixérunt ergo Judæi ad eum: Quinquaginta annos nondum habes, & Abraham vidísti? Dixit eis Jesus: Amen, amen dico vobis, ántequam Abraham fieret, ego sum. Tulérunt ergo lapides, ut jacerent in eum: Jesus



fus autem abscondit se, & exiit de templo. Credo.

*Offertorium. Ps. 118.* Confitebor tibi Dómine in toto corde meo: retribue servo tuo, vivam, & custodiam sermões tuos: vivifica me secúndum verbum tuum Dómine.

*Secreta.*

**H**Æc múnera, quæsumus Dómine, & víncula nostræ pravitátis absolvant, & tuæ nobis misericórdiæ dona concílient. Per Dóminum nostrum.

*Altera Secreta, vel contra persecutores Ecclesiæ.*

**P**rótege nos, Dómine, tuis mystériis serviéntes: ut divínis rebus inhæréntes, & corpore tibi famulémur & mente. Per Dóminum.

*Vel pro Papa.*

**O**blátis, quæsumus Dómine, placáre munéribus: & famulum tuum N. quem pastórem Ecclésiæ tuæ præesse voluísti, assídua protectióne gubérna. Per Dóminum.

*Præfatio de Cruce, quæ dicitur quotidie usque ad Feriam v. in Cæna Domini, etiam in Missa de Festo, nisi propriam habuerit.*

*Communio. 1. Cor. 11.* Hoc corpus, quod pro vobis tradetur: hic calix novi Testaménti est in meo ságuine, dicit Dóminus: hoc fácite, quotiescúmque súmitis, in meam commemoratiónem.

*Postcommunio.*

**A**desto nobis Dómine Deus noster: & quos tuis mystériis recreásti, perpétuis defénde subsidiis. Per Dóminum nostrum.

*Altera Postcommunio, vel contra persecutores Ecclesiæ.*

*Postcommunio.*

**Q**uæsumus Dómine Deus noster: ut, quos divína tribuis participatióne gaudére, humánis non finas subjacére perículis. Per Dóminum.

*Vel pro Papa.*

**H**Æc nos, quæsumus Dómine, divíni sacraménti percéptio prótegit: & famulum tuum N. quem pastórem Ecclésiæ tuæ præesse voluísti, unà cum commísso sibi grege, salvet semper & múniat. Per Dóminum.

## FERIA SECUNDA.

*Statio ad S. Chrysogonum.*

*Introitus. Psal. 55.*

**M**iserére mihi Dómine, quóniam conculcávit me homo: tota die bellans tribulávit me. *Psal. ibid.* Conculcavérunt me inimíci mei tota die: quóniam multi bellántes advérsum me.

Miserére mihi.

*Oratio.*

**S**anctífica, quæsumus Dómine, nostra jejúnia: & cunctárum nobis indulgéntiam propítius largíre culpárum. Per Dóminum.

*Posteà Oratio. Ecclésiæ tuæ. vel Deus ómnium. ut suprà in Dominica Passionis. fol. 118.*

*Léctio Jonæ Proph. Jonæ 3.*

**I**n diébus illis: Factum est verbum Dómini ad Jonam Prophétam secúndò, dicens: Surge, & vade in Níniven civitátem magnam: & prædica in ea prædicatióem, quam ego loquor ad te. Et surréxit Jonas,



Jonas, & abiit in Nínivem juxta verbum Dómini. Et Nínive erat civitas magna itinere trium diérum. Et cœpit Jonas introire in civitatem itinere diéi unius: & clamavit, & dixit: Adhuc quadraginta dies, & Nínive subvertetur. Et crediderunt viri Ninivítæ in Deum: & prædicaverunt jejuni-um, & vestiti sunt faccis à majore usque ad minorem. Et pervenit verbum ad regem Nínive: & furrexit de folio suo, & abjecit vestimentum suum à se, & indutus est sacco, & sedit in cinere. Et clamavit, & dixit in Nínive ex ore regis, & principum ejus, dicens: Hómines, & juménta, & boves, & pécora non gustent quidquam, nec pascantur, & aquam non bibant. Et operiantur faccis hómines, & juménta, & clament ad Dóminum in fortitudine: & convertatur vir à via sua mala, & ab iniquitate, quæ est in manibus eórum. Quis scit, si convertatur, & ignóscat Deus: & revertatur à furore iræ suæ, & non peribimus? Et vidit Deus ópera eórum, quia conversi sunt de via sua mala: & misértus est pópulo suo Dóminus Deus noster.

*Graduale. Ps. 53.* Deus exaudi orationem meam: auribus percipe verba oris mei. *v.* Deus in nómine tuo salvum me fac, & in virtute tua libera me.

*Tractus. Ps. 102.* Dómine, non secundum peccata nostra, quæ fecimus nos: neque secundum iniquitates nostras retribuas nobis. *v. Psal. 78.* Dómine, ne memineris iniquitatum nostrarum antiquarum, citò

anticipent nos misericórdiæ tuæ, quia pauperes facti sumus nimis. *v. Hic genuflectitur.* Adjuva nos Deus salutáris noster, & propter glóriam nóminis tui Dómine, libera nos: & propítius esto peccátis nostris, propter nomen tuum. Sequéntia sancti Evangélíi secundum Joánnem.

*Joan. 7. e.*

**I**N illo tempore: Misérunt principes & Pharisei ministros, ut apprehenderent Jesum. Dixit ergo eis Jesus: Adhuc módicum tempus vobiscum sum: & vado ad eum, qui me misit. Quæréti me, & non inveniétis: & ubi ego sum, vos non potéstis veníre. Dixerunt ergo Judæi ad semetipsos: Quò hic iturus est, quia non inveniémus eum? Numquid in dispersiónem Génitium iturus est, & docturus Gentes? Quis est hic sermo, quem dixit: Quæréti me, & non inveniétis: & ubi sum ego, vos non potéstis veníre? In novíssimo autem die magno festivitátis stabat Jesus, & clamabat, dicens: Si quis sitit, veniat ad me, & bibat. Qui credit in me, sicut dicit Scriptúra, flúmina de ventre ejus fluent aquæ vivæ. Hoc autem dixit de Spíritu, quem acceptúri erant credéntes in eum.

*Offertorium. Ps. 6.* Dómine convertere, & éripe ánimam meam: salvum me fac propter misericórdiam tuam.

*Secreta.*

**C**oncède nobis, Dómine Deus noster: ut hæc hostia salutáris, & nostrórum fiat purgatio delictórum, & tuæ propitiatio majestátis. Per Dóminum.

Q

Post-



*Postea Secreta, vel Protege. vel Oblatis, quæsumus. fol. 120.*

*Communio. Psal. 23. Dóminus virtutum ipse est Rex glóriæ.*

*Postcommunio.*

**S**acraménti tui, quæsumus Dómine, participatio salutáris, & purificatióem nobis tríbuat, & medélam. Per Dóminum.

*Postea vel Quæsumus Dómine. vel Hæc nos, quæsumus. fol. 120.*

*Super populum. Orémus. Humiliáte cápita vestra Deo.*

*Oratio.*

**D**A, quæsumus Dómine, pópulo tuo salutem mentis & córporis: ut bonis opéribus inhæréndo, tua semper mereátur protectiône deféndi. Per Dóminum.

### FERIA TERTIA.

*Statio ad S. Cyriacum.*

*Introitus. Psal. 26.*

**E**xpecta Dóminum, viríliter age: & confortétur cor tuum, & sústine Dóminum. *Psal. ibid. Dóminus illuminatio mea, & salus mea: quem timébo? Expecta Dóminum.*

*Oratio.*

**N**ostra tibi, Dómine quæsumus, sint accépta jejúnia: quæ nos & expiándo, grátia tua dignos efficiant, & ad remédia perdúcant æterna. Per Dóminum.

*Deinde vel Ecclésiæ tuæ. vel Deus ómnium fidélium. f. 118.*

*Léctio Daniélis Prophætæ.*

*Dan. 14. c.*

**I**n diébus illis: Congregáti sunt Babylónii ad regem, & dixerunt ei: Trade nobis Da-

niélem, qui Bel destrúxit, & draconem interfécit, alióquin interficiémus te, & domum tuam. Vidit ergo rex, quòd irrúerent in eum veheménter: & necessitaté compúlsus trádedit eis Daniélem. Qui misérunt eum in lacum leónum, & erat ibi diébus sex. Porro in lacu erant leónes septem, & dabántur eis duo córpora quotidie, & duæ oves: & tunc non data sunt eis, ut devorárent Daniélem. Erat autem Hábacuc Prophéta in Judæa, & ipse cóxerat pulméntum, & intríverat panes in alvéolo: & ibat in campum, ut ferret messóribus. Dixítque Angelus Dómini ad Hábacuc: Fer prándium, quod habes, in Babylónem Daniéli, qui est in lacu leónum. Et dixit Hábacuc: Dómine, Babylónem non vidi, & lacum nescio. Et apprehéndit eum Angelus Dómini in vértice ejus, & portávit eum in capíllo cápitis sui, posuítque eum in Babylóne supra lacum in ímpetu spíritus sui. Et clamávit Hábacuc, dicens: Dániel serve Dei, tolle prándium, quod misit tibi Deus. Et ait Dániel: Recordátus es mei Deus, & non dereliquísti diligéntes te. Surgénique Dániel comédit. Porro Angelus Dómini restítuit Hábacuc conféssim in loco suo. Venit ergo rex die séptimo, ut lugéret Daniélem: & venit ad lacum, & introspéxit: & ecce Dániel sedens in médio leónum. Et exclamávit voce magna rex, dicens: magnus es Dómine Deus Daniélis. Et extráxit eum de lacu leónum. Porro illos, qui perditionis ejus causa fúerant, intro-



promisit in lacum, & devorati sunt in momento coram eo. Tunc rex ait: Paveant omnes habitantes in universa terra Deum Daniélis: quia ipse est Salvator, faciens signa, & mirabilia in terra: qui liberavit Daniélem de lacu leonum.

*Graduale. Psal. 42.* Discerne causam meam Dómine: ab hómine iníquo & dolóso éripe me. *℣.* Emítte lucem tuam, & veritatem tuam: ipsa me deduxérunt, & adduxérunt in montem sanctum tuum.

Sequéntia sancti Evangélíi secundùm Joannem.

*Joan. 7.*

**I**N illo témpore: Ambulabat Jesus in Galilæam; non enim volébat in Judæam ambulare, quia quærebant eum Judæi interficere. Erat autem in proximo dies festus Judæórum, Scenopégia. Dixérunt autem ad eum fratres ejus: Transi hinc, & vade in Judæam, ut & discipuli tui vídeant ópera tua, quæ facis: nemo quippe in occulto quid facit, & quærit ipse in palàm esse: si hæc facis, manifesta teípsum mundo. Neque enim fratres ejus credébant in eum. Dicit ergo eis Jesus: Tempus meum nondum advénit: tempus autem vestrum semper est parátum. Non potest mundus odísse vos: me autem odit, quia ego testimónium perhíbeo de illo, quòd ópera ejus mala sunt. Vos ascéndite ad diem festum hunc, ego autem non ascéndo ad diem festum istum: quia meum tempus nondum implétum est. Hæc cùm dixisset,

ipse mansit in Galilæa. Ut autem ascenderunt fratres ejus, tunc & ipse ascéndit ad diem festum, non manifestè, sed quasi in occulto. Judæi ergo quærebant eum in die festo, & dicébant: Ubi est ille? Et murmur multum erat in turba de eo. Quidam enim dicébant: Quia bonus est. Alii autem dicébant: Non, sed sedúcit turbas. Nemo, tamen palàm loquebátur de illo propter metum Judæórum.

*Offertorium. Psal. 9.* Sperent in te omnes, qui novérunt nomen tuum, Dómine: quóniam non derelínquis quærentes te: psállite Dómino, qui hábitat in Sion: quóniam non est oblítus orationes páuperum.

*Secreta.*

**H**ostias tibi, Dómine, deférimus immolándas: quæ temporálem consolatió-nem signíficent, ut promíssa non desperémus æténa. Per Dóminum.

*Deinde vel* Prótege. *vel* Oblátis, quæsumus. fol. 120.

*Communio. Psal. 24.* Rédi-me me, Deus Ísraël, ex ómnibus angústíis meis.

*Postcommunio,*

**D**A quæsumus omnípotens Deus: ut, quæ divína sunt, júgiter exequéntes, donis mereámur cœléstibus propinquáre, Per Dóminum.

*Deinde vel* Quæsumus Dómine. *vel* Hæc nos quæsumus. fol. 120.

*Super populum. Orémus.* Humiliáte cápita vestra Deo.

*Oratio.*

**D**A nobis quæsumus Dómine, perseverántem in tua voluntáte famulátum: ut



in diébus nostris, & mérito & número, pópulus tibi ferviens augeátur. Per Dóminum.

## FERIA QUARTA.

*Statio ad S. Marcellum.*

*Introitus. Psal. 17.*

**L**iberátor meus de Géntibus iracúndis: ab insurgéntibus in me exaltábis me: à viro iníquo erípies me Dómine.

*Psal. ibid.* Díligam te Dómine virtus mea: Dóminus firmaméntum meum, & refúgium meum, & liberátor meus. Liberátor.

*Oratio.*

**S**anctificáto hoc jejúnio, Deus, tuórum corda fidélium miserátor illústra: & quibus devotiónis præstas afféctum, præbe supplicántibus pium benígnus audítum. Per Dóminum.

*Posteà vel Ecclésiæ tuæ, vel Deus ómnium fidélium. f. 118.*

*Lectio libri Levítici. Lev. 19.*

**I**n diébus illis: Locútus est Dóminus ad Móysen, dicens: Lóquere ad omnem cœtum filiórum Israël, & dices ad eos: Ego Dóminus Deus vester. Non faciétis furtum. Non mentiémini, nec decípiet unusquisque próximum suum. Non perjurábis in nómine meo, nec póllues nomen Dei tui. Ego Dóminus. Non fácies calúmniam próximo tuo: nec vi ópprimes eum. Non morábitur opus mercénárii tui apud te usque manè. Non maledíces furdo, nec coram cæco pones offendículum: sed timébis Dóminum Deum tuum, quia ego sum Dóminus. Non

fácies quod iniquum est: nec injustè judicábis. Non consíderes persónam páuperis, nec honóres vultum poténtis. Justè judica próximo tuo. Non eris criminátor, nec susúrro in pópulo. Non stabis contra sanguinem próximii tui. Ego Dóminus. Non óderis fratrem tuum in corde tuo, sed públicè árgue eum, ne hábeas super illo peccátum. Non quæras ultiónem, nec memor eris injúriæ cívium tuórum. Díliges amicum tuum sicut teípsum. Ego Dóminus. Leges meas custodíte. Ego enim sum Dóminus Deus vester.

*Graduale. Psal. 29.* Exaltábo te Dómine, quóniam suscepísti me: nec delectásti inimícos meos super me. *℣.* Dómine Deus meus clamávi ad te, & sanásti me: Dómine, abstraxísti ab ínferis ánimam meam, salvásti me à descendentibus in lacum.

*Tractus. Psal. 102.* Dómine, non secúndum peccáta nostra, quæ fécimus nos: neque secúndum iniquitátes nostras retribuas nobis. *℣.* *Psal. 78.* Dómine, ne memíneris iniquitátum nostrárum antiquárum: citò anticipent nos misericórdiæ tuæ, quia páuperes facti sumus nimis. *℣.* *Hic genuflectitur.* Adjuva nos Deus salutáris noster, & propter glóriam nóminis tui Dómine, líbera nos: & propítius esto peccátis nostris, propter nomen tuum.

Sequéntia sancti Evangélíi secúndum Joánnem.

*Joan. 10. d.*

**I**n illo témpore: Facta sunt Encænía in Jerosólymis: & hiems erat. Et ambulábat



bat Iesus in templo, in pórticu Salomónis. Circumdedérunt ergo eum Judæi, & dicébant ei: Quousque ánimam nostram tollis? si tu es Christus, dic nobis palàm. Respóndit eis Iesus: Loquor vobis, & non créditis. Opéra, quæ ego fácio in nómine Patris mei, hæc testimónium pérhibent de me. Sed vos non créditis, quia non estis ex óvibus meis. Oves meæ vocem meam áudiunt: & ego cognósko eas, & sequúntur me, & ego vitam ætérnam do eis: & non períbunt in ætérnum, & non rápiet eas quisquam de manu mea. Pater meus, quod dedit mihi, majus ómnibus est: & nemo potest rápere de manu Patris mei. Ego, & Pater unum sumus. Sustulérunt ergo lápidés Judæi, ut lapidárent eum. Respóndit eis Iesus: Multa bona ópera osténdi vobis ex Patre meo, propter quod eórum opus me lapidátis? Respondérunt ei Judæi: De bono ópere non lapidámus te, sed de blasphemía: & quia tu homo cùm sis, facis teípsum Deum. Respóndit eis Iesus: Nónne scriptum est in lege vestra: quia Ego dixi, dii estis? Si illos dixit deos, ad quos sermo Dei factus est, & non potest solvi Scriptúra: quem Pater sanctificávit, & misit in mundum, vos dicitis: Quia blasphemás: quia dixi, Fílius Dei sum? Si non fácio ópera Patris mei, nolíte crédere mihi. Si autem fácio: & si mihi non vultis crédere, opéribus créдите, ut cognoscátis, & credátis, quia Pater in me est, & ego in Patre.

*Offertorium. Ps. 58. Eripe me*

de inimícis meis Deus meus: & ab insurgéntibus in me líbera me Dómine. *Secreta.*

**A**nnue misericors Deus: ut hóstias placatiónis & laudis, sincéro tibi deferámus obsequio. Per Dóminum.

*Deinde vel* Prótege nos. *vel* Oblátis, quæsumus. fol. 120.

*Communio. Psal. 25. Lavábo* inter innocéntes manus meas, & circuibo altáre tuum Dómine: ut áudiam vocem láudis tuæ, & enárrem univérsa mirabília tua. *Postcommunio.*

**C**œléstis doni benedictiône percépta, súpplices te Deus omnípotens deprecámur: ut hoc idem nobis & sacraménti causa sit, & salútis. Per Dóminum.

*Posteà vel* Quæsumus Dómine. *vel* Hæc nos, quæsumus. fol. 120.

*Super populum. Orémus. Humiliáte cápita vestra Deo.*

*Oratio.*

**A**d esto supplicatióibus nostris omnípotens Deus: & quibus fidúciám sperándæ pietátis indulges: consuétæ misericórdiæ tríbue benignus efféctum. Per Dóminum.

## FERIA QUINTA.

*Statio ad S. Apollinarem.*

*Intritus. Dan. 3.*

**O**Mnia, quæ fecísti nobis, Dómine, in vero iudicio fecísti: quia peccávimus tibi, & mandátis tuis non obedívimus: sed da glóriam nómini tuo, & fac nobíscum secúndum multitudinem misericórdiæ tuæ.

*Psal. 118. Beáti immaculáti in via: qui ámbulant in lege*



lege Dómini. Omnia, quæ fecisti.

*Oratio.*

**P**Ræsta quæsumus omnípotens Deus: ut dignitas conditionis humanæ per immoderantiam fauciata, medicinalis parsimoniæ studio reformetur. Per Dóminum.

*Postea vel Ecclésiæ tuæ. vel Deus ómnium fidélium. f. 118.*

Lectio Daniélis Prophætæ.

*Dan. 3. c.*

**I**N diébus illis: Orávit Azarias Dóminum, dicens: Dómine Deus noster: ne, quæsumus, tradas nos in perpétuum propter nomen tuum, & ne dissipes testaméntum tuum. Neque áuferas misericórdiam tuam à nobis propter Abraham diléctum tuum, & Isaac servum tuum, & Israél sanctum tuum: quibus locútus es, póllicens quòd multiplicáres semen eórum sicut stellas cœli, & sicut arénam, quæ est in líttore maris: quia Dómine imminúti sumus plusquam omnes gentes, sumúsque húmiles in univérſa terra hódie propter peccáta nostra. Et non est in témpore hoc princeps, & dux, & Prophéta, neque holocáustum, neque sacrificium, neque oblátio, neque incensum, neque locus primitiarum coram te, ut possimus invenire misericórdiam tuam: sed in ánimo contríto, & spiritu humilitátis suscipiámur. Sicut in holocáusto aríetum, & taurórum, & sicut in míllibus agnórum pínguium: sic fiat sacrificium nostrum in conspéctu tuo hódie, ut placeat tibi: quóniam non est confúſio confidentibus in te.

Et nunc séquimur te in toto corde, & timémus te, & quærimus fáciem tuam. Ne confundas nos: sed fac nobiscum juxta mansuetúdinem tuam, & secúndum multitudinem misericórdiæ tuæ. Et érue nos in mirabílibus tuis, & da glóriam nomini tuo Dómine: & confundántur omnes, qui osténdunt servis tuis mala, confundántur in omnipoténtia tua, & robur eórum conterátur: & sciant, quia tu es Dóminus Deus solus, & gloriósus per orbem terrárum, Dómine Deus noster.

*Graduale. Psalm. 95.* Tóllite hóstias, & introíte in átria ejus: adoráte Dóminum in aula sancta ejus.

*Psalm. 28.* Revelábit Dóminus condénſa: & in templo ejus omnes dicent glóriam.

Sequéntia sancti Evangélii secúndum Lucam.

*Luc. 7. f.*

**I**N illo témpore: Rogábat Jesum quidam de Pharisæis, ut manducáret cum illo. Et ingressus domum Pharisæi, discúbuit. Et ecce mulier, quæ erat in civitate peccátrix, ut cognóvit quòd accubuisset in domo Pharisæi, áttulit alabástrum unguénti: & stans retrò secus pedes ejus, lácrymis cœpit rigáre pedes ejus, & capíllis capitis sui tergébat, & osculabátur pedes ejus, & unguénto ungebat. Videns autem Pharisæus, qui vocáverat eum, ait intra se, dicens: Hic si esset Prophéta, sciret útique, quæ & qualis est mulier,



lier, quæ tangit eum: quia peccatrix est. Et respondens Jesus, dixit ad illum: Simon, habeo tibi aliquid dicere. At ille ait: Magister, dic. Duo debitores erant cuïdam fœneratori: unus debébat denários quingéntos, & alius quinquaginta. Non habéntibus illis unde rédderent, donávit utrísque. Quis ergo eum plus diligit? Respondens Simon, dixit: Æstimo quia is, cui plus donávit. At ille dixit ei: Rectè judicásti. Et convérsum ad mulierem, dixit Simóni: Vides hanc mulierem? Intrávi in domum tuam: aquam pedibus meis non dedísti: hæc autem lácrymis rigávit pedes meos, & capíllis suis terfit. Osculum mihi non dedísti: hæc autem, ex quo intrávit, non cessávit osculári pedes meos. Oleo caput meum non unxísti: hæc autem unguénto unxit pedes meos. Propter quod dico tibi: Remittúntur ei peccáta multa, quóniam diléxit multum. Cui autem minus dimíttitur, minus diligit. Dixit autem ad illam: Remittúntur tibi peccáta. Et cœperunt, qui simul accumbebant, dicere intra se: Quis est hic, qui étiam peccáta dimíttit? Dixit autem ad mulierem: Fides tua te salvam fecit: vade in pace.

*Offertorium. Psal. 136.* Super flúmina Bábylónis illic sedimus, & flévimus, dum recordarémur tui Sion.

*Secreta.*

**D**omine Deus noster, qui in his pótius creatúris, quas ad fragilitátis nostræ subídium condidísti, tuo

quoque nómini munera iussísti dicanda constitui; tríbe, quæsumus, ut & vitæ nobis præsentis auxílium, & æternitátis efficiant sacraméntum. Per Dóminum.

*Deinde vel* Prótege nos. *vel* Oblátis quæsumus. fol. 120.

*Communio. Psalm. 118.* Memento verbi tui servo tuo, Dómine, in quo mihi spem dedísti: hæc me consoláta est in humilitáte mea.

*Postcommunio.*

**Q**uod ore sumpsimus, Dómine, pura mente capiámus: & de múnere temporáli, fiat nobis remédium sempitérnum. Per Dóminum nostrum.

*Posteà vel* Quæsumus, Dómine. *vel* Hæc nos quæsumus. fol. 120.

*Super populum.* Orémus. Humiliáte cápita vestra Deo.

*Oratio.*

**E**sto, quæsumus Dómine, propítius plebi tuæ: ut, quæ tibi non placent, respuéntes, tuórum pótius repleántur delectatióibus mandatórum. Per Dóminum.

## FERIA SEXTA.

*Statio ad S. Stephanum in Cælio monte. Introitus. Ps. 30.*

**M**iserére mihi Dómine, quóniam tríbulo: líbera me, & éripe me de manibus inimicórum meórum, & à persequéntibus me: Dómine non confúndar, quóniam invocávi te.

*Ps. ib.* Inte Dómine sperávi, non confúndar in ætérnum:

in



in iustitia tua libera me. Miserere mihi.

*Oratio.*

**C**ordibus nostris, quaesumus Domine, gratiam tuam benignus infunde: ut peccata nostra castigatione voluntaria cohibentes, temporaliter potius maceremur, quam suppliciis deputemur. æternis. Per Dominum.

*Deinde vel Ecclesiæ tuæ. vel Deus omnium fidelium. f. 118.*

Lectio Jeremiæ Prophætæ.

*Jerem. 17. b.*

**I**N diébus illis: Dixit Jeremias: Domine, omnes qui te derelinquunt, confundentur: recedentes à te, in terra scribentur: quoniam dereliquerunt venam aquarum viventium Dominum. Sana me Domine, & sanabor: salvum me fac, & salvus ero: quoniam laus mea tu es. Ecce ipsi dicunt ad me: Ubi est verbum Domini? Veniat. Et ego non sum turbatus, te pastorem sequens: & diem hominis non desideravi, tu scis. Quod egresum est de labiis meis, rectum in conspectu tuo fuit. Non sis tu mihi formidini, spes mea tu in die afflictionis. Confundantur qui me persequuntur, & non confundar ego: paveant illi, & non paveam ego: induc super eos diem afflictionis, & duplici contritione conterere eos, Domine Deus noster.

*Graduale. Ps. 34.* Pacificè loquebantur mihi inimici mei, & in ira molesti erant mihi.

*V.* Vidisti Domine, ne sileas, ne discedas à me.

*Traetus. Psal. 102.* Domine, non secundum peccata nostra,

quæ fecimus nos: neque secundum iniquitates nostras retribuas nobis.

*V. Ps. 78.* Domine, ne memineris iniquitatum nostrarum antiquarum, citò anticipent nos misericordiæ tuæ, quia pauperes facti sumus nimis.

*V. Hic genuflectitur.* Adjuva nos Deus salutaris noster: & propter gloriam nominis tui Domine libera nos: & propitius esto peccatis nostris, propter nomen tuum.

Sequentia sancti Evangelii secundum Joannem.

*Joan. 11. f.*

**I**N illo tempore: Collegérunt Pontifices & Pharisæi concilium adversus Jesum, & dicebant: Quid facimus, quia hic homo multa signa facit? Si dimittimus eum sic, omnes credent in eum: & venient Romani, & tollent nostrum locum, & gentem. Unus autem ex ipsis Caiphas nomine, cum esset Pontifex anni illius, dixit eis: Vos nescitis quidquam: nec cogitatis, quia expedit vobis, ut unus moriatur homo pro populo, & non tota gens pereat. Hoc autem à semetipso non dixit: sed cum esset Pontifex anni illius, prophetavit, quod Jesus moriturus erat pro gente, & non tantum pro gente, sed ut filios Dei, qui erant dispersi, congregaret in unum. Ab illo ergo die cogitaverunt, ut interficerent eum. Jesus ergo jam non in palam ambulabat apud Judæos, sed abiit in regionem juxta desertum, in civitatem, quæ dicitur Ephrem, & ibi morabatur cum discipulis suis.



*Offertorium. Ps. 118.* Benedíctus es Dómine, doceme justificationes tuas: & non tradas calumniántibus me superbis: & respondébo exprobrántibus mihi verbum.

*Secreta.*

**P**Ræsta nobis mîséricors Deus: ut dignè tuis servíre semper altáribus mereámur, & eórum perpétua participatióne salvári. Per Dóminum.

*Deinde vel* Prótege nos. *vel* Oblátis, quæsumus. fol. 120.

*Communio. Psal. 26.* Ne tradideris me Dómine, in ánimas persequéntium me: quóniam insurrexérunt in me testes iníqui, & mentita est iníquitas sibi.

*Postcommunio.*

**S**umpti sacrificii, Dómine, perpétua nos tuítio non derelinquat: & nóxia semper à nobis cuncta depéllat. Per Dóminum.

*Posteà vel* Quæsumus Dómine. *vel* Hæc nos quæsumus. fol. 120.

*Super populum.* Orémus. Humiliáte cápita vestra Deo.

*Oratio.*

**C**oncède quæsumus omnipotens Deus, ut qui protectionis tuæ grátiam quærimus, liberáti à malis ómnibus, secúra tibi mente serviámus. Per Dóminum.

## S A B B A T O.

*Statio ad S. Joannem ante Portam Latinam.*

*Introitus. Psal. 30.*

**M**iserére mihi Dómine, quóniam tríbulor: líbera me, & éripe me de má-nibus inimicórum meórum, & à persequéntibus me: Dó-

mine non confúndar, quóniam invocávi te.

*Ps. ibid.* In te Dómine sperávi, non confúndar in ætérnum: in justítia tua líbera me. Miserére mihi.

*Oratio.*

**P**roficiat, quæsumus Dómine, plebs tibi dicáta piæ devotiónis afféctu: ut sacris actiόνibus erudíta, quantò majestáti tuæ fit grátior, tantò donis potióribus augeátur. Per Dóminum.

*Posteà vel* Ecclésiæ tuæ. *vel* Deus ómnium fidélium. f. 118.

Léctio Jeremíæ Prophétæ.

*Jerem. 18. c.*

**I**N diébus illis: Dixérunt impii Judæi ad ínvicem: Veníte, & cogitémus contra justum cogitationes; non enim peribit lex à sacerdote, neque consílium à sapiénte, nec sermo à Prophéta: veníte, & percutiámus eum lingua, & non attendámus ad univérso sermónes ejus. Atténde Dómine ad me, & audi vocem adversariórum meórum. Numquid rédditur pro bono malum, quia fodérunt foveam ánimæ meæ? Recordáre quòd stéterim in conspéctu tuo, ut lóquerer pro eis bonum, & avérterem indignationem tuam ab eis. Propterea da filiis eórum in famem, & deduc eos in manus gládii: fiant uxóres eórum absque líberis, & víduæ: & viri eárum interficiántur morte: júvenes eórum confodiántur gládio in prælio. Audiátur clamor de dómibus eórum: addúces enim super eos latrónem repéntè, quia fodérunt foveam, ut cáperent me, & láqueos absconderunt pédibus meis. Tu autem Dómine scis omne consílium

R

lium



lium eorum adversum me in mortem: ne propitiéris iniquitati eorum, & peccatum eorum à fácie tua non deleatur: fiant corruéntes in conspéctu tuo, in témpore furoris tui abútere eis, Dómine Deus noster.

*Graduale. Ps. 34.* Pacíficè loquebantur mihi inimíci mei, & in ira molésti erant mihi. *v.* Vidísti Dómine, ne síleas, ne discédas à me.

Sequéntia sancti Evangélíi secúndum Joánnem.

*Joan. 12. b.*

**I**N illo témpore: Cogitavérunt príncipes sacerdotum, ut & Lázarus interficerent: quia multi propter illum abíbant ex Judæis, & credébant in Jesum. In crástinum autem turba multa, quæ vénerat ad diem festum, cum audíssent, quia venit Jesus Jerosólymam, accepérunt ramos palmárum, & processérunt óbviám ei, & clamábant: Hosánna, benedíctus qui venit in nómine Dómini, Rex Israël. Et invénit Jesus asellum, & sedit super eum, sicut scriptum est: Noli timére filia Sion: ecce rex tuus venit sedens super pullum ásinæ. Hæc non cognovérunt discípuli ejus primùm: sed quando glorificátus est Jesus, tunc recordáti sunt, quia hæc erant scripta de eo, & hæc fecérunt ei. Testimónium ergo perhibébat turba, quæ erat cum eo, quando Lázarus vocávit de monumento, & suscitávit eum à mórtuis. Proptéreà & óbviám venit ei turba: quia audiérunt

eum fecísse hoc signum. Pharisæi ergo dixerunt ad semetipsos: Vidétis, quia nihil proficimus? ecce mundus totus post eum ábiit. Erant autem quidam Gentíles ex his, qui ascénderant, ut adorárent in die festo. Hi ergo accessérunt ad Philíppum, qui erat à Bethsáida Galilææ, & rogábant eum, dicéntes: Dómine, vólumus Jesum vidére. Venit Philíppus, & dicit Andréæ: Andréas rursum & Philíppus dixerunt Jesu. Jesus autem respóndit eis, dicens: Venit hora, ut clarificétur Fílius hóminis. Amen, amen dico vobis, nisi granum fruménti cadens in terram, mórtuum fúerit, ipsum solum manet. Si autem mórtuum fúerit, multum fructum affert. Qui amat ánimam suam, perdet eam: & qui odit ánimam suam in hoc mundo, in vitam ætérnam custódit eam. Si quis mihi ministrat, me sequátur: & ubi sum ego, illic & mínister meus erit. Si quis mihi ministráverit, honorificábit eum Pater meus. Nunc ánima mea turbáta est. Et quid dicam? Pater, salvífica me ex hac hora. Sed proptéreà veni in horam hanc. Pater, clarífica nomen tuum. Venit ergo vox de cœlo: Et clarificávi, & íterum clarificábo. Turba ergo, quæ stabat, & audíerat, dicebat tonítruum esse factum. Alii dicebant: Angelus ei locútus est. Respóndit Jesus, & dixit: Non propter me hæc vox venit, sed propter vos. Nunc judícium est mundi: nunc princeps hujus mundi ejiciétur foras. Et ego si exaltátus fúero à terra, ómnia traham ad me



me ipsum: (hoc autem dicebat, significans qua morte esset moriturus.) Respondit ei turba: Nos audivimus ex lege, quia Christus manet in æternum: & quomodo tu dicis: Oportet exaltari Filium hominis? Quis est iste Filius hominis? Dixit ergo eis Jesus: Adhuc modicum lumen in vobis est. Ambulate dum lucem habetis, ut non vos tenebræ comprehendant: & qui ambulat in tenebris, nescit quò vadat. Dum lucem habetis, credite in lucem, ut filii lucis sitis. Hæc locutus est Jesus: & abiit, & abscondit se ab eis.

*Offertorium. Psal. 118.* Benedictus es Dómine, doce me justificationes tuas: & non tradas calumniantibus me superbis: & respondébo exprobrantibus mihi verbum.

*Secreta.*

**A** Cunctis nos, quæsumus Dómine, reatibus & periculis propitiatus absolve: quos tanti mystérii tribuis esse consortes. Per Dóminum.

*Deinde vel* Protége nos. *vel* Oblátis, quæsumus. fol. 120.

*Communio. Ps. 26.* Ne tradideris me Dómine, in ánimas persequéntium me: quóniam insurrexérunt in me testes iníqui, & mentíta est iníquitas sibi.

*Postcommunio.*

**D**ivini múnieris largitate satiáti, quæsumus Dómine Deus noster: ut hujus semper participatione vivamus. Per Dóminum.

*Posteà vel* Quæsumus Dómine. *vel* Hæc nos quæsumus. fol. 120.

*Super populum.* Orémus. Humiliáte cápita vestra Deo.

*Oratio.*

**T**ueátur, quæsumus Dómine, dextera tua populum deprecántem, & purificátum dignánter erúdiat: ut consolatione præsentí, ad futura bona proficiat. Per Dóminum nostrum.

## DOMINICA IN PALMIS.

*Completa Tertia, & facta aspersione aquæ, more solito, Sacerdos indutus pluviali violaceo, vel sine casula, cum ministris similiter indutis, procedit ad benedicendum ramos palmarum, & olivarum, sive aliarum arborum, in medio ante Altare, vel ad cornu Epistolæ positos. Et primò cantatur à Choro Antiphona.*

*Matth. 21.*

**H**osánna filio David: benedictus qui venit in nómine Dómini. O Rex Israël: Hosánna in excélsis.

*Deinde Sacerdos stans in cornu Epistolæ, non vertens se ad populum, dicit in tono Orationis Missæ ferialis: Dóminus vobiscum. R. Et cum spíritu tuo.*

*Orémus. Oratio.*

**D**eus, quem diligere & amare, justítia est; ineffábilis grátie tuæ in nobis dona multiplicá: & qui fecísti nos in morte Filii tui speráre quæ credimus; fac nos eódem resurgente pervenire quò tendimus. Qui tecum vivit & regnat, &c.

*Posteà Subdiaconus in loco solito cantat sequentem Lektionem in tono Epistolæ, & in fine osculatur manum Sacerdotis.*



Lectio libri Exodi. *Exod. 15. d.*

**I**N diébus illis: Venérunt filii Israël in Elim, ubi erant duodecim fontes aquarum, & septuaginta palmæ: & castrametati sunt juxta aquas. Profectique sunt de Elim, & venit omnis multitudo filiorum Israël in désertum Sin, quod est inter Elim & Sínai, quintodécimo die mensis secúndi, postquam egressi sunt de terra Ægypti. Et murmuravit omnis congregatio filiorum Israël contra Móysen & Aaron in solitúdine. Dixeruntque filii Israël ad eos: Utinam mórtui effémus per manum Dómini in terra Ægypti, quando sedebámus super ollas cárnium, & comedebámus panem in saturitáte: cur eduxístis nos in désertum istud, ut occiderétis omnem multitudinem fame? Dixit autem Dóminus ad Móysen: Ecce ego pluam vobis panes de cœlo: egrediátur pópulus, & colligat quæ sufficiunt per singulos dies: ut tentem eum utrùm ámbulet in lege mea, an non. Die autem sexto parent quod ínferant: & sit duplum, quàm colligere solébant per singulos dies. Dixeruntque Móyses & Aaron ad omnes filios Israël: Véspere sciétis, quòd Dóminus edúxerit vos de Terra Ægypti: & manè vidébitis glóriam Dómini.

*Deinde cantatur pro Graduali, R. Joan. 11. Collegérunt Pontífices & Pharisei concílium, & dixerunt: Quid facimus, quia hic homo multa signa facit? Si dimíttimus eum sic, omnes credent in eum; \* Et vénient Románi,*

& tollent nostrum locum, & gentem. *v.* Unus autem ex illis, Cáiphas nómine, cùm esset Póntifex anni illíus, prophetávit, dicens: Expedit vobis, ut unus moriátur homo pro pópulo, & non tota gens péreat. Ab illo ergo die cogitavérunt interficere eum, dicentes. Et vénient.

*Vel aliud R. Matth. 26. In monte Olivéti orávit ad Patrem: Pater, si fieri potest, tránseat à me calix iste. \* Spíritus quidem promptus est, caro autem infirma: fiat voluntas tua. v. Vigiláte, & oráte, ut non intrétis in tentationem. Spíritus.*

*Interim dum cantatur R. Diaconus ponit librum Evangeliorum super Altare: & Sacerdos, ministrante Diacono naviculam, ponit incensum in thuribulo. Deinde Diaconus dicit, Munda cor meum, accipit librum de Altari, petit benedictionem à Sacerdote: postea Subdiacono librum tenente, medius inter duos Acolythos tenentes candelabra accensa, signat librum, incensat, & cantat Evangelium, ut infra more consueto: quo finito, Subdiaconus defert librum osculandum Sacerdoti, qui & incensatur à Diacono.*

Sequéntia sancti Evangelii secundum Matthæum.

*Matth. 21.*

**I**N illo témpore: Cùm appropinquáisset Jesus Jerosólymis, & veníisset Béthphage ad montem Olivéti: tunc misit duos discípulos suos, dicens eis: Ite in castéllum, quod contra vos est, & statim invenietis



niētis ásinam alligátam, & pullum cum ea: sólvite, & addúcite mihi: & si quis vobis áliquid díxerit, dícite quia Dóminus his opus habet: & conféstim dimíttet eos. Hoc autem totum factum est, ut adimplerétur quod dictum est per Prophétam, dicentem: Dícite filiæ Sion: Ecce Rex tuus venit tibi mansuétus, sedens super ásinam & pullum, filium subjugális. Eúntes autem discípuli, fecérunt sicut præcépit illis Iesus. Et adduxérunt ásinam, & pullum: & imposuérunt super eos vestiménta sua, & eum désuper sedére fecérunt. Plúrima autem turba stravérunt vestiménta sua in via: álii autem cædébant ramos de arbóribus, & sternébant in via: turbæ autem, quæ præcedébant, & quæ sequebántur, clamábant, dicéntes: Hosánna filio David: benedíctus, qui venit in nómine Dómini.

*Post hæc benedicuntur rami. Sacerdos stans in eodem cornu Epistolæ, dicit in tono Orationis ferialis Dóminus vobíscum. R. Et cum spíritu tuo.*

Orémus. *Oratio.*

**A**Uge fidem in te sperántium Deus, & súpplicum preces cleménter exáudi: véniat super nos múltiplex misericórdia tua: benedicántur & hi pálmities palmárum, seu olivárum: & sicut in figura Ecclesiæ multiplicásti Noe egrediéntem de arca, & Móysen exeúntem de Ægypto cum filiis Israél: ita nos portántes palmas & ramos olivárum, bonis áctibus occurrámus óbviám Christo, & per ipsum in gáu-

dium introeámus ætérnum. Qui tecum vivit & regnat.

**P**ER ómnia sæcula sæculórum. R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum & justum est.

Verè dignum & justum est, æquum & salutáre, nos tibi semper, & ubique grátias ágere, Dómine sancte, Pater omnipotens, ætérne Deus. Qui gloriáris in consílio sanctórum tuórum. Tibi enim sérviant creatúræ tuæ: quia te solum auctórem & Deum cognóscunt: & omnis factúra tua te colláudat, & benedícunt te sancti tui. Quia illud magnum Unigéniti tui nomen coram régibus & potestátibus huius sæculi, líbera voce confiténtur. Cui assísunt Angeli & Archángeli, Throni & Dominationes: cumque omni milítia cœléstis exércitus, hymnum glóriæ tuæ cóncinunt, sine fine dicéntes.

*Et cantatur Sanctus à Choro.*

Sanctus, Sanctus, Sanctus, Dóminus Deus Sábaoth. Pleni sunt cœli & terra glória tua, Hosánna in excélsis. Benedíctus qui venit in nómine Dómini, Hosánna in excélsis.

*Sequitur: Dóminus vobíscum.*

R. Et cum spíritu tuo.

Orémus. *Oratio.*

**P**ETIMUS, Dómine sancte, Pater omnipotens, ætérne Deus: ut hanc creatúram olivæ,



olivæ, quam ex ligni matéria prodire jussisti, quamque columba rediens ad arcam proprio pertulit ore, bene✠dicere, & sancti✠ficare digneris: ut quicumque ex ea receperint, accipiant sibi protectionem animæ & corporis: fiatque, Domine, nostræ salutis remedium, tuæ gratiæ sacramentum. Per Dominum nostrum Jesum Christum Filium tuum: Qui tecum vivit & regnat, in unitate Spiritus sancti Deus, per omnia sæcula sæculorum.

R. Amen.

Orémus. *Oratio.*

**D**Eus, qui dispersa congregas, & congregata conservas: qui populis obviam Jesu ramos portantibus benedixisti: bene✠dic etiam hos ramos palmæ & olivæ, quos tui famuli ad honorem nominis tui fideliter suscipiunt: ut in quemcumque locum introducti fuerint, tuam benedictionem habitatores loci illius consequantur: & omni adversitate effugata, dextera tua protegat, quos redemit Jesus Christus Filius tuus Dominus noster. Qui tecum vivit & regnat.

Orémus.

**D**Eus qui miro dispositionis ordine, ex rebus etiam insensibilibus, dispensationem nostræ salutis ostendere voluisti: da, quæsumus, ut devota tuorum corda fidelium salubriter intelligant, quid mysticè designet in facto, quod hodie cœlesti lumine afflata, Redemptori obviam procedens, palmæ atque olivarum ramos vestigiis ejus turba

substravit. Palmæ igitur rami de mortis principe triumphos expectant: fûrculi verò olivarum, spiritualem unionem advenisse quodammodo clamant. Intelléxit enim jam tunc illa hominum beata multitudo præfigurari: quia Redemptor noster humanis condolens miseriis, pro totius mundi vita cum mortis principe esset pugnaturus, ac moriendo triumphaturus. Et ideo talia obsequens administravit, quæ in illo & triumphos victoriæ, & misericordiæ pinguedinem declararent. Quod nos quoque plena fide, & factum, & significatum retinentes, te Domine sancte, Pater omnipotens, æternæ Deus, per eundem Dominum nostrum Jesum Christum suppliciter exoramus: ut in ipso, atque per ipsum, cujus nos membra fieri voluisti, de mortis imperio victoriam reportantes, ipsius gloriôsæ resurrectionis partícipes esse mereamur. Qui tecum vivit & regnat in unitate, &c.

Orémus.

**D**Eus, qui per olivæ ramos, pacem terris columbam nuntiare jussisti: præsta, quæsumus, ut hos olivæ, ceterarumque arborum ramos, cœlesti benedictione sanctifices, ut cuncto populo tuo proficiant ad salutem. Per Christum Dominum nostrum.

R. Amen.

Orémus.

**B**ene✠dic, quæsumus Domine, hos palmæ, seu olivarum ramos, & præsta: ut quod populus tuus in tui venerati-



rationem hodierna die corporaliter agit, hoc spiritualiter summa devotione perficiat, de hoste victoriam reportando, & opus misericordiae summopere diligendo. Per Dominum nostrum, &c.

*Hic celebrans ponit incensum in thuribulum, deinde ter aspergit ramos aqua benedicta, dicendo Antiphonam, Asperges me. sine cantu, & sine Psalmo: & ter adolet incenso. Postea dicit: Dominus vobiscum.*

*R. Et cum spiritu tuo.*

*Orémus.*

**D**Eus, qui Filium tuum Jesum Christum Dominum nostrum, pro salute nostra in hunc mundum misisti, ut se humiliaret ad nos, & nos revocaret ad te: cui etiam, dum Ierusalem veniret, ut adimpleret Scripturas, credentium populorum turba, fidelissima devotione vestimenta sua cum ramis palmarum in via sternebant: praesta, quaesumus; ut illi, fidei viam praeparemus, de qua, remoto lapide offensionis, & petra scandalii, frondeant apud te opera nostra justitiae ramis: ut ejus vestigia sequi mereamur. Qui tecum vivit & regnat.

*Completa benedictione, dignior ex Clero accedit ad Altare, & dat ramum benedictum Celebranti, qui non genuflectit, nec osculatur manum dantis. Postea Celebrans stans ante Altare versus ad populum, distribuit ramos, primum digniori, a quo ipse accepit, deinde Diacono & Subdiacono paratis, & aliis Clericis singulatim per ordinem, ultimò laicis: omnibus genuflectentibus, & ramum ac manum Ce-*

*lebrantis osculantibus, exceptis Praelatis, si adsint. Et cum inceperit distribuere, à Choro cantantur sequentes Antiphon. Pueri Hebraeorum portantes ramos olivarum obviaverunt Domino, clamantes, & dicentes: Hosanna in excelsis.*

*Alia Antiph. Pueri Hebraeorum vestimenta prosternebant in via, & clamabant, dicentes: Hosanna filio David: benedictus qui venit in nomine Domini.*

*Quae si non sufficiant, repetantur quousque ramorum distributio finiatur.*

*Deinde Sacerdos dicit. V. Dominus vobiscum. R. Et cum spiritu tuo.*

*Orémus.*

**O**Mnipotens sempiternus Deus, qui Dominum nostrum Jesum Christum super pullum asinae sedere fecisti, & turbas populorum vestimenta, vel ramos arborum in via sternere, & hosanna decantare in laudem ipsius docuisti: da, quaesumus, ut illorum innocentiam imitari possimus, & eorum meritum consequi mereamur. Per eundem Christum Dominum nostrum.

*R. Amen.*

*Postea fit Processio. Et primò Celebrans imponit incensum in thuribulum: & Diaconus vertens se ad populum, dicit: Procedamus in pace. Et Chorus respondet, In nomine Christi, Amen.*

*Præcedit thuriferarius cum thuribulo fumigante: deinde Subdiaconus paratus, deferens Crucem, medius inter duos Acolythos cum candelabris accensis: sequitur Clerus*



*Clerus per ordinem, ultimò Celebrans cum Diacono à sinistris, omnes cum ramis in manibus: & cantantur sequentes Antiphonæ, vel omnes, vel aliquæ, quousque durat Processio.*

*Antiph. Matth. 21.* Cùm appropinquáret Dóminus Jerosólymam, misit duos ex discipulis suis, dicens: Ite in castellum, quod contra vos est: & inveniétis pullum ásinæ alligatum, super quem nullus hóminum fedit: sólvite, & addúcite mihi. Si quis vos interrogáverit, dícite: Opus Dómini est. Solvéntes adduxérunt ad Jesum: & imposuérunt illi vestiménta sua, & sedit super eum: álii expandébant vestiménta sua in via: álii ramos de arbóribus sternébant: & qui sequebántur, clamábant: Hosáanna, benedíctus qui venit in nómine Dómini: benedíctum regnum patris nostri David: Hosáanna in excélsis: miserére nobis fili Dávid.

*Alia Antiphona.* Cùm audíffet pópulus, quia Jesus venit Jerosólymam, accepérunt ramos palmárum: & exiérunt ei óbviám, & clamábant púeri, dicétes: Hic est, qui ventúrus est in salútem pópuli. Hic est salus nostra, & redémptio Israël. Quantus est iste, cui Throni & Dominatrónes occurrunt? Noli timére filia Sion: ecce Rex tuus venit tibi, sedens super pullum ásinæ: sicut scriptum est: Salve Rex fabricátor mundi, qui venísti redímere nos.

*Alia Antiph. Joan. 12.* Ante sex dies solémnis Paschæ, quando venit Dóminus in civitátem Jerúsalem, occurrérunt ei púeri, & in mánibus

portábant ramos palmárum, & clamábant voce magna, dicétes: Hosáanna in excélsis: benedíctus qui venísti in multitudine misericórdiæ tuæ: Hosáanna in excélsis.

*Alia Antip.* Occurrunt turbæ cum flóribus, & palmis Redemptóri óbviám: & victóri triumphánti digna dant obsequia: Fílium Dei ore gentes prædicant: & in laudem Christi voces tonant per núbila: Hosáanna in excélsis.

*Alia Antiphona.* Cum Angelis & púeris fidéles inveniámur, triumphatóri mortis clamántes: Hosáanna in excélsis.

*Alia Antiphona.* Turba multa, quæ convénérat ad diem festum, clamábat Dómino: Benedíctus qui venit in nómine Dómini, Hosáanna in excélsis.

¶ *In reversione Processionis, duo vel quatuor cantores intrant in Ecclesiam, & clauso ostio stantes versa facie ad Processionem, incipiunt v. Glória, laus. & decantant duos primos versus. Sacerdos verò cum aliis extra Ecclesiam, repetit eosdem. Deinde qui sunt intus, cantant alios versus sequentes, vel omnes, vel partem, prout videbitur: & qui sunt extra, ad quoslibet duos versus respondent: Glória, laus. sicut à principio v.*

**G**lória, laus, & honor tibi sit, Rex Christe Redemptor:

Cui pueríle decus promptit Hosáanna pium.

Israël es tu Rex, Davídis & ínclýta proles:

Nómine qui in Dómini Rex benedícte venis.

R. Glória, laus.



**C**œtus in excelsis te laudat  
cœlicus omnis,  
Et mortâlis homo, & cuncta  
creâta simul.

*R.* Glória, laus.

Plebs Hebræa tibi cum pal-  
mis óbvia venit;

Cum prece, voto, hymnis,  
ádsumus ecce tibi.

*R.* Glória, laus.

Hi tibi passûro solvébant mû-  
nia laudis:

Nos tibi regnâti pângimus  
ecce melos. *R.* Glória, laus.

Hi placuere tibi, placeat de-  
vôtio nostra:

Rex bone, Rex clemens, cui  
bona cuncta placent.

*R.* Glória, laus.

*Posteâ Subdiaconus hastili  
Crucis percutit portam: qua sta-  
tim aperta, Processio intrat Ec-  
clesiam, cantando R.* Ingrediên-  
te Dómino in sanctam civitá-  
tem, Hebræorum pûeri re-  
surrectionem vitæ pronunti-  
ântes, \* Cum ramis palmá-  
rum Hosánna clamábant in  
excelsis. *V.* Cùm audisset pó-  
pulus, quòd Jesus veníret Je-  
rosólymam, exiérunt óbviâ-  
m ei. Cum ramis.

*Et non dicitur, Glória Patri.*

*Deinde celebratur Missa, &  
rami tenentur in manibus dum  
cantatur Passio & Evangelium  
tantum.*

*Statio ad S. Joannem in Late-  
rano. Introitus. Psal. 21.*

**D**omine, ne longè fácias  
auxílium tuum à me, ad  
defensíonem meam áspice: lí-  
bera me de ore leónis, & à  
cór nibus unicór nium humili-  
tâtem meam.

*Psal. ibid.* Deus Deus me-  
us réspice in me, quare me  
dereliquísti? longè à salúte

mea verba delictórum meó-  
rum. Dómine, ne longè.

*Oratio.*

**O**Mnípotens sempitérne  
Deus, qui humano géne-  
ri ad imitándum humilitátis  
exémplum, Salvatórem nos-  
trum carnem súmere, & cru-  
cem subíre fecísti: concéde  
propítius, ut & patiéntiæ ip-  
sius habére documénta, & re-  
surrectionis consórtia mereá-  
mur. Per eúmdem Dóminum.

*Et hæc Oratio tantum dicitur.*

Léctio Epístolæ beáti Pauli  
Apóstoli ad Philippénfes.

*Philip. 2.*

**F**Râtres, Hoc enim sentíte  
in vobis, quod & in Chri-  
sto Jesu: qui cùm in forma Dei  
esset, non rapínam arbitrátus  
est esse se æquálem Deo: sed  
semetípsum exinanívit, for-  
mam servi accípiens, in simili-  
túdinem hóminum factus, &  
hábitu invéntus ut homó. Hu-  
miliávit semetípsum, factus  
obédiens usque ad mortem,  
mortem autem crucis. Prop-  
ter quod & Deus exaltávit  
illum, & donávit illi nomen,  
quod est super omne nomen.

*Hic genuflectitur.* ut in nó-  
mine Jesu omne genu flectá-  
tur, cœléstium, terréstrium,  
& infernórum: & omnis lin-  
gua confiteátur, quia Dómi-  
nus Jesus Christus in glória  
est Dei Patris.

*Graduale. Ps. 72.* Tenuísti  
manum dexteram meam, & in  
voluntáte tua deduxísti me:  
& cum glória assumpsísti me.  
*V.* Quàm bonus Israël Deus  
rectis corde! mei autem penè  
moti sunt pedes: penè effúsi  
sunt gressus mei: quia zelávi  
in peccatóribus, pacem pec-  
catórum videns.

*S*

*Tractus.*



*Tractus. Ps. 21.* Deus Deus meus, respice in me, quare me dereliquisti? *℣.* Longè à salute mea verba delictorum meorum. *℣.* Deus meus clamabo per diem, nec exaudies: in nocte, & non ad insipientiam mihi. *℣.* Tu autem in sancto habitas, Laus Israël.

*℣.* In te speraverunt patres nostri: speraverunt, & liberasti eos.

*℣.* Ad te clamaverunt, & salvi facti sunt: in te speraverunt, & non sunt confusi.

*℣.* Ego autem sum vermis, & non homo: opprobrium hominum, & abjectio plebis.

*℣.* Omnes qui videbant me, aspernabantur me: locuti sunt labiis, & moverunt caput. *℣.* Speravit in Domino, eripiat eum: salvum faciat eum, quoniam vult eum.

*℣.* Ipsi verò consideraverunt & conspexerunt me: divisérunt sibi vestimenta mea, & super vestem meam miserunt fortem. *℣.* Libera me de ore leónis: & à cornibus unicórnium humilitatem meam.

*℣.* Qui timétis Dóminum, laudáte eum: univérsum semen Jacob magnificáte eum.

*℣.* Annuntiábitur Dómino generatio ventúra: & annuntiábunt cœli justítiam ejus.

*℣.* Populo qui nascétur, quem fecit Dóminus.

*¶ Passio Domini incipitur absolute: non dicitur, Munda cor meum, non petitur benedictio, non deferuntur luminaria, nec incensum: non dicitur, Dóminus vobiscum. nec respondetur, Glória tibi Dómine. Et Celebrans, seu Diaconus, dum pronuntiat, Passio Dómini nostri. non signat librum, neque seipsum.*

*Quòd Et in aliis diebus servatur, quando legitur Passio.*

Passio Dómini nostri Jesu Christi secúndum Matthæum. *Matth. 26.*

**I**N illo témpore: Dixit Jesus discípulis suis: ✠ Scitis, quia post bídum Pascha fiet, & Fílius hóminis tradétur ut crucifigátur. *C* Tunc congregáti sunt príncipes sacerdotum, & seniores pópuli in átrium príncipis sacerdotum, qui dicebátur Cáiphas: & consílium fecérunt, ut Jesum dolo tenérent, & occíderent. Dicebant autem: *S* Non in die festo, ne fortè tumultus fieret in pópulo. *C* Cúm autem Jesus esset in Bethánia in domo Simónis leprósi, accéssit ad eum múlter habens alabastrum unguénti pretiósí, & effúdit super caput ipsíus recumbéntis. Vidéntes autem discípuli, indignáti sunt, dicéntes: *S* Ut quid perditio hæc? pótuit enim istud vendári multo, & dari pauperibus. *C* Sciens autem Jesus, ait illis: ✠ Quid mólesti estis huic mulieri? opus enim bonum operáta est in me. Nam semper páuperes habétis vobíscum: me autem non semper habétis. Mittens enim hæc unguéntum hoc in corpus meum, ad sepeliéndum me fecit. Amen dico vobis, ubicúmque prædicátum fúerit hoc Evangélum, in toto mundo, dicétur & quòd hæc fecit in memóriam ejus. *C* Tunc ábiit unus de duódecim, qui dicebátur Judas Iscariótes, ad príncipes sacerdotum, & ait illis: *S* Quid vultis



vultis mihi dare, & ego vobis eum tradam? *C* At illi constituérunt ei triginta argenteos. Et exínde quærébat opportunitátem, ut eum tráderet. Prima autem die Azymórum accessérunt discípuli ad Jesum, dicéntes: *S* Ubi vis parémus tibi comédere Pascha? *C* At Jesus dixit: ✠ *Ite in civitátem ad quemdam, & dicite ei: Magíster dicit: Tempus meum propè est, apud te fácio Pascha cum discípu- lis meis.* *C* Et fecérunt discípuli, sicut constituit illis Jesus, & paravérunt Pascha. Véspere autem facto, discumbébat cum duódecim discípu- lis suis. Et edéntibus illis, dixit: ✠ *Amen dico vobis, quia unus vestrúm me traditúrus est.* *C* Et contristáti valdè, cœpérunt singuli dícere: *S* Numquid ego sum Dómine? *C* At ipse respóndens, ait: ✠ *Qui intín- git mecum manum in paróp- sode, hic me tradet. Fílius quidem hóminis vadit, sicut scriptum est de illo: væ au- tem hómini illi, per quem Fílius hóminis tradétur: bo- num erat ei, si natus non fuís- set homo ille.* *C* Respóndens autem Judas, qui trádidit eum, dixit: *S* Numquid ego sum, Rabbi? *C* Ait illi: ✠ *Tu dixísti.* *C* Coenántibus autem eis, accépit Jesus panem, & benedíxit, ac fregit, dedítque discípu- lis suis, & ait: ✠ *Ac- cípite, & comédite: hoc est corpus meum.* *C* Et accípiens cálicem, grátias egit: & dedit illis, dicens: ✠ *Bíbite ex hoc omnes. Hic est enim sanguis meus novi testaménti, qui pro multis effundétur in remissió-*

nem peccatórum. Dico au- tem vobis: non bibam ámo- dō de hoc genímine vitis us- que in diem illum, cū il- lud bibam vobíscum novum in regno Patris mei. *C* Et hymno dicto, exiérunt in montem Olivéti. Tunc di- cit illis Jesus: ✠ *Omnes vos scándalum patiémini in me in ista nocte. Scriptum est enim: Percútiam pastórem, & dis- pergéntur oves gregis. Post- quam autem resurréxero, præ- cedam vos in Galilæam.* *C* Respóndens autem Petrus, ait illi: *S* Et si omnes scan- dalizáti fúerint in te, ego num- quam scandalizabor. *C* Ait illis Jesus: ✠ *Amen dico tibi, quia in hac nocte, ántequam gallus cantet, ter me negá- bis.* *C* Ait illi Petrus: *S* Eti- am si oportúerit me mori te- cum, non te negábo. *C* Si- míliter & omnes discípuli di- xérunt. Tunc venit Jesus cum illis in villam, quæ dicitur Gethsémani, & dixit discípu- lis suis: ✠ *Sedéte híc, donec vadam illuc, & orem.* *C* Et assumpto Petro, & duóbus filiis Zebedæi, cœpit con- tristári, & mœstus esse. Tunc ait illis: ✠ *Tristis est ánima mea usque ad mortem: susti- néte híc, & vigiláte mecum.* *C* Et progréssus pusillum, pró- cidit in fáciem suam, orans, & dicens: ✠ *Pater mi, si pos- sibile est, tránseat à me calix iste. Verúmtamen non sicut ego volo, sed sicut tu.* *C* Et venit ad discípulos suos, & in- vénit eos dormiéntes, & dicit Petro: ✠ *Sic, non potuístis una hora vigiláre mecum? Vi- giláte & oráte, ut non intrétis in tentatiónem. Spiritus qui-*



dem promptus est, caro autem infirma: *C* Iterum secundo abiit, & oravit, dicens: ✠ Pater mi, si non potest hic calix transire, nisi bibam illum, fiat voluntas tua. *C* Et venit iterum, & invenit eos dormientes: erant enim oculi eorum gravati. Et relicto illis, iterum abiit, & oravit tertio, eundem sermonem dicens. Tunc venit ad discipulos suos, & dicit illis: ✠ Dormite jam, & requiescite: ecce appropinquavit hora, & Filius hominis tradetur in manus peccatorum. Surgite, eamus: ecce appropinquavit qui me tradet. *C* Adhuc eo loquente, ecce Judas unus de duodecim venit, & cum eo turba multa cum gladiis & fustibus, missi a principibus sacerdotum, & senioribus populi. Qui autem tradidit eum, dedit illis signum, dicens: *S* Quemcumque osculatus fuero, ipse est, tenete eum. *C* Et confestim accedens ad Jesum, dixit: *S* Ave Rabbi. *C* Et osculatus est eum. Dixitque illi Jesus: ✠ Amice, ad quid venisti? *C* Tunc accesserunt, & manus iniecerunt in Jesum, & tenuerunt eum. Et ecce unus ex his, qui erant cum Jesu, extendens manum, exemit gladium suum, & percutiens servum principis sacerdotum, amputavit auriculam ejus. Tunc ait illi Jesus: ✠ Converterte gladium tuum in locum suum. Omnes enim, qui acceperint gladium, gladio peribunt. An putas, quia non possum rogare Patrem meum, & exhibebit mihi modò plusquam duodecim legiones An-

gelorum? Quomodo ergo implebuntur Scripturæ, quia sic oportet fieri? *C* In illa hora dixit Jesus turbis: ✠ Tamquam ad latronem existis cum gladiis & fustibus comprehendere me; quotidie apud vos sedebam docens in templo, & non me tenuistis. *C* Hoc autem totum factum est, ut adimplerentur Scripturæ Prophetarum. Tunc discipuli omnes, relicto eo, fugerunt. At illi tenentes Jesum, duxerunt ad Caipham principem sacerdotum, ubi Scribæ & seniores convenerant. Petrus autem sequebatur eum à longè, usque in atrium principis sacerdotum. Et ingressus intrò, sedebat cum ministris, ut videret finem. Principes autem sacerdotum, & omne concilium quærebant falsum testimonium contra Jesum, ut eum mortì traderent: & non invenièrunt, cum multi falsi testes accessissent. Novissimè autem venerunt duo falsi testes, & dixerunt: *S* Hic dixit: Possum destruire templum Dei, & post triduum reedificare illud. *C* Et surgens princeps sacerdotum, ait illi: *S* Nihil respondes ad ea, quæ isti adversum te testificantur? *C* Jesus autem tacèbat. Et princeps sacerdotum ait illi: *S* Adjuro te per Deum vivum, ut dicas nobis, si tu es Christus Filius Dei. *C* Dicit illi Jesus: ✠ Tu dixisti. Verumtamen dico vobis, à modò videbitis Filium hominis sedentem à dextris virtutis Dei, & venientem in núbibus cœli. *C* Tunc princeps sacerdotum scidit



scidit vestimenta sua, dicens : *S* Blasphemavit : quid adhuc egemus testibus ? ecce nunc audistis blasphemiam : quid vobis videtur ? *C* At illi respondentes, dixerunt : *S* Reus est mortis. *C* Tunc expuerunt in faciem ejus, & colaphis eum caeciderunt, alii autem palmas in faciem ejus dedērunt, dicentes : *S* Prophetiza nobis Christe, quis est, qui te percussit ? *C* Petrus vero sedebat foris in atrio : & accessit ad eum una ancilla, dicens : *S* Et tu cum Jesu Galilæo eras. *C* At ille negavit coram omnibus, dicens : *S* Nescio quid dicis. *C* Exeunte autem illo januam, vidit eum alia ancilla, & ait his qui erant ibi : *S* Et hic erat cum Jesu Nazaræno. *C* Et iterum negavit cum juramento, Quia non novi hominem. Et post pusillum accesserunt qui stabant, & dixerunt Petro : *S* Verè & tu ex illis es : nam & loquela tua manifestum te facit. *C* Tunc coepit detestari, & jurare, quia non novisset hominem. Et continuo gallus cantavit. Et recordatus est Petrus verbi Jesu, quod dixerat : Priusquam gallus cantet, ter me negabis. Et egressus foras, flevit amare. Manè autem facto, consilium iniērunt omnes principes sacerdotum, & seniores populi adversus Jesum, ut eum morti traderent. Et vinctum adduxerunt eum, & tradiderunt Póntio Piláto Præfidi. Tunc videns Judas, qui eum tradidit, quod damnatus esset ; poenitentia ductus, retulit triginta argenteos princí-

pibus sacerdotum, & senioresbus, dicens : *S* Peccavi, tradens sanguinem justum. *C* At illi dixerunt : *S* Quid ad nos ? Tu videris. *C* Et projectis argenteis in templo, recessit : & abiens, laqueo se suspendit. Principes autem sacerdotum, acceptis argenteis, dixerunt : *S* Non licet eos mittere in carbonem : quia pretium sanguinis est. *C* Consilio autem inito, emerunt ex illis agrum figuli, in sepulturam peregrinorum. Propter hoc vocatus est ager ille, Haceldama, hoc est, ager sanguinis, usque in hodiernum diem. Tunc implētum est, quod dictum est per Jeremiam Prophetam, dicentem : Et acceperunt triginta argenteos pretium appretiati, quem appretiaverunt à filiis Israël : & dederunt eos in agrum figuli, sicut constituit mihi Dóminus. Jesus autem stetit ante Præsidem : & interrogavit eum Præses, dicens : *S* Tu es Rex Judæorum ? *C* Dicit illi Jesus : ✠ Tu dicis. *C* Et cum accusaretur à principibus sacerdotum, & senioresribus, nihil respondit. Tunc dicit illi Pilátus : *S* Non audis quanta adversum te dicunt testimonia ? *C* Et non respondit ei ad ullum verbum, ita ut miraretur Præses vehementer. Per diem autem solemnem consuēverat Præses populo dimittere unum vinctum, quem voluissent. Habebat autem tunc vinctum insignem, qui dicebatur Barábbas. Congregatis ergo illis, dixit Pilátus : *S* Quem vultis dimittam vobis : Barábbam,



bam, an Jesum, qui dicitur Christus? *C* Scribat enim, quod per invictam tradidissent eum. Sedente autem illo pro tribunali, misit ad eum uxorem ejus, dicens: *S* Nihil tibi, & justo illi. Multa enim passa sum hodie per visum propter eum. *C* Príncipes autem sacerdotum, & seniores persuaserunt pópulis, ut peterent Barábbam, Jesum verò perderent. Respondens autem Præses, ait illis: *S* Quem vultis vobis de duobus dimitti? *C* At illi dixerunt: *S* Barábbam. *C* Dicit illis Pilátus: *S* Quid igitur faciam de Jesu, qui dicitur Christus? *C* Dicunt omnes: *S* Crucifigatur. *C* Ait illis Præses: *S* Quid enim mali fecit? *C* At illi magis clamabant, dicentes: *S* Crucifigatur. *C* Videns autem Pilátus, quia nihil proficeret, sed magis tumultus fieret: accepta aqua, lavit manus coram pópulo, dicens: *S* Innocens ego sum à sanguine justis hujus: vos vidéritis. *C* Et respondens universus pópulus, dixit: *S* Sanguis ejus super nos, & super filios nostros. *C* Tunc dimisit illis Barábbam: Jesum autem flagellatum tradidit eis, ut crucifigeretur. Tunc milites Præsidis suscipientes Jesum in prætóríum, congregaverunt ad eum universam cohórtem: & exuentes eum, chlámýdem coccíneam circumdederunt ei: & plecténtes coronam de spinis, posuerunt super caput ejus, & arúndinem in dextera ejus. Et genu flexo ante eum, illudebant ei, dicentes: *S* Ave

Rex Judæórum. *C* Et expuentes in eum, acceperunt arúndinem, & percutiebant caput ejus. Et postquam illuserunt ei, exuerunt eum chlámýde, & induerunt eum vestimentis ejus, & duxerunt eum ut crucifigerent. Exeúntes autem, invenerunt hóminem Cyrenæum, nómine Simónem: hunc angariaverunt, ut tólleret crucem ejus. Et venerunt in locum, qui dicitur Gólgotha, quod est, Calvária locus. Et dederunt ei vinum bíbere cum felle mistum. Et cum gustáffet, noluit bibere. Postquam autem crucifixerunt eum, divisérunt vestimenta ejus, sortem mitténtes: ut impleretur quod dictum est per Prophétam dicéntem: Diviserunt sibi vestimenta mea, & super vestem meam miserunt sortem. Et sedéntes, servábant eum. Et imposuerunt super caput ejus causam ipsius scriptam: Hic est Jesus Rex Judæórum. Tunc crucifixi sunt cum eo duo latrónes: unus à dextris, & unus à sinístris. Prætereúntes autem blasphemábant eum, movéntes capita sua, & dicéntes: *S* Vah qui destruis templum Dei, & in trídúo illud reedíficas: salva temetípsum. Si Fílius Dei es, descende de cruce. *C* Simíliter & príncipes sacerdotum illudéntes cum Scribis & seníoribus, dicebant: *S* Alios salvos fecit, seípsum non potest salvum facere: si Rex Israël est, descendat nunc de cruce, & crédimus ei: confidit in Deo, liberet nunc, si vult, eum: dixit enim: Quia Fílius Dei sum. *C* Idíp-



**C** Idípsum autem & latrónes, qui crucifixi erant cum eo, improperábant ei. A sexta autem hora ténebræ factæ sunt super univérſam terram, usque ad horam nonam. Et circa horam nonam clamávit Jesus voce magna, dicens: ✠ Eli, Eli, lamma ſabaſtháni? **C** Hoc est: ✠ Deus meus, Deus meus, ut quid dereliquíſti me? **C** Quidam autem illic ſtantes, & audiéntes, dicébant: S Elíam vocat iſte. **C** Et continuò currens unus ex eis, accéptam ſpóngiam implévit acéto, & impóſuit arúndini, & dabat ei bíbere. Céteri verò dicébant: S Sine, videámus an véniat Elías líberans eum. **C** Jesus autem iterùm clamans voce magna, emíſit ſpíritum. (*Hic genufleſcitur, & pauſatur aliquantulum.*) Et ecce vélum templi ſciſſum eſt in duas partes, à ſummo uſque deórſum, & terra mota eſt, & petræ ſciſſæ ſunt, & monuménta apérta ſunt: & multa córpora ſanctorum, qui dormíerant, ſurrexérunt. Et exeúntes de monuméntis poſt reſurrectiónem ejus, venérunt in ſanctam civitátem, & apparuérunt multis. Centúrio autem, & qui cum eo erant, cuſtodíentes Jeſum, viſo terræmótu, & hiſ, quæ fiébant, timuérunt valdè, dicéntes: S Verè Fílius Dei erat iſte. **C** Erant autem ibi mulieres multæ à longè, quæ ſecútæ erant Jeſum à Galilæa, miniſtrátes ei: inter quas erat María Magdaléne, & María Jacóbi, & Joſeph mater, & mater filiórum Zebedæi. Cùm autem ſerò factum eſſet, venit qui-

dam homo dives ab Arimathæa, nómine Joſeph, qui & ipſe diſcípulus erat Jeſu. Hic accéſſit ad Pilátum, & pétéit corpus Jeſu. Tunc Pilátus juſſit reddi corpus. Et accépto córpore, Joſeph involvit illud in ſíndone munda. Et póſuit illud in monuménto ſuo novo, quod excíderat in petra. Et advólvit ſaxum magnum ad óſtium monuménti, & ábiit. Erat autem ibi María Magdaléne, & áltera María, ſedéntes contra ſepúlchrum.

*Hic dicitur Munda cor meum. petitur benedictio, deſertur incenſum ſine luminaribus, & incenſatur liber: non dicitur, Dóminus vobíſcum. & Celebrans, aut Diaconus non ſignat librum, neque ſeipſum: & quod ſequitur, cantatur in toto Evan-gelii, in-cujus ſine celebrans aſcenditur librum, & incenſatur. Quæ omnia & in aliis Paſſionibus ſervantur, præterquam Feria ſexta in Paraſceve.*

**A**Ltera autem die, quæ eſt poſt Paraſcèven, convénérunt príncipes ſacerdotum, & Pharifæi ad Pilátum, dicéntes: Dómine, recordáti ſumus, quia ſedúctor ille dixit adhuc vivens: Poſt tres dies reſúrgam. Jube ergo cuſtodíri ſepúlchrum uſque in diem tertium: ne fortè véniant diſcípuli ejus, & furéntur eum, & dicant plebi: Surrexit à mortuis. Et erit novíſſimus error pejor prióre. Ait illis Pilátus: Habétis cuſtodiam: ite, cuſtodíte ſicut ſcitis. Illi autem abeúntes, muniérunt ſepúlchrum, ſignántes lápidem cum cuſtódibus. Credo.

*Offer-*



*Offertorium. Psal. 8.* Impérium expectávit cor meum, & misériam: & sustinui qui simul mecum contristarétur, & non fuit: consolántem me quæsívi, & non invéni: & dedérunt in escam meam fel, & in siti mea potavérunt me acéto.

*Secreta.*

**C**oncède, quæsumus Dómine: ut óculis tuæ majestátis munus oblátum, & grátiam nobis devotiónis obtíneat, & efféctum beátæ perennitátis acquírat. Per Dóminum.

*Communio. Matth. 26.* Pater, si non potest hic calix transíre, nisi bibam illum: fiat volúntas tua.

*Postcommunio.*

**P**er hujus, Dómine, operationem mystérii, & vítia nostra purgéntur, & justa defidéria compleántur. Per Dóminum.

*In Missis privatis legitur in fine Evangelium; Cùm appropinquáisset. ut suprà in benedictione Palmarum. fol. 132.*

## FERIA II. MAJORIS HEBDOMADÆ.

*Statio ad sanctam Praxedem.*

*Introitus. Psal. 34.*

**J**udica Dómine nocéntes me, expúgna impugnántes me: apprehénde arma & scutum, & exúrge in adjutórium meum, Dómine virtus salútis meæ.

*Psal. ibid.* Effúnde frámeam & conclúde advérsus eos, qui persequúntur me: dic ánimæ meæ, Salus tua ego sum. Júdica Dómine.

*Oratio.*

**D**A, quæsumus omnípotens Deus, ut qui in tot advérsis ex nostra infirmitáte deficimus: intercedénte unigéniti Fílii tui passióne respirémus. Qui tecum vivit, &c.

*Posteà vel Ecclésiæ tuæ. vel Deus ómnium fidélium. ut suprà in Dominica Passionis. fol. 118.*

*Léctio Isaíæ Prophétæ.*

*Isa. 50. b.*

**I**N diébus illis: Dixit Isaías: Dóminus Deus apéruit mihi aurem, ego autem non contradíco: retrórsus non ábii. Corpus meum dedi percutiéntibus, & genas meas veléntibus: fáciem meam non avérti ab increpántibus & conspuéntibus in me. Dóminus Deus auxiliátor meus, ídeò non sum confúsus: ídeò pòsui fáciem meam, ut petram duríssimam, & scio quóniam non confúndar. Juxtà est qui justíficat me, quis contradícet mihi? Stemus simul, quis est advérsárius meus? Accédát ad me. Ecce Dóminus Deus auxiliátor meus: quis est qui condémnet me? Ecce omnes quasi vestiméntum conteréntur, tínea cómedet eos. Quis ex vobis timens Dóminum, áudiens vocem servi sui? qui ambulávit in ténebris, & non est lumen ei, speret in nómine Dómini, & innitátur super Deum suum.

*Graduale. Psalm. 34.* Exúrge Dómine, & inténde judício meo, Deus meus, & Dóminus meus in causam meam.

✠. Effúnde frámeam, & conclúde advérsus eos, qui me persequúntur.

*Tráctus. Psal. 102.* Dómine,

non



non secúndum peccáta nostra, quæ fécimus nos: neque secúndum iniquitátes nostras retríbuas nobis. *Ps. 78.* Dómine, ne memíneris iniquitátum nostrárum antiquárum: citò antícipent nos misericórdiæ tuæ, quia páuperes facti sumus nimis. (*Hic genuflectitur.*) *Ps.* Adjuva nos Deus salutáris noster: & propter glóriam nóminis tui, Dómine, líbera nos: & propítius esto peccátis nostris, propter nomen tuum.

Sequéntia sancti Evangélii secúndum Joánnem.

*Joan. 12.*

**A**Nte sex dies Paschæ venit Jesus Bethániam, ubi Lázarus fúerit mórtuus, quem suscitávit Jesus. Fecérunt autem ei cœnam ibi: & Martha ministrábat, Lázarus verò unus erat ex discumbéntibus cum eo. María ergo accépit libram unguénti nardi pístici pretiósí, & unxit pedes Jesu, & extérfit pedes ejus capillis suis: & domus impléta est ex odóre unguénti. Dixit ergo unus ex discípulis ejus, Judas Iscariótes, qui erat eum traditúrus: Quare hoc unguéntum non vœniit trecéntis denáriis, & datum est egénis? Dixit autem hoc, non quia de egénis pertinébat ad eum, sed quia fur erat, & lóculos habens, ea, quæ mittebántur, portabat. Dixit ergo Jesus: Sínite illam, ut in die sepultúræ meæ fervet illud. Páuperes enim semper habétis vobíscum: me autem non semper habétis. Cognóvit ergo turba multa ex Judæis, quia illic est: &

venérunt, non propter Jesum tantum, sed ut Lázarum viderent, quem suscitávit à mórtuis.

*Offertorium. Ps. 142.* Eripe me de inimícis meis Dómine: ad te confúgi, doce me fácere voluntátem tuam: quia Deus meus es tu.

*Secreta.*

**H**Æc sacrificia nos, omnipotens Deus, poténti virtute mundátos, ad suum faciánt puriôres veníre principium. Per Dóminum.

*Deinde vel* Prótege nos. *vel* Oblátis, quæsumus. fol. 120.

*Communio. Ps. 34.* Erubescant, & reveeántur simul, qui gratulántur malis meis: induántur pudóre, & reveréntia, qui maligna loquúntur advérsus me.

*Postcommunio.*

**P**Ræbeant nobis, Dómine, divinum tua sancta fervórem: quo eórum páriter & actu delectémur, & fructu. Per Dóminum.

*Posteà vel* Quæsumus Dómine. *vel* Hæc nos. fol. 120.

*Super populum.* Orémus. Humiliáte cápita vestra Deo.

*Oratio.*

**A**Djuva nos Deus salutáris noster: & ad beneficia recolénda, quibus nos instaúrare dignátus es, tríbue veníre gaudéntes. Per Dóminum.

## FERIA TERTIA.

*Statio ad S. Priscam.*

*Introitus. Gal. 6.*

**N**Os autem gloriári oportet in cruce Dómini nostri Jesu Christi: in quo est salus, vita & resurrectio nostra: per quam salváti, & liberáti



berāti sumus. *Psal.* 66. Deus misereatur nostri, & benedicat nobis: illúminet vultum suum super nos, & misereatur nostri. Nos autem.

*Oratio.*

**O**Mnipotens sempitérne Deus, da nobis ita Domínicæ passiónis sacraménta perágere, ut indulgéntiam percípere mereámur. Per eúdem Dóminum nostrum.

*Postea vel. Ecclésiæ tuæ. vel Deus ómnium fidélium. fol. 118.*

Léctio Jeremíæ Prophétæ.

*Jerem. 11. d.*

**I**N diébus illis: Dixit Jeremías: Dómine demonstrásti mihi, & cognóvi: tunc ostendísti mihi stúdia eórum. Et ego quasi agnus mansuétus, qui portátur ad víctimam: & non cognóvi, quia cogitavérunt super me consília, dicéntes: Mittámus lignum in panem ejus, & eradámus eum de terra vivéntium, & nomen ejus non memorétur ámpliùs. Tu autem Dómine Sábaoth, qui júdicas justè, & probas renes & corda, vídeam ultiónem tuam ex eis: tibi enim revelávi causam meam, Dómine Deus meus.

*Graduale. Psal. 34.* Ego autem, dum mihi molésti essent, induébam me cilício, & humiliábam in jejúnio ánimam meam: & orátio mea in sinu meo convertétur.

✠. Júdica Dómine nocéntes me, expúgna impugnántes me: apprehénde arma & scutum, & exúrge in adiutórium mihi.

Pássio Dómini nostri Jesu Christi secúndum Marcum.

*Marc. 14.*

**I**N illo témpore: Erat Pascha, & Azyma post bídum: & quærébant summi sacerdótes & Scribæ quómo- do Jesum dolo tenérent, & occíderent. Dicébant autem: *S* Non in die festo, ne fortè tumultus fieret in pópulo. *C* Et cùm esset Jesus Bethánia in domo Simónis leprósi, & recúmberet: venit mulier habens alabástrum unguénti nardi spicátí pretiósi, & fracto alabástro, effúdit super caput ejus. Erant autem quidam indignè feréntes intra semetipsos, & dicéntes: *S* Ut quid perdítio ista unguénti facta est? Póterat enim unguéntum istud venúmdari plus quàm trecéntis denáriis, & dari paupéribus. *C* Et fremébant in eam. Jesus autem dixit: ✠ Sínite eam, quid illi molésti estis? Bonum opus operáta est in me. Semper enim páuperes habétis vobíscum: & cùm volúeritis, potéstis illis benefácere: me autem non semper habétis. Quod hábuit hæc, fecit: prævenit úngere corpus meum in sepultúram. Amen dico vobis: Ubicúmque prædicátum fúerit Evangélium istud in univérso mundo, & quod fecit hæc, narrábitur in memóriam ejus. *C* Et Judas Iscariótes unus de duódecim ábiit ad summos sacerdótes, ut próderet eum illis. Qui audiéntes, gavísi sunt: & promiserunt ei pecúniam se datúros. Et quærébat quó-



quómodo illum opportunè tráderet. Et primo die Azy-  
mórum, quando Pascha im-  
molábant, dicunt ei discípuli :  
*S* Quò vis eámus, & parémus  
tibi, ut mandúces Pascha?  
*C* Et mittit duos ex discípulis  
suis, & dicit eis : ✠ Ite in ci-  
vitátem, & occúrret vobis ho-  
mo, lagénam aquæ bájulans :  
sequímini eum ; & quocúm-  
que introíerit, dícite dómi-  
no domus, quia magíster di-  
cit : Ubi est reféctio mea, ubi  
Pascha cum discípulis meis  
mandúcem ? Et ipse vobis de-  
monstrábit cœnáculum gran-  
de stratum : & illic paráte no-  
bis. *C* Et abiérunt discípuli  
ejus, & venérunt in civitátem :  
& invenérunt sicut díxerat il-  
lis, & paravérunt Pascha. Vés-  
pere autem factó venit cum  
duódecim. Et discumbéntibus  
eis, & manducántibus, ait Je-  
sus : ✠ Amen dico vobis,  
quia unus ex vobis tradet  
me, qui mandúcat mecum.  
*C* At illi cœpérunt contristá-  
ri, & dicere ei singulátim :  
*S* Numquid ego ? *C* Qui ait  
illis : ✠ Unus ex duódecim,  
qui intíngit mecum manum  
in catíno. Et Fílius quidem  
hóminis vadit, sicut scriptum  
est de eo : væ autem hómini  
illi, per quem Fílius hómi-  
nis tradétur. Bonum erat ei,  
si non esset natus homo ille.  
*C* Et manducántibus illis, ac-  
cépit Jesus panem : & bene-  
dicens fregit, & dedit eis, &  
ait : ✠ Súmite, hoc est cor-  
pus meum. *C* Et accépto cá-  
lice, grátias agens dedit eis : &  
bibérunt ex illo omnes. Et ait  
illis : ✠ Hic est sanguis meus  
novi testaménti, qui pro mul-

tis effundétur. Amen dico vo-  
bis, quia jam non bibam de  
hoc genímine vitis usque in  
diem illum, cum illud bibam  
novum in regno Dei. *C* Et  
hymno dictó, exiérunt in mon-  
tem Olivárum. Et ait eis Je-  
sus : ✠ Omnes scandalizabí-  
mini in me in nocte ista : quia  
scriptum est : Percútiam pas-  
tórem, & dispergéntur oves.  
Sed postquam resurréxero :  
præcédam vos in Galilæam,  
*C* Petrus autem ait illi : *S* Et  
si omnes scandalizáti fúerint  
in te, sed non ego. *C* Et ait  
illi Jesus : ✠ Amen dico tibi,  
quia tu hódie in nocte hac,  
priúsqvam gallus vocem bis  
dederit, ter me es negatúrus.  
*C* At ille ámpliùs loquebátur :  
*S* Et si oportúerit me simul  
cómmoni tibi, non te negábo.  
*C* Simíliter autem & omnes  
dicébant. Et véniunt in præ-  
dium, cui nomen Gethséma-  
ni. Et ait discípulis suis : ✠ Se-  
déte híc, donec orem. *C* Et  
asúmit Petrum, & Jacóbum,  
& Joánnem secum : & cœpit  
pavére, & tædere. Et ait illis :  
✠ Tristis est ánima mea usque  
ad mortem : sustinéte híc, &  
vigiláte. *C* Et cùm proces-  
sisset páululùm, prócidit su-  
per terram, & orábat, ut si  
fieri posset transíret ab eo ho-  
ra, & dixit : ✠ Abba, Pater,  
ómnia tibi possibília sunt,  
transfer cálicem hunc à me,  
sed non quod ego volo, sed  
quod tu. *C* Et venit, & in-  
venit eos dormiéntes. Et ait  
Petro : ✠ Simon dormis ? non  
potuísti una hora vigiláre ? Vi-  
giláte, & oráte, ut non intrétis  
in tentatiónem. Spíritus qui-  
dem promptus est, caro verò



infirmas. *C* Et iterum abiens oravit, eundem sermonem dicens. Et reversus, denovo invenit eos dormientes, (erant enim oculi eorum gravati) & ignorabant quid responderent ei. Et venit tertio, & ait illis: ✠ Dormite jam, & quiescite. Sufficit; venit hora: ecce Filius hominis tradetur in manus peccatorum. Surgite, eamus. Ecce qui me tradet, prope est. *C* Et adhuc eo loquente, venit Judas Iscariotes unus de duodecim, & cum eo turba multa cum gladiis & lignis, à summis sacerdotibus, & Scribis, & senioribus. Dederat autem traditor ejus signum eis, dicens: *S* Quemcumque osculatus fuero, ipse est, tenete eum, & ducite caute. *C* Et cum venisset statim accedens ad eum, ait: *S* Ave Rabbi. *C* Et osculatus est eum. At illi manus iniecerunt in eum, & tenuerunt eum. Unus autem quidam de circumstantibus educens gladium, percussit servum summi sacerdotis, & amputavit illi auriculam. Et respondens Jesus, ait illis: ✠ Tamquam ad latronem existis cum gladiis, & lignis comprehendere me: quotidie eram apud vos in templo docens, & non me tenuistis. Sed ut impleantur Scripturæ. *C* Tunc discipuli ejus relinquentes eum, omnes fugerunt. Adolescens autem quidam sequebatur eum amictus sindone super nudo: & tenuerunt eum. At ille rejecta sindone, nudus profugit ab eis. Et adduxerunt Jesum ad summum sacerdotem:

& conveniunt omnes Sacerdotes, & Scribæ, & seniores. Petrus autem à longe secutus est eum usque intro in atrium summi sacerdotis: & sedebat cum ministris ad ignem, & calefaciebat se. Summi vero sacerdotes, & omne concilium querebant adversus Jesum testimonium, ut eum morti traderent, nec inveniabant. Multi enim testimonium falsum dicebant adversus eum: & convenientia testimonia non erant. Et quidam surgentes, falsum testimonium ferebant adversus eum, dicentes: *S* Quoniam nos audivimus eum dicentem: Ego dissolvam templum hoc manufactum, & per triduum aliud non manufactum ædificabo. *C* Et non erat conveniens testimonium illorum. Et exurgens summus sacerdos in medium, interrogavit Jesum, dicens: *S* Non respondes quidquam ad ea, quæ tibi obijciuntur ab his? *C* Ille autem tacebat, & nihil respondit. Rursum summus sacerdos interrogabat eum, & dixit ei: *S* Tu es Christus Filii Dei benedicti? *C* Jesus autem dixit illi: ✠ Ego sum: & videbitis Filium hominis sedentem à dextris virtutis Dei, & venientem cum nubibus cœli. *C* Summus autem sacerdos scindens vestimenta sua, ait: *S* Quid adhuc desideramus testes? Audistis blasphemiam: quid vobis videtur? *C* Qui omnes condemnaverunt eum esse reum mortis. Et cœperunt quidam conspuere eum, & velare faciem ejus, & colaphis



phus eum cedere, & dicere ei:  
*S* Prophetiza. *C* Et ministri  
 alapis eum cedebant. Et  
 cum esset Petrus in atrio deor-  
 sum, venit una ex ancillis  
 summi sacerdotis: & cum vi-  
 disset Petrum calefacientem  
 se, aspiciens illum, ait: *S* Et  
 tu cum Jesu Nazareno eras.  
*C* At ille negavit, dicens:  
*S* Neque scio, neque novi  
 quid dicas. *C* Et exiit foras  
 ante atrium, & gallus cantavit.  
 Rursus autem cum vidisset  
 illum ancilla, cepit dicere  
 circumstantibus: Quia hic ex  
 illis est. At ille iterum negavit.  
 Et post pusillum rursus  
 qui astabant, dicebant Petro:  
*S* Verè ex illis es: nam &  
 Galilæus es. *C* Ille autem  
 cepit anathematizare, & ju-  
 rare: Quia nescio hominem  
 istum, quem dicitis. Et statim  
 gallus iterum cantavit. Et re-  
 cordatus est Petrus verbi,  
 quod dixerat ei Jesus: Prius-  
 quam gallus cantet bis, ter  
 me negabis. Et cepit flere.  
 Et confestim, manè consi-  
 lium facientes summi sacer-  
 dotes cum senioribus, & Scri-  
 bis, & universo concilio, vin-  
 cièntes Jesum, duxerunt, &  
 tradiderunt Pilato. Et inter-  
 rogavit eum Pilatus: *S* Tu  
 es Rex Judæorum? *C* At ille  
 respondens, ait illi: ✠ Tu di-  
 cis. *C* Et accusabant eum  
 summi sacerdotes in multis.  
 Pilatus autem rursus interro-  
 gavit eum, dicens: *S* Non re-  
 spondes quidquam? vide in  
 quantis te accusant. *C* Jesus  
 autem amplius nihil respon-  
 dit, ita ut miraretur Pilatus.  
 Per diem autem festum solèbat  
 dimittere illis unum ex vin-

ctis, quemcumque petissent.  
 Erat autem qui dicebatur Ba-  
 rabbas, qui cum seditiosis erat  
 victus, qui in seditione fece-  
 rat homicidium. Et cum ascen-  
 disset turba, cepit rogare,  
 sicut semper faciebat illis. Pi-  
 latus autem respondit eis, &  
 dixit: *S* Vultis dimittam vo-  
 bis Regem Judæorum? *C*  
 Sciebat enim quod per invi-  
 diam tradidissent eum sum-  
 mi sacerdotes. Pontifices au-  
 tem concitaverunt turbam,  
 ut magis Barabbam dimitte-  
 ret eis. Pilatus autem iterum  
 respondens, ait illis: *S* Quid  
 ergo vultis faciam Regi Ju-  
 dæorum? *C* Et illi iterum cla-  
 maverunt: *S* Crucifige eum.  
*C* Pilatus verò dicebat illis:  
*S* Quid enim mali fecit? *C* At  
 illi magis clamabant: *S* Cru-  
 cifige eum. *C* Pilatus autem  
 volens populo satisfacere, di-  
 misit illis Barabbam, & tra-  
 didit Jesum flagellis cæsum,  
 ut crucifigeretur. Milites au-  
 tem duxerunt eum in atrium  
 prætorii, & convocant totam  
 cohortem, & induunt eum  
 purpura, & imponunt ei,  
 plectentes spineam coronam.  
 Et ceperunt salutare eum:  
 Ave Rex Judæorum. Et per-  
 cutiebant caput ejus arundi-  
 ne, & conspuiebant eum: &  
 ponentes genua, adorabant  
 eum. Et postquam illuserunt  
 ei, exuerunt illum purpura,  
 & induerunt eum vestimentis  
 suis: & educunt illum, ut cru-  
 cifigerent eum. Et angariave-  
 runt prætereuntem quem-  
 piam Simonem Cyrenæum  
 venientem de villa, patrem  
 Alexandri & Rufi, ut tolleret  
 crucem ejus. Et perducunt il-  
 lum



lum in Gólgotha locum: quod est interpretátum Calváriæ locus. Et dabant ei bíbere myrrhátum vinum: & non accépit. Et crucifigéntes eum divisérunt vestiménta ejus, mitténtes sortem super eis, quis quid tólleret. Erat autem hora tértia: & crucifixérunt eum. Et erat títulus causæ ejus inscriptus: Rex Judæórum. Et cum eo crucifigunt duos latrónes: unum à dextris, & álium à sinistris ejus. Et impléta est Scriptúra, quæ dicit: Et cum iníquis reputatus est. Et prætereúntes blasphemábant eum, movéntes capita sua, & dicéntes: S Vah qui déstruis templum Dei, & in tribus diébus reædíficas: salvum fac temetípsum descéndens de cruce. C Simíliter & summi sacerdótes illudéntes, ad altérutrum cum Scribis dicébant: S Alios salvos fecit, seípsum non potest salvum fácere. Christus Rex Israél descéndat nunc de cruce, ut videámus, & credámus. C Et qui cum eo crucifixi erant, convitiabántur ei. Et facta hora sexta, ténebræ factæ sunt per totam terram, usque in horam nonam. Et hora nona exclamávit Jesus voce magna, dicens: ✠ Eloi, Eloi, lamma sabactháni? C Quod est interpretátum: ✠ Deus meus, Deus meus, ut quid dereliquísti me? C Et quidam de circumstántibus audiéntes, dicébant: Ecce, Elíam vocat. C Currens autem unus, & implens spóngiam acéto, circumponénique cálamò, potum dabat ei, dicens: S Sínite, videámus si véniat Elías ad depónéndum eum. C Jesus autem

emíssa voce magna, expirávit. (*Hic genuflectitur, & pausat aliquantulum.*) Et velum templi scissum est in duo, à summo usque deórsum. Videns autem Centúrio, qui ex advérso stabat, quia sic clamans expiráffet, ait: S Verè hic homo Fílius Dei erat. C Erant autem & mulíeres de longe aspiciéntes, inter quas erat María Magdaléne, & María Jacóbi minóris, & Joseph mater, & Salóme: & cùm esset in Galilæa, sequebántur eum, & ministrábant ei, & aliæ multæ, quæ simul cum eo ascenderant Jerosólymam.

*Quod sequitur, cantatur in tono Evangelii: & alia fiunt ut suprà.*

**E**T cùm jam serò esset factum (quia erat Parasceve, quod est ante sabbatum) venit Joseph ab Arimathæa nóbilis decúrio, qui & ipse erat expéctans regnum Dei, & audácter introívit ad Pilátum, & pétiit corpus Jesu. Pilátus autem mirabátur, si jam obiíffet. Et accersíto Centurióne, interrogávit eum, si jam mórtuus esset. Et cùm cognovisset à Centurióne, donávit corpus Joseph. Joseph autem mercátus síndonem, & depónens eum invólvit síndone, & pósuit eum in monuménto, quod erat excísum de petra, & advólvit lápidem ad óstium monuménti.

*Offertorium. Ps. 139. Custodi me, Dómine, de manu peccatóris: & ab homínibus iníquis éripe me.*

*Secreta.*

**S**Acrificia nos, quæsumus Dómine, propénsius ista restaurent: quæ medicínalibus



bus sunt instituta jejuniis. Per Dóminum.

*Posteà vel* Prótege nos. *vel* Oblátis, quæsumus. fol. 120.

*Communio.* *Psal.* 68. Advérsum me exercebántur, qui sedébant in porta : & in me psalébant, qui bibébant vinum : ego verò oratióem meam ad te Dómine : tempus benepláciti Deus in multitudine misericórdiæ tuæ.

*Postcommunio.*

**S**anctificatióibus tuis, omnípotens Deus, & vítia nostra curéntur, & remédia nobis sempitérna provéniant. Per Dóminum.

*Posteà vel* Quæsumus Dómine. *vel* Hæc nos. fol. 120.

*Super populum.* Orémus. Humiliáte cápita vestra Deo.

*Oratio.*

**T**ua nos misericórdia, Deus, & ab omni subreptiône vetustátis expúrget, & capáces sanctæ novitátis efficiat. Per Dóminum.

## FERIA QUARTA.

*Statio ad S. Mariam majorem.*

*Introitus.* *Phil.* 2.

**I**N nómine Jesu omne genu flectátur, cœléstium, teréstrium, & infernórum : quia Dóminus factus est obédiens usque ad mortem, mortem autem crucis : ídeò Dóminus Jesus Christus in glória est Dei Patris.

*Psal.* 101. Dómine exáudi oratióem meam : & clamor meus ad te véniat. In nómine. *Post* Kyrie eléïson. *dicitur* Orémus. Flectámus gēna. &. Leváte. *Oratio.*

**P**Ræsta, quæsumus omnípotens Deus : ut qui nos-

tris excéssibus incessánte affligimur, per unigéniti Fílii tui passióem liberémur. Qui tecum vivit.

Léctio Isaíæ Prophétæ.

*Is.* 62. d. & 63.

**H**Æc dicit Dóminus Deus : Dícite filiæ Sion : Ecce Salvátor tuus venit : ecce merces ejus cum eo. Quis est iste, qui venit de Edom, tinctis vés-tibus de Bosra ? iste formósus in stola sua, grádiens in multitudine fortitudinis suæ. Ego, qui loquor justítiam, & propugnátor sum ad salvándum. Quare ergo rubrum est indumentum tuum, & vestiménta tua sicut calcántium in torculari ? Tórcular calcávi solus : & de Géntibus non est vir mecum : calcávi eos in furóre meo, & conculcávi eos in ira mea : & aspérsus est sanguis eórum super vestiménta mea, & ómnia indumentá mea inquinávi. Dies enim ultiónis in corde meo, annus redemptionis meæ venit. Circumspéxi, & non erat auxiliátor : quæsívi, & non fuit qui adjuváret : & salvávit mihi bráchium meum, & indignátio mea ipsa auxiliáta est mihi. Et conculcávi pópulos in furóre meo, & inebriávi eos in indignatióne mea, & detráxi in terram virtutem eórum. Miserationum Dómini recordabor, laudem Dómini super ómnibus quæ reddidit nobis, Dóminus Deus noster.

*Graduale.* *Pf.* 68. Ne avértas faciē tuam à púero tuo, quóniam tríbulo : velóciter exáudi me. &. Salvum me fac Deus, quóniam intravérunt aquæ usque ad ánimam meam : infixus



fixus sum in limo profundi, & non est substantia.

*Hic dicitur Dóminus vobiscum. sine Flectámus gēnuā.*

*Oratio.*

**D**Eus, qui pro nobis Fílium tuum crucis patíbulum subire voluísti, ut inimíci à nobis expélleres potestátem: concéde nobis sāmulis tuis, ut resurrectiónis grátiam consequámur. Per eúndem Dóminum.

*Posteā vel Ecclésiæ tuæ. vel Deus ómnium fidélium. f. 118.*

*Léctio Isaíæ Prophétæ.*

*Isai. 53.*

**I**N diébus illis: Dixit Isaías: Dómine, quis credidit auditui nostro? & bráchium Dómini cui revelátum est? Et ascéndet sicut virgúltum coram eo, & sicut radix de terra sitiénti: non est spécies ei, neque decor: & vídimus eum, & non erat aspéctus, & desiderávimus eum: Despéctum, & novíssimum virórum, virum dolórum, & sciéntem infirmitátem: & quasi absconditus vultus ejus, & despéctus, unde nec reputávimus eum. Verè languóres nostros ipse tulit, & dolóres nostros ipse portávit: & nos putávimus eum quasi leprósum, & percússum à Deo, & humiliátum. Ipse autem vulnerátus est propter iniquitátes nostras, attrítus est propter scélera nostra: disciplina pacis nostræ super eum, & livóre ejus sanáti sumus. Omnes nos quasi oves errávimus, unusquisque in viam suam declinávit: & pósuit Dóminus in eo iniquitátem ómnium nostrum. Oblatus est, quia ipse voluit, & non apérui os

suum: sicut ovis ad occisió-nem ducétur, & quasi agnus coram tondénte se obmutéscet, & non apériet os suum. De angústia, & de judício sublátus est: generatió-nem ejus quis enarrábit? quia abs-císsus est de terra vivéntium: propter scelus pópuli mei percússi eum. Et dabit ímpios pro sepultúra, & dívitem pro morte sua: eò quòd iniquitátem non fécerit, neque dolus fúerit in ore ejus. Et Dóminus voluit contérere eum in infirmitáte: si posúerit pro peccáto ánimam suam, vidébit semen longævum, & volúntas Dómini in manu ejus dirigétur. Pro eo quòd laborávit ánimá ejus, vidébit, & saturábitur: in sciéntia sua justificábit ipse justus servus meus multos, & iniquitátes eórum ipse portábit. Ideò dispértiam ei plúrimos: & fórtium dívidet spólia, pro eo quòd trádedit in mortem ánimam suam, & cum scelerátis reputátus est: & ipse peccáta multórum tulit, & pro transgressóribus rogávit.

*Tractus. Psalm. 101. Dómine exáudi oratió-nem meam, & clamor meus ad te véniat.*

✠. Ne avértas fáciem tuam à me: in quacúmque die tribulor, inclina ad me aurem tuam.

✠. In quacúmque die invocávero te, velóciter exáudi me.

✠. Quia defecerunt sicut fumus dies mei: & ossa mea sicut in frixório confríxa sunt.

✠. Percússus sum sicut fœnum, & áruit cor meum: quia oblítus sum manducáre panem meum.

✠. Tu exúrgens Dómine, miseré-



miseréberis Sion: quia venit  
tempus miseréendi ejus.

Pássio Dómini nostri Jesu  
Christi secúndum Lucam.

*Luc. 22.*

**I**N illo témpore: Appropin-  
quábat dies festus Azymó-  
rum, qui dicitur Pascha: &  
quærébant príncipes sacerdotum,  
& Scribæ quómodo Je-  
sum interficerent: timébant  
verò plebem. Intrávit autem  
Sátanas in Judam, qui cogno-  
minabátur Iscariótes, unum de  
duódecim. Et ábiit, & locútus  
est cum princípibus sacerdotum,  
& magistrátibus, quem-  
ádmódum illum tráderet eis.  
Et gavísi sunt, & pacti sunt  
pecúniam illi dare. Et spo-  
póndit. Et quærébat opportu-  
nitátem, ut tráderet illum sine  
turbis. Venit autem dies Azy-  
mórum, in qua necesse erat oc-  
cídí Pascha: & misit Petrum  
& Joánnem, dicens: ✠ Eún-  
tes paráte nobis Pascha, ut  
manducémus. *C* At illi dix-  
érunt: *S* Ubi vis parémus?  
*C* Et dixit ad eos: ✠ Ecce in-  
troeúntibus vobis in civitátem,  
occúrret vobis homo quidam  
ámphoram aquæ portans: se-  
químini eum in domum, in  
quam intrat, & dicétis patri-  
famílias domus: dicit tibi  
Magíster: Ubi est diversóri-  
um, ubi Pascha cum discipu-  
lis meis mandúcem? Et ipse  
osténdet vobis cœnáculum  
magnum stratum, & ibi pará-  
te. *C* Eúntes autem invené-  
runt sicut dixit illis, & paravé-  
runt Pascha. Et cùm facta ef-  
set hora, discúbuit, & duóde-  
cim Apóstoli cum eo. Et ait il-

lis: ✠ Desidério desiderávi  
hoc Pascha manducáre vobís-  
cum, ántequam pátiar. Dico  
enim vobis, quia ex hoc non  
manducábo illud, donec im-  
pleátur in regno Dei. *C* Et  
accépto cálice, grátias egit, &  
dixit: ✠ Accípíte, & dividite  
inter vos. Dico enim vobis,  
quòd non bibam de generatió-  
ne vitis, donec regnum Dei  
véniat. *C* Et accépto pane,  
grátias egit, & fregit, & dedit  
eis, dicens: ✠ Hoc est corpus  
meum, quod pro vobis datur:  
hoc fácite in meam comme-  
moratiónem. *C* Simíliter &  
cálicem, postquam cœnávit,  
dicens: ✠ Hic est calix no-  
vum testaméntum in sángu-  
ine meo, qui pro vobis fun-  
détur. Verúmtamen ecce ma-  
nus tradéntis me, mecum  
est in mensa. Et quidem  
Fílius hóminis, secúndum  
quod defínitum est, vadit:  
verúmtamen væ hómini il-  
li, per quem tradétur. *C*  
Et ipsi cœpérunt quærere in-  
ter se, quis esset ex eis, qui  
hoc factúrus esset. Facta est  
autem & conténtio inter eos,  
quis eórum viderétur esse  
major. Dixit autem eis: ✠  
Reges Géntium dominántur  
eórum: & qui potestátem ha-  
bent super eos, benefici vo-  
cántur. Vos autem non sic:  
sed qui major est in vobis, fiat  
sicut minor: & qui præcésor  
est, sicut ministrátor. Nam  
quis major est, qui recúmbit,  
an qui mínistrat? nónne qui  
recúmbit? Ego autem in mé-  
dio vestrúm sum, sicut qui mi-  
nistrat: vos autem estis, qui  
permansístis mecum in tenta-  
tióibus meis. Et ego dispóno  
vobis,



vobis, sicut dispósuit mihi Pater meus regnum, ut edátis, & bibátis super mensam meam in regno meo: & sedeátis super thronos, judicantes duódecim tribus Israël. *C* Ait autem Dóminus: ✠ Simon, Simon, ecce Sátanas expetívit vos, ut cribráret sicut tríticum: ego autem rogávi pro te, ut non deficiat fides tua: & tu aliquándo convérsum, confirma fratres tuos. *C* Qui dixit ei: *S* Dómine, tecum parátus sum & in cárcerem & in mortem ire. *C* At ille dixit: ✠ Dico tibi Petre: Non cantábit hódie gallus, donec ter ábneges nosse me. *C* Et dixit eis: ✠ Quando misi vos sine fácculo, & pera, & calceaméntis, numquid áliquíd defuit vobis? *C* At illi dixerunt: *S* Nihil. *C* Dixit ergo eis: ✠ Sed nunc, qui habet fácculum, tollat simíliter & peram: & qui non habet, vendat túnica suam, & emat gládium. Dico enim vobis, quóniam adhuc hoc, quod scriptum est, opórtet impléri in me: Et cum iníquis deputátus est. Etenim ea, quæ sunt de me, finem habent. *C* At illi dixerunt: *S* Dómine, ecce duo gládii hic. *C* At ille dixit eis: ✠ Satis est. *C* Et egréssus ibat secúndum consuetudinem in montem Olivárum. Secúti sunt autem illum & discípuli. Et cum perveníffet ad locum, dixit illis: ✠ Oráte, ne intrétis in tentatióne. *C* Et ipse avúlsus est ab eis quantum jactus est lápidis: & positis génibus orábat, dicens: ✠ Pater, si vis transfer cálicem istum à me: verúntamen non

mea volúntas, sed tua fiat. *C* Appáruit autem illi Angelus de cœlo, confortans eum. Et factus in agonía prolíxius orábat. Et factus est sudor ejus, sicut guttæ fánguinis decurréntis in terram. Et cum surrexíffet ab oratióne, & veníffet ad discípulos suos, invénit eos dormiéntes præ tristítia. Et ait illis: ✠ Quid dormítis? súrgite, oráte, ne intrétis in tentatióne. *C* Adhuc eo loquente, ecce turba: & qui vocabátur Judas, unus de duódecim, antecedébat eos: & appropinquávit Jesu, ut oscularétur eum. Jesus autem dixit illi: ✠ Juda, ósculo Fílium hómínis tradis? *C* Videntes autem hi, qui circa ipsum erant, quod futúrum erat, dixerunt ei: *S* Dómine, si percútimus in gládio? *C* Et percússit unus ex illis servum príncipis sacerdotum, & amputávit aurículam ejus dexteram. Respóndens autem Jesus, ait: ✠ Sínite usquehuc. *C* Et cum tetigíffet aurículam ejus, sanávit eum. Dixit autem Jesus ad eos, qui vénerant ad se, príncipes sacerdotum, & magistrátus témpli, & senióres: ✠ Quasi ad latrónem exístis cum gládiis & fústibus? Cum quotidie vobíscum fúerim in templo, non extendístis manus in me: sed hæc est hora vestra, & potéstas tenebrárum. *C* Comprehendéntes autem eum, duxérunt ad domum príncipis sacerdotum: Petrus verò sequebátur à longè. Accénso autem igne in médio átrii, & circumsedéntibus illis, erat Petrus in médio eórum.



rum. Quem cum vidisset ancilla quædam sedentem ad lumen, & eum fuisset intuita, dixit: *S* Et hic cum illo erat. *C* At ille negavit eum, dicens: *S* Mulier, non novi illum. *C* Et post pusillum alius videns eum, dixit: *S* Et tu de illis es. *C* Petrus verò ait: *S* O homo, non sum. *C* Et intervallo facto quasi horæ unius, alius quidam affirmabat, dicens: *S* Verè & hic cum illo erat: nam & Galilæus est. *C* Et ait Petrus: *S* Homo nescio quid dicis. *C* Et continuo, adhuc illo loquente, cantavit gallus. Et conversus Dominus respexit Petrum. Et recordatus est Petrus verbi Domini, sicut dixerat: Quia priusquam gallus cantet, ter me negabis. Et egressus foras Petrus flevit amare. Et viri, qui tenebant illum, illudabant ei, cadentes. Et velaverunt eum, & percutiebant faciem ejus: & interrogabant eum, dicentes: *S* Prophetiza, quis est, qui te percussit? *C* Et alia multa blasphemantes dicebant in eum. Et ut factus est dies, convenérunt seniores plebis, & principes sacerdotum, & Scribæ, & duxerunt illum in concilium suum, dicentes: Si tu es Christus, dic nobis. *C* Et ait illis: ✠ Si vobis dixerò, non credetis mihi: si autem & interrogávero, non respondébitis mihi, neque dimittétis. Ex hoc autem erit Filius hominis sedens à dextris virtutis Dei. *C* Dixérunt autem omnes: *S* Tu ergo es Filius Dei? *C* Qui ait: ✠ Vos dicitis, quia ego sum. *C* At illi dixerunt: *S*

Quid adhuc desideramus testimonium? ipsi enim audivimus de ore ejus. *C* Et surgens omnis multitudo eorum, duxerunt illum ad Pilatum. Cœperunt autem illum accusare, dicentes: *S* Hunc invenimus subvertentem gentem nostram, & prohibentem tributa dare Cæsari, & dicentem se Christum Regem esse. *C* Pilatus autem interrogavit eum, dicens: *S* Tu es Rex Judæorum? *C* At ille respondens, ait: ✠ Tu dicis. *C* Ait autem Pilatus ad principes sacerdotum, & turbas: *S* Nihil invenio causæ in hoc homine. *C* At illi invalescebant, dicentes: *S* Comminovet populum, docens per universam Judæam, incipiens à Galilæa usque huc. *C* Pilatus autem audiens Galilæam, interrogavit si homo Galilæus esset. Et ut cognovit, quod de Herodis potestate esset, remisit eum ad Herodem, qui & ipse Jerosolymis erat illis diebus. Herodes autem viso Jesu, gavisus est valdè. Erat enim cupiens ex multo tempore videre eum, eò quod audierat multa de eo, & sperabat signum aliquod videre ab eo fieri. Interrogabat autem eum multis sermonibus. At ipse nihil illi respondébat. Stabant autem principes sacerdotum, & Scribæ constanter accusantes eum. Sprevit autem illum Herodes cum exercitu suo: & illūsit indutum veste alba, & remisit ad Pilatum. Et facti sunt amici Herodes & Pilatus in ipsa die: nam antea inimici erant ad invicem.



cem. Pilátus autem convocatis principibus sacerdotum, & magistratibus, & plebe, dixit ad illos: *S* Obtulistis mihi hunc hominem, quasi avertentem populum: & ecce ego coram vobis interrogans, nullam causam inveni in homine isto ex his, in quibus eum accusatis. Sed neque Heródes: nam remisi vos ad illum, & ecce nihil dignum morte actum est ei. Emendatum ergo illum dimittam. *C* Necesse autem habebat dimittere eis per diem festum, unum. Exclamavit autem simul universa turba, dicens: *S* Tolle hunc, & dimitte nobis Barábbam. *C* Qui erat propter seditionem quamdam factam in civitate, & homicidium, missus in carcerem. Iterum autem Pilátus locutus est ad eos, volens dimittere Jesum. At illi succlamabant, dicentes: *S* Crucifige, crucifige eum. *C* Ille autem tertio dixit ad illos: *S* Quid enim mali fecit iste? Nullam causam mortis invenio in eo: corrípíam ergo illum, & dimittam. *C* At illi instabant vocibus magnis postulantes, ut crucifigeretur. Et invalescebant voces eorum. Et Pilátus adjudicavit fieri petitionem eorum. Dimisit autem illis eum, qui propter homicidium, & seditionem missus fuerat in carcerem, quem petebant: Jesum verò tradidit voluntati eorum. Et cum ducerent eum, apprehenderunt Simónem quemdam Cyrenensem venientem de villa: & imposuerunt il-

li crucem portare post Jesum. Sequebatur autem illum multa turba populi, & mulierum, quæ plangebant, & lamentabantur eum. *C* Conversus autem ad illas Jesus, dixit: ✠ Fíliæ Jerúsalem, nolite flere super me, sed super vos ipsas flete, & super filios vestros. Quóniam ecce venient dies, in quibus dicent: Beátæ stériles, & ventres qui non genuerunt, & úbera quæ non lactaverunt. Tunc incipient dicere montibus: Cádite super nos. Et collibus: Operíte nos. Quia si in víridi ligno hæc faciunt, in árido quid fiet? *C* Ducebantur autem & alii duo nequam cum eo, ut interficerentur. Et postquam venerunt in locum, qui vocatur Calvária, ibi crucifixerunt eum; & latrones, unum à dextris, & alterum à sinistris. Jesus autem dicebat: ✠ Pater, dimitte illis: non enim sciunt quid faciunt. *C* Dividentes verò vestimenta ejus, miserunt sortes. Et stabat populus spectans, & deridebant eum principes cum eis, dicentes: *S* Alios salvos fecit: se salvum faciat, si hic est Christus Dei electus. *C* Illudabant autem ei & milites accedentes, & acétum offerentes ei, & dicentes: *S* Si tu es Rex Judæorum, salvum te fac. *C* Erat autem & superscriptio scripta super eum litteris Græcis, & Latínis, & Hebráicis: Hic est Rex Judæorum. Unus autem de his, qui pendebant, latronibus, blasphemabat eum, dicens: *S* Si tu es Christus, salvum fac te-



temetipsum, & nos. *C* Respondens autem alter increpabat eum, dicens: *S* Neque tu times Deum quod in eadem damnatione es? Et nos quidem iuste; nam digna factis recipimus: hic verò nihil mali gessit. *C* Et dicebat ad Jesum: *S* Domine, memento mei, cum veneris in regnum tuum. *C* Et dixit illi Jesus: ✠ Amen dico tibi: Hodie mecum eris in paradiso. *C* Erat autem ferè hora sexta, & tenebræ factæ sunt in universam terram usque in horam nonam. Et obscuratus est sol: & velum templi scissum est médium. Et clamans voce magna Jesus ait: ✠ Pater, in manus tuas commendo spiritum meum. *C* Et hæc dicens, expiravit. (*Hic genuflectitur, & pausat aliquantulum.*) Videns autem Centurio quod factum fuerat, glorificavit Deum, dicens: *S* Verè hic homo justus erat. *C* Et omnis turba eorum, qui simul aderant ad spectaculum istud, & videbant quæ fiebant, percutientes pectora sua revertebantur. Stabant autem omnes noti ejus à longè: & mulieres, quæ secutæ eum erant à Galilæa, hæc videntes.

*Quod sequitur, legitur in tono Evangelii: & alia fiunt ut suprà in Dominica.*

**E**T ecce vir nómine Joseph, qui erat decurio, vir bonus & justus: hic non consenserat consilio & actibus eorum, ab Arimathæa civitate Judææ, qui expectabat & ipse regnum Dei. Hic accessit ad Pilatum, & petiit corpus Jesu: & depositum involvit sîndo-

ne, & posuit eum in monumento exciso, in quo nondum quisquam positus fuerat.

*Offertorium. Psal. 101. Domine exaudi orationem meam, & clamor meus ad te perveniat: ne avertas faciæ tuam à me.*

*Secreta.*

**S**uscipe, quæsumus Domine, munus oblatum, & dignanter operare: ut, quod passionis Filii tui Domini nostri mysterio gerimus, piis affectibus consequamur. Per eundem Dominum.

*Posteà vel* Prôtege nos. *vel* Oblatis quæsumus. fol. 120.

*Communio. ibid.* Potum meum cum fletu temperabam: quia elevans allisisti me, & ego sicut fœnum arui: tu autem Domine in ætérnum permanes: tu exurgens miseraberis Sion, quia venit tempus miserendi ejus.

*Postcommunio.*

**L**Argire sensibus nostris omnipotens Deus: ut, per temporalem Filii tui mortem, quam mysteria veneranda testantur, vitam te nobis dedisse perpétuam confidamus. Per eundem Dominum nostrum.

*Posteà vel* Quæsumus Domine. *vel* Hæc nos, quæsumus. fol. 120.

*Super populum.* Orémus. Humiliâte cápita vestra Deo.

*Oratio.*

**R**espice, quæsumus Domine, super hanc familiam tuam: pro qua Dominus noster Jesus Christus non dubitavit manibus tradi nocentium, & crucis subire tormentum. Qui tecum vivit & regnat, in unitate, &c.

FE-



## FERIA QUINTA IN CÆNA DOMINI.

*Statio ad S. Joannem in Laterano. Introitus. Gal. 6.*

**N**Os autem gloriari oportet in cruce Domini nostri Jesu Christi: in quo est salus, vita, & resurrectio nostra: per quem salvati, & liberati sumus.

*Psal. 66.* Deus misereatur nostri, & benedicat nobis: illuminet vultum suum super nos, & misereatur nostri. Nos autem.

*Dicitur Glória in excelsis. & tunc pulsantur campanæ, & deinceps non amplius usque ad Sabbatum sanctum.*

## Oratio.

**D**Eus, à quo & Judas reatus sui poenam, & confessionis suæ latro præmium sumpsit: concède nobis tuæ propitiatiōnis effectum: ut sicut in Passiōe sua Jesus Christus Dominus noster diversa utrisque intulit stipendia meritorum, ita nobis, ablato vetustatis errore, resurrectiōnis suæ grātiā largiatur. Qui tecum vivit.

*Et hæc Oratio tantum dicitur.*

*Lectio Epistolæ beati Pauli Apostoli ad Corinthios.*

*I. Cor. II. d.*

**F**Ratres, Conveniētibz vobis in unum, jam non est Dominicam cœnam manducare. Unusquisque enim suam cœnam præsumit ad manducandum. Et alius quidem esurit: alius autem ebrius est. Numquid domos non habetis ad manducandum & bibendum? aut Ecclesiam Dei

contemnitis, & confunditis eos, qui non habent? Quid dicam vobis? Laudo vos? in hoc non laudo. Ego enim accepi à Domino, quod & tradidi vobis: quoniam Dominus Jesus, in qua nocte tradebatur, accepit panem, & grātiās agens fregit, & dixit: Accipite, & manducate: Hoc est corpus meum, quod pro vobis tradetur: hoc facite in meam commemoratiōnem. Similiter & calicem, postquam cœnavit, dicens: Hic calix novum testamētum est in meo sanguine. Hoc facite, quotiescūque bibetis, in meam commemoratiōnem. Quotiescūque enim manducabitis panem hunc, & calicem bibetis: mortem Domini annuntiabitis, donec veniat. Itaque quicumque manducaverit panem hunc, vel biberit calicem Domini indignè: reus erit corporis & sanguinis Domini. Probet autem seipsum homo: & sic de pane illo edat, & de calice bibat. Qui enim manducat & bibit indignè, judicium sibi manducat & bibit: non dijudicans corpus Domini. Ideo inter vos multi infirmi & imbecilles, & dormiunt multi. Quod si nosmetipsos dijudicemus, non utique judicemur. Dum judicamur autem, à Domino corripiamur, ut non cum hoc mundo damnemur.

*Graduale. Philip. 2.* Christus factus est pro nobis obediens usque ad mortem, mortem autem crucis. V. Propter quod & Deus exaltavit illum, & dedit illi nomen, quod est super omne nomen.



Sequëntia sancti Evangélii secundum Joánnem.

Joann. 13.

**A**Nte diem festum Paschæ, sciens Jesus quia venit hora ejus: ut transeat ex hoc mundo ad Patrem: cum dilexisset suos, qui erant in mundo, in finem dilexit eos. Et cæna facta, cum diabolus jam misisset in cor, ut traderet eum Judas Simónis Iscariótæ: sciens quia omnia dedit ei Pater in manus, & quia à Deo exivit, & ad Deum vadit: surgit à cæna, & ponit vestimenta sua: & cum accepisset linteam, præcinxit se. Deinde mittit aquam in pelvim, & cœpit lavare pedes discipulorum, & extergere linteo, quo erat præcinctus. Venit ergo ad Simónem Petrum. Et dicit ei Petrus: Dómine, tu mihi lavas pedes? Respondit Jesus, & dixit ei: Quod ego facio, tu nescis modo, scies autem póstea. Dicit ei Petrus: Non lavábis mihi pedes in ætérnum. Respondit ei Jesus: Si non lávero te, non habébis partem mecum. Dicit ei Simon Petrus: Dómine, non tantum pedes meos, sed & manus, & caput. Dicit ei Jesus: Qui lotus est, non indiget nisi ut pedes lavet, sed est mundus totus. Et vos mundi estis, sed non omnes. Sciébat enim quisnam esset, qui traderet eum: propterea dixit: Non estis mundi omnes. Postquam ergo lavit pedes eorum, & accepit vestimenta sua, cum recubuisset iterum, dixit eis: Scitis quid fécerim vobis? Vos vocátis me Magíster, & Dómine & bene dici-

tis: sum etenim. Si ergo ego lavi pedes vestros, Dóminus & Magíster: & vos debétis alter alterius lavare pedes. Exémplum enim dedi vobis, ut quemádmódum ego feci vobis, ita & vos faciátis.

*Et dicitur Credo.*

*Offertorium. Psal. 117.*

Déxtera Dómini fecit virtutem, déxtera Dómini exaltávit me: non móriar, sed vivam, & narrábo ópera Dómini.

*Secreta.*

**I**Pse tibi, quæsumus Dómine sancte, Pater omnípotens, ætérne Deus, sacrificium nostrum reddat accéptum, qui discípulis suis in sui commemorationem hoc fieri hodierna traditione monstrávit, Jesus Christus Fílius tuus Dóminus noster: Qui tecum vivit & regnat.

*Præfatio de Cruce.* Qui salutem húmáni géneris

*Infra actionem.*

**C**ommunicántes, & diem sacratíssimum celebrántes, quo Dóminus noster Jesus Christus pro nobis est traditus, sed & memóriam venerántes, in primis gloriósæ semper vírginis Maríæ, genitricis ejúsdem Dei, & Dómini nostri Jesu Christi: sed & beatorum Apostolorum ac martyrum tuorum Petri & Pauli, Andréæ, Jacóbi, Joánnis, Thomæ, Jacóbi, Philíppi, Bartholomæi, Matthæi, Simónis & Thaddæi: Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis & Pauli, Cosinæ & Damiáni, & omnium Sanctórum tuorum: quorum méritis, precibúque con-



concedas, ut in ómnibus protectionis tuæ muniámur auxilio. Per eúndem Christum Dóminum nostrum. Amen.

*Sequitur.*

**H**Anc ígitur oblationem servitutis nostræ, sed & cunctæ famíliæ tuæ, quam tibi offérimus ob diem, in qua Dóminus noster Jesus Christus tradidit discípulis suis corporis & sánguinis sui mystéria celebránda: quæsumus Dómine, ut placátus accípias: diésque nostros in tua pace dispónas: atque ab ætérna damnatione nos éripi, & in electórum tuórum júbeas grege numerári. Per eúndem Christum Dóminum nostrum. Amen.

**Q**Uam oblationem tu Deus in ómnibus, quæsumus, bene ✠ dictam, adscrí ✠ ptam, ra ✠ tam, rationábilem, acceptabilémque fácere dignéris, ut nobis Corpus, & San ✠ guis fiat dilectíssimi Fílii tui Dómini nostri Jesu Christi.

**Q**Uí pridie, quàm pro nostra omniúmque salute paterétur, hoc est, hódie: accépit panem. & reliqua ut in *Canone*.

*Agnus Dei, dicitur de more, sed pax non datur. Dicuntur tamen tres consuetæ Orationes ante Communionem.*

¶ *Hodie Sacerdos consecrat duas Hostias, quarum unam sumit, alteram reservat pro die sequenti, in quo non conficitur Sacramentum: reservat etiam aliquas particulas consecratas, si opus fuerit, pro infirmis: sanguinem verò totum sumit: & ante ablutionem digitorum ponit Hos-*

*tiam reservatam in alio Calice, quem Diaconus palla & patena cooperit, & desuper velum expandit, & in medio Altaris collocat. Deinde fit Communio, & completur Missa. Sacerdos autem genuflectit, quandocumque accedit, vel recedit à medio Altaris, vel transit ante Sacramentum in Calice reservatum: & cum dicere debet, Dóminus vobíscum. non vertit se ad populum in medio Altaris, ne terga vertat Sacramento, sed à latere Evangelii: & in fine ibidem dat benedictionem, & non perficit circulum.*

*Communio. Joan. 13. Dóminus Jesus, postquam cœnâvit cum discípulis suis, lavit pedes eórum, & ait illis: Scitis quid fécerim vobis ego Dóminus, & Magíster? Exémplum dedi vobis, ut & vos ita faciátis.*

*Postcommunio.*

**R**Efecti vitálibus alimentis, quæsumus Dómine Deus noster: ut quod témpore nostræ mortalitátis exéquimur, immortalitátis tuæ múnere consequámur. Per Dóminum.

*Dicitur Ite missa est, & datur benedictio, & legitur Evangelium S. Joannis, in cujus initio Sacerdos non signat Altare, sed seipsum tantum.*

¶ *Hodie paretur locus aptus in aliqua Capella Ecclesiæ, vel Altari, & decenter quoad fieri potest ornetur cum velis & luminibus, ubi Calix cum Hostia, ut suprà reservata, reponatur. Finita autem Missa, accendantur intorticia, & fit Processio more solito, alio tamen Subdiacono parato Crucem ferente. Celebrans indu-*



tus pluviâli albo, stans ante Altare, imponit incensum in duobus thuribulis absque benedictione: deinde in medio genuflexus, cum altero incensat ter Sacramentum: & accepto Calice cum Sacramento de manu Diaconi stantis, & cooperto extremitatibus veli, quo ejus humeri teguntur, procedit mediis inter eundem Diaconum à dextris, & Subdiaconum à sinistris sub baldachino, duobus Acolythis Sacramentum continuè incensantibus usque ad locum præparatum, ubi pro crastino servandum est. Interea dum fit Processio, cantatur Hymnus, Pange lingua gloriôsi Corporis mysterium. Cum autem perventum fuerit ad locum paratum, Diaconus genuflexus à Sacerdote stante accipit Calicem cum Sacramento, & ponit illum primò super Altare, ubi à Sacerdote genuflexo incensatur ut supra, deinde reponit in capsula. Postea in Choro dicuntur Vesperæ sine cantu. Et Sacerdos cum ministris denudet Altaria, legendo Antiphonam.

*Psalm. 21.* Diviserunt sibi vestimenta mea: & super vestem meam miserunt sortem. cum toto *Psalmo.* Deus Deus meus respice in me.

¶ Post denudationem Altarium, hora competenti facto signo cum tabula, conveniunt Clerici ad faciendum mandatum. Prælati, seu Superior, super amictu & alba induitur stola & pluviâli violaceis, & in loco ad id deputato, ministrante Diacono, (qui paratus cum Subdiacono, ut in Missa, paramentis albis, ei assistit) imponit incensum in thuribulo: deinde Diaconus librum Evangeliorum ante pectus tenens,

genuflexus ante Superiorem, petit benedictionem: qua accepta, assistantibus duobus Acolythis cum candelabris accensis, & Subdiacono librum tenente, signat librum; & incensat, & cantat, ut moris est, Evangelium. Ante diem festum Paschæ. ut in Missa. Quo finito, Subdiaconus portat librum apertum osculandum Superiori, & Diaconus eum de more incensat. Postea Superior exiit pluviâli, & per Diaconum, & Subdiaconum præcingitur linteo, & sic præcinctus, assistentibus sibi iisdem Diacono & Subdiacono, accedit ad lotionem pedum, & per ordinem dispositis iis qui lavandi sunt, Clericis pelvim & aquam ministrantibus, Subdiacono singulorum pedem dextrum tenente, genuflectens singulis, illorum pedem lavat, extergit, & osculatur, Diacono præbente linieum ad abstergendum. Et interim hæc subscripta cantantur.

*Antiphona. Joan. 13.* Mandatum novum do vobis: ut diligatis invicem, sicut dilexi vos, dicit Dominus.

*Psalm. 118.* Beati immaculati in via: qui ambulant in lege Domini. Et repetitur immediate Antiphona. Mandatum novum. Et sic aliæ Antiphonæ, quæ habent Psalmos, vel versus, repetuntur. Et de quolibet Psalmo dicitur tantum primus Versus.

*Antiphona. Joan. 13.* Postquam surrexit Dominus à cæna, misit aquam in pelvim, & cepit lavare pedes discipulorum suorum: hoc exemplum reliquit eis.

*Psalmus 47.* Magnus Dominus, & laudabilis nimis, in



civitate Dei nostri, in monte sancto ejus.

*Antiphona. Joan. 13.* Dóminus Jesus, postquam cenávit cum discípulis suis, lavit pedes eórum, & ait illis: Scitis quid fécerim vobis ego Dóminus & Magíster? Exémplum dedi vobis, ut & vos ita faciátis.

*Psal. 84.* Benedixísti Dómine terram tuam: avertísti captivitátem Jacob.

*Antiphona. Joan. 13.* Dómine, tu mihi lavas pedes? respóndit Jesus, & dixit ei: Si non lávero tibi pedes, non habébis partem mecum. ✠. Venit ergo ad Simónem Petrum, & dixit ei Petrus:

*Et repetitur Antiphona.* Dómine, tu mihi lavas pedes? respóndit Jesus, & dixit ei: Si non lávero tibi pedes, non habébis partem mecum.

✠. Quod ego fácio, tu nescis modò; scies autem pósteà.

*Tertiò repetitur Antiphona.* Dómine, tu mihi lavas pedes? respóndit Jesus, & dixit ei: Si non lávero tibi pedes, non habébis partem mecum. ✠. Si ego Dóminus & Magíster vester lavi vobis pedes: quantò magis debétis alter altérius laváre pedes?

*Psal. 48.* Audíte hæc omnes Gentes: áuribus percípíte qui habitátis orbem.

*Antiph. Joan. 13.* In hoc cognóscant omnes, quia discípuli mei estis, si dilectiónem habuéritis ad invicem. ✠. Dixit Jesus discípulis suis.

*Antiphona. 1. Cor. 13.* Máneant in vobis fides, spes, chá-

ritas, tria hæc: major autem horum est cháritas. ✠. Nunc autem manent fides, spes, cháritas, tria hæc: major horum est cháritas.

*Antiph. Benedícta sit sancta Trínitas, atque indivísa únitás: confitébimur ei, quia fecit nobíscum misericórdiam suam. ✠. Benedicámus Patrem, & Fílium cum sancto Spíritu.*

*Psal. 83.* Quàm dilécta tabernácula tua Dómine virtutum! concupíscit, & déficit ánima mea in átria Dómini.

*Antiph. 1. Jo. 2. 3. 4.* Ubi cháritas & amor, Deus ibi est.

✠. Congregávit nos in unum Christi amor. ✠. Exultémus, & in ipso jucundémur.

✠. Timeámus, & amémus Deum vivum. ✠. Et ex corde diligámus nos sincéro.

*Et repetitur Antiphona.* Ubi cháritas & amor, Deus ibi est.

✠. Simul ergo cùm in unum congregámur. ✠. Ne nos mente dividámur, caveámus.

✠. Cessent júrgia maligna, cessent lites. ✠. Et in médio nostri sit Christus Deus.

*Et repetitur Antiphona.* Ubi cháritas & amor, Deus ibi est. ✠. Simul quoque cum Beátis videámus. ✠. Gloriánte vultum tuum, Christe Deus. ✠. Gáudium, quod est imménsum, atque probum. ✠. Sæcula per infiníta sæculórum, Amen.

*Post lotionem, Superior, vel qui aliis abluit pedes, lavat manus, & abstergit alio linteo: deinde rediens ad locum, ubi prius fuerat, accipit pluviale; & stans*



*flans capite detecto, dicit: Pater noster. secretò. ʒ. Et ne nos inducas in tentationem.*

*℞. Sed libera nos à malo.*

*ʒ. Tu mandasti mandata tua, Dómine. ℞. Custodiri nimis.*

*ʒ. Tu lavasti pedes discipulorum tuorum. ℞. Opera manuum tuarum ne despicias.*

*ʒ. Dómine exaudi orationem meam. ℞. Et clamor meus ad te véniat. ʒ. Dóminus vobiscum. ℞. Et cum spíritu tuo.*

*Orémus. Oratio.*

**A** Desto, Dómine quæsumus, officio servitutis nostræ: & quia tu discipulis tuis pedes lavare dignatus es, ne despicias ópera manuum tuarum, quæ nobis retinenda mandasti, ut sicut híc nobis, & à nobis exterióra abluuntur inquinaménta, sic à te ómnium nostrum interióra laventur peccata. Quod ipse præstare digneris: qui vivis & regnas Deus, per ómnia sæcula sæculorum. ℞. Amen.

## FERIA SEXTA IN PARASCEVE.

*Statio ad S. Crucem in Jerusalem.*

**F**inita Nona, Sacerdos & ministri induti paramentis nigri coloris, sine luminaribus & incenso procedunt ad Altare: & ante illud prostrati aliquandiu orant. Interim Acolythi unam tantum tobaleam extendunt super Altare. Sacerdos cum ministris facta oratione ascendit ad Altare, & osculatur illud in medio: deinde Lector accedit ad legendum Prophetiam in loco ubi legitur Epistola, & incipit cam

*sine titulo: quam etiam Sacerdos legit submissa voce apud Altare in cornu Epistolæ.*

*Osee 6.*

**H**Æc dicit Dóminus: In tribulatione sua manè confurgent ad me: Veníte, & revertámur ad Dóminum: quia ipse cepit, & sanábit nos: percutiet, & curábit nos. Vivificábit nos post duos dies: in die tértia suscitábit nos, & vivémus in conspéctu ejus. Sciémus, sequemúrque, ut cognoscámus Dóminum: quasi dilúculum præparátus est egressus ejus, & véniet quasi imber nobis temporáneus & serótinus terræ. Quid fáciam tibi Ephraim? quid fáciam tibi Juda? misericórdia vestra quasi nubes matutína, & quasi ros manè pertránsiens. Propter hoc dolávi in prophétis, occídi eos in verbis oris mei: & judícia tua quasi lux egrédiéntur. Quia misericórdiam vólui, & non sacrificium; & sciéntiam Dei plus quàm holocáusta.

*Tractus. Habac. 3. Dómine, audívi auditum tuum, & tímui: considerávi ópera tua, & expávi. ʒ. In médio duorum animálium innotescéris: dum appropinquáverint anni, cognoscéris: dum advénerit tempus, ostendéris. ʒ. In eo, dum conturbáta fúerit ánima mea: in ira, misericórdiæ memor eris. ʒ. Deus à Líbano véniet, & Sanctus de monte umbróso & condénso. ʒ. Opéravit cælos majéstas ejus, & laudis ejus plena est terra.*

*Finito Tractu Sacerdos in cornu Epistolæ dicit, Orémus. Diaconus, Flectámus genua, & Subdiaconus, Leváte.*



## Oratio.

**D**Eus, à quo & Judas reatus sui pœnam, & confessionis suæ latro præmium sumpsit: concède nobis tuæ propitiatiōis effectum: ut sicut in Passiōe sua Jesus Christus Dóminus noster diversa utrísque intulit stipendia meritórum, ita nobis, ablato vestustatis errore, resurrectionis suæ grátiam largiatur. Qui tecum vivit & regnat.

*Subdiaconus in tono Epistolæ similiter sine titulo cantat sequentem Lectiōem.*

*Exod. 12.*

**I**N diébus illis: Dixit Dóminus ad Móysen & Aaron in terra Ægypti: Mensis iste, vobis principium mēsium: primus erit in mēnibus anni. Loquimini ad univérsum cœtum filiórum Israël, & dícite eis: Décima die mēsis hujus tollat unusquisque agnum per familias & domos suas. Sin autem minor est númerus, ut sufficere possit ad vescéndum agnum, assúmet vicínus suum, qui junctus est dómui suæ, juxta númerum animárum, quæ sufficere possunt ad esum agni. Erit autem agnus absque mácula, másculus, annículus: juxta quem ritum tollétis & hœdum. Et servábitis eum usque ad quartadécimam diem mēsis hujus, immolábítque eum univérsa multitúdo filiórum Israël ad vésperam. Et sument de ságuine ejus, ac ponent super utrúmque postem, & in superlimináribus domórum, in quibus cómedent illum. Et edent carnes nocte illa assas igni, & ázynos

panes cum lactúcis agré-  
tibus. Non comedétis ex eo  
crudum quid, nec coctum  
aqua, sed tantum assum igni:  
caput cum pédibus ejus & in-  
testínis vorábitis. Nec rema-  
nébit quidquam ex eo usque  
manè. Si quid resíduum fúe-  
rit, igne comburétis. Sic au-  
tem comedétis illum: Renes  
vestros accingétis, & calcea-  
ménta habébitis in pédibus,  
tenéntes báculos in mánibus,  
& comedétis festinánter: est  
enim Phase (id est tránfitus)  
Dómini.

*Tractus. Psal. 139.* Eripe  
me Dómine ab hómine malo;  
à viro iníquo líbera me.

✠. Qui cogitavérunt malí-  
tias in corde, tota die consti-  
tuébant prælia.

✠. Acuérunt linguas suas  
sicut serpéntis: venénium áspi-  
dum sub lábiis eórum.

✠. Custódi me Dómine de  
manu peccatóris, & ab homí-  
nibus iníquis líbera me.

✠. Qui cogitavérunt supplan-  
táre gressus meos, abscondé-  
runt supérbi láqueum mihi.

✠. Et funes extendérunt in  
láqueum pédibus meis: juxta  
iter scándalum posuérunt mi-  
hi. ✠. Dixi Dómino, Deus  
meus es tu: exáudi Dómine  
vocem oratiōis meæ.

✠. Dómine, Dómine virtus  
salútis meæ, obúmbra caput  
meum in die belli. ✠. Ne  
tradas me à desidério meo pec-  
catóri: cogitavérunt advérsus  
me: ne derelínquas me, ne  
umquam exalténtur.

✠. Caput circúitus eórum:  
labor labiórum ipsórum opériet  
eos. ✠. Verúntamen justí con-  
fitebúntur nómini tuo, & ha-  
bitábunt rectí cum vultu tuo.

*Fini-*



*Finito Tractu, dicitur Passio super nudum pulpitum: quam Celebrans submissa voce legit in cornu Epistolæ.*

Passio Dómini nostri Jesu Christi secundum Joannem. *Joan. 18.*

**I**N illo témpore: Egréssus est Jesus cum discípulis suis trans torrémentem Cedron, ubi erat hortus, in quem introívit ipse, & discípuli ejus. Sciébat autem & Judas, qui tradébat eum, locum: quia frequenter Jesus convénérat illuc cum discípulis suis. Judas ergo cum accepisset cohórtem, & à Pontificibus & Pharisæis minístros, venit illuc cum latérnis, & fécibus, & armis. Jesus itaque sciens ómnia, quæ ventúra erant super eum, processit, & dixit eis: ✠ Quem quæritis? *C* Respondérunt ei: *S* Jesum Nazarénum. *C* Dicit ei Jesus: ✠ Ego sum. *C* Stabat autem & Judas, qui tradébat eum, cum ipsis. Ut ergo dixit eis: Ego sum: abiérunt retrórsus, & cecidérunt in terram. Iterum ergo interrogávit eos: ✠ Quem quæritis? *C* Illi autem dixerunt: *S* Jesum Nazarénum. *C* Respondit Jesus: ✠ Dixi vobis, quia ego sum: si ergo me quæritis, sínite hos abire. *C* Ut implerétur sermo, quem dixit: Quia quos dedísti mihi, non pérdidi ex eis quemquam. Simon ergo Petrus habens gládium edúxit eum, & pereússit Pontíficis servum, & abscídit aurículam ejus dexteram. Erat autem nomen servo Malchus. Dixit ergo Jesus

Petro: ✠ Mitte gládium tuum in vagínam. Cálicem, quem dedit mihi Pater, non bibam illum? *C* Cohors ergo, & tribúnus, & minístri Judæórum comprehendérunt Jesum, & ligavérunt eum: & adduxérunt eum ad Annam primum: erat enim focer Cáiphæ, qui erat Póntifex anni illíus. Erat autem Cáiphæ, qui consílium déderat Judæis: Quia expedit, unum hóminem mori pro pópulo. Sequebátur autem Jesum Simon Petrus, & álius discípulus. Discípulus autem ille erat notus Pontífici, & introívit cum Jesu in átrium Pontíficis. Petrus autem stabat ad óstium foris. Exívit ergo discípulus álius, qui erat notus Pontífici, & dixit ostiáriæ: & introduxit Petrum. Dicit ergo Petro ancílla ostiária: *S* Numquid & tu ex discípulis es hóminis istíus? *C* Dicit ille: *S* Non sum. *C* Stabant autem servi & minístri ad prunas, quia frigus erat, & calefaciébant se: erat autem cum eis & Petrus stans, & calefaciens se. Póntifex ergo interrogávit Jesum de discípulis suis, & de doctrína ejus. Respondit ei Jesus: ✠ Ego palàm locútus sum mundo: ego semper dócui in synagóga & in templo, quò omnes Judæi convéniunt, & in occúlto locútus sum nihil. Quid me intérogas? intéroga eos, qui audiérunt, quid locútus sim ipsis: ecce hi sciunt, quæ díxerim ego. *C* Hæc autem cum dixisset, unus afsístens ministrórum dedit álapam Jesu, dicens: *S*



Sic respóndes Pontífici? *C* Respóndit ei Jesus: ✠ Si malè locútus sum, testimónium pérhibe de malo: si autem benè, quid me cædis? *C* Et misit eum Annas ligátum ad Cáipham Pontíficem. Erat autem Simon Petrus stans, & calefáciens se. Dixérunt ergo ei: *S* Numquid & tu ex discípulis ejus es? *C* Negávit ille, & dixit: *S* Non sum. *C* Dicit ei unus ex servis Pontíficis, cognátus ejus, cujus abscídit Petrus aurículam: *S* Nónne ego te vidi in horto cum illo? *C* Iterùm ergo negávit Petrus: & statim gallus cantávit. Addúcunt ergo Jesum à Cáipha in prætóríum. Erat autem manè, & ipsi non introiérunt in prætóríum, ut non contaminaréntur, sed ut manducárent Pascha. Exívit ergo Pilátus ad eos foras, & dixit: *S* Quam accusatiónem affértis advérsus hómínem hunc: *C* Respondérunt, & dixérunt ei: *S* Si non esset hic malefáctor, non tibi tradidissémus eum. *C* Dixit ergo eis Pilátus: *S* Accípíte eum vos, & secúndum legem vestram judicáte eum. *C* Dixérunt ergo ei Judæi: *S* Nobis non licet interficere quemquam. *C* Ut sermo Jesu implerétur, quem dixit, signíficans qua morte esset moritúrus. Introívit ergo iterùm in prætóríum Pilátus, & vocávit Jesum, & dixit ei: *S* Tu es Rex Judæórum? *C* Respóndit Jesus: ✠ A temetípso hoc dicis, an álíi dixérunt tibi de me? *C* Respóndit Pilátus: *S* Numquid ego Judæus sum? Gens tua, & Pontífices tradidérunt te mihi,

quid fecísti? *C* Respóndit Jesus: ✠ Regnum meum non est de hoc mundo. Si ex hoc mundo esset regnum meum, minístri mei útique decertárent, ut non tráderer Judæis: nunc autem regnum meum non est hinc. *C* Dixit itaque ei Pilátus: *S* Ergo Rex es tu? *C* Respóndit Jesus: ✠ Tu dicis, quia Rex sum ego. Ego in hoc natus sum, & ad hoc veni in mundum, ut testimónium perhíbeam veritáti: omnis, qui est ex veritáte, audit vocem meam. *C* Dicit ei Pilátus: *S* Quid est veritas? *C* Et cùm hoc dixíffet, iterùm exívit ad Judæos, & dicit eis: *S* Ego nullam invénio in eo causam. Est autem consuetudo vobis, ut unum dimíttam vobis in Pascha: vultis ergo dimíttam vobis Regem Judæórum? *C* Clamavérunt ergo rursus omnes, dicéntes: *S* Non hunc, sed Barábbam. *C* Erat autem Barabbas latro. Tunc ergo apprehéndit Pilátus Jesum, & flagellávit. Et mílites plécténtes corónam de spinis imposuérunt cápiti ejus, & veste purpúrea circumdederunt eum. Et veniébant ad eum, & dicébant: *S* Ave Rex Judæórum. *C* Et dabant ei álapas. Exívit ergo iterùm Pilátus foras, & dicit eis: *S* Ecce, addúco vobis eum foras, ut cognoscátis, quia nullam invénio in eo causam. *C* (Exívit ergo Jesus portans corónam spíneam, & purpúreum vestiméntum.) Et dicit eis: *S* Ecce homo. *C* Cùm ergo vidíffent eum Pontífices & minístri, clamabant, dicéntes: *S* Crucifige, crucifige eum. *C* Dicit eis Pilátus: *S*. Accípíte eum



eum vos, & crucifigite: ego enim non invénio in eo causam. *C* Respondérunt ei Judæi: *S* Nos legem habémus, & secúndum legem debet mori, quia Fílium Dei se fecit. *C* Cúm ergo audíffet Pilátus hunc sermónem, magis tímuit. Et ingrèssus est prætóríum íterùm: & dixit ad Jesum: *S* Unde es tu? *C* Jesus autem respónsum non dedit ei. Dicit ergo ei Pilátus: *S* Mihi non lóqueris? nescis quia potestátem hábeo crucifigere te, & potestátem hábeo dimíttre te? *C* Respóndit Jesus: ✠ Non habéres potestátem advérsum me ullam, nisi tibi datum esset désuper. Proptéreà qui me trádedit tibi, majus peccátum habet. *C* Et exínde quærébat Pilátus dimíttre eum. Judæi autem clamábant, dicéntes: *S* Si hunc dimíttis, non es amícus Cæsarís. Omnis enim, qui se regem facit, contradícit Cæsari. *C* Pilátus autem cùm audíffet hos sermónes, adduxit foras Jesum, & sedit pro tribunáli, in loco, qui dícitur Lithóstrotos, Hebraicè autem Gábbatha. Erat autem parasceve Paschæ, hora quasi sexta, & dicit Judæis: *S* Ecce Rex vester. *C* Illi autem clamábant: *S* Tolle, tolle, crucifige eum. *C* Dicit eis Pilátus: *S* Regem vestrum crucifigam? *C* Respondérunt Pontífices: *S* Non habémus regem, nisi Cæsarem. *C* Tunc ergo trádedit eis illum, ut crucifigerétur. Suscéperunt autem Jesum, & eduxérunt. Et bájulans sibi crucem, exívit in eum, qui dícitur

Calváriæ, locum, Hebráicè autem Gólgotha: ubi crucifixerunt eum, & cum eo álios duos, hinc & hinc, médi-um autem Jesum. Scriptit autem & título Pilátus, & posuit super crucem. Erat autem scriptum: Jesus Nazarénus, Rex Judæórum. Hunc ergo título multi Judæórum legérunt: quia prope civitatem erat locus, ubi crucifixus est Jesus. Et erat scriptum Hebráicè, Græcè, & Latínè. Dicébant ergo Piláto Pontífices Judæórum: *S* Noli scribere, Rex Judæórum: sed quia ipse dixit: Rex sum Judæórum. *C* Respondit Pilátus: *S* Quod scripsi, scripsi. *C* Míletes ergo cùm crucifixíssent eum, accepérunt vestiménta ejus, (& fecérunt quatuor partes: unicuíque míliti partem) & túnica. Erat autem túnica inconsútilis, désuper contéxta per totum. Dixérunt ergo ad ínvicem: *S* Non scindámus eam, sed fortiámur de illa, cujus sit. *C* Ut Scriptúra implerétur, dicens: Partíti sunt vestiménta mea sibi: & in vestem meam misérunt sortem. Et míletes quidem hæc fecérunt. Stabant autem juxta crucem Jesu mater ejus, & soror matris ejus María Cléophæ, & María Magdaléne. Cúm vidíffet ergo Jesus matrem, & discípulum stantem, quem diligébat, dicit matri suæ: ✠ Múlier, ecce filius tuus. *C* Deínde dicit discípulo: ✠ Ecce mater tua. *C* Et ex illa hora accépit eam discípulùs in sua. Pósteà sciens Jesus, quia ómnia consummata sunt, ut consumma-  
rétur



rétur Scriptúra, dixit: ✠ Sí-  
tio. *C* Vas ergo erat pò-  
situm acéto plenum. Illi au-  
tem spóngiam plenam acéto,  
hyssópo circumponéntes, ob-  
tulérunt ori ejus. Cùm ergo  
accepisset Jesus acétum, dix-  
it: ✠ Consummátum est. *C*  
Et inclináto cápite tràdidit  
spíritum. (*Hic genúflectitur,  
& pausat aliquantulùm.*) Ju-  
dæi ergo (quóniam Parasceve  
erat) ut non remanérent in  
cruce córpora fábbato, (erat  
enim magnus dies ille fábbati)  
rogavérunt Pilátum, ut fran-  
geréntur eórum crura, & tol-  
leréntur. Venérunt ergo mí-  
lites: & primi quidem fregé-  
runt crura, & altérius, qui  
crucifixus est cum eo. Ad Je-  
sum autem cùm veníssent, ut  
vidérunt eum jam mórtuum,  
non fregérunt ejus crura, sed  
unus mílitum láncea latus  
ejus apérui, & continuò ex-  
ívit sanguis & aqua. Et qui  
vidit, testimóniùm perhíbuit:  
& verum est testimónium e-  
jus. Et ille scit, quia vera di-  
cit: ut & vos credátis. Facta  
sunt enim hæc, ut Scriptúra  
implerétur: Os non commi-  
nuétis ex eo. Et iterùm ália  
Scriptúra dicit: Vidébunt in  
quem transfixérunt.

*Quod sequitur, legitur in tono  
Evangelii, & dicitur, Munda  
cor meum. sed non petitur bene-  
dictio, & non deferuntur lumina-  
ria, neque incensum, & Celebrans  
in fine non osculatur librum.*

**P**ost hæc autem rogávit  
Pilátum Joseph ab Ari-  
mathæa (eò quòd esset discí-  
pulus Jesu, occúltus autem  
propter metum Judæórum)

ut tólleret corpus Jesu. Er-  
permísit Pilátus. Venit ergo,  
& tulit corpus Jesu. Venit  
autem & Nicodémus, qui  
vénerat ad Jesum nocte pri-  
mum, ferens mixtúram myr-  
rhæ & áloes, quasi libras  
centum. Accepérunt ergo  
corpus Jesu, & ligavérunt il-  
lud línteis cum aromátibus,  
sicut mos est Judæis sepelíre.  
Erat autem in loco, ubi cruci-  
fixus est, hortus: & in horto  
monuméntum novum, in quo  
nondum quisquam pòsitus  
erat. Ibi ergo propter Para-  
sceven Judæórum, quia juxtà  
erat monuméntum, posuérunt  
Jesum.

*Deinde Sacerdos stans in cornu  
Epistolæ, incipit absolutè junctis  
manibus.*

Orémus, dilectíssimi nobis,  
pro Ecclésia sancta Dei: ut  
eam Deus & Dóminus noster,  
pacificáre, adunáre, & custo-  
díre dignétur toto orbe terrá-  
rum: subjíciens ei principá-  
tus, & potestátes: detque no-  
bis quiétam & tranquíllam  
vitam degéntibus, glorificáre  
Deum Patrem omnipoténtem.

Orémus.

*Diaconus.* Flectámus génua.

*Subdiaconus.* R. Leváte.

*Oratio cantatur in tono feriali  
Orationis Missæ, extensis mani-  
bus. Et hic modus servatur in  
subsequentibus.*

**O**Mnípotens sempitérne  
Deus, qui glóriam tuam  
ómnibus in Christo Géntibus  
revelásti: custódi ópera mi-  
sericórdiæ tuæ, ut Ecclésia  
tua toto orbe diffúsa, stábili  
fide in confessióne tui nómi-  
nis



nis perseveret. Per eundem  
Dóminum nostrum.

R. Amen.

**O** Rémus & pro beatíssimo  
Papa nostro N. ut Deus  
& Dóminus noster, qui elé-  
git eum in órdine Episcopá-  
tus, salvum atque incólumem  
custódiat Ecclesiæ suæ  
sanctæ, ad regéndum pópulum  
sanctum Dei.

Orémus. Flectámus gēnua.

R. Leváte.

**O** Mnípotens sempitérne  
Deus, cujus iudício univér-  
sa fundántur: réspice pro-  
pítius ad preces nostras, &  
eléctum nobis Antístitem tua  
pietáte conférva; ut Christiá-  
na plebs, quæ te gubernatur  
auctóre, sub tanto Pontífice,  
credulitátis suæ méritis auge-  
átur. Per Dóminum nostrum.

R. Amen.

**O** Rémus & pro ómnibus  
Epíscopis, Presbyteris,  
Diaconibus, Subdiaconibus,  
Acólythis, Exorcístis, Lectó-  
ribus, Ostiáriis, Confessóri-  
bus, Virgínibus, Víduis: &  
pro omni pópulo sancto Dei.

Orémus. Flectámus gēnua.

R. Leváte.

**O** Mnípotens sempitérne  
Deus, cujus spírítu totum  
corpus Ecclesiæ sanctifi-  
cátur & régitur: exáudi nos  
pro univérſis ordinibus suppli-  
cantes; ut grátia tuae mune-  
re, ab ómnibus tibi grádibus  
fidéliter serviátur. Per Dó-  
minum nostrum. R. Amen.

*Si non est coronatus, dicatur:*  
elécto Imperatóre.

**O** Rémus & pro Christia-  
níssimo Imperatóre no-  
stro N. ut Deus & Dóminus  
noster súbditas illi fáciat om-

nes bárbaras nátiónes, ad no-  
stram perpétuam pacem.

Orémus. Flectámus gēnua.

R. Leváte.

**O** Mnípotens sempitérne  
Deus, in cujus manu  
sunt ómnium potestates, &  
ómnium jura regnórum: ré-  
spice ad Románum benígnus  
Impérium; ut gentes, quæ in  
sua feritáte confidunt, potén-  
tiæ tuæ dēxtera comprimán-  
tur. Per Dóminum nostrum.

R. Amen.

**O** Rémus & pro catechú-  
menis nostris: ut Deus  
& Dóminus noster adapériat  
aures præcordiórum ipsórum,  
januámque misericórdiæ; ut  
per lavácrum regeneratiónis,  
accépta remissióne ómnium  
peccatórum, & ipsi invenián-  
tur in Christo Jesu Dómino  
nostro.

Orémus. Flectámus gēnua.

R. Leváte.

**O** Mnípotens sempitérne  
Deus, qui Ecclesiám tu-  
am nova semper prole fecún-  
das: auge fidem & intelléctum  
catechúmenis nostris; ut re-  
nāti fonte baptísminatis, adop-  
tiónis tuæ filiis aggregéntur.  
Per Dóminum nostrum.

R. Amen.

**O** Rémus, dilectíſſimi no-  
bis, Deum Patrem om-  
nipoténtem, ut cunctis mun-  
dum purget erroribus: mor-  
bos áuferat, famem depéllat,  
apériat cárceres, víncula dis-  
sólvat, peregrinántibus rédi-  
tum, infirmántibus sanitátem,  
navigántibus portum salutis  
indúlgeat.

Orémus. Flectámus gēnua.

R. Leváte.

**O** Mnípotens sempitérne  
Deus, mæstórum conſo-  
latio.



lário, laborantium fortitúdo : pervéniant ad te preces de quacúmque tribulatione clamantium ; ut omnes sibi in necessitatibus suis misericórdiam tuam gáudeant adtuísse. Per Dóminum nostrum. R. Amen.

**O** Rémus & pro hæreticis & schismáticis : ut Deus & Dóminus noster éruat eos ab erroribus univérfis : & ad sanctam matrem Ecclésiám cathólicam atque Apostólicam revocáre dignétur.

Orémus. Flectámus génua.

R. Leváte.

**O** Mnípotens sempitérne Deus, qui salvas omnes, & néminem vis períre : respice ad ánimas diabólica fraude decéptas ; ut omni hæretica pravitate depósita, errantium corda resipíscant, & ad veritátis tuæ rédeant unitátem. Per Dóminum nostrum.

R. Amen.

**O** Rémus & pro pérfidis Judæis, ut Deus & Dóminus noster áuferat velámen de córdibus eórum : ut & ipsi agnóscant Jesum Christum Dóminum nostrum.

*Non respondetur Amen. sed statim dicitur.*

**O** Mnípotens sempitérne Deus, qui étiam Judáicam perfidiam à tua misericórdia non repéllis : exáudi preces nostras quas pro illíus pópuli obcæcatione deférimus, ut, ágnita veritátis tuæ luce, quæ Christus est, à suis ténebris eruántur. Per eúmdem Dóminum. R. Amen.

**O** Rémus & pro pagánis, ut Deus omnípotens áuferat iniquitátem à córdibus eórum : ut relíctis idólis suis, convertántur ad Deum vivum,

& verum, & únicum Fílium ejus Jesum Christum Deum & Dóminum nostrum.

Orémus. Flectámus génua.

R. Leváte.

**O** Mnípotens sempitérne Deus, qui non mortem peccatórum, sed vitam semper inquíris : súscipe propítius orationem nostram, & líbera eos ab idolórum cultúra, & ágrega Ecclésiæ tuæ sanctæ, ad laudem & glóriam nóminis tui. Per Dóminum.

R. Amen.

*¶ Completis Orationibus, Sacerdos deposita casula accedit ad cornu Epistolæ, & ibi in posteriori parte anguli Altaris accipit à Diacono Crucem jam in Altari præparatam : quam, versa facie ad populum, à summitate parum discooperit, incipiens solus Antiphonam. Ecce lignum Crucis. ac deinceps in reliquis juvatur in cantu à ministris usque ad Venite, adorémus. Choro autem cantante, Veníte, adorémus. omnes se prosternunt, excepto Celebrante. Deinde procedit ad anteriorem partem anguli ejusdem cornu Epistolæ : & discooperiens brachium dextrum Crucis, elevansque eam paulisper, altiùs, quàm primò, incipit, Ecce lignum Crucis. aliis cantantibus & adorantibus, ut suprà.*

*Deinde Sacerdos procedit ad medium Altaris : & discooperiens Crucem totaliter, ac elevans eam, tertio altiùs incipit, Ecce lignum Crucis. aliis cantantibus, & adorantibus, ut suprà.*

Ecce lignum Crucis, in quo salus mundi pepéndit.

Chorus R. Veníte adorémus.

*Posteà Sacerdos solus portat Crucem ad locum ante Altare præparatum, & genuflexus ibidem eam*



*eam locat: mox depositis calceamentis, accedit ad adorandam Crucem, ter genua flectens antequam eam deosculetur. Hoc facto, revertitur, & accipit calceamenta & casulam. Postmodum ministri Altaris, deinde alii Clerici & laici, bini & bini, ter genibus flexis, ut dictum est, Crucem adorant. Interim, dum fit adoratio Crucis, cantantur impropria, & alia quæ sequuntur; vel omnia, vel pars eorum, prout multitudo adorantium vel paucitas requirit, hoc modo.*

*Duo Cantores in medio chori cantant V. Pópule meus, usque ad Agios o Theós. V. Pópule meus, quid feci tibi? aut in quo contristávi te? respónde mihi. V. Quia edúxi te de terra Ægypti: parásti crucem Salvatóri tuo.*

*Unus chorus cantat, Agios o Theós.*

*Alius chorus respondet, Sanctus Deus.*

*Primus chorus. Agios ischyros.*

*Secundus chorus, Sanctus fortis.*

*Primus chorus. Agios athánatos eléison imas.*

*Secundus chorus. Sanctus immortalis miserere nobis.*

*Posteà duo de secundo choro cantant V. Quia edúxi te per désertum quadragínta annis & manna cibávi te, & introduxi te in terram satis bonam: parásti crucem Salvatóri tuo.*

*Chori respondent alternatim, Agios o Theós, &c. Sanctus Deus, &c. ita tamen, ut primus chorus semper repetat, Agios.*

*Deinde duo de primo choro cantant V. Quid ultrà débui fácere tibi, & non feci? Ego*

*quidem plantávi te víneam meam speciosíssimam, & tu facta es mihi nimis amára: acéto namque sitim meam potásti: & láncea perforásti latus Salvatóri tuo.*

*Item Chori alternatim respondent, Agios o Theós. Sanctus Deus, &c.*

*Versus sequentis improprie à duobus cantoribus alternatim cantantur, utroque choro simul repetente post quemlibet versum. Pópule meus, usque ad Quia edúxi te de terra Ægypti.*

*Duo de secundo choro cantant V. Ego propter te flagellávi Ægyptum cum primogénitis suis: & tu me flagellátum tradidísti,*

*Chorus repet. Pópule meus.*

*Duo de primo choro, V. Ego edúxi te de Ægypto, demérso Pharaóne in Mare rubrum: & tu me tradidísti princípibus sacerdotum.*

*Chorus. Pópule meus.*

*Duo de secundo choro, V. Ego ante te apérui mare: & tu aperuísti láncea latus meum.*

*Chorus. Pópule meus.*

*Duo de primo choro, V. Ego ante te præivi in columina nubes: & tu me duxísti ad prætóríum Piláti.*

*Chorus. Pópule meus.*

*Duo de secundo choro, V. Ego te pavi manna per désertum: & tu me cæcidísti álapis & flagéllis.*

*Chorus. Pópule meus.*

*Duo de primo choro, V. Ego te potávi aqua salutis de petra, & tu me potásti felle & acéto.*

*Chorus. Pópule meus.*

*Duo de secundo choro, V. Ego propter te Chananaeorum re-*



ges percussi : & tu percussisti arúndine caput meum.

*Chorus.* Pópule meus.

*Duo de primo choro, v.* Ego dedi tibi sceptrum regale : & tu dedisti cápiti meo spíneam corónam.

*Chorus.* Pópule meus.

*Duo de secundo choro, v.* Ego te exaltávi magna virtúte : & tu me suspendisti in patíbulo crucis.

*Chorus.* Pópule meus.

*Deinde cantatur communiter Antiphon.* Crucem tuam adorámus, Dómine, & sanctam resurrectionem tuam laudámus & glorificámus : ecce enim propter lignum venit gáudium in univérso mundo.

*Psal. 66.* Deus misereátur nostri, & benedícat nobis : illúminet vultum suum super nos, & misereátur nostri.

*Et repetitur immediate Antiphona.* Crucem tuam.

*Postea cantatur v.* Crux fidélis. *cum Hymn.* Pange lingua gloriósi. *Et post quemlibet ejus versum repetitur,* Crux fidélis; *vcl,* Dulce lignum. *eo modo, quo inferius notatur.* Crux fidélis, inter omnes arbor una nóbilis : nulla filva talem profert, fronde, flore, gérmine. Dulce lignum, dulces clavos, dulce pondus sústinet.

*Hymn.* Pange lingua gloriósi láuream certáminis, & super crucis trophæo dic triúmphum nóbilem : quáliter Redemptor orbis immolátus vícerit.

*Repetitur.* Crux fidélis, *usque ad* Dulce lignum. *Et sic fit quoties repetitur,* Crux fidélis. *v.* De paréntis protoplásti fraude Factor cóndolens : quando pomi noxiális

in necem morfu ruit : ipse lignum tunc notávit, damna ligni ut sólveret.

*Repetitur.* Dulce lignum.

*v.* Hoc opus nostræ salútis ordo depopóscerat, multifórmis proditóris ars ut artem fálleret : & medélam ferret inde, hostis unde læserat.

*Repetitur.* Crux fidélis.

*v.* Quando venit ergo sacri plenitúdo témporis, missus est ab arce Patris Natus, orbis cónditor : atque ventre virginali carne amíctus pródiit.

*Repetitur.* Dulce lignum.

*v.* Vagit infans inter arcta cónditus præsépia : membra pannis involúta Virgo mater alligat : & Dei manus pedésque strícta cingit fáscia.

*Repetitur.* Crux fidélis.

*v.* Lustra sex qui jam perégit, tempus implens córpore, sponte líbera Redemptor passióni déditus, Agnus in crucis levátur immolándus stípitem.

*Repetitur.* Dulce lignum.

*v.* Felle potus ecce languet, spina clavi, láncea mite corpus perforárunt, unda manat, & cruor : terra, pontus, astra, mundus, quo lavántur flúmine.

*Repetitur.* Crux fidélis.

*v.* Flecte ramos arbor alta, tensa laxa víscera, & rigor lentéscat ille, quem dedit natívitatis, & supérni membra Regis tende miti stípitem.

*Repetitur.* Dulce lignum.

*v.* Sola digna tu fuísti ferre mundi víctimam : atque portum præparáre arca mundo náufrago, quam sacer cruor perúnxit, fusus Agni córpore.

*Repetitur.* Crux fidélis.

*v.* Se-



ſ. Sempiterna ſit beátæ Trinitáti glória, æqua Patri, Filióque: par decus Patrácrito: Uníus Triníque nomen laudet univérſitas. Amen.

*Repetitur. Dulce lignum.*

*Circa finem adorationis Crucis accenduntur candelæ ſuper Altare, & Diaconus accipiens buſſam corporalium, extendit corporale more ſolito, & juxta illud ponit purificatorium: & finita adoratione, Crucem reverenter accipit, & reportat ad Altare. Poſteà ordinatur Proceſſio ad locum, ubi pridie Sacramentum reſoſitum fuerat. Præcedit Subdiaconus cum Cruce inter duos Acolythos deferentes candelabra cum cereis accenſis, & Clerus per ordinem, ultimus Sacerdos cum miniſtris. Cùm perventum fuerit ad locum Sacramenti, accenduntur intorticia, quæ non extinguuntur niſi poſt ſumptionem Sacramenti: & Sacerdos genuflectit ante Sacramentum, orat aliquantulum: Diaconus interim aperit capſulam, in qua reconditum eſt Corpus Domini: poſteà Sacerdos ſurgens, abſque benediſſione imponit incenſum in duobus thuribulis, Diacono naviculam miniſtrante, & genuflexus incenſat Sacramentum: tum Diaconus extrahens Calicem cum Sacramento de capſula, dat ad manus Sacerdotis, & tegit extremitatibus veli, quod humeros illius circumdat: & procedunt ordine quo venerunt: deſertur baldachinum ſuper Sacramentum: & duo Acolythi cum thuribulis continuè Sacramentum incenſant: interim cantatur Hymnus. Vexilla Regis prædeunt.*

*Cùm venerit Sacerdos ad Altare, poſito ſuper illud Calice,*

*genuflexus riuſum incenſat, & accedens deponit Hoſtiam ex Calice ſuper patenam, quam Diaconus tenet: & accipiens patenam de manu Diaconi, Hoſtiam ſacram ponit ſuper corporale, nihil dicens. Si tetigerit Sacramentum, digitos abluat in aliquo vaſe. Interim Diaconus imponit vinum in Calicem, & Subdiaconus aquam, quam Sacerdos non benedicit, nec dicit ſuper eam Orationem conſuetam: ſed accipiens Calicem à Diacono, ponit ſuper Altare, nihil dicens: & Diaconus illum cooperit palla: deinde imponit incenſum in thuribulo abſque benediſſione, & incenſat oblata & Altare more ſolito, genuflectens antè & poſt, & quodcumque tranſit ante Sacramentum.*

*Cùm incenſat oblata, dicit:*

**I**ncenſum iſtud à te benediſſum, aſcendat ad te Dómine, & deſcendat ſuper nos miſericórdia tua.

*Cùm incenſat Altare, dicit:*

**D**irigátur, Dómine, oratio mea, ſicut incenſum in conſpéctu tuo: elevátio mánuum meárum ſacrificium veſpertinum. Pone Dómine cuſtódiam ori meo, & óſtium circumſtántiæ lábiis meis: ut non declínet cor meum in verba malítiæ, ad excuſándas excuſatiónes in peccátis.

*Quando reddit thuribulum Diacono, dicit:*

**A**ſcendat in nobis Dóminus ignem ſui amóris, & flammam æternæ charitátis. Amen.

*Et ipſe non incenſatur.*

*Poſteà aliquantulum extra Altare in cornu Epiſtolæ lavat manus, nihil dicens: deinde in medio*



*dio Altaris inclinatus, junctis manibus dicit :*

**I**N spíritu humilitátis, & in ánimo contríto suscipiámur à te Dómine: & sic fiat sacrificium nostrum in conspéctu tuo hódie, ut pláceat tibi, Dómine Deus.

*Deinde versus ad populum in cornu Evangelii, dicit more solito :*

**O**Ráte fratres, ut meum ac vestrum sacrificium acceptábile fiat apud Deum Patrem omnipoténtem.

*Et per eandem viam revertitur, non perficiens circulum: & consequenter, omissis alijs, dicit :*

Orémus. Præceptis salutáribus móniti, & divína institutione formáti, audémus dicere.

Pater noster, qui es in cœlis: sanctificétur nomen tuum: advéniat regnum tuum: fiat volúntas tua, sicut in cœlo, & in terra. Panem nostrum quotidiánum da nobis hódie: Et dimítte nobis débíta nostra: sicut & nos dimíttimus debitoribus nostris: Et ne nos indúcas in tentatióem.

*R. Sed libera nos à malo.*

*Sacerdos, sub silentio dicto, Amen, eadem voce, qua dixit, Pater noster, absolutè sine Orémus, in tono Orationis Missæ ferialis dicit :*

**L**ibera nos, quæsumus Dómine, ab ómnibus malis, præteritis, præsentibus, & futuris: & intercedente beáta & gloriósa semper vírgine Dei genitríce María, cum beátis Apóstolis tuis Petro & Paulo, atque Andréa, & ómnibus Sanctis, *Non signat se patena, da propítius pa-*

cem in diébus nostris, ut opem misericórdiæ tuæ adjúti, & à peccáto simus semper líberi, & ab omni perturbatióne securi. Per eúndem Dóminum nostrum Jesum Christum Fílium tuum: Qui tecum vivit & regnat in unitáte Spíritus sancti Deus, &c. *R. Amen.*

*¶ Tunc Celebrans, facta reverentia usque ad terram, supponit patenam Sacramento, quod in dextera accipiens, elevat ut videri possit à populo: & statim supra Calicem dividit in tres partes, quarum ultimam mittit in Calicem more solito, nihil dicens. Pax Dómini, non dicitur, nec Agnus Dei, neque pacis osculum datur. Postmodum prætermisiss duabus primis Orationibus, dicit tantum sequentem,*

**P**ercéptio Córporis tui Dómine Jesu Christe, quod ego indignus sumere presúmo, non mihi provéniat in judícium & condemnatióem: sed pro tua pietáte profit mihi ad tutaméntum mentis & córporis, & ad inedélam percipiéndam. Qui vivis & regnas cum Deo Patre in unitáte Spíritus sancti Deus, per ómnia sæcula sæculórum. Amen.

*Tum genuflectit, & accipit patenam cum Corpore Christi: & maxima humilitate ac reverentia dicit: Panem cœléstem accípiam, & nomen Dómini invocábo.*

*Percutit pectus suum ter, dicens: Dómine non sum dignus, ut intres sub tectum meum: sed tantum dic verbo, & sanábitur ánima mea.*

*Posteà signat se Sacramento, dicens: Corpus Dómini nostri Jesu Christi custódiat animam*



nam meam in vitam æternam. Amen.

*Et sumit Corpus reverenter.*

*Deinde, omissis omnibus, quæ dici solent ante sumptionem Sanguinis, immediatè particulam Hostiæ cum vino reverenter sumit de Calice. Et more solito facta ablutio digitorum, & sumpta purificatione, in medio Altaris inclinat, manibus junctis dicit: Quod ore sumpsimus, Domine, pura mente capiamus: & de munere temporali fiat nobis remedium sempiternum.*

*Non dicitur Corpus tuum, Domine. nec Postcommunio. nec Placeat tibi. nec datur benedictio: sed facta reverentia Altari, Sacerdos cum ministris discedit: & dicuntur Vesperæ sine cantu: & denudatur Altare.*

## SABBATO SANCTO.

*Statio ad S. Joannem in Lateran.*

**H***Ora competenti cooperiuntur Altaria, & dicuntur Horæ, candelis Altaris extinctis usque ad principium Missæ. Interim excutitur ignis de lapide foris Ecclesiam, & ex eo accenduntur carbones. Dicta Nona, Sacerdos indutus amictu, alba, cingulo, stola, & pluviali violaceo, vel sine casula, astantibus sibi ministris cum Cruce, aqua benedicta, & incenso, antè portam Ecclesiæ si commode potest, vel in ipso aditu Ecclesiæ, benedicit novum ignem, dicens v. Dominus vobiscum. R. Et cum spiritu tuo.*

*Orémus.*

*Oratio.*

**D**eus, qui per Filium tuum angularem scilicet lapidem, claritatis tuæ ignem fideli-

bus contulisti: productum è sílice, nostris profuturum úsibus, novum hunc ignem sanctifica: & concède nobis, ita per hæc festa Paschalia cœlestibus desidériis inflammári; ut ad perpétuæ claritatis, puris mentibus valeamus festa pertingere. Per eundem Christum Dóminum nostrum.

*R. Amen.*

*Orémus.*

**D**omine Deus, Pater omnipotens, lumen indeficiens, qui es conditor ómnium luminum: bene<sup>+</sup>dic hoc lumen, quod à te sanctificatum, atque benedictum est, qui illuminasti omnem mundum; ut ab eo lumine accendámur, atque illuminémur igne claritatis tuæ: & sicut illuminasti Móysen exeuntem de Ægypto, ita illúmines corda & sensus nostros: ut ad vitam & lucem æternam pervenire mereámur. Per Christum Dóminum nostrum.

*R. Amen.*

*Orémus.*

**D**omine sancte, Pater omnipotens, æterne Deus, benedicéntibus nobis hunc ignem in nómine tuo, & unigéniti Filii tui Dei ac Dómini nostri Jesu Christi, & Spíritus sancti, cooperári dignéris: & adjuva nos contra ignita tela inimici, & illústra grátia cœlesti. Qui vivis & regnas cum eódem Unigénito tuo, & Spíritu sancto Deus, per ómnia sæcula sæculórum.

*R. Amen.*

*Deinde benedicit quinque grana incensi ponenda in Cereo, dicens absolutè hanc Orationem.*

**V**eniat, quæsumus, omnipotens Deus, super hoc incensum larga tuæ bene<sup>+</sup>dicti-



dictiōnis infusio, & hunc nocturnum splendorem invisibilis regenerātor accēde: ut non solum sacrificium, quod hac nocte litatum est, arcana lūminis tui admixtiōne refulgeat; sed in quocūque loco ex hujus sanctificatiōnis mystērio aliquid fūerit deportatum, expulsa diabōlicæ fraudis nequītia, virtus tuæ majestātis assīstat. Per Christum Dōminum nostrum.

R. Amen.

¶ Dum benedicit grana incense, Acolythus assumens de carbonibus benedictis ponit in thuribulo: & finita Oratione supradicta, Sacerdos de navicula ponit incensum in thuribulo, benedicens illud more solito: deinde prædicta grana incensi & ignem ter aspergit aqua benedicta, dicens: Aspēges me Dōmine. sine cantu, & sine Psalmo, & ter adolet incenso. Interim omnia luminaria Ecclesiæ extinguuntur, ut de igne benedicto postmodum accendantur. Tum Diaconus indutus dalmatica albi coloris, accipit arundinem cum tribus candelis in summitatē illius triangulo distinctis. Præcedit thuriferarius cum Acolytho deferente in vase quinque grana incensi; sequitur Subdiaconus cum Cruce, & Clerus per ordinem: deinde Diaconus cum arundine post eum Celebrans. Cū Diaconus ingressus est Ecclesiam, inclinat arundinem, & Acolythus deferens candelam accensam de novo igne, accendit unam ex illis tribus candelis desuper positis: & Diaconus elevans arundinem, genuflectit, similiter & omnes alii cum eo, præter Subdiaconum Crucem ferentem: & cantat solus, Lumen Christi. R. Deo grācias.

Et procedens ad medium Ec-

clesiæ, ibi accenditur alia candela: & iterum genuflexus, ut supra, altius cantat, Lumen Christi. R. Deo grācias.

Tertiò procedit ante Altare ubi accenditur tertia candela: & rursum genuflexus ut prius, adhuc altius dicit: Lumen Christi. R. Deo grācias.

Deinde Celebrans ascendit ad Altare in cornu Epistolæ, & Diaconus dat arundinem uni Acolytho: & accipiens librum, petit à Celebrante benedictionem, ut sit ad Evangelium, Sacerdote dicente: Dōminus sit in corde tuo, & in labiis tuis: ut dignè & competenter annūnties suum Paschale præconiū: In nōmine Patris, & Filii, ✠ & Spīritus sancti, Amen.

Postea vadit ad pulpitum, & ponit super eo librum, & incensat. A dextris Diaconi stent Subdiaconus cum Cruce, & thuriferarius: à sinistris, duo Acolythi, ille qui tenet arundinem, & alius tenens in vase quinque grana incensi benedicti figenda in Cereo. Tunc, surgentibus omnibus, & stantibus, ut sit Evangelium, Diaconus cantat:

**E**Xultet jam Angélica turba cœlōrum: exultent divīna mystéria: & pro tanti Regis victōria, tuba infonet salutāris. Gāudeat & tellus tantis irradiāta fulgōribus: & ætérni Regis splendōre illustrata totius orbis se sentiat amisisse caliginem. Lætetur & mater Ecclēsia, tanti lūminis adornāta fulgōribus: & magnis populōrum vōcibus hæc aula resūltet. Quaprōpter adstāntes vos, fratres charīssimi, ad tam miram hujus sancti lūminis claritatem, unā mecum, quæso, Dei omnipotentis



téntis misericórdiam invocáte. Ut qui me non meis méritis intra Levitárum númerum dignátus est aggregáre: lúminis sui claritátem infúndens, Cérei hujus laudem implére perficiat. Per Dóminum nostrum Jesum Christum Fílium suum, qui cum eo vivit & regnat in unitáte Spíritus sancti Deus.

**P**ER ómnia sæcula sæculórum. *R.* Amen. *V.* Dóminus vobíscum. *R.* Et cum spíritu tuo. *V.* Sursum corda. *R.* Habémus ad Dóminum. *V.* Grátias agámus Dómino Deo nostro. *R.* Dignum & justum est. Verè dignum & justum est, invisibilem Deum Patrem omnipoténtem, Filiúmque ejus Unigénitum, Dóminum nostrum Jesum Christum, toto cordis ac mentis affectu, & vocis ministério personáre. Qui pro nobis ætérno Patri, Adæ débitum solvit: & véteris piáculi cautionem pio cruóre detérfit. Hæc sunt enim festa Paschália, in quibus verus ille Agnus occíditur, cujus ságuine postes fidélium consecrántur. Hæc nox est, in qua primùm patres nostros, filios Israél edúctos de Ægypto, Mare rubrum sicco vestígio transíre fecísti. Hæc igitur nox est, quæ peccatórum ténebras, colúmnæ illuminatione purgávit. Hæc nox est, quæ hódie per univérsum mundum, in Christo credéntes, à vítiis sæculi, & calígine peccatórum segregátos, reddit grátiae, sóciat sanctitáti. Hæc nox est, in qua destrúctis vínculis mortis, Christus ab ínferis victor ascéndit. Nihil enim nobis nasci prófuit,

nisi rédimi profuísset. O mira circa nos tuæ pietátis dignátio! O inæstimábilis dīlectio charitátis, ut servum redímeres, Fílium tradidisti! O certè necessárium Adæ peccátum, quod Christi morte delétum est! O felix culpa, quæ talem ac tantum méruit habére redemptórem! O verè beáta nox, quæ sola méruit scire tempus & horam, in qua Christus ab ínferis resurrexit! Hæc nox est, de qua scriptum est: Et nox sicut dies illuminábitur: Et nox illuminátio mea in delíciis meis. Hujus igitur sanctificátio noctis, fugat scélera, culpas lavat: & reddit innocentiam lapsis, & mæstis lætítiam. Fugat ódia, concórdiam parat, & curvat impéria.

*Hic Diaconus infigit quinque grana incensi benedicti in Cereo in modum Crucis.*

In hujus igitur noctis grátia, súscepe sancte Pater, incénsi hujus sacrificium vesperínium: quod tibi in hac Cérei oblatióne solémni, per ministrórum manus de opéribus apum, sacrosáncta reddit Ecclésia. Sed jam colúmnæ hujus præcónia nóvimus, quam in honórem Dei rútilans ignis accéndit.

*Hic Diaconus accendit Cereum cum una ex tribus candelis in arundine positis.*

Qui licèt sit divísus in partes, mutuáti tamen lúminis detriménta non novit. Alitur enim liquántibus ceris, quas in substantiam pretiósæ hujus lámpadis, apis mater edúxit.

*Hic accenduntur lampades.* O verè beáta nox, quæ expoliávit Ægyptios, ditávit Hebræ-



os ! Nox, in qua terrénis cœléstia, humánis divína junguntur. Oramus ergo te Dómine : ut Céreus iste in honórem tui nóminis consecrátus, ad noctis hujus caliginem destruéndam, indeficiens perseveret. Et in odórem suavitátis accéptus, supérnis lumináribus misceátur. Flammæ ejus lúcifer matutínus invéniat. Ille, inquam, lúcifer, qui nescit occásus. Ille, qui regréssus ab ínferis, humáno géneri ferénus illúxit. Precámur ergo te Dómine : ut nos fámulos tuos, omnémque clerum, & devotíssimum pópulum : unà cum beatíssimo Papa nostro N. & Antístite nostro N. quiéte témporum concéssa, in his Paschálibus gáudiis, assídua protectióne régere, gubernáre, & conserváre dignéris. Réspice étiam ad devotíssimum Regem nostrum N. cujus tu Deus desidérii vota prænóscens, ineffábili piétatis & misericórdiæ tuæ múnere, tranquillum perpétuæ pacis accómmoda : & cœlestem victóriam cum omni pópulo suo. Per eúndem Dóminum nostrum Jesum Christum Fílium tuum : Qui tecum vivit & regnat in unitáte Spíritus sancti Deus, per ómnia sæcula sæculórum. R. Amen.

¶ *Completa benedictione Cerei, Diaconus, depositis albis, sumit violacea paramenta, & vadit ad Celebrantem : qui exiit pluviali, & sumit manipulum & casulam violacei coloris. Postea leguntur Prophetiæ sine titulo : & Celebrans legit eas submissa voce ad Altare in cornu Epistolæ. In fine Prophetiarum*

*dicuntur Orationes modo subscripto. Antè, vel interim dum Prophetiæ leguntur, Presbyteri catechizent catechumenos baptizandos, & præparent ad baptismum.*

*Prophetia prima. Gen. 1.*

**I**N princípio creávit Deus cœlum, & terram. Terra autem erat inánis & vácuæ, & ténebræ erant super fáciem abyssi : & Spíritus Dei ferebátur super aquas. Dixítque Deus : Fiat lux. Et facta est lux. Et vidit Deus lucem, quòd esset bona : & divísit lucem à ténebris. Appellávitque lucem Diem, & ténebras Noctem : factúmque est vespere & manè, dies unus. Dixit quoque Deus : Fiat firmaméntum in médio aquárum : & dívidat aquas ab aquis. Et fecit Deus firmaméntum, divísitque aquas, quæ erant sub firmaménto, ab his quæ erant super firmaméntum. Et factum est ita. Vocávitque Deus firmaméntum, Cœlum. Et factum est vespere & manè, dies secúndus. Dixit verò Deus : Congrégentur aquæ, quæ sub cœlo sunt, in locum unum : & appáreat árida. Et factum est ita. Et vocávit Deus áridam, Terram : congregatiónesque aquárum appellávit Mária. Et vidit Deus, quòd esset bonum. Et ait : Gérmínet terra herbam viréntem, & faciéntem semen, & lignum pomíferum faciens fructum juxta genus suum, cujus semen in semetípso sit super terram. Et factum est ita. Et proutulit terra herbam viréntem,



tem, & faciéntem semen juxta genus suum, lignumque faciens fructum, & habens unumquodque seméntem secundum spéciem suam. Et vidit Deus, quòd esset bonum. Et factum est vespere & manè, dies tertius. Dixit autem Deus: Fiant luminária in firmamento cœli, & dívidant diem ac noctem, & sint in signa, & témpora, & dies, & annos: ut lúceant in firmamento cœli, & illúminent terram. Et factum est ita. Fecítque Deus duo luminária magna: lumináre majus, ut præesset diéi: & lumináre minus, ut præesset nocti: & stellas. Et pósuit eas in firmamento cœli, ut lucerent super terram, & præessent diéi ac nocti, & dividerent lucem ac ténebras. Et vidit Deus, quòd esset bonum. Et factum est vespere & manè, dies quartus. Dixit étiam Deus: Producant aquæ réptile animæ vivéntis, & volátile super terram sub firmamento cœli. Creavítque Deus Cete grándia, & omnem animam vivéntem, atque motábilem, quam produxerant aquæ in spécies suas, & omne volátile secundum genus suum. Et vidit Deus, quòd esset bonum. Benedixítque eis, dicens: Créscite, & multiplicámini, & repléte aquas maris: avésque multiplicéntur super terram. Et factum est vespere & manè, dies quintus. Dixit quoque Deus: Producat terra animam vivéntem in génere suo: juménta, & reptília, & béstias terræ secun-

dum spécies suas. Factúmque est ita. Et fecit Deus béstias terræ juxta spécies suas, & juménta, & omne réptile terræ in génere suo. Et vidit Deus, quòd esset bonum, & ait: Faciámus hóminem ad imáginem, & similitúdinem nostram: & prælit píceibus maris, & volatílibus cœli, & béstis, universæque terræ, omnique réptili, quod movétur in terra. Et creávit Deus hóminem ad imáginem suam: ad imáginem Dei creávit illum; másculum & féminam creávit eos. Benedixítque illis Deus, & ait: Créscite, & multiplicámini, & repléte terram, & subjícite eam, & dominámini píceibus maris, & volatílibus cœli, & univérſis animántibus, quæ movéntur super terram. Dixítque Deus: Ecce dedi vobis omnem herbam afferéntem semen super terram, & univérſa ligna, quæ habent in semetíplis seméntem géneris sui, ut sint vobis in escam, & cunctis animántibus terræ, omnique vólucris cœli, & univérſis, quæ movéntur in terra, & in quibus est ánima vivens, ut hábeant ad vescéndum. Et factum est ita. Vidítque Deus cuncta, quæ fécerat: & erant valdè bona. Et factum est vespere & manè, dies sextus. Igitur perfecti sunt cœli & terra, & omnis ornátus eórum. Complevítque Deus die séptimo opus suum, quod fécerat: & requiévit die séptimo ab univérſo ópere, quod patrárat.

*Qua completa, Sacerdos dicit:*  
Orémus. *Diaconus, Flectá-*  
Z 2 *mus*



mus gēnua. & *Subdiaconus*,  
Levāte.

*Oratio.*

**D**Eus, qui mirabīliter creāsti hōminem, & mirabīlius redemīsti: da nobis, quāsumus, contra oblectamēta peccāti, mentis ratione persistere: ut mereāmur ad ætēna gāudia pervenīre. Per Dōminum.

*Prophetia secunda. Gen. 5. & 6.*

**N**Oe verò cū quingentōrum esset annōrum, genuit Sem, Cham, & Japheth. Cūque cōpīssent hōmines multiplicāri super terram, & filias procreāssent, vidētes filii Dei filias hōminum, quōd essent pulchræ, accepērunt sibi uxōres ex omnibus, quas elegerant. Dixitque Deus: Non permanēbit spīritus meus in hōmine in ætēnum, quia caro est: erūntque dies illius centum vigīnti annōrum. Gigāntes autem erant super terram in diēbus illis. Postquam enim ingrēssi sunt filii Dei ad filias hōminum, illæque genuērunt, isti sunt potētes à sæculo viri famōsi. Videns autem Deus, quōd multa malītia hōminum esset in terra, & cuncta cogitatio cordis intēta esset ad malum omni tēpore, pōnituit eum, quōd hōminem fecīssset in terra. Et tactus dolore cordis intrīnsecūs: Delēbo, inquit, hōminem, quem creāvi, à faciē terræ, ab hōmine usque ad animāntiā, à réptili usque ad vólucres cœli. Pōnitet enim me fecīssse eos. Noe verē invēnit gratiam coram Dōmino. Hæc sunt generatiōnes Noe: Noe vir justus, atque perfēctus fuit in generatiōni-

būs suis, cum Deo ambulāvit. Et genuit tres filios, Sem, Cham, & Japheth. Corrūpta est autem terra coram Deo, & replēta est iniquitāte. Cūque vidīssset Deus terram esse corrūptam, (ōmnis quippe caro corrūperat viam suam super terram) dixit ad Noe: Finis univērsæ carnis venit coram me; replēta est terra iniquitāte à faciē eōrum, & ego dispērdam eos cum terra. Fac tibi arcam de lignis lævigātis: mansiūnculas in arca faciēs, & bitūmine līnies intrīnsecūs, & extrīnsecūs. Et sic faciēs eam: Trecentōrum cubitōrum erit longitūdo arcæ, quinquagīnta cubitōrum latitūdo, & trigīnta cubitōrum altitūdo illius. Fenēstram in arca faciēs, & in cubito cōsummābis summitātem ejus: ōstium autem arcæ pones ex latere: deōrsū cōspācula, & trīstega faciēs in ea. Ecce ego addūcam aquas dilūvii super terram, ut interficiam omnem carnem, in qua spīritus vitæ est subter cœlum. Univērfa, quæ in terra sunt, consumēntur. Ponāmque fœdus meum tecum: & ingrediēris arcam tu, & filii tui, uxor tua, & uxōres filiōrum tuōrum tecum. Et ex cunctis animāntibus univērsæ carnis bina indūces in arcam, ut vivant tecum: masculīni sexus & feminīni. De volūcribus juxta genus suum, & de jumētis in gēnere suo, & ex omni réptili terræ secūndū genus suum: bina de omnibus ingrediēntur tecum, ut possint vīvere. Tolles igitur tecum ex omnibus escis, quæ mandi possunt, & com-

portābis



portabis apud te : & erunt tam tibi, quam illis in cibum. Fecit igitur Noë omnia, quæ præcéperat illi Deus. Eratque sexcentorum annorum, quando diluvii aquæ inundaverunt super terram. Rupti sunt omnes fontes abyssi magnæ, & cataractæ cœli apertæ sunt : & facta est pluvia super terram quadraginta diebus & quadraginta noctibus. In articulo diēi illius ingressus est Noë, & Sem, & Cham, & Japheth filii ejus : uxor illius, & tres uxores filiorum ejus cum eis in arcam : ipsi, & omne animal secundum genus suum, universæque jumenta in genere suo, & omne quod movetur super terram in genere suo, cunctumque volatile secundum genus suum. Porro arca ferebatur super aquas. Et aquæ prævaluerunt nimis super terram : opertique sunt omnes montes excelsi sub universo cœlo. Quindecim cubitis altior fuit aqua super montes, quos operuerat. Consumptaque est omnis caro, quæ movebatur super terram, volucrum, animantium, bestiarum, omniumque reptilium, quæ reptant super terram. Remansit autem solus Noë, & qui cum eo erant in arca. Obtinueruntque aquæ terram centum quinquaginta diebus. Recordatus autem Deus Noë, cunctorumque animantium, & omnium jumentorum, quæ erant cum eo in arca, adduxit spiritum super terram, & imminutæ sunt aquæ. Et clausi sunt fontes abyssi, & cataractæ cœli : & prohibitæ sunt pluviae de

cœlo. Reversæque sunt aquæ de terra euntes, & redeuntes : & coeperunt minui post centum quinquaginta dies. Cumque transissent quadraginta dies, aperiens Noë fenestram arcæ, quam fecerat, dimisit corvum : qui egrediebatur, & non revertebatur, donec siccarerentur aquæ super terram. Emisit quoque columbam post eum, ut videret si jam cessassent aquæ super faciem terræ. Quæ cum non invenisset ubi requiesceret pes ejus, reversa est ad eum in arcam : aquæ enim erant super universam terram : extenditque manum, & apprehensam intulit in arcam. Expectatis autem ultra septem diebus aliis, rursum dimisit columbam ex arca. At illa venit ad eum ad vespæram, portans ramum olivæ virentibus foliis in ore suo. Intelléxit ergo Noë, quod cessassent aquæ super terram. Expectavitque nihilominus septem alios dies : & emisit columbam, quæ non est reversa ultra ad eum. Locutus est autem Deus ad Noë, dicens : Egrédere de arca tu, & uxor tua, filii tui, & uxores filiorum tuorum tecum. Cuncta animantia, quæ sunt apud te, ex omni carne, tam in volatilibus, quam in bestiis, & universis reptilibus, quæ reptant super terram, educ tecum, & ingredimini super terram : crescite, & multiplicamini super eam. Egressus est ergo Noë, & filii ejus ; uxor illius, & uxores filiorum ejus cum eo. Sed & omnia animantia, jumenta, & reptilia, quæ reptant super terram secundum genus suum, egressa sunt de



de arca. *Ædificávit* autem Noe altáre Dómino: & tollens de cunctis pecóribus, & volúcribus mundis, obtulit holocáusta super altáre. Odo- ratúsque est Dóminus odórem suavitátis. Orémus. Flectá- mus génua. *R.* Leváte.

*Oratio.*

**D**Eus, incommutábilis vir- tus, & lumen ætérnum, réspice propítius ad totíus Ec- clésiæ tuæ mirábile sacramén- tum, & opus salutis humanæ, perpétuæ dispositiónis efféctus tranqúilliús operáre, totús- que mundus experiátur, & vídeat, dejécta érigi, invete- ráta renovári, & per ipsum redíre ómnia in íntegrum, à quo sumpsére princípium, Dó- minum nostrum Jesum Chris- tum Fílium tuum. Qui te- cum.

*Prophetia tertia. Gen. 22.*

**I**N diébus illis: Tentávit Deus Abraham, & dixit ad eum: Abraham, Abraham. At ille respóndit: Adsum. Ait illi: Tolle filium tuum unigéni- tum, quem díligis, Isaac, & vade in terram visiónis: atque ibi ófferes eum in holocáu- stum super unum móntium, quem monstrávero tibi. Igítur Abraham de nocte confúr- gens, stravit ásinum suum: ducens secum duos júvenes, & Isaac filium suum: cùmque concidíffet ligna in holocáu- stum, ábiit ad locum, quem præcéperat ei Deus. Die au- tem tértio, elevátis óculis, vi- dit locum procul: dixítque ad púeros suos: Expectáte híc cum ásino: ego & puer illuc usque properánte, postquam adoravérimus, revertémur ad

vos. Tulit quoque ligna holo- cáusti, & impósuit super Isaac filium suum: ipse verò portá- bat in mánibus ignem & glá- dium. Cùmque duo pérgerent simul, dixit Isaac patri suo: Pater mi. At ille respóndit: Quid vis fili? Ecce, inquit, ignis, & ligna: ubi est víctima holocáusti? Dixit autem Ab- raham: Deus providébit sibi víctimam holocáusti, fili mi. Pergébant ergo páriter: & ve- nérunt ad locum, quem ostén- derat ei Deus, in quo ædificá- vit altáre, & désuper ligna compósuit: cùmque alligáffet Isaac filium suum, pósuit eum in altáre super struem lignó- rum. Extendítque manum, & arrípuit gládium, ut immo- láret filium suum. Et ecce Angelus Dómini de cœlo cla- mávit, dicens: Abraham, Ab- raham. Qui respóndit: Ad- sum. Dixítque ei: Non extén- das manum tuam super púe- rum, neque fácias illi quid- quam: nunc cognóvi, quòd times Deum, & non peper- cisti unigénito filio tuo propter me. Levávit Abraham ócu- los suos, vidítque post tergum arietem inter vepres hæren- tem cór nibus, quem assúmens obtulit holocáuustum pro filio. Appellavítque nomen loci il- líus, Dóminus videt. Unde usque hódie dicitur: In mon- te Dóminus vidébit. Vocávit autem Angelus Dómini Abra- ham secúndò de cœlo, dicens: Per memetípsum jurávi, dicit Dóminus: quia fecísti hanc rem, & non pepercísti filio tuo unigénito propter me: be- nedícam tibi, & multiplicábo semen tuum sicut stellas cœli, & ve-



& velut arénam, quæ est in litore maris: possidebit semen tuum portas inimicorum suorum, & benedicentur in semine tuo omnes gentes terræ, quia obedisti voci meæ. Reversus est Abraham ad pueros suos, abieruntque Bersabee simul, & habitavit ibi.

Orémus. Flectamus genua.

R. Levate. Oratio.

**D**Eus, fidelium Pater summe, qui in toto orbe terrarum, promissionis tuæ filios diffusa adoptionis gratia multiplicas; & per Paschale sacramentum, Abraham puerum tuum universarum, sicut jurasti, Gentium efficis patrem: ac populis tuis dignè ad gratiam tuæ vocationis introire. Per Dominum.

*Prophetia quarta. Exod. 14. f.*

**I**N diebus illis: Factum est in vigilia matutina, & ecce respiciens Dominus super castra Ægyptiorum per columnam ignis & nubis, interfecit exercitum eorum, & subvertit rotas currum, ferebanturque in profundum. Dixérunt ergo Ægyptii: Fugiamus Israël: Dominus enim pugnat pro eis contra nos. Et ait Dominus ad Moysen: Extende manum tuam super mare, ut revertantur aquæ ad Ægyptios super currus & equites eorum. Cumque extendisset Moyses manum contra mare, reversum est primo diluculo ad priorem locum: fugientibusque Ægyptiis occurrerunt aquæ, & involvit eos Dominus in mediis fluctibus. Reversæque sunt aquæ, & operuerunt currus & equites cuncti exercitus Pharæonis, qui sequentes in-

gressi fuerant mare: nec unus quidem superfuit ex eis. Filii autem Israël perrexerunt per medium ficci maris, & aquæ eis erant quasi pro muro à dextris & à sinistris: liberavitque Dominus in die illa Israël de manu Ægyptiorum. Et viderunt Ægyptios mortuos super littus maris, & manum magnam, quam exercuerat Dominus contra eos: timuitque populus Dominum, & crediderunt Domino, & Moysi servo ejus. Tunc cecinit Moyses, & filii Israël carmen hoc Domino, & dixerunt.

*Tractus. Exod. 15. Cantemus Domino: gloriósè enim honorificatus est: equum & ascensorem projecit in mare: adjutor & protector factus est mihi in salutem. V. Hic Deus meus, & honorificabo eum: Deus patris mei, & exaltabo eum. V. Dominus conterens bella: Dominus nomen est illi.*

Orémus. Flectamus genua.

R. Levate. Oratio.

**D**Eus, cujus antiqua miracula etiam nostris sæculis coruscare sentimus, dum quod uni populo, à persecutione Ægyptiaca liberando, dexteræ tuæ potentia contulisti, id in salutem Gentium per aquam regenerationis operaris: præsta, ut in Abrahamæ filios, & in Israeliticam dignitatem, totius mundi transeat plenitudo. Per Dominum.

*Prophetia quinta. Is. 54. g.*

**H**Æc est hæreditas servorum Domini, & justitia eorum apud me, dicit Dominus. Omnes sitiéntes veníte ad aquas: & qui non habétis argentum, properáte, émite, & comé-



comédite. Veníte, émite absque argénto, & absque ulla commutatióne vinum & lac. Quare appénditis argéntum non in pánibus, & labórem vestrum non in saturitatē? Audíte audiéntes me, & comédite bonum, & delectábitur in crafítudine ánimavestra. Inclínate aurem vestram: & veníte ad me: audíte, & vivet ánimavestra, & fériam vobíscum pactum sempitérnum, misericórdias David fideles. Ecce testem pópulis dedi eum, ducem ac præceptórem Géntibus. Ecce Gentem, quam nesciēbas, vocábis; & Gentes, quæ te non cognovérunt, ad te current propter Dóminum Deum tuum, & Sanctum Israël, quia glorificávit te. Quærite Dóminum, dum inveníri potest: invocáte eum, dum propè est. Derelinquat impius viam suam, & vir iníquus cogitatiónes suas, & revertátur ad Dóminum, & miserébitur ejus; & ad Deum nostrum: quóniam multus est ad ignoscéndum. Non enim cogitatiónes meæ cogitatiónes vestræ: neque viæ vestræ, viæ meæ, dicit Dóminus. Quia sicut exaltántur cœli à terra, sic exaltatæ sunt viæ meæ à viis vestris, & cogitatiónes meæ à cogitatió nibus vestris. Et quómodo descendit imber & nix de cœlo, & illuc ultrà non revértitur, sed inébriat terram, & infúndit eam, & germináre eam facit, & dat semen ferénti, & panem comedénti: Sic erit verbum meum, quod egrediétur de ore meo: non revertétur ad me vácuum, sed fáciat quæcúmque vóluit, & prosperábitur in his, ad

quæ misi illud: dicit Dóminus omnipotens.

Orémus. Flectámus gēnua.

R. Leváte.

Oratio.

**O**Mnípotens sempitérne Deus, multiplica in honórem nóminis tui, quod patrum fidei spopondísti, & promissiónis filios sacra adoptiône diláta: ut quod prióres sancti non dubitavérunt futurum, Ecclesiá tua magna jam ex parte cognóscat implé-  
tum. Per Dóminum.

*Prophetia sexta. Baruch 33. c.*

**A**Udi Israël mandata vitæ: áuribus pécipe, ut scias prudéntiam. Quid est Israël, quòd in terra inimicórum es? inveterásti in terra aliéna, co-  
inquinátus es cum mórtuis, deputátus es cum descendéntibus in inférnum. Dereliquísti fontem sapiéntiæ. Nam si in via Dei ambulásses, habitásses útique in pace sempitérna. Disce ubi sit prudéntia, ubi sit virtus, ubi sit intelléctus: ut scias simul ubi sit longitúr-  
nitásvitæ, & victus, ubi sit lumen oculórum, & pax. Quis invénit locum ejus? & quis intrávit in thesáuros ejus? Ubi sunt príncipes Géntium, & qui domínantur super béstias, quæ sunt super terram? qui in ávibus cœli ludunt, qui argéntum thesaurizant & aurum, in quo confidunt hómínes, & non est finis acquisitionis eorum? Qui argéntum fábricant, & solíciti sunt, nec est invéntio óperum illórum. Extermináti sunt, & ad inferos descendérunt, & alii loco eórum surrexérunt. Juvenes vidérunt lumen, & habitavérunt super terram: viam autem disciplínæ ignoravérunt



tunt, neque intellexérunt sémitas ejus, neque filii eorum suscepérunt eam, à fácie ipsórum longè facta est: non est audíta in Terra Chanaan, neque visa est in Theman. Fílii quoque Agar, qui exquírunt prudéntiam, quæ de terra est, negotiatóres Merrhæ, & Theman, & fabulatóres, & exquisitóres prudéntiæ & intelligéntiæ: viam autem sapiéntiæ nesciérunt, neque commemoráti sunt sémitas ejus. O Israël, quàm magna est domus Dei, & ingens locus possessiõnis ejus! Magnus est, & non habet finem: excélsus, & imménsus. Ibi fuérunt gigántes nomináti illi, qui ab inítio fuérunt, statúra magna, sciéntes bellum. Non hos elégit Dóminus, neque viam disciplínæ invenérunt: propterea periérunt. Et quóniam non habuérunt sapiéntiam, interiérunt propter suam insipiéntiam. Quis ascéndit in cœlum, & accépit eam, & edúxit eam de núbibus? Quis transfretávit mare, & invénit illam, & áttulit illam super aurum eléctum? Non est qui possit scire vias ejus, neque qui exquírat sémitas ejus: sed qui scit univérsa, novit eam, & adinvénit eam prudéntia sua: qui præparávit terram in ætérno témpore, & replévit eam pecúdibus & quadrupédibus: qui emíttit lumen, & vadit: & vocávit illud, & obédit illi in tremóre. Stellæ autem dedérunt lumen in custódiis suis, & lætátæ sunt: vocátæ sunt, & dixerunt: Adsumus: & luxérunt

ei cum jucunditáte, qui fecit illas. Hic est Deus noster, & non æstimábitur álius advérsus eum. Hic adinvénit omnem viam disciplínæ, & tradidit illam Jacob púero suo, & Israël dilécto suo. Post hæc in terris visus est, & cum homínibus conversátus est.

Orémus. Flectámus génua: & Leváte.

*Oratio:*

**D**Eus, qui Ecclesiám tuam semper Géntium vocatióne multiplicas: concéde propítius; ut quos aqua baptísmatis ábluis, continúa protectiõe tueáris. Per Dóminum nostrum.

*Prophetia septima. Ezech. 37.*

**I**N diébus illis: Facta est super me manus Dómini: & edúxit me in spíritu Dómini: & dimísit me in médio campi, qui erat plenus óssibus. Et circumdúxit me per ea in gyro. Erant autem multa valdè super fáciem campi, siccaque vehementer. Et dixit ad me: Fili homínis, putásne vivent ossa ista? Et dixi: Dómine Deus, tú nosti. Et dixit ad me: Vaticináre de óssibus istis: & dices eis: Ossa árida audíte verbum Dómini. Hæc dicit Dóminus Deus óssibus his: Ecce ego intro mittam in vos spíritum, & vivétis. Et dabo super vos nervos, & succrésce faciam super vos carnes, & superexténdam in vobis cutem: & dabo vobis spíritum, & vivétis, & sciétis quia ego Dóminus. Et prophetávi, sicut præcéperat mihi: factus est autem sónitus, prophetánte me, & ecce commótiõ: & accessérunt ós-



sa ad ossa, unumquodque ad juncturam suam. Et vidi, & ecce super ea nervi, & carnes ascenderunt, & extenta est in eis cutis desuper, & spiritum non habebant. Et dixit ad me: Vaticinare ad spiritum, vaticinare fili hominis, & dices ad spiritum: Hæc dicit Dominus Deus: A quatuor ventis veni spiritus, & infusa super interfectos istos, & revivificent. Et prophetavi sicut præceperat mihi: & ingressus est in ea spiritus, & vixerunt: steteruntque super pedes suos exercitus grandis nimis valde. Et dixit ad me: Fili hominis ossa hæc universa, domus Israël est: ipsi dicunt, Aruerunt ossa nostra, & periit spes nostra, & abscissi sumus. Propterea vaticinare, & dices ad eos: Hæc dicit Dominus Deus: Ecce ego aperiam tumulos vestros, & educam vos de sepulchris vestris, populus meus: & inducam vos in terram Israël. Et sciētis, quia ego Dominus, cum aperuerō sepulchra vestra, & educerō vos de tumulis vestris, popule meus. Et dederō spiritum meum in vobis, & vixeritis & requiescere vos faciam super humum vestram: dicit Dominus omnipotens.

Orémus. Flectamus genua.

R. Levate.

*Oratio.*

**D**Eus, qui nos ad celebrandum Paschale sacramentum, utriusque testamenti paginis instruis: da nobis intelligere misericordiam tuam, ut ex perceptione præsentium munerum, firma sit expectatio futurorum. Per Dominum.

*Prophetia octava.*

*Isaie 4.*

**A**pprehendent septem mulieres virum unum in die illa, dicentes: Panem nostrum comedemus, & vestimentis nostris operiemur: tantummodo invocetur nomen tuum super nos, aufer opprobrium nostrum. In die illa erit germen Domini in magnificentia, & gloria, & fructus terræ sublimis, & exultatio his, qui salvati fuerint de Israël. Et erit: Omnis qui relictus fuerit in Sion, & residuus in Jerusaleme, sanctus vocabitur, omnis qui scriptus est in vita in Jerusaleme. Si abluerit Dominus fordes filiarum Sion, & sanguinem Jerusaleme laverit de medio ejus in spiritu judicii, & spiritu ardoris. Et creabit Dominus super omnem locum montis Sion, & ubi invocatus est, nubem per diem, & fumum & splendorem ignis flammantis in nocte: super omnem enim gloriam protectio. Et tabernaculum erit in umbraculum diei ab æstu, & in securitatem, & absconfionem à turbine, & à pluvia.

*Tractus. Is. 5.* Vinea facta est dilecto in cornu, in loco uberi.

✠. Et maceriam circumdedit, & circumfodit: & plantavit vineam Sorec, & ædificavit turrem in medio ejus.

✠. Et torcular fodit in ea: vinea enim Domini Sabaoth, domus Israël est.

Orémus. Flectamus genua.

R. Levate.

*Oratio.*

**D**Eus, qui in omnibus Ecclesiæ tuæ filiis, sanctorum



rum Prophetarum voce manifestasti, in omni loco dominationis tuæ, fatorem te bonorum seminum, & electorum palmitum esse cultorem: tribue populis tuis, qui & vinearum apud te nomine censentur, & segetum; ut, spinarum & tribulorum squalore refectato, digna efficiantur fruge fecundi. Per Dominum.

*Prophetia nona.*

*Exod. 12.*

**I**N diebus illis: Dixit Dominus ad Moysen & Aaron in terra Ægypti: Mensis iste, vobis principium mensium: primus erit in mensibus anni. Loquimini ad universum coetum filiorum Israël, & dicite eis: Décima die mensis hujus tollat unusquisque agnum per familias & domos suas. Sin autem minor est numerus, ut sufficere possit ad vescendum agnum, assumet vicinum suum, qui junctus est domui suæ, juxta numerum animarum, quæ sufficere possunt ad esum agni. Erit autem agnus absque macula, masculus, anniculus: juxta quem ritum tollétis & hœdum. Et servábitis eum usque ad quartamdecimam diem mensis hujus, immolábitque eum universa multitudo filiorum Israël ad vespèram. Et sument de sanguine ejus, ac ponent super utrúque postem, & in super liminibus domorum, in quibus comedent illum. Et edent carnes nocte illa assas igni, & ázimos panes cum lactúcis agréstibus. Non comedétis ex eo crudum quid, nec coctum aqua, sed tantum assum igni: caput cum pedibus ejus & in-

testinis vorábitis. Nec remanébit quidquam ex eo usque manè. Si quid residuum fuerit, igne comburétis. Sic autem comedétis illum: Renes vestros accingétis, & calceamenta habébitis in pedibus, tenéntes báculos in manibus, & comedétis festinánter: est enim Phase (id est tránsito) Domini.

Orémus. Flectámus gœna.  
R. Leváte. *Oratio.*

**O**Mnipotens sempitérne Deus, qui in ómnium óperum tuórum dispensatióne mirábilis es: intélligant redempti tui, non fuísse excellentius, quòd inítio factus est mundus, quàm quòd in fine sæculórum Pascha nostrum immolátus est Christus. Qui tecum vivit,

*Prophetia decima.*

*Jonæ 3.*

**I**N diebus illis: Factum est verbum Domini ad Jonam, prophétam secúndò, dicens: Surge, & vade in Nínivem civitátem magnam: & prædica in ea prædicatióem, quam ego loquor ad te. Et surrexit Jonas, & abiit in Nínivem juxta verbum Domini. Et Nínive erat civitas magna itinere dierum trium. Et cœpit Jonas introire in civitátem itinere diéi unius: & clamávit, & dixit: Adhuc quadraginta dies, & Nínive subvertétur. Et crediderunt viri Ninivítæ in Deum: & prædicavérunt jejúnium, & vestíti sunt saccis a majóre usque ad minórem. Et pervénit verbum ad regem Nínive: & surrexit de solio suo, & abjécit vestiméntum suum.



à se, & indútus est sacco, & sedit in cínere. Et clamávit, & dixit in Nínive ex ore regis, & príncipum ejus, dicens: Hómines, & juménta, & boves, & pécora non gustent quídquam: nec pascántur, & aquam non bibant. Et operiántur faccis hómines, & juménta, & clament ad Dóminum in fortitúdine, & convertátur vir à via sua mala, & ab iniquitáte, quæ est in mánibus eórum. Quis scit si convertátur, & ignóscat Deus, & revertátur à furóre iræ suæ, & non peribimus? Et vidit Deus ópera eórum, quia convérsti sunt de via sua mala: & misértus est pópulo suo Dóminus Deus noster.

Orémus. Flectámus génua.

R. Leváte.

*Oratio.*

**D**Eus, qui diversitátem Géntium in confessióne tui nóminis adunásti: da nobis & velle, & posse quæ præcipis; ut pópulo ad æternitátem vocáto, una sit fides méntium, & píetas actiónum. Per Dóminum.

*Prophetia undecima.*

*Deut. 31. f.*

**I**N diébus illis: Scripsit Móyses cánticum, & dócuit filios Israél. Præcepítque Dóminus Jósue filio Nun, & ait: Confortáre, & esto robústus: tu enim introduces filios Israél in terram, quam pollicitus sum, & ego ero tecum. Postquam ergo scripsit Móyses verba legis hujus in volúmine, atque complévit, præcepit Levítis, qui portábant arcam foederis Dómini, dicens, Tóllite librum istum, & pónite eum in latere arcæ foederis

Dómini Dei vestri: ut sit ibi contra te in testimónium. Ego enim scio contentiónem tuam, & cervícem tuam duríssimam. Adhuc vivénte me, & ingrediénte vobíscum, semper contentiósè egístis contra Dóminum: quantò magis cum mórtuus fúero? Congregáte ad me omnes majóres nati per tribus vestras, atque doctóres, & loquar audiéntibus eis sermónes istos: & invocábo contra eos cælum & terram. Novi enim, quòd post mortem meam iniqué agétis, & declinábitis citò de via, quam præcépi vobis: & occurrent vobis mala in extremo témpore, quando feceritis malum in conspéctu Dómini, ut irritétis eum per ópera mánuum vestrarum. Locútus est ergo Móyses, audiénte univérso cœtu Israél, verba carminis hujus, & ad finem usque complévit.

*Tractus. Deuter. 32.* Atténde cælum, & loquar: & áudiat terra verba ex ore meo. V. Expectétur sicut plúvia elóquium meum: & descéndant sicut ros verba mea. V. Sicut imber super gramen, & sicut nix super fœnum: quia nomen Dómini invocábo.

V. Date magnitúdinem Deo nostro: Deus, vera ópera ejus, & omnes viæ ejus judícia.

V. Deus fidélis, in quo non est iníquitas: justus & sanctus Dóminus.

Orémus. Flectámus génua.

R. Leváte.

*Oratio.*

**D**Eus celsitúdo humílium, & fortitúdo rectórum, qui per sanctum Móysen puerum tuum, ita erudire pópulum



lum tuum sacri cārminis tui decantatiōne voluisti, ut illa legis iteratiō, fieret etiā nostra directiō: excita in omnem justificatārum Gēntium plenitudinem potētiā tuā, & da lētitiā, mitigādo terrorem; ut omnium peccātis tua remissiōne delētis, quod denuntiātum est in uliōnem, trāseat in salutē. Per Dōminum.

*Prophetia duodecima.*

*Dan. 3.*

**I**N diēbus illis: Nabuchodonosor rex fecit statūam aureā altitudinē cubitorum sexaginta, latitudinē cubitorum sex, & statuit eam in campo Dura provinciæ Babylonis. Itaque Nabuchodonosor rex misit ad congregandos sātropas, magistrātus, & iudices, duces, & tyrānnos, & præfēctos, omnesque principes regiōnum, ut convenirent ad dedicatiōnem, statūæ, quam erēxerat Nabuchodonosor rex. Tunc congregati sunt sātropæ, magistrātus, & iudices, duces, & tyrānni, & optimātes, qui erant in potestātibus constituti, & universi principes regiōnum, ut convenirent ad dedicatiōnem statūæ, quam erēxerat Nabuchodonosor rex. Stabant autem in conspectu statūæ, quam posuerat Nabuchodonosor rex: & præco clamabat valēter: Vobis dicitur pōpulis, tribubus, & linguis: In hora, qua audieritis sōnitum tubæ, & fistulæ, & citharæ, sambūcæ, & psalterii, & symphoniæ, & universi generis musicōrum, cadētes a-

dorate statūam aureā, quam constituit Nabuchodonosor rex. Si quis autem non prostratus adoraverit, eādē hora mittetur in fornācem ignis ardētis. Post hæc igitur statim, ut audierunt omnes pōpuli sōnitum tubæ, fistulæ, & citharæ, sambūcæ, & psalterii, & symphoniæ, & omnis generis musicōrum, cadētes omnes pōpuli, tribus, & linguæ adoraverunt statūam aureā, quam constituerat Nabuchodonosor rex. Statimque in ipso tempore accedētes viri Chaldæi accusaverunt Judæos: dixeruntque Nabuchodonosor regi: Rex in ætēnum vive: tu rex posuisti decretum, ut omnis homo, qui audierit sōnitum tubæ, fistulæ, & citharæ, sambūcæ, & psalterii, & symphoniæ, & universi generis musicōrum, prosternat se, & adoret statūam aureā: si quis autem non prōcidens adoraverit, mittatur in fornācem ignis ardētis. Sunt ergo viri Judæi, quos constituisti super ōpera regiōnis Babylonis, Sidrach, Misach, & Abdénago: viri isti contempserunt, rex, decretum tuum: deos tuos non colunt, & statūam aureā, quam erexisti, non adorant. Tunc Nabuchodonosor in furōre & in ira præcepit, ut adducerentur Sidrach, Misach, & Abdénago: qui confestim adducti sunt in conspectu regis. Pronuntiānsque Nabuchodonosor rex, ait: Verē ne Sidrach, Misach, & Abdénago deos meos non colitis, & statūam aureā, quam constitui, non adoratis? Nunc ergo,



go, si estis parati, quacúmque hora audiéritis sónitum tubæ, fistulæ, cítharæ, sambúcæ, & psaltérii, & symphoníæ, omnísq; generis musicórum, prostérnite vos, & adoráte státuam, quam feci: quòd si non adoravéritis, eádem hora mittémini in fornácem ignis ardéntis: & quis est Deus, qui erípiet vos de manu mea? Respondéntes Sidrach, Misach, & Abdénago, dixerunt regi Nabuchodónosor: Non opórtet nos de hac re respondere tibi. Ecce enim Deus noster, quem cólimus, potest erípere nos de camíno ignis ardéntis, & de mánibus tuis, ò rex, liberáre. Quòd si nolúerit, notum sit tibi, rex, quia deos tuos non cólimus, & státuam áuream, quam erexísti, non adorámus. Tunc Nabuchodónosor replétus est furóre: & aspéctus facièi illíus immutátus est super Sidrach, Misach, & Abdénago, & præcepit, ut succenderétur fornax séptuplum, quàm succéndi consuéverat. Et viris fortíssimis de exercitu suo iussit, ut ligátis pédibus Sidrach, Misach, & Abdénago, mitterent eos in fornácem ignis ardéntis. Et conféstim viri illi vincti cum braccis suis, & tiáris, & calceaméntis, & véstibus missi sunt in médium fornácis ignis ardéntis. Nam jússio regis urgebat: fornax autem succénsa erat nimis. Porrò viros illos, qui miserant Sidrach, Misach, & Abdénago, interfécit flamma ignis. Viri autem hi tres, id est, Sidrach,

Misach, & Abdénago, ceciderunt in médio camíno ignis ardéntis, colligáti. Et ambulábant in médio flammæ laudántes Deum, & benedicétes Dómino.

*Hic non dicitur, Flectámus génuá, sed tantum, Orémus.*

*Oratio.*

**O**Mnípotens sempitérne Deus, spes única mundi, qui Prophetárum tuórum præcónio, præsentium téporum declarásti mystéria: auge pópuli tui vota placátus, quia in nullo fidélium, nisi ex tua inspiratióne, provéniunt quarúmlibet incrementa virtútum. Per Dóminum nostrum, &c.

*His expletis, si Ecclesia habuerit fontem Baptismalem, Sacerdos benedícturus fontem, accipit pluviale violaceum, & præcedente Cruce cum candelabris, & Cereis benedícto accenso, descendit cum Clero & ministris paratis ad Fontem: & interim cantatur sequens:*

*Traetus. Psalmus 41.* Sicut cervus desíderat ad fontes aquárum, ita desíderat ánima mea ad te, Deus.

*℣.* Sitívit ánima mea ad Deum vivum: quando véniam, & apparébo ante fáciem Dei?

*℣.* Fuérunt mihi lácrymæ meæ panes die ac nocte, dum dicitur mihi per síngulos dies: Ubi est Deus tuus?

*Deinde Sacerdos antequam intret ad benedíctionem fontis, dicit hanc Orationem juxta fontem.*

*℣.* Dóminus vobíscum.

*℟.* Et cum spíritu tuo.

*Oré-*



Orémus.

Oratio.

**O**Mnípotens, sempitérne Deus, réspice propítius ad devotíonem pópuli renascéntis, qui sicut cervus, aquárum tuárum éxpetit fontem: & concéde propítius; ut fidei ipsíus sitis, baptísmatis mystério ánimam corpúsque sanctíficet. Per Dóminum nostrum, &c. *R.* Amen.

*Postea procedit ad benedictionem Fontis, dicens v. Dóminus vobíscum.*

*R.* Et cum spírítu tuo.

Orémus.

Oratio.

**O**Mnípotens sempitérne Deus, adésto magnæ pietátis tuæ mystériis, adésto sacraméntis: & ad recreándos novos pópulos, quos tibi fons baptísmatis párturit, Spíritum adoptiónis emitte: ut quod nostræ humilitátis geréndum est ministério, virtútis tuæ impléatur efféctu. Per Dóminum nostrum, in unitáte ejúsdem Spíritus sancti Deus.

*Elevans vocem in modum Præfationis, prosequitur:*

**P**ER ómnia sæcula sæculórum. *R.* Amen.

*v.* Dóminus vobíscum. *R.* Et cum spírítu tuo. *v.* Sursum corda. *R.* Habémus ad Dóminum. *v.* Grátias ágámus Dómino Deo nostro. *R.* Dignum & justum est. Verè dignum & justum est, æquum & salutáre; nos tibi semper, & ubique grátias ágere: Dómine sancte, Pater omnípotens, ætérne Deus. Qui invisíbili poténtia, sacramentórum tuórum mirábiliter operáris efféctum: Et licèt nos tantis mystériis exequéndis símus indigni: tu tamen grá-

tiæ tuæ dona non déferens, étiam ad nostras preces, aures tuæ pietátis inclínas. Deus, cujus Spíritus super aquas, inter ipsa mundi primórdia ferebátur: ut jam tunc virtútem sanctificatiónis, aquárum nátura concíperet. Deus, qui nocéntis mundi crímina per aquas ábluens, regeneratiónis spéciem in ipsa dilúvii effusióne signásti: ut uníus ejúsdémque eleménti mystério, & finis esset vítiis, & orígo virtútibus. Réspice Dómine in fáciem Ecclesiæ tuæ, & multiplica in ea regeneratiónes tuas, qui grátie tuæ affluéntis ímpetu lætíficas civitátem tuam: fontémque baptísmatis áperis tóto orbe terrárum Géntibus innovándis, ut tuæ majestátis império, sumat Unigéniti tui grátiam de Spírítu sancto.

*Hic Sacerdos manu extensa dividit aquam in modum crucis, & eam statim linteo extergit, dicens:*

Qui hanc aquam regenerándis homínibus præparáram, arcána sui núminis admixtióne fecúndet, ut sanctificatióne concépta, ab immaculáto divíni fontis útero, in novam renáta creaturam, progénies coeléstis emérgat: Et quos aut sexus in corpore, aut ætas discérnit in témpore, omnes in unam páriat grátia mater infántiam. Procul ergo hinc, jubénte te Dómine, omnis spíritus immúndus abscedat: procul tota nequítia diabólicæ fraudis absístat. Nihil híc loci hábeat contrariæ virtútis admixtio: non infidiádo circúmvolet: non laténdo



téndo subrépat: non inficién-  
do corrúmpat.

*Aquam manu tangit.*

Sit hæc sancta & innocens creatúra, líbera ab omni impugnatóris incúrso, & totíus nequítiae purgáta discéssu. Sit fons vivus, aqua regénerans, unda puríficans: ut omnes hoc lavácro salutífero diluéndi, operánte in eis Spíritu sancto, perfect. purgatiónis indulgéntiam consequántur.

*Facit tres cruces supra fontem, dicens:*

Unde benedíco te creatúra aquæ; per Deum ✠ vivum, per Deum ✠ verum, per Deum ✠ sanctum: per Deum, qui te in princípío, verbo separávit ab árida, cujus spíritus super te ferebátur.

*Hic manu aquam dividit, & effundit eam versus quatuor mundi partes dicens:*

Qui te de paradísi fonte manáre fecit, & in quatuor flumínibus totam terram rigáre præcépit. Qui te in desérto amáram, suavitate índita fecit esse potábilem, & sitiénti pópulo de petra prodúxit. Be ✠ nedíco te & per Jesum Christum Fílium ejus únícum, Dóminum nostrum: qui te in Cana Galilææ signo admirábili, sua poténtia convertit in vinum. Qui pédibus super te ambulávit: & à Joánnē in Jordáne in te baptizátus est. Qui te unà cum ságuine de látere suo prodúxit: & discípulis suis iussit, ut credéntes baptizaréntur in te, dicens: Ite, docéte omnes Gentes, baptizántes eos in nó-

mine Patris, & Fílii, & Spíritus sancti.

*Mutat vocem, & prosequitur in tono Lectiōis:*

**H**Æc nobis præcépta servantibus, tu Deus omnipotens clemens adésto: tu benígnus adspíra. *Halat ter in aquam in modum Crucis, dicens:* Tu has simplices aquas tuo ore benedícito: ut præter naturálem emundatiónem, quam lavándis possunt adhibére corpóribus, sint étiam purificándis méntibus efficaces.

*Hic Sacerdos paululū demittit Cereum in aquam: & resūmens tonum Præfationis, dicit:*

Descéndat in hanc plenitudinem fontis, virtus Spíritus sancti.

*Deinde extractum Cereum de aqua, iterum profundius mergit, aliquantò altiùs repetens, Descéndat in hanc. Postea Cereum rursus de aqua extractum, tertio immergens usque ad fundum, altiori adhuc voce repetit, Descéndat. ut supra. Et deinde sufflans ter in aquam, secundum hanc figuram ✠, prosequitur:*

Totámque hujus aquæ substantiam, regenerándi fecúndet effectū.

*Hic tollitur Cereus de aqua, & prosequitur:*

Hic ómnium peccatórum máculæ deleántur: hic natúra ad imáginem tuam cóndita, & ad honórem sui reformáta princípíi, cunctis vetústátis squalóribus emundétur: ut omnis homo sacraméntum hoc regeneratiónis ingrédus, in veræ innocentiae novam infántiam renascátur.



*Sequentia dicit legendo :*

Per Dóminum nostrum Jesum Christum Fílium tuum : qui ventúrus est judicáre vivos & mórtuos, & sæculum per ignem. *R.* Amen.

Deinde per assistentes Sacerdotes spárgitur de ipsa aqua benedicta super populum. Et interim unus ex ministris Ecclesiæ accipit in vase aliquo de eadem aqua, ad aspergendum in domibus, & aliis locis. His peractis, Sacerdos qui benedicit Fontem, infundit de oleo Catechumenorum in aquam in modum Crucis, intelligibili voce dicens :

Sanctificétur, & fecundétur fons iste óleo salutis renascéntibus ex eo, in vitam ætérnam. *R.* Amen.

Deinde infundit de Chrismate, modo quo suprà, dicens :

Infusio Chrismatis Dómini nostri Jesu Christi, & Spíritus sancti Parácliti, fiat in nómine sanctæ Trinitátis.

*R.* Amen.

Postea accipit ambas ampullas dicti olei sancti & Chrismatis, & de utroque simul in modum crucis infundendo, dicit : Commixtio Chrismatis sanctificatiónis, & olei uncti-  
ónis, & aquæ baptísmatis, pá-  
riter fiat, in nómine Pa-  
tris, & Fílii, & Spíritus  
sancti. *R.* Amen.

Tunc miscet ipsum oleum cum aqua, & spargit manu sua per omnem Fontem. Si aderint baptizandi, eos baptizet more consueto. Deinde revertentibus, Sacerdote & ministris ad Altare, cantantur Litanie à duobus clericis, & Chorus ídem simul repetit, ut dicitur infra.

¶ Ubi verò non est fons Baptismalis, finita ultima Prophetia

cum sua Oratione, Celebrans casulam deponit, & cum ministris ante Altare procumbit : & aliis omnibus genuflexis, cantantur Litanie in medio Chori, à duobus cantoribus, utroque Choro ídem simul respondente. Cùm autem perventum fuerit ad *V.* Peccatores, te rogámuš. Sacerdos & ministri surgunt, & accedentes ad Sacristiam, induuntur paramentis albi coloris pro Missa solemniter celebranda : & interim accendantur luminaria in Altari. In fine Litaniarum cantantur solemniter, Kyrie eléïson. & repetuntur, ut in Missa moris est.

**K** Yrie eléïson.

Christe eléïson.

Kyrie eléïson.

Christe audi nos.

Christe exáudi nos.

Patèr de cœlis Deus, miserere nobis.

Fili Redemptor mundi Deus, miserere nobis.

Spíritus sancte Deus, miserere nobis.

Sancta Trínitas unus Deus, miserere nobis.

Sancta María, ora pro nobis.

Sancta Dei Génitrix, ora.

Sancta Virgo vírginum, ora.

Sancte Michael, ora.

Sancte Gábriel, ora.

Sancte Ráphael, ora.

Omnes sancti Angeli & Arch-  
ángeli, oráte pro nobis.

Omnes sancti beatórum spiri-  
tuum órdenes, oráte.

Sancte Joánnes Baptísta, ora  
pro nobis.

Sancte Josef, ora.

Omnes sancti Patriarchæ &  
Prophætæ, oráte pro nobis.

Sancte Petre, ora.

Sancte Paule, ora.

Sancte Andréa, ora.

B b

Sancte



Sancte Joānes, ora.  
 Omnes sancti Apóstoli & E-  
 vangeliſtæ, oráte pro nobis.  
 Omnes sancti discípuli Dómi-  
 ni, oráte pro nobis.  
 Sancte Stéphane, ora.  
 Sancte Lauréti, ora.  
 Sancte Vincéti, ora.  
 Omnes sancti Mártyres, orá-  
 te pro nobis.  
 Sancte Silvéster, ora.  
 Sancte Gregóri, ora.  
 Sancte Auguſtíne, ora.  
 Omnes sancti Pontífices &  
 Confessóres, oráte.  
 Omnes sancti Doctóres, orá-  
 te pro nobis.  
 Sancti Antóni, ora.  
 Sancte Benedícte, ora.  
 Sancte Domínice, ora.  
 Sancte Francísce, ora.  
 Omnes sancti Sacerdótes &  
 Levítæ, oráte pro nobis.  
 Omnes sancti Mónachi &  
 Eremítæ, oráte.  
 Sancta María Magdaléna, ora.  
 Sancta Agnes, ora.  
 Sancta Cæcília, ora.  
 Sancta Agatha, ora.  
 Sancta Anaſtáfia, ora.  
 Omnes sanctæ Vírgines & Ví-  
 duæ, oráte pro nobis.  
 Omnes Sancti & Sanctæ Dei,  
 intercédite pro nobis.  
 Propítius esto, Parce nobis  
 Dómine.  
 Propítius esto, Exáudi nos.  
 Ab ómni malo, Líbera nos.  
 Ab omni peccáto, líbera.  
 A morte perpétua, líbera.  
 Per myſtérium sanctæ incar-  
 nationis tuæ, líbera.  
 Per advéntum tuum, líbera.  
 Per nativitátem tuam, líbera.  
 Per baptísmum & sanctum je-  
 júniū tuum, líbera.  
 Per crucem & passióem tu-  
 am, líbera.

Per mortem & sepultúram tu-  
 am, líbera.  
 Per sanctam resurrectiódinem  
 tuam, líbera.  
 Per admirábilem ascensiódinem  
 tuam, líbera.  
 Per advéntum Spíritus sancti  
 Parácliti, líbera.  
 In die Judícii, líbera.  
 Peccatóres, Te rogámus audi  
 nos.  
 Ut nobis parcas, te rogámus  
 audi nos.  
 Ut Ecclesiám tuam sanctam  
 régere & conserváre digné-  
 ris, te rogámus audi nos.  
 Ut domnum Apostólicum &  
 omnes Ecclesiásticos órdi-  
 nes in sancta religiódine con-  
 serváre dignéris, te rogámus.  
 Ut inímicos sanctæ Ecclesiæ  
 humiliáre dignéris, te rog.  
 Ut régibus & princípibus  
 Christiánis pacem & veram  
 concórdiam donáre digné-  
 ris, te rogámus.  
 Ut nosmetípsos in tuo sancto  
 servítio confortáre & conser-  
 váre dignéris, te rogámus.  
 Ut ómnibus benefactóribus  
 nostris sempitérna bona re-  
 tríbuas, te rogámus.  
 Ut fructus terræ dare & con-  
 serváre dignéris, te rogámus.  
 Ut ómnibus fídelibus defún-  
 ctis réquiem ætérnam do-  
 náre dignéris, te rogámus.  
 Ut nos exaudíre dignéris, te  
 rogámus audi nos.  
 Agnus Dei, qui tollis peccá-  
 ta mundi, Parce nobis Dó-  
 mine.  
 Agnus Dei, qui tollis peccá-  
 ta mundi, Exáudi nos Dó-  
 mine.  
 Agnus Dei, qui tollis peccá-  
 ta mundi, miserére nobis.  
 Christe audi nos.

Christe



Christe exaudi nos.

*Hic cantores solemniter incipiunt. Kyrie eleison. Christe eleison. Kyrie eleison. Et ter singula repetuntur. Interim Sacerdos cum ministris in paramentis albis accedit ad Altare, et dicto Psalmo, Júdica me Deus, cum Glória Patri. facit Confessionem, ut moris est, in loco consue- to, deinde ascendens, osculatur Al- tare, incensat more solito, et fi- nitis à Choro, Kyrie eleison. incipit solemniter, Glória in ex- celsis, et pulsantur campanæ.*

*Postea Sacerdos dicit: Dó- minus vobiscum.*

*R. Et cum spiritu tuo.*

*Orémus. Oratio.*

**D**Eus, qui hanc sacratís- simam noctem glória Domínicæ resurrectionis illú- stras: consérva in nova famí- liæ tuæ progénie adoptiónis Spíritum, quem dedísti; ut corpore & mente renováti, puram tibi exhibeant servitú- tem. Per eúndem Dóminum nostrum: in unitáte ejúsdem Spíritus sancti Deus, per óm- nia sæcula sæculórum.

*R. Amen.*

Léctio Epístolæ beáti Pauli Apóstoli ad Colossenses.

*Coloss. 3.*

**F**Ratres, Si confurrexístis cum Christo, quæ sursum sunt quærite, ubi Christus est in dextera Dei sedens: quæ sursum sunt scápite, non quæ super terram. Mórtui enim estis, & vita vestra est ab- scóndita cum Christo in Deo. Cúm Christus apparúerit, vi- ta vestra: tunc & vos apparé- bitis cum ipso in glória.

*Finita Epístola. Celebrans in- cipit, Allelúia.*

*Et totum decantat ter, elevan- do vocem gradatim, et Chorus post quam libet vicem, in eodem tono repetit illud idem. Postea Chorus prosequitur v. Psalm. 117. Confitémini Dómino, quóniam bonus: quóniam in sæculum misericórdia ejus.*

*Deinde dicitur Tract. Ps. 116. Laudáte Dóminum omnes Gentes: & collaudáte eum omnes pópuli.*

*v. Quoniam confirmáta est super nos misericórdia ejus: & véritas Domini manet in ætérnum.*

*Ad Evangelium non portantur luminaria, sed tantum incensum: petitur benedictio, et alia fiunt de more.*

Sequéntia sancti Evangélíi se- cundum Matthæum.

*Matth. 28.*

**V**Espere autem sabbati, quæ lucéscit in prima sabbati, venit María Magda- léne, & áltera María vidére sepúlchrum. Et ecce terræ- mótus factus est magnus. An- gelus enim Dómini descéndit de cælo, & accédens revólvit lápidem, & sedébat super e- um: erat autem aspéctus ejus sicut fulgur: & vestiméntum ejus sicut nix. Præ timóre autem ejus extérriti sunt cus- tódes, & facti sunt velut mórtui. Respóndens autem Ange- lus, dixit muliéribus: Nolite timére vos: scio enim, quòd Jesum, qui crucifixus est, quæritis: non est híc: sur- réxit enim, sicut dixit. Ve- níte, & vidéte locum, ubi pósitus erat Dóminus. Et citò eúntes, dicite discípulis



ejus, quia furréxit: & ecce præcédit vos in Galilæam: ibi eum vidébitis. Ecce prædixi vobis.

*Non dicitur, Credo; sed finito Evangelio, Sacerdos dicit: Dóminus vobíscum. Postea Orémus. Non dicitur Offertorium. Ad Lavábo, dicitur Glória Patri.*

*Secreta.*

**S**Uscipe, quæsumus Dómine, preces pópuli tui, cum oblatiónibus hostiárum: ut Paschálibus initiáta mystériis, ad æternitátis nobis medélam, te operánte, proficiant. Per Dóminum nostrum.

*Præfatio.* Te quidem Dómine omni témpore, sed in hac potíssimùm nocte.

*Infra æctionem.*

**C**OMMunicántes, & noctem sacratíssimam celebrántes Resurrectiónis Dómini nostri Jesu Christi secundùm carnem, sed & memóriam venerántes, in primis gloriósæ semper vírginis Mariæ, genitrícis ejúsdem Dei, & Dómini nostri Jesu Christi, &c.

**H**ANC ígitur oblatiónem servitútis nostræ, sed & cunctæ famíliæ tuæ, quam tibi offérimus pro his quoque quos regeneráre dignátus es ex aqua & Spíritu sancto, tribuens eis remissionem ómnium peccatórum, quæsumus Dómine, ut placátus accípias, &c.

*Dicitur.* Pax Dómini sit semper vobíscum. *sed pacis osculum non datur, Agnus Dei,*

*non dicitur, nec Postcommuniones; dicuntur tamen tres consuetæ Orationes ante Communionem.*

*Post sumptionem Sacramenti, pro Vesperis in Choro cantatur Antiph. Allelúia, allel. allel. & Psalmus. Laudáte Dóminum omnes Gentes, cum Glória Patri, in fine; & post repetitur eadem Antiphona. Capitulum, Hymnus, & Versus non dicuntur, sed statim Celebrans in cantu incipit Antiphonam ad Magnificat.*

*Véspere autem sábbati, Et prosequitur Chorus, quæ lucéscit in prima sábbati, venit María Magdaléne, & áltera María vidére sepúlchrum, allelúia.*

*Deinde cantatur, Magnificat, cum Glória Patri, in fine: & fit incensatio, ut aliàs in Vesperis.*

*Repetita Antiphona, Celebrans dicit: Dóminus vobíscum. R. Et cum spíritu tuo.*

*Orémus.*

**S**PÍritum nobis Dómine, tuæ charitátis infúnde: ut quos sacraméntis Paschálibus satiásti, tua fácias pietáte concórdes. Per Dóminum; in unitáte ejúsdem Spíritus sancti Deus.

*Deinde dicit: Dóminus vobíscum.*

*Et Diaconus vertens se ad pópulum cantat:*

*Ite missa est, allelúia, allelúia. R. Deo grátias, allelúia, allelúia.*

*Et dicitur usque ad Sabbatum in Albis inclusivè.*

*Et Sacerdos dicto, Pláceat tibi sancta Trínitas. dat benedictionem more solito.*



# ORDO MISSÆ.

*Sacerdos paratus cū ingreditur ad Altare, facta illi debita reverentia, signat se signo Crucis à fronte ad pectus, & clara vocē dicit :*

**I**N nōmine Patris, & Fīlii, & Spīritus sancti, Amen.

*Deinde jūctis manibus ante pectus, incipit Antiphonam. Introibo ad altare Dei.*

*Minister R. Ad Deum, qui lætīficat juventūtem meam.*

*Postea alternatim cum Ministris dicit sequentem Psalmum,*

*Psalmus 42.*

**J**UDICA me Deus, & discerne causam meam de gente non sancta : ab hōmine inīquo & dolōso erue me.

*M. Quia tu es Deus fortitudo mea : quare me repulisti, & quare tristis incēdo, dum affligit me inimicus ?*

*S. Emitte lucem tuam, & veritatem tuam : ipsa me deduxerunt, & adduxerunt in montem sanctum tuum, & in tabernacula tua.*

*M. Et introibo ad altare Dei : ad Deum, qui lætīficat juventūtem meam.*

*S. Confitebor tibi in cithara, Deus Deus meus : quare tristis es anima mea, & quare conturbas me ?*

*M. Spera in Deo, quoniam adhuc confitebor illi : salutare vultus mei, & Deus meus.*

*S. Glória Patri, & Fīlio, & Spīritui sancto.*

*M. Sicut erat in principio, & nunc, & semper, & in sæcula sæculorum, Amen.*

*S. repetit Antiphonam. Introibo ad altare Dei.*

*R. Ad Deum, qui lætīficat juventūtem meam.*

*Signat se dicens V. Adjutorium nostrum in nōmine Dōmini. R. Qui fecit cœlum & terram.*

*Deinde jūctis manibus, profundè inclinatus facit Confessionem.*

*¶ In Missis Defunctorum, & in Missis de Tempore, à Dominica Passionis usque ad Sabbatum sanctum exclusivè, omittitur Ps. Júdica me Deus, cum Glória Patri, & repetitione Antiphonæ : sed dicto, In nōmine Patris, Introibo, & Adjutorium, fit Confessio, ut sequitur.*

**C**ONFITEOR Deo omnipotēti, beatæ Mariæ semper vīgini, beāto Michaéli Archangelo, beāto Joānni Baptístæ, sanctis Apóstolis Petro & Paulo, omnibus sanctis, & vobis fratres : quia peccāvi nimis cogitatione, verbo, & ópere : *Percutit sibi pectus ter, dicens : mea culpa, mea culpa, mea máxima culpa.* Ideò precor beatam Mariam semper vīginem, beātum Michaélem Archangelum, beātum Joānnem Baptístam, sanctos Apóstolos Petrum & Paulum, omnes Sanctos, & vos fratres, orare pro me ad Dōminum Deum nostrum,

*Minis-*



*Ministri R.*

**M**isereatur tui omnipotens Deus, & dimissis peccatis tuis, perducat te ad vitam æternam.

*Sacerdos dicit, Amen. & erigit se.*

*Deinde ministri repetunt Confessionem: & ubi à Sacerdote dicebatur, vobis fratres, & vos fratres, à ministris dicitur, tibi pater, & te pater.*

*Postea Sacerdos junctis manibus facit absolutionem, dicens:*

**M**isereatur vestri omnipotens Deus, & dimissis peccatis vestris, perducat vos ad vitam æternam.

*R. Amen.*

*Signat se signo Crucis dicens:*

**I**ndulgentiam, absolutionem, & remissionem peccatorum nostrorum, tribuat nobis omnipotens & misericors Dominus.

*R. Amen.*

*Et inclinatus prosequitur V. Deus tu conversus vivificabis nos. R. Et plebs tua lætabitur in te. V. Ostende nobis Domine misericordiam tuam.*

*R. Et salutare tuum da nobis.*

*V. Domine exaudi orationem meam.*

*R. Et clamor meus ad te veniat.*

*V. Dominus vobiscum.*

*R. Et cum spiritu tuo.*

*Et extendens ac jungens manus, clara voce dicit, Orémus. & ascendens ad Altare, dicit secreto:*

**A**ufer à nobis, quæsumus Domine, iniquitates nostras: ut ad Sancta

sanctorum puris mereamur mentibus introire. Per Christum Dominum nostrum, Amen.

*Deinde manibus junctis super Altare, inclinatus dicit:*

**O**Ramus te Domine per mérita sanctorum tuorum, Osculatur Altare in medio, quorum reliquæ hîc sunt, & omnium sanctorum: ut indulgere digneris omnia peccata mea, Amen.

*In Missa solemni, Celebrans antequam legat Introitum, benedicit incensum, dicens: Ab illo bene & dicaris, in cujus honore cremaberis. Amen. Et accepto thuribulo à Diacono, incensat Altare, nihil dicens. Postea Diaconus recepto thuribulo à Celebrante, incenset illum tantum. Deinde Celebrans signans se signo crucis incipit Introitum: quo finito, junctis manibus alternatim cum ministris dicit:*

**K**Yrie eléïson. Kyrie eléïson. Kyrie eléïson.

Christe eléïson. Christe eléïson. Christe eléïson. Kyrie eléïson. Kyrie eléïson. Kyrie eléïson.

*Postea in medio Altaris extendens & jungens manus, caputque aliquantulum inclinans, dicit, si dicendum est, Glória in excelsis Deo. & prosequitur junctis manibus. Cum dicit, Adoramus te, Grátias ágimus tibi, & Jesu Christe, & Súscipe deprecationem. inclinat caput: & in fine dicens, Cum sancto Spíritu, signat se à fronte ad pectus:*

**G**Lória in excelsis Deo. Et in terra pax hominibus bonæ voluntatis. Laudamus



dámus te, Benedícimus te, Adorámus te, Glorificámus te. Grátias ágimus tibi, propter magnam glóriam tuam. Dómine Deus Rex cœléstis, Deus Pater omnípotens. Dómine Fili unigénite Jesu Christe. Dómine Deus, Agnus Dei, Fílius Patris. Qui tollis peccáta mundi, miserére nobis. Qui tollis peccáta mundi, fúscipe deprecationem nostram. Qui sedes ad dexteram Patris, miserére nobis. Quóniam tu solus sanctus, Tu solus Dóminus, Tu solus altíssimus Jesu Christe, Cum sancto Spíritu in glória Dei Patris, Amen.

*Sic dicitur, Glória in excélsis, etiam in Missis beatæ Mariæ, quando dicenda est.*

*Deinde osculatur Altare in medio, & versus ad populum dicit v. Dóminus vobíscum. R. Et cum spíritu tuo. postea dicit, Orémus. & Orationes, unam, aut plures, ut ordo Officii postulat; sequitur Epístola, Graduále, Tractus, vel Allelúia, cum Versu, aut Sequéntia, ut tempus postulat. His finitis, si est Missa solemnis, Diaconus deponit librum Evangeliorum super medium Altaris, & Celebrans benedicit incensum, ut supra: deinde Diaconus genuflexus, ante Altare, manibus junctis, dicit:*

**M**unda cor meum, ac lábia mea, omnípotens Deus, qui lábia Isaíæ Prophætæ cálculo mundásti igníto: ita me tua grata miseratióne dignáre mundáre, ut sanctum Evangelium tuum dignè váleam nuntiáre. Per Christum Dóminum nostrum. Amen.

*Postea accipit librum de Al-*

*tari, & rursus genuflexus petit benedictionem à Sacerdote, dicens: Jube domne benedícere.*

*Sacerdos respondet:*

**D**ominus sit in corde tuo, & in lábiis tuis: ut dignè & competenter annúnties Evangelium suum: In nómine Patris, & Fílii, & Spíritus sancti. Amen.

*Et accepta benedictione, osculatur manum Celebrantis: & cum aliis ministris, incenso & luminaribus, accedens ad locum Evangelii, stans junctis manibus, dicit v. Dóminus vobíscum. R. Et cum spíritu tuo. Et pronúntians, Sequéntia sancti Evangelii secúndum N. sive Inítium. pollice dextræ manus signat librum in principio Evangelii, quod est lecturus, deinde seipsum in fronte, ore, & pectore: & dum ministri respondent, Glória tibi Dómine. incensat ter librum, postea prosequitur Evangelium junctis manibus. Quo finito, Subdiaconus defert librum Sacerdoti, qui osculatur Evangelium, dicens: Per Evangélica dicta deleántur nostra delícta.*

*Deinde Sacerdos incensatur à Diacono. Si verò Sacerdos sine Diacono, & Subdiacono celebret, delato libro ad aliud cornu Altaris, inclinatus in medio, junctis manibus, dicit: Munda cor meum. ut supra: & Jube domne benedícere. Dóminus sit in corde meo, & in lábiis meis: ut dignè & competenter annúntiem Evangelium suum, Amen.*

*Deinde conversus ad librum, junctis manibus, dicit v. Dóminus vobíscum. R. Et cum spíritu tuo. & pronúntians, Inítium. sive Sequéntia sancti Evangelii secúndum, &c. sig-*



*nat librum, & se in fronte, ore, & pectore, & legit Evangelium, ut dictum est. Quo finito, respondet minister, Laus tibi Christe. & Sacerdos osculatur Evangelium, dicens: Per Evangelica dicta, ut supra. In Missis Defunctorum dicitur, Munda cor meum. sed non petitur benedictio, non deferentur luminaria, nec Celebrans osculatur librum. Deinde ad medium Altaris extendens, elevans, & jungens manus, dicit, si dicendum est, Credo in unum Deum, & prosequitur junctis manibus. Cum dicit, Deum, caput Cruci inclinatur: quod similiter facit cum dicit, Jesum Christum, & simul adoratur. Ad illa autem verba, Et incarnatus est, genuflectit usque dum dicatur, Et homo factus est. In fine ad Et vitam venturi sæculi, signat se signo Crucis à fronte ad pectus.*

*Credo in unum Deum, Patrem, omnipotentem, factorem cœli & terræ, visibillum omnium, & invisibillum. Et in unum Dominum Jesum Christum, Filium Dei unigenitum. Et ex Patre natum ante omnia sæcula. Deum de Deo, lumen de lumine, Deum verum de Deo vero. Genitum, non factum, consubstantialem Patri: per quem omnia facta sunt. Qui propter nos homines, & propter nostram salutem descendit de cœlis. Hic genuflectitur. Et incarnatus est de Spiritu Sancto ex Maria virgine: Et homo factus est. Crucifixus etiam pro nobis, sub Ponto Pilato passus, & sepultus est. Et resurrexit tertia die, secundum Scripturas. Et af-*

*scendit in cœlum: sedet ad dexteram Patris. Et iterum venturus est cum gloria, judicare vivos & mortuos: cujus regni non erit finis. Et in Spiritum sanctum Dominum, & vivificantem: qui ex Patre, Filioque procedit. Qui cum Patre & Filio simul adoratur, & conglorificatur: qui locutus est per Prophetas. Et unam, sanctam, Catholicam, & Apostolicam Ecclesiam. Confiteor unum baptismam in remissionem peccatorum. Et expecto resurrectionem mortuorum. Et vitam venturi sæculi, Amen.*

*Deinde osculatur Altare, & versus ad populum dicit, V. Dominus vobiscum. R. Et cum spiritu tuo. Postea dicit Orémus. & Offertorium. Quo dicto, si est Missa solemnis, Diaconus porrigit Celebranti patenam cum Hostia: si privata, Sacerdos ipse accipit patenam cum Hostia, quam offerens, dicit:*

**S**uscipe sancte Pater omnipotens æternæ Deus, hanc immaculatam Hostiam, quam ego indignus famulus tuus offero tibi Deo meo, vivo & vero, pro innumerabilibus peccatis, & offensionibus, & negligentis meis, & pro omnibus circumstantibus, sed & pro omnibus fidelibus Christianis vivis atque defunctis: ut mihi, & illis proficiat ad salutem in vitam æternam. Amen.

*Deinde faciens crucem cum eadem patena, deponit Hostiam super corporale. Diaconus ministrat vinum, Subdiaconus aquam in Calice: vel si privata est Missa, utrumque infundit Sacerdos,*



dos, & aquam miscendam in Calice, benedicit ✠ dicens :

**D**Eus, qui humanæ sub-  
stantiæ dignitatem mi-  
rabilius condidisti, & mira-  
bilius reformasti : da nobis  
per hujus aquæ & vini mysté-  
rium, ejus divinitatis esse con-  
sórtes, qui humanitatis no-  
stræ fieri dignatus est párti-  
ceps, Jesus Christus Fílius  
tuus Dóminus noster : Qui  
tecum vivit & regnat in uni-  
tate Spíritus sancti Deus, per  
omnia sæcula sæculórum,  
Amen.

*In Missis pro Defunctis dici-  
tur prædicta Oratio : sed aqua  
non benedicitur. Postea accipit  
Calicem, & offert, dicens :*

**O**fferimus tibi, Dómine,  
cálicem salutáris, tuam  
deprecántes cleméntiam : ut  
in conspéctu divínæ majestá-  
tis tuæ, pro nostra, & totíus  
mundi salúte cum odóre sua-  
vitátis ascéndat, Amen.

*Deinde facit signum Crucis  
cum Calice, & illud ponit super  
corporale, & palla cooperit, tum  
junctis manibus super Altare,  
aliquantulum inclinatus dicit :*

**I**N spíritu humilitátis, & in  
ánimo contríto fuscipiám-  
ur à te, Dómine : & sic fiat  
sacrificium nostrum in con-  
spéctu tuo hódie, ut pláceat  
tibi, Dómine Deus.

*Erectus expandit manus, eas-  
que in altum porrectas jungens,  
elevatis ad cælum oculis, &  
statim demissis, dicit :*

**V**eni sanctificátor omní-  
potens ætérne Deus : Be-  
nedicit oblata, prosequendo, &  
béne ✠ dic hoc sacrificium  
tuo sancto nómini præpará-  
tum.

*Postea si solemmniter celebrat,  
benedicit incensum, dicens :*

**P**Er intercessiónem beá-  
ti Michaélis Archángeli  
stantis à dextris altáris in-  
cénfi, & ómnium electórum  
suórum, incénsum istud dig-  
nétur Dóminus bene ✠ dí-  
cere, & in odórem suavitátis  
accípere. Per Christum Dó-  
minum nostrum. Amen.

*Et accepto thuribulo à Dia-  
cono, incensat oblata, modo in  
Rubricis generalibus præscripto,  
dicens :*

**I**ncénsum istud à te bene-  
díctum, ascéndat ad te,  
Dómine : & descéndat super  
nos misericórdia tua.

*Deinde incensat Altare, dicens :*  
*Psalm. 140.*

**D**irigátur, Dómine, orá-  
tio mea, sicut incén-  
sum, in conspéctu tuo : ele-  
vátio mánuum meárum sa-  
crificium vespertínium. Pone  
Dómine custódiam ori meo,  
& óstium circumstántiæ lá-  
biis meis : ut non declínet  
cor meum in verba malítiæ,  
ad excusándas excusatiónes in  
peccátis.

*Dum reddit thuribulum Dia-  
cono, dicit :*

**A**ccéndat in nobis Dómi-  
nus ignem sui amoris,  
& flammam ætérnæ charitá-  
tis. Amen.

*Postea incensatur Sacerdos à  
Diacono, deinde alii per ordinem.  
Interim Sacerdos lavat manus,  
dicens :*

*Psalmus 25.*

**L**avábo inter innocéntes  
manus meas : & circúm-  
dabo altáre tuum Dómine :  
Ut áudiam vocem laudis, &  
onárrem univérfa mirabília  
tua.



Dómine diléxi decórem domus tuæ, & locum habitatiónis glóriæ tuæ.

Ne perdas cum impiis Deus ánimam meam: & cum viris fánguinum vitam meam:

In quorum mánibus iniquitátes sunt: délixtera eórum repléta est munéribus.

Ego autem in innocéntia mea ingrédessus sum: rédime me, & miserére mei.

Pes meus stetit in dirécto: in ecclésiis benedícam te Dómine.

Glória Patri, & Fílio, & Spirítui sancto:

Sicut erat in princípio, & nunc, & semper, & in sæcula sæculórum. Amen.

*In Missis pro Defunctis, & tempore Passionis in Missis de Tempore, omittitur Glória Patri. Deinde aliquantulum inclinatus in medio Altaris, junctis manibus super eo, dicit:*

**S**uscipe sancta Trínitas hanc oblatiónem, quam tibi offérimus ob memóriam passiónis, resurrectiόνis, & ascensiόνis Jesu Christi Dómini nostri, & in honórem beátæ Mariæ semper vírginis, & beáti Joánnis Baptístæ, & sanctórum Apostolórum Petri & Pauli, & istórum, & ómnium sanctórum: ut illis proficiat ad honórem, nobis autem ad salútem: & illi pro nobis intercédere dignéntur in cœlis, quorum memóriam ágimus in terris. Per eúm-

dem Christum Dóminum nostrum, Amen.

*Posteà osculatur Altare, & versus ad populum, extendens, & jungens manus, vocē paululum elevata, dicit:*

**O**Ráte fratres: ut meum ac vestrum sacrificium acceptábile fiat apud Deum Patrem omnipoténtem.

*Minister, seu circumstantes respondent: alioquin ipsemet Sacerdos.*

**S**uscipiat Dominus sacrificium de mánibus tuis (*vel meis*) ad laudem & glóriam nóminis sui, ad utilitátem quoque nostram, totiúsque Ecclésiæ suæ sanctæ.

*Sacerdos submissa voce dicit: Amen.*

*Deinde manibus extensis absolute sine Orémus, subjungit Orationes secretas. Quibus finitis, cum pervenerit ad conclusionem, clara voce dicit: Per ómnia sæcula sæculórum, cum Præfatione, ut in sequentibus. Præfatio incipitur ambabus manibus positis hinc inde super Altare: quas aliquantulum elevat, cum dicit: Sursum corda. Jungit eas ante pectus, & caput inclinat, cum dicit, Grátias agamus Dómino Deo nostro. Deinde disjungit manus, & disjunctas tenet usque ad finem Præfationis: qua finita, iterum jungit eas, & inclinatus dicit, Sanctus. Et cum dicit, Benedíctus qui venit. signum Crucis sibi producit à fronte ad pectus.*



# PRÆFATIONES

## PER TOTUM ANNUM.

¶ *Sequens Præfatio dicitur à Nativitate Domini usque ad Epiphaniam, (præterquam in die Oct. S. Joannis Apostoli) & in Purificatione B. Mariæ: & in festo Corporis Christi, & per Octavam, nisi in ea occurrat Festum, quod propriam Præfationem habeat: & in Transfiguratione Domini.*

**P**ER omnia sæcula sæculorum. R. Amen. V. Dominus vobiscum. R. Et cum spiritu tuo. V. Sursum corda. R. Habemus ad Dominum. V. Grátias agamus Domino Deo nostro. R. Dignum & justum est. Verè dignum & justum est, æquum & salutàre, nos tibi semper, & ubique grátias ágere: Dómine sancte, Pater omnipotens, ætérne Deus. Quia per incarnati Verbi mystérium, nova mentis nostræ óculis lux tuæ claritátis infúlsit: ut dum visibíliter Deum cognóscimus, per hunc in invisibílium amórem rapiámur. Et ideò cum Angelis, & Archángelis, cum Thronis, & Dominationibus, cumque omni milítia cœléstis exercitus, hymnum glóriæ tuæ cānimus, sine fine dicéntes:

Sanctus, Sanctus, Sanctus Dominus Deus Sábaoth.

Pleni sunt cœli, & terra glória tua, Hosánna in excélsis.

Benedíctus, qui venit in nómine Domini, Hosánna in excélsis.

*Infra actionem.*

**C**ommunicántes, & diem sacratíssimum celebrántes, quo beátæ Mariæ intermeráta virgíntas, huic mundo édedit Salvatórem: sed & memóriam venerántes, in primis ejúsdem gloriósæ semper virgínis Mariæ, genitrícis ejúsdem Dei, &c. ut infra in *Cantone*.

*In prima verò Míssa dicitur, & noctem sacratíssimam celebrántes, qua. deinde semper dicitur, diem sacratíssimum, quo. usque ad Oct. Nativitatis Domini inclusivè, & non ultrà.*

¶ *Sequens Præfatio dicitur in Epiphaniá Domini, & per Octavam.*

**P**ER omnia sæcula sæculorum. R. Amen. V. Dominus vobiscum. R. Et cum spiritu tuo. V. Sursum corda. R. Habemus ad Dominum. V. Grátias agamus Domino Deo nostro. R. Dignum & justum est. Verè dignum & justum est, æquum & salutàre, nos tibi semper, & ubique grátias ágere: Dómine sancte, Pater omnipotens, ætérne Deus. Quia cùm Unigénitus tuus in substantia nostræ mortalitátis apparuit, nova nos immortalitátis suæ luce reparávit. Et ideò cum Angelis, & Archángelis, cum Thronis, & Dominationibus, cumque omni milítia cœléstis exercitus, hymnum



num glóriæ tuæ cānimus, sine  
fine dicentes : Sanctus, &c.

*Infra actionem.*

**C**ommunicantes, & diem  
sacratissimum celebran-  
tes, quo Unigénitus tuus in  
tua tecum glória coæternus,  
in veritate carnis nostræ vi-  
sibíliter corporális apparuit :  
sed & memóriam venerán-  
tes, in primis gloriósæ sem-  
per Vírginis Mariæ, genitrí-  
cis ejúsdem Dei, & Dómini  
nostri Jesu Christi : sed & bea-  
tórum Apostolórum, &c. *ut  
in Canone.*

*Et dicitur per totam Octavam.*

¶ *Sequens Præfatio dicitur  
à Feria quarta Cinerum usque ad  
Sabbatum ante Dominicam Pas-  
sionis, nisi in Festis propria assig-  
netur.*

**P**er ómnia sæcula sæculó-  
rum. R. Amen.

V. Dóminus vobíscum.

R. Et cum spírítu tuo.

V. Sursum corda,

R. Habémus ad Dóminum.

V. Grátias agámus Dómino  
Deo nostro. R. Dignum & ius-  
tum est. Verè dignum & ius-  
tum est, æquum & salutáre,  
nos tibi semper, & ubique gra-  
tías ágere : Dómine sancte,  
Pater omnípotens, æterne  
Deus. Qui corporáli jejunio  
vítia cómprimis, mentem éle-  
vas, virtútem largírís & præ-  
mia : per Christum Dóminum  
nostrum. Per quem majestá-  
tem tuam laudant Angeli, adó-  
rant Dominationes, tremunt  
Potestátes. Cæli, cælorúm-  
que virtútes, ac beáta Séra-  
phim, sócia exultatióne con-  
celebrant. Cum quibus & nos-

tras voces, ut admítte júbeas  
deprecámur, súpplici confes-  
sióne dicentes :

Sanctus, Sanctus, &c.

¶ *Sequens Præfatio dicitur à  
Dominica Passionis usque ad Fe-  
riam v. in Cæna Domini inclu-  
sivè (nisi in Festis tunc occurren-  
tibus propria assignetur) & in  
Missis de Cruce, & de Passi-  
one.*

**P**er ómnia sæcula sæculó-  
rum. R. Amen. V. Dómi-  
nus vobíscum. R. Et cum spí-  
ritu tuo. V. Sursum corda.  
R. Habémus ad Dóminum.  
V. Grátias agámus Dómino  
Deo nostro. R. Dignum & ius-  
tum est. Verè dignum & ius-  
tum est, æquum & salutáre,  
nos tibi semper, & ubique gra-  
tías ágere : Dómine sancte,  
Pater omnípotens, æterne  
Deus. Qui salútem humáni  
géneris in ligno Crucis consti-  
tuísti : ut unde mors oriebá-  
tur, inde vita resúrgeret : & qui in  
ligno vincébat, in ligno quo-  
que vincerétur : per Christum  
Dóminum nostrum. Per quem  
majestátem tuam laudant An-  
geli, adórant Dominationes,  
tremunt Potestátes. Cæli,  
cælorúmque virtútes, ac beá-  
ta Séraphim, sócia exultatió-  
ne concélebrant. Cum quibus  
& nostras voces, ut admítte  
júbeas deprecámur, súpplici  
confessióne dicentes :

Sanctus, Sanctus, &c.

¶ *Sequens Præfatio dicitur à  
Vigilia Paschæ usque ad Ascen-  
sionem, etiam in Festis eo tempore  
occurentibus, nisi in eis propria  
assig-*



*assignetur. In Missa Sabbati sancti dicitur, in hac potissimum nocte: in die Paschæ usque ad Sabbatum in Albis inclusivè, in hac potissimum die; & deinceps in hoc potissimum gloriosius.*

**P**ER omnia sæcula sæculorum. *R.* Amen.

*V.* Dóminus vobiscum.

*R.* Et cum spíritu tuo.

*V.* Sursum corda.

*R.* Habémus ad Dóminum,

*V.* Grátias agámus Dómino Deo nostro. *R.* Dignum & justum est. Verè dignum & justum est, æquum & salutáre, Te quidem Dómine omni témpore, sed (in hac potissimum die *vel* in hoc potissimum) gloriosius prædicáre, cùm Pascha nostrum immolátus est Christus. Ipse enim verus est Agnus, qui abstulit peccáta mundi. Qui mortem nostram moriéndò destrúxit: & vitam resurgéndò reparávit. Et ideo cum Angelis, & Archángelis, cum Thronis, & Dominationibus, cumque omni militiá coeléstis exércitus, hymnum glóriæ tuæ cánimus, sine fine dicéntes:

Sanctus, Sanctus, &c.

*Infra actionem.*

**C**ommunicántes, & diem sacratíssimum celebrántes Resurrectiónis Dómini nostri Jesu Christi secúndam carnem: sed & memóriam venerántes in primis gloriósæ semper vírginis Mariæ, genitrícis ejúsdem Dei, & Dómini nostri Jesu Christi: sed & beatórum Apostolorum ac Mártyrum tuórum, Petri & Pauli, Andréæ, Jacóbi, Joánnis, Thomæ, Jacóbi, Phi-

líppi, Bartholomæi, Matthæi, Simónis, & Thaddæi: Lini, Cleti, Cleméntis, Xysti, Cornélii, Cypriáni, Laurentii, Chrysógoni, Joánnis & Pauli, Cosmæ & Damiáni, & ómnium Sanctórum tuórum: quorum méritis, precibúque concédas, ut in ómnibus protectiónis tuæ muniámur auxilio. *Jungit manus.* Per eúdem Christum Dóminum nostrum, Amen.

*Tenens manus expansas super oblata, dicit:* Hanc igitur oblatiónem servitútis nostræ, sed & cunctæ familiæ tuæ, quam tibi offérimus pro his quoque, quos regeneráre dignátus es ex aqua & Spíritu sancto, tríbuens eis remissiónem ómnium peccatórum: quæsumus Dómine, ut placátus accípias: diésque nostros in tua pace dispónas, atque ab æténa damnatióne nos éripi, & in electórum tuórum júbeas grege numerári. *Jungit manus.* Per Christum Dóminum nostrum. Amen. Quam oblatiónem, &c.

*Sic dicitur à Vigilia Paschæ usque ad Sabbatum in Albis inclusivè. Sed in Missa Sabbati sancti dicitur, & noctem sacratíssimam celebrántes.*

---

*¶ Sequens Præfatio dicitur in die Ascensionis usque ad Vigiliam Pentecostes exclusivè, & in Festivis tunc occurrentibus, nisi propriam habuerint.*

**P**ER omnia sæcula sæculorum. *R.* Amen.

*V.* Dóminus vobiscum.

*R.* Et cum spíritu tuo.

*V.* Sursum corda.

*R.* Habémus ad Dóminum.

*V.* Grá-



℣. Grátias agámus Dómino Deo nostro.

℞. Dignum & justum est.

Verè dignum & justum est, æquum & salutàre, nos tibi semper, & ubique grátias ágere, Dómine sancte, Pater omnípotens, ætérne Deus: per Christum Dóminum nostrum. Qui post resurrecti-  
onem suam ómnibus discípulis suis manifestus apparuit, & ipsis cernéntibus est elevátus in cœlum, ut nos divinitátis suæ tribúeret esse partícipes. Et ideo cum Angelis, & Archángelis, cum Thronis, & Dominationibus, cumque omni milítia cœléstis exercitus, hymnum glóriæ tuæ cáni-  
mus, sine fine dicétes: Sanctus, &c.

*Infra actionem.*

**C**ommunicántes, & diem sacratíssimum celebrán-  
tes, quo Dóminus noster uni-  
génitus Fílius tuus unitam si-  
bi fragilitátis nostræ substán-  
tiam, in glóriæ tuæ dextera  
collocávit: sed & memóriam  
venerántes, in primis glorió-  
sæ semper Vírginis Mariæ,  
genitrícis ejúsdem Dei, &c.  
*ut in Canone.*

*Et dicitur per totam Octavam.*

---

¶ *Sequens Præfatio dicitur à Vigilia Pentecostes, usque ad se-  
quens Sabbatum inclusivè; & in  
Missis votivis de Spiritu sancto,  
sed omisso hodierna die.*

**P**er ómnia sæcula sæculó-  
rum. ℞. Amen. ℣. Dó-  
minus vobíscum. ℞. Et cum  
spíritu tuo. ℣. Sursum corda.  
℞. Habémus ad Dóminum.  
℣. Grátias agámus Dómino  
Deo nostro. ℞. Dignum &

justum est. Verè dignum &  
justum est, æquum & salu-  
táre, nos tibi semper, & ubi-  
que grátias ágere: Dómine  
sancte, Pater omnípotens,  
æterne Deus: per Christum  
Dóminum nostrum. Qui  
ascéndens super omnes cœ-  
los, sedénsque ad dexteram  
tuam, promíssum Spíritum  
sanctum [hodierna die] in fi-  
lios adoptiōis effúdit. Qua-  
própter profúsis gáudiis, to-  
tus in orbe terrárum mundus  
exúltat. Sed & supérnæ vir-  
tutes, atque Angélicæ potes-  
tates hymnum glóriæ tuæ  
cóncinunt, sine fine dicétes:  
Sanctus, Sanctus, &c.

*Infra actionem.*

**C**ommunicántes, & diem  
sacratíssimum Pentecós-  
tes celebrántes, quo Spíritus  
sanctus Apóstolis, innúmeris  
linguis apparuit. Sed & me-  
móriam venerántes, in primis  
gloriósa semper vírginis Ma-  
riæ, genitrícis Dei, & Dá-  
mini nostri Jesu Christi: sed  
& beatórum Apostolorum ac  
Mártýrum tuórum, Petri &  
Pauli, Andréæ, Jacóbi, Jo-  
ánnis, Thomæ, Jacóbi, Phi-  
líppi, Bartholomæi, Mat-  
thæi, Simónis, & Thaddæi:  
Lini, Cleti, Cleméntis, Xys-  
ti, Cornélii, Cypriáni, Lau-  
réntii, Chrysógoni, Joánnis  
& Pauli, Cosmæ & Damiáni,  
& ómnium Sanctórum tuó-  
rum: quorum méritis, preci-  
búsque concédas, ut in ómni-  
bus protectiōis tuæ muniá-  
mur auxílio. *Jungit manus.*  
Per eúndem Christum Dó-  
minum nostrum, Amen.

*Tenens manus expansas super  
oblata, dicit: Hanc igitur ob-  
lationem*



lationem servitutis nostræ, sed & cunctæ familiæ tuæ, quam tibi offerimus pro his quoque, quos regenerare dignatus es ex aqua & Spiritu sancto, tribuens eis remissionem omnium peccatorum, quæsumus Dómine, ut placatus accipias: diésque nostros in tua pace dispónas, atque ab ætérna damnatione nos éripi, & in electórum tuórum júbeas grege numerári. *Jungit. manus.* Per Christum Dóminum nostrum, Amen. Quam oblationem, &c.

*Et dicitur usque ad sequens Sabbatum inclusivè.*

¶ *Sequens Præfatio dicitur in Festo SS. Trinitatis, & in Missis votivis de SS. Trinitate: necnon & in omnibus Dominicis per Annum, quæ propriam Præfationem non habent.*

**P**ER ómnia sæcula sæculórum. R. Amen. V. Dóminus vobíscum. R. Et cum spírítu tuo. V. Sursum corda. R. Habémus ad Dóminum. V. Grátias agámus Dómino Deo nostro. R. Dignum & justum est. Verè dignum & justum est, æquum & salutare, nos tibi semper, & ubique grátias ágere: Dómine sancte, Pater omnípotens, ætérne Deus. Qui cum unigénito Fílio tuo, & Spiritu sancto, unus es Deus, unus es Dóminus: non in unius singularitate personæ, sed in unius Trinitate Substantiæ. Quod enim de tua glória, revelante te credimus, hoc de Fílio tuo, hoc de Spírítu sanc-

to, sine differentia discretiónis sentimus. Ut in confessione veræ sempiternæque Deitátis & in personis proprietas, & in esséntia unitas, & in majestáte adorétur æquálitas. Quam laudant Angeli, atque Archángeli, Cherubim quoque, ac Séraphim: qui non cessant clamáre quotidie, una voce dicéntes: Sanctus, Sanctus, Sanctus, &c.

¶ *Sequens Præfatio dicitur in Festis B. Mariæ (excepto festo Purificationis, in quo dicitur de Nativitate Domini) & per eorum Oct. etiam in Festis infra eas occurrentibus, si propriam non habuerint. Dicitur autem, vel Et te in Annuntiatione, vel Visitatione, vel Assumptione, vel Nativitate, vel Præsentatione, vel Conceptione, secundum denominationem Festi. In festo Septem Dolorum B. V. M. dicitur. Et te in Transfixione. In Festo B. V. M. de Monte Carmelo, dicitur, Et te in Commemoratione. In Dedicatione autem S. Mariæ ad Nives, ac in Festo Mercedis, dicitur, Et te in festivitate. In festo SS. Rosarii, dicatur, Et te in Solemnitate. In Missis verò votivis; & in Sabbato dicitur, Et te in veneratione.*

**P**ER ómnia sæcula sæculórum. R. Amen. V. Dóminus vobíscum. R. Et cum spírítu tuo. V. Sursum corda. R. Habémus ad Dóminum. V. Grátias agámus Dómino Deo nostro. R. Dignum & justum est. Verè dignum & justum



tum est, æquum & salutäre. nos tibi semper, & ubique gratias ägere, Dómine sancte, Pater omnípotens, ætérne Deus. Et te in \*\*\*\* beátæ Mariæ semper vírginis collaudare, benedícere, & prædicäre. Quæ & Unigénitum tuum sancti Spíritus obumbratióne concépit: & virginitátis glória permanénite, lumen ætérnum mundo effúdit Jesum Christum Dóminum nostrum. Per quem majestátem tuam laudant Angéli, adórant Dominationes, tremunt Potestátes. Cœli, cœlorúmque virtútes, ac beáta Séraphim, sócia exultatióne concelébrant. Cum quibus & nostras voces, ut admítti júbeas deprecámur, supplici confessiόne dicéntes:

Sanctus, Sanctus, &c.

*¶ Sequens Præfatio dicitur in Festis Apostolorum & Evangelistarum (præterquam in die S. Joannis Apostoli,) & per Octavas eorum, & in Festis infra eas occurrentibus, nisi in eis propria assignetur; & in Missis votivis de Apostolis.*

**P**ER ómnia sæcula sæculórum. R. Amen. V. Dominus vobíscum. R. Et cum spíritu tuo. V. Sursum corda. R. Habémus ad Dóminum. V. Grátias agámus Dómino Deo nostro. R. Dignum & justum est. Verè dignum & justum est, æquum & salutäre, Te Dómine suppliciter exoräre, ut gregem tuum pastor ætérne non déseras; sed per beátos Apóstolos tuos continúa protectiόne custódias. Ut

iisdem rectóribus gubernétur, quos óperis tui vicários eidem contulísti præesse pastóres. Et ídeò cum Angelis, & Archángelis, cum Thronis, & Dominationibus, cumque omni milítia cœléstis exércitus, hymnum glóriæ tuæ cánimus, sine fine dicéntes:

Sanctus, Sanctus, &c.

*¶ Sequens Præfatio dicitur in omnibus Feriis, & in Festis quæ propriam non habent, & in omnibus Missis Defunctorum.*

**P**ER ómnia sæcula sæculórum. R. Amen. V. Dominus vobíscum. R. Et cum spíritu tuo. V. Sursum corda. R. Habémus ad Dóminum. V. Grátias agámus Dómino Deo nostro. R. Dignum & justum est. Verè dignum & justum est, æquum & salutäre, nos tibi semper, & ubique gratias ägere: Dómine sancte, Pater omnípotens, ætérne Deus: per Christum Dóminum nostrum. Per quem majestátem tuam laudant Angeli, adórant Dominationes, tremunt Potestátes. Cœli, cœlorúmque virtútes, ac beáta Séraphim, sócia exultatióne concélebrant. Cum quibus & nostras voces, ut admítti júbeas deprecámur, supplici confessiόne dicéntes:

Sanctus, Sanctus, Sanctus, Dóminus Deus Sábaoth.

Pleni sunt cœli, & terra glória tua.

Hosánna in excélsis.

Benedíctus qui venit in nómine Dómini,

Hosánna in excélsis.







# CANON MISSÆ.

*Sacerdos extendens  
& jungens manus,  
elevans ad cœlum  
oculos, & statim de-  
mittens, profundè in-  
clinatus ante Altare,  
manibus super eo po-  
sitis, dicit:*

**T**E igitur, cle-  
mentissime  
Pater, per Jesum  
Christum Filium tu-  
um Dóminum nos-  
trum, supplices ro-  
gámus ac pétimus,  
*Osculatur Altare*, uti  
accépta hábeas, &  
benedícas, *Jungat  
manus, deinde signet  
ter super oblata*, hæc  
✠ dona, hæc ✠  
múnera, hæc ✠ san-  
cta sacrificia illibá-  
ta, *Extensis manibus  
prosequitur*: in pri-  
mis quæ tibi offéri-  
mus pro Ecclesiá tua

sancta cathólica,  
quam pacificáre, cu-  
stodíre, adunáre, &  
régere dignéris toto  
orbe terrárum: uná  
cum famulo tuo Pa-  
pa nostro *N.* & An-  
tístite nostro *N.* &  
ómnibus orthodoxis,  
atque cathólicæ &  
Apostólicæ fidei  
cultóribus.

*Commemoratio  
pro vivis.*

**M**emento Dómi-  
ne famulórum  
famularúmque tuá-  
rum *N.* & *N.* *Jun-  
git manus, orat ali-  
quantulum pro quibus  
orare intendit: dein-  
de manibus extensis  
prosequitur*: Et óm-  
nium circumstánti-  
um, quorum tibi fi-  
des cógnita est, &  
nota devótio, pro  
D d quibus



quibus tibi offerimus: vel qui tibi offerunt hoc sacrificium laudis, pro se, suisque omnibus: pro redemptione animarum suarum, pro spe salutis & incolumitatis suæ: tibi que reddunt vota sua ætérno Deo, vivo & vero.

*Infra actionem.*

**C**ommunicantes, & memóriam venerantes in primis gloriósæ semper virginis Mariæ, genitricis Dei & Dómini nostri Jesu Christi: sed & beatórum Apostolorum ac Mártýrum tuórum, Petri & Pauli, Andréæ, Jacóbi, Joánnis, Thomæ, Jacóbi, Philíppi, Bartholomæi, Matthæi, Simónis & Thaddæi: Lini, Cleti, Cleméntis, Xysti, Cornélii, Cypriáni,

Laurentii, Chrysógoni, Joánnis & Pauli, Cosmæ & Damiani: & ómnium Sanctorum tuórum: quorum méritis precibusque concédas, ut in ómnibus protectionis tuæ muniámur auxílio. *Fungit manus.* Per eúmdem Christum Dóminum nostrum, Amen.

*Tenens manus expansas super oblata, dicit:*

**H**Ancígitur oblaciónem servitutis nostræ, sed & cunctæ familiæ tuæ, quæsumus Dómine, ut placátus accípias: diésque nostros in tua pace dispónas, atque ab ætérna damnatione nos éripi, & in electórum tuórum júbeas grege numerári. *Fungit manus.* Per Christum



tum Dóminum nostrum. Amen.

**Q**Uam oblationem tu Deus in ómnibus, quæsumus, *Signat ter super oblata*: bene✠dictam, adscríp✠tam, ra✠tam, rationábilem, acceptabilémque fácere dignéris: *Signat semel super Hostiam, & semel super Calicem*: ut nobis Cor✠pus, & San✠guis fiat dilectíssimi Fílii tui Dómini nostri Jesu Christi.

**Q**Ui pridie quàm paterétur, *Accipit Hostiam*, accépit panem in sanctas ac venerábiles manus suas: *Elevat oculos ad cælum*: & elevátis óculis in cælum ad te Deum Patrem suum omnipoténtem, tibi grátias agens, *Signat super Hostiam*:

bene✠dixit, fregit, dedítque discíplis suis, dicens: Accípite, & manducáte ex hoc omnes.

*Tenens ambabus manibus Hostiam inter indices & pollices, profert verba consecrationis secretè, distinctè, & attentè*:

Hoc est enim Corpus meum.

*Prolatis verbis consecrationis, statim Hostiam consecratam genuflexus adorat: surgit, ostendit populo, reponit super Corporale, iterum adorat: & non disjungit pollices & indices, nisi quando Hostia tractanda est, usque ad ablutionem digitorum. Tunc detecto Calice dicit*:



**S**imili modo postquam cœnatum est, *Ambabus manibus accipit Calicem*, accipiens & hunc præclârum Cálicem in sanctas ac venerábiles manus suas: item tibi grátias agens, *Sinistra tenens Calicem, dextera signat super eum*, bene✠dixit, deditque discípulis suis, dicens: Accípite & bíbite ex eo omnes.

*Profert verba consecrationis secretè super Calicem, tenens illum parùm elevatum:*

Hic est enim Calix fánguinis mei, novi & æterni testaménti: mystérium fidei: qui pro vobis & pro multis ef-

fundétur in remissionem peccatórum.

*Prolatis verbis consecrationis, deponit Calicem super Corporale, & dicens secretè: Hæc quotiescúmque fecéritis, in mei memóriam faciétis.*

*Genuflexus adorat: surgit, ostendit populo, deponit, cooperit, & iterùm adorat. Deinde disjunctis manibus dicit:*

**U**Nde & mémoires, Dómine, nos servi tui, sed & plebs tua sancta, ejúsdem Christi Filii tui Dómini nostri tam beátæ passiónis, necnon & ab inferis resurrectionis, sed & in coelos gloriósæ ascensionis: offerimus præcláræ majestati



jestati tuæ de tuis  
donis ac datis, *Jun-*  
*git manus, & signat*  
*ter super Hostiam &*  
*Calicem simul, Hósti-*  
*tiam* ✠ *puram, hósti-*  
*tiam* ✠ *sanctam,*  
*hóstiam* ✠ *immacu-*  
*látam, Signat semel*  
*super Hostiam, & se-*  
*mel super Calicem:*  
*Panem* ✠ *sanctum*  
*vitæ æternæ, & Cáli-*  
*cem* ✠ *salutis per-*  
*pétuæ.*

*Extensis manibus pro-*  
*sequitur:*

**S**Upra quæ propi-  
tio ac seréno vul-  
tu respicere dignéris:  
& accépta habére,  
sicuti accépta habére  
dignátus es múnera  
púeri tui justí Abel,  
& sacrificium Patri-  
archæ nostri Abra-  
hæ: & quod tibi  
óbtulit summus sa-  
cérdos tuus Melchí-  
sedech, sanctum sa-

crificium, immacu-  
látam hóstiam.

*Profundè inclinatus*  
*junctis manibus, &*  
*super Altare positus*  
*dicit:*

**S**Uppliceste rogá-  
mus, omnípotens  
Deus: jube hæc per-  
ferri per manus fan-  
cti Angeli tui in sub-  
líme altáre tuum, in  
conspéctu divínæ  
majestátis tuæ: ut  
quotquot, *Osculatur*  
*Altare,* ex hac altá-  
ris participatióne,  
sacrofáctum Filii  
tui, *Jungit manus,*  
*& signat semel super*  
*Hostiam, & semel su-*  
*per Calicem, Cor-* ✠ *pus,*  
& Sán ✠ *guinem*  
sumpserimus, *Seip-*  
*sum signat,* omni be-  
nedictiόne coeléstí,  
& grátia repleámur.  
Per eúndem Chris-  
tum Dóminum no-  
strum, Amen.



*Commemoratio pro  
Defunctis.*

**M**Eménto étiam,  
Dómine, fa-  
mulórum . famula-  
rúmque tuárum *N.*  
& *N.* qui nos præ-  
cessérunt cum signo  
fidei, & dórmunt  
in somno pacis.

*Fungit manus ; o-  
rat aliquantulum pro  
iis defunctis, pro qui-  
bus orare intendit, de-  
inde extensis manibus  
prosequitur :* Ipsis  
Dómine, & ómni-  
bus in Christo quief-  
centibus, locum re-  
frigérii, lucis, & pa-  
cis, ut indúlgeas, de-  
precámur.

*Fungit manus, &  
caput inclinat.* Per  
eundem Christum  
Dóminum nostrum,  
Amen.

*Manu dextera per-*

*cutit sibi pectus, elata  
parum voce dicens :*

**N**Obis quoque  
peccatóribus  
fámulis tuis, de mul-  
titúdine miseratió-  
num tuárum sperán-  
tibus, partem áli-  
quam & societátem  
donáre dignéris, cum  
tuis sanctis Apósto-  
lis & Martyribus,  
cum Joánne, Stépha-  
no, Mathía, Bárnaba,  
Ignátio, Alexándro,  
Marcellíno, Petro,  
Felicítate, Perpétua,  
Agatha, Lúcia, Ag-  
néte, Cæcília, Ana-  
stásia, & ómnibus  
Sanctis tuis, intra  
quorum nos consór-  
tium, non æstimátor  
mériti, sed véniæ,  
quæsumus, largítor  
admítte.

*Fungit manus.* Per  
Christum Dóminum  
nostrum.



**P**Er quem hæc  
 ómnia, Dómine,  
 semper bona creas,  
*Signat ter super Ho-*  
*stiam & Calicem si-*  
*mul, dicens: sanc-*  
*tí✠ficas, viví✠fi-*  
*cas, bene✠dícis, &*  
*præstas nobis. Dis-*  
*cooperit Calicem, ge-*  
*nuflectit, accipit Sa-*  
*cramentum dextera,*  
*tenens sinistra Cali-*  
*cem: signat cum Ho-*  
*stia ter à labio ad la-*  
*bium Calicis, dicens:*  
*Per ip✠sum, & cum*  
*ip✠so, & in ip✠so*  
*bis signat inter Cali-*  
*cem & pectus, est ti-*  
*bi Deo Patri ✠om-*  
*nipoténti, in unitá-*  
*te Spíritus ✠sancti,*  
*Elevans parùm Cali-*  
*cem cum Hostia, di-*  
*cit: omnis honor &*  
*gloria.*

*Reponit Hostiam,*  
*cooperit Calicem, ge-*

*nuflectit, surgit &*  
*dicit:*

**P**Er ómnia sæcula  
 sæculórum.

R. Amen.

*Jungit manus.*

Orémus. Præcép-  
 tis salutáribus móni-  
 ti, & divína institu-  
 tióne formáti audé-  
 mus dicere.

*Extendit manus.*

**P**Ater noster, qui  
 es in cœlis:  
 sanctificétur nomen  
 tuum: Advéniat reg-  
 num tuum: Fiat  
 volúntas tua, sicut  
 in cœlo & in terra.  
 Panem nostrum quo-  
 tidianum da nobis  
 hódie: Et dimitte  
 nobis débíta nostra,  
 sicut & nos dimitti-  
 mus debitóribus nos-  
 tris. Et ne nos in-  
 dúcas in tentatió-  
 nem.

R. Sed líbera nos  
 à malo.



*Sacerdos secreta dicit, Amen.*

*Deinde accipit Patenam inter indicem & medium digitos, & dicit:*

**L**ibera nos, quæsumus Dómine, ab ómnibus malis, præteritis, præsentibus, & futuris: & intercedente beata & gloriósa semper virgine Dei genitrice Maria, cum beátis Angelis tuis Petro Paulo, atque Anthonio, & ómnibus sanctis; Signat se Patena à fronte & post, & eam ostendit da propitiæ pacem in diébus nostris: ut ope misericordiæ tuæ adjuvemur, & à peccáto liberius semper liberi, & omni perturbatióne securi.

*Submittit Patenam*

*Hostiæ, discooperit Calicem, genuflectit, surgit, accipit Hostiam, frangit eam super Calicem per medium, dicens: Per eúndem Dóminum nostrum Jesum Christum Fílium tuum.*

*Partem, quæ in dextera est, ponit super Patenam. Deinde ex parte quæ in sinistra remansit, frangit particulam, dicens: Qui tecum vivit & regnat in unitate Spíritus sancti Deus.*

*Aliam mediam partem cum ipsa sinistra ponit super Patenam, & dextera tenens particulam super Calice, sinistra Calicem, dicit: Per ómnia sæcula sæculórum. R. Amen.*

*Cum ipsa particula signat ter super*  
Ca-



*Calicem, dicens: Pax*  
 ✠ Dómini sit ✠  
 semper vobis ✠ cum.  
 R. Et cum spíritu  
 tuo.

*Particulam ipsam  
 immittit in Calicem,  
 dicens secretè:*

**H**Æc commixtio  
 & consecratio  
 Corporis & Sanguinis  
 Dómini nostri  
 Jesu Christi, fiat ac-  
 cipientibus nobis in  
 vitam æternam, A-  
 men.

*Cooperit Calicem,  
 genuflectit, surgit, &  
 inclinatus Sacramen-  
 to, junctis manibus,  
 & ter pectus percu-  
 tiens, dicit:*

Agnus Dei, qui tol-  
 lis peccata mun-  
 di, miserere no-  
 bis.

Agnus Dei, qui tol-  
 lis peccata mun-  
 di, miserere no-  
 bis.

Agnus Dei, qui tol-  
 lis peccata mun-  
 di, dona nobis  
 pacem.

*In Missis pro De-  
 functis non dicitur,  
 miserere nobis, sed  
 ejus loco, dona eis  
 requiem, & in tertio  
 additur, sempitér-  
 nam.*

*Deinde junctis ma-  
 nibus super Altare,  
 inclinatus dicit se-  
 quentes Orationes.*

**D**omine Je-  
 su Christe, qui  
 dixisti Apóstolo  
 is: Pacem relinquo  
 vobis, pacem relin-  
 do vobis: neque  
 eas peccata nostra  
 fidem Ecclesie  
 eamque secundum  
 voluntatem tuam  
 cificare & coadiuvare  
 digneris. Qui vivis  
 & regnas Deus  
 omnia sæcula sæcu-  
 lorum, Amen.



*Si danda est pax,  
osculatur Altare, &  
dans pacem, dicit :  
Pax tecum. R. Et  
cum spiritu tuo.*

*In Missis Defunc-  
torum non datur pax,  
neque dicitur præce-  
dens Oratio.*

**D**omine Jesu  
Christe, Fili  
Dei vivi, qui ex vo-  
luntate Patris, coo-  
perante Spiritu sanc-  
to, per mortem tuam  
mundum vivificasti :  
libera me per hoc sa-  
cro sanctum Corpus,  
& Sanguinem tuum,  
ab omnibus iniqui-  
tatibus meis, & uni-  
versis malis : & fac  
me tuis semper in-  
herere mandatis, &  
à te numquam sepa-  
rari permittas. Qui  
cum eodem Deo Pa-  
tre, & Spiritu sancto  
vivis & regnas Deus

in sæcula sæculó-  
rum, Amen.

**P**ercéptio Córpo-  
ris tui, Dómine  
Jesu Christe, quod  
ego indignus sumere  
præsumo, non mihi  
provéniat in judíci-  
um, & condemnati-  
ónem : sed pro tua  
pietate profit mihi  
adtutamentum men-  
tis & cörperis, & ad  
medélam percipién-  
dam. Qui vivis &  
regnas cum Deo Pa-  
tre in unitate Spíri-  
tus sancti Deus, per  
omnia sæcula sæcu-  
lórum, Amen.

*Genuflectit, surgit,  
& dicit :*

**P**anem cœlestem  
accipiam, & no-  
men Dómini invo-  
cábo.

*Deinde parum in-  
clinatus, accipit am-  
bas partes Hostiæ in-*



ter pollicem & indicem sinistrae manus, & Patenam inter eundem indicem & medium, & dextera percutiens pectus, elevata aliquantulum voce dicit ter devotè & humiliter :

**D**omine, non sum dignus, ut intres sub tectum meum : sed tantum dic verbo, & sanabitur anima mea.

*Postea dextera se signans cum Hostia super Patenam, dicit :*

**C**orpus Domini nostri Jesu Christi custodiat animam meam in vitam æternam, Amen.

*Sumit reverenter ambas partes Hostiæ; jungit manus, & quiescit aliquantulum in meditatione sanctissi-*

*mi Sacramenti. Deinde discooperit Calicem, genuflectit, colligit fragmenta, si quæ sint, extergit Patenam super Calicem, interim dicens :*

**Q**uid retribuam Domino pro omnibus, quæ retribuit mihi? Calicem salutæ accipiam, & nomen Domini invocabo. Laudans invocabo Dominum, & ab inimicis meis salvus ero.

*Accipit Calicem manu dextera, & se signans, dicit :*  
**S**anguis Domini nostri Jesu Christi custodiat animam meam in vitam æternam. Amen.

*Sumit totum Sanguinem cum particula. Quo sumpto, si quæ sunt communicant.*  
E e 2



*eos communicet, antequam se purificet. Postea dicit :*

**Q**Uod ore sumpsi-  
mus, Dómine  
pura mente capiá-  
mus : & de múnere  
temporáli fiat nobis  
remédium sempitér-  
num.

*Interim porrigit  
Calicem ministro, qui  
infundit in eo parum  
vini, quo se purificat :  
deinde profequitur :*

**C**ORpus tuum,  
Dómine, quod  
sumpsi, & Sanguis,  
quem potávi, adhæ-  
reat viscéribus meis :  
& præsta, ut in me  
non remáneat scéle-  
rum mácula, quem  
pura & sancta refe-  
cérunt sacraménta.  
Qui vivis & regnas  
in sæcula sæculó-  
rum, Amen.

*Abluit digitos, ex-*

*tergit, & sumit ab-  
lutionem: extergit os,  
& Calicem, quem o-  
perit, & plicato Cor-  
porali, collocat in Al-  
tari ut prius: deinde  
profequitur Missam.*

*Dicto, post ultimam  
Orationem: Dóminus  
vobíscum.*

*R. Et cum spíri-  
tu tuo. dicit pro  
Missæ qualitate vel,  
Ite missa est, vel,  
Benedicámus Dómi-  
no. R. Deo grátias.*

*In Missis Defunc-  
torum dicit: Requi-  
escant in pace. R.  
Amen.*

*In Dominicis, &  
Festis per Annum,  
præter Adventum, &  
Quadragesimam, di-  
citur Ite missa est.*

*Tempore Paschali,  
hoc est, à Missa Sab-  
bati sancti usque ad  
Sabbatum in Albis in-  
clusivè :*



*clusivè*: *Ite missa est, allelúia, allelúia.*

*In Dominicis Adventus, Vigiliæ Nativitatis Domini, SS. Innocentium, & in Quadragesima, dicitur Benedicámus Dómino.*

*In Missis Defunctorum, dicitur Requiescant in pace.*

*Dicto, Ite missa est, vel Benedicámus Dómino. Sacerdos inclinat se ante medium Altaris, & manibus junctis super illud, dicit:*

**P**Láceat tibi sancta Trínitas, obsequium servitútis meæ, & præsta: ut sacrificium, quod óculis tuæ majestátis indignus obtuli, tibi fit acceptábile, mihiq̃ue & ómnibus, pro quibus illud obtuli, fit, te mise-

rante, propitiábile. Per Christum Dóminum nostrum, Amen.

*Deinde osculatur Altare: & elevatis oculis, extendens, elevans, & jungens manus, caputque Cruci inclinans dicit: Benedícat vos omnípotens Deus, & versus ad populum, semel tantum benedicens, etiam in Missis solemnibus, profequitur: Pater, & Fílius, ✠ & Spíritus sanctus. R. Amen.*

*In Missa Pontificali ter benedicitur, ut in Pontificali habetur.*

*Deinde in cornu Evangelii, dicto, Dóminus vobíscum, & Inítium, vel Sequéntia sancti Evangélii, signans Altare, velli-*  
*brum, & se, ut supra*  
*in*



*in Evangelio Missæ, legit Evangelium secundum Joannem, In principio erat Verbum. ut suprà in tertia Missa Nativit. Domini. 20. vel aliud Evangelium, ut dictum est in Rubricis generalibus. Cùm dicit, Et Verbum caro factum est, genuflectit. In fine R. Deo grátias.*

¶ *In Missis De-*

*functorum non datur benedictio, sed dicto, Requiéscant in pace, dicit: Pláceat tibi sancta Trínitas. deinde osculato Altari, legit Evangelium S. Joannis; quo finito, discedens ab Altari, pro gratiarum actione dicit Antiphonam. Trium puerórum. cum reliquis, ut habetur in principio Missalis.*



# DOMINICA

## RESURRECTIONIS.

*Statio ad S. Mariam majorem.*

*Introitus. Psal. 138.*

**R**esurrexi, & adhuc tecum sum, allelúia: posuisti super me manum tuam, allelúia: mirabilis facta est scientia tua, allelúia, allelúia.

*Psal. ibid.* Dómine probasti me, & cognovisti me: tu cognovisti sessionem meam, & resurrectionem meam.

*V. Glória Patri.*

*Oratio.*

**D**eus, qui hodierna die per Unigénitum tuum, æternitatis nobis áditum, devicta morte, referasti: vota nostra, quæ præveniéndò aspiras, étiam adjuvándò proféquere. Per eúndem Dóminum.

*Lectio Epistolæ beati Pauli Apóstoli ad Corínthios.*

*i. Cor. 5. c.*

**F**ratres, Expurgáte vetus fermentum, ut sitis nova conspersio, sicut estis ázymi. Etenim Pascha nostrum immolátus est Christus. Itaque epulémur: non in fermento veteri, neque in fermento malitiæ & nequitiae: sed in ázymis sinceritátis, & veritátis.

*Graduale. Ps. 117.* Hæc dies, quam fecit Dóminus: exultemus & lætémur in ea.

*V. Confitemini Dómino, quóniam bonus: quóniam in sæculum misericórdia ejus.*

*Allelúia, allelúia.*

*V. Pascha nostrum immolátus est Christus.*

*Sequentia.*

**V**ictimæ Paschali laudes immolent Christiáni.

Agnus redemit oves: Christus innocens Patri reconciliavit peccatores.

Mors & vita duello conflixere mirando: dux vitæ, mórtuus regnat vivus.

Dic nobis María, quid vidisti in via?

Sepúlchrum Christi viventis: & glóriam vidi resurgentis:

Angélicos testes, sudarium & vestes.

Surrexit Christus spes mea: præcedet vos in Galilæam.

Scimus Christum surrexisse à mórtuis verè: tu nobis victor Rex miserere, Amen. Allelúia.

*Sequentia dicitur usq; ad Sabbatum in Albis inclusive.*

*Sequentia sancti Evangelii secundum Marcum.*

*Marci 16.*

**I**n illo tempore: María Magdalène, & María Jacóbi, & Salóme emerunt aromata ut venientes ungerent Jesum. Et valde manè una sabbatorum veniunt ad monumentum, orto jam sole. Et dicebant ad invicem: Quis revolvat nobis lapidem ab ostio monumenti? Et respicientes, viderunt revolutum lapidem. Erat quippe magnus valde. Et introeuntes in monumentum, viderunt juvenem sedentem in dextris, cooper-



pértum stola cándida, & ob-  
ilupuérunt. Qui dicit illis:  
Nolíte expavéscere: Jesum  
quæritis Nazarénum, crucifis-  
um: surrexit, non est híc;  
ecce locus ubi posuerunt eum.  
Sed ite, dícite discípulis ejus,  
& Petro, quia præcédet vos in  
Galilæam: ibi eum vidébitis,  
sicut dixit vobis. Credo.

*Offertorium. Psal. 75.* Terra  
trémuit; & quíevit, dum re-  
súrgeret in iudicio Deus, al-  
lelúia.

*Secreta.*

**S**uscipe, quæsumus Dómi-  
ne, preces pópuli tui cum  
oblaciónibus hostiárum: ut  
Paschálibus initiata mysteriis,  
ad æternitátis nobis medé-  
lam, te operánte, proficiant.  
Per Dóminum.

*Præfatio.* Te quidem Dómi-  
ne omni témpore: sed in hac  
potíssimùm die.

*Infra actionem.* Communi-  
cantes, & Hanc igitur obla-  
tiónem. ut *suprà*.

*Et sic dicitur usque ad Sabba-  
tum in Albis inclusivè.*

*Communio. 1. Cor. 5.* Pascha  
nostrum immolátus est Chri-  
stus, allelúia: itaque epulé-  
mur in ázymis sinceritátis, &  
veritátis, allelúia, allelúia,  
allelúia. *Postcommunio.*

**S**píritum nobis, Dómine,  
tuæ charitátis infúnde: ut  
quos Sacraméntis Pascháli-  
bus satiásti, tua fácias pietáte  
concórdes. Per Dóminum  
nostrum. in unitáte ejúsdem  
Spíritus, &c.

*Post Dóminus vobíscum,*  
*dicitur, Ite missa est, allelúia,*  
*allelúia, R. Deo grátias, al-*  
*lelúia, allelúia.*

*Et sic dicitur usque ad Sabba-  
tum in Albis inclusivè.*

¶ *Infra Octavam Paschæ non  
fit de aliquo Festo Duplici, vel  
Semiduplici, sed post Octavam  
celebrantur. De Simplicibus au-  
tem occurrentibus post hoc triduum,  
fit tantum commemoratio.*

## FERIA SECUNDA.

*Statio ad sanctum Petrum.*

*Introitus. Exodi 13.*

**I**ntrodúxit vos Dóminus in  
terram fluéntem lac & mel,  
allelúia, & ut lex Dómini  
semper sit in ore vestro, alle-  
lúia, allelúia.

*Psalmus 104.* Confitémini  
Dómino, & invocáte no-  
men ejus: annuntiáte inter  
Gentes ópera ejus.

*v. Glória Patri.*

*Oratio.*

**D**eus, qui solemnitáte Pas-  
cháli, mundo remédia  
contulisti: pópulum tuum,  
quæsumus, cœlésti dono pro-  
féquere; ut & perfectam liber-  
tatem cónsequi mereáture, &  
ad vitam proficiat sempitér-  
nam. Per Dóminum.

*Lectio Actuum Apostolorum.*

*Act. 10. f.*

**I**n diébus illis: Stans Petrus  
in médio plebis, dixit: Vi-  
ri fratres, vos scitis, quod  
factum est verbum per univér-  
sam Judæam: incípiens enim à  
Galilæa post baptísmum, quod  
prædicávit Joannes, Jesum à  
Názareth: quómodo unxit  
eum Deus Spíritu sancto, &  
virtúte, qui pertránsit bene-  
faciéndò, & sanándò omnes  
oppréssos à diabolo, quóniam  
Deus erat cum illo. Et nos tes-  
tes sumus ómnium, quæ fecit  
in



in regione Judæorum, & Jerúsalem, quem occiderunt suspendentes in ligno. Hunc Deus suscitavit tertia die, & dedit eum manifestum fieri non omni populo, sed testibus præordinatis à Deo: nobis, qui manducavimus & bibimus cum illo, postquam resurrexit à mortuis. Et præcepit nobis prædicare populo, & testificari, quia ipse est, qui constitutus est à Deo iudex vivorum & mortuorum. Huic omnes Prophætæ testimonium perhibent, remissionem peccatorum accipere per nomen ejus omnes, qui credunt in eum.

*Graduale. Ps. 117.* Hæc dies, quam fecit Dominus: exultemus & lætemur in ea.

℣. Dicat nunc Israël, quoniam bonus: quoniam in sæculum misericordia ejus.

Allelúia, allelúia.

℣. *Matth. 28.* Angelus Domini descendit de cælo, & accedens revolvit lapidem, & sedebat super eum.

*Sequentia. Victimæ Paschali cum Allelúia, in fine, ut supra in Dominica Paschæ. fol. 223.*

Sequentia sancti Evangelii secundum Lucam.

*Luc. 24.*

**I**N illo tempore: Duo ex discipulis Jesu ibant ipsa die in castellum, quod erat in spatio stadiorum sexaginta ab Jerúsalem, nomine Emmaus. Et ipsi loquebantur ad invicem de his omnibus, quæ acciderant. Et factum est, dum fabularéntur, & secum quærerent, & ipse Jesus appropinquans ibat cum illis: oculi

autem illorum tenebantur, ne eum agnoscerent. Et ait ad illos: Qui sunt hi sermones, quos confertis ad invicem ambulantes, & estis tristes? Et respondens unus, cui nomen Cleophas, dixit ei: Tu solus peregrinus es in Jerúsalem, & non cognovisti quæ facta sunt in illa his diebus? Quibus ille dixit: Quæ? Et dixerunt: De Jesu Nazaræno, qui fuit vir propheta, potens in opere & sermone coram Deo & omni populo. Et quomodo eum tradiderunt summi sacerdotes, & principes nostri in damnationem mortis, & crucifixerunt eum. Nos autem sperabamus, quia ipse esset redempturus Israël: & nunc super hæc omnia, tertia dies est hodie, quod hæc facta sunt. Sed & mulieres quædam ex nostris terruerunt nos, quæ ante lucem fuerunt ad monumentum, & non invento corpore ejus, venerunt, dicentes se etiam visionem Angelorum vidisse, qui dicunt eum vivere. Et abierunt quidam ex nostris ad monumentum: & ita invenérunt sicut mulieres dixerunt, ipsum verò non invenérunt. Et ipse dixit ad eos: O stulti, & tardi corde ad credendum in omnibus, quæ locuti sunt Prophætæ! Nónne hæc oportuit pati Christum, & ita intrare in gloriam suam: Et incipiens à Mōyse, & omnibus Prophetis, interpretabatur illis in omnibus Scripturis, quæ de ipso erant. Et appropinquaverunt castello, quod ibant: & ipse se finxit longius ire. Et coegerunt illum, dicentes:



Mane nobiscum, quoniam advesperascit, & inclinata est jam dies. Et intravit cum illis. Et factum est dum recumberet cum eis, accepit panem, & benedixit, ac fregit, & porrigebat illis. Et aperti sunt oculi eorum, & cognoverunt eum: & ipse evanuit ex oculis eorum. Et dixerunt ad invicem: Nonne cor nostrum ardens erat in nobis, dum loqueretur in via, & aperiret nobis Scripturas? Et surgentes eadem hora regressi sunt in Jerusalem, & invenerunt congregatos undecim, & eos, qui cum illis erant, dicentes: Quod surrexit Dominus verè, & apparuit Simoni. Et ipsi narrabant quæ gesta erant in via, & quomodo cognoverunt eum in fractione panis. Credo.

*Offertorium. Matth. 28.* Angelus Domini descendit de cælo, & dixit mulieribus: Quem queritis, surrexit sicut dixit, alleluia.

*Secreta.*

**S**uscipe, quæsumus Domine, preces populi tui cum oblationibus hostiarum: ut Paschalis initiata mysteriis, ad æternitatis nobis medelam te operante proficiant. Per Dominum.

*Communio. Luc. 24.* Surrexit Dominus, & apparuit Petro, alleluia.

*Postcommunio.*

**S**píritum nobis, Domine, tuæ charitatis infunde: ut quos sacramentis Paschalis satiasti, tua facias pietate còrdes. Per Dominum nostrum, in unitate ejusdem Spíritus sancti.

FERIA TERTIA.

*Statio ad Sanctum Paulum.*

*Introitus. Eccl. 15.*

**A**qua sapientiæ potavit eos, alleluia: firmabitur in illis, & non flectetur, alleluia: & exaltabit eos in ætèrnum, alleluia, alleluia.

*Psal. 104.* Confitemini Domino, & invocáte nomen ejus: annuntiáte inter Gentes ópera ejus.

✠. Glória Patri.

*Oratio.*

**D**eus, qui Ecclesiam tuam nova semper foetu multiplicas: concède famulis tuis, ut sacramentum vivendo teneant, quod fide percepérunt. Per Dominum nostrum.

Lectio Actuum Apostolorum.

*Act. 13. d.*

**I**n dièbus illis: Surgens Paulus, & manu silentium indicens, ait: Viri fratres, filii generis Abraham, & qui in vobis timent Deum, vobis verbum salutis hujus missum est. Qui enim habitabant Jerusalem, & principes ejus ignorantes Jesum, & voces Prophetarum, quæ per omne scribatum leguntur, judicantes impleverunt: & nullam causam mortis invenièntes in eo, petierunt à Pilato, ut interficerent eum. Cùmque consummasset omnia, quæ de eo scripta erant, deponentes eum de ligno, posuerunt eum in monumento: Deus verò suscitavit eum à mortuis tertia die: qui visus est per dies multos his, qui simul ascenderant cum eo de Galilæa in Jerusalem: qui usque nunc sunt testes ejus ad plebem. Et nos vobis an-

nun-



nuntiāmus eam, quæ ad patres nostros repromissio facta est: quoniam hanc Deus adimplēvit filiis nostris, resuscitans Jesum Christum Dominum nostrum.

*Graduale. Ps. 117.* Hæc dies, quam fecit Dominus, exultemus & lætemur in ea.

*v. Ps. 106.* Dicant nunc qui redempti sunt à Domino: quos redemit de manu inimici, & de regionibus congregavit eos. Allelúia, allelúia, *v.* Surrexit Dominus de sepúlchro, qui pro nobis pepēdit in ligno. *Sequentia. Victimæ Paschali. ut in Dominica Paschæ. fol.*

223.

Sequentia sancti Evangelii secundum Lucam.

*Luc. 24. e.*

**I**N illo tempore: Stetit Jesus in medio discipulorum suorum, & dicit eis: Pax vobis: ego sum, nolite timere. Conturbati verò, & contreriti, existimabant se spiritum videre. Et dixit eis: Quid turbati estis, & cogitationes, ascendant in corda vestra: Videte manus meas, & pedes; quia ego ipse sum: palpate, & videte: quia spiritus carnem & ossa non habet, sicut me videtis habere. Et cum hoc dixisset, ostendit eis manus, & pedes. Adhuc autem illis non credentibus, & mirantibus præ gaudio, dixit: Habetis hic aliquid, quod manducetur? At illi obtulerunt ei partem piscis assi, & favum mellis. Et cum manducasset coram eis, sumens reliquias, dedit eis. Et dixit ad eos: Hæc sunt verba, quæ locutus sum ad vos, cum adhuc

essem vobiscum, quoniam necesse est impleri omnia, quæ scripta sunt in lege Moysi, & Prophetis, & Psalmis de me: Tunc aperuit illis sensum, ut intelligerent Scripturas. Et dixit eis: Quoniam sic scriptum est, & sic oportebat Christum pati, & resurgere à mortuis tertia die: & predicari in nomine ejus poenitentiam, & remissionem peccatorum in omnes Gentes. Credo.

*Offertorium. Psalm. 17.* Intonuit de cælo Dominus, & Altissimus dedit vocem suam, & apparuerunt fontes aquarum, allelúia.

*Secreta.*

**S**uscipe Domine, fidelium preces cum oblationibus hostiarum: ut per hæc piæ devotionis officia, ad cælestem gloriam transeamus. Per Dominum.

*Communio. Col. 3.* Si confurrexistis cum Christo, quæ sursum sunt, quærite, ubi Christus est in dextera Dei sedens, allelúia: quæ sursum sunt sapite, allelúia.

*Postcommunio.*

**C**oncède, quæsumus, omnipotens Deus: ut Paschalis percéptio sacramenti continua in nostris mentibus perseveret. Per Dominum.

## FERIA QUARTA.

*Statio ad S. Laurentium extra muros. Introitus. Matt. 25.*

**V**enite benedicti Patris mei, percipite regnum, allelúia: quod vobis paratum est ab origine mundi, allelúia, allelúia, allelúia.



*Psalmus 95. Cantáte Dómino canticum novum: cantáte Dómino omnis terra.*

*℣. Glória Patri.*

*Oratio.*

**D**Eus, qui nos Resurrectionis Domínicæ ánnua solemnitate lætíficas: concéde propítius; ut per temporalia festa, quæ ágimus, pervenire ad gáudia æténa mereamur. Per eúndem Dóminum nostrum Jesum Christum Fílium tuum; Qui tecum vivit.

*Ab hac die usque ad Sabbatum in Albis inclusivè, post Orationem diei dicitur una ex sequentibus Orationibus tantum, nisi facienda sit commemoratio alicujus Festi simplicis occurrentis.*

*Contra persecutores Ecclesiæ.*

*Oratio.*

**E**cclesiæ tuæ, quæsumus Dómine, preces placátus admítte: ut destrúctis adversitatibus & erróribus universis, secúra tibi sérviat libertáte. Per Dóminum.

*Vel pro Papa, Oratio.*

**D**Eus ómnium fidélium pastor & rector, fámulum tuum N. quem pastórem Ecclesiæ tuæ præesse voluísti, propítius réspice: da ei, quæsumus, verbo & exémplo, quibus præest, proficere: ut ad vitam, unà cum grege sibi crédito, perveniat sempitérnam. Per Dóminum.

*Lectio Actuum Apostolorum.*

*Act. 3. b.*

**I**N diébus illis: Apériens Petrus os suum dixit: Viri Israélitæ, & qui timétis Deum, audíte. Deus Abraham, & Deus Isaac, & Deus Jacob, Deus patrum nostrórum glo-

rificávit Fílium suum Jesum, quem vos quidem tradidístis, & negástis ante fáciem Piláti, judicánte illo dimítte. Vos autem sanctum & justum negástis, & petístis virum homicídam donári vobis: auctórem verò vitæ interfecístis, quem Deus suscitávit à mórtuis, cujus nos testes sumus. Et nunc, fratres, scio quia per ignorantiam fecístis, sicut & príncipes vestri. Deus autem, quæ prænuntiávit per os ómnium Prophetárum, pati Christum suum, sic implévit. Pœnitémini igitur, & convertímini, ut deleántur peccáta vestra.

*Graduale. Ps. 117. Hæc dies, quam fecit Dóminus: exultémus & lætémur in ea.*

*℣. Déxtera Dómini fecit virtútem, dextera Dómini exaltavit me. Allelúia, allelúia.*

*℣. Luc. 24. Surrexit Dóminus verè: & apparuit Petro.*

*Sequentia Victimæ Paschali, ut in Dominica Paschæ. fol. 223.*

*Sequentia sancti Evangelii secundum Joánnem.*

*Joan. 21.*

**I**N illo témpore: Manifestávit se íterum Jesus discípu-  
lis ad mare Tiberiádis. Manifestávit autem sic. Erant simul Simon Petrus & Thomas, qui dicitur Dídymus, & Nathánael, qui erat à Cana Galilææ, & filii Zebedæi, & alii ex discí-  
pulis ejus duo. Dicit eis Simon Petrus: Vado piscári. Dicunt ei: Venímus & nos tecum. Et exiérunt, & ascenderunt in navim: & illa nocte nihil prendidérunt. Manè autem factó,



facto, stetit Jesus in littore : non tamen cognoverunt discipuli, quia Jesus est. Dixit ergo eis Jesus: Pueri, numquid pulmentarium habetis? Responderunt ei: Non. Dicit eis: Mittite in dexteram navigii rete, & inveniatis. Miserunt ergo: & jam non valabant illud trahere præ multitudinem piscium. Dixit ergo discipulus ille, quem diligebat Jesus, Petro: Dominus est. Simon Petrus cum audisset, quia Dominus est, tunica succinxit se (erat enim nudus) & misit se in mare. Alii autem discipuli navigio venerunt (non enim longè erant à terra, sed quasi cubitis ducentis) trahentes rete piscium. Ut ergo descendérunt in terram, viderunt prunas positas, & piscem superpositum, & panem. Dicit eis Jesus: Afferte de piscibus, quos prendidistis nunc. Ascendit Simon Petrus, & traxit rete in terram; plenum magnis piscibus centum quinquaginta tribus. Et cum tanti essent, non est scissum rete. Dicit eis Jesus: Venite, prandete. Et nemo audébat discumbentium interrogare eum, Tu quis es? scientes, quia Dominus est. Et venit Jesus, & accipit panem, & dat eis, & piscem, similiter. Hoc jam tertio manifestatus est Jesus discipulis suis, cum resurrexisset à mortuis. Credo.

*Offertorium. Psal. 77.* Portas cœli aperuit Dominus: & pluit illis manna, ut ederent: panem cœli dedit eis: panem Angelorum manducavit homo, allelúia.

*Secreta.*

**S**acrificia, Dómine, Paschalibus gaudiis immolamus: quibus Ecclesiæ tua mirabiliter & páscitur, & nutritur. Per Dóminum.

*Contra persecutores Ecclesiæ.*

*Secreta.*

**P**rótege nos, Dómine, tuis mystériis serviéntes: ut divinis rebus inhærentes, & corpore tibi famulémur, & mente. Per Dóminum.

*Vel pro Papa. Secreta.*

**O**blátis, quæsumus Dómine, placare munéribus: & famulum tuum N. quem pastorem Ecclesiæ tuæ præesse voluisti, assídua protectione guberna. Per Dóminum.

*Communio. Rom. 6.* Christus resurgens ex mortuis, jam non moritur, allelúia: mors illi ultrà non dominabitur, allelúia, allelúia.

*Postcommunio.*

**A**b omni nos, quæsumus Dómine, vetustate purgatos, sacraménti tui veneranda percéptio in novam transférat creaturam. Qui vivis & regnas.

*Contra persecutores Ecclesiæ.*

*Postcommunio.*

**Q**uæsumus Dómine Deus noster: ut quos divína tribuis participatione gaudere, humanis non finas subjacere periculis. Per Dóminum.

*Vel pro Papa. Postcommunio.*

**H**æc nos, quæsumus Dómine, divíni sacraménti percéptio protégat: & famulum tuum N. quem pastorem Ecclesiæ tuæ præesse voluisti, unà cum commisso sibi grege, salvet semper, & muniat. Per Dóminum.

FE-



## FERIA QUINTA.

*Statio ad sanctos duodecim Apostolos.*

*Introitus.*

*Sap. 10.*

**V**ictricem manum tuam, Dómine, laudavérunt páriter, allelúia: quia sapientia apérui os mutum, & linguas infántium fecit disertas, allelúia, allelúia.

*Psal. 97.* Cantáte Dómino cánticum novum: quia mirabilia fecit. *℣.* Glória Patri.

*Oratio.*

**D**eus, qui diversitatem Géntium in confessióne tui nóminis adunásti: da, ut renátis fonte baptísmatis, una sit fides méntium, & píetas actiónum. Per Dóminum.

*Secunda Oratio, Ecclésiæ. vel Deus ómnium. ut in Feria præced. fol. 228.*

Lectio Actuum Apostolorum.

*Act. 8. e.*

**I**N diébus illis: Angelus Dómini locútus est ad Philíppum, dicens: Surge, & vade contra meridiánum ad viam, quæ descendit ab Jerúsalem in Gazam: hæc est déserta. Et surgens ábiit. Et ecce vir Æthiops eunúchus, potens Candácis regínæ Æthiópum, qui erat super omnes gazas ejus, vénerat adoráre in Jerúsalem, & revertebátur sedens super currum suum, legénsque Isaiam Prophétam. Dixit autem Spíritus Philípโป: Accede, & adjúnge te ad currum istum. Accúrrens autem Philíppus, audívit eum legéntem Isaiam Prophétam, & dixit: Putásne intélligis quæ legis? Qui ait: Et quó-

modo possum, si non áliquis osténderit mihi? Rogavítque Philíppum, ut ascénderet, & sedéret secum. Locus autem Scriptúráe, quam legébat, erat hic: Tamquam ovis ad occisiónem ductus est: & sicut agnus coram tondénte se, sine voce, sic non apérui os suum. In humilitáte judícium ejus sublátum est. Generatió-nem ejus quis enarrábit, quóniam tollétur de terra víta ejus? Respóndens autem Eunúchus Philípโป, dixit: Obsecro te, de quo Prophéta dicit hoc: de se, an de álio áliquo? Apériens autem Philíppus os suum, & incípiens à Scriptúra ista, evangelizávit illi Jesum. Et dum irent per viam, venérunt ad quamdam aquam, & ait Eunúchus: Ecce aqua, quid próhibet me baptizári? Dixit autem Philíppus: Si credis ex toto corde, licet. Et respóndens, ait: Credo, Fílium Dei esse Jesum Christum. Et jussit stare currum: & descendérunt utérque in aquam, Philíppus & Eunúchus, & baptizávit eum. Cúm autem ascendíssent de aqua, Spíritus Dómini rápuit Philíppum, & ámplius non vidit eum Eunúchus. Ibat autem per viam suam gaudens. Philíppus autem invéntus est in Azóto. Et pertránsiens evangelizábat civitatibus cunctis (donec veníret Cæsaréam) nomen Dómini Jesu Christi.

*Graduale. Psalm. 117.* Hæc dies, quam fecit Dóminus: exultémus & lætémur in ea.

*℣.* Lápide[m], quem reproba-vérunt ædificántes, hic factus est in caput ánguli: à Dómino fac-



factum est istud, & est mirabile in oculis nostris. Allelúia, allelúia. *℣.* Surrexit Christus qui creávit ómnia: & misertus est humano géneri.

*Sequentia. Víctimæ Paschali. ut in Dominica Paschæ. 223.*

Sequentia sancti Evangelii secundum Joannem.

*Joan. 20. b.*

**I**N illo témpore: María stabat ad monuméntum foris plorans. Dum ergo flet, inclinávit se, & prospéxit in monuméntum: & vidit duos Angelos in albis sedéntes, unum ad caput, & unum ad pedes, ubi pósitum fúerat corpus Jesu. Dicunt ei illi: Múlier, quid ploras? Dicit eis: Quia tulérunt Dóminum meum, & nescio ubi posuerunt eum. Hæc cum dixisset, convérta est retrorsum, & vidit Jesum stantem, & non sciébat quia Jesus est. Dicit ei Jesus: Múlier, quid ploras? quem quæris? Illa exístimans, quia hortulánus esset, dicit ei: Dómine, si tu sustulísti eum, dicito mihi ubi posuísti eum, & ego eum tollam. Dicit ei Jesus: María. Convérta illa, dicit ei: Rabbóni (quod dicitur Magíster.) Dicit ei Jesus: Noli me tángere; nondum enim ascénderi ad Patrem meum: vade autem ad fratres meos, & dic eis: Ascéndo ad Patrem meum, & Patrem vestrum; Deum meum, & Deum vestrum. Venit María Magdaléne annúntians discipulis: Quia vidi Dóminum, & hæc dixit mihi. Credo.

*Offertorium. Exod. 13.* In die solemnitátis vestræ, dicit Dó-

minus, indúcam vos in terram fluéntem lac & mel, allelúia.

*Secreta.*

**S**uscipe, quæsumus Dómine, múnera populórum tuórum propítius: ut confessióne tui nóminis, & baptísmate renováti, sempitérnam beatitúdinem consequántur. Per Dóminum.

*Altera Secreta, vel Prótege nos. vel Oblátis. ut in Feria præced. fol. 229.*

*Communio. 1. Petr. 2.* Pópulus acquisitionis annuntiáte virtútes ejus, allelúia: qui vos de ténebris vocávit in admirábile lumen suum, allelúia.

*Postcommunio.*

**E**Xáudi Dómine preces nostras: ut redemptionis nostræ sacrosáncta commércia, & vitæ nobis cónferant præsentis auxílium, & gáudia sempitérna concílient. Per Dóminum.

*Altera Postcommunio, vel Quæsumus Dómine. vel Hæc nos. 229.*

## FERIA SEXTA.

*Statio ad S. Mariam ad Martyres.*

*Introitus. Psal. 77.*

**E**Dúxit eos Dóminus in spe, allelúia: & inimícos eórum opérui mare, allelúia, allelúia, allelúia.

*Psal. ibid.* Atténdite pópule meus legem meam: inclináte aurem vestram in verba oris mei.

*℣. Glória Patri.*

*Oratio.*

**O**Mnípotens sempitérne Deus, qui Paschále sacraméntum in reconciliatió-

nis



nis humanæ foedere contulisti: da mentibus nostris, ut quod professione celebramus, imitemur effectu. Per Dóminum nostrum.

*Secunda Oratio, vel Ecclésiæ tuæ. vel Deus ómnium. f. 228. LECTIO Epístolæ beati Petri Apóstoli. 1. Pet. 3. d.*

**C**haríssimi, Christus semel pro peccátis nostris mórtuus est, justus pro injústis, ut nos offerret Deo, mortificátus quidem carne, vivificátus autem spíritu. In quo & his, qui in cárcere erant, spirítibus, véniens prædicávit: qui incréduli fúerant aliquándó, quando expectábant Dei patientiam in diébus Noe, cum fabricarétur arca, in qua pauci, id est, octo animæ salvæ factæ sunt per aquam. Quod & vos nunc símilis formæ salvos facit baptísma: non carnis depositio sórdium, sed conscientiæ bonæ interrogátio in Deum per resurrectiōnem Jesu Christi Dómini nostri, qui est in dextera Dei.

*Graduale. Psal. 117. Hæc dies, quam fecit Dóminus: exultémus & lætémur in ea.*

*v. Benedíctus qui venit in nómine Dómini: Deus Dóminus, & illúxit nobis.*

*Allelúia, allelúia.*

*v. Ps. 95. Dícite in Géntibus: quia Dóminus regnávít à ligno.*

*Sequentia. Víctimæ Paschali. ut in Dominica Paschæ. fol. 223.*

*Sequentia sancti Evangélii secundum Matthæum.*

*Matth. 28. d.*

**I**n illo témpore: Undecim discípuli abiérunt in Galilæam in montem, ubi con-

stitúerat illis Jesus. Et videntes eum adoravérunt: quidam autem dubitavérunt. Et accédens Jesus locútus est eis, dicens: Data est mihi omnis potéstas in cœlo & in terra. Euntes ergo, docéte omnes Gentes, baptizántes eos in nómine Patris, & Fílii, & Spíritus sancti: docéntes eos serváre ómnia quæcúmque mandávi vobis: & ecce ego vobíscum sum ómnibus diébus, usque ad consummationem sæculi. Credo.

*Offertorium. Exod. 12. Erit vobis hæc dies memoriális, allelúia: & diem festum celebrábitis solémnem Dómino in progénies vestras: legítimum sempitérnum diem, allelúia, allelúia.*

*Secreta.*

**H**ostias, quæsumus Dómine, placátus assúme: quas & pro renatórum expiatiōe peccáti deférinus, & pro acceleratiōe cœlestis auxilií. Per Dóminum.

*Altera Secreta, Prótege nos. vel Oblátis, quæsumus. fol. 229.*

*Communio. Matth. 28. Data est mihi omnis potéstas in cœlo & in terra, allelúia: eúntes docéte omnes Gentes, baptizántes eos in nómine Patris, & Fílii, & Spíritus sancti, allelúia, allelúia.*

*Postcommunio.*

**R**espice, quæsumus Dómine, pópulum tuum: & quem ætérnis dignátus es renováre mystériis, à temporálibus culpis dignánter absólve. Per Dóminum.

*Altera Postcomm. vel Quæsumus Dómine. vel Hæc nos. ut in Feria iv. præced. fol. 229.*



## SABBATO IN ALBIS.

*Statio ad S. Joannem in Laterano.**Introitus. Psal. 104.*

**E**Duxit Dóminus pópulum suum in exultatióne, allelúia: & eléctos suos in lætítia, allelúia, allelúia.

*Psal. ibid.* Confitémini Dómino, & invocáte nomen ejus: annuntiáte inter Gentes ópera ejus.

*v. Glória Patri.*

*Oratio.*

**C**oncède quæsumus omnipotens Deus: ut qui festa Paschália venerádo égimus; per hæc contíngere ad gáudia ætérna mereámur. Per Dóminum.

*Secunda Oratio, vel Ecclésiæ. vel Deus ómnium fidélium. ut in Feria iv. præcedenti. fol. 228.*

Léctio Epístolæ beáti Petri Apóstoli. 1. Pet. 2.

**C**haríssimi, Deponéntes omnem malítiam, & omnem dolum, & simulatiónes, & invídias, & omnes detractiões, sicut modò géniti infántes, rationábiles, sine dolo lac concupíscite: ut in eo cre-scátis in salútem: si tamen gustástis, quóniam dulcis est Dóminus. Ad quem accedéntes lápidem vivum, ab homínibus quidem reprobátum, à Deo autem eléctum & honorificátum: & ipsi tamquam lápides vivi superædificámini, domus spirituális, sacerdotium sanctum, offerre spirituáles hóstias, acceptábiles Deo per Jesum Christum. Propter quod contémnet Scriptúra: Ecce pono in Sion lápidem summum angulárem, eléctum, pretiósus:

& qui credíderit in eum, non confundétur. Vobis ígitur honor credéntibus: non credéntibus autem, lapis quem reprobavérunt ædificántes, hic factus est in caput ánguli: & lapis offensiónis, & petra scándali, his qui offéndunt verbo, nec credunt in quo & pófiti sunt. Vos autem genus eléctum, regále sacerdotium, gens sancta, pópulus acquisitiónis: ut virtútes annuntiétis ejus, qui de ténebris vos vocávit in admirábile lumen suum. Qui aliquándo non pópulus, nunc autem pópulus Dei: qui non consecúti misericórdiam, nunc autem misericórdiam consecúti.

*¶ Ab hac die usque ad Oct. Pentec. tam in Offic. de Temp. quàm de Sanctis, non dicitur Graduale: sed ejus loco dicuntur duo Versus cum quatuor Allelúia, ordine infra scripto: præterquam in Missis Rogationum, & Vigiliæ Pentec. in quibus dicitur unum Allelúia, cum uno versu: similiter & post quamlibet Lectionem in Sabbato Quat. Temp. post Pentec. Alio tempore usque ad Septuag. quando dicitur Graduale, dicuntur tria Allelúia, post Graduale, bis ante Versum, & semel post Versum: cum autem dicitur Sequentia, Allelúia, quod dicendum esset post Versum, dicitur post Sequentiam. Allelúia, allelúia.*

*v. Psal. 117.* Hæc dies quam fecit Dóminus: exultémus & lætémur in ea. Allelúia.

*v. Psalm. 112.* Laudáte púeri Dóminum, laudáte nomen Dómini.

*Sequentia. Victimæ Paschæ-li. fol. 223.*



Sequentia sancti Evangelii secundum Joannem.

*Joan. 20.*

**I**N illo tempore: Una sabbati Maria Magdalene venit manere, cum adhuc tenebræ essent, ad monumentum: & vidit lapidem sublatum à monumento. Cucurrit ergo, & venit ad Simonem Petrum, & ad alium discipulum, quem amabat Jesus, & dicit illis: Tulerunt Dominum de monumento, & nescimus ubi posuerunt eum. Exiit ergo Petrus, & ille alius discipulus, & venerunt ad monumentum. Currabant autem duo simul, & ille alius discipulus præcucurrit citius Petro, & venit primus ad monumentum. Et cum se inclinasset, vidit posita linteamina, non tamen introivit. Venit ergo Simon Petrus sequens eum, & introivit in monumentum, & vidit linteamina posita, & sudarium, quod fuerat super caput ejus, non cum linteaminibus positum, sed separatim involutum in unum locum. Tunc ergo introivit & ille discipulus, qui venerat primus ad monumentum: & vidit, & credidit: nondum enim sciébant Scripturam, quia oportebat eum à mortuis resurgere. Credo.

*Offertorium. Psal. 117. Benedictus, qui venit in nomine Domini: benediximus vobis de domo Domini: Deus Dominus, & illuxit nobis, allelúia, allelúia. Secreta.*

**C**oncède quæsumus Domine, semper nos per hæc mysteria Paschalia gratulari: ut continua nostræ reparationis operatio, perpétuæ nobis

fiat causa lætitiæ. Per Dominum.

*Aliæ Secretæ, vel Prôtege. vel Oblatis, quæsumus. fol. 229.*

*Communio. Gal. 3. Omnes qui in Christo baptizati estis, Christum induistis, allelúia.*

*Postcommunio.*

**R**edemptionis nostræ munere vegetati, quæsumus Domine: ut hoc perpétuæ salutis auxilio, fides semper vera proficiat. Per Dominum.

*Altera Postcomm. vel Quæsumus. vel Hæc nos, quæsumus. fol. 229.*

## DOMINICA IN ALBIS IN OCTAVA PASCHÆ.

*Statio ad S. Pancratium.*

*Introitus. 1. Pet. 2.*

**Q**uasi modò geniti infantes, allelúia: rationabiles, sine dolo lac concupiscite, allel. allel. allel.

*Psal. 80. Exultate Deo adjutori nostro: jubilate Deo Jacob. v. Glória.*

*Oratio.*

**P**ræsta quæsumus omnipotens Deus: ut qui Paschalia festa perégimus, hæc, te largiente, moribus & vita teneamus. Per Dominum.

*Lectio Epistolæ beati Joannis Apostoli. 1. Joan. 5.*

**C**harissimi: Omne, quod natum est ex Deo, vincit mundum, & hæc est victória, quæ vincit mundum, fides nostra. Quis est qui vincit mundum, nisi qui credit, quoniam Jesus est Filius Dei? hic est qui venit per aquam, & sanguinem, Jesus Christus: non in aqua solum, sed in aqua & sanguine. Et spiritus est, qui testificatur quod-



quóniam Christus est véritas. Quóniam tres sunt, qui testimónium dant in cœlo: Pater, Verbum, & Spíritus sanctus: & hi tres unum sunt. Et tres sunt, qui testimónium dant in terra: Spíritus, & aqua, & sanguis: & hi tres unum sunt. Si testimónium hóminum accípiamus, testimónium Dei majus est: quóniam hoc est testimónium Dei, quod majus est: quóniam testificátus est de Fílio suo. Qui credit in Fílium Dei, habet testimónium Dei in se.

*Allelúia, allel. v. Matth. 28.*  
In die resurrectionis meæ, dicit Dóminus, præcedam vos in Galilæam. *Allelúia.*

*v. Joan. 20.* Post dies octo, jánuis clausis, stetit Jesus in médio discipulórum suórum, & dixit: Pax vobis. *Allelúia.*

*Sequéntia sancti Evangélíi secúndum Joánnem.*

*Joan. 20. c.*

**I**N illo témpore: Cùm ferò esset die illo, una sabbatórum, & fores essent clausæ, ubi erant discípuli congregati propter metum Judæórum: venit Jesus, & stetit in médio, & dixit eis: Pax vobis. Et cùm hoc dixisset, osténdit eis manus, & latus. Gavísi sunt ergo discípuli, viso Dómino. Dixit ergo eis iterum: Pax vobis. Sicut misit me Pater, & ego mitto vos. Hæc cùm dixisset, insufflavit, & dixit eis: Accípite Spíritum sanctum: quorum remiséritis peccata, remittúntur eis: & quorum retinuéritis, reténta sunt. Thomas autem unus ex duódecim, qui dicitur Dídymus, non erat cum eis, quando ve-

nit Jesus. Dixérunt ergo ei álii discípuli: Vídimus Dóminum. Ille autem dixit eis: Nisi vídero in mánibus ejus fixúram clavórum, & mittam dígitum meum in locum clavórum, & mittam manum meam in latus ejus, non credam. Et post dies octo, iterum erant discípuli ejus intus, & Thomas cum eis. Venit Jesus jánuis clausis, & stetit in médio, & dixit: Pax vobis. Deínde dicit Thomæ: Infer dígitum tuum huc, & vide manus meas, & affer manum tuam, & mitte in latus meum: & noli esse incredulus, sed fidélis. Respóndit Thomas, & dixit ei: Dóminus meus, & Deus meus. Dixit ei Jesus: Quia vidísti me Thoma, credidísti: beáti, qui non víderunt, & credidérunt. Multa quidem & ália signa fecit Jesus in conspéctu discipulórum suórum, quæ non sunt scripta in libro hoc. Hæc autem scripta sunt, ut credátis, quia Jesus est Christus Fílius Dei: & ut credéntes, vitam habeátis in nómine ejus. Credo.

*Offertorium. Matth. 28.* Angelus Dómini descendit de cœlo, & dixit muliéribus: Quem quæritis? surrexit sicut dixit, allel. *Secreta.*

**S**uscipe múnera, Dómine quæsumus, exultántis Ecclesiæ: & cui causam tanti gáudii præstitísti, perpétuæ fructum concéde lætitiæ. Per Dóminum.

*Communio. Jo. 20.* Mitte manum tuam, & cognóscce loca clavórum, allelúia: & noli esse incredulus, sed fidélis, allelúia, allelúia. *Postcommunio.*

**Q**uæsumus Dómine Deus noster: ut sacrosáncta mysté-



mystéria, quæ pro reparati-  
onis nostræ munimine contu-  
listi, & præsens nobis remé-  
dium esse fácias, & futúrum.  
Per Dóminum.

¶ *A FERIA II. post Octavam  
Paschæ usque ad Ascensionem post  
Orationem, diei dicuntur Oratio-  
nes sequentes, nisi sit Festum Du-  
plex.*

*De beata Maria. Oratio.*

**C**oncède nos famulos tu-  
os, quæsumus Dómine  
Deus, perpétua mentis & cór-  
poris sanitate gaudere: & glo-  
riosa beatæ Mariæ semper vír-  
ginis intercessióne, à præsentí  
liberáti tristítia, & ætérna  
pérfrui lætítia.

*Contra persecutores Ecclesiæ.*

*Oratio.*

**E**cclésiæ tuæ, quæsumus  
Dómine, preces placátus  
admítte: ut destrúctis adver-  
sitátibus & erróribus univér-  
sis, secúra tibi sérviat libertá-  
te. Per Dóminum.

*Vel pro Papa. Oratio.*

**D**eus, ómnium fidélium  
pastor & rector, famu-  
lum tuum N. quem pastórem  
Ecclesiæ tuæ præesse voluísti,  
propítius réspice: da ei, quæ-  
sumus, verbo & exémplo, qui-  
bus præest, proficere; ut ad  
vitam, unà cum grege sibi cré-  
dito, pervéniat sempitérnam.  
Per Dóminum.

*De beata Maria. Secreta.*

**T**ua, Dómine, propitiatió-  
ne, & beatæ Mariæ sem-  
per vírginis intercessióne, ad  
perpétuam atque præsentem  
hæc oblátio nobis proficiat  
prosperitátem & pacem.

*Contra persecutores Ecclesiæ.*

*Secreta.*

**P**rótege nos, Dómine, tuis  
mystériis serviéntes: ut

divínis rebus inhæréntes, &  
córpoze tibi famulémur, &  
mente. Per Dóminum.

*Vel pro Papa. Secreta.*

**O**blátis, quæsumus Dómi-  
ne, placáre munéribus: &  
famulum tuum N. quem pas-  
tórem Ecclesiæ tuæ præesse  
voluísti, assídua protectióne  
gubérna. Per Dóminum.

*De beata Maria. Postcomm.*

**S**umptis, Dómine, salútis  
nostræ subsidiis: da, quæ-  
sumus, beatæ Mariæ semper  
vírginis patrocíniis nos ubí-  
que prótegi; in cujus vene-  
ratione, hæc tuæ obtúlimus  
majestáti.

*Contra Persecutores Ecclesiæ.*

*Postcommunio.*

**Q**uæsumus, Dómine De-  
us noster: ut, quos di-  
vína tríbuis participatióne  
gaudere, humanis non finas  
subjacere perículis. Per Dó-  
minum nostrum.

*Vel pro Papa. Postcommunio.*

**H**æc nos, quæsumus Dó-  
mine, divíni sacraménti  
percéptio prótegit: & famu-  
lum tuum N. quem pastórem  
Ecclesiæ tuæ præesse voluísti,  
unà cum commísso sibi grege,  
salvet semper & múniat. Per  
Dóminum.

## DOMINICA SECUNDA POST PASCHA.

*Introitus. Psalm. 32.*

**M**isericórdia Dómini ple-  
na est terra, allelúia:  
verbo Dómini coeli firmáti  
sunt, allelúia, allelúia.

*Psalm. ibid. Exultáte justi in  
Dómino: rectos decet collau-  
datio. V. Glória Patri.*

*Ora-*



## Oratio.

**D**Eus, qui in Fílii tui humilitate, jacéntem mundum erexísti: fidélibus tuis perpétuam concéde lætítiam; ut quos perpétuæ mortis eripuísti cáribus, gáudiis fácias pérfrui sempitérnis. Per eúmdem Dóminum.

*Aliæ Orationes, Concéde nos. & Ecclesiæ tuæ. vel Deus ómnium. ut supra post Oct. Paschæ. fol. 236.*

Léctio Epístolæ beáti Petri Apóstoli. 1. Pet. 2. d.

**C**haríssimi: Christus passus est pro nobis, vobis relínquens exémplum, ut sequámini vestígia ejus. Qui peccátum non fecit, nec invéntus est dolus in ore ejus: qui cùm maledicerétur, non maledicébat: cùm paterétur, non cominabátur: tradébat autem judicánti se injústè: qui peccáta nostra ipse pértulit in córpore suo super lignum: ut peccáttis mórtui, justítiae vivámus: cujus livóre sanáti estis. Erátis enim sicut oves errántes, sed convérsti estis nunc ad pastórem & episcopum animárum vestrárum.

Allelúia, allelúia.

℣. Luc. 24. Cognovérunt discípuli Dóminum Jesum in fractióne panis. Allelúia.

℣. Joan. 10. Ego sum pastor bonus, & cognósco oves meas, & cognóscunt me meæ. Allelúia.

Sequéntia sancti Evangélii secundùm Joánnem.

Joan. 10. b.

**I**N illo témpore: Dixit Jesus Pharisæis: Ego sum pastor bonus. Bonus pastor ánimam suam dat pro

óvibus suis. Mercenárius autem, & qui non est pastor, cujus non sunt oves própriæ, videt lupum veniéntem, & dimíttit oves, & fugit, & lupus rapit, & dispérgit oves: mercenárius autem fugit, quia mercenárius est, & non pértinet ad eum de óvibus. Ego sum pastor bonus, & cognósco meas, & cognóscunt me meæ. Sicut novit me Pater: & ego agnósco Patrem: & ánimam meam pono pro óvibus meis. Et álias oves hábeo, quæ non sunt ex hoc ovíli: & illas opórtet me addúcere, & vocem meam audient, & fiet unum ovíle, & unus pastor. Credo.

*Offertorium. Psal. 62. Deus Deus meus, ad te de luce vígilo: & in nómine tuo levábo manus meas, allelúia.*

## Secreta.

**B**enedictiónem nobis, Dómine, cónferat salutárem sacra semper oblátio: ut, quod agit mystério, virtúte perficiat. Per Dóminum.

*Aliæ Secretæ, Tua Dómine. & Prótege nos. vel Oblátis. ut supra post Octavam Paschæ. fol. 236.*

*Communio. Joan. 10. Ego sum pastor bonus, allelúia: & cognósco oves meas, & cognóscunt me meæ, allelúia, allelúia.*

## Postcommunio.

**P**Ræsta nobis, quæsumus omnipotens Deus: ut vivificatiónis tuæ grátiam consequétes, in tuo semper múnere gloriémur. Per Dóminum nostrum.

*Aliæ Postcommun. Sumptis & Quæsumus Dómine. vel Hæc nos. fol. 236.*



DOMINICA III. POST  
PASCHA.*Introitus. Psalm. 65.*

**J**ubiláte Deo omnis terra,  
allelúia: psalmum dicite  
nómini ejus, allelúia: date  
glóriam laudi ejus, allelúia,  
allelúia, allelúia.

*Psal. ibid.* Dicite Deo, quàm  
terribília sunt ópera tua Dó-  
mine! in multitudine virtútis  
tuæ mentiéntur tibi inimíci  
tui. *v.* Glória Patri.

*Oratio.*

**D**eus, qui errántibus, ut in  
viam possint redíre justí-  
tiæ, veritátis tuæ lumen ostén-  
dis: da cunctis, qui Christiana  
professione censéntur, & illa  
respúere, quæ huic inimíca  
sunt nómini; & ea, quæ sunt  
apta, sectári. Per Dóminum,

*Aliæ Orationes, Concéde*  
*nos. & Ecclesiæ. vel Deus óm-*  
*nium. fol. 236.*

Lectio Epístolæ beáti Petri  
Apóstoli. *1. Petr. 2. b.*

**C**haríssimi: Obsecro vos  
tamquam ádvenas & pe-  
regrínos abstinére vós à carná-  
libus desidériis, quæ militánt  
advérsus ánimam, conversa-  
tiónem vestram inter Gentes  
habéntes bonam: ut in eo,  
quòd detréctant de vobis, tam-  
quam de malefactóribus, ex  
bonis opéribus vos confide-  
rántes, gloríficent Deum in  
die visitatiónis. Subjécti igitur  
estóte omni humánæ creaturæ  
propter Deum, sive regi quasi  
præcellénti, sive ducibus tam-  
quam ab eo missis ad vindíc-  
tam malefactorum, laudem  
verò bonórum: quia sic est vo-  
lúntas Dei, ut benefaciéntes

obmutéscere faciátis impru-  
déntium hóminum ignoran-  
tiam: quasi líberi, & non quasi  
vel men habéntes malítiæ li-  
bertatem, sed sicut servi Dei.  
Omnes honoráte: fraternitá-  
tem diligite: Deum timéte: re-  
gem honorificáte. Servi súbdí-  
ti estóte in omni timóre dómi-  
nis, non tantum bonis, & mo-  
déstis, sed etiam dyscolis. Hæc  
est enim grátia: in Christo  
Jesu Dómino nostro.

Allelúia, allelúia.

*v. Psal. 110.* Redempti-  
onem misit Dóminus pópulo  
suo. Allelúia.

*v. Luc. 24.* Oportébat pati  
Christum, & resúrgere à mór-  
tuis: & ita intráre in glóriam  
suam. Allelúia.

Sequéntia sancti Evangélii se-  
cúndum Joánnem.

*Joan. 16. b.*

**I**n illo témpore: Dixit Je-  
sus discípulis suis: Módi-  
cum, & jam non vidébi-  
tis me: & iterum módicum,  
& vidébitis me: quia vado ad  
Patrem. Dixérunt ergo ex dis-  
cípulis ejus ad invicem: Quid  
est hoc, quod dicit nobis:  
Módicum, & non vidébitis  
me: & iterum módicum, &  
vidébitis me, & quia vado ad  
Patrem? Dicébant ergo: Quid  
est hoc, quod dicit, Módicum?  
nescimus quid lóquitur. Cog-  
nóvit autem Jesus, quia vo-  
lébant eum interrogáre, & dix-  
it eis: De hoc quæritis inter  
vos, quia dixi: Módicum, &  
non vidébitis me: & iterum  
módicum, & vidébitis me?  
Amen, amen dico vobis: quia  
plorábitis, & flébitis vos, mun-  
dus autem gaudébit, vos verò  
con-



contristabimini, sed tristitia vestra vertetur in gaudium. Mulier cum parit, tristitiam habet, quia venit hora ejus: cum autem pepererit puerum, jam non meminit pressuræ propter gaudium, quia natus est homo in mundum. Et vos igitur nunc quidem tristitiam habetis: iterum autem videbo vos, & gaudet cor vestrum, & gaudium vestrum nemo tollet à vobis. Credo.

*Offertorium. Psal. 145.* Lau-  
da anima mea Dóminum: lau-  
dabo Dóminum in vita mea:  
psallam Deo meo, quámdu  
ero, allelúia. *Secreta.*

**H**is nobis, Dómine, mys-  
teriis conferatur, quo  
terræna desideria mitigantes,  
discamus amare cœlestia. Per  
Dóminum.

*Aliæ Secretæ, Tua Dómine.*  
Prótege. *vel* Oblátis. fol. 236.

*Communio. Jo. 16.* Módicum,  
& non videbitis me, allelúia.  
iterum módicum, & videbitis  
me, quia vado ad Patrem, al-  
lelúia, allelúia. *Postcomm.*

**S**acramenta, quæ sumpsi-  
mus, quæsumus Dómine,  
& spirituálibus nos instaurent  
aliméntis, & corporálibus  
tueántur auxiliis. Per Dó-  
minum.

*Aliæ Postcomm.* Sumptis Dó-  
mine. & Quæsumus Dómine.  
*vel* Hæc nos, quæsumus.  
fol. 236.

## DOMINICA QUARTA POST PASCHA.

*Introitus. Psal. 67.*

**C**antáte Dómino canticum  
novum, allelúia: quia  
mirabilia fecit Dóminus, al-  
lelúia: ante conspéctum Gén-

tium revelávit justítiam suam,  
allelúia, allelúia, allelúia.

*Psal. ibid.* Salvábit sibi dex-  
tera ejus, & bráchium sanc-  
tum ejus.

*v. Glória Patri.*

*Oratio.*

**D**eus, qui fidélium mentes  
unius éfficis voluntátis:  
da pópulis tuis id amare quod  
præcipis, id desiderare quod  
promíttis; ut inter mundánas  
varietátes ibi nostra fixa sint  
corda, ubi vera sunt gáudia.  
Per Dóminum.

*Aliæ Orationes, Concède nos.*  
& Ecclésiæ tuæ. *vel* Deus  
ómnium fidélium. *ut supra,*  
fol. 236.

Léctio Epístolæ beáti Jacóbi  
Apóstoli. *Jac. 1. c.*

**C**haríssimi: Omne datum  
óptimum, & omne do-  
num perféctum desúrsum est,  
descéndens à Patre lúminum,  
apud quem non est transmu-  
tatio, nec vicissitúdinis obum-  
bratio. Voluntáriè enim gé-  
nuit nos verbo veritátis, ut fi-  
mus inítium áliquod creatúræ  
ejus. Scitis fratres mei dilec-  
tíssimi. Sit autem omnis ho-  
mo velox ad audiéndum, tar-  
dus autem ad loquéndum, &  
tardus ad iram. Ira enim viri  
justítiam Dei non operátur.  
Propter quod abjiciéntes om-  
nem immundítiam, & abun-  
dántiam malítiæ, in man-  
fuetúdone fuscípíte ínsitum  
verbum, quod potest salváre  
ánimas vestras.

Allelúia, allelúia.

*v. Psal. 117.* Déxtera Dó-  
mini fecit virtútem: déxtera  
Dómini exaltávit me. Alle-  
lúia.

*v. Rom. 6.* Christus resúr-  
gens ex mórtuis, jam non mó-  
ritur:



ritur: mors illi ultrà non dominabitur. Allelúia.

Sequéntia sancti Evangelii secundùm Joánnem.

*Joan. 16. c.*

**I**N illo témpore: Dixit Jesus discípulis suis: Vado ad eum, qui misit me: & nemo ex vobis intérrogat me, Quò vadis? Sed quia hæc locútus sum vobis, tristítia implévit cor vestrum. Sed ego veritátem dico vobis: expedit vobis, ut ego vadam: si enim non abíero, Paráclitus non véniet ad vos: si autem abíero, mittam eum ad vos. Et cùm vénerit ille, árguet mundum de peccáto, & de justítia, & de judício. De peccáto quidem, quia non crediderunt in me: de justítia verò, quia ad Patrem vado, & jam non vidébitis me: de judício autem, quia princeps hujus mundi jam judicátus est. Adhuc multa hábeo vobis dícere: sed non potéstis portáre modò. Cum autem vénerit ille Spíritus veritátis, docébit vos omnem veritátem. Non enim loquétur à semetípso: sed quæcúmque áudiet, loquétur, & quæ ventúra sunt, annuntiábit vobis. Ille me clarificábit: quia de meo accípiet, & annuntiábit vobis. Credo.

*Offertorium. Psal. 65.* Jubiláte Deo univérſa terra, psalmum dícite nómini ejus: veníte, & audíte, & narrábo vobis omnes, qui timétis Deum, quanta fecit Dóminus: ánimæ meæ, allelúia.

*Secreta.*

**D**Eus, qui nos per hujus sacrificii veneránda comérceia, unius summæ divini-

tátis partícipes effecísti: præſta, quæſumus, ut sicut tuam cognóſcimus veritátem, sic eam dignis móribus assequámur. Per Dóminum.

*Aliæ Secretæ, Tua Dómine. & Prótege nos. vel Oblátis. fol. 236.*

*Communio. Jo. 16.* Cùm vénerit Paráclitus Spíritus veritátis, ille árguet mundum de peccáto, & de justítia, & de judício, allelúia, allelúia.

*Postcommunio.*

**A**Desto nobis Dómine Deus noster: ut per hæc, quæ fidéliter sumpſimus, & purgémur à víitiis, & à perículis ómnibus eruámur. Per Dóminum.

*Aliæ Postcomm. Sumptis Dómine. & Quæſumus, Dómine. vel Hæc nos quæſumus. fol. 236.*

## DOMINICA QUINTA POST PASCHA.

*Introitus.*

*Isa. 48.*

**V**Ocem jucunditátis annuntiáte, & audiátur, allelúia, annuntiáte usque ad extrémum terræ: liberávit Dóminus pópulum suum, allelúia, allelúia.

*Psal. 65.* Jubiláte Deo omnis terra: psalmum dícite nómini ejus, date glóriam laudi ejus. *v.* Glória Patri.

*Oratio.*

**D**Eus, à quo bona cuncta procedunt, largíre supplicibus tuis: ut cogitémus, te inspiránte, quæ recta sunt, & te gubernánte, eadem faciámus. Per Dóminum.

*Aliæ Orationes, Concède nos. & Ecclesiæ tuæ. vel Deus ómnium fidélium. fol. 236.*

Lé-



Lectio Epistolæ beati Jacobi  
Apóstoli. *Jac. i. d.*

**C**haríssimi: Estóte factóres  
verbi, & non auditóres  
tantum, falléntes vosmetípsos.  
Quia si quis audítor est verbi,  
& non factor: hic comparábi-  
tur viro consideránti vultum  
nativitátis suæ in spéculo:  
considerávit enim se, & ábiit,  
& statim oblítus est qualis  
fúerit. Qui autem perspéxe-  
rit in legem perféctam liber-  
tátis, & permánserit in ea,  
non audítor oblivíofus fac-  
tus, sed factor óperis: hic  
beátus in facto suo erit. Si  
quis autem putat se religiós-  
um esse, non refrænans lin-  
guam suam, sed sedúcens cor  
suum, hujus vana est relígio.  
Relígio munda & immacu-  
láta apud Deum & Patrem,  
hæc est: Visítare pupíllos &  
víduas in tribulatióne eórum,  
& immaculátum se custodíre  
ab hoc sæculo.

Allelúia, allelúia.

℣. Surrexit Christus, & il-  
lúxit nobis, quos redémit sân-  
guine suo. Allelúia.

℣. *Joan. 16.* Exívi à Patre,  
& veni in mundum: íterum  
relínquo mundum, & vado ad  
Patrem. Allelúia.

Sequéntia sancti Evangélii se-  
cúndum Joánnem.

*Joan. 16. c.*

**I**N illo témpore: Dixit Je-  
sus discípulis suis: Amen,  
amen dico vobis: si quid peti-  
éritis Patrem in nómine meo,  
dabit vobis. Usque modò non  
petístis quidquam in nómine  
meo: Pétite, & accipiétis, ut  
gáudium vestrum sit plenum.  
Hæc in provérbiis locútus sum  
vobis. Venit hora, cum jam

non in provérbiis lôquar vo-  
bis, sed palàm de Patre an-  
nuntiábo vobis. In illo die in  
nómine meo petétis: & non  
dico vobis, quia ego rogábo  
Patrem de vobis: ipse enim  
Pater amat vos, quia vos me  
amástis, & credidístis, quia  
ego à Deo exívi. Exívi à Pa-  
tre, & veni in mundum: íte-  
rum relínquo mundum, & va-  
do ad Patrem. Dicunt ei dis-  
cípuli ejus: Ecce nunc palàm  
lôqueris, & provérbium nul-  
lùm dicis. Nunc scimus, quia  
scis ómnia, & non opus est  
tibi, ut quis te intéroget: in  
hoc crédimus, quia à Deo ex-  
ísti. Credo.

*Offertorium. Ps. 65.* Benedí-  
cite Gentes Dóminum Deum  
nostrum, & obaudíte vocem  
laudis ejus: qui pósuit áni-  
mam meam ad vitam, & non  
dedit commovéri pedes meos:  
benedíctus Dóminus, qui non  
amóvit deprecationem meam,  
& misericórdiam suam à me,  
allelúia.

*Secreta.*

**S**uscipe Dómine fidélium  
preces cum oblatiônibus  
hostiárum: ut per hæc piæ  
devotiônis officia, ad cœlé-  
stem glóriam transeámus. Per  
Dóminum.

*Aliæ Secr.* Tua Dómine.  
Prótege nos. *vel* Oblátis. fol.  
236.

*Communio. Psalm. 95.* Can-  
táte Dómino, allelúia: can-  
táte Dómino, & benedícite  
nomen ejus: benè nuntiáte  
de die in diem salutáre ejus,  
allelúia, allelúia.

*Postcommunio.*

**T**Ríbue nobis, Dómine,  
cœléstis mensæ virtute  
satiáti, & desideráre quæ rec-



ta sunt, & desiderata percipere. Per Dominum.

*Alia Postc.* Sumptis Domine. & Quæsumus Domine. *vel* Hæc nos quæsumus. f. 236.

## IN LITANIIS MAJORIBUS.

*In festo S. Marci Evang. Statio ad S. Petrum. Et in minoribus ante Ascensionem, Fer. ii. Rogat. Statio ad S. Mariam majorem. Feria iii. Statio ad S. Joannem in Laterano. Feria iv. Statio ad S. Petrum.*

¶ *Sequens Missa dicitur in Litanis majoribus & minoribus ad Processionem, sine commem. Festi occurr. In Feriis autem Rogationum, in Missis privatis, si dicitur de Sancto, fit commem. Rogationum: si dicitur de Rogationibus, fit commemoratio Festi occurrentis. Feria verò iii. si Festum non occurrat, dicatur Missa de Rogationibus, sine Glória in excelsis, licet in Officio dictum sit, Te Deum, & Oratio Dominicæ.*

*Introitus. Psal. 17.*

**E**Xaudivit de templo sancto suo vocem meam, allelúia: & clamor meus in conspectu ejus introivit in aures ejus, allelúia, allelúia.

*Psal. ibid.* Diligam te Domine virtus mea: Dominus firmamentum meum, & refugium meum, & liberator meus. v. Glória Patri.

*In hac Missa non dicitur Glória in excelsis, neque Credo.*

*Oratio.*

**P**Ræsta quæsumus omnipotens Deus: ut qui in afflictione nostra de tua pie-

tate confidimus, contra adversa omnia, tua semper protectione muniamur. Per Dominum nostrum.

*Alia Orationes, Concède nos. & Ecclesiæ tuæ. vel Deus omnium fidelium. fol. 236.*

Lectio Epistolæ beati Jacobi Apostoli. *Jac. 5. d.*

**C**Harissimi: Confitemini alterutrum peccata vestra, & orate pro invicem, ut salvemini: multum enim valet deprecatio justi assidua. Elías homo erat similis nobis passibilis: & oratione oravit, ut non plueret super terram, & non pluit annos tres, & menses sex. Et rursum oravit: & cælum dedit pluviam, & terra dedit fructum suum. Fratres mei, si quis ex vobis erraverit à veritate, & converterit quis eum: scire debet quoniam qui converti fecerit peccatorem ab errore viæ suæ, salvabit animam ejus à morte, & operiet multitudinem peccatorum.

Allelúia. v. *Psal. 117.* Confitemini Domino, quoniam bonus: quoniam in sæculum misericordia ejus.

Sequéntia sancti Evangelii secundum Lucam.

*Luc. 11.*

**I**N illo tempore: Dixit Jesus discipulis suis: Quis vestrum habebit amicum, & ibit ad illum média nocte, & dicet illi: Amice, comoda mihi tres panes, quoniam amicus meus venit de via ad me, & non habeo quod ponam ante illum, & ille de intus respondens,



dens, dicat: Noli mihi molestus esse, jam ostium clausum est, & pueri mei mecum sunt in cubili, non possum surgere, & dare tibi. Et si ille perseveraverit pulsans: dico vobis, & si non dabit illi, surgens eò quòd amicus ejus sit, propter improbitatem tamen ejus surget, & dabit illi quotquot habet necessarios. Et ego dico vobis: Pétite, & dabitur vobis: quærite, & veniétis: pulsáte, & aperiétur vobis. Omnis enim qui petit, áccipit: & qui quærit, invenit: & pulsánti aperiétur. Quis autem ex vobis patrem petit panem, numquid lápidem dabit illi? Aut piscem: Numquid pro pisce serpéntem dabit illi? Aut si petierit ovum: numquid pórriget illi scorpíonem? Si ergo vos cùm sitis mali, nostis bona data dare filiis vestris: quantò magis Pater vester de cœlo dabit spíritum bonum peténtibus se?

*Offertorium. Psal. 108.* Confitébor Dómino nimis in ore meo: & in médio multórum laudábo eum, quia ástitit à dextris páuperis: ut salvam fáceret à persequéntibus ánimam meam, allelúia.

*Secreta.*

**H**Æc múnera, quæsumus Dómine, & víncula nostræ pravitátis absólvant, & tuæ nobis misericórdiæ dona concílient. Per Dóminum.

*Aliæ Secretæ, Tua, Dómine, Prótege. vel Oblátis. fol. 236.*

*Et dicitur Præfatio Paschalis. Communio. Luc. 11.* Pétite, & accipiétis: quærite, & in-

veniétis: pulsáte, & aperiétur vobis: omnis enim, qui petit, áccipit: & qui quærit, invenit: & pulsánti aperiétur, allelúia.

*Postcommunio.*

**V**Ota nostra quæsumus Dómine, pio favóre prosequere: ut dum dona tua in tribulatióne percípimus, de consolatióne nostra in tuo amóre crescámus. Per Dóminum.

*Aliæ Postcommun. Sumptis, Dómine. & Quæsumus. vel Hæc nos. fol. 236.*

## IN VIGILIA ASCENSIONIS.

*Si hodie occurrat Festum Simplex, fit de ipso tantum commemoratio. Si occurrat Festum Duplex, vel Semiduplex, Missa dicitur de Festo cum commem. Vigiliæ, & Rogationum. Sed in Ecclesiis Collegiatis, præter Missam de Rogationibus, dicuntur duæ Missæ, una de Festo, & alia de Vigilia.*

*Introitus.*

*Is. 48,*

**V**Ocem jucunditátis annuntiáte, & audiátur, allelúia, annuntiáte usque ad extrémum terræ: liberávit Dóminus pópulum suum, allelúia, allelúia.

*Psal. 65.* Jubiláte Deo omnis terra: psalmum dícite nómini ejus, date glóriam laudi ejus.

*v. Glória Patri.*

*Et dicitur Glória in excélsis.*

*Oratio.*

**D**Eus, à quo bona cuncta procedunt, largíre supplicibus tuis: ut cogitémus, te inspiránte, quæ recta sunt, & te



gubernante, eadem faciámus.  
Per Dóminum.

*Secunda Oratio de Rogationibus.* Præsta quæsumus. f. 242.  
*tertia de S. Maria* Concède nos fámulos tuos. fol. 236.

*In Ecclesiis autem Collegiatis, ubi dicitur alia quoque Missa de Rogat. secunda Oratio erit de beata Maria; tertia Ecclésiæ tuæ. vel Deus ómnium.* fol. 236.

Léctio Epístolæ beáti Pauli  
Apóstoli ad Ephésios.

*Eph. 4. b.*

**F**Ratres, Unicuique nostrum data est grátia secundum mensuram donationis Christi. Propter quod dicit: Ascéndens in altum, captivam duxit captivitatem: dedit dona homínibus. Quod autem ascéndit, quid est, nisi quia & descéndit primùm in inferiôres partes terræ? Qui descéndit, ipse est & qui ascéndit super omnes cœlos, ut impléret ómnia. Et ipse dedit quosdam quidem Apóstolos, quosdam autem Prophétas, álios verò Evangelístas, álios autem pastôres, & doctôres ad consummationem sanctórum in opus ministèrii, in ædificationem còrporis Christi: donec occurramus omnes in unitatem fidei, & agnitionis filii Dei, in virum perfectum, in mensuram ætatis plenitudinis Christi.

Allelúia, allelúia.

℣. Surréxit Christus, & illúxit nobis, quos redémit sanguine suo. Allelúia.

℣. *Joan. 16.* Exívi à Patre, & veni in mundum: iterum relínquo mundum, & vado ad Patrem. Allelúia.

Sequéntia sancti Evangélíi secundum Joánnem.

*Joan. 17.*

**I**N illo témpore: Sublevátis Iesus óculis in cœlum, dixit: Pater, venit hora, clarífica Fílium tuum, ut Fílius tuus claríficet te. Sicut dedísti ei potestátem omnis carnis, ut ómne, quod dedísti ei, det eis vitam ætérnam. Hæc est autem vita ætérna: ut cognóscant te solum Deum verum, & quem misísti Jesum Christum. Ego te clarificávi super terram: opus consummávi, quod dedísti mihi ut faciám: & nunc clarífica me tu Pater apud temetípsum, claritáte, quam hábui prius, quàm mundus esset apud te. Manifestávi nomen tuum homínibus, quos dedísti mihi de mundo. Tui erant, & mihi eos dedísti, & fermónem tuum servavérunt. Nunc cognovérunt, quia ómnia, quæ dedísti mihi, abs te sunt: quia verba, quæ dedísti mihi, dedi eis: & ipsi acceperunt, & cognovérunt verè, quia à te exívi, & crediderunt, quia tu me misísti. Ego pro eis rogo, non pro mundo rogo, sed pro his, quos dedísti mihi: quia tui sunt: & mea ómnia tua sunt, & tua mea sunt, & clarificátus sum in eis. Et jam non sum in mundo, & hi in mundo sunt, & ego ad te vénio.

*Offertorium. Ps. 65.* Benedícite Gentes Dóminum Deum nostrum, & obaudíte vocem laudis ejus: qui pósuit ánimam meam ad vitam, & non dedit commovéri pedes meos: benedíctus Dóminus, qui non amóvit deprecationem



nem meam, & misericórdiam  
suam à me, allelúia.

*Secreta.*

**S**uscipe Dómine fidélium  
preces cum oblatiónibus  
hostiárum : ut per hæc piæ de-  
votionis officia, ad cœléstem  
glóriam transeámus. Per Dó-  
minum.

*Secunda Secreta de Rogationi-  
bus. Hæc múnera. fol. 243.  
tertia de beata Maria, Tua  
Dómine. fol. 236.*

*Vel secunda de B. Maria : ter-  
tia, Prótege. vel Oblatis. fol.  
236.*

*Communio. Ps. 95. Cantáte  
Dómino, allelúia : cantáte*

Dómino, & benedícite no-  
men ejus : benè nuntiáte de  
die in diem salutáre ejus,  
allelúia, allelúia.

*Postcommunio.*

**T**Ríbue nobis, Dómine,  
cœléstis mensæ virtúte  
satiáti, & desideráre quæ  
recta sunt, & desideráta per-  
cípere. Per Dóminum.

*Secunda Postcomm. de Roga-  
tionibus. Vota nostra. fol. 243.  
tertia de beata Maria, Sump-  
tis, Dómine. fol. 236.*

*Vel secunda de B. Maria;  
tertia, Quæsumus Dómine.  
vel Hæc nos quæsumus. fol.  
236.*



# IN DIE ASCENSIONIS DOMINI.

*Statio ad sanctum Petrum.*

*Introitus. Act. 1.*

**V**iri Galilæi, quid admiramini aspicientes in cœlum? allelúia: quemadmodum vidístis eum ascendentem in cœlum, ita veniet, allelúia, allelúia, allelúia.

*Psal. 46.* Omnes Gentes plaudite manibus: jubilate Deo in voce exultationis.

✠, Glória Patri.

*Oratio.*

**C**oncède quæsumus omnipotens Deus: ut qui hodiernâ die Unigenitum tuum Redemptorem nostrum ad cœlos ascendisse credimus, ipsi quoque mente in cœlestibus habitemus. Per eundem Dominum.

*Lectio Actuum Apostolorum.*

*Act. 1.*

**P**rimum quidem sermonem feci de omnibus, o Theóphile, quæ cœpit Jesus facere & docere usque in diem, qua præcipiens Apóstolis per Spíritum sanctum, quos elegit, assumptus est: quibus & præbuit seipsum vivum post passionem suam in multis argumentis, per dies quadraginta appárens eis, & loquens de regno Dei. Et convéscens, præcepit eis, ab Jerosólymis ne discederent, sed expectarent

promissionem Patris, quam audístis (inquit) per os meum: quia Joánnes quidem baptizávit aqua, vos autem baptizabimini Spíritu sancto non post multos hos dies. Igitur qui convenerant, interrogábant eum, dicentes: Dómine, si in tempore hoc restitues regnum Israël? Dixit autem eis: Non est vestrum nosse tempora, vel momenta, quæ Pater posuit in sua potestate: sed accipietis virtutem superveniéntis Spíritus sancti in vos, & eritis mihi testes in Jerúsalem, & in omni Judæa, & Samaría, & usque ad ultimum terræ. Et cum hæc dixisset, videntibus illis, elevatus est: & nubes suscepit eum ab oculis eorum. Cumque intueréntur in cœlum euntem illum, ecce duo viri astiterunt juxta illos in vestibus albis, qui & dixerunt: Viri Galilæi, quid statis aspicientes in cœlum? Hic Jesus, qui assumptus est à vobis in cœlum, sic veniet, quemadmodum vidístis eum euntem in cœlum.

Allelúia, allel. ✠. *Psal. 46.* Ascendit Deus in jubilatione, & Dóminus in voce tubæ. Allelúia. ✠. *Psal. 67.* Dóminus in Sina in sancto, ascendens in altum, captivam duxit captivitatem. Allelúia.

Se-



Sequéntia sancti Evangélíi secúndum Marcum.

*Marci 16. c.*

**I**N illo témpore: Recumbéntibus úndecim discípulis, appáruit illis Jesus: & exprobrávit incredulitátem eórum, & durítiam cordis: quia iis, qui víderant eum resurrexísse, non credidérunt. Et dixit eis: Eúntes in mundum univérsum, prædicáte Evangélium omni creatúræ. Qui crediderit, & baptizátus fúerit, salvus erit: qui verò non crediderit, condemnábitur. Signa autem eos, qui crediderint, hæc sequéntur: In nómine meo dæmónia ejicient: linguis loquéntur novis: serpéntes tollent: & si mortíferum quid bíberint, non eis nocébit: super ægros manus impónent, & benè habébunt. Et Dóminus quidem Jesus, postquam locútus est eis, assúptus est in cælum, & sedet à dextris Dei. Illi autem profécti, prædicavérunt ubique, Dómino coopérante, & sermónem confirmánte, sequéntibus signis.

*Dicto Evangelio extinguítur Cereus Paschalis, nec ulteríus accenditur, nisi in Sabbato Pentecostes ad benedictionem fontis. Credo.*

*Offertorium. Psal. 46. Ascéndit Deus in jubilatione, & Dóminus in voce tubæ, allelúia.*

*Secreta.*

**S**uscipe, Dómine, múnera, quæ pro Fílii tui gloriósa Ascensióne deférimus: & concéde propítius; ut à præsentibus perículis liberémur, & ad

vitam perveniámus ætérnam. Per eúndem Dóminum.

*Præfatio. Qui post resurrectionem suam. fol. 205.*

*Et dicitur usque ad Vigiliam Pentecostes exclusivè.*

*Infra actionem. Communícantes, & diem sacratíssimum. fol. 206. & dicitur per Octavam tantum.*

*Communio. Psal. 67. Psállite Dómino, qui ascéndit super cælos cælórum ad Oriéntem, allelúia.*

*Postcommunio.*

**P**Ræsta nobis, quæsumus omnípotens & miséricors Deus: ut quæ visibílibus mystériis suménda percépimus, invisíbili consequámur efféctu. Per Dóminum.

*¶ Infra Octavam Ascensionis dicitur Missa de Ascensione, nisi occurrat Festum Duplex, vel Semiduplex, de quo tunc fit cum commemoratione Octavæ: de Simplici autem fit tantum commemoratio. Post Orationem dici dicitur secunda Oratio de sancta Maria, Concéde nos. & tertia, Ecclesiæ tuæ. vel Deus ómnium. fol. 236.*

## DOMINICA INFRA OCTAVAM ASCENSIONIS.

*Introitus.*

*Psal. 26.*

**E**Xáudi, Dómine, vocem meam, qua clamávi ad te, allelúia: tibi dixit cor meum, quæsívi vultum tuum, vultum tuum Dómine requíram: ne avértas faciém tuam à me, allelúia, allelúia.

*Psal. ibid. Dóminus illuminatio mea, & salus mea, quem timébo? v. Glória Patri.*

*Oratio.*



## Oratio.

**O**Mnípotens sempitérne Deus, fac nos tibi semper & devótam gérere voluntátem, & majestáti tuæ sincéro corde servíre. Per Dóminum.

*Et fit commem. de Ascensione tantum.* Concéde quæsumus. fol. 246.

Léctio Epístolæ beáti Petri Apóstoli. 1. Petr. 4. b.

**C**haríssimi: Estóte prudentes, & vigiláte in orationibus. Ante ómnia autem, mútuam in vobismetípsis charitátem contínuam habéntes: quia cháritas óperit multitudinem peccatórum. Hospitáles invicem sine murmuratióne. Unusquísque, sicut accépit grátiam, in altérutrum illam ministránte, sicut boni dispensatóres multifórmis gratiæ Dei. Si quis loquitur, quasi sermónes Dei: si quis ministrat, tamquam ex virtúte, quam ministrat Deus: ut in ómnibus honorificétur Deus per Jesum Christum Dóminum nostrum.

Allelúia, allelúia.

℣. *Psalm.* 46. Regnávít Dóminus super omnes gentes: Deus sedet super sedem sanctam suam. Allel. ℣. *Joan.* 14. Non vos relínquam órphanos: vado, & vénio ad vos, & gaudébit cor vestrum. Allelúia.

Sequéntia sancti Evangélíi secúndum Joánnem.

*Joan.* 15. & 16.

**I**N illo témpore: Dixit Jesus discíplis suis: Cúm vénerit Paráclitus, quem ego mittam vobis à Patre, Spíritum veritátis, qui à Patre procédit, ille testimónium

perhibébit de me: & vos testimónium perhibébitis, quia ab inítio mecum estis. Hæc locútus sum vobis, ut non scandalizémini. Absque synagógis fácient vos: sed venit hora, ut omnis qui intérficit vos, arbitrétur obsequium se præstáre Deo. Et hæc fácient vobis, quia non novérunt Patrem, neque me. Sed hæc locútus sum vobis: ut cúm vénerit hora eórum, reminiscámini quia ego dixi vobis. Credo.

*Offertorium. Psalm.* 46. Ascéndit Deus in jubilatióne, & Dóminus in voce tubæ, allelúia.

## Secreta.

**S**acrificia nos, Dómine, immaculáta puríficent: & méntibus nostris supérnæ gratiæ dent vigórem. Per Dóminum nostrum.

*Pro Ascensione.* Súscipe, Dómine, múnera. fol. 247.

*Communio.* *Jo.* 17. Pater, cúm essem cum eis, ego servábam eos, quos dedísti mihi, allelúia: nunc autem ad te vénio: non rogo ut tollas eos de mundo, sed ut serves eos à malo, allelúia, alleluia.

## Postcommunio.

**R**epléti, Dómine, múnéribus sacris: da quæsumus, ut in gratiárum semper actióne maneámus. Per Dóminum.

*Pro Ascensione.* Præsta nobis, quæsumus. fol. 247.

*In Octava Ascensionis dicitur Missa sicut in die, cum una tantum Oratione.*

¶ *Feria vi. post Octav. Ascensionis, si non fuerit festum Duplex, vel Semiduplex, Missa dicitur de Dominica præterita, cum*



*cum commemoratione de sancta Maria, Concède nos. & Ecclesiæ. vel Deus omnium. fol. 236.*

*De Simplici fit tantum commem. Et non dicitur Credo.*

## SABBATO IN VIGILIA PENTECOSTES.

*Statio ad S. Joannem in Laterano.*

**D***Ista Nona, Sacerdos & ministri induti paramentis violacei coloris, accedunt ad Altare, & facta reverentia, Sacerdos illud osculatur in medio. Deinde leguntur Prophetiæ sine titulo, candelis Altaris extinctis usque ad principium Missæ, sicut in Sabbato sancto. Sacerdos legit eas submissa voce ad Altare in cornu Epistolæ.*

*In fine Prophetiarum dicuntur Orationes sine Flectamus genua.*

*Prophetia prima. In diebus illis: Tentavit Deus Abraham, ut sup. in Sabbato sancto. fol. 182. qua finita, Sacerdos dicit:*

*Orémus. Oratio.*

**D***eus, qui in Abrahamæ famuli tui opere, humano generi obediëntiæ exempla præbuiisti: concède nobis, & nostræ voluntatis pravitatem frangere, & tuorum præceptorum rectitudinem in omnibus adimplere. Per Dominum.*

*Prophetia secunda. In diebus illis: Factum est in vigilia matutina. & Tract. Cantemus Domino, ut in Sabbato sancto. fol. 183.*

*Orémus. Oratio.*

**D***eus, qui primis temporibus impléta miracula,*

*novi testamenti luce reaserasti, ut & Mare rubrum forma fieri fontis existeret, & liberata plebs ab Ægyptiaca servitute, Christiáni populi sacramenta præferret: da, ut omnes Gentes Israëlís privilégium merito fidei consecutæ, Spíritus tui participatione regenerentur. Per Dominum nostrum. in unitate ejusdem Spíritus sancti Deus.*

*Prophetia tertia. In diebus illis: Scripsit Moyses canticum. & Tract. Attende cælum, & loquar. ut in Sabbato sancto. fol. 188.*

*Orémus. Oratio.*

**D***eus, glorificatio fidelium, & vita justorum, qui per Moysen famulum tuum nos quoque modulatione facri carminis erudisti: universis Géntibus misericordiæ tuæ munus operare, tribuendo beatitudinem, auferendo terrorem: ut quod pronuntiatum est ad supplæum, in remedium transferatur æternum. Per Dominum.*

*Prophetia quarta. Apprehendent septem mulieres virum unum. & Tract. Vinea facta est dilecto, ut in Sabbato sancto fol. 186.*

*Orémus. Oratio.*

**O***Mnipotens sempiternæ Deus, qui per unicum Filium tuum, Ecclesiæ tuæ demonstrasti te esse cultorem: omnem palmitem, fructum in eodem Christo tuo, qui vera vitis est, afferentem, clementer excolens, ut fructus afferat ampliôres: fidelibus tuis, quos velut vineam ex Ægypto per fontem baptismi transfulisti, nullæ peccatorum spinæ prævaleant: ut Spíritus tui sanctifica-*



ficatione muniti, perpétua fruge ditentur. Per eundem Dóminum. in unitate ejúsdem Spíritus sancti.

*Prophetia quinta.* Audi Israël mandata vitæ. ut in *Sabbato sancto.* fol. 184.

Orémus.

Oratio.

**D**Eus, qui nobis per Prophetarum ora præcepisti temporalia relinquare, atque ad æterna festinare: da famulis tuis, ut quæ à te iussa cognovimus, implere cœlesti inspiratione valeamus. Per Dóminum.

*Prophetia sexta.* In diebus illis: Facta est super me manus Dómini. ut in *Sabbato sancto.* fol. 185.

Orémus.

Oratio.

**D**omine Deus virtutum, qui collapsa reparas, & reparata conservas, auge populos in tui nominis sanctificatione renovandos: ut omnes, qui sacro baptismo diluuntur, tua semper inspiratione dirigantur. Per Dóminum nostrum.

*His expletis, Celebrans accipit pluviale violaceum, & descendendo ad fontem cantatur Tractus. Psal. 41.* Sicut cervus desiderat ad fontes aquarum: ita desiderat anima mea ad te, Deus. *v.* Sitivit anima mea ad Deum vivum: quando veniam, & apparebo ante faciem Dei?

*v.* Fuérunt mihi lacrymæ meæ panes die ac nocte, dum dicitur mihi per singulos dies: Ubi est Deus tuus?

*Deinde Sacerdos antequam intret ad benedictionem fontis, dicit v.* Dóminus vobiscum.

*R.* Et cum spiritu tuo.

Orémus.

Oratio.

**C**oncède quæsumus omnipotens Deus: ut, qui solemnitatem doni sancti Spíritus colimus, cœlestibus desideriis accensi, fontem vitæ fitiámus. Per Dóminum nostrum. in unitate ejúsdem Spíritus sancti Deus.

*Deinde proceditur ad benedictionem fontis, ut supra in Sabbato sancto. 190.*

¶ *Ubi verò non fuerint fontes, finita sexta Prophetia cum sua Oratione, Celebrans deponit casulam, & cum ministris ante Altare procumbit, & aliis omnibus genuflexis, cantantur Litanie à duobus cantoribus in medio chori, utroque choro idem simul respondente. Cum autem perventum fuerit ad v. Peccatores, Te rogámus, Sacerdos & ministri surgunt, & accedentes ad Sacristiam, induuntur paramentis rubeis, & accenduntur luminaria circa Altare. In fine Litaniarum cantatur solemniter Kyrie Eléison, pro Missa, & repetuntur, ut moris est. Quo incepto, Sacerdos cum ministris procedit ad Altare, & facit Confessionem: deinde ascendens, illud osculatur, & incensat more solito. Finitis Kyrie eléison, incipit solemniter, Glória in excelsis Deo. Et campanæ pulsantur.*

Oratio.

**P**ræsta quæsumus omnipotens Deus, ut claritatis tuæ super nos splendor effulgeat: & lux tuæ lucis corda eorum, qui per grátiam tuam renati sunt, sancti Spíritus illustratione confirmet. Per Dómi-



minum nostrum. in unitate ejusdem Spiritus sancti Deus.

Lectio Actuum Apostolorum.

*Act. 19.*

**I**N diébus illis: Factum est, cum Apóllo esset Corínthi, ut Paulus peragrátis superiöribus pártibus veníret Ephesum, & inveníret quosdam discípulos: dixítque ad eos: Si Spíritum sanctum accepístis credéntes? At illi dixerunt ad eum: Sed neque si Spíritus sanctus est, audívimus. Ille verò ait: In quo ergo baptizáti estis? Qui dixerunt; In Joánnis baptísma-te. Dixit autem Paulus: Joánnes baptizávit baptísma poeniténtiæ pópulum, dicens: In eum, qui ventúrus esset post ipsum: ut créderent, hoc est, in Jesum. His audítis, baptizáti sunt in nómine Dómini Jesu. Et cum imposuísset illis manus Paulus, venit Spíritus sanctus super eos, & loquebántur linguis, & prophetábant. Erant autem omnes viri ferè duódecim. Introgréssus autem synagógam cum fidúcia loquebátur per tres menses, dísputans, & suádens de regno Dei.

Allelúia. *Ps. 106.* Confitémini Dómino, quóniam bonus: quóniam in sæculum misericórdia ejus.

*Non repetitur, Allelúia, sed immediatè sequitur Tractus. Ps. 116.* Laudáte Dóminum omnes Gentes: & collaudáte eum omnes pópuli.

*Ps.* Quóniam confirmáta est super nos misericórdia ejus: & véritas Dómini manet in æternum.

*Ad Evangelium non portantur luminaria, sed incensum tantum.*

Sequéntia sancti Evangelii secundum Joánnem.

*Joan. 14.*

**I**N illo témpore: Dixit Jesus discípulis suis: Si dilígitis me, mandáta mea serváte. Et ego rogábo Patrem, & álium Paráclitum dabit vobis, ut máneat vobíscum in ætérnum, Spíritum veritátis, quem mundus non potest accíperere, quia non videt eum, nec scit eum. Vos autem cognoscétis eum: quia apud vos manébit, & in vobis erit. Non relínquam vos órphanos: véniam ad vos. Adhuc módicum, & mundus me jam non videt. Vos autem vidétis me, quia ego vivo, & vos vivétis. In illo die vos cognoscétis, quia ego sum in Patre meo, & vos in me, & ego in vobis. Qui habet mandáta mea, & servat ea, ille est, qui diligit me. Qui autem diligit me, diligétur à Patre meo: & ego diligam eum, & manifestabo ei meípsum.

*Non dicitur Credo.*

*Offertorium. Ps. 103.* Emítte spíritum tuum, & creabúntur, & renovábis faciém terræ: sit glória Dómini in sæcula, allelúia.

*Secreta.*

**M**Unera, quæsumus Dómine, obláta sanctífica: & corda nostra sancti Spíritus illustratióne emúnda. Per Dóminum. in unitate ejusdem Spíritus sancti Deus.



*Præfatio.* Qui ascéndens super omnes cœlos. fol. 206.

*Infra actionem.* Communiciantes, & diem sacratissimum Pentecostes celebrantes. & Hanc igitur oblationem. 206.

*Et dicuntur usque ad sequens Sabbatum inclusivè.*

*Communio, Joan. 7.* Ultimo festivitatis die dicebat Jesus: Qui in me credit, flumina de ventre ejus fluent aquæ vivæ: hoc autem dixit de Spíritu, quem accepturi erant credentis in eum, allelúia, allelúia.

*Postcommunio.*

**S**ancti Spíritus, Dómine, scorda nostra mundet infusio: & sui roris íntima aspersiōne fecúndet. Per Dóminum nostrum. in unitate ejúsdem Spíritus sancti Deus.

¶ *In Missis privatis hujus Vigiliæ, omissis Prophetis, Orationibus, & Litaniis, Missa absolute incipitur ab Introitu, ut infra.*

*Introitus.*

*Ezech. 36.*

**C**um sanctificátus fúero in vobis, congregábo vos de univérſis terris: & efúndam super vos aquam mundam, & mundabímini ab ómnibus inquinaméntis vestris: & dabo vobis spíritum novum, allelúia, allelúia.

*Pſalm. 33.* Benedícam Dóminum in omni témpore: semper laus ejus in ore meo.

*v. Glória Patri.*

*Deinde dicitur Kyrie eléison. Glória in excélsis, & alia ut supra.*



# DOMINICA

## PENTECOSTES.

*Statio ad sanctum Petrum.*

*Intritus. Sap. 1.*

**S**piritus Domini replevit orbem terrarum, allelúia: & hoc quod continet omnia, scientiam habet vocis, allelúia, allelúia, allelúia,

*Psal. 67.* Exurgat Deus, & dissipentur inimici ejus: & fugiant, qui odérunt eum, à facie ejus. *V.* Glória Patri.

*Oratio.*

**D**eus, qui hodierna die corda fidélium sancti Spiritus illustratione docuisti: da nobis in eodem Spiritu recta sapere, & de ejus semper consolatione gaudere. Per Dóminum nostrum. in unitate ejusdem Spiritus.

*Lectio Actuum Apostolorum.*

*Act. 2.*

**C**um complerentur dies Pentecostes, erant omnes discipuli pariter in eodem loco: & factus est repente de cœlo sonus, tamquam advenientis spiritus vehementis, & replevit totam domum ubi erant sedentes. Et apparuerunt illis dispersæ linguæ tamquam ignis, seditque supra singulos eorum: & replati sunt omnes Spiritu sancto, & cœperunt loqui variis linguis, prout Spiritus sanctus dabat eloqui illis. Erant autem in Jerusalem habitantes Judæi, viri religiosi ex

omni natione, quæ sub cœlo est. Facta autem hac voce, convenit multitudo, & mente confusa est, quoniam audiebat unusquisque lingua sua illos loquentes. Stupébant autem omnes, & mirabántur, dicentes: Nónne ecce omnes isti, qui loquúntur, Galilæi sunt? Et quomodo nos audivimus unusquisque linguam nostram, in qua nati sumus? Parthi, & Medi, & Ælamitæ, & qui habitant Mesopotámiam, Judæam, & Cappadóciam, Pontum, & Asiam, Phrygiam, & Pamphylia, Ægyptum, & partes Libyæ, quæ est circa Cyrénen, & advenæ Románi: Judæi quoque, & Profélyti, Cretes, & Arabes: audivimus eos loquentes nostris linguis magnalia Dei. Allelúia, allelúia.

*V. Ps. 103.* Emítte spiritum tuum, & creabúntur, & renovabis faciem terræ. Allel. *V. Hic genuflectitur.* Veni sancte Spiritus: reple tuorum corda fidélium: & tui amoris in eis ignem accende.

*Sequentia.*

**V**eni sancte Spiritus, & emítte cœlitus lucis tue rádium.

Veni pater páuperum, veni dator múnierum, veni lumen córdium.

Consoláture optime, dulcis hospes animæ, dulce refrigerium.

*In*



In labóre réquies, in æstu  
tempéries, in fletu solátium.

O lux beatíssima, reple cor-  
dis íntima tuórum fidélium.

Sine tuo númine, nihil est  
in hómine, nihilestinnóxium.

Lava quod est sórdidum,  
riga quod est áridum, sana  
quod est fáucium.

Flecte quod est rígidum,  
fove quod est frígidum, rege  
quod est dévium.

Da tuis fidélibus, in te con-  
fidéntibus, sacrum septená-  
rium.

Da virtútis méritum, da  
salútis éxitum, da perénne  
gáudium. Amen. Allelúia.

*Et dicitur quotidie usque ad se-  
quens Sabbatum inclusivè.*

Sequéntia sancti Evangélii se-  
cúndum Joánnem.

*Joan. 14. c.*

**I**N illo témpore: Dixit Je-  
sus discíplis suis: Si quis  
díligit me, sermónem meum  
servábit, & Pater meus díli-  
get eum, & ad eum veniémus,  
& mansiónem apud eum faci-  
émus. Qui non díligit me,  
sermónes meos non servat.  
Et sermónem, quem audístis,  
non est meus, sed ejus, qui  
misit me, Patris. Hæc locú-  
tus sum vobis, apud vos ma-  
nens. Paráclitus autem Spíri-  
tus sanctus, quem mittet Pater  
in nómine meo, ille vos docé-  
bit ómnia, & súggeret vobis  
ómnia, quæcúmque díxero  
vobis. Pacem relínquo vobis,  
pacem meam do vobis: non  
quómodo mundus dat, ego  
do vobis. Non turbétur cor  
vestrum, neque formídet. Au-  
dístis quia ego dixi vobis: Va-  
do, & vénio ad vos. Si dili-  
gerétis me, gauderétis útique,

quia vado ad Patrem, quia  
Pater major me est. Et nunc  
dixi vobis priúsqvam fiat: ut  
cúm factum fúerit, credátis.  
Jam non multa loquar vobís-  
cum. Venit enim princeps  
mundi hujus, & in me non  
habet quidquam. Sed ut cog-  
nóscat mundus, quia díligo  
Patrem, & sicut mandátum  
dedit mihi Pater, sic fácio.  
Credo.

*Offertorium. Ps. 67. Confir-  
ma hoc Deus, quod operá-  
tus es in nobis: à templo  
tuo, quod est in Jerúsalem,  
tibi ófferent reges múnera,  
allelúia.*

*Secreta.*

**M**Unera, quæsumus Dó-  
mine, obláta sanctífica,  
& corda nostra sancti Spíritus  
illustratióne emúnda. Per Dó-  
minum nostrum. in unitáte  
ejúsdem Spíritus sancti Deus.

*Præfatio. Qui ascéndens.*  
Communicantes, & Hanc ígi-  
tur. fol. 206.

*Communio. Act. 2. Factus  
est repéntè de cœlo sonus tam-  
quam adveniéntis spíritus ve-  
heméntis, ubi erant sedén-  
tes, allelúia: & repléti sunt  
omnes Spíritu sancto, loquén-  
tes magnália Dei, allelúia,  
allelúia.*

*Postcommunio.*

**S**Ancti Spíritus, Dómi-  
ne, corda nostra mundet  
infúsió: & sui roris íntima  
aspersióne fecúndet. Per Dó-  
minum nostrum. in unitáte  
ejúsdem Spíritus sancti.

*Infra Octavam Pentecostes  
non fit de aliquo Festo Duplici,  
vel Semiduplici, sed post Octa-  
vam celebrantur: de Simplici oc-  
currenti post triduum fit commemo-  
ratio tantum.*



## FERIA II. POST PENTECOSTEN.

*Statio ad S. Petrum in Vincula.**Introitus. Psal. 80.*

**C**ibavit eos ex adipē frumēti; allelúia: & de petra, melle saturavit eos, allelúia, allelúia.

*Psal. ibid.* Exultate Deo adiutori nostro: jubilāte Deo Jacob. *v.* Glória.

*Oratio.*

**D**eus, qui Apóstolis tuis sanctum dedisti Spíritum: concēde plebi tuæ piæ petitionis effectum; ut quibus dedisti fidem, largiāris & pacem. Per Dóminum. in unitate ejúsdem Spíritus sancti Deus.

Lectio Actuum Apostolorum.

*Act. 10. f.*

**I**N diēbus illis: Apériens Petrus os suum, dixit: Viri fratres, nobis præcepit Dóminus prædicāre pópulo, & testificāri, quia ipse est, qui constitútus est à Deo iudex vivórum, & mortuórum. Huic omnes Prophætæ testimónium pèrhībent remissionem peccatórum accíperē per nomen ejus omnes, qui credunt in eum. Adhuc loquēte Petro verba hæc, cecidit Spíritus sanctus super omnes, qui audiebant verbum. Et obstupuerunt ex circumcisióne fideles, qui vènerant cū Petro: quia & in nationes grátia Spíritus sancti effúsa est. Audiēbant enim illos loquētes linguis, & magnificātes Deum. Tunc respóndit Petrus: Numquid aquam quis prohibere potest, ut non baptizéntur hi, qui Spíritum sanctum acceperunt sicut & nos? & iussit eos

baptizári in nómine Dómini Jesu Christi.

Allelúia, allelúia.

*v. Act. 2.* Loquebantur vāriis linguis Apóstoli magnalia Dei. Allelúia.

*v. Hic genuflectitur.* Veni sancte Spíritus, reple tuórum corda fidélium: & tui amoris in eis ignem accēde.

*Sequentia.* Veni sancte Spíritus. *Et in fine,* Allelúia. *ut suprā in Dominica.* fol. 253.

Sequentia sancti Evangelii secundum Joānnem.

*Joan. 3. b.*

**I**N illo tēpore: Dixit Jesus Nicodémo: Sic Deus dilexit mundum, ut Fílium suum unigénitum daret: ut omnis, qui credit in eum, non péreat, sed hábeat vitam ætérnam. Non enim misit Deus Fílium suum in mundum, ut júdicet mundum, sed ut salvétur mundus per ipsum. Qui credit in eum, non judicátur: qui autem non credit, jam judicátus est: quia non credit in nómine unigéniti Fílii Dei. Hoc est autem júdiciu: quia lux venit in mundum, & dilexérunt hómines magis ténebras, quàm lucem: erant enim eórum mala ópera. Omnis enim, qui malè agit, odit lucem, & non venit ad lucem, ut non arguántur ópera ejus: qui autem facit veritatem, venit ad lucem, ut manifesténtur ópera ejus, quia in Deo sunt facta. Credo.

*Offertorium. Psal. 17.* Intónuit de Cælo Dóminus, & Altíssimus dedit vocem suam: & apparuérunt fontes aquarum, allelúia.

Se-



## Secreta.

**P**ropitius, Dómine quæsumus, hæc dona sanctifica: & hóstiæ spiritalis oblatiōne fuscēpta, nosmetipsos tibi pērfice munus ætérnum. Per Dóminum nostrum.

*Communio. Joan. 14.* Spíritus sanctus docēbit vos, allelúia, quæcúmque dixerō vobis, allelúia, allelúia.

## Postcommunio.

**A**dēsto, quæsumus Dómine, pópulo tuo: & quem mystériis coeléstibus imbuísti, ab hóstium furóre defēde. Per Dóminum.

## FERIA III. POST PENTECOSTEN.

*Statio ad S. Anastasiam.*

*Introitus. 4. Esd. 2.*

**A**ccípite iucunditatem glóriæ vestræ, allelúia: grátias ágētes Deo, allelúia: qui vos ad coeléstia regna vocávit, allelúia, allelúia, allelúia.

*Psalm. 77.* Attēdite pópule meus legem meam: inclináte aurem vestram in verba oris mei. *v.* Glória Patri.

## Oratio.

**A**dst nobis, quæsumus Dómine, virtus Spíritus sancti: quæ & corda nostra clemēter expúrget, & ab ómnibus tueátur advérsis. Per Dóminum nostrum. in unitáte ejúsdem Spíritus sancti Deus. *Lectio Actuum Apostolorum.*

*Act. 8. c.*

**I**n diébus illis: Cúm audísset Apóstoli, qui erant Jerosólymis, quòd recepísset Samaría verbum Dei, misérunt ad eos Petrum & Joánnem. Qui cúm venísset, oravérunt

pro ipsis, ut accíperent Spíritum sanctum: nondum enim in quemquam illórum vénerat, sed baptizáti tantum erant in nómine Dómini Jesu. Tunc imponébant manus super illos, & accipiébant Spíritum sanctum.

Allelúia, allel. *v.* *Jo. 14.* Spíritus sanctus docēbit vos quæcúmque dixerō vobis. Allelúia.

*v.* *Hic genuflectitur.* Veni sancte Spíritus, reple tuórum corda fidélium: & tui amoris in eis ignem accēde.

*Sequentia. Veni sancte Spíritus. ut suprà in Dominica Pentecostes. fol. 253.*

Sequētia sancti Evangélii secúndum Joánnem.

*Joan. 10.*

**I**n illo témpore: Dixit Jesus Pharisæis: Amen, amen dico vobis: qui non intrat per óstium in ovile óvium, sed ascēdit aliunde, ille fur est & latro. Qui autem intrat per óstium, pastor est óvium. Huic ostiárius áperit, & oves vocem ejus ádiunt, & próprias oves vocat nominátim, & edúcit eas. Et cum próprias oves emiserit, ante eas vadit: & oves illum sequúntur, quia sciunt vocem ejus. Aliénium autem non sequúntur, sed fúgiunt ab eo: quia non novérunt vocem alienórum. Hoc provérbium dixit eis Jesus. Illi autem non cognovérunt quid loquerétur eis. Dixit ergo eis iterum Jesus: Amen, amen dico vobis, quia ego sum óstium óvium. Omnes quotquot venérunt, fures sunt, & latrónes, & non audiérunt eos oves. Ego sum óstium.



ostium. Per me si quis introierit, salvabitur: & ingrediatur, & egrediatur, & pascua inveniet. Fur non venit nisi ut fureretur, & mactet, & perdat. Ego veni, ut vitam habeant, & abundantius habeant. Credo.

*Offertorium. Psal. 77.* Portas cœli aperuit Dominus, & pluit illis manna ut ederent: panem cœli dedit eis, panem Angelorum manducavit homo, allelúia.

*Secreta.*

**P**urificet. nos, quæsumus Domine, muneris præsentis oblatio: & dignos sacra participatione efficiat. Per Dominum.

*Communio. Jo. 15.* Spiritus, qui à Patre procedit, allelúia: illé me clarificabit, allelúia, allelúia.

*Postcommunio.*

**M**entes nostras, quæsumus Domine, Spiritus sanctus divinis réparet sacraméntis: quia ipse est remissio omnium peccatorum. Per Dominum nostrum. in unitate ejusdem, &c.

## FERIA IV. QUATUOR TEMP. PENTECOST.

*Statio ad S. Mariam majorem.*

*Introitus. Psal. 67.*

**D**eus, dum egredereris coram populo tuo, iter faciens eis, habitans in illis, allelúia: terra mota est, cœli distillaverunt, allelúia, allelúia.

*Psal. ibid.* Exurgat Deus, & dissipentur inimici ejus, & fugiant, qui odérunt eum, à facie ejus. V. Glória Patri.

*Post Kyrie eleison. dicitur*  
Orémus. & non dicitur; Flectamus gœna.

*Oratio.*

**M**entes nostras, quæsumus Domine, Paráclitus, qui à te procedit, illúminet: & inducat in omnem, sicut tuus promisit Filius, veritatem. Qui tecum vivit & regnat in unitate ejusdem Spiritus sancti Deus.

*Lectio Actuum Apostolorum.*

*Act. 2. b.*

**I**n diébus illis: Stans Petrus cum undecim, levavit vocem suam, & locutus est eis: Viri Judæi, & qui habitatis Jérusalem univérſi, hoc vobis notum sit, & auribus percipite verba mea. Non enim, sicut vos æstimátis, hi ebrii sunt, cum sit hora diéi tértia: sed hoc est, quod dictum est per Prophétam Joel: Et erit in novíſſimis diébus (dicit Dominus) effundam de Spiritu meo super omnem carnem, & prophetábunt filii vestri, & filiae vestrae, & júvenes vestri visiones vidébunt, & seniores vestri sômnia somniábunt. Et quidem super servos meos, & super ancillas meas in diébus illis effundam de Spiritu meo, & prophetábunt: & dabo prodigia in cœlo sursum, & signa in terra deorsum, sanguinem, & ignem, & vaporem fumi. Sol convertetur in ténebras, & luna in sanguinem, antequam véniat dies Domini magnus, & manifestus. Et erit: Omnis, quicumque invocaverit nomen Domini, salvus erit.

Allelúia. V. *Psal. 32.* Verbo Domini cœli firmati sunt,  
K k & spí-



& spírítu oris ejus omnis virtus eórum.

*Hic dicitur Glória in excélsis. & postea, Dóminus vobíscum.*

*Oratio.*

**P**Ræsta quæsumus omnípotens & miséricors Deus: ut Spírítus sanctus advéniens, templum nos glóriæ suæ dignánter inhabitándo perficiat. Per Dóminum nostrum. in unitáte ejúsdem Spírítus sancti Deus.

¶ *Ab hac die usque ad Sábatum sequens inclusivè, post Orationem diei dicitur,*

*Contra persecutores Ecclesiæ.*

*Oratio.*

**E**Cclésiæ tuæ, quæsumus Dómine, preces placátus admítte: ut destrúctis adversitátibus & erróribus univérfis, secúra tibi sérviat libertáte. Per Dóminum.

*Vel pro Papa.*

*Oratio.*

**D**Eus ómnium fidélium pastor & rector, fámulum tuum N. quem pastórem Ecclesiæ tuæ præesse voluísti, propítius réspice: da ei, quæsumus, verbo & exémplo, quibus præest, proficere; ut ad vitam, unà cum grege sibi crédito, pervéniat sempitérnam. Per Dóminum.

*Lectio Actuum Apostolorum. Act. 5. b.*

**I**N diébus illis: Per manus autem Apostolorum fiébant signa, & prodígia multa in plebe. Et erant unanímiter omnes in pórticu Salomónis. Ceterórum autem nemo audébat se conjúngere illis: sed magnificábat eos pópulus. Magis autem augebátur credéntium in Dómino multitúdo virórum ac mulierum, ita

ut in plateas ejícerent infirmos, & ponérent in léctulis, ac grabátis, ut, veniénte Petro, saltem umbra illíus obumbráret quemquam illórum, & liberaréntur ab infirmitátibus suis. Concurrébat autem & multitúdo vicinárum civitátum Jerúsalem, afferéntes ægros, & vexátos à spírítibus immúndis: qui curabántur omnes.

Allelúia, allel. v. *Hic genuflectitur.* Veni sancte Spírítus, reple tuórum corda fidélium, & tui amóris in eis ignem accénde. *Sequentia.* Veni sancte Spírítus. fol. 253.

*Sequentia sancti Evangelii fecúndum Joánnem. Jo. 6. c.*

**I**N illo témpore: Dixit Jesus turbis Judæórum: Nemo potest veníre ad me, nisi Pater, qui misit me, tráxerit eum: & ego resuscitábo eum in novíssimo die. Est scriptum in Prophétis: Et erunt omnes docíbiles Dei. Omnis, qui audívit à Patre, & dídicit, venit ad me. Non quia Patrem vidit quisquam, nisi is, qui est à Deo, hic vidit Patrem. Amen, amen dico vobis: Qui credit in me, habet vitam ætérmam. Ego sum panis vitæ. Patres vestri manducavérunt manna in deserto, & mórtui sunt. Hic est panis de cœlo descéndens, ut si quis ex ipso manducáverit, non moriátur. Ego sum panis vivus, qui de cœlo descéndi. Si quis manducáverit ex hoc pane, vivet in ætérmum: & panis, quem ego dabo, caro mea est pro mundi vita. *Credo.*

*Offertorium. Ps. 118. Meditabor*



labor in mandatis tuis, quæ dilexi valdè: & levabo manus meas ad mandata tua, quæ dilexi, allelúia.

*Secreta.*

**A**ccipe, quæsumus Dómine, munus oblátum: & dignanter operáre, ut quod mystériis ágimus, píis afféctibus celebrémus. Per Dóminum.

*Alia Secreta.*

**P**rótege nos, Dómine, tuis mystériis serviéntes: ut divínis rebus inhæréntes, & corpore tibi famulémur, & mente. Per Dóminum.

*Vel pro Papa. Secreta.*

**O**blátis, quæsumus Dómine, placáre munéribus: & famulum tuum N. quem pastórem Ecclésiæ tuæ præesse voluísti, assídua protectióne gubérna. Per Dóminum.

*Communio. Joan. 14.* Pacem relínquo vobis, allelúia: pacem meam do vobis, allelúia, allelúia.

*Postcommunio.*

**S**uméntes, Dómine, coeléstia sacraménta, quæsumus cleméntiam tuam: ut quod temporáliter gérimus, ætérnis gáudiis consequámur. Per Dóminum nostrum.

*Alia Postcommunio.*

**Q**uæsumus, Dómine Deus noster: ut, quos divína tribuis participatióne gaudére, humánis non finas subjacére perículis. Per Dóminum.

*Vel pro Papa.*

**H**æc nos, quæsumus Dómine, divíni sacraménti percéptio próteget: & famulum tuum N. quem pastórem Ecclésiæ tuæ præesse voluísti, uná cum commísso sibi grege,

salvet semper & múniat. Per Dóminum.

## FERIA QUINTA POST PENTECOSTEN.

*Statio ad S. Laurentium extra muros.*

*Introitus.*

*Sap. 1.*

**S**píritus Dómini replévit orbem terrarum, allelúia: & hoc quod contémnet ómnia, sciéntiam habet vocis, allelúia, allelúia, allelúia.

*Pf. 67.* Exúrgat Deus, & dissipéntur inimíci ejus: & fúgiant, qui odérunt eum, à fácie ejus.

*v. Glória Patri. Oratio.*

**D**eus, qui hodiérna die corda fidélium sancti Spíritus illustratióne docuísti: da nobis in eódem Spíritu recta sápere, & de ejus semper consolatióne gaudére. Per Dóminum nostrum. in unitáte ejúsdem Spíritus, &c.

*Alia Oratio.* Ecclésiæ tuæ, *vel* Deus ómnium fidélium. 258. Léctio Actuum Apostolorum, *Act. 8.*

**I**n diébus illis: Philíppus descéndens in civitátem Samariæ, prædicábat illis Christum. Intendébant autem turbæ his, quæ à Philíppo dicebantur, unanímiter audiéntes, & vidéntes signa, quæ faciébat. Multi enim eórum, qui habébant spíritus immúndos, clamántes voce magna, exíbant. Multi autem paralytici & claudi curáti sunt. Factum est ergo gáudium magnum in illa civitate.

Allelúia, allelúia.

*v. Psal. 103.* Emítte spíritum tuum, & creabúntur, & renovábis faciém terræ. Allelúia.

*v. Hic genuflectitur. Veni sancte*



sancte Spíritus, reple tuorum corda fidélium: & tui amoris in eis ignem accénde.

*Sequentia.* Veni sancte Spíritus. *ut supra in Dominica Pentecost. fol. 253.*

Sequentia sancti Evangélii secundum Lucam.

*Luc. 9.*

**I**N illo témpore: Convocá-  
tis Iesus duódecim Apóstolis, dedit illis virtútem & potestátem super ómnia dæmónia, & ut languóres curárent. Et misit illos prædicáre regnum Dei, & sanáre infirmos. Et ait ad illos: Nihil tuléritis in via, neque virgam, neque peram, neque panem, neque pecúniám, neque duas túnicas habeátis. Et in quacúmque domum intravéritis, ibi manéte, & inde ne exeátis. Et quicúmque non receperint vos: exeúntes de civitate illa, étiam pulverem pedum vestrórum excútite in testimónium supra illos. Egréssi autem circuíbant per castélla evangelizántes, & curántes ubique. Credo.

*Offertorium. Psal. 67.* Confirma hoc Deus, quod operátus es in nobis: à templo tuo, quod est in Jerúsalem, tibi offerent reges múnera, allelúia,

*Secreta.*

**M**Unera, quæsumus Dómine, obláta sanctífica: & corda nostra sancti Spíritus illustratióne emúnda. Per Dóminum. in unitáte ejúsdem.

*Alia Secreta.* Prótege nos. *vel* Oblátis. *ut in Feria præcedenti. 259.*

*Communio. Act. 2.* Factus est repéntè de cælo sonus tamquam adveniéntis spíritus vehementis, ubi erant sedéntes,

allelúia: & replēti sunt omnes Spíritu sancto, loquéntes magnália Dei, allelúia, allelúia.

*Postcommunio.*

**S**ancti Spiritus, Dómine, corda nostra mundet infúsió: & sui roris íntima aspersiόne fecúndet. Per Dóminum nostrum. in unitáte ejúsdem.

*Alia Postcom. vel Quæsumus Dómine. & Hæc nos. 259.*

## FERIA VI. QUATUOR TEMP. PENTEC.

*Statio ad sanctos duodecim Apostols.*

*Intritus.*

*Psal. 70.*

**R**epleátur os meum laude tua, allelúia: ut possim cantáre allelúia, gaudébunt lábia mea, dum cantávero tibi, allelúia, allelúia. *Psal. ib.* In te Dómine sperávi, non confundar in ætérnum: in justítia tua líbera me, & éripe me.

*v. Glória Patri. Oratio.*

**D**A, quæsumus, Ecclésiæ tuæ miséricors Deus: ut sancto Spíritu congregáta, hostíli nullátenuis incursióne turbétur. Per Dóminum nostrum. in unitáte ejúsdem, &c.

*Secunda Oratio.* Ecclésiæ tuæ. *vel* Deus ómnium. fol. 258.

*Léctio Joélis Prophétæ.*

*Joel. 2. e.*

**H**æc dicit Dóminus Deus: Exultáte filii Sion, & lætámini in Dómino Deo vestro: quia dedit vobis doctórem justítiæ, & descéndere faciet ad vos imbrem matutínum & serótinum, sicut in princípíio. Et implebúntur área fruménto, & redundábunt torculária vino, & óleo. Et come-



comedētis vescētes, & saturabimini, & laudābitis nomen Dómini Dei vestri, qui fecit mirabília vobíscum: & non confundētur pópulus meus in sempiternum. Et sciētis quia in médio Israhēl ego sum: & ego Dóminus Deus vester, & non est ámplius: & non confundētur pópulus meus in ætérnum: ait Dóminus omnípotens.

Allelúia, allelúia.

*V. Sap. 12.* O quàm bonus & suāvis est, Dómine, spíritus tuus in nobis. Allelúia.

*V. Hic genuflectitur.* Veni sancte Spíritus, reple tuórum corda fidélium: & tui amóris in eis ignem accēde.

*Sequentia.* Veni sancte Spíritus. *ut suprà in Dominica Pentecost.* fol. 253.

*Sequentia sancti Evangelii secundum Lucam.*

*Luc. 5. c.*

**I**N illo témpore: Factum est in una diérum, & Jesus sedébat docens. Et erant Pharisei sedētes, & legis doctores, qui vénerant ex omni castélló Galilææ, & Judææ, & Jerúsalem, & virtus Dómini erat ad sanándum eos. Et ecce viri portāntes in lecto hómīnem, qui erat paralyticus: & quærébant eum inférre, & pónere ante eum. Et non inveniētes qua parte illum inférrent præ turba, ascendérunt supra tectum, & per régulas summisérunt eum cum lecto in médium, ante Jesum. Quorum fidem ut vidit, dixit: Homo remittuntur tibi peccáta tua. Et cœpérunt cogitare Scribæ & Pharisei, dicētes: Quis est hic, qui lóquitur blasphemias?

Quis potest dimittēre peccáta nisi solus Deus? Ut cognóvit autem Jesus cogitationes eórum, respondens, dixit ad illos: Quid cogitátis in córdibus vestris? Quid est facílius dícere: Dimittuntur tibi peccáta: an dícere: Surge, & ámbula? Ut autem sciátis, quia Fílius hómīnis habet potestátem in terra dimittēdi peccáta, (ait paralytico:) Tibi dico, surge, tolle lectum tuum, & vade in domum tuam. Et confestim confurgens coram illis, tulit lectum, in quo jacébat: & ábiit in domum suam, magnificans Deum. Et stupor apprehéndit omnes, & magnificábant Deum. Et repléti sunt timóre, dicētes: Quia vídimus mirabília hódie. Credo.

*Offertorium. Ps. 145.* Lauda ánima mea Dóminum: laudabo Dóminum in vita mea: psallam Deo meo, quám diu ero, allelúia. *Secreta.*

**S**acrificia, Dómine, tuis obláta conspéctibus, ignis ille divínus absúmat, qui discipulórum Christi Fílii tui per Spíritum sanctum corda succéndit. Per eúndem Dóminum nostrum. in unitáte ejúsdem, &c.

*Aliæ Secreta.* Prótege nos. *vel* Oblátis. *ut sup. in Fer. iv.* fol. 259.

*Communio. Jo. 14.* Non vos relínquam órphanos: véniant ad vos íterum, allelúia: & gaudebit cor vestrum, allelúia.

*Postcommunio.*

**S**umpsimus, Dómine, sacri dona mystérii, humíliter deprecāntes: ut quæ in tui commemoratióne nos fáce-re præcepísti, in nostræ proficiant



ficiant infirmitatis auxilium.  
Qui vivis & regnas, &c.

*Altera Postcommunio.* Quæsumus, Dómine, *vel* Hæc nos, quæsumus. fol. 259.

## SABBATO QUATUOR TEMP. PENTEC.

*Statio ad sanctum Petrum.*

*Introitus. Rom. 5.*

**C**Háritas Dei diffúsa est in  
córdibus nostris, alle-  
lúia: per inhabitántem Spí-  
ritum ejus in nobis, allelúia,  
allelúia.

*Psal. 102.* Bénedic ánima  
mea Dómino: & ómnia, quæ  
intra me sunt, nómini sancto  
ejus. *v.* Glória Patri.

*Post Kyrie eléison. dicitur,*  
*Orémus. tantum, sine Flectá-*  
*mus génua. & similiter ad Ora-*  
*tiones sequentes. Oratio.*

**M**Entibus nostris, quæsu-  
mus Dómine, Spíritum  
sanctum benígnus infúnde:  
cujus & sapiéntia cónditi su-  
mus, & providéntia guberná-  
mur. Per Dóminum nostrum.  
in unitáte ejúsdem.

Léctio Joélis Prophétæ.

*Joelis 2. f.*

**H**Æc dicit Dóminus Deus:  
Effúndam spíritum me-  
um super omnem carnem: &  
prophetábunt filii vestri, &  
filix vestre: senes vestri sóm-  
nia somniábunt, & júvenes  
vestri vísiónes vidébunt. Sed  
& super servos meos, & an-  
cillas in diébus illis effúdam  
spíritum meum. Et dabo pro-  
dígia in cœlo, & in terra sán-  
guinem & ignem & vapórem  
fumi. Sol convertétur in té-  
nebras, & luna in sánguinem,

ántequam véniat dies Dómini  
magnus, & horribilis. Et  
erit: Omnis, qui invocáverit  
nomen Dómini, salvus erit.

Allelúia. *v.* *Joan. 6.* Spíri-  
tus est qui vivíficat: caro au-  
tem non prodest quidquam.

Orémus.

*Oratio.*

**I**Llo nos igne, quæsumus  
Dómine, Spiritus sanctus  
inflámmet: quem Dóminus  
noster Jesus Christus misit in  
terram: & vóluit veheménter  
accénderi. Qui tecum vivit &  
regnat in unitáte ejúsdem Spí-  
ritus sancti Deus.

Léctio libri Levítici.

*Lev. 23. b.*

**I**N diébus illis: Locútus est  
Dóminus ad Móysen, di-  
cens: Lóquere filiis Israél, &  
dices ad eos: Cùm ingrési fué-  
ritis terram, quam ego dabo  
vobis, & messuéritis ségetem,  
ferétis manípulos spicárum  
primítias messis vestre ad sa-  
cerdótem: qui elevábit fascí-  
culum coram Dómino, ut ac-  
ceptábile sit pro vobis áltero  
die Sábbati, & sanctificábit  
illum. Numerábitis ergo ab  
áltero die Sábbati, in quo ob-  
tulístis manípulum primitiá-  
rum, septem hebdómadas ple-  
nas, usque ad álteram diem  
expletiónis hebdómadæ sép-  
timæ, id est, quinquagínta  
dies: & sic offerétis sacrificium  
novum Dómino ex ómnibus  
habitáculis vestris, panes pri-  
mitiárum duos de duábus dé-  
cimis similæ fermentatæ, quos  
coquétis in primítias Domini.  
Et vocábitis hunc diem cele-  
bérrimum, atque sanctíssi-  
mum: omne opus servíle non  
faciétis in eo. Legítimum  
sempitérnum erit in cunctis  
habi-



habitaculis, & generationibus vestris: dicit Dominus omnipotens.

Allelúia. *ŷ. Joan. 26.* Spiritus ejus ornávit cœlos.

Orémus. *Oratio.*

**D**Eus, qui ad animarum medelam, jejunii devotione castigari corpora præcepisti: concède nobis propitius, & mente & corpori tibi semper esse devotos. Per Dominum.

Lectio libri Deuteronomii.

*Deut. 26.*

**I**N diébus illis: Dixit Móyses filiis Israél: Audi Israél quæ ego præcipio tibi hodie. Cum intráveris Terram, quam Dominus Deus tuus tibi daturus est possidendam, & obtinueris eam, atque habitaveris in ea: tolles de cunctis frugibus tuis primitias, & pones in cartallo, pergésque ad locum, quem Dominus Deus tuus elegerit, ut ibi invocetur nomen ejus, accedésque ad sacerdotem, qui fuerit in diebus illis, & dices ad eum: Profecto hodie coram Domino Deo tuo, qui exaudivit nos, & respexit humilitatem nostram, & laborem, atque angustiam: & eduxit nos de Ægypto in manu forti, & brachio extenso, in ingenti pavore, in signis atque portentis: & introduxit ad locum istum, & tradidit nobis Terram lacte & melle manantem. Et idcirco nunc offero primitias frugum Terræ, quam Dominus dedit mihi. Et dimittes eas in conspectu Domini Dei tui, & adorato Domino Deo tuo. Et epulaberis in omnibus bonis, quæ Dominus Deus tuus dederit tibi.

Allelúia. *ŷ. Act. 2.* Cum complerentur dies Pentecostes; erant omnes pariter sedentes.

Orémus, *Oratio.*

**P**Ræsta quæsumus omnipotens Deus: ut salutariis jejuniis eruditi, ab omnibus etiam vitiis abstinentes, propitiationem tuam facilius impetremus. Per Dominum.

Lectio libri Levitici.

*Lev. 26.*

**I**N diébus illis. Dixit Dominus ad Móysen: Loquere filiis Israél, & dices ad eos: Si in præceptis meis ambulaveritis, & mandata mea custodieritis, & feceritis ea, dabo vobis pluvias temporibus suis, & terra gignet germen suum, & pomis arbores replebuntur. Apprehendet messium trituram vindemiam, & vindemia occupabit sementem: & comedetis panem vestrum in saturitate, & absque pavore habitabitis in terra vestra. Dabo pacem in finibus vestris: dormietis, & non erit qui exterreat. Auferam malas bestias: & gladius non transibit terminos vestros. Persequimini inimicos vestros, & corruent coram vobis. Persequuntur quinque de vestris centum alienos, & centum de vobis decem milia: cadent inimici vestri gladio in conspectu vestro. Respiciam vos, & crescere faciam: multiplicabimini, & firmabo pactum meum vobiscum. Comedetis vetustissima veterum, & vetera novis superveniens projicietis. Ponam tabernaculum meum in medio vestri; & non abiciet vos anima mea. Ambulabo inter vos, & ero Deus vester, vosque eri-



éritis pópulus meus: dicit  
Dóminus omnípotens.

Allelúia.

✠. *Hic genuflectitur.* Veni  
sancte Spíritus, reple tuórum  
corda fidélium: & tui amóris  
in eis ignem accénde.

Orémus.

*Oratio.*

**P**Ræsta quæsumus omni-  
potens Deus, sic nos ab  
épulis carnálibus abstinére: ut  
à vitiis irruéntibus páriter je-  
junémus. Per Dóminum.

Léctio Daniélis Prophétæ.

*Dan. 3. e.*

**I**N diébus illis: Angelus Dó-  
mini descendit cum Aza-  
ria, & sóciis ejus in forná-  
cem: & excússit flammam  
ignis de fornáce, & fecit mé-  
dium fornácis quasi ventum  
roris flantem. Flamma autem  
effundebátur super fornácem  
cúbitis quadragínta novem:  
& erúpit, & incéndit quos ré-  
perit juxta fornácem de Chal-  
dæis minístros regis, qui eam  
incendébant. Et non tétigit  
eos omnínò ignis, neque con-  
tristávit, nec quidquam mo-  
léstiaé íntulit. Tunc hi tres  
quasi ex uno ore laudábant,  
& glorificábant, & benedicé-  
bant Deum in fornáce, di-  
céntes:

*Hic non respondetur, Deo  
grátias.*

Allelúia. ✠. *ib.* Benedíctus  
es Dómine Deus patrum no-  
strórum, & laudábilis in sæ-  
cula.

*Finito Versu, dicitur Glória  
in excélsis. deinde Dóminus  
vobíscum. R. Et cum spíri-  
tu tuo.*

Orémus.

*Oratio.*

**D**Eus, qui tribus púeris mi-  
tigásti flammæ ignium:  
concéde propítius; ut nos fá-

mulos tuos non exúrat flam-  
ma vitiórum. Per Dóminum.

*Secunda Oratio.* Ecclésiæ tuæ  
vel Deus ómnium. fol. 258.

Léctio Epístolæ beáti Pauli  
Apóstoli ad Romános.

*Rom. 5.*

**F**Ratres, Justificáti ex fide,  
pacem habeamus ad De-  
um per Dóminum nostrum  
Jesum Christum: per quem &  
habémus accéssum per fidem  
in grátiam istam, in qua sta-  
mus, & gloriámur in spe gló-  
riæ filiórum Dei. Non solúm  
autem, sed & gloriámur in tri-  
bulatióibus: sciéntes quòd  
tribulatio patiéntiam operá-  
tur: patiéntia autem probati-  
ónem, probatio verò spem,  
spes autem non confundit:  
quia cháritas Dei diffúsa est  
in córdibus nostris per Spíri-  
tum sanctum, qui datus est  
nobis.

*Tractus. Psal. 116.* Laudáte  
Dóminum omnes Gentes, &  
collaudáte eum omnes pópu-  
li. ✠. Quóniam confirmáta  
est super nos misericórdia e-  
jus: & véritas Dómini manet  
in ætérnum.

*Sequentia.* Veni sancte Spí-  
ritus. ut *suprà* in *Dominica  
Pentec.* fol. 253. *sed in fine non  
dicitur Allelúia.*

Sequentia sancti Evangélii se-  
cúndum Lucam.

*Luc. 4. f.*

**I**N illo témpore: Surgens  
Jesús de synagóga introi-  
vit in domum Simónis. So-  
crus autem Simónis tenebátur  
magnis fébribus: & rogavé-  
rant illum pro ea. Et stans su-  
per illam imperávit febri: &  
dimísit illam. Et continuo sur-  
gens, ministrábat illi. Cúm

au-



autem sol occidisset, omnes qui habebant infirmos variis languoribus, ducebant illos ad eum. At ille singulis manus imponens, curabat eos. Exibant autem demonia à multis clamantia, & dicentia: Quia tu es Filius Dei: & increpans, non finébat ea loqui: quia scié-  
bant ipsum esse Christum. Facta autem die, egressus ibat in desertum locum, & turbæ requirebant eum, & venerunt usque ad ipsum: & detinebant illum, ne discéderet ab eis. Quibus ille ait: Quia & aliis civitatibus oportet me evangelizare regnum Dei: quia ideo missus sum. Et erat prædicans in synagogis Galilææ. Credo.

*Offertorium Psal. 87.* Dómine Deus salutis meæ, in die clamavi, & nocte coram te: intret oratio mea in conspectu tuo, Dómine, allelúia.

*Secreta.*

**U**T accépta tibi sint, Dómine, nostra jejúnia: præsta nobis, quæsumus, huius múnere sacraménti purificatum tibi pectus offerre. Per Dóminum.

*Altera Secreta.* Prótege nos, vel Oblátis, quæsumus. fol. 259.

*Communio.* Joan. 3. Spíritus ubi vult spirat: & vocem ejus audis, allelúia, allelúia: sed nescis unde véniat, aut quò vadat, allelúia, allelúia, allelúia.

*Postcommunio.*

**P**Ræbeant nobis, Dómine, divinum tua sancta fervorem: quò eórum páriter & actu delectémur, & fructu. Per Dóminum nostrum.

*Altera Postcomm.* Quæsumus, Dómine. vel Hæc nos, quæsumus. fol. 259.

## I N F E S T O

# S S. T R I N I T A T I S.

*Introitus.*

*Tob. 12.*

**B**enedicta sit sancta Trinitas, atque indivisa unitas: confitebimur ei, quia fecit nobiscum misericórdiam suam.

*Psal. 8.* Dómine Dóminus noster, quàm admirabile est nomen tuum in univérſa terra!

v. Glória Patri.

*Oratio.*

**O**Mnipotens sempitérne Deus, qui dedisti famulis tuis in confessione veræ fidei, æternæ Trinitátis gló-

riam agnoscere, & in potentia majestátis adorare unitatem: quæsumus, ut ejusdem fidei firmitate, ab ómnibus semper muniamur advérsis. Per Dóminum.

*Deinde fit commem. de Dominica prima post Pentec.*

*Oratio.*

**D**Eus, in te sperantium fortitúdo; adesto propítius invocationibus nostris: & quia sine te nihil potest mortalis infirmitas, præsta auxilium gratiæ tuæ: ut in exequendis mandátis tuis, & voluntate



tibi, & actione placeamus.  
Per Dóminum.

Lectio Epístolæ beati Pauli  
Apóstoli ad Romános.

*Rom. 11. d.*

**O** Altitúdo divitiarum sapiéntiæ & sciéntiæ Dei: quàm incomprehensibília sunt iudícia ejus, & investigábiles viæ ejus! Quis enim cognóvit sensum Dómini? Aut quis consiliáritus ejus fuit? Aut quis prior dedit illi, & retribuétur ei? Quóniam ex ipso, & per ipsum, & in ipso sunt ómnia: ipsi honor & glória in sæcula, Amen.

*Graduale. Dan. 3.* Benedíctus es Dómine, qui intuéris abyssos & sedes super Chérubim. *v.* Benedíctus es Dómine in firmaménto cœli, & laudabilis in sæcula. Allelúia, allelúia. *v.* Benedíctus es Dómine Deus patrum nostrórum, & laudábilis in sæcula. Allelúia.

Sequéntia sancti Evangélíi secundùm Matthæum.

*Matth. 28. d.*

**I**N illo témpore: Dixit Iesus discíplis suis: Data est mihi omnis potéstas in cœlo & in terra. Eúntes ergo docéte omnes gentes: baptizantes eos in nómine Patris, & Fílii, & Spíritus sancti: docétes eos serváre ómnia quæcúmque mandávi vobis: & ecce ego vobíscum sum ómnibus diébus, usque ad consummationem sæculi. Credo.

*Offertarium. Tob. 12.* Benedíctus sit Deus Pater, unigenítusque Dei Fílius, sanctus quoque Spíritus: quia fecit nobíscum misericórdiam suam.

*Secreta.*

**S**anctífica, quæsumus Dómine Deus noster, per tui sancti nóminis invocatió-nem, hujus oblatiόνis hósti-am: & per eam nosmetípsos tibi pérfice munus ætérnum. Per Dóminum.

*Pro Dominica. Secreta.*

**H**ostias nostras, quæsumus Dómine, tibi dicá-tas placátus assúme: & ad perpétuum nobis tríbue proveníre subsidium. Per Dóminum.

*Præfatio.* Qui cum unigénito Fílio tuo. fol. 207.

*Communio. Tob. 12.* Benedícimus Deum cœli, & coram ómnibus vivéntibus confitébimur ei: quia fecit nobíscum misericórdiam suam.

*Postcommunio.*

**P**roficiat nobis ad salutem córporis & ánimæ, Dómine Deus noster, hujus sacraménti susceptio: & sempitérnæ sanctæ Trinitátis, ejusdémque indivíduæ unitátis conféssio. Per Dóminum.

*Pro Dominica. Postcomm.*

**T**antis, Dómine, repléti munéribus, præsta quæsumus: ut & salutária dona capiámus, & à tua numquam laude cessémus. Per Dóminum.

*In fine Missæ legitur Evangelium Dominicæ sequentis, ut infra. fol. 268.*

## DOMINICA I. POST PENTECOSTEN.

*Introitus. Psal. 12.*

**D**omine, in tua misericórdia sperávi: exultávit cor meum in salutári tuo: cantábo Dómino, qui boná tríbuit mihi.

*Psal.*



*Psal. ibid.* Usquequò Dómine oblivísceris me in finem? usquequò avértis faciém tuam à me? *v.* Glória Patri.

*Oratio.*

**D**Eus, in te sperantium fortitúdo, adésto propítius invocatióibus nostris: & quia sine te nihil potest mortális infirmitas: præsta auxílium grátiae tuæ: ut in exequéndis mandátis tuis, & voluntáte tibi, & actiône placeámus. Per Dóminum.

*Ad poscenda suffragia Sanctorum.*

*Oratio.*

**A**Cunctis nos, quæsumus Dómine, mentis & corporis defénde perículis: & intercedente beáta & gloriósa semper vírgine Dei genitríce María, cum beátis Apóstolis tuis Petro & Paulo, atque beáto N. & ómnibus sanctis, salútem nobis tríbue benígnus, & pacem; ut destrúctis adversitatibus & erróribus univérsis, Ecclesiá tua secúra tibi sérviat libertáte.

*Et dicitur in Missis tam de Tempore, quam de Sanctis, usque ad Adventum, nisi sit Duplex, vel infra Octavam. Tertia verò Oratio dicatur ad libitum Sacerdotis.*

Lectio Epístolæ beáti Joánnis Apóstoli. *1. Joan. 4. b.*

**C**haríssimi, Deus charitas est. In hoc appáruit charitas Dei in nobis, quóniam Fílium suum unigénitum misit Deus in mundum, ut vivámus per eum. In hoc est charitas: non quasi nos dilexérimus Deum, sed quóniam ipse prior diléxit nos, & misit Fílium suum propitiatióem pro peccátis nos-

tris. Charíssimi, si sic Deus diléxit nos, & nos debémus alterútrum dilígere. Deum nemo vidit umquam. Si diligámus invicem, Deus in nobis manet, & charitas ejus in nobis perfécta est. In hoc cognóscimus, quóniam in eo manémus, & ipse in nobis: quóniam de spírítu suo dedit nobis. Et nos vídimus, & testificámur, quóniam Pater misit Fílium suum Salvatórem mundi. Quisquis conféssus fúerit, quóniam Jesus est Fílius Dei, Deus in eo manet, & ipse in Deo. Et nos cognóvimus, & credídimus charitati, quam habet Deus in nobis. Deus charitas est: & qui manet in charitate, in Deo manet, & Deus in eo. In hoc perfécta est charitas Dei nobíscum, ut fidúciam habeámus in die judicii: quia sicut ille est, & nos sumus in hoc mundo. Timor non est in charitate: sed perfécta charitas foras mittit timórem, quóniam timor poenam habet. Qui autem timet, non est perféctus in charitate. Nos ergo diligámus Deum, quóniam Deus prior diléxit nos. Si quis dixerit, quóniam diligo Deum, & fratrem suum óderit, mendax est. Qui enim non diligit fratrem suum, quem videt, Deum, quem non videt, quómodo potest dilígere? Et hoc mandátum habémus à Deo: ut qui diligit Deum, diligat & fratrem suum.

*Graduale. Psal. 40. Ego dixi: Dómine miserere mei: sana ánimam meam, quia peccávi tibi. v. Beátus qui intelligit super egénium & páuperem: in die mala liberábit eum Dóminus. Allelúia, allelúia.*



*Psalm. 5.* Verba mea auribus percipe Domine, intellige clamorem meum. Alleluia.

Sequentia sancti Evangelii secundum Lucam.

*Luc. 6. d.*

**I**N illo tempore: Dixit Jesus discipulis suis: Estote misericordes sicut & Pater vester misericors est. Nolite iudicare, & non iudicabimini: nolite condemnare, & non condemnabimini. Dimittite, & dimittimini. Date, & dabitur vobis: mensuram bonam, & confertam, & coactatam, & supereffluentem dabunt in sinum vestrum. Eadem quippe mensura, qua mensi fueritis, remetiatur vobis. Dicebat autem illis & similitudinem: Numquid potest cæcus cæcum ducere? nonne ambo in foveam cadunt? Non est discipulus super magistrum: perfectus autem omnis erit, si sit sicut magister ejus. Quid autem vides festucam in oculo fratris tui, trabem autem, quæ in oculo tuo est, non consideras? Aut quomodo potes dicere fratri tuo: Frater, sine ejiciam festucam de oculo tuo: ipse in oculo tuo trabem non videns: Hypocrita, ejice primum trabem de oculo tuo: & tunc perspicies, ut educaas festucam de oculo fratris tui.

*Offertorium. Psalm. 5.* Intende voci orationis meæ, Rex meus, & Deus meus: quoniam ad te orabo Domine.

*Secreta.*

**H**ostias nostras, quaesumus Domine, tibi dicatas placatus assume: & ad perpetuum nobis tribue provenire subsidium. Per Dominum nostrum Jesum Christum Filium tuum: Qui tecum vivit, &c.

*Ad poscenda suffragia Sanctorum.*  
*Secreta.*

**E**xaudi nos Deus salutaris noster: ut per hujus sacramenti virtutem à cunctis nos mentis & corporis hostibus tuearis, gratiam tribuens in presenti, & gloriam in futuro.

*Tertia ad libitum Sacerdotis.*

*Communio. Psalm. 9.* Narrabo omnia mirabilia tua: lætabor & exultabo in te: psallam nomini tuo, Altissime.

*Postcommunio.*

**T**antis, Domine, repleti muneribus, præsta quaesumus: ut & salutaria dona capiāmus, & à tua numquam laude cessemus. Per Dominum nostrum Jesum Christum, &c.

*Ad poscenda suffragia Sanctorum.*  
*Postcommunio.*

**M**undet & muniat nos, quaesumus Domine, divini sacramenti munus oblatum: & intercedente beata virgine Dei genitrice Maria, cum beatis Apostolis tuis Petro & Paulo, atque beato N. & omnibus Sanctis, à cunctis nos reddat & perversitatibus expiātos, & adversitatibus expeditos.

*Tertia ad libitum Sacerdotis.*



IN SOLEMNITATE  
CORPORIS  
CHRISTI.

*Introitus.*

*Psal. 80.*

**C**ibavit eos ex adipē frumēti, allelúia: & de petra, melle saturavit eos, allelúia, allelúia.

*Psal. ibid.* Exultate Deo adiutori nostro: jubilate Deo Jacob. *℟.* Glória Patri.

*Oratio.*

**D**eus, qui nobis sub Sacramēto mirabili, passionis tuæ memoriā reliquisti: tribue, quæsumus, ita nos corporis & sanguinis tui sacra mysteria venerari, ut redemptionis tuæ fructum in nobis jūgiter sentiamus. Qui vivis, &c.

Lectio Epistolæ beati Pauli Apostoli ad Corinthios.

*I. Cor. II. d.*

**F**ratres, Ego enim accēpi à Dōmino, quod & tradi vobis, quoniam Dōminus Jesus in qua nocte tradebatur, accēpit panem, & grātiās agens, fregit, & dixit: Accipite, & manducate: hoc est corpus meum, quod pro vobis tradetur: hoc facite in meam commemorationem. Similiter & cālicem, postquam coenavit, dicens: Hic calix novum testamentum est in meo sanguine. Hoc facite quotiescūque bibētis, in meam commemorationem. Quotiescūque enim manducābitis panem hunc, & cālicem bibētis:

mortem Dōmini annuntiābitis, donec veniat. Itaque quicumque manducāverit panem hunc, vel biberit cālicem Dōmini indignē: reus erit corporis & sanguinis Dōmini. Probet autem seipsum homo: & sic de pane illo edat, & de cālice bibat. Qui enim manducat, & bibit indignē, iudicium sibi manducat & bibit, non dijudicans corpus Dōmini.

*Graduale. Psalm. 144.* Oculi omnium in te sperant, Dōmine: & tu das illis escam in tempore opportuno. *℟.* Aperis tu manum tuam: & imple omne animal benedictione.

Allelúia, allelúia.

*℟. Joan. 6.* Caro mea verē est cibus, & sanguis meus verē est potus: qui manducat meam carnem, & bibit meum sanguinem, in me manet, & ego in eo.

*Sequentia.*

**L**auda Sion Salvatorem, lauda ducem & pastorem in hymnis & canticis.

Quantum potes, tantum audē: quia major omni laude, nec laudare sufficis.

Laudis thema specialis, panis vivus & vitalis hodie proponitur.

Quem in sacræ mensæ coenæ, turbæ fratrum duodenæ datum non ambigitur.

Sit



Sit laus plena, sit sonóra, sit  
jucúnda, sit decóra mentis ju-  
bilatio.

Dies enim solémnis ágitur,  
in qua mensæ prima recólitur  
hujus institútio.

In hac mensa novi Regis,  
novum Pascha novæ legis,  
phase vetus términat.

Vetustátem nóvitas, umbram  
fugat véritas, noctem lux eli-  
minat.

Quod in cœna Christus gef-  
fit, faciéndum hoc expréssit  
in sui memóriam.

Docti sacris institútis, pa-  
nem vinum in salutis conse-  
crámus hóstiam.

Dogma datur Christiánis,  
quòd in carnem tranfit panis,  
& vinum in sánguinem.

Quod non capis, quod non  
vides, animósa firmat fides,  
præter rerum órđinem.

Subdivérsis speciébús, signis  
tantum, & non rebus, la-  
tent res exímia.

Caro cibus, sanguis potus:  
manet tamen Christus totus  
sub utrâque specie.

A suménte non concísus, non  
confráctus, non divísus, ínte-  
ger accípitur.

Sumit unus, sumunt mille:  
quantum isti, tantum ille:  
nec sumptus consúmitur.

Sumunt boni, sumunt mali:  
forte tamen inæquáli, vitæ,  
vel intéritus.

Mors est malis, vita bonis:  
vide paris sumptiónis, quàm  
sit dispar éxitus.

Fracto demum Sacraménto,  
ne vacílles, sed meménto,  
tantum esse sub fragménto,  
quantum toto tégitur.

Nulla rei fit scissúra: signi  
tantum fit fractúra: qua nec

status, nec statúra signáti mi-  
núitur.

Ecce panis Angelórum, fa-  
ctus cibus viatórum: verè pa-  
nis filiórum, non mitténdus  
cánibus.

In figúris præsignátur, cum  
Isaac immolátur: Agnus Pas-  
chæ deputátur: datur manna  
pátribus.

Bone pastor, panis vere, Jesu  
nostri miserére: tu nos pasce,  
nos tuére: tu nos bona fac vi-  
dère in terra vivéntium.

Tu qui cuncta scis, & vales:  
qui nos pascis híc mortáles:  
tuos ibi commensáles, cohæ-  
rédes, & sodáles fac sanctó-  
rum cívium, Amen. Allelúia,  
Sequéntia sancti Evangélíi se-  
cúndum Joánnem.

*Joan. 6. f.*

**I**N illo témpore; Dixit Je-  
sus turbis Judæórum: Ca-  
ro mea verè est cibus: & san-  
guis meus verè est potus. Qui  
mandúcat meam carnem, &  
bibit meum sánguinem, in  
me manet, & ego in illo. Sic-  
ut misit me vivens Pater, &  
ego vivo propter Patrem; &  
qui mandúcat me, & ipse vivet  
propter me. Hic est panis, qui  
de cœlo descéndit. Non sicut  
manducavérunt patres vestri  
manna, & mórtui sunt. Qui  
mandúcat hunc panem, vivet  
in ætérnum. Credo.

*Offertorium. Lev. 21.* Sacer-  
dótes Dómini incénsus & pa-  
nes offerunt Deo, & ideo sanc-  
ti erunt Deo suo, & non póll-  
uent nomen ejus, allelúia.

*Secreta.*

**E**Cclésiæ tuæ, quæsumus  
Dómine, unitátis & pacis  
propítius dona concéde: quæ  
sub



sub oblatis munéribus mysticè designantur. Per Dóminum.

*Præfatio de Nativitate. Quia per incarnati Verbi. fol. 203.*

*Et dicitur per totam Octavam.*

*Communio. 1. Cor. 11. Quo- tiescúmque manducábitis pa- nem hunc, & cálicem bibétis, mortem Dómini annuntiábi- tis, donec véniat: itaque qui- cúmque manducáverit panem, vel bíberit cálicem Dómini in- digne, reus erit cörperis & sánguinis Dómini, allelúia.*

*Postcommunio.*

**F**Ac nos, quæsumus Dómi- ne, divinitátis tuæ sempiterna fructu répléri: quam pretiosi cörperis & sánguinis tui témporalis percéptio præ- figurat. Qui vivis & regnas.

*¶ Infra Octavam dicitur hæc eadem Missa, & non fit de ali- quo Sancto, nisi fuerit Duplex occurrens, non autem translatum: in die Octavæ non fit nisi de fes- to sancti Joannis Baptistæ, & SS. Apostolorum Petri & Pauli, si occurrant, cum commem. Oc- tavæ. Infra Octavam secunda Oratio de sancta Maria, Con- cède nos. tertia, Ecclesiæ tuæ. vel Deus ómnium fidélium. fol. 236.*

*Et si in ea venerit Vigilia, fit de Octava cum commemoratione Vigiliæ.*

## DOMINICA INFRA OC- TAVAM CORPORIS CHRISTI, SECUNDA POST PENTECOST.

*Introitus.*

*Psal.*

**F**actus est Dóminus pro- tector meus, & eduxit me in latitudinem: saluum me fecit, quóniam voluit me. *Psal. ibid. Diligam te, Dó-*

mine, virtus mea: Dómi- nus firmamentum meum, & refúgium meum, & liberátor meus.

*v. Glória Patri. Oratio.*

**S**Ancti nóminis tui, Dómi- ne, timórem páriter, & amórem fac nos habere per- pétuum: quia numquam tua gubernatione destituis, quos in soliditáte tuæ dilectionis instituis. Per Dóminum.

*Deinde fit commem. de Oct. Corporis Christi tantum, Oratio. Deus, qui nobis. f. 269.*

*Lectio Epistolæ beati Joannis Apóstoli. 1. Joan. 3. b.*

**C**haríssimi: Nolíte mirá- ri, si odit vos mundus. Nos scimus quóniam transláti sumus de morte ad vitam, quóniam diligimus fratres. Qui non diligit, manet in morte: omnis, qui odit fra- trem suum homicida est. Et scitis quóniam omnis homici- da non habet vitam æternam in semetípso manentem. In hoc cognóvimus charitátem Dei, quóniam ille ánimam suam pro nobis, pósuit: & nos debémus pro fratribus á- nimas pónere. Qui habúerit substantiam hujus mundi, & viderit fratrem suum necessi- tátem habere, & cláuserit víscera sua ab eo: quómodo charitas Dei manet in eo? Filíoli mei, non diligámus verbo, neque lingua, sed ó- pere & veritáte.

*Graduale. Ps. 119. Ad Dó- minum, cùm tribulárer, cla- mávi, & exaudivit me. v. Dómine, libera ánimam me- am a lábiis iniquis, & a lin- gua dolósa. Allelúia, allel.*

*v. Psal. 7. Dómine, Deus meus, in te sperávi: saluum me fac*



fac ex ómnibus persequéntibus me, & libera me. Allelúia.

Sequéntia sancti Evangélíi secundùm Lucam.

*Luc. 14. d.*

**I**N illo témpore: Dixit Jesus Pharisæis parabolam hanc: Homo quidam fecit cœnam magnam, & vocávit multos, Et misit servum suum hora cœnæ dicere invitátis, ut veníret, quia jam paráta sunt ómnia. Et cœpérunt simul omnes excusáre. Primus dixit ei: Villam emi, & necesse hábeo exíre, & vidére illam: rogo te, habe me excusátum. Et alter dixit: Jugar boum emi quinque, & eo probáre illa: rogo te, habe me excusátum. Et álius dixit: Uxórem duxi, & ídeo non possum veníre, Et revérsus servus nuntiávit hæc dómíno suo. Tunc irátus paterfamílias, dixit servo suo: Exi citò in plateas & vicos civitátis: & páuperes ac débiles, & cæcos, & claudos introduc huc. Et ait servus: Dómine, factum est ut imperásti, & adhuc locus est. Et ait dómínus servo: Exi in vias & sepes: & compelle intráre, ut impleatur domus mea. Dico autem vobis: quòd nemo virórum illórum, qui vocati sunt, gustábit cœnam meam. Credo.

*Offertorium. Psal. 6. Dómine convértere, & éripe animam meam: saluum me fac propter misericórdiam tuam.*

*Secreta.*

**O**blatio nos, Dómine, tuo nómini dicánda puríficet: & de die in diem ad cœlestis vitæ transférat actiónem. Per Dóminum.

*De Oct. Corporis Christi, Secreta Ecclesiæ tuæ. f. 270.*

*Communio. Psal. 12. Cantábo Dómino, qui bona tribuit mihi: & psallam nómini Dómini altíssimi.*

*Postcommunio.*

**S**umptis munéribus sacris, quæsumus Dómine, ut cum frequentatióne mystérii, crescat nostræ salutis effectus. Per Dóminum.

*De Oct. Corporis Christi, Postcommunio. Fac nos quæsumus Dómine. fol. 271.*

## DOMINICA III. POST PENTECOSTEN.

*Introitus. Psal. 24.*

**R**espice in me, & miserebere mei Dómine, quóniam únicus, & pauper sum ego: vide humilitátem meam, & labórem meum: & dimítte ómnia peccáta mea, Deus meus.

*Psal. ib. Ad te, Dómine levávi ánimam meam: Deus meus, in te confido, non erubescam.*

*v. Glória Patri. Oratio.*

**P**rotector in te sperántium Deus, sine quo nihil est válidum, nihil sanctum, multiplica super nos misericórdiam tuam: ut te rectóre, te duce, sic transeámus per bona temporália, ut non amittámus ætérna. Per Dóminum.

*Secunda Oratio. A cunctis. ut in Dominica i. post Pentecosten. fol. 267.*

*Tertia ad libitum.*

*Lectio Epístolæ beati Petri Apóstoli. 1. Pet. 5. b.*

**C**haríssimi: Humiliámini sub poténti manu Dei, ut vos exáltet in témpore visita-



fitationis: omnem sollicitudinem vestram projicientes in eum, quoniam ipsi cura est de vobis. Sobrii estote, & vigilate: quia adversarius vester diabolus tamquam leo rugiens circuit, quaerens quem devoret: cui resistite fortes in fide: scientes eandem passionem ei, quae in mundo est, vestrae fraternitati fieri. Deus autem omnis gratiae, qui vocavit nos in aeternam suam gloriam in Christo Jesu, modicum passus ipse perficiet, confirmabit, solidabitque. Ipsi gloria & imperium in saecula saeculorum, Amen.

*Graduale. Psal. 54.* Jaeta cogitatum tuum in Domino: & ipse te enutriet. *V.* Dum clamarem ad Dominum, exaudivit vocem meam ab his, qui appropinquant mihi.

Alleluia, alleluia.

*V. Ps. 7.* Deus iudex justus, fortis, & patiens, numquid irascitur per singulos dies? Alleluia.

Sequentia sancti Evangelii secundum Lucam. *Luc. 15.*

**I**N illo tempore: Erant appropinquantes ad Jesum publicani, & peccatores, ut audirent illum. Et murmurabant Pharisei & Scribae dicentes: Quia hic peccatores recipit, & manducat cum illis. Et ait ad illos parabolam istam, dicens: Quis ex vobis homo, qui habet centum oves: & si perdiderit unam ex illis, nonne dimittit nonagintanovem in deserto, & vadit ad illam, quae perierat, donec inveniat eam? Et cum invenerit eam, imponit in humeros suos gaudens: & veniens domum, con-

vocat amicos & vicinos, dicens illis: Congratulamini mihi, quia inveni ovem meam, quae perierat. Dico vobis, quod ita gaudium erit in caelo super uno peccatore poenitentiam agente, quam super nonagintanovem justis, qui non indigent poenitentia. Aut quae mulier habens drachmas decem, si perdiderit drachmam unam, nonne accendit lucernam, & everrit domum, & quaerit diligenter, donec inveniat? Et cum invenerit, convocat amicas & vicinas, dicens: Congratulamini mihi, quia inveni drachmam, quam perdideram. Ita dico vobis: gaudium erit coram Angelis Dei super uno peccatore poenitentiam agente. Credo.

*Offertorium. Psal. 9.* Sperent in te omnes, qui novērunt nomen tuum, Domine, quoniam non derelinquis quaerentes te: psallite Domino, qui habitat in Sion, quoniam non est oblitus orationem pauperum.

*Secreta.*

**R** Espice, Domine, munera supplicantis Ecclesiae: & salutis credentium perpetua sanctificatione sumenda concede. Per Dominum.

*Alia Secr. Exaudinos. f. 268.*

*Tertia ad libitum.*

*Communio. Luc. 15.* Dico vobis gaudium est Angelis Dei super uno peccatore poenitentiam agente. *Postcomm.*

**S**ancta tua nos, Domine, sumpta vivificent: & misericordiae sempiternae praeparent expiatis. Per Dominum.

*Altera Postcomm. Mundet & muniat. f. 268. Tertia ad libit.*



DOMINICA IV. POST  
PENTECOSTEN.*Introitus. Psal. 26.*

**D**ominus illuminatio mea,  
& salus mea; quem ti-  
mébo? Dominus defensor vi-  
tæ meæ, à quo trepidábo? qui  
tribulant me inimici mei, ipsi  
infirmati sunt, & ceciderunt.

*Psal. ibid.* Si consistant ad-  
versum me castra, non timébit  
cor meum. *℣. Glória.*

*Oratio.*

**D**A nobis, quæsumus Dó-  
mine: ut & mundi cur-  
sus pacificè nobis tuo órdine  
dirigatur, & Ecclesiá tua tran-  
quilla devotióne lætetur. Per  
Dóminum.

*Secunda Oratio.* A cunctis.  
fol. 267.

*Tertia ad libitum.*

Lectio Epistolæ beati Pauli  
Apostoli ad Romanos.

*Rom. 8. d.*

**F**Ratres: Existimo, quod  
non sunt condignæ passio-  
nes hujus temporis ad futu-  
ram glóriam, quæ revelabi-  
tur in nobis. Nam expectatio  
creaturæ revelatióem filio-  
rum Dei expectat. Vanitati  
enim creatúra subiecta est,  
non volens, sed propter eum,  
qui subjecit eam in spe: quia  
& ipsa creatúra liberabitur à  
servitute corruptionis in li-  
bertatem glóriæ filiorum Dei.  
Scimus enim, quod omnis  
creatura ingemiscit, & partu-  
rit usque adhuc. Non solum  
autem illa, sed & nos ipsi pri-  
mitias spíritus habentes, &  
ipsi intra nos gemimus, adop-  
tionem filiorum Dei expec-  
tantes, redemptionem corpo-  
ris nostri: in Christo Jesu  
Dómino nostro.

*Graduale. Psal. 78.* Propitius  
esto Dómine peccatis nostris:  
ne quando dicant Gentes ubi  
est Deus eorum? *℣.* Adjuva  
nos Deus salutaris noster, &  
propter honorem nóminis tui  
Dómine libera nos. Allelúia,  
allel. *℣. Ps. 9.* Deus, qui sedes  
super thronum, & júdicas æ-  
quitatem: esto refúgium páu-  
perum in tribulatióne. Alle-  
lúia.

Sequéntia sancti Evangelii se-  
cundum Lucam.

*Luc. 5.*

**I**N illo témpore: Cùm tur-  
bæ irrúerent in Jesum, ut  
audirent verbum Dei, & ipse  
stabat secus stagnum Genésar-  
eth. Et vidit duas naves  
stantes secus stagnum: pesca-  
tores autem descenderant, &  
lavabant rétia. Ascéndens au-  
tem in unam navim, quæ erat  
Simónis, rogávit eum à terra  
reducere pusillum. Et se-  
dens, docébat de navícula  
turbas. Ut cessávit autem lo-  
qui, dixit ad Simónem: Duc  
in altum, & laxáte rétia ve-  
stra in capturam. Et respón-  
dens Simon, dixit illi: Præ-  
ceptor, per totam noctem la-  
borantes, nihil cépimus: in  
verbo autem tuo laxábo rete.  
Et cùm hoc fecissent, con-  
clusérunt piscium multitudi-  
nem copiosam: rumpebátur  
autem rete eorum. Et annué-  
runt sóciis, qui erant in alia  
navi, ut venirent, & adjuvá-  
rent eos. Et venérunt, & im-  
plevérunt ambas navículas,  
ita ut penè mergeréntur.  
Quod cùm vidéret Simon Pe-  
trus, prócidit ad gēnua Jesu,  
dicens: Exi à me, quia homo  
peccator sum, Dómine. Stu-  
por



por enim circumdederat eum, & omnes, qui cum illo erant, in captura piscium, quam ceperant. Similiter autem Jacobum & Joannem, filios Zebedæi, qui erant socii Simonis. Et ait ad Simonem Jesus: Noli timere: ex hoc jam homines eris capiens. Et subdúctis ad terram návibus, relíctis ómnibus, secúti sunt eum. Credo.

*Offertorium. Ps. 12.* Illúmina óculos meos, ne umquam obdormiam in morte: ne quando dicat inimicus meus, Prævalui advérsus eum.

*Secreta.*

**O**blationibus nostris, quæsumus Dómine, placare susceptis: & ad te nostras étiam rebelles compelle propítius voluntates. Per Dóminum.

*Alia Secr. Exáudi nos. fol. 268. Tertia ad libitum.*

*Communio. Ps. 17.* Dóminus firmaméntum meum, & refúgium meum, & liberátor meus. Deus meus, adjutor meus.

*Postcommunio.*

**M**ysteria nos, Dómine quæsumus, sumpta purificent, & suo múnere tueantur. Per Dóminum.

*Altera Postc. Mundet & múniat. fol. 268. Tertia ad libit.*

## DOMINICA. V. POST PENTECOSTEN.

*Introitus. Psal. 26.*

**E**Xáudi, Dómine, vocem meam, qua clamavi ad te: adjutor meus esto, ne derelínquas me, neque despicias me Deus salutaris meus.

*Ps. ib.* Dóminus illuminatio mea, & salus mea, quem timébo? *℣. Glória.*

*Oratio.*

**D**Eus, qui diligentibus te, bona invisibilia præparasti, infunde córdibus nostris tui amoris affectum: ut te in ómnibus, & super ómnia diligentes, promissiones tuas, quæ omne desiderium súperant, consequámur. Per Dóminum.

*Secunda Oratio. A cunctis nos. ut suprà. fol. 267.*

*Tertia ad libitum.*

Lectio Epístolæ beati Petri Apóstoli. *1. Petr. 3. b.*

**C**haríssimi: Omnes unánimes in oratione estote, compatiéntes, fraternitátis amatores, misericórdes, modesti, húmiles: non reddentes malum pro malo, nec maledictum pro maledicto, sed è contrario benedicéntes: quia in hoc vocáti estis, ut benedictionem hæreditáte possideátis. Qui enim vult vitam diligere, & dies vidére bonos, coérceat linguam suam à malo, & lábia ejus ne loquántur dolum. Declínet à malo, & fáciat bonum: inquírat pacem, & sequátur eam. Quia óculi Dómini super justos, & aures ejus in preces eórum: vultus autem Dómini super faciéntes mala. Et quis est qui vobis nóceat, si boni æmulátóres fueritis? Sed & si quid patímini propter justítiam, beati. Timórem autem eórum ne timéritis, & non conturbemini. Dóminum autem Christum sanctificáte in córdibus vestris.

*Grad. Ps. 83.* Protéctor noster áspice Deus: & respice super servos tuos. *℣. Dómine Deus virtutum, exáudi preces servórum tuórum. Allel. allel.*

M m 2

*℣. Ps.*



℣. *Pf.* 20. Dómine in virtúte tua lætábitur rex, & super salutáre tuum exultábit veheménter. Allelúia.

Sequéntia sancti Evangélíi secúndum Matthæum.

*Matth.* 5. c.

**I**N illo témpore : Dixit Jesus discíplis suis : Nisi abundáverit justítia vestra plus quàm Scribárum, & Pharisæórum, non intrábitis in regnum coelórum. Audístis, quia dictum est antíquis : Non occídes : qui autem occíderit, reus erit iudício. Ego autem dico vobis, quia omnis, qui iráscitur fratri suo, reus erit iudício, Qui autem díxerit fratri suo, raca : reus erit concílio. Qui autem díxerit, fá-tue : reus erit gehénnæ ignis. Si ergo offers munus tuum ad altáre, & ibi recordátus fúeris, quia frater tuus habet áli-quid advérsum te : relínque ibi munus tuum ante altáre, & vade prius reconciliári fratri tuo : & tunc véniens ófferes munus tuum. Credo.

*Offertorium.* *Pf.* 15. Benedícam Dóminum, qui tríbuit mihi intelléctum : providébam Deum in conspéctu meo semper : quóniam à dextris est mihi, ne commóvear.

*Secreta.*

**P**ROPITIÁRE Dómine supplicatióibus nostris : & has oblatiões famulórum famularúmque tuárum benígnus asúme ; ut quod sínguli obtulerunt ad honórem nóminis tui, cunctis proficiat ad salutem. Per Dóminum.

*Alia Secr.* Exáudi nos Deus. *ut sup.* fol. 268. *Tertia ad lib.*

*Communio.* *Psal.* 26. Unam pétii à Dómino, hanc requíram : ut inhábitem in domo Dómini ómnibus diébus vitæ meæ.

*Postcommunio.*

**Q**UOS cœlésti, Dómine, dono satiásti, præstá, quæsumus, ut à nostris mundémur occúltis, & ab hóstium liberémur insídiis. Per Dóminum.

*Altera Postc.* Mundet & múniat. fol. 268. *Tertia ad libit.*

## DOMINICA VI. POST PENTECOSTEN.

*Introitus.* *Psal.* 27.

**D**OMINUS fortitúdo plebis suæ, & protéctor salutárium Christi sui est ? salvum fac pópulum tuum Dómine, & benedic hæreditáti tuæ, & rege eos usque in sæculum.

*Psal. ib.* Ad te, Dómine, clamábo, Deus meus ne síleas à me : ne quando táceas à me, & affimilabor descendéntibus in lacum.

℣. Glória Patri. *Oratio.*

**D**EUS virtútum, cujus est totum, quod est óptimum : insere pectóribus nostris amórem tui nóminis, & præsta in nobis religiónis augmentum ; ut quæ sunt boná, nútrias ; ac pietátis stúdio, quæ sunt nutríta, custódias. Per Dóminum.

*Secunda Oratio.* A cunctis nos. *ut sup.* f. 267. *Tertia ad libitum.* Lécitio Epístolæ beáti Pauli Apóstoli ad Romános. *Rom.* 6.

**F**RATRES, Quicúmque baptizáti sumus in Christo Jesu, in morte ipsíus baptizáti sumus. Consepúlti enim sumus cum illo per baptísmum in mortem : ut quómodo Christi

stus



stus surrexit à mortuis per glóriam Patris, ita & nos in novitate vitæ ambulémus. Si enim complantati facti sumus similitudini mortis ejus: simul & resurrectionis érimus. Hoc sciéntes, quia vetus homo noster simul crucifixus est, ut destruatur corpus peccáti, & ultrà non serviámus peccáto. Qui enim mórtuus est, justificátus est à peccáto. Si autem mórtui sumus cum Christo, crédimus, quia simul étiam vivémus cum Christo: sciéntes quòd Christus resúr-gens ex mórtuis jam non mó-ritur: mors illi ultrà non dominábitur. Quòd enim mórtuus est peccáto; mórtuus est fémel: quòd autem vivit, vivit Deo. Ita & vos existimáte, vos mórtuos quidem esse peccáto, vivéntes autem Deo: in Christo Jesu Dómino nostro.

*Graduale. Psal. 89.* Convértere Dómine aliquántulùm, & deprecáre super servos tuos.

✠. Dómine refúgium factus es nobis, à generatióne & progénie. Allelúia, allelúia.

✠. *Psal. 30.* In te Dómine sperávi, non confúndar in ætérnum: in justítia tua líbera me, & éripe me: inclína ad me aurem tuam, accélera, ut erípias me. Allelúia.

Sequéntia sancti Evangélii secundùm Marcum.

*Marc. 8.*

**I**N illo témpore: Cùm turba multa esset cum Jesu, nec habérent quod manducárent: convocátis discípulis, ait illis: Miséreor super turbam: quia ecce jam tríduo sústinent me, nec habent

quod mandúcent: & si dimísero eos jejúnos in domum suam, deficient in via: quidam enim ex eis de longè venérunt. Et responderunt ei discípli sui: Unde illos quis póterit híc saturáre pánibus in solitúdine? Et interrogávit eos: Quot panes habétis? Qui dixerunt: Septem. Et præcépit turbæ discúmbere super terram. Et accípiens septem panes, grátias agens, fregit, & dabat discípulis suis, ut appónerent, & apposuerunt turbæ. Et habébant piscículos paucos: & ipsos benedíxit, & jussit appóni. Et manducavérunt, & saturáti sunt, & sustulérunt, quod superáverat de fragméntis, septem sportas. Erant autem qui manducáverant, quasi quátuor millia: & dimísit eos. Credo.

*Offert. Psal. 16:* Pérfice gressus meos in fémitis tuis, ut non moveántur vestígia mea: inclína aurem tuam, & exáudi verba mea: mirífica miséricórdias tuas, qui salvos facis sperántes in te Dómine.

*Secreta.*

**P**ropitiáre, Dómine, supplicatióibus nostris, & has pópuli tui oblatiões benígnus assúme: & ut nullus sit írritum votum, nullus vácuá postulátio, præsta, ut quod fidéliter pétimus, effícaciter consequámur. Per Dóminum.

*Alia Secr. Exáudi nos. f. 268.*

*Tertia ad libitum.*

*Communio. Ps. 26.* Circúibo & immolábo in tabernáculo ejus hóstiam jubilatióis: cantábo, & psalmum dicam Dómino.

*Postcommunio.*

**R**epléti sumus, Dómine, munéribus tuis: tribue quæ-



quæsumus, ut eórum & mundémur efféctu, & muniámur auxílio. Per Dóminum.

*Alia Postcomm.* Mundet & múníat. fol. 268.

*Tertia ad libitum.*

## DOMINICA VII. POST PENTECOSTEN.

*Introitus. Psal. 46.*

**O**Mnes Gentes pláudite mánibus: jubiláte Deo in voce exultatiónis.

*Psal. ibid.* Quóniam Dóminus excélsus, terríbilis: Rex magnus super omnem terram.

*v.* Glória Patri.

*Oratio.*

**D**Eus, cujus providéntia in sui dispositiône non fállitur: te súpplíces exorámus, ut nóxia cuncta submóveas, & ómnia nobis profutúra concédas. Per Dóminum.

*Secunda Oratio.* A cunctis nos. *ut supra.* fol. 267.

*Tertia ad libitum.*

Léctio Epístolæ beáti Pauli Apóstoli ad Romános.

*Rom. 6.*

**F**Ratres, Humánum dico, propter infirmitátem carnis vestræ: sicut enim exhibuístis membra vestra servíre im-mundítie & iniquitati ad iniquitátem: ita nunc exhibéte membra vestra servíre justítie in sanctificatióne. Cum enim servi essétis peccáti, líberi fuístis justítie. Quem ergo fructum habuístis tunc in illis, in quibus nunc erubéscitis? Nam finis illórum mors est. Nunc verò liberáti à peccáto, servi autem facti Deo, habétis fructum vestrum in sanctificatióne, finem verò vitam ætérnam. Stipéndia enim pec-

cáti, mors. Grátia autem Dei, vita ætérna: in Christo Jesu Dómino nostro.

*Graduale. Psal. 33.* Veníte filii, audíte me: timórem Dómini docébo vos.

*v.* Accédite ad eum, & illuminámini: & fácies vestræ non confundéntur.

Allelúia, allelúia.

*v. Ps. 46.* Omnes Gentes pláudite mánibus, jubiláte Deo in voce exultatiónis. Allelúia.

Sequéntia sancti Evangélíi secúndum Máthæum.

*Matth. 7. c.*

**I**N illo témpore: Dixit Jesus discípulis suis: Atténdite à falsis prophétis, qui véniunt ad vos in vestiméntis óvium, intrínsecus autem sunt lupi rapáces. A fructibus eórum cognoscétis eos. Numquid cólligunt de spinis uvas, aut de tríbulis ficus? Sic omnis arbor bona fructus bonos facit: mala autem arbor malos fructus facit. Non potest arbor bona malos fructus fácere: neque arbor mala bonos fructus fácere. Omnis arbor, quæ non facit fructum bonum, excidétur, & in ignem mittétur. Igitur ex fructibus eórum cognoscétis eos. Non omnis, qui dicit mihi, Dómine, Dómine, intrábit in regnum cœlórum: sed qui facit voluntátem Patris mei, qui in cœlis est, ipse intrábit in regnum cœlórum. Credo.

*Offertarium. Dan. 3.* Sicut in holocáustis aríetum & taurórum, & sicut in míllibus agnórum pínguium: sic fiat sacrificium nostrum in conspéctu tuo hódie, ut pláceat tibi: quia non



non est confusio confidentibus in te, Dómine.

*Secreta.*

**D**Eus, qui legalium differentiam hostiarum, unus sacrificii perfectione sanxisti: accipe sacrificium à devotis tibi famulis, & pari benedictione, sicut munera Abel, sanctifica: ut quod singuli obtulerunt ad maiestatis tuæ honorem, cunctis proficiat ad salutem. Per Dóminum.

*Alia Secr.* Exaudi nos. fol. 268.

*Tertia ad libitum.*

*Communio. Psal. 30.* Inclina aurem tuam, accéléra ut eripias me.

*Postcommunio.*

**T**ua nos, Dómine, medicinalis operatio, & à nostris perversitatibus clementer expédia, & ad ea, quæ sunt recta, perducatur. Per Dóminum.

*Alia Postc.* Mundet & muniat. fol. 268. *Tertia ad libit.*

## DOMINICA VIII. POST PENTECOSTEN.

*Introitus.*

*Psal. 47.*

**S**uscépius Deus misericordiam tuam in medio templi tui: secundum nomen tuum Deus, ita & laus tua in fines terræ: iustitia plena est dextera tua.

*Psal. ibid.* Magnus Dóminus, & laudabilis nimis: in civitate Dei nostri, in monte sancto eius.

*Glória Patri. Oratio.*

**L**argire nobis, quæsumus Dómine, semper spiritum cogitandi quæ recta sunt, propitius & agendi: ut qui sine te esse non possumus, secundum te vivere valeamus. Per Dóminum.

*Secunda Oratio.* A cunctis nos. fol. 267. *Tertia ad libit.*

Lectio Epistolæ beati Pauli Apóstoli ad Romanos.

*Rom. 8.*

**F**Ratres, Debitores sumus non carni, ut secundum carnem vivamus. Si enim secundum carnem vixeritis, moriemini: si autem spiritu facta carnis mortificaveritis, vivetis. Quicumque enim spiritum Dei aguntur, ii sunt filii Dei. Non enim accepistis spiritum servitutis iterum in timore, sed accepistis spiritum adoptionis filiorum, in quo clamamus, Abba (Pater.) Ipse enim Spiritus testimonium reddit spiritui nostro, quod sumus filii Dei. Si autem filii, & hæredes: hæredes quidem Dei, cohæredes autem Christi.

*Graduale. Ps. 30.* Esto mihi in Deum protectorem, & in locum refugii, ut salvum me facias. *V.* Deus in te speravi: Dómine, non confundar in æternum. Allelúia, allel. *V.* *Psal. 47.* Magnus Dóminus, & laudabilis valde, in civitate Dei nostri, in monte sancto eius. Allelúia.

Sequentia sancti Evangelii secundum Lucam. *Luc. 16.*

**I**N illo tempore: Dixit Jesus discipulis suis parabolam hanc: Homo quidam erat dives, qui habebat villicum: & hic diffamatus est apud illum, quasi dissipasset bona ipsius. Et vocavit illum, & ait illi: Quid hoc audio de te? redde rationem villicationis tuæ: jam enim non poteris villicare. Ait autem villicus intra se: Quid faciam, quia dóminus meus aufert à me villicationem.



cationem? fodere non valeo, mendicare erubesco. Scio quid faciam, ut, cum amorus fuero à villicatione, recipiant me in domos suas. Convocatis itaque singulis debitoribus domini sui, dicebat primo: Quantum debes domino meo? At ille dixit: Centum cados olei. Dixitque illi: Accipe cautionem tuam: & sede cito, scribe quinquaginta. Deinde alii dixit: Tu verò quantum debes? Qui ait: Centum coros tritici, Ait illi: Accipe litteras tuas, & scribe octoginta. Et laudavit dominus villicum iniquitatis, quia prudenter fecisset: quia filii hujus sæculi prudentiores filiis lucis in generatione sua sunt. Et ego vobis dico: Facite vobis amicos de mammona iniquitatis: ut, cum defeceritis, recipiant vos in æterna tabernacula. Credo.

*Offertorium. Ps. 17.* Pópulum húmitem saluum facies Domine, & oculos superbórum humiliabis: quóniam quis Deus præter te Domine?

*Secreta.*

**S**uscipe, quæsumus Domine, múnera, quæ tibi de tua largitate deferimus: ut hæc sacrosancta mystéria, gratiæ tuæ operante virtute & præsentis vitæ nos conversatione sanctificent, & ad gaudia sempiterna perdúcant. Per Dóminum.

*Alia Secreta. Exaudi nos. 268.*

*Tertia ad libitum.*

*Communio. Ps. 33.* Gustáte & vidéte, quóniam suavis est Dóminus: beátus vir, qui sperat in eo. *Postcommunio.*

**S**it nobis, Domine, reparatio mentis & corporis cœ-

lestæ mystérium: ut cujus exequimur cultum, sentiámus effectum. Per Dóminum.

*Alia Postcomm. Mundet & múniat. fol. 268. Tertia ad libit.*

## DOMINICA IX. POST PENTECOSTEN.

*Introitus. Psalm. 53.*

**E**Cce Deus adjuvat me, & Dóminus suscéptor est animæ meæ: avérte mala inimicis meis, & in veritate tua dispérde illos, protéctor meus Domine.

*Psal. ibid.* Deus in nómine tuo saluum me fac: & in virtute tua líbera me. *v. Glória.*

*Oratio.*

**P**Ateant aures misericordiæ tuæ, Domine, precibus supplicantium: & ut petentibus desiderata concédas, fac eos, quæ tibi sunt plácita, postuláre. Per Dóminum.

*Secunda Oratio. A cunctis nos. 267. Tertia ad libitum.*

Léctio Epístolæ beáti Pauli Apóstoli ad Corínthios.

*1. Cor. 10. b.*

**F**Ratres, Non simus concupiscéntes malórum, sicut & illi concupiérunt. Neque idolólatræ efficiámini, sicut quidam ex ipsis: quemádmódum scriptum est: Sedit pópulus manducáre, & bíbere, & surrexérunt ludere. Neque fornicémur, sicut quidam ex ipsis fornicáti sunt, & cecidérunt una die vigintitría míllia. Neque tentémus Christum, sicut quidam eórum tentavérunt, & à serpéntibus periérunt. Neque murmuravéritis, sicut quidam eórum murmuravérunt, & periérunt ab exterminatóre. Hæc autem ómnia in figura con-



contingebant illis: scripta sunt autem ad correptionem nostram, in quos fines sæculorum devenērunt. Itaque qui se existimat stare, videat ne cadat. Tentatio vos non apprehendat, nisi humana: fidelis autem Deus est, qui non patietur vos tentari supra id, quod potestis, sed faciet etiam cum tentatione provētum, ut possitis sustinere.

*Graduale. Psal. 8.* Dómine Dóminus noster, quàm admirabile est nomen tuum in univérſa terra! *v.* Quóniam elevata est magnificéntia tua super cœlos.

Allelúia, allelúia.

*v. Ps. 58.* Erípe me de inimícis meis Deus meus: & ab insurgéntibus in me líbera me. Allelúia.

Sequéntia sancti Evángelii secundum Lucam.

*Luce 19. f.*

**I**N illo témpore: Cùm appropinquáret Jesus Jerúsalem, videns civitátem, flevit super illam, dicens: Quia si cognovíſſes & tu, & quidem in hac die tua, quæ ad pacem tibi: nunc autem abscondita sunt ab óculis tuis. Quia veniént dies in te: & circúmdabunt te inimíci tui vallo, & circúmdabunt te: & coangustábunt te úndique: & ad terram prostérnent te, & filios tuos, qui in te sunt, & non relínquent in te lápidem super lápidem: eò quòd non cognóveris tempus visitationis tuæ. Et ingressus in templum, cœpit ejícere vendéntes in illo, & eméntes, dicens illis: Scriptum est: Quia domus mea, domus orationis est: Vos au-

tem fecístis illam spelúncam latrónum. Et erat docens quotidie in templo. Credo.

*Offertorium. Ps. 18.* Justítiæ Dómini rectæ, lætificántes corda, & judícia ejus dulcióra super mel & favum: nam & servus tuus custódit ea.

*Secreta.*

**C**oncède nobis, quæsumus Dómine, hæc dignè frequentáre mystéria: quia quoties hujus hóstiæ commemoratio celebrátur, opus nostræ redemptionis exercétur. Per Dóminum.

*Alia Secreta.* Exáudi nos 268.

*Tertia ad libitum.*

*Communio. Jo. 6.* Qui manducat meam carnem, & bibit meum sánguinem, in me manet, & ego in eo, dicit Dóminus.

*Postcommunio.*

**T**ui nobis, quæsumus Dómine, commúnio sacraménti, & purificationem cónferat, & tríbuat unitátem. Per Dóminum.

*Alia postcom.* Mundet & muniat. 268. *Tertia ad libitum.*

## DOMINICA X. POST PENTECOSTEN.

*Introitus. Psal. 54.*

**C**Um clamárem ad Dóminum, exaudivit vocem meam, ab his, qui appropínquant mihi: & humiliávit eos qui est ante sæcula, & manet in ætérnum: jacta cogitatum tuum in Dómino, & ipse te enútriet.

*Psal. ib.* Exáudi Deus orationem meam, & ne despéxeris deprecationem meam: inténde mihi, & exáudi me.

*v. Glória Patri.*

N n



*Oratio.*

**D**Eus, qui omnipoténtiam tuam parcéndo máximè, & miserándo manifestas: multiplica super nos misericórdiam tuam; ut ad tua promíssa currétes, cœléstium bonórum fácias esse confórtes. Per Dóminum nostrum.

*Secunda Oratio.* A cunctis.  
267.

*Tertia ad libitum.*

Lectio Epístolæ beáti Pauli  
Apóstoli ad Corínthios.

1. Cor. 12.

**F**Ratres, Scitis quóniam cum Gentes essétis, ad simulácula muta prout ducebámini eúntes. Ideò notum vobis fácio, quòd nemo in spírítu Dei loquens, dicit anáthema Jesu. Et nemo potest dícere, Dóminus Jesus, nisi in Spírítu sancto. Divisiónes verò gratiárum sunt, idem autem Spírítus. Et divisiónes ministratiónum sunt, idem autem Dóminus. Et divisiónes operatiónum sunt, idem verò Deus, qui operátur ómnia in ómnibus. Unicuique autem datur manifestatio Spírítus, ad utilitátem. Alii quidem per Spírítum datur sermo sapiéntiæ: álii autem sermo sciéntiæ secúndum eúndem Spírítum: áliteri fides in eódem Spírítu: álii grátia sanitátum in uno Spírítu: álii operatio virtútum, álii prophetía, álii discretio spirítuum, álii génera linguárum, álii interpretatio sermónum. Hæc autem ómnia operátur unus atque idem Spírítus, dívicens singulis prout vult.

*Graduale. Psalm. 16.* Custodi me Dómine, ut pupíllam óculi: sub umbra alárum tuárum prótege me.

*Ps.* De vultu tuo iudícium meum pródeat: óculi tui vídeant æquitátem.

Allelúia, allelúia. *Ps.* 64. Te decet hymnus Deus in Sion: & tibi reddétur votum in Jerúsalem. Allelúia.

Sequéntia sancti Evangélíi secúndum Lucam.

*Luc. 18. b.*

**I**N illo témpore: Dixit Jesus ad quosdam, qui in se confidébant tamquam iusti, & aspernabántur céteros, parabolam istam: Duo hómínes ascendérunt in templum, ut orárent: unus Pharisæus, & alter publicánu. Pharisæus stans, hæc apud se orábat: Deus, grátias ago tibi, quia non sum, sicut céteri hómínum: raptóres, injústi, adulteri: velut étiam hic publicánu. Jejúno bis in sabbato: décimas do ómnium, quæ posídeo. Et publicánu à longè stans, nolébat nec óculos ad cœlum leváre: sed percutiébát pectus suum, dicens: Deus propítius esto mihi peccatóri. Dico vobis: descéndit hic justificátus in domum suam ab illo: quia omnis qui se exáltat, humiliábitur: & qui se humiliat, exaltábitur. Credo.

*Offertorium. Psalm. 24.* Ad te Dómine levávi animam meam: Deus meus, in te confido, non erubescam, neque irídeant me inimíci mei: étenim univérsi, qui te expécant, non confundéntur.

*Secreta.*

**T**Ibi, Dómine, sacrificia dicáta reddántur: quæ sic ad honórem nóminis tui deferénda tribuisti, ut eadem

re-



remédia fieri nostra præstares.  
Per Dóminum.

*Alia Secreta.* Exaudi nos.  
268.

*Tertia ad libitum.*

*Communio.* Ps. 50. Acceptabis sacrificium iustitiæ, oblationes & holocausta, super altare tuum Dómine.

*Postcommunio.*

**Q**Uæsumus Dómine Deus noster: ut quos divinis reparare non desinis sacramentis, tuis non destituas benignis auxiliis. Per Dóminum.

*Alia Postcommunio.* Mundet & muniat. 268.

*Tertia ad libitum.*

## DOMINICA XI. POST PENTECOSTEN.

*Introitus.* Psal. 67.

**D**Eus in loco sancto suo: Deus qui inhabitare facit unánimes in domo: ipse dabit virtutem, & fortitudinem plebi suæ.

*Psal. ibid.* Exúrgat Deus, & dissipéntur inimíci ejus: & fugiant, qui odérunt eum, a facie ejus. *v.* Glória Patri.

*Oratio.*

**O**Mnípotens sempitérne Deus, qui abundantia pietátis tuæ, & mérita súplici- cum excédis, & vota: effunde super nos misericórdiam tuam, ut dimittas, quæ consciéntia méruit, & adjicias quod oratio non præsumit. Per Dóminum.

*Secunda Oratio.* A cunctis nos. 267. *Tertio ad libitum.*

Léctio Epístolæ beati Pauli Apostoli ad Corínthios.

*1. Cor. 15.*

**F**Ratres, Notum vobis fácio Evangéliam, quod prædi-

cávi vobis, quod & accepístis, in quo & státis, per quod & salvámini, qua ratione prædicáverim vobis si tenétis, nisi frustrà credidístis. Tráddi enim vobis in primis quod & accépi: quóniam Christus mortuus est pro peccátis nostris secúndum Scriptúras: & quia sepúltus est, & quia resurrexít tértia die secúndum Scriptúras: & quia visus est Cephæ,, & post hoc úndecim. Deínde visus est plus quam quingéntis fratribus simul: ex quibus multi manent usque adhuc, quidam autem dormiérunt. Deínde visus est Jacóbo, deínde Apóstolis ómnibus: novíssimè autem ómnium, tamquam abortívo, visus est & mihi. Ego enim sum mínimus Apostolórum, qui non sum dignus vocári Apóstolus, quóniam persecútus sum Ecclé- fram Dei. Grátia autem Dei sum id, quod sum: & grátia ejus in me vácuá non fuit.

*Graduale.* Ps. 27. In Deo sperávit cor meum, & adjútus sum, & reflóruit caro mea: & ex voluntáte mea confitebor illi.

*v.* Ad te Dómine clamávi: Deus meus ne síleas: ne discé- das à me. Allelúia, allelúia.

*v.* Psal. 80. Exultáte Deo adjutóri nostro, jubiláte Deo Jacob: súmite psalmum jucú- dum cum cíthara. Allelúia.

Sequéntia sancti Evangélii se- cúndum Marcum.

*Marci 7. d.*

**I**N illo témpore: Exiens Iesus de finibus Tyri, ve- nit per Sidónem ad mare Ga- lilææ, inter médios fines De- capóleos: Et addúcut ei sur- dum



dum & mutum, & deprecabantur eum, ut imponat illi manum. Et apprehendens eum de turba seorsum, misit digitos suos in aurículas ejus: & expuens, tetigit linguam ejus, & suspiciens in cœlum, ingemuit, & ait illi Ephpheta, quod est adaperire. Et statim apertæ sunt aures ejus, & solutum est vinculum linguæ ejus: & loquebatur rectè. Et præcepit illis, ne cui dicerent. Quantò autem eis præciperet, tantò magis plus prædicabant: & eò amplius admirabantur, dicentes: Benè omnia fecit: & surdos fecit audire, & mutos loqui. Credo.

*Offertorium. Ps. 29.* Exaltábo te Dómine, quóniam suscepisti me, nec delectásti inimicos meos super me: Dómine, clamávi ad te, & sanásti me.

*Secreta.*

**R** Espice, Dómine quæsumus, nostram propítius servitútem: ut quod offérimus, sit tibi munus accéptum; & sit nostræ fragilitátis subsidium. Per Dóminum.

*Alia Secreta. Exáudi nos. 268,*

*Tertia ad libitum.*

*Communio. Prov. 3.* Honóra Dóminum de tua substántia, & de primítiis frugum tuárum: & implebuntur hórrea tua saturitate, & vino torculária redundábunt.

*Postcommunio.*

**S**entiámus, quæsumus Dómine, tui perceptióne sacraménti, subsidium mentis & corporis: ut in utróque salvati, cœlestis remédii plenitudine gloriémur. Per Dóminum nostrum.

*Alia Postcom. Mundet & muniat. 268. Tertia ad libitum.*

## DOMINICA XII. POST PENTECOSTEN.

*Introitus.*

*Psalm. 69.*

**D**eus in adiutorium meum intende: Dómine ad adjuvandum me festína: confundantur, & revereántur inimici mei, qui quærunt ánimam meam.

*Psalm. ibid.* Avertántur retrórsim, & erubéscant, qui cógitant mihi mala. *v.* Glória.

*Oratio.*

**O**Mnípotens & misericors Deus, de cujus munere venit, ut tibi à fidelibus tuis dignè & laudabíliter serviátur: tríbe quæsumus nobis; ut ad promissíones tuas sine offensione currámus. Per Dóminum.

*Secunda Oratio. A cunctis. 267.*

*Tertia ad libitum.*

Léctio Epístolæ beáti Pauli Apóstoli ad Corínthios.

*1. Cor. 3.*

**F**Ratres, Fidúciám talem habémus per Christum ad Deum: non quòd sufficéntes simus cogitare áliquíd à nobis, quasi ex nobis: sed sufficiéntia nostra ex Deo est: qui & idóneos nos fecit ministros novi testaménti, non lítera, sed Spíritu: lítera enim occídít, Spíritus autem vivíficat. Quòd si ministrátio mortis lítteris deformáta in lapídibus, fuit in glória: ita ut non possent inténdere filii Israél in fáciem Móysi, propter glóriam vultus ejus, quæ evacuátur: quómodo non magis ministrátio Spíritus erit in glória? Nam si ministrátio damnatiónis glória est: multò magis abundat ministrérium justítiæ in glória.

*Gra-*



*Graduale. Ps. 33.* Benedicam  
Dóminum in omni témpore :  
semper laus éjus in ore meo.  
*v.* In Dómino laudábitur áni-  
ma mea : áudiant mansuétí, &  
læténtur. Allelúia, allelúia.

*v. Ps. 87.* Dómine Deus sa-  
lútis meæ, in die clamávi &  
nocte coram te. Allelúia.

Sequéntia sancti Evangélíi se-  
cúndum Lucam.

*Lucæ 10. d.*

**I**N illo témpore: Dixit Je-  
sus discípulis suis: Beáti  
óculi, qui vident, quæ vos vi-  
détis. Dico enim vobis, quòd  
multi Prophétæ & reges vo-  
luérunt vidére quæ vos vidé-  
tis, & non vidérunt: & audí-  
re quæ audítis, & non audi-  
érunt. Et ecce quidam Le-  
gisperítus surréxit, tentans  
illum, & dicens: Magíster,  
quid faciéndó vitam ætérnam  
possidébo? At ille dixit ad  
eum: In lege quid scriptum  
est? quómodo legis? Ille re-  
spóndens, dixit: Díliges Dó-  
minum Deum tuum ex toto  
corde tuo, & ex tota ánima  
tua, & ex ómnibus víribus tu-  
is, & ex omni mente tua: &  
próximum tuum sicut teípsum.  
Dixítque illi: Rectè respon-  
dísti: hoc fac, & vives. Ille  
autem volens justificáre seíp-  
sum, dixit ad Jesum: Et quis  
est meus próxímus? Suscípiens  
autem Jesus, dixit: Homo qui-  
dam descendébat ab Jerúsalem  
in Jéricho, & incidit in latró-  
nes, qui étiam despoliavérunt  
eum: & plagis impófitis, abié-  
runt, semivívo relícto. Acci-  
dit autem, ut facérdos qui-  
dam descénderet eádem via:  
& viso illo, præterívit. Simí-  
liter & Levíta-cúm esset secus

locum, & vidéret eum, per-  
tránsiit: Samaritánus autem  
quidam iter fáciens, venit se-  
cus eum: & videns eum, mi-  
sericórdia motus est. Et ap-  
próprians, alligávit vúlnera  
ejus, infúndens óleum, & vi-  
num: & imponens illum in  
juméntum suum, duxit in  
stábulum, & curam ejus egit.  
Et áltera die prótulit duos  
denários, & dedit stabulário,  
& ait: Curam illíus habe: &  
quodcúmque supereogáveris,  
ego cùm redíero reddam tibi.  
Quis horum trium vidétur  
tibi próxímus fuísse illi, qui  
incidit in latrónes? At ille  
dixit: Qui fecit misericórdiam  
in illum. Et ait illi Jesus:  
Vade, & tu fac simíliter. Cre-  
do.

*Offertor. Exod. 32.* Precátus  
est Móyses in conspéctu Dó-  
mini Dei sui, & dixit: Quare  
Dómine irásceris in pópulo  
tuo? Parce iræ ánimæ tuæ:  
meménto Abraham, Isaac, &  
Jacob, quibus jurásti dare ter-  
ram fluéntem lac & mel: &  
placátus factus est Dóminus  
de malignitáte, quam dixit  
fácere pópulo suo.

*Secreta.*

**H**ostias, quæsumus Dó-  
mine propítius inténde,  
quas sacris altáribus exhibé-  
mus: ut nobis indulgéntiam  
largiéndó, tuo nómini dent  
honórem. Per Dóminum.

*Alia Secr. Exáudi nos. 268.*

*Tertia ad libitum.*

*Communio. Psal. 103.* De  
fructu óperum tuórum, Dómi-  
ne, satiábitur terra, ut educas  
panem de terra, & vinum læ-  
tíficet cor hominis: ut exhi-  
laret faciém in óleo, & panis  
cor hóminis confirmet.

*Post-*



*Postcommunio.*

**V**ivificet nos, quæsumus  
Dómine, hujus partici-  
pátio sancta mystérii: & pári-  
ter nobis expiatióem tríbuat,  
& munímen. Per Dóminum.

*Alia Postcom. Mundet & mún-  
niat. fol. 268. Tertia ad libit.*

# DŌMINICA XIII. POST PENTECOSTEN.

*Introitus.**Psal. 73.*

**R**espice Dómine in testa-  
méntum tuum, & áni-  
mas páuperum tuórum ne de-  
relínquas in finem: exúrge  
Dómine, & júdica causam  
tuam, & ne obliviscáris voces  
quæréntium te.

*Psal. ibid.* Ut quid Deus re-  
pulísti in finem? irátus est fu-  
ror tuus super oves páscuæ tuæ.

℣. Glória Patri.

*Oratio.*

**O**Mnipotens sempitérne  
Deus, da nobis fidei, spei,  
& charitátis augméntum: &  
ut mereámur ássequi quod  
promíttis, fac nos amáre quod  
præcipis. Per Dóminum.

*Secunda Oratio. A cunctis.*  
267.

*Tertia ad libitum.*

Léctio Epístolæ beáti Pauli  
Apóstoli ad Gálatas.

*Gal. 3. e.*

**F**ratres, Abrahæ dictæ sunt  
promissíones, & sémini  
ejus. Non dicit: Et semínibus,  
quasi in multis: sed quasi in  
uno: Et sémini tuo, qui est  
Christus. Hoc autem dico,  
testaméntum confirmátum à  
Deo: quæ post quadringéntos  
& trigínta annos facta est lex,  
non irritum facit ad evacuán-  
dam promissíonem. Nam si ex  
lege hæreditas, jam non ex

promissíone. Abrahæ autem  
per repromissíonem donávit  
Deus. Quid igitur lex: Prop-  
ter transgressíones póstita est,  
donec veníret semen, cui pro-  
miserat, ordináta per Ange-  
los in manu mediatóris. Me-  
diátor autem unus est:  
Deus autem unus est. Lex  
ergo advérsus promíssa Dei?  
Absit. Si enim data esset lex,  
quæ posset vivificáre, verè ex  
lege esset justítia. Sed con-  
clúsit Scriptúra ómnia sub  
peccáto, ut promissio ex fide  
Jesu Christi darétur credén-  
tibus.

*Graduale. Psal. 73.* Respice  
Dómine, in testaméntum tu-  
um, & ánimas páuperum tuó-  
rum ne obliviscáris in finem.  
℣. Exurge Dómine, & júdica  
causam tuam: memor esto op-  
próbrii servórum tuórum.

Allelúia, allelúia.

℣. *Psal. 89.* Dómine refú-  
gium factus es nobis à genera-  
tíone & progénie. Allelúia.

Sequéntia sancti Evangélii se-  
cúndum Lucam.

*Luc. 17. c.*

**I**N illo témpore: Dum iret  
Jesus in Jerúsalem, tran-  
sibat per médiám Samari-  
am, & Galilæam. Et cum  
ingrederétur quoddam castél-  
lum, occurrérunt ei decem viri  
leprósi, qui steterunt à longè,  
& levavérunt vocem, dicen-  
tes: Jesu præcéptor, miserére  
nostri. Quos ut vidit, dixit:  
Ite, osténdite vos sacerdotí-  
bus. Et factum est, dum irent,  
mundáti sunt. Unus autem ex  
illis, ut vidit quia mundátus  
est, regréssus est, cum magna  
voce magníficans Deum, &  
cécidit in fáciem ante pedes  
ejus,



ejus, grátias agens: & hic erat Samaritanus. Respóndens autem Jesus, dixit: Nónne decem mundáti sunt? & novem ubi sunt? Non est invéntus qui redíret, & daret glóriam Deo, nisi hic alienígena. Et ait illi: Surge, vade: quia fides tua te salvum fecit. Credo.

*Offertorium. Psal. 30.* In te sperávi, Dómine: dixi, Tu es Deus meus, in mánibus tuis témpora mea. *Secreta.*

**P**ropitiáre Dómine pópulo tuo, propitiáre muneribus: ut hac oblatióne placátus, & indulgéntiam nobis tríbuas, & postuláta concédas. Per Dóminum.

*Alia Secreta.* Exáudi nos. 268.

*Tertia ad libitum.*

*Commun. Sap. 16.* Panem de coelo dedísti nobis, Dómine, habéntem omne delectaméntum, & omnem sapórem suavitátis. *Postcommunio.*

**S**umptis, Dómine, cœlestibus sacraméntis, ad redemptionis æternæ, quæsumus, proficiámus augméntum. Per Dóminum.

*Alia Postcommunio.* Mundet & múniat. 268.

*Tertia ad libitum.*

## DOMINICA XIV. POST PENTEC.

*Introitus. Psal. 83.*

**P**rotéctor noster aspice Deus, & respice in faciém Christi tui: quia mélior est dies una in átriis tuis super millia.

*Psal. ibid.* Quàm dilécta tabernácula tua Dómine virtutum! concupíscit, & déficit ánima mea in átria Dómini.

*v. Glória Patri. Oratio.*

**C**ustódi, Dómine quæsumus, Ecclesiám tuam propitiatióne perpétua: & quia sine te lábitur humana mortalitas, tuis semper auxiliis, & abstrahátur à nóxiis, & ad salutária dirigátur. Per Dóminum.

*Secunda Oratio. A cunctis. 267. Tertia ad libitum.*

Léctio Epístolæ beáti Pauli Apóstoli ad Gálatas. *Gal. 5. c.*

**F**ratres, Spíritu ambuláte, & desidéria carnis non perficiétis. Caro enim concupíscit advérsus spíritum: spíritus autem advérsus carnem: hæc enim sibi invicem adversántur, ut non quæcúmque vultis, illa faciátis. Quòd si spíritu ducímmini, non estis sub lege. Manifesta sunt autem ópera carnis: quæ sunt fornicatio, immundítia, impudicítia, luxúria, idolórum sérvitus, veneficia, inimicítia, contentiões, æmulatiões: iræ, rixæ, dissensiões, sectæ, invídiæ, homicídia: ebrietátes, comessatiões, & his simília: quæ prædico vobis, sicut prædixi: quóniam qui tália agunt, regnum Dei non consequéntur. Fructus autem Spíritus est: cháritas, gáudium, pax, paciéntia, benígnitas, bônitas, longanimitas, mansuetúdo, fides, modéstia, continentia, castitas. Advérsus hujusmodi non est lex. Qui autem sunt Christi, carnem suam crucifixerunt cum vitiis & concupiscétiis.

*Graduale. Ps. 117.* Bonum est confidere in Dómino, quam confidere in homine. *v.* Bonum est speráre in Dóno, quam speráre in princípibus.

Alle-



Allelúia, allelúia.

*Ps. 94.* Veníte exultémus Dómino: jubilémus Deo salutári nostro. Allelúia.

Sequéntia sancti Evangélíi secundùm Matthæum.

*Matth. 6. c.*

**I**N illo témpore: Dixit Jesus discípulis suis: Nemo potest duóbus dóminis servíre: aut enim unum ódio habébit, & álterum díliget, aut unum sustinébit, & álterum contémnet. Non potéstis Deo servíre, & mammónæ. Ideò dico vobis, ne solíciti sitis ánimæ vestræ quid manducétis, neque córpori vestro quid induámini. Nónne ánima plus est quàm esca: & corpus plus quàm vestiméntum: Respícite volatília cœli, quóniam non ferunt, neque metunt, neque cóngregant in hórrea: & Pater vester cœléstis pascit illa. Nónne vos magis pluris estis illis? Quis autem vestrùm cógitans, potest adjícere ad statúram suam cúbitum unum: Et de vestiménto quid solíciti estis? Consideráte lília agri quómmodo crescunt: non labórant, neque nent. Dico autem vobis: quóniam nec Sálomón in omni glória sua coopértus est sicut unum ex istis. Si autem fœnum agri, quod hódie est, & cras in clibanum míttitur, Deus sic vestit: quantò magis vos módicæ fidei? Nolíte ergo solíciti esse, dicéntes: Quid manducábitus, aut quid bibémus, aut quo oporiémur? hæc enim ómnia Gentes inquírun. Scit enim Pater vester, quia his ómibus indigétis. Quærite ergo primùm regnum Dei &

justítiam ejus, & hæc ómnia adjiciéntur vobis. Credo.

*Offertorium. Psal. 33.* Immittet Angelus Dómini in circúitu timéntium eum, & erípiet eos: gustáte, & vidéte, quóniam suávis est Dóminus.

*Secreta.*

**C**oncède nobis, Dómine quæsumus: ut hæc hóstia salutáris & nostrórum fiat purgátio delictórum, & tuæ propitiátio potestátis. Per Dóminum nostrum.

*Alia Secreta.* Exáudi nos. 268. *Tertia ad libitum.*

*Communio. Matt. 6.* Primùm quærite regnum Dei, & ómnia adjiciéntur vobis, dicit Dóminus.

*Postcommunio.*

**P**uríficent semper & múniant tua sacraménta nos Deus: & ad perpétuæ ducant salvatiónis efféctum. Per Dóminum nostrum.

*Alia Postcom.* Mundet & múniat. 268. *Tertia ad libit.*

## DOMINICA XV. POST PENTEC.

*Introitus. Ps. 85.*

**I**Nclína Dómine aurem tuam ad me, & exáudi me: saluum fac servum tuum, Deus meus sperántem in te: misere rére mihi Dómine, quóniam ad te clamávi tota die.

*Psal. ibid.* Lætífica ánimam servi tui: quia ad te Dómine ánimam meam levávi.

*Ps. Glória Patri.*

*Oratio.*

**E**cclésiám tuam, Dómine, miserátio continuáta mundet & múniat: & quia sine te non potest salva consítere,



tere, tuo semper múnere gubernétur. Per Dóminum.

*Secunda Oratio.* A cunctis. 267.

*Tertia ad libitum.*

Léctio Epístolæ beáti Pauli Apóstoli ad Gálatas. *Gal. 5. d.*

**F**Ratres, Si spírítu vívamus, spírítu & ambulémus. Non efficiámur inánis glóriæ cúpidi, ínvicem provocántes, ínvicem invidéntes. Fratres, & si præoccupátus fúerit homo in áliquo delícto, vos, qui spírítuáles estis, hujúsmodi instrúite in spírítu lenitátis, consíderans teípsum, ne & tu tentéris. Alter altérius ónera portáte, & sic adimplébitis legem Christi. Nam si quis exístimat se áliquid esse, cùm nihil sit, ipse se sedúcit. Opus autem suum probet unusquísque, & sic in semetípso tantum glóriam habébit, & non in áltero. Unusquísque enim onus suum portábit. Communícet autem is, qui catechízatur verbo, ei qui se catechízat, in ómnibus bonis. Nolíte erráre: Deus non irridétur. Quæ enim semináverit homo, hæc & metet. Quóniam qui sēminat in carne sua, de carne & metet corruptionem: qui autem sēminat in spírítu, de spírítu metet vitam ætérnam. Bonum autem faciéntes, non deficiámus: témpore enim suo metémus, non deficientes. Ergo dum tempus habémus, operémur bonum ad omnes, máximè autem ad domésticos fidei.

*Graduale. Ps. 91.* Bonum est confitéri Dómino: & psállere nómini tuo, Altíssime.

*V.* Ad annuntiándum manè misericórdiam tuam, & veritatem tuam, per noctem.

Allelúia, allelúia.

*V. Ps. 97.* Quóniam Deus magnus Dóminus, & rex magnus super omnem terram. Allelúia.

Sequéntia sancti Evangélii secúndum Lucam.

*Luc. 7. b.*

**I**N illo témpore: Ibat Jesus in civitatem, quæ vocátur Naim: & ibant cum eo discípuli ejus & turba copiósa. Cùm autem appropinquáret portæ civitátis, ecce defúctus efferebátur filius únicus matris suæ: & hæc vídua erat: & turba civitátis multa cum illa. Quam cùm vidíffet Dóminus, misericórdia motus super eam, dixit illi: Noli flere. Et accéssit, & tétigit lóculum. (Hi autem, qui portabant, steterunt.) Et ait: Adoléscens, tibi dico, surge. Et resédit qui erat mórtuus, & cœpit loqui. Et dedit illum matri suæ: Accépit, autem omnes timor, & magnificábant Deum, dicéntes: Quia Prophéta magnus furrexit in nobis: & quia Deus visitávit plebem suam. Credo.

*Offertorium. Ps. 39.* Expéctans expéctávi Dóminum, & respéxit me: & exaudivit deprecationem meam, & immísit in os meum cánticum novum, hymnum Deo nostro.

*Secreta.*

**T**ua nos, Dómine, sacraménta custódiat & contra diabólicos semper tueántur incúrsus. Per Dóminum.

*Alia Secr.* Exáudi nos. f. 268.

*Tertia ad libitum.*

O o

Gem-



*Communio.* Jo. 6. Panis, quem ego dédero, caro mea est pro sæculi vīta.

*Postcommunio.*

**M**entes nostras & cōpora possideat, quæsumus Dómine, doni cœlestis operatio: ut non noster sensus in nobis, sed jūgiter ejus prævéniat effectus. Per Dóminum.

*Alia Postcommunio.* Mundet & múniat. fol. 268.

*Tertia ad libitum.*

## DOMINICA XVI. POST PENTECOSTEN.

*Introitus.*

*Psal. 85.*

**M**iserere mihi Dómine, quóniam ad te clamávi tota die: quia tu Dómine suavis ac mitis es, & copiósus in misericórdia ómnibus invocántibus te.

*Psal. ibid.* Inclína Dómine aurem tuam mihi, & exáudi me: quóniam inops & pauper sum ego. *v.* Glória Patri.

*Oratio.*

**T**ua nos, quæsumus Dómine, grátia semper & prævéniat, & sequátur: ac bonis opéribus jūgiter præstet esse inténtos. Per Dóminum.

*Secunda Oratio.* A cunctis. 267.

*Tertia ad libitum.*

Léctio Epístolæ beati Pauli Apóstoli ad Ephésios.

*Ephes. 3. c.*

**F**Ratres, Obsecro vos, ne deficiátis in tribulatióibus meis pro vobis: quæ est glória vestra. Hujus rei grátia flecto gēnua mea ad Patrem Dómini nostri Jesu Christi, ex quo omnis paternitas in cœlis & in terra nominátur, ut det vobis secúndum divítias gló-

riæ suæ, virtúte corroborári per Spiritum ejus in interiorem hómīnem, Christum habitóre per fidem in córdibus vestris, in charitáte radicáti, & fundáti, ut possís comprehendere cum ómnibus sanctis, quæ sit latitúdo, & longitúdo, & sublimitas, & profúndum: scire étiam supereminéntem sciéntiæ charitátem Christi, ut impleámini in omnem plenitúdinem Dei. Ei autem, qui potens est ómnia fácere superabundánte quàm pétimus aut intellígimus, secúndum virtútem, quæ operátur in nobis: Ipsi glória in Ecclésia, & in Christo Jesu in omnes generatióes sæculi sæculórum. Amen.

*Graduale. Psal. 101.* Timébunt Gentes nomen tuum, Dómine, & omnes reges terræ glóriam tuam. *v.* Quóniam ædificávit Dóminus Sion: & vidébitur in majestáte sua.

Allelúia, allelúia.

*v. Psal. 97.* Cantáte Dómino cánticum novum: quia mirabília fecit Dóminus. Allelúia.

Sequéntia sancti Evangélii secúndum Lucam. *Luc. 14.*

**I**N illo témpore: Cùm intráret Jesus in domum cujúsdam príncipis Pharisæorum sábbato manducáre panem, & ipsi observábant eum. Et ecce homo quidam hydrópicus erat ante illum. Et respóndens Jesus, dixit ad Legisperítos & Pharisæos, dicens: Si licet sábbato curáre? At illi tacuérunt. Ipse verò apprehénsus sanávit eum, ac dimísit. Et respóndens ad illos, dixit: Cujus vestrūm áf-

nus,



nus, aut bos in púteum cadet, & non continuò éxtrahet illum die sábbati? Et non póterant ad hæc respondére illi. Dicébat autem & ad invitátos parábolam, inténdens quómodo primos accúbitus elígerent; dicens ad illos: Cùm invitátus fúeris ad núp-tias, non discúmbas in primo loco, ne fortè honorátior te sit invitátus ab illo, & véniens is, qui te, & illum vocávit, dicat tibi: Da huic locum: & tunc incípias cum rubóre novíssimum locum tenére. Sed cùm vocátus fúeris, vade, recúmbe in novíssimo loco: ut, cùm vénerit qui te invitávit, dicat tibi: Amíce, ascénde supérius. Tunc erit tibi glória coram simul discumbéntibus: quia omnis, qui se exáltat, humiliábitur: & qui se humiliat, exaltábitur. Credo.

*Offertorium. Psal. 39.* Dómine in auxílium meum respice: confundántur & reve-reántur qui quærunt ánimam meam, ut áuferant eam: Dómine in auxílium meum respice. *Secreta.*

**M**unda nos, quæsumus Dómine, sacrificii præsentis efféctu: & pérfice miserátus in nobis, ut ejus mereámur esse partícipes. Per Dóminum.

*Alia Secreta.* Exáudi nos. 268.

*Tertia ad libitum.*

*Communio. Ps. 70.* Dómine, memorábor justítiæ tuæ fólius: Deus docuísti me à juventúte mea: & usque in senéctam & sénium, Deus ne derelínquas me. *Postcom.*

**P**urífica, quæsumus Dómine, mentes nostras beníg-

nus, & rénova cœléstibus sacraméntis: ut consequénter & córporum præsens páriter & futúrum capiámus auxílium. Per Dóminum.

*Alia Postcommunio.* Mundet & múniat. 268.

*Tertia ad libitum.*

## DOMINICA XVII. POST PENT.

*Introitus. Psal. 118.*

**J**ustus es Dómine, & rectum judícium tuum: fac cum servo tuo secúndum misericórdiam tuam.

*Psalm. ibid.* Beáti immaculáti in via, qui ámbulant in lege Dómini.

*v. Glória. Oratio.*

**D**A, quæsumus Dómine, pópulo tuo diabólica vitare contágia: & te solum Deum pura mente sectári. Per Dóminum.

*Secunda Oratio.* A cunctis 267.

*Tertia ad libitum.*

Léctio Epístolæ beáti Pauli Apóstoli ad Ephésios.

*Ephes. 4.*

**F**Ratres, Obsecro vos ego vinctus in Dómino, ut digné ambulétis vocatióne, qua vocáti estis, cum omni humilitáte & mansuetúdine, cum paciéntia, supportántes invicem in charitáte, solíciti ferváre unitátem Spíritus in vínculo pacis. Unum corpus, & unus Spíritus, sicut vocáti estis in una spe vocatiónis vestræ. Unus Dóminus, una fides, unum baptísma. Unus Deus, & Pater ómnium, qui est super omnes, & per ómnia, & in ómnibus nobis, Qui est benedíctus



nedíctus in sæcula sæculórum.  
Amen.

*Graduale. Ps. 32.* Beáta gens, cujus est Dóminus Deus eórum: pópulus, quem elegit Dóminus in hæreditátem sibi. *v.* Verbo Dómini cœli firmáti sunt: & spírítu oris ejus omnis virtus eórum. Allelúia, allelúia.

*v. Ps. 101.* Dómine exáudi oratiónem meam, & clamor meus ad te pervéniat. Allel. Sequéntia sancti Evangélii secúndum Matthæum.

*Matth. 22. d.*

**I**N illo témpore: Accessérunt ad Jesum Pharisæi: & interrogávit eum unus ex eis legis doctór, tentans eum: Magíster, quod est mandátum magnum in lege? Ait illi Jesus: Díliges Dóminum Deum tuum ex toto corde tuo, & in tota anima tua, & in tota mente tua. Hoc est máximum & primum mandátum. Secúndum autem símile est huic: Díliges próximum tuum, sicut teípsum. In his duóbus mandátis univérſa lex pendet, & Prophétæ. Congregátis autem Pharisæis, interrogávit eos Jesus, dicens: Quid vobis vidétur de Christo? cujus filius est? Dicunt ei: David. Ait illis; Quómodo ergo David in spírítu vocat eum Dóminum, dicens: Dixit Dóminus Dómino meo, Sede à dextris meis, donec ponam inimícos tuos scabéllum pedum tuórum? Si ergo David vocat eum Dóminum, quómodo filius ejus est? & nemo póterat ei respondére verbum: neque ausus fuit quisquam ex illa die eum ámplius interrogáre. Credo.

*Offertorium. Dan. 9.* Orávi Deum meum ego Dániel, dicens: Exáudi Dómine preces servi tui, illúmina fáciem tuam super sanctuárium tuum, & propítius, inténde pópulum istum, super quem invocátum est nomen tuum, Deus.

*Secreta.*

**M**Ajestátem tuam, Dómine, suppliciter deprecámur: ut hæc sancta, quæ gérimus, & à præteritis nos delíctis éxuant, & futúris. Per Dóminum.

*Alia Secr. Exáudi nos. f. 268.*

*Tertia ad libitum.*

*Communio. Psal. 75.* Vovéte, & réddite Dómino Deo vestro omnes, qui in circúitu ejus affértis múnera: terríbili & ei, qui aufert spírítum princípum: terríbili apud omnes reges terræ. *Postcommunio.*

**S**ANCTIFICATIONIBUS tuis, omnípotens Deus, & vítia nostra curéntur, & remédia nobis ætérna provéniant. Per Dóminum.

*Alia Postcommunio. Mundet & múniat. 268. Tertia ad lib.*

## FERIA IV. QUATUOR TEMP. SEPTEMBRIS.

*Statio ad S. Mariam majorem.*

*Introitus. Psal. 80.*

**E**XULTÁTE Deo adjutóri nostro, jubiláte Deo Jacob: súmíte psalmum jucúndum cum cíthara: cánite in inítio mensis tuba, quia præcéptum in Israél est, & judícium Deo Jacob.

*Ps. ib.* Testimónium in Joseph pósuit illud, cùm exíret de terra Ægypti: linguam, quam non nóverat, audívit.

*v. Glória Patri.*

*Post*



*Post Kyrie eléison. dicitur*  
Orémus. Flectámus génua.  
R. Leváte.

*Oratio.*

**M**isericórdiæ tuæ remédiis, quæsumus Dómine, fragilitas nostra subsístat: ut quæ sua conditióne attéritur, tua cleméntia reparétur. Per Dóminum.

Léctio Amos Prophétæ.

*Amos 9. d.*

**H**æc dicit Dóminus Deus: Ecce dies véniunt: & comprehéndet arátor messórem, & calcátor uvæ mitténtem semen: & stillábunt montes dulcédinem, & omnes colles culti erunt. Et convértam captivitátem pópuli mei Israël: & ædificábunt civitátes desértas, & inhabitábunt: & plantábunt vineas, & bibent vinum eárum: & fácient hortos, & cómedent fructus eórum. Et plantábo eos super humum suam, & non evéllam eos ultrà de terra sua, quam dedi eis: dicit Dóminus Deus tuus.

*Graduale. Ps. 112.* Quis sicut Dóminus Deus noster, qui in altis hábitat: & humília réspicit in cœlo & in terra?

v. Súscitans à terra ínopem, & de stércore érigens páuperem.

*Hic dicitur Dóminus vobíscum. sine* Flectámus génua.

Orémus.

*Oratio.*

**P**ræsta, quæsumus Dómine, famíliæ tuæ supplicánti: ut dum à cibis corporálibus se ábstinet, à vítiis quoque mente jejúnet. Per Dóminum nostrum.

*Secunda Oratio. A cunctis.*  
267. *Tertia ad libitum.*

Léctio libri Esdræ.

*Neh. vel 2. Esd. 8.*

**I**N diébus illis: Congregátus est omnis pópulus quasi vir unus ad platéam, quæ est ante portam aquárum: & dixerunt Esdræ scribæ, ut afférret Librum legis Móysi, quam præcéperat Dóminus Israël. Attulit ergo Esdras facérdos legem coram multitúdine virorum & mulierum, cunctisque qui póterant intelligére, in die prima mensis séptimi. Et legit in eo apértè in platéa, quæ erat ante portam aquárum, de manè usque ad médiam diem, in conspéctu virórum & mulierum, & sapiéntium: & aures omnis pópuli erant eréctæ ad Librum. Stetit autem Esdras. Scriba super gradum ligneum, quem fécerat ad loquéndum. Et apéruit Librum coram omni pópulo: super univérsum quippe pópulum eminébat: & cum aperuísset eum, stetit omnis pópulus. Et benedíxit Esdras Dómino Deo magno: & respóndit omnis pópulus: Amen, amen: élevans manus suas. Et incurváti sunt, & adoravérunt Deum proni in terram. Porrò Levítæ filéntium faciébant in pópulo ad audiéndam legem: pópulus autem stabat in gradu suo. Et légerunt in Libro legis Dei distíctè & apértè ad intelligéndum: & intellexérunt cum légeretur. Dixit autem Nehemías, & Esdras facérdos, & scriba, & Levítæ interpretántes univérso pópulo: Dñs sanctificátus est Dómino Deo nostro: nolíte lugére, & nolíte flere. Et dixit eis: Ite, comédite pínguia, & bíbite mulsam, & mīt-



míttite partes his, qui non præparavérunt sibi: quia sanctus dies Dómini est, & nolíte contristári: gáudium etenim Dómini est fortitúdo nostra.

*Graduale. Ps. 32.* Beáta gens, cujus est Dóminus Deus eórum: pópulus quem elégit Dóminus in hæreditátem sibi.

℣. Verbo Dómini cœli firmáti sunt: & spírítu oris ejus omnis virtus eórum.

Sequéntia sancti Evangélíi secúndum Marcum.

*Marc. 9. c.*

**I**N illo témpore: Respóndens unus de turba, dixit ad Jesum: Magíster, áttuli filium meum ad te habéntem spírítum mutum: qui ubicúmque eum apprehénderit, allídit illum, & spumat, & stridet déntibus, & aréscit: & dixi discíplis tuis, ut ejícerent illum, & non potuérunt. Qui respóndens eis, dixit: O generátio incrédula, quámdiu apud vos ero? quámdiu vos pátiar? afférte illum ad me. Et attulérunt eum. Et cùm vidíffet eum, statim spírítus conturbávit illum: & elísus in terram, volutabátur spumans. Et interrogávit patrem ejus: Quantum témporis est, ex quo ei hoc áccidit? At ille ait: Ab infántia, & frequénter eum in ignem, & in aquas misit, ut eum pérderet. Sed si quid potes, ádjuva nos, misértus nostri. Jesus autem ait illi: Si potes crédere, ómnia possibília sunt credénti. Et contínuò exclámans pater púeri, cum lácrymis aiébat: Credo, Dómine: ádjuva incredulitátem meam. Et cùm vidéret Jesus concurréntem turbam, com-

minátus est spírítui immúndo, dicens illi: Surde & mute spírítus, ego præcípio tibi, exi ab eo, & ampliùs ne intróeas in eum. Et exclámans, & multum discérpens eum, éxiit ab eo: & factus est sicut mórtuus, ita ut multi dícerent: Quia mórtuus est. Jesus autem tenens manum ejus, elevávit eum, & surrexit. Et cùm introíffet in domum, discípulí ejus secrétò interrogábant eum: Quare nos non potúimus ejícere eum? Et dixit illis: Hoc genus in nullo potest exíre, nisi in oratióne & jejúnio.

*Offertorium. Ps. 118.* Meditabor in mandátis tuis, quæ diléxi valdè: & levábo manus meas ad mandáta tua, quæ diléxi.

*Secreta.*

**H**Æc hóstia, Dómine quæsumus, emúndet nostra delícta: & ad sacrificium celebrándum, subditórum tibi córpora mentésque sanc-tíficet. Per Dóminum.

*Alia Secr. Exáudi nos. f. 268.*

*Tertia ad libitum.*

*Communio. 2. Esd. 8.* Comédite pínгуia, & bíbite mulsun, & míttite partes his, qui non præparavérunt sibi: sanctus enim dies Dómini est, nolíte contristári: gáudium etenim Dómini, est fortitúdo nostra.

*Postcommunio.*

**S**Uméntes, Dómine, dona cœléstia, suppliciter deprecámur, ut quæ fédula servitúte, donánte te, gérimus, dignis sénfibus tuo múnere capiámus. Per Dóminum.

*Altera Postcommunio.* Mundet & múníat. 268.

*Tertia ad libitum.*



FERIA VI. QUATUOR  
TEMP. SEPTEMBRIS.*Statio ad sanctos duodecim Aposto-  
tolis.**Introitus. Psal. 104.***L**ætetur cor quærentium  
Dóminum: quærite Dó-  
minum & confirmamini: quæ-  
rite faciém ejus semper.*Psal. ibid.* Confitemini Dó-  
mino, & invocáte nomen ejus:  
annuntiáte inter gentes ópera  
ejus. *℟.* Glória.*Oratio.***P**ræsta quæsumus omnípo-  
tens Deus: ut observa-  
tiones sacras ánnua devotiône  
recoléntes, & corpore tibi  
placeámus & mente. Per Dó-  
minum.*Secunda Oratio.* A cunctis.  
267.*Tertia ad libitum.*

Lectio Osée Prophætæ.

*Osée 14.***H**æc dicit Dóminus Deus:  
Convertere Israël ad  
Dóminum Deum tuum: quó-  
niam corruísti in iniquitáte  
tua. Tóllite vobiscum verba,  
& convertimini ad Dóminum:  
& dicite ei: Omnem aufer  
iniquitátem, áccipe bonum:  
& reddémus vítulos labiórur.  
nostrórum. Assur non salvábit  
nos, super equum non ascendé-  
mus, nec dicémus ultrà: Dii  
nostri ópera mánuum nostra-  
rum: quia ejus, qui in te est,  
miseréberis pupílli. Sanábo  
contritiónes eórum, díligam  
eos spontáneè: quia avérsus est  
furor meus ab eis. Ero quasi  
ros, Israël germinábit sicut  
lílium, & erumpet radix ejus,  
ut Líbani. Ibunt rami ejus, &  
erit quasi olíva glória ejus, &odor ejus, ut Líbani. Conver-  
téntur sedéntes in umbra ejus:  
vivent trítico, & germinábunt  
quasi vínea: memoriále ejus  
sicut vinum Líbani. Ephraim  
quid mihi ultrà idóla: Ego  
exáudiam, & dírigam eum  
ego, ut abíctem viréntem: ex  
me fructus tuus invéntus est.  
Quis sápiens, & intélliget ista?  
intélligens, & sciet hæc? quia  
rectæ viæ Dómini, & justí  
ambulábunt in eis: prævari-  
catóres verò córruent in eis.*Graduale. Psal. 89.* Convér-  
tere Dómine aliquántulum, &  
deprecáre super servos tuos.*℟.* Dómine refúgium factus  
es nobis, à generatióne &  
progénie.Sequéntia sancti Evangélíi se-  
cúndum Lucam.*Luc. 7. f.***I**n illo témpore: Rogábat  
Jesum quidam de Phari-  
sæis, ut manducáret cum il-  
lo. Et ingræssus domum Pha-  
risæi, discúbuit. Et ecce mú-  
lier, quæ erat in civitáte pec-  
cátrix, ut cognóvit, quòd ac-  
cubuisset in domo Pharisæi,  
áttulit alabástrum unguénti,  
& stans retrò secus pedes  
ejus, lácrymis cœpit rigáre  
pedes ejus, & capíllis capí-  
tis sui tergébat, & oscula-  
bátur pedes ejus, & unguén-  
to ungébat. Videns autem  
Pharisæus, qui vocáverat eum,  
ait intra se, dicens: Hic si esset  
Prophéta, sciret útique, quæ  
& qualis est múlier, quæ tangit  
eum: quia peccátrix est. Et  
respóndens Jesus, dixit ad il-  
lum: Simon, hábeo tibi ali-  
quid dícere. At ille ait: Ma-  
gister dic. Duo debitóres erant  
cuídam fœneratóri: unus de-  
bébat



bébat denários quingéntos, & álius quinquagínta. Non habéntibus illis unde rédderent, donávit utrísque. Quis ergo eum plus díligit? Respóndens Simon, dixit: Æstimo quia is, cui plus donávit. At ille dixit ei: Rectè judicásti. Et convérſus ad mulierem, dixit Simóni: Vides hanc mulierem? Intrávi in domum tuam; aquam pédibus meis non dedísti: hæc autem lácrymis rigávit pedes meos, & capíllis suis terſit. Osculum mihi non dedísti: hæc autem, ex quo intrávit, non ceſſávit osculári pedes meos. Oleo caput meum non unxísti: hæc autem unguénto unxit pedes meos. Propter quod dico tibi: Remittúntur ei peccáta multa, quóniam diléxit multum. Cui autem minus dimíttitur, minùs díligit. Dixit autem ad illam: Remittúntur tibi peccáta. Et cœpérunt qui simul accumbébant, dícere intra se: Quis est hic, qui étiam peccáta dimíttit? Dixit autem ad mulierem: Fides tua te salvam fecit: vade in pace.

*Offertorium. Psal. 102.* Bénedic ánima mea Dómino, & noli oblivíſci omnes retribu-tiões ejus, & renovábitur sicut áquilæ juvéntus tua.

*Secreta.*

**A** Ccépta tibi sint, Dómine quæſumus, nostri dona jejúnii: quæ & expiándo nos tua grátia dignos efficiant, & ad sempitérna promíſſa perducant. Per Dóminum.

*Alia Secreta.* Exáudi nos. 268.

*Tertia ad libitum.*

*Communio. Psal. 118.* Aufer à me oppróbrium & contémp-

tum, quia mandáta tua exquisívi, Dómine: nam & testimónia tua, meditátio mea est. *Postcommunio.*

**Q** Uæſumus, omnípotens Deus: ut de percéptis munéribus grátias exhibéntes, beneficia potióra ſumámus. Per Dóminum.

*Alia Postcommunio.* Mundet & múniat. 268.

*Tertia ad libitum.*

## SABBATO QUATUOR TEMP. SEPTEMB.

*Statio ad Sanctum Petrum.*

*Introitus. Psal. 94.*

**V** ENíte, adorémus Deum, & procidámus ante Dóminum: plorémus ante eum, qui fecit nos: quia ipse est Dóminus Deus noster.

*Pſalm. ibid.* Veníte, exultémus Dómino: jubilémus Deo salutári nostro.

*v.* Glória Patri.

*Post Kyrie eléison. dicitur* Orémus. Flectámus génua.

*R.* Leváte. *Oratio.*

**O** MNípotens sempitérne Deus, qui per continéntiam salutárem, corpóribus medéris & méntibus: majestátem tuam súpplices exorá-mus: ut pia jejunántium deprecatione placátus, & præſéntia nobis ſubsídia tríbuas, & futúra. Per Dóminum.

*Léctio libri Levítici.*

*Levit. 23. d.*

**I** N diébus illis: Locútus est Dóminus ad Móysen, dicens: Décimo die mensis hujus séptimi, dies expiatiónum erit celebérrimus, & vocábitur sanctus: affligetísque ánimas vestras in eo, & offerétis holocáustum Dómino. Omne opus



opus servile non faciétis in tēpore diéi hujus : quia dies propitiatiónis est, ut propitiétur vobis Dóminus Deus vester. Omnis ánima, quæ afflícta non fúerit die hac, peribit de pópulis suis : & quæ óperis quídpian fecerit, delebo eam de pópulo suo. Nihil ergo óperis faciétis in eo : legítimum sempitérnum erit vobis in cunctis generatióibus & habitatióibus vestris. Sábbatum requietiúnis est, & affligétis ánimas vestras die nono mensis. A véspera usque ad vésperam celebrábitis sábbata vestra : dicit Dóminus omnipotens.

*Graduale. Psal. 78.* Propítius esto Dómine peccátis nostris : ne quando dicant Gentes, Ubi est Deus eórum ?

℣. Adjuva nos Deus salutáris noster : & propter honórem nóminis tui, Dómine, libera nos. Orémus. Flectámus génuā. ℞. Leváte. *Oratio.*

**D**A nobis, quæsumus omnipotens Deus : ut jejunádo, tua grátia fatiémur ; & abstinédo, cunctis efficiámur hóstibus fortióres. Per Dóminum.

Léctio libri Levítici.

*Lev. 23. f.*

**I**N diébus illis : Locútus est Dóminus ad Móysen, dicens : A quintodécimo die mensis séptimi, quando congregavéritis omnes fructus terræ vestræ, celebrábitis férias Dómini septem diébus : Die primo, & die octávo erit sábbatum, id est réquies. Sumetisque vobis die primo fructus árboris pulcherrimæ, spatuláque palmárum, & ramos ligni densarum fróndium, &

salices de torrénite, & lætabimini coram Dómino Deo vestro. Celebrabitisque solemnitátem ejus septem diébus per annum. Legítimum sempitérnum erit in generatióibus vestris : Mense séptimo festa celebrábitis, & habitábitis in umbráculis septem diébus. Omnis qui de genere est Israél, manébit in tabernáculis : ut discant pósteri vestri quòd in tabernáculis habitáre fécerim filios Israél, cum edúcerem eos de Terra Ægypti : Ego Dóminus Deus vester.

*Graduale. Psal. 83.* Protéctor noster aspice Deus : & respice super fervos tuos. ℣. Dómine Deus virtútum exáudi preces servórum tuórum. Orémus. Flectámus génuā. ℞. Leváte.

*Oratio.*

**T**Uere, quæsumus Dómine, familiam tuam : ut salutis æternæ remédia, quæ te inspiránte requírimus, te largiénte consequámur. Per Dóminum.

Léctio Michææ Prophétæ.

*Mich. 7. c.*

**D**omine Deus noster, pascere pópulum tuum in virga tua, gregem hæreditátis tuæ, habitantes solos in saltu, juxta dies antiquos. Vidébunt gentes, & confundentur super omni fortitúdine sua. Quis Deus similis tui, qui auferis iniquitátem, & transis peccátum reliquiárum hæreditátis tuæ ? Non immittet ultrá furórem suum, quóniam volens misericórdiam est. Revertétur, & miserébitur nostri : depónet iniquitátes nostras, & projiciet in profúndum maris ómnia peccáta nostra. Dabis veritátem Jacob, misericórdiam



Abraham : quæ jurasti patribus nostris à dièbus antiquis : Dómine Deus noster.

*Graduale. Psal. 89.* Convèrtere Dómine aliquántulum : & deprecáre super servos tuos. *v.* Dómine refúgium factus es nobis à generatióne & progénie. Orémus. Flectámus gènuā. *R.* Leváte. *Oratio.*

**P**ræsta, quæsumus Dómine, sic nos ab épulis abstinére carnálibus : ut à vítiis irruéntibus páriter jejunémus. Per Dóminum.

Léctio Zachariæ Prophætæ.

*Zach. 8. c.*

**I**N dièbus illis : Factum est verbum Dómini ad me, dicens : Hæc dicit Dóminus exercítium : Sicut cogitávi ut afflígerem vos, cùm ad iracúndiam provocáissent patres vestri me, dicit Dóminus, & non sum misértus : sic convérsus cogitávi in dièbus istis, ut benefíciā dómui Juda & Jerúsalem : nolíte timére. Hæc sunt ergo verba, quæ faciétis. Loquimini veritátem unusquisque cum próximo suo : veritátem & judícium pacis judicáte in portis vestris. Et unusquisque malum contra amicum suum ne cogitétis in córdibus vestris : & juraméntum mendax ne diligátis : ómnia enim hæc sunt, quæ odi, dicit Dóminus. Et factum est verbum Dómini exercítium ad me, dicens : Hæc dicit Dóminus exercítium : Jejúnium quarti, & jejúnium quinti, & jejúnium séptimi, & jejúnium décimi erit dómui Juda in gáudium, & lætítiam, & in solemnitátes præcláras : veritátem tantum, & pacem dilígite : dicit Dóminus exercítium.

*Graduale. Ps. 140.* Dirigatur orátio mea, sicut incénsum in conspéctu tuo Dómine.

*v.* Elevátio manuum meárum sacrificium vespertinum.

Orémus. Flectámus gènuā.

*R.* Leváte. *Oratio.*

**U**T nobis, Dómine, tribuis solémne tibi deferre jejúnium : sic nobis, quæsumus, indulgéntiæ præsta subsidium. Per Dóminum.

Léctio Daniélis Prophætæ.

*Dan. 3. c.*

**I**N dièbus illis : Angelus Dómini descéndit cum Azaríā, & sóciis ejus in fornácem : & excússit flammā ignis de fornáce, & fecit médium fornácis quasi ventum roris flantem. Flamma autem effundebatur super fornácem cúbitis quadragintanóvem : & erúpit, & incéndit quos réperit juxta fornácem de Chaldæis minístros regis, qui eam incendebant. Et non tétigit eos omnínò ignis, neque contristávit, nec quidquam moléstię intulit. Tunc hi tres quasi ex uno ore laudábant, & glorificábant, & benedicébant Deum in fornáce.

*Hic non respondetur, Deo grátias. Hymnus. Ibid.*

**B**enedíctus es Dómine Deus patrum nostrórum. Et laudábilis & gloriósus in sæcula.

Et benedíctum nomen glóriæ tuæ, quod est sanctum. Et laudábile & gloriósum in sæcula.

Benedíctus es in templo sancto glóriæ tuæ. Et laudábilis & gloriósus in sæcula.

Benedíctus es super thrónum sanctum regni tui. Et laudábilis & gloriósus in sæcula.

Bene-



Benedíctus es super sceptrum divinitátis tuæ. Et laudábilis & gloriósus in sæcula.

Benedíctus es, qui sedes super Chérubim, íntuens abyssos. Et laudábilis & gloriósus in sæcula.

Benedíctus es, qui ámbulas super pennas ventórum, & super undas maris. Et laudábilis & gloriósus in sæcula.

Benedícant te omnes Angeli, & Sancti tui. Et laudent te, & gloríficent in sæcula.

Benedícant te cœli, terra, mare, & ómnia quæ in eis sunt. Et laudent te & gloríficent in sæcula:

Glória Patri, & Fílio, & Spirítui sancto. Et laudábili & glorióso in sæcula.

Sicut erat in princípio, & nunc, & semper, & in sæcula sæculórum, Amen. Et laudábili & glorióso in sæcula.

Benedíctus es Dómine Deus patrum nostrórum. Et laudábilis & gloriósus in sæcula.

*Hic dicitur v. Dóminus vobíscum, sine Flectámus gēnua.*

*Oratio.*

**D**Eus, qui tribus púeris mitigásti flammās ignium: concéde propítius; ut nos fámulos tuos non exúrat flamma vitiórum. Per Dóminum.

*Secunda Oratio.* A cunctis. 267.

*Tertia ad libitum.*

Lectio Epístolæ beáti Pauli Apóstoli ad Hebræos. *Heb. 9.*

**F**Ratres, Tabernáculum factum est primum, in quo erant candelábra, & mensa, & propositio panum, quæ dicitur Sancta. Post velaméntum autem secúndum, tabernáculum, quod dicitur Sancta

sanctórum, áureum habens thuríbulum: & arcam testaménti circumtéctam ex omni parte auro, in qua urna áurea habens manna, & virga Aaron, quæ frondúerat, & tabulæ testaménti, superque eam erant Chérubim glóriæ obumbrántia propitiatórium: de quibus non est modò dicendum per síngula. His verò ita compósitis: in prióri quidem tabernáculo semper introíbant sacerdótes, sacrificiórum officia consummántes: in secúndo autem semel in anno solus Póntifex, non sine ságuine, quem offert pro sua, & pópuli ignorántia: hoc significánte Spíritu sancto, nondum propalátam esse sanctórum viam, adhuc prióre tabernáculo habente statum, quæ parábola est témporis instantis: juxta quam múnera & hóstiæ offerúntur, quæ non possunt juxta consciéntiam perfectum fácere serviéntem, solúmmodò in cibis, & in pótibus, & váriis baptismátibus, & justítiis carnis usque ad témpus correctiónis impóstitis. Christus autem assístens Póntifex futurórum bonórum, per ámplius & perfectiús tabernáculum non manufactum, id est, non hujus creatiónis: neque per ságuinem hircórum, aut vitulórum, sed per próprium ságuinem introivit semel in Sancta, æténa redemptióne invénta.

*Tractus. Ps. 116.* Laudáte Dóminum omnes Gentes: & collaudáte eum omnes pópuli.

*v.* Quóniam confirmáta est super nos misericórdia ejus: & véritas Dómini manet in ætérnum.



Sequētia sancti Evangelii secundum Lucam.

*Luc. 13.*

**I**N illo tempore: Dicebat Iesus turbis hanc similitudinem: Arborem fici habebat quidam plantatam in vinea sua, & venit quærens fructum in illa, & non invenit. Dixit autem ad cultorem vineæ: Ecce anni tres sunt ex quo venio quærens fructum in ficulnea hac, & non invenio: Succide ergo illam, ut quid etiam terram occupat? At ille respondens, dicit illi: Domine dimitte illam & hoc anno usque dum fodiam circa illam, & mittam stercora: & si quidem fecerit fructum, sin autem, in futurum succides eam. Erat autem docens in synagoga eorum sabbatis. Et ecce mulier, quæ habebat spiritum infirmitatis annis decem & octo: & erat inclinata, nec omnino poterat sursum respicere. Quam cum videt Iesus, vocavit eam ad se, & ait illi: Mulier dimissa es ab infirmitate tua. Et imposuit illi manus, & confestim erecta est, & glorificabat Deum. Respondens autem archisynagogus, indignans quia sabbato curasset Iesus, dicebat turbæ: Sex dies sunt, in quibus oportet operari: in his ergo venite, & curamini, & non in die sabbati. Respondens autem ad illum Dominus dixit: Hypocritæ, unusquisque vestrum sabbato non solvit bovem suum aut asinum a præsepio, & ducit ad aquam: Hanc autem filiam Abraham, quam alligavit Sathanas, ecce decem &

octo annis, non oportuit solvi à vinculo isto die sabbati? Et cum hæc diceret, erubescabant omnes adversarii ejus: & omnis populus gaudēbat in universis, quæ gloriōse fiebant ab eo.

*Offertorium. Ps. 87.* Domine Deus salutis meæ, in die clāvi & nocte coram te: intret oratio mea in conspectu tuo, Domine.

*Secreta.*

**C**oncède, quæsumus omnipotens Deus: ut oculis tuæ majestatis munus oblātum, & grātiā nobis devotionis obtineat, & effectum beatæ perennitatis acquirat, Per Dominum.

*Alia Secreta.* Exaudi nos, 268. *Tertia ad libitum.*

*Commun. Lev. 23.* Mense septimo festa celebrabitis, cum in tabernaculis habitare fecerim filios Israël, cum educerem eos de Terra Ægypti, ego Dominus Deus vester.

*Postcommunio.*

**P**erficiant in nobis, Domine quæsumus, tua sacramenta quod continent: ut quæ nunc specie gerimus, rerum veritate capiamus. Per Dominum.

*Alia Postcom.* Mundet & muniat. 268. *Tertia ad libitum.*

## DOMINICA XVIII. POST PENTECOSTEN.

*Introitus. Eccl. 36. v.*

**D**A pacem Domine fidentibus te, ut Prophetæ tui fideles inveniātur: exaudi preces servi tui, & plebis tuæ Israël.

*Psal. 121.* Letatus sum in his, quæ dicta sunt mihi: in domum Domini ibimus.

v. Gló.



7. Glória Patri. *Oratio.*

**D**irigat corda nostra, quæsumus Dómine, tuæ miserationis operatio: quia tibi sine te placere non possumus. Per Dóminum.

*Secunda Oratio. A cunctis. 267.*

*Tertia ad libitum.*

Lectio Epistolæ beati Pauli Apóstoli ad Corínthios.

1. Cor. 1.

**F**ratres, Grátias ago Deo meo semper pro vobis in grátia Dei, quæ data est vobis in Christo Jesu: quòd in ómnibus dívites facti estis in illo, in omni verbo, & in omni sciéntia: sicut testimónium Christi confirmátum est in vobis: ita ut nihil vobis desit in ulla grátia, expectántibus revelatió-nem Dómini nostri Jesu Christi, qui & confirmábit vos usque in finem sine crímine, in die advéntus Dómini nostri Jesu Christi.

*Graduale. Ps. 121.* Lætátus sum in his, quæ dicta sunt mihi: in domum Dómini ibimus. 7. Fiat pax in virtúte tua, & abundantia in túrribus tuis. Allelúia, allel. 7. *Ps. 101.* Timebunt Gentes nomen tuum Dómine: & omnes reges terræ glóriam tuam. Allelúia.

Sequéntia sancti Evangélíi secúndum Matthæum.

*Matth. 9.*

**I**n illo témpore: Ascéndens Jesus in naviculam, transfretávit, & venit in civitatem suam. Et ecce offerébant ei paralyticum jacéntem in lecto. Et videns Jesus fidem illórum, dixit paralytico: Confide fili, remittúntur tibi peccáta tua. Et ecce quidam de Scribis dixerunt intra se: Hic

blasphémat. Et cùm vidíffet Jesus cogitatiónes eórum, dixit: Ut quid cogitátis mala in córdibus vestris? Quid est facílius dicere: Dimittúntur tibi peccáta tua; an dicere: Surge, & ámbula? Ut autem sciátis, quia Fílius hóminis habet potestátem in terra dimitténdi peccáta, tunc ait paralytico: Surge, tolle lectum tuum, & vade in domum tuam. Et surrexit, & abiit in domum suam. Vidéntes autem turbæ timuérunt, & glorificavérunt Deum, qui dedit potestátem talem hominibus. Credo.

*Offertorium. Exod. 24.* Sanctificávit Móyses altáre Dómino, offerens super illud holocáusta, & immolans victimas: fecit sacrificium vesper-tinum in odórem suavitátis Dómino Deo, in conspéctu filiórum Israél. *Secreta.*

**D**eus, qui nos per hujus sacrificii veneránda com-mércia, uníus summæ divinitátis partícipes efficis: præsta quæsumus; ut sicut tuam cognóscimus veritatem, sic eam dignis móribus assequámur. Per Dóminum.

*Alia Sec. Exaudi nos. 268*

*Tertia ad libitum.*

*Communio. Psal. 95.* Tóllite hóstias, & introíte in átria ejus: adoráte Dóminum in aula sancta ejus.

*Postcommunio.*

**G**ratias tibi reférimus, Dómine, sacro múnere vegetáti, tuam misericórdiam deprecántes: ut dignos nos ejus participatióne perficias. Per Dóminum.

*Alia Postcom. Mundet & múniat. 268. Tertia ad libitum.*

D.O.



DOMINICA XIX. POST  
PENTEC. *Introitus.*

**S** Alus pópuli ego sum, di-  
cit Dóminus: de quacúm-  
que tribulatióne clamáverint  
ad me, exáudiam eos: & ero  
illórum Dóminus in perpé-  
tuum.

*Psal. 77.* Atténdite pópule  
meus legem meam: inclináte  
aurem vestram in verba oris  
mei. *V.* Glória Patri.

*Oratio.*

**O** Mnípotens & miséricors  
Deus, univérfa nobis ad-  
versántia propitiátus, exclu-  
de: ut mente & córpore pári-  
ter expediti, quæ tua sunt, lí-  
beris méntibus exequámur.  
Per Dóminum.

*Secunda Oratio.* A cunctis.  
267.

*Tertia ad libitum.*

Léctio Epístolæ beáti Pauli  
Apóstoli ad Ephésios.

*Ephes. 4. c.*

**F** Ratres, Renovámini spí-  
ritu mentis vestræ, & in-  
dúite novum hóminem, qui  
secúndum Deum creátus est in  
justítia, & sanctitáte veritátis.  
Propter quod deponéntes men-  
dácium, loquimini veritátem  
unusquísque cum próximo  
suo: quóniam sumus invicem  
membra. Irascímini, & no-  
líte peccáre: sol non occidat  
super iracúndiam vestram.  
Nolíte locum dare diabolo:  
qui furabátur, jam non furé-  
tur: magis autem labóret, ope-  
rándo mánibus suis quod bo-  
num est, ut hábeat unde trí-  
buat necessitátem patiénti.

*Graduale. Ps. 140.* Dirigátur  
oratio mea, sicut incénsus in  
conspéctu tuo, Dómine.

*V.* Elevátio mánuum meá-  
rum, sacrificium vespertínus.  
Allelúia, allelúia.

*V. Ps. 104.* Confitémini Dó-  
mino, & invocáte nomen  
ejus: annuntiáte inter Gentes  
ópera ejus. Allelúia.

Sequéntia sancti Evangélii se-  
cúndum Matthæum.

*Matth. 22.*

**I**N illo témpore: Loquebá-  
tur Jhésus princípibus sa-  
cerdótum, & Pharisæis in  
parábolis, dicens: Símile fac-  
tum est regnum cœlórum hó-  
mini regi, qui fecit núptias fi-  
lio suo. Et misit servos suos  
vocáre invitátos ad núptias, &  
nolébant veníre. Iterum misit  
álios servos, dicens: Dícite  
invitátis: Ecce prandium me-  
um parávi, tauri mei, & altília  
occísa sunt, & ómnia paráta:  
veníte ad núptias. Illi autem  
neglexérunt: & abiérunt álius  
in villam suam, álius verò ad  
negotiatióem suam: réliqui  
verò tenuérunt servos ejus, &  
contuméliis afféctos, occidé-  
runt. Rex autem cum audíffet,  
irátus est: & missis exercítibus  
suis, pérdidit homicidas illos,  
& civitátem illórum succén-  
dit. Tunc ait servis suis: Nú-  
ptiæ quidem paratæ sunt, sed  
qui invitáti erant, non fuérunt  
digni. Ite ergo ad éxitus viá-  
rum, & quoscúmque invené-  
ritis, vocáte ad núptias. Et  
egréssi servi ejus in vias, con-  
gregavérunt omnes, quos in-  
venérunt, malos & bonos:  
& implétæ sunt núptiæ dis-  
cumbéntium. Intrávit autem  
rex, ut vidéret discumbéntes,  
& vidit ibi hóminem non ves-  
títum veste nuptiáli. Et ait il-  
li:



li: Amice, quomodo huc intrasti, non habens vestem nuptialem? At ille obmutuit. Tunc dixit rex ministris: Ligatis manibus & pedibus ejus, mittite eum in tenebras exteriores: ibi erit fletus & stridor dentium. Multi enim sunt vocati, pauci vero electi. Credo.

*Offertorium. Psal. 137.* Si ambulávero in médio tribulatiónis, vivificábis me, Dómine: & super iram inimicórum meórum exténder manus tuam: & salvum me faciet dextera tua. *Secreta.*

**H**Æc múnera, quæsumus Dómine, quæ óculis tuæ majestátis offerimus, salutária nobis esse concède. Per Dóminum.

*Alia Secr. Exaudi nos. 268.*

*Tertia ad libitum.*

*Communio. Psalm. 118.* Tu mandásti, mandáta tua custodíri nimis: útinam dirigántur viæ meæ ad custodiéndas justificatiónes tuas.

*Postcommunio.*

**T**ua nos, Dómine, medicinalis operatio, & à nostris perversitatibus clementer expédlat, & tuis semper faciat inhærere mandátis. Per Dóminum.

*Alia Postcom. Mundet & muniat. 268. Tertia ad libitum.*

## DOMINICA XX. POST PENTECOSTEN.

*Introitus.*

*Jan. 3.*

**O**Mnia, quæ fecísti nobis Dómine, in vero iudicio fecísti: quia peccávimus tibi, & mandátis tuis non obedivimus, sed da glóriam nómini tuo, & fac nobiscum

secúndum multitudinem misericórdiæ tuæ.

*Psal. 118.* Beáti immaculáti in via: qui ámbulant in lege Dómini. *Glória Patri.*

*Oratio.*

**L**Argíre, quæsumus Dómine, fidélibus tuis, indulgéntiam placátus & pacem: ut páriter ab ómnibus mundéntur offénsis, & segura tibi mente deserviant. Per Dóminum.

*Secunda Oratio. A cunctis. 267. Tertia ad libitum.*

Léctio Epístolæ beáti Pauli Apóstoli ad Ephésios.

*Ephes. 5. d.*

**F**Ratres, Vidéte quomodo cautè ambulétis: non quasi insipientes, sed ut sapientes: rediméntes tempus, quoniam dies mali sunt. Propterea nolíte fieri imprudentes: sed intelligentes, quæ sit voluntas Dei. Et nolíte inebriári vino, in quo est luxúria: sed implémini Spíritu sancto, loquéntes vobismetípsis in psalmis, & hymnis, & cánticis spirituálibus, cantántes & psalléntes in córdibus vestris Dómino, grátias ágéntes semper pro ómnibus, in nómine Dómini nostri Jesu Christi, Deo, & Patri. Subjécti invicem in timóre Christi.

*Graduale. Ps. 144.* Oculi ómnium in te sperant, Dómine: & tu das illis escam in tempore opportúno. *Glória Patri.*

*Allelúia, allelúia.*

*Psalm. 107.* Paratum cor meum Deus, paratum cor meum: cantábo, & psallam tibi, glória mea. *Allelúia.*

Se-



Sequéntia sancti Evangélíi secundum Joánnem.

*Joan. 4. f.*

**I**N illo témpore : Erat quidam Régulus, cujus filius infirmabátur Caphárnaum. Hic cum audíffet, quia Iesus adveníret à Judæa in Galilæam, ábiit ad eum : & rogábat eum, ut descénderet, & sanáret filium ejus : incipiébat enim mori. Dixit ergo Iesus ad eum : Nisi signa & prodígia vidéritis, non créditis. Dicit ad eum Régulus : Dómine, descénde priúsqvam moriátur filius meus. Dicit ei Iesus : Vade, filius tuus vivit. Crédidit homo fermóni, quem dixit ei Iesus, & ibat. Jam autem eo descendénte, servi occurrérunt ei, & nuntiavérunt dicétes : quia filius ejus víveret. Interrogábat ergo horam ab eis, in qua mélius habúerit. Et dixerunt ei : Quia heri hora séptima reliquit eum febris. Cognóvit ergo pater, quia illa hora erat, in qua dixit ei Iesus : Filius tuus vivit : & crédidit ipse, & domus ejus tota. Credo.

*Offertorium. Ps. 136.* Super flúmina Babylónis illic sédimus & flévimus, dum recordarémur tui Sion.

*Secreta.*

**C**œléstem nobis præbeant hæc mystéria, quæsumus Dómine, medicínam : & vítia nostri cordis expúrgent. Per Dóminum.

*Alia Secr. Exáudi nos. 268.*

*Tertia ad libitum.*

*Communio. Ps. 118.* Meménto verbi tui servo tuo Dómine, in quo mihi spem dedísti :

hæc me consoláta est in humilitáte mea.

*Postcommunio.*

**U**T facris, Dómine, redámur digni munéribus, fac nos, quæsumus, tuis semper obedire mandátis. Per Dóminum.

*Alia Pastcom. Mundet & muniat. 268. Tertia ad libitum.*

## DOMINICA XXI. POST PENTECOSTEN.

*Introitus.*

*Esth. 13.*

**I**N voluntáte tua Dómine, uníversa sunt pósita : & non est qui possit resístere voluntáti tuæ : tu enim fecísti ómnia, cœlum, & terram, & uníversa, quæ cœli ámbitu continéntur : Dóminus uníversórum tu es.

*Psal. 118.* Beáti immaculáti in via : qui ámbulant in lege Dómini. *V. Glória Patri.*

*Oratio.*

**F**amíliam tuam, quæsumus Dómine, contínua pietáte custódi : ut à cunctis adversitátibus, te protegénte, sit líbera : & in bonis áctibus tuo nómini sit devóta. Per Dóminum.

*Secunda Oratio. A cunctis. 267. Tertia ad libitum.*

Léctio Epístolæ beáti Pauli Apóstoli ad Ephésios.

*Eph. 6. b.*

**F**Ratres, Confortámini in Dómino, & in poténtia virtútis ejus. Indúite vos armatúram Dei, ut possitis stare advérsus insídias diaboli. Quóniam non est nobis colluctátio advérsus carnem, & sánguinem : sed advérsus príncipes & potestátes, advérsus mundi rectóres tenebrárum harum, contra spirituália nequítiae, in coeléstibus. Prop-  
térea



ea accipite armaturam Dei, ut possitis resistere in die malo, & in omnibus perfecti stare. State ergo succincti lumbos vestros in veritate, & induiti lorica[m] iustitiæ, & calceati pedes in præparatione Evangelii pacis: in omnibus sumentes scutum fidei, in quo possitis omnia tela nequissimi ignea extinguere: & galeam salutis assumite: & gladium spiritus, quod est verbum Dei.

*Graduale. Psal. 89.* Domine refugium factus es nobis à generatione & progénie.

✠. Priusquam montes fierent, aut formarétur terra & orbis: à sæculo, & usque in sæculum tu es Deus. Allelúia, allelúia.

✠. *Ps. 113.* In exitu Israël de Ægypto, domus Jacob de populo bárbaro. Allelúia.

Sequéntia sancti Evangelii secundum Matthæum.

*Matth. 18. c.*

**I**N illo tẽpore: Dixit Jesus discipulis suis parabolam hanc: Assimilatum est regnum cœlorum homini regi, qui voluit rationem pñere cum servis suis. Et cum cœpisset rationem pñere, oblatus est ei unus, qui debébat ei decem millia talenta. Cum autem non haberet unde redderet, iussit eum dominus ejus venundari, & uxorem ejus, & filios, & omnia, quæ habebat, & reddi. Prócidentem autem servus ille, orabat eum, dicens: Patientiam habe in me, & omnia reddam tibi. Misertus autem dominus servi illius, dimisit eum, & debitum dimisit ei. Egressus autem servus ille, invenit unum de con-

servis suis, qui debébat ei centum denarios: & tenens suffocábat eum, dicens: Redde quod debes. Et prócidentem servus ejus, rogábat eum, dicens: Patientiam habe in me, & omnia reddam tibi. Ille autem noluit: sed abiit, & misit eum in cárcerem, donec redderet debitum. Videntes autem conservi ejus quæ fiebant, contristati sunt valdè: & venerunt, & narraverunt domino suo omnia, quæ facta fuerant. Tunc vocávit illum dominus suus, & ait illi: Serve nequam, omne debitum dimisi tibi, quóniam rogásti me: nonne ergo oportuit & te misereri conservi tui, sicut & ego tui misertus sum? Et irátus dominus ejus, tradidit eum tortoribus, quoadúsque redderet univèrsum debitum. Sic & Pater meus cœlestis faciet vobis, si non remiséritis unusquisque fratri suo de cõrdibus vestris. Credo.

*Offertorium. Job. 1.* Vir erat in terra Hus, nómine Job, simplex, & rectus, ac timens Deum: quem Satan petiit, ut tentáret: & data est ei potestas à Domino in facultates, & in carnem ejus: perdiditque omnem substantiam ipsius, & filios: carnem quoque ejus gravi ulcere vulnerávit.

*Secreta.*

**S**uscipe Domine propitius hostias, quibus & te placari voluísti, & nobis salutem potènti pietate restitue. Per Dominum.

*Alia Secreta. Exaudi nos. 268. Tertia ad libitum.*

*Communio. Psal. 118.* In salutari tuo ánima mea, & in verbum tuum sperávi: quando



do fácies de persequéntibus me  
judícium? iníqui perfecúti  
sunt me, ádjuva me Dómine  
Deus meus. *Postcomm.*

**I**mmortalitátis alimóniam  
consecúti, quæsumus Dó-  
mine: ut quod ore percépi-  
mus, pura mente sectémur.  
Per Dóminum.

*Alia Postcom.* Mundet & mú-  
niat. 268. *Tertia ad libitum.*

## DOMINICA XXII. POST PENTECOSTEN.

*Introitus. Psal. 129.*

**S**I iniquitátes observáveris  
Dómine, Dómine, quis  
sustinébit? quia apud te pro-  
pitiatio est, Deus Israël.

*Psal. ibid.* De profúndis  
clamávi ad te, Dómine: Dó-  
mine exáudi vocem meam.

✠. Glória Patri.

*Oratio.*

**D**eus refúgium nostrum,  
& virtus: adésto piis  
Ecclésiæ tuæ précibus, auc-  
tor ipse pietátis, & præsta;  
ut quod fidéliter pétimus, ef-  
ficáciter consequámur. Per  
Dóminum.

*Secunda Oratio.* A cunctis.  
267.

*Tertia ad libitum.*

Léctio Epístolæ beáti Pauli  
Apóstoli ad Philippénfes.

*Phil. 1.*

**F**Ratres, Confidimus in  
Dómino Jesu, quia qui  
cœpit in vobis opus bonum,  
perficiet usque in diem Christi  
Jesu. Sicut est mihi justum  
hoc sentíre. pro ómnibus vo-  
bis: eò quòd hábeam vos in  
corde, & in vínculis meis, &  
in defensióne & confirmatióne  
Evangélii, sócios gáudii mei  
omnes vos esse. Testis enim

mihi est Deus, quómodo cú-  
píam omnes vos in viscéribus  
Jesu Christi. Et hoc oro, ut  
cháritas vestra magis ac magis  
abúndet in sciéntia, & in omni  
sensu: ut probétis potióra, ut  
sitis sincéri, & sine offénsa in  
diem Christi, repléti fructu  
justítiæ per Jesum Christum  
in glóriam, & laudem Dei.

*Graduale. Psal. 132.* Ecce  
quàm bonum, & quàm jucún-  
dum habitáre fratres in unum.

✠. Sicut unguéntum in cá-  
pite, quod descéndit in bar-  
bam, bárbam Aaron. Allel.  
allel.

✠. *Psal. 113.* Qui timent  
Dóminum, sperent in eo: ad-  
jútor & protéctor eórum est.  
Allelúia.

Sequéntia sancti Evangélii se-  
cúndum Matthæum.

*Matth. 22. b.*

**I**N illo témpore: Abeúntes  
Pharisæi consílium inié-  
runt, ut cáperent Jesum in ser-  
móne. Et mittunt ei discípu-  
los suos cum Herodiánis, di-  
céntes: Magíster, scimus quia  
verax es, & viam Dei in veritá-  
te doces, & non est tibi cura de  
áliquo: non enim réspicis per-  
sónam hóminum: dic ergo no-  
bis, quid tibi vidétur? licet cen-  
sum dare Cæsari, an non? Cóg-  
nita autem Jesus nequítia eó-  
rum, ait: Quid me tentátis hy-  
pócritæ? osténdite mihi nu-  
mísmá census. At illi obtulé-  
runt ei denárium. Et ait illis  
Jesus: Cujus est imágo hæc,  
& superscríptio? Dicunt ei:  
Cæsaris. Tunc ait illis: Réa-  
dite ergo quæ sunt Cæsaris,  
Cæsari; & quæ sunt Dei,  
Deo. Credo.

*Offertórium. Esth. 14.* Recor-  
dare



dare mei Dómine omni potentatui dómínans: & da sermonem rectum in os meum, ut placeant verba mea in conspectu principis.

*Secreta.*

**D**A misericors Deus: ut hæc salutáris oblátio, & à propriis nos reátibus indefinenter expédíat, & ab ómnibus tueátur advérsis. Per Dóminum.

*Alia Secreta.* Exáudi nos. 268.

*Tertia ad libitum.*

*Communio.* *Psal.* 16. Ego clamávi, quóniam exaudísti me Deus: inclína aurem tuam, & exáudi verba mea.

*Postcommunio.*

**S**umpsimus, Dómine, sacri dona mystérii, humíliter deprecántes: ut quæ in tui commemoratióne nos fácere præcepísti, in nostræ proficiant infirmitátis auxílium. Qui vivis & regnas.

*Alia Postcom.* Mundet & múniat. 268. *Tertia ad libitum.*

## DOMINICA XXIII.

*post Pentecosten, quando non fuerit ultima post Pentecosten, quia si erit ultima, tunc loco vigesimæ tertiæ ponetur, quæ inferiùs est xxiv. & Missa xxiii. dicetur in Sabbato præcedenti, non impedito festo Duplici, vel Semiduplici, alioquin alia præcedenti Feria similiter non impedita.*

*Introitus.*

*Ier.* 29.

**D**icit Dóminus: Ego cógito cogitatiónes pacis, & non afflictiónis: invocábitis me, & ego exáudiam vos: & redúcam captivitátem vestram de cunctis locis.

*Psal.* 84. Benedixísti Dómine terram tuam: avertísti captivitátem Jacob.

*v. Glória Patri. Oratio.*

**A**bsólve, quæsumus Dómine, tuorum delícta populórum, ut à peccatórum nexibus, quæ pro nostra fragilitáte contráximus, tua benignitáte liberémur. Per Dóminum.

*Secunda Oratio.* A cunctis. 267.

*Tertia ad libitum.*

Léctio Epístolæ beáti Pauli Apóstoli ad PhilippénSES.

*Philip.* 3. d.

**F**Ratres: Imitatóres mei estóte, & observáte eos, qui ita ámbulant, sicut habétis formam nostram. Multi enim ámbulant, quos sæpè dicébam vobis (nunc autem & flens dico) inimícos crucis Christi: quorum finis intéritus: quorum Deus venter est: & glória in confusióne ipsórum, qui terrena sapiunt. Nostra autem conversatio in cœlis est: unde étiam Salvatórem expectámus Dóminum nostrum Jesum Christum, qui reformábit corpus humilitátis nostræ, configurátum córpori claritátis suæ, secúndum operatióne, qua étiam possit subjícere sibi ómnia. Itaque fratres mei charíssimi & desideratíssimi, gáudium meum, & corónam mea: sic státe in Dómino, charíssimi. Euódiam rogo, & Syntychen déprecor idípsum sapere in Dómino. Etiam rogo & te gerináne compar, adjuva illas, quæ mecum laboravérunt in Evangélio cum Cleménte, & céteris adiutoriis meis, quorum nómina sunt in libro vitæ.



*Graduale. Ps. 43.* Liberásti nos, Dómine, ex affligéntibus nos: & eos, qui nos odérunt, confudísti. *Ps.* In Deo laudabimur tota die, & in nómine tuo confitébimur in sæcula.

*Allel. allel. Ps. 129.* De profúndis clamávi ad te Dómine, Dómine exáudi oratió-nem meam. Allelúia.

Sequéntia sancti Evangélíi secúndum Matthæum.

*Matth. 9. c.*

**I**N illo témpore: Loquente Jesu ad turbas, ecce princeps unus accéssit, & adorábat eum, dicens: Dómine, filia mea modò defúcta est: sed veni, impóne manum tuam super eam, & vivet. Et surgens Jesus sequebátur eum, & discípuli ejus. Et ecce múl-lier, quæ sánguinis fluxum patiebátur duódecim annis, accéssit retrò, & tétigit fimbriam vestiménti ejus. Dicebat enim intra se: Si tetígero tantum vestiméntum ejus, salva ero. At Jesus convér-sus, & videns eam, dixit: Confide filia, fides tua te salvam fecit. Et salva facta est múl-lier ex illa hora. Et cùm veníffet Jesus in domum prín-cipis, & vidíffet tibícines, & turbam tumultuántem, dicébat: Recédite; non est enim mórtua puélla, sed dormit. Et deridébant eum. Et cùm ejécta esset turba, intrávit, & tenuit manum ejus. Et furréxit puélla. Et éxiit fama hæc in univérsam terram il-lam, Credo.

*Offertorium. Psal. 129.* De profúndis clamávi ad te Dómine: Dómine exáudi oratió-

nem meam: de profúndis cla-mávi ad te Dómine.

*Secreta.*

**P**Ro nostræ servitútis aug-ménto sacrificium tibi Dómine laudis offérimus: ut quod imméritis contulísti, propítius exequáris. Per Dóminum.

*Alia Secreta.* Exáudi nos. 268.

*Tertia ad libitum.*

*Communio. Marc. 11.* Amen dico vobis: quidquid orántes pétitis, créдите quia accipié-tis, & fiet vobis.

*Postcommunio.*

**Q**Uæsumus, omnípotens Deus: ut quos divína tribuís participatióne gau-dére, humanis non finas subjacére periculis. Per Dó-minum.

*Alia Postcomm.* Mundet & múniat. 268.

*Tertia ad libitum.*

¶ Si Dominicæ post Pentecos-ten fuerint plures vigintiquatuor, tunc post xxiii. resumantur (quoad Orationes, Epistolas, & Evan-gelia) Missæ Dominicarum, quæ superfuerunt post Epiphaniam (ut infra post Dominicam xxiv.) hoc ordine.

Si Dominicæ fuerint xxv. in Dominica xxiv. dicitur Missa Dominicæ vi. post Epiphaniam.

Si fuerint xxvi. in Dominica xxiv. dicitur Missa Dominicæ v. post Epiphaniam: & in vige-simaquinta, Missa Dominicæ vi.

Si fuerint xxvii. in Dominica xxiv. dicitur Missa Dominicæ iv. post Epiphaniam: in vige-simaquinta, Dominicæ quintæ: & in vigesima sexta, Dominicæ sextæ.

Si fuerint xxviii. in Domini-ca xxiv. dicitur Missa Domini-cæ iii. post Epiph. in vigesima-quin-



quinta, Dominicæ iv. in vigesima sexta, Dominicæ quintæ: & in Dominica vigesima septima, Dominicæ sextæ.

Et ultimo loco semper ponitur Missa Dominicæ xxiv. post Pentecosten.

¶ Introitus autem, Graduale, Offertorium, & Communio in prædictis Dominicis semper dicuntur, ut in Dominica vigesima tertia.

## DOMINICA XXIV. ET ULTIMA POST PENTECOSTEN.

Introitus. Jer. 29.

**D**icit Dóminus, Ego cōgito cogitationes pacis, & non afflictionis: invocábitis me, & ego exáudiam vos: & redúcam captivitatem vestram de cunctis locis.

*Psal. 84.* Benedixísti Dómine terram tuam: avertísti captivitatem Jacob.

℣. Glória Patri.

Oratio.

**E**Xcita, quæsumus Dómine, tuórum fidelium voluntates: ut divíni óperis fructum propénsius exequentes, pietátis tuæ remédia majóra percipiant. Per Dóminum.

*Secunda Oratio.* A cunctis. 267.

*Tertia ad libitum.*

Léctio Epístolæ beáti Pauli Apóstoli ad Colossenses.

Col. i. b.

**F**Ratres, Non cessámus pro vobis orantes & postulantes, ut, impleámini agnitione voluntátis Dei, in omni sapientia & intelléctu spiritali: ut ambulétis dignè Deo per ómnia placéntes: in omni ópere bono fructificátes, & cres-

céntes in sciéntia Dei: in omni virtúte confortáti secúndum poténtiam claritátis ejus, in omni patientia & longanimitate, cum gáudio grátias ágéntes Deo Patri, qui dignos nos fecit in partem fortis sanctorum in lúmine: qui erípuit nos de potestate tenebrarum, & tránstulit in regnum Fílii dilectionis suæ, in quo habemus rédemptionem per sanguinem ejus, remissionem peccatorum.

*Graduale. Psal. 43.* Liberásti nos Dómine ex affligéntibus nos: & eos, qui nos odérunt, confudísti. ℣. In Deo laudábitur tota die, & in nómine tuo confitébimur in sæcula.

Allelúia, allel. ℣. *Psal. 129.* De profúndis clamávi ad te Dómine, Dómine exáudi orationem meam. Allelúia.

Sequéntia sancti Evangélii secúndum Matthæum.

Matth. 24. b.

**I**N illo témpore: Dixit Jésus discípulis suis: Cúm vidéritis abominationem desolationis, quæ dicta est à Daniéle Prophéta, stantem in loco sancto: qui legit, intélligat: tunc qui in Judæa sunt, fúgiant ad montes: & qui in tecto, non descéndat tóllere aliquid de domo sua: & qui in agro, non revertátur tóllere túnica suam. Væ autem prægnantibus, & nutríentibus in illis diebus. Oráte autem, ut non fiat fuga vestra in hieme, vel sabbato. Erit enim tunc tribulatio magna, qualis non fuit ab initio mundi usque modò, neque fiet. Et nisi breviáti fuissent dies illi, non fieret salva omnis caro:



caro : sed propter electos breviantur dies illi. Tunc si quis vobis dixerit : Ecce hic est Christus, aut illic : nolite credere. Surgent enim pseudo-christi, & pseudoprophetae : & dabunt signa magna, & prodigia, ita ut in errorem inducantur (si fieri potest) etiam electi. Ecce prædixi vobis. Si ergo dixerint vobis : Ecce in deserto est, nolite exire : ecce in penetralibus, nolite credere. Sicut enim fulgur exit ab Oriente & paret usque in Occidentem : ita erit & adventus Filii hominis. Ubi cumque fuerit corpus, illic congregabuntur & aquilæ. Statim autem post tribulationem dierum illorum sol obscurabitur, & luna non dabit lumen suum, & stellæ cadent de cælo, & virtutes cælorum commovebuntur : & tunc parebit signum Filii hominis in cælo : & tunc plangent omnes tribus terræ : & videbunt Filium hominis venientem in núbibus cæli, cum virtute multa, & maiestate. Et mittet Angelos suos cum tuba, & voce magna : & congregabunt electos ejus à quatuor ventis, à summis cælorum usque ad terminos eorum. Ab arbore autem fici discite parabolam : cum jam ramus ejus tener fuerit, & folia nata, scitis quia propè est æstas : ita & vos, cum videritis hæc omnia, scitote quia propè est in januis. Amen dico vobis : quia non præteribit generatio hæc, donec omnia hæc fiant. Cælum & terra transibunt, verba autem mea non præteribunt. Credo.

*Offertorium. Ps. 129.* De profundis clamavi ad te Dómine, Dómine exaudi orationem

meam : de profundis clamavi ad te Dómine.

*Secreta.*

**P**ropitius esto Dómine supplicationibus nostris : & populi tui oblationibus precibusque susceptis, omnium nostrum ad te corda converte : ut à terrenis cupiditatibus liberati, ad cælestia desideria transeamus. Per Dóminum.

*Alia Secreta. Exaudi nos. 268. Tertia ad libitum.*

*Communio. Marc. 11.* Amen dico vobis, quidquid orantes petitis, credite quia accipietis, & fiet vobis.

*Postcommunio.*

**C**oncède nobis, quæsumus Dómine : ut per hæc sacramenta, quæ sumpsimus, quidquid in nostra mente vitiosum est, ipsorum medicationis dono curetur. Per Dóminum.

*Alia postcom. Mundet & muniat. 268. Tertia ad libitum.*

**DOMINICA TERTIA**  
*quæ superfuit post Epiphaniam, ponenda secundum superiorem Rubricam.*

*Introitus. Jer. 29.*

**D**icit Dóminus, Ego cogo cogitationes pacis, & non afflictionis : invocabitis me, & ego exaudiam vos : & reducam captivitatem vestram de cunctis locis.

*Psalm. 84.* Benedixisti Dómine terram tuam : avertisti captivitatem Jacob.

✠ Glória Patri.

*Oratio.*

**O**Mnipotens sempiternus Deus, infirmitatem nostram propitius respice : atque ad protegendum nos dexteram



ram tuæ majestâtis extēde.  
Per Dóminum.

*Secunda Oratio.* A cunctis  
nos. *ut suprâ.* 267.

*Tertia ad libitum.*

Léctio Epístolæ beāti Pauli  
Apóstoli ad Romános.

*Rom. 12. d.*

**F**Ratres, Nolíte esse pru-  
dētes apud vosmetípsos:  
Nulli malum pro malo red-  
dētes; providētes bona non  
tantum coram Deo, sed étiam  
coram ómnibus hominibus.  
Si fieri potest, quod ex vobis  
est, cum ómnibus homínibus  
pacem habētes: Non vos-  
metípsos defendētes, charís-  
simi, sed date locum iræ. Scrip-  
tum est enim: Mihi vindícta;  
ego retríbuam, dicit Dóminus.  
Sed si esurierit inimícus tuus,  
ciba illum: si sitit, potum da il-  
li: hoc enim fáciens, carbónes  
ignis cóngeres super caput  
ejus. Noli vinci à malo: sed  
vince in bono malum.

*Graduale. Psal. 43.* Liberásti  
nos Dómine ex affligéntibus  
nos: & eos, qui nos odérunt,  
confudísti. *℣.* In Deo laudá-  
bimur tota die, & in nómine  
tuo confitébimur in sæcula.

Allelúia, allel. *℣.* *Psal. 129.*  
De profúndis clamávi ad te  
Dómine, Dómine exáudi ora-  
tiónem meam. Allelúia.

Sequéntia sancti Evangélíi se-  
cúndum Matthæum.

*Matth. 8.*

**I**N illo témpore: Cùm de-  
scendíffet Jesus de monte,  
secútæ sunt eum turbæ mul-  
tæ: & ecce leprósus véniens,  
adorábat eum, dicens: Dó-  
mine, si vis, potes me mundá-  
re. Et extēdens Jesus ma-  
num, tétigit eum, dicens: Vo-

lo, Mundáre. Et conféstus  
mundáta est lepra ejus. Et ait  
illi Jesus: Vide, némini díxe-  
ris: sed vade, ostēde te sa-  
cerdóti, & offer munus, quod  
præcépit Móyses, in testinó-  
nium illis. Cùm autem in-  
troíffet Caphárnaum, accéssit  
ad eum Centúrio, rogans e-  
um, & dicens: Dómine, puer  
meus jacet in domo paralyti-  
cus, & malè torquétur. Et  
ait illi Jesus: Ego véniam, &  
curábo eum. Et respóndens  
Centúrio, ait: Dómine, non  
sum dignus ut intres sub tec-  
tum meum: sed tantum dic  
verbo, & sanábitur puer me-  
us. Nam & ego homo sum  
sub potestáte constitútus, ha-  
bens sub me mílites, & dico  
huic: Vade, & vadit: & álii,  
Veni, & venit: & servo meo,  
Fac hoc, & facit. Audiens  
autem Jesus, mirátus est, &  
sequéntibus se dixit: Amen  
dico vobis, non invéni tan-  
tam fidem in Israél. Dico au-  
tem vobis, quòd multi ab Ori-  
énte & Occidēte vénient, &  
recumbent cum Abraham, &  
Isaac, & Jacob in regno cœló-  
rum: filii autem regni ejici-  
éntur in ténebras exterióres:  
ibi erit fletus, & stridor dén-  
tium. Et dixit Jesus Centu-  
ríoni: Vade, & sicut credidís-  
ti, fiat tibi. Et sanátus est puer  
in illa hora. Credo.

*Offertorium. Psalm. 129.* De  
profúndis clamávi ad te, Dó-  
mine: Dómine exáudi oratió-  
nem meam: de profúndis cla-  
mávi ad te Dómine.

*Secreta.*

**H**Æc hóstia, Dómine  
quæsumus, emúndet  
nostra delícta: & ad sacrifici-  
um celebrándum, subditórum  
tibi



tibi cōrpora mentēsque sanctificet. Per Dōminum.

*Alia Secr. Exaudi nos. 268. Tertia ad libitum.*

*Communio. Marci 11. Amen dico vobis, quidquid orāntes pētitis, credite quia accipiētis, & fiet vobis.*

*Postcommunio.*

**Q**Uos tantis, Dōmine, largiris uti mystēriis: quæsumus, ut effectibus nos eōrum verāciter aptāre dignēris. Per Dōminum.

*Alia Postcomm. Mundet & mūniat. 268. Tertia ad libit.*

## DOMINICA IV. QUÆ SUPERFUIT POST EPIPH.

*Introitus.*

*Jer. 29.*

**D**icit Dōminus, Ego cogito cogitationes pacis, & non afflictionis: invocābitis me, & exaudiam vos: & reducam captivitatem vestram de cunctis locis.

*Psal. 84. Benedixisti Dōmine terram tuam: avertisti captivitatem Jacob.*

*✠. Glória Patri. Oratio.*

**D**Eus, qui nos in tantis periculis constitutos, pro humana scis fragilitate non posse subsistere: da nobis salutem mentis & corporis; ut ea, quæ pro peccatis nostris patimur, te adjuvante, vincamus. Per Dōminum.

*Secunda Oratio. A cunctis nos. ut supra. 267.*

*Tertia ad libitum.*

Lectio Epistolæ beāti Pauli  
Apōstoli ad Romānos.

*Rom. 13. b.*

**F**Ratres, Nēmini quidquam debeātis, nisi ut invicem diligātis: qui enim diligit prōx-

imum, legem implēvit. Nam: Non adulterābis: Non occides: Non furāberis: Non falsum testimōnium dices: Non concupisces: & si quod est aliud mandatum, in hoc verbo instauratur: Dīliges prōximum tuum sicut teīpsum. Dīlectio prōximi malum non operatur. Plenitudo ergo legis est dīlectio.

*Graduale. Ps. 43. Liberasti nos Dōmine ex affligentibus nos: & eos, qui nos odērunt, confudisti. ✠. In Deo laudābimur tota die, & in nōmine tuo confitebimur in sæcula.*

*Allelúia, allelúia.*

*✠. Psal. 129. De profundis clamavi ad te Dōmine, Dōmine exaudi orationem meam. Allelúia.*

Sequētia sancti Evangēlii secundum Matthæum.

*Matth. 8. c.*

**I**N illo tēpore: Ascendēte Jesu in naviculam, secuti sunt eum discipuli ejus: & ecce motus magnus factus est in mari, ita ut navicula operirētur fluctibus: ipse verò dormiēbat. Et accesserunt ad eum discipuli ejus, & suscitaverunt eum, dicentes: Dōmine, salva nos, perimus. Et dicit eis Jesus: Quid tīmidi estis, modicæ fidei? Tunc surgens, imperavit ventis, & mari, & facta est tranquillitas magna. Porro hōmines mirati sunt, dicentes: Qualis est hic, quia venti & mare obēdiunt ei? Credo.

*Offertorium. Psal. 129. De profundis clamavi ad te, Dōmine: Dōmine exaudi orationem meam: de profundis clamavi ad te Dōmine.*

*Secreta.*



*Secreta.*

**C**oncède quæsumus omní-  
potens Deus: ut hujus  
sacrificiî munus oblátum, fra-  
gilitátem nostram ab omni  
malo purget semper & múniat.  
Per Dóminum.

*Alia Secreta.* Exáudi nos.  
268.

*Tertia ad libitum.*

*Communio.* Marc. ii. Amen  
dico vobis, quidquid orántes  
pétitis, créдите quia accipié-  
tis, & fiet vobis.

*Postcommunio.*

**M**Unera tua nos Deus à  
delectatióibus terrénis  
expédiant: & cœléstibus sem-  
per instáurent aliméntis. Per  
Dóminum.

*Alia Postcommunio.* Mundet  
& múniat. 268.

*Tertia ad libitum.*

## DOMINICA V. QUÆ SU- PERFUIT POST EPIPH.

*Introitus.* Jer. 29.

**D**icit Dóminus, Ego có-  
gito cogitatióes pacis,  
& non afflictiónis: invocábi-  
tis me, & ego exáudiam vos:  
& redúcam captivitátem ves-  
tram de cunctis locis.

*Psalmus* 84. Benedixísti Dó-  
mine terram tuam: avertísti  
captivitátem Jacob.

ŷ. Glória Patri.

*Oratio.*

**F**Amíliam tuam, quæsu-  
mus Dómine, continúa  
pietáte custódi: ut quæ in so-  
la spe grátiae cœléstis inníti-  
tur, tua semper protectiône  
muniátur. Per Dóminum.

*Secunda Oratio.* A cunctis.  
267.

*Tertia ad libitum.*

Léctio Epístolæ beáti Pauli  
Apóstoli ad Colossénfes.

*Col. 3. b.*

**F**Ratres, Indúite vos sicut  
elécti Dei, sancti & di-  
lécti, víscera misericórdiae, be-  
nignitátem, humilitátem, mó-  
déstiam, patiéntiam: suppor-  
tántes ínvicem, & donántes  
vobismetípsis, si quis advér-  
sus áliquem habet querélam:  
sicut & Dóminus donávit vo-  
bis, ita & vos. Super ómnia  
autem hæc, charitátem ha-  
béte, quod est vínculo perfecti-  
ónis: & pax Christi exúl-  
tet in córdibus vestris, in qua  
& vocáti estis in uno cörper:  
& grati estóte. Verbum  
Christi hábitet in vobis abun-  
dánter, in omni sapiéntia: do-  
céntes, & commonéntes vos-  
metípsos, psalmis, hymnis,  
& cánticis spirituálibus, in  
grátia cantántes in córdibus  
vestris Deo. Omne quodcúm-  
que fácitis in verbo, aut in  
ópere, ómnia in nómine Dó-  
mini Jesu Christi, grátias  
agéntes Deo, & Patri per  
Jesum Christum Dóminum  
nostrum.

*Graduale.* Psal. 43. Liberásti  
nos Dómine ex affligéntibus  
nos: & eos, qui nos odérunt,  
confudísti. ŷ. In Deo laudá-  
bimur tota die, & in nómine  
tuo confitébimur in sæcula.  
Allelúia, allel. ŷ. Ps. 129. De  
profúndis clamávi ad te Dó-  
mine, Dómine exáudi oratió-  
nem meam. Allelúia.

Sequéntia sancti Evangélii se-  
cúndum Matthæum.

*Matth. 13. c.*

**I**N illo témpore: Dixit Je-  
sus turbis parábolam hanc:  
R r Sí-



Símile factum est regnum cœ-  
lôrum hómîni, qui seminá-  
vit bonum semen in agro  
suo. Cùm autem dormírent  
hómînes, venit inimícus e-  
jus, & superfeminávit zizá-  
nia in médio trítici, &  
âbiit. Cùm autem crevíffet  
herba, & fructum fecíffet,  
tunc apparuérunt & zizánia.  
Accedéntes autem servi pa-  
trísfamílias, dixerunt ei: Dó-  
mine, nónne bonum semen  
seminásti in agro tuo? Un-  
de ergo habet zizánia? Et ait  
illis: Inimícus homo hoc fe-  
cit. Servi autem dixerunt ei:  
Vis, imus, & collígimus ea?  
Et ait: Non: ne fortè colli-  
géntes zizánia, eradicétis si-  
mul cum eis & tríticum.  
Sínite útraque créscere usque  
ad messém, & in témpore  
messis dicam messóribus:  
Collígite primùm zizánia, &  
alligáte ea in fascículos ad  
comburendum, tríticum au-  
tem congregáte in hórreum  
meum. Credo.

*Offertorium. Psal. 129.* De  
profúndis clamávi ad te Dó-  
mine, Dómine exáudi oratió-  
nem meam: de profúndis cla-  
mávi ad te Dómine.

*Secreta.*

**H**ostias tibi, Dómine,  
placatiónis offérimus:  
ut & delícta nostra miserátus  
absólvas, & nutántia corda tu  
dírigas. Per Dóminum.

*Alia Secreta.* Exáudi nos.  
268. *Tertia ad libitum.*

*Communio. Marci 11.* Amen  
dico vobis: quidquid orá-  
ntes pétitis, créдите quia accipié-  
tis, & fiet vobis.

*Postcommunio.*

**Q**uæsumus omnipotens  
Deus: ut illíus salutáris

capiámus efféctum, cujus per  
hæc mystéria pignus accépi-  
mus. Per Dóminum.

*Alia Postcommunio.* Mundet  
& múniat. 268.

*Tertia ad libitum.*

## DOMINICA VI. QUÆ SUPERFUIT POST E- PIPH.

*Introitus.*

*Jer. 29.*

**D**icit Dóminus, Ego có-  
gito cogitatiónes pacis,  
& non afflictiónis: invocá-  
bitis me, & ego exáudiam  
vos: & redúcam captivitá-  
tem vestram de cunctis locis.  
*Psal. 84.* Benedixísti Dó-  
mine terram tuam: avertísti  
captivitátem Jacob.

*v. Glória Patri. Oratio.*

**P**ræsta, quæsumus omní-  
potens Deus: ut semper  
rationabília meditántes, quæ  
tibi sunt plácita, & dictis exe-  
quámur, & factis. Per Dó-  
minum nostrum.

*Secunda Oratio.* A cunctis.  
267. *Tertia ad libitum.*

Léctio Epístolæ beáti Pauli A-  
póstoli ad Thessalonicénses.

*1. Thess. 1.*

**F**Ratres, Grátias ágimus  
Deo semper pro ómnibus  
vobis, memóriam vestri fa-  
ciéntes in oratióibus nostris  
sine intermissiône, mémores  
óperis fidei vestræ, & labóris,  
& charitátis, & sustinentiæ  
spei Dómini nostri Jesu Chris-  
ti, ante Deum, & Patrem nos-  
trum: sciéntes, fratres dilécti  
à Deo, electiõem vestram:  
quia Evangélium nostrum  
non fuit ad vos in sermóne  
tantùm, sed & in virtúte, & in  
Spíritu sancto, & in plenitú-  
dine multa: sicut scitis quales  
fué-



fuérimus in vobis propter vos. Et vos imitatóres nostri facti estis, & Dómini: excipiéntes verbum in tribulatióne multa cum gáudio Spíritus sancti: ita ut facti sitis forma ómnibus credéntibus in Macedónia, & in Acháia. A vobis enim diffamátus est sermo Dómini, non solúm in Macedónia, & in Acháia, sed & in omni loco fides vestra, quæ est ad Deum, profécta est, ita ut non sit nobis necesse quidquam loqui. Ipsi enim de nobis annúntiant qualem intróitum habuérimus ad vos: & quómodo convérsi estis ad Deum à simulácris, servíre Deo vivo & vero, & expectáre Fílium ejus de cœlis (quem suscitávit ex mórtuis) Jesum, qui erípuit nos ab ira ventúra.

*Graduale. Psalm. 43.* Liberásti nos Dómine ex affligéntibus nos: & eos, qui nos odérunt, confudísti.

℣. In Deo laudábimur tota die, & in nómine tuo confitébimur in sæcula.

Allelúia, allelúia.

℣. *Psalm. 129.* De profúndis clamávi ad te Dómine, Dómine exáudi oratiómem meam. Allelúia.

Sequéntia sancti Evangélíi secúndum Matthæum.

*Matth. 13. d.*

**I**N illo témpore: dixit Jesus turbis parábolam hanc: Símile est regnum cœlórum grano sinápis, quod accípiens homo seminávit in agro suo: quod mínimum quidem est ómnibus semínibus: cum

autem créverit, majus est ómnibus oléribus, & fit arbor, ita ut vólucres cœli véniant, & hábitent in ramis ejus. Aliam parábolam locútus est eis: Símile est regnum cœlórum fermento, quod accéptum mulier abscondit in farínæ satis tribus, donec fermentátum est totum. Hæc ómnia locútus est Jesus in parábolis ad turbas: & sine parábolis non loquebátur eis: ut implerétur quod dictum erat per Prophétam dicéntem: Apériam in parábolis os meum, eructábo abscondita à constitutióne mundi. Credo.

*Offertorium. Psal. 129.* De profúndis clamávi ad te Dómine, Dómine exáudi oratiómem meam: de profúndis clamávi ad te Dómine.

*Secreta.*

**H**Æc nos oblátio, Deus, mundet quæsumus, & rénovet: gubérnet, & protégat. Per Dóminum.

*Alia Secreta. Exáudi nos. 268.*

*Tertia ad libitum.*

*Communio. Marc. 11.* Amen dico vobis, quidquid orántes pétitis, créдите quia accipiétis, & fiet vobis.

*Postcommunio.*

**C**ELéstibus, Dómine, pastí delíciis, quæsumus, ut semper éadem, per quæ veráriter vívimus, appetámus. Per Dóminum.

*Alia Postcomm. Mundet & múníat. 268.*

*Tertia ad libitum.*

¶ *Dominica xxviii. & última post Pentecosten, quæ superiùs posita est in ordine xxiv. 309.*



# PROPRIMUM MISSARUM DE SANCTIS.

*Die xxix. Novembris.*  
IN VIGILIA S. ANDREÆ  
APOSTOLI.

*Introitus, Matth. 4.*

**D**ominus fecus mare Galilææ vidit duos fratres, Petrum & Andréam, & vocavit eos: Venite post me, faciam vos fieri piscatores hominum.

*Psal. 18.* Cœli enarrant glóriam Dei: & ópera manuum ejus annúntiat firmamentum.

*v. Glória Patri.*

*Oratio.*

**Q**uæsumus omnipotens Deus, ut beátus Andréas Apóstolus, cujus prævenimus festivitatem, tuum pro nobis implóret auxílium: ut à nostris reátibus absolúti, à cunctis étiam perículis eruámur. Per Dóminum.

*¶ Pro commem. S. Saturnini mart. Oratio.*

**D**eus, qui nos beáti Saturnini mártiris tui concedis natalitio pérfrui: ejus nos tríbue méritis adjuvári. Per Dóminum.

*¶ Si Vigilia S. Andreæ venerit in Adventu, Missa dicitur de Vigilia, & secunda Oratio erit de Adventu, tertia de S. Saturnino.*

*¶ Si festum S. Andreæ venerit Feria secunda, Missa de Vigilia dicitur in Sabbato; & secunda Oratio erit de S. Maria, Con-*

*cède nos. tertia, Ecclesiæ tuæ. vel pro Papa, Deus ómnium fidelium. 236. & commem. S. Saturnini fit in Dominica. Quod & in aliis Vigiliis (excepta Vigilia Nativitatis Domini) servatur.*

*¶ Si autem Festum S. Andreæ venerit in Dominica, transfer-tur in secundam Feriam, & Missa de Vigilia dicitur in Sabbato cum commemoratione S. Saturnini, ut suprà, & tertia Oratio erit de sancta Maria, Concède nos. 236.*

*Lectio Libri Sapiéntiæ.*

*Eccli. 44. d.*

**B**enedíctio Dómini super caput justí. Ideò dedit illi Dóminus hæreditatem, & divísit illi partem in tríbubus duódecim: & invénit grátiam in conspéctu omnis carnis. Et magnificávit eum in timóre inimicórum, & in verbis suis monstra placávit. Glorificávit illum in conspéctu regum, & jussit illi coram pópulo suo, & osténdit illi glóriam suam. In fide & lenitáte ipsíus sanctum fecit illum, & elégit eum ex omni carne. Et dedit illi coram præcépta, & legem vitæ & disciplínæ, & excélsus fecit illum. Státuit ei testaméntum ætérnum: & circumcínxit eum zona justítiæ: & induit eum Dóminus corónam glóriæ.

*Gra-*



*Graduale. Ps. 138.* Nimis honorati sunt amici tui Deus: nimis confortatus est principatus eorum. *Ps.* Dinumerabo eos: & super arenam multiplicabuntur.

Sequéntia sancti Evangélíi secundum Joánnem.

*Joan. 1. e.*

**I**N illo témpore: Stabat Joánes, & ex discípulis ejus duo. Et respiciens Jesum ambulántem, dicit: Ecce Agnus Dei. Et audiérunt eum duo discípuli loquéntem, & secúti sunt Jesum. Convérsus autem Jesus, & videns eos sequéntes se, dicit eis: Quid quæritis? Qui dixerunt ei: Rabbi (quod dicitur interpretátum Magíster) ubi hábitas? Dicit eis: Veníte, & vidéte. Venérunt, & vidérunt ubi manéret, & apud eum mansérunt die illo: hora autem erat quasi décima. Erat autem Andréas frater Simónis Petri unus ex duóbus, qui audierant à Joáne, & secúti fuerant eum. Invenit hic primùm fratrem suum Simónem, & dicit ei: Invenimus MESSÍAM, (quod est interpretátum Christus.) Et addúxit eum ad Jesum. Intúitus autem eum Jesus, dicit: Tu es Simon filius Jona: tu vocáberis Cephas. Quod interpretátur Petrus. In crástinum vóluit exíre in Galilæam, & invenit Philíppum. Et dicit ei Jesus: Séquere me. Erat autem Philíppus à Bethsáida, civitate Andréæ & Petri. Invenit Philíppus Nathánael, & dicit ei: Quem scripsit MÓyses in lege, & Prophétæ, invenimus Jesum filium Joseph à Názareth. Et dicit ei Natha-

nael: A Názareth potest aliquid boni esse? Dicit ei Philíppus: Veni, & vide. Vidit Jesus Nathánael veniéntem ad se, & dicit de eo: Ecce verè Israelíta, in quo dolus non est. Dicit ei Nathánael: Unde me nosti? Respóndit Jesus, & dixit ei: Priúsqvam te Philíppus vocáret, cum esses sub ficu, vidi te. Respóndit ei Nathánael, & ait: Rabbi, tu es Fílius Dei, tu es Rex Israél. Respóndit Jesus, & dixit ei: Quia dixi tibi: Vidi te sub ficu, credis: majus his vidébis. Et dicit ei: Amen, amen dico vobis, vidébitis cœlum apértum, & Angelos Dei ascendéntes & descendéntes supra Fílium hóminis.

*Offertorium. Psal. 8.* Glória & honóre coronásti eum: & constituísti eum super ópera mánuum tuárum, Dómine.

*Secreta.*

**S**acrándum tibi, Dómine, munus offérimus: quo beáti Andréæ Apóstoli solémnia recoléntes, purificatióne quoque nostris méntibus implorámus. Per Dóminum.

*Pro S. Saturnino. Secreta.*

**M**unera, Dómine, tibi dicáta sanctífica: & intercedente beáto Saturnino mártire tuo, per hæc eadem nos placátus inténde. Per Dóminum nostrum.

*Communio. Joan. 1.* Dicit Andréas Simóni fratri suo: Invenimus MESSÍAM, qui dicitur Christus: & addúxit eum ad Jesum.

*Postcommunio.*

**P**ercéptis, Dómine, sacraméntis, supplíciter exóramus, ut intercedente beáto Andréa Apóstolo tuo, quæ pro illíus veneránda gérimus pas-



passiōe, nobis proficiant ad  
medelam. Per Dóminum.

*Pro sancto Saturnino.*

*Postcommunio.*

**S**ANCTÍFICET nos, quæsumus  
Dómine, tui percéptio  
sacraménti: & intercessiōe  
sanctorum tuorum tibi reddat  
accéptos. Per Dóminum.

¶ *Si festum S. Andreæ ve-  
nerit in Dominica, transfertur  
in sequentem diem festo Duplici  
vel Semiduplici non impeditam:  
quod & de aliis festis Duplicibus  
in Dominicis Adventus occurren-  
tibus servatur; & in illis semper  
fit commem. de Adventu. De  
Simplicibus autem toto Adventu  
fit tantum commemoratio,*

*Die xxx. Novembris.*

## IN FESTO S. ANDREÆ APOSTOLI.

*Introitus. Psal. 138.*

**M**ihi autem nimis hono-  
ráti sunt amíci tui De-  
us: nimis confortátus est  
principátus eorum.

*Psal. ibid.* Dómine pro-  
básti me, & cognovísti me:  
tu cognovísti sessiōnem me-  
am, & resurrectionem meam.

*v. Glória Patri. Oratio.*

**M**AJESTÁTEM tuam, Dómi-  
ne, suppliciter exorá-  
mus: ut, sicut Ecclésiæ tuæ  
beátus Andréas Apóstolus éx-  
titit prædicátor & rector; ita  
apud te sit pro nobis perpé-  
tuus intercëssor. Per Dómi-  
num.

Léctio Epístolæ beāti Pauli  
Apóstoli ad Romános.

*Rom. 10. b.*

**F**RATRES, Corde enim cré-  
ditur ad justítiam: ore au-  
tem conféssio fit ad salutem.  
Dicít enim Scriptúra: Omnis,

qui credit in illum, non con-  
fundétur. Non enim est dis-  
tíctio Judæi, & Græci: nam  
idem Dóminus ómnium, di-  
ves in omnes, qui invocant  
illum. Omnis enim, qui-  
cúmque invocáverit nomen  
Dómini, salvus erit. Quómo-  
do ergo invocábunt, in quem  
non credidérunt? Aut quó-  
modo credent ei, quem non  
audiérunt? Quómodo autem  
áudient sine prædicánte?  
Quómodo verò prædicábunt  
nisi mittántur? sicut scriptum  
est: Quàm speciósí pedes e-  
vangelizántium pacem, evan-  
gelizántium bona! Sed non  
omnes obédiunt Evangélio.  
Isaías enim dicit: Dómine,  
quis crédidit auditui nostro?  
Ergo fides ex auditu, auditus  
autem per verbum Christi. Sed  
dico: Numquid non audié-  
runt? Et quidem in omnem  
terram exívit sonus eorum, &  
in fines orbis terræ verba eó-  
rum.

*Graduale. Ps. 44.* Constitues  
eos príncipes super omnem  
terram: mémores erunt nómi-  
nis tui Dómini. *v.* Pro pátri-  
bus tuis nati sunt tibi filii: pro-  
ptérea pópuli confitebúntur  
tibi. Allelúia, allelúia.

*v.* Diléxit Andréam Dómi-  
nus in odórem suavitátis. Al-  
lelúia.

Sequéntia sancti Evangélii se-  
cúndum Matthæum.

*Matth. 4. c.*

**I**N illo témpore: Ambulans  
Jesus juxta mare Galilææ,  
vidit duos fratres, Simónem,  
qui vocátur Petrus, & André-  
am fratrem ejus, mitténtes re-  
te in mare (erant enim píscá-  
tores) & ait illis: Veníte post  
me: & fáciam vos fieri píscá-  
tores



tores hominum. At illi continuo, relictis retibus, secuti sunt eum. Et procedens inde, vidit alios duos fratres, Jacobum Zebedæi, & Joannem fratrem ejus, in navi cum Zebedæo patre eorum, reficientes retia sua: & vocavit eos. Illi autem statim relictis retibus & patre, secuti sunt eum. Credo.

*Offertorium. Psal. 138.* Mihi autem nimis honorati sunt amici tui Deus: nimis confortatus est principatus eorum.

*Secreta.*

**S**acrificium nostrum tibi, Domine quaesumus, beati Andréæ Apostoli precatio sancta conciliet: ut in cujus honore sollemniter exhibetur, ejus meritis efficiatur acceptum. Per Dominum.

*Præfatio de Apostolis.*

*Communio. Matth. 4.* Venite post me, faciam vos fieri piscatōres hominum: at illi continuo, relictis retibus, secuti sunt Dominum. *Postcomm.*

**S**umpimus, Domine, divina mysteria, beati Andréæ festivitate lætantes: quæ sicut tuis sanctis ad gloriam, ita nobis, quaesumus, ad veniam prodesse perficias. Per Dominum.

## FESTA DECEMBRIS.

*Die ii. Decembris.*

IN FESTO S. BIBIANÆ  
virginis & martyris.

*Missæ. Me expectaverunt. de Comuni Virginis & Martyris. xxvii. excepta Oratione propria.* *Oratio.*

**D**eus omnium largitor bonorum, qui in famula tua Bibiana cum virginitatis flore martyrii palmam conjunxisti: mentes nostras ejus interces-

sione tibi charitate conjunge: ut amotis periculis, præmia consequamur æterna. Per Dominum nostrum.

*Si celebretur in Adventu, secunda Oratio erit de Feria; tertia de S. Maria, Deus, qui de beatæ Mariæ. i. quæ terminatur sic: Per eundem Dominum.*

*Die iii. Decembris.*

IN FESTO S. FRANCISCI  
XAVERII Confessoris.

*Introitus.*

*Psal. 118.*

**L**oquebar de testimoniis tuis in conspectu regum, & non confundabar: & meditabar in mandatis tuis, quæ dilexi nimis.

*Psal. 116.* Laudate Dominum omnes Gentes: laudate eum omnes populi, quoniam confirmata est super nos misericordia ejus, & veritas Domini manet in æternum.

*v. Gloria Patri. Oratio.*

**D**eus, qui Indiæ Gentes beati Francisci prædicatione & miraculis Ecclesiæ tuæ aggregare voluisti: concede propitius; ut cujus gloriosa merita veneramur, virtutum quoque imitemur exempla. Per Dominum.

*Et fit commemoratio Feriæ.*

Lectio Epistolæ beati Pauli  
Apostoli ad Romanos.

*Rom. 10. b.*

**F**Ratres, Corde enim creditur ad justitiam: ore autem confessio fit ad salutem. Dicit enim Scriptura: Omnis, qui credit in illum, non confundetur. Non enim est distinctio Judæi, & Græci: nam idem Dominus omnium, dives in



in omnes qui invocant illum. Omnis enim, quicumque invocaverit nomen Domini, salvus erit. Quomodo ergo invocabunt, in quem non crediderunt? Aut quomodo credent ei, quem non audierunt? Quomodo autem audient sine predicante? Quomodo verò predicabunt nisi mittantur? sicut scriptum est: Quam speciosi pedes evangelizantium pacem, evangelizantium bona! Sed non omnes obediunt Evangelio. Isaías enim dicit: Domine, quis credidit auditui nostro? Ergo fides ex auditu, auditus autem per verbum Christi. Sed dico: Numquid non audierunt? Et quidem in omnem terram exivit sonus eorum, & in fines orbis terræ verba eorum.

*Graduale. Psal. 91.* Justus ut palma florébit: sicut cedrus Libani multiplicabitur in domo Domini. *v.* Ad annuntiandum manè misericordiam tuam, & veritatem tuam per noctem. Allelúia, allelúia.

*v. Jac. 1.* Beátus vir, qui suffert tentationem: quoniam cum probatus fuerit, accipiet coronam vitæ. Allelúia.

Sequéntia sancti Evangelii secundum Marcum.

*Marc. 16.*

**I**N illo tempore: Dixit Jesus discipulis suis: Euntes in mundum univérsum, predicáte Evangelium omni creaturæ. Qui crediderit, & baptizatus fuerit, salvus erit: qui verò non crediderit, condemnabitur. Signa autem eos, qui crediderint, hæc sequentur: In nomine meo dæmónia ejicient, linguis loquentur novis: serpentes tollent: & si

mortíferum quid biberint, non eis nocébit: super ægros manus impónent, & benè habébunt.

*Offertorium. Psal. 88.* Veritas mea, & misericórdia mea cum ipso: & in nómine meo exaltábitur cornu ejus.

*Secreta.*

**P**Ræsta nobis, quæsumus omnipotens Deus: ut nostræ humilitatis oblátio, & pro tuorum tibi grata sit honóre sanctórum, & nos corpore páriter & mente puríficet. Per Dóminum.

*Communio. Luc. 12.* Beátus servus, quem, cum vénerit dóminus, invénierit vigilántem: amen dico vobis, super ómnia bona sua constitúet eum.

*Postcommunio.*

**Q**Uæsumus omnipotens Deus: ut qui cœléstia aliménta percépimus, intercedente beáto Francíscó Confessóre tuo, per hæc contra ómnia advérsa muniámur. Per Dóminum.

*Die iv. Decembris.*

IN FESTO S. PETRI  
CHRYSOLOGI Episc.  
& Conf.

*Introitus. Eccli. 15.*

**I**N médio Ecclésiæ apéruit os ejus: & implévit eum Dóminus spíritu sapiéntiæ & intelléctus: stolam glóriæ induit eum. *Ps. 91.* Bonum est confitéri Dómino, & psállere nómini tuo, Altíssime.

*v. Glória Patri. Oratio.*

**D**Eus, qui beátum Petrum Chrysólogum, Doctórem egrégium, divínitus præmonstrátum, ad regéndam, & instruéndam Ecclésiám tuam éligi voluísti: præsta, quæsumus, ut quem Doctórem vitæ



vitæ habuimus in terris intercessorem habere mereamur in cœlis. Per Dñm.

*Deinde fit commemor. Feriæ.*

*Postea S. Barbaræ, Oratio.*

Deus, qui inter cœtera. xxv.

Lectio Epistolæ beati Pauli Apóstoli ad Timótheum.

2. Tim. 4.

**C**harissime, Testificor coram Deo, & Jesu Christo, qui judicaturus est vivos & mortuos, per adventum ipsius, & regnum ejus: prædica verbum, instā oportūnē, importūnē: argue, obsecra, increpa in omni patientia & doctrina. Erit enim tempus, cum sanam doctrinam non sustinebunt: sed ad sua desideria coacervabunt sibi magistros, pruriētes auribus, & à veritate quidem auditum avertent, ad fabulas autem convertentur. Tu verò vigila, in omnibus labora, opus fac Evangelistæ, ministerium tuum imple. Sobrius esto. Ego enim jam delibor, & tempus resolutionis meæ instat. Bonum certamen certavi, cursum consummavi, fidem servavi. In reliquo repõsita est mihi corona justitiæ, quam reddet mihi Dñs in illa die, justus judex: non solum autem mihi, sed & iis qui diligunt adventum ejus.

*Graduale.* Ecce sacerdos magnus, qui in diebus suis placuit Deo. *v.* Non est inventus similis illi, qui conservaret legem Excelsi. Allelúia, allelúia.

*v.* Ps. 109. Tu es sacerdos in ætérnum, secundum ordinem Melchisedech. Allelúia.

Sequéntia sancti Evangelii secundum Matthæum.

*Matth. 5. b.*

**I**n illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur? ad nihilum valet ultra, nisi ut mittatur foras, & conculcetur ab hominibus. Vos estis lux mundi. Non potest civitas abscondi supra montem posita. Neque accendunt lucernam, & ponunt eam sub módio, sed super candelabrum: ut luceat omnibus qui in domo sunt. Sic luceat lux vestra coram hominibus, ut videant opera vestra bona, & glorificent Patrem vestrum, qui in cœlis est. Nolite putare quoniam veni solvere legem, aut Prophetas: non veni solvere, sed adimplere. Amen quippe dico vobis, donec transeat cœlum & terra, ióta unum, aut unus apex non præteribit à lege, donec omnia fiant. Qui ergo solverit unum de mandatis istis minimis, & docuerit sic homines, minimus vocabitur in regno cœlorum: qui autem fecerit & docuerit, hic magnus vocabitur in regno cœlorum. Credo.

*Offertorium. Ps. 91.* Justus ut palma florebit: sicut cedrus quæ in Líbano est, multiplicabitur. *Secreta.*

**S**ancti tui Petri Chrysólogi, nobis Dñe, pia non desit oratio: quæ & muneribus nostra conciliet, & tuam nobis indulgentiam semper obtineat. Per Dñm.

*Deinde fit commemor. Feriæ.*

*Postea S. Barbaræ virg. Secreta. Súscipe Dñe. de Comuni Virg. xxvii.*



*Communio. Matth. 25.* Dómine, quinque talenta tradidisti mihi, ecce alia quinque superlucratus sum: euge serve bone & fidelis: quia in pauca fuisti fidelis, supra multa te constituam, intra in gaudium Domini tui. *Postcommunio.*

**U**T nobis, Dómine, tua sacrificia dent salutem: beatus Petrus Chrysologus, Pontifex tuus, & doctor egregius, quæsumus, precator accedat. Per Dóminum.

*Deinde fit commem. Feriæ.*

*Postea de S. Barbara, Postcommunio.* Auxiliéntur nobis. *de Comuni Virg.*

*Die v. Decembris.*

¶ *Pro commemoratione S. Sabbæ Abbatis.* *Oratio.*

**I**ntercéssio nos, quæsumus Dómine, beati Sabbæ Abbatis comméndet: ut quod nostris méritis non valémus, ejus patrocínio assequámur. Per Dóminum nostrum. *Secreta.*

**S**acris altáribus, Dómine, hostias superpósitas sanctus Sabbas, quæsumus, in salutem nobis proveníre depóscat. Per Dóminum. *Postcomm.*

**P**rótegat nos, Dómine, cum tui perceptióne sacraménti beatus Sabbas pro nobis intercedéndo: ut & conversatiónis ejus experiámur insignia, & intercessiόνis percipiámus suffrágia. Per Dóminum.

*Die vi. Decembris.*

IN FESTO S. NICOLAI  
Episc. & Confessoris.

*Introitus. Eccli. 45.*

**S**tátuit ei Dóminus testamentum pacis: & principem fecit eum: ut sit illi sacerdotii dignitas in ætérnum.

*Pf. 131.* Meménto Dómine David, & omnis mansuetúdinis ejus. *Glória Patri.*

*Oratio.*

**D**Eus, qui beátum Nicolás Pontíficem innúmeris decorásti miraculis: tríbue quæsumus; ut ejus méritis & précibus à gehénæ incendiis liberémur. Per Dóminum.

Léctio Epístolæ beati Pauli Apóstoli ad Hebræos.

*Hebr. 13. b.*

**F**Ratres, Mementóte præpositórum vestrórum, qui vobis locúti sunt verbum Dei: quorum intuéntes éxitum conversatiónis, imitámini fidem. Jesus Christus heri, & hódie; ipse & in sæculo. Doctrínis variis & peregrínis nolíte abducí. Optimum est enim grátia stabilíre cor, non escis: quæ non profuérunt ambulántibus in eis. Habémus altáre, de quo édere non habent potestátem qui tabernáculo deférviunt. Quorum enim animálium infértur sanguis pro peccáto in Sancta per pontíficem, horum cörpera cremántur extra castra. Propter quod & Jesus, ut sanctificáret per suum sánguinem pópulum, extra portam passus est. Exeámus ígitur ad eum extra castra, impropérium ejus portántes. Non énim habémus híc manéntem civitátem, sed futúram inquírimus. Per ipsum ergo offerámus hostiam laudis semper Deo, idest, fructum labiórum confiténtium nómini ejus. Beneficéntiæ autem & communiónis nolite oblivísci: talibus enim hostiis promerétur Deus. Obédite præpósitis vestris, & subjacéte eis. Ipí enim per-

vigi-



vigilant, quasi rationem pro animabus vestris reddituri.

*Graduale. Psal. 88.* Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum. *℣.* Nihil proficiet inimicus in eo, & filius iniquitatis non nocébit ei. Allelúia, allelúia.

*℣. Psal. 91.* Justus ut palma florébit: sicut cedrus Líbani multiplicábitur. Allelúia.

Sequéntia sancti Evangélíi secúndum Matthæum.

*Matth. 25.*

**I**N illo témpore: Dixit Jesus discipulis suis parabolam hanc: Homo péregrè proficíscens, vocávit servos suos, & tradidit illis bona sua. Et uni dedit quinque talénta, álii autem duo, álii verò unum, unicuique secúndum própriam virtútem, & profectus est statim. Abiit autem qui quinque talénta accéperat, & operátus est in eis, & lucrátus est ália quinque. Simíliter & qui duo accéperat, lucrátus est ália duo. Qui autem unum accéperat, ábiens fodit in terram, & abscondit pecúniám dómini sui. Post multum verò témporis venit dóminus servórum illórum, & pósuit rationem cum eis. Et accédens qui quinque talénta accéperat, obtulit ália quinque talénta, dicens: Dómine, quinque talénta tradidisti mihi, ecce ália quinque superlucrátus sum. Ait illi dóminus ejus: Euge serve bone & fidélis, quia super pauca fuísti fidélis, super multa te constítuam, intra in gáudium dómini tui. Accéssit autem & qui

duo talénta accéperat, & ait: Dómine, duo talénta tradidisti mihi, ecce ália duo lucrátus sum. Ait illi dóminus ejus: Euge serve bone & fidélis, quia super pauca fuísti fidélis, super multa te constítuam, intra in gáudium dómini tui.

*Offertorium. Ps. 88.* Véritas mea, & misericórdia mea cum ipso: & in nómine meo exaltábitur cornu ejus.

*Secreta.*

**S**ANCTÍFICA, quæsumus Dómine Deus, hæc múnera, quæ in solemnitáte sancti Antístitis tui Nicolái offérimus: ut per ea, vita nostra inter advérsa & próspéra ubique dirigátur. Per Dóminum nostrum.

*Communio. ib.* Semel jurávi in sancto meo: semen ejus in ætérnum manébit: & sedes ejus sicut sol in conspéctu meo, & sicut luna perfectá in ætérnum, & testis in cœlo fidélis. *Postcommunio.*

**S**ACRIFICIA, quæ sumpsimus, Dómine, pro solemnitáte sancti Pontíficis tui Nicolái, sempitérna nos protectióne consérvent. Per Dóminum.

*Die vii. Decembris.*

IN FESTO S. AMBROSII

*Episc. Conf. & Eccl. Doct.*

*Introitus. Eccli. 15.*

**I**N médio Ecclésiæ apérui os ejus: & implévit eum Dóminus spíritu sapiéntiæ & intelléctus: stolam glóriæ induit eum.

*Psal. 91.* Bonum est confitéri Dómino, & psállere nómini tuo, Altíssime.

*℣. Glória. Oratio.*

**D**EUS, qui pópulo tuo ætérnæ salútis beátum



Ambrósium minístrum tribu-  
isti: præsta quæsumus; ut,  
quem doctórem vitæ habui-  
mus in terris, intercessórem  
habere mereámur in cœlis.  
Per Dóminum.

Léctio Epístolæ beáti Pauli A-  
póstoli ad Timótheum.

2. *Tim.* 4.

**C**haríssime, Testíficor co-  
ram Deo, & Jesu Christo,  
qui iudicatúrus est vivos &  
mórtuos, per advéntum ip-  
sius, & regnum ejus: prædica  
verbum, instā oportúnè, im-  
portúnè: árgue, óbsecra, ín-  
crepa in omni patiéntia, &  
doctrína. Erit enim tempus,  
cúm sanam doctrínā non  
sustinébunt, sed ad sua desidé-  
ria coacervábunt sibi magís-  
tros, pruriéntes áuribus, &  
à veritatē quidem auditum  
avértent, ad fábulas autem  
converténtur. Tu verò vígi-  
la, in ómnibus labóra, opus  
fac Evangelístæ, ministériū  
tuum imple. Sóbrius esto. Ego  
enim jam delíbor, & tempus  
resolútionis meæ instat. Bo-  
num certámen certávi, cur-  
sum consummávi, fidem ser-  
vavi. In réliquo repósita est  
mihi coróna justítiæ, quam  
reddet mihi Dóminus in illa  
die justus iudex: non solúm  
autem mihi, sed & iis qui  
diligunt advéntum ejus.

*Graduale. Eccli.* 44. Ecce sa-  
cérdos magnus, qui in diébus  
suis plácuit Deo. *v.* Non est  
inventus símilis illi, qui con-  
serváret legem Excélsi.

Allelúia, allel. *v.* *Pf.* 109.  
Jurávit Dóminus, & non pœ-  
nitébit eum: tu es sacérdos in  
æternum secúndum órđinem  
Melchisedech. Allelúia.

Sequéntia sancti Evangélii se-  
cúndum Matthæum.

*Matth.* 5. b.

**I**n illo témpore: Dixit Je-  
sus discípulis suis: Vos  
estis sal terræ. Quòd si sal  
evanúerit, in quo salietur? ad  
níhilum valet ultrà, nisi ut mit-  
tátur foras, & conculcétur ab  
homínibus. Vos estis lux mun-  
di. Non potest civitas abscón-  
di supra montem póstita. Ne-  
que accéndunt lucérnam, &  
ponunt eam sub módio, sed  
super candelábrum, ut lúceat  
óm nibus qui in domo sunt. Sic  
lúceat lux vestra coram homí-  
nibus, ut vídeant ópera vestra  
bona: & gloríficent Patrem ve-  
strum, qui in cœlis est. Nolíte  
putáre quóniam veni sólvēre  
legem, aut Prophétas: non veni  
sólvēre, sed adimplére. Amen  
quippe dico vobis, donec trán-  
seat cœlum & terra, ióta u-  
num, aut unus apex non præ-  
teríbit à lege, donec ómnia  
fiant. Qui ergo sólverit unum  
de mandátis istis mínimis, &  
docúerit sic hómines, mínimus  
vocábitur in regno cœlórum:  
qui autem fécerit & docúerit,  
hic magnus vocábitur in reg-  
no cœlórum. Credo.

*Offertorium. Psal.* 88. Ve-  
ritas mea, & misericórdia mea  
cum ipso: & in nómine meo  
exaltábitur cornu ejus.

*Secreta.*

**O**Mnípotens sempitérne  
Deus, múnere tuæ majes-  
tati oblata, per intercessiónem  
beáti Ambrósii confessoris tui  
atque Pontíficis, ad perpé-  
tuam nobis fac proveníre salú-  
tem. Per Dóminum nostrum.

*Communio. ibid.* Semel jurá-  
vi in sancto meo: semen ejus  
in



in ætérnum manébit : & sedes  
ejus sicut sol in conspéctu  
meo, & sicut luna perfécta in  
ætérnum, & testis in cœlo  
fidélis.

*Postcommunio.*

**S**Acraménta salútis nostræ  
suscipiéntes, concéde quæ-  
sumus omnípotens Deus : ut  
beáti Ambrósii confessoris tui  
atque Pontíficis nos ubique  
orátio adjuvet : in cujus vene-  
ratione hæc tuæ obtúlimus  
majestáti. Per Dóminum.

*Die viii. Decembris.*

IN CONCEPTIONE B.  
MARIE VIRGINIS.

*Introitus.*

*Sedulus.*

**S**alve sancta Parens, enixa  
puérpera Regem : qui cœ-  
lum terrámque regit in sæcula  
sæculórum.

*Psal. 44.* Eructávit cor  
meum verbum bonum : dico  
ego ópera mea Regi.

℣. Glória Patri.

*Oratio.*

**F**Amulis tuis, quæsumus  
Dómine, cœléstis grátiae  
munus impertíre : ut, quibus  
beátæ Vírginis partus éxitit  
salútis exórdium, Concepti-  
onis ejus votíva solémnitas,  
pacis tríbuat incrementum.  
Per Dóminum.

*Et sit commemoratio Ferie.*

Léctio libri Sapiéntiæ.

*Prov. 8. c.*

**D**ominus possédit me in  
inítio viárum suárum,  
antequam quidquam fáceret à  
princípio. Ab ætérno ordiná-  
ta sum, & ex antiquis, ante-  
quam terra fieret. Nondum  
erant abyssi, & ego jam con-  
cépta eram : necdum fontes

aquárum erúperant : necdum  
montes gravi mole constíte-  
rant : ante colles ego parturié-  
bai : adhuc terram non féce-  
rat, & flúmina, & cárdines or-  
bis terræ. Quando præparábat  
cœlos, áderam : quando certa  
lege, & gyro vallábat abyssos :  
quando æthera firmábat sur-  
sum, & librábat fontes aquá-  
rum : quando circúmdabat ma-  
ri términum suum, & legem  
ponébat aquis, ne transírent  
fines suos : quando appendé-  
bat, fundaménta terræ. Cum eo  
eram, cuncta compónens : &  
delectábar per síngulos dies,  
ludens coram eo omni témpo-  
re : ludens in orbe terrárum : &  
delíciæ meæ, esse cum filiis  
hóminum. Nunc ergo filii  
audíte me. Beáti qui cus-  
todiunt vias meas. Audíte  
disciplínam, & estóte sapién-  
tes, & nolíte abjícere eam.  
Beátus homo qui audit me, &  
qui vígilat ad fores meas  
quotídie, & obsérvat ad postes  
óstii mei. Qui me invéne-  
rit, invéniet vitam, & háuriet  
salútem à Dómino.

*Graduale.* Benedícta & ve-  
nerábilis es virgo María : quæ  
fine tactu pudóris, invénta es  
mater Salvatóris. ℣. Virgo  
Dei génitrix, quem totus non  
capit orbis, in tua se clausit víf-  
cera, factus homo. Allelúia,  
allel. ℣. Felix es sacra virgo  
María, & omni laude digníssi-  
ma : quia ex te ortus est sol  
justítiae, Christus Deus noster.  
Allelúia.

Inítium sancti Eyangélíi se-  
cúndum Matthæum.

*Matth. 1.*

**L**iber generatiónis Jesu  
Christi filii David, filii  
Abra-



Abraham. Abraham genuit Isaac. Isaac autem genuit Jacob. Jacob autem genuit Judam, & fratres ejus. Judas autem genuit Phares, & Zaram de Thamar. Phares autem genuit Efron. Efron autem genuit Aram. Aram autem genuit Amínadab. Amínadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomónem ex ea quæ fuit Uríæ. Salomon autem genuit Róboam. Róboam autem genuit Abíam. Abías autem genuit Afa. Afa autem genuit Jósaphat. Jósaphat autem genuit Joram. Joram autem genuit Ozíam. Ozías autem genuit Jóatham. Jóatham autem genuit Achaz. Achaz autem genuit Ezechías. Ezechías autem genuit Manáffen. Manáffes autem genuit Amon. Amon autem genuit Josíam. Josías autem genuit Jechoniam, & fratres ejus in transmigratione Babylónis. Et post transmigrationem Babylónis: Jechonías genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud autem genuit Elíacim. Elíacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleázar. Eleázar autem genuit Mathan. Mathan autem genuit Jacob. Jacob autem genuit Joseph virum Ma-

riæ, de qua natus est Jesus, qui vocatur Christus. Credo.

*Et dicitur per totam Octavam, etiam in Festis.*

*Offertorium.* Beáta es virgo María, quæ ómnium portásti Creatórem: genuísti qui te fecit, & in ætérnum pèrmanes virgo. *Secreta.*

**U**Nigéniti tui, Dómine, nobis succúrrat humanitas: ut, qui natus de Vírgine, matris integritatem non minuit, sed sacrávit; in Conceptionis ejus solémniis, nostris nos piáculis éxuens, oblationem nostram tibi fáciat accéptam Jesus Christus Dóminus noster. Qui tecum vivit, &c.

*Præfatio de B. V.* Et te in Conceptione. *Et dicitur etiam in festis infra Oct.*

*Communio.* Beáta víscera Mariæ vírginis, quæ portavérunt ætérnis Patris Fílium.

*Postcommunio.*

**S**umpsimus, Dómine, celebritátis ánnuæ votíva sacraménta: præsta quæsumus; ut & temporális vítæ nobis remédia præbeant, & ætérnæ. Per Dóminum.

*Die ix. Decembris.*

¶ *Infra Octavam Conceptionis B. M. & in die Octava dicitur Missa sicut in die Festi: & infra Oct. dicitur secunda Oratio Feriæ, tertia de Spiritu sancto, nisi hæc occurrat dici de aliquo Festo Simplici.*

*Die x. Decembris.*

¶ *Pro commemorat. S. Melchiadis Papæ & mart. Oratio.*

**I**nfirmitatem nostram respice omnipotens Deus: & quia pondus propriæ actionis gra-



gravat, beāti Melchíadis mártiris tui atque Pontíficis, intercessio gloriósa nos próteget. Per Dóminum. *Secreta.*

**H**ostias tibi, Dómine, beāti Melchíadis mártiris tui atque Pontíficis dicátas méritis, benígnus asúme: & ad perpétuum nobistríbe proveníre subsidium. Per Dóminum. *Postcommunio.*

**R**eféctiparticipatióne muneris sacri, quæsumus Dómine Deus noster: ut, cujus exéquimur cultum, intercedente beáto Melchíade mártire tuo atque Pontífice sentiámus effectum. Per Dóminum.

*Die xi. Decembris.*

IN FESTO S. DAMASI  
Papæ & Confessoris.

*Introitus. Psal. 131.*

**S**acerdotes tui, Dómine, sínduant justítiam, & sancti tui exúltent: propter David servum tuum, non avértas fáciem Christi tui.

*Psal. ibid. Meménto Dómine David, & omnis mansuetudinis ejus.*

*v. Glória Patri. Oratio.*

**E**xáudi Dómine preces nostras: & interveniente beáto Dámaso Confessore tuo atque Pontífice, indulgéntiam nobistríbe placátus, & pacem. Per Dóminum.

*Et fit commem. de Oct. Concept. Fámulistuis. 325. & Feriæ.*

Léctio Epístolæ beāti Pauli  
Apóstoli ad Hebræos.

*Hebr. 7. d.*

**F**ratres, Plures facti sunt sacerdotes, idcirco quòd

morte prohiberéntur permanere: Jesus autem eò quòd maneat in ætérnum, sempitérnum habet sacerdotium. Unde & salváre in perpétuum potest accedéntes per semetípsum ad Deum: semper vivens ad interpellándum pro nobis. Talis enim decébat ut nobis esset Póntifex, sanctus, ínnocens, impollútus, segregátus à peccatóribus, & excélsior cœlis factus: qui non habet necessitàtem quotidie, quemádmódum sacerdotes, prius pro suis delíctis hóstias offérre, deínde pro pópuli: hoc enim fecit semel, seípsum offeréndo, Jesus Christus Dóminus noster.

*Graduale. Eccli. 44. Ecce facérdos magnus, qui in diébus suis plácuít Deo. v. Non est invéntus símilis illi, qui conserváret legem Excélsi.*

*Allelúia, allel. v. Ps. 109. Tu es facérdos in ætérnum, secúndum órduem Melchísedech. Allelúia.*

Sequéntia sancti Evangélíi secúndum Matthæum.

*Matth. 24.*

**I**n illo témpore: Dixit Jesus discípulis suis: Vigilate, quia nescítis qua hora Dóminus vester ventúrus sit. Illud autem scitóte, quóniam si sciret paterfamílias, qua hora fur ventúrus esset, vigiláret útique, & non síneret pérforari domum suam. Ideò & vos estóte parátí: quia qua nescítis hora Fílius hóminis ventúrus est. Quis, putas, est fidélis servus & prudens, quem constitúit dóminus suus super familiam suam, ut det illis cibum in témpore? Beátus ille, fer-



fervus, quem, cum venerit dominus ejus, invenerit sic facientem. Amen dico vobis, quoniam super omnia bona sua constituet eum. Credo.

*Offertorium. Psal. 88.* Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum.

*Secreta.*

**A**ccépta tibi fit Dómine, sacratæ plebis oblatio, pro tuorum honóre Sanctórum: quorum se méritis de tribulatione percepisse cognóscit auxílium. Per Dóminum.

*Pro Oct. Concept. Secreta.* Unigéniti tui. 326.

*Communio. Matth. 25.* Dómine, quinque talénta tradísti mihi, ecce ália quinque superlucrátus sum: euge serve bone & fidélis: quia in pauca fuísti fidélis, supra multa te constitúam, intra in gáudium dómni tui.

*Postcommunio.*

**D**A, quæsumus Dómine, fidélibus pópulis, sanctórum tuorum semper veneratíone lætári: & eórum perpétua supplicatíone muníri. Per Dóminum nostrum.

*Pro Octava Conceptionis, Postcommunio.* Sumpsimus Dómine. *ut supra.* 326.

*Die xiii. Decembris.*

IN FESTO S. LUCIÆ  
virginis & martyris.

*Introitus. Psal. 44.*

**D**ilexísti justítiam, & odísti iniquitátem: proptéreà unxit te Deus, Deus tuus óleo lætítie pro confortibus tuis.

*Psal. ibid.* Eructávit cor meum verbum bonum: dico ego ópera mea Regi.

*v. Glória Patri. Oratio.*

**E**Xáudi nos Deus salutáris noster: ut sicut de beátæ Lúciæ vírginis & mártiris tuæ festivitáte gaudémus; ita piæ devotíonis erudiámur afféctu. Per Dóminum.

*Et fit commemor. de Octav. Conceptionis, Oratio.* Fámulis tuis. 325. & *Feriae.*

Léctio Epístolæ beáti Pauli Apóstoli ad Corínthios.

*2. Cor. 10. d. & 11.*

**F**Ratres, Qui gloriátur, in Dómino gloriétur. Non enim qui seípsum comméndat, ille probátus est; sed quem Deus comméndat. Utinam sustinerétis módicum quid insipiéntiæ meæ, sed & suppor-táte me. Æmulor enim vos Dei æmulatíone. Despóndi enim vos uni viro vírginem castam exhibére Christo.

*Graduale. Psal. 44.* Dilexísti justítiam, & odísti iniquitátem. *v.* Proptéreà unxit te Deus, Deus tuus óleo lætítie. Allelúia, allelúia. *v.* Diffúsa est grátia in lábiis tuis: proptéreà benedíxit te Deus in ætérnum. Allelúia.

Sequéntia sancti Evangélíi secúndum Matthæum.

*Matth. 13. f.*

**I**N illo témpore: Dixit Jesus discípulis suis parábolam hanc: Símile est regnum cœlórum thesauro abscondito in agro: quem qui invenit homo, abscondit, & præ gáudio illíus vadit, & vendit univérsa quæ habet, & emit agrum illum. Iterum símile est

re-



regnum cœlorum homini negotiâtori quærenti bonas margaritas. Inventa autem una pretiosa margarita, abiit, & vendidit omnia quæ habuit, & emit eam. Iterum simile est regnum cœlorum sagænæ missæ in mare, & ex omni genere piscium congreganti. Quam, cum impléta esset, educéntes, & secus littus sedéntes, elegérunt bonos in vasa, malos autem foras misérunt. Sic erit in consummatione sæculi. Exibunt Angeli, & separábunt malos de médio iustorum, & mittent eos in caminum ignis: ibi erit fletus, & stridor dentium. Intellexistis hæc omnia? Dicunt ei: Etiam. Ait illis: Ideò omnis scriba doctus in regno cœlorum, similis est homini patrifamilias, qui profert de thesauro suo nova & vètera. Credo.

*Offertorium. Psal. 44.* Afferéntur Regi vírgines post eam: próximæ ejus afferéntur tibi in lætítia & exultatione: adducéntur in templum Regi Dómino.

*Secreta.*

**A** Ccépta tibi sit, Dómine, sacratæ plebis oblátio, pro tuorum honóre sanctórum: quorum se méritis percepisse de tribulatione cognóscit auxílium. Per Dóminum.

*Pro Octava Conceptionis, Secreta.* Unigéniti tui. *ut suprà. 326.*

*Communio. Psal. 118.* Príncipes perfecúti sunt me gratis: & à verbis tuis formidávit cor meum: lætabor ego super elóquia tua, quasi qui invénit spólia multa.

*Postcommunio.*

**S** Atiásti Dómine famíliam tuam munéribus sacris: ejus, quæsumus, semper interventióne nos réfove, cujus solémnia celebrámus. Per Dóminum.

*Pro Oct. Concept. Postcommunio.* Sumpsimus Dóminæ. *ut suprà. 326.*

*Die xv. Decembris.*

*In Octava Conceptionis B. Mariæ, Missa ut in die, cum commem. Feriæ.*

*Die xvi. Decembris.*

IN FESTO S. EUSEBII Episcopi Vercellensis, & martyris.

*Missa. Sacerdotes Dei. ut in Comuni unius Martyr. Pontificis. cum commemor. Feriæ.*

*Die xviii. Decembris.*

IN FESTO EXPECTATIONIS B. M. V.

*Introitus.*

*Isa. 45.*

**R** Oráte cœli desuper, & nubes pluant justum: aperiátur terra, & gérminet Salvatórem.

*Psal. 18.* Cœli enarrant glóriam Dei, & ópera manuum ejus annúntiat firmamentum.

*V. Glória Patri.*

*Oratio.*

**D** Eus, qui de beatæ Mariæ vírginis útero, Verbum tuum, Angelo nuntiánte, carnem suscipere voluisti: præsta supplicibus tuis; ut qui verè eam genitrícem Dei credimus, T, t. ejus.



ejus apud te intercessiónibus adjuvémur. Per eúmdem Dóminum nostrum.

*Deinde fit commem. Feriæ.*

Lectio Isaíæ Prophétæ.

*Isaia 7. b.*

**I**N diébus illis: Locútus est Dóminus ad Achaz, dicens: Petè tibi signum à Dómino Deo tuo in profúndum inférni, sive in excélsu supra. Et dixit Achaz: Non petam, & non tentábo Dóminum. Et dixit: Audíte ergo domus David: Numquid parum vobis est, moléstos esse homínibus, quia molésti estis & Deo meo? Propter hoc dabit Dóminus ipse vobis signum. Ecce virgo concípiet, & páriet filiúm, & vocábitur nomen ejus Emmánuel. Butyrum & mel cómedet, ut sciat reproháre malum, & elígere bonum.

*Graduale. Psal. 23.* Tóllite portas, príncípès, vestras, & elevámini portæ æternáles: & introíbit Rex glóriæ. *℣.* Quis ascéndet in montem Dómini? aut quis stabit in loco sancto ejus? innocens mánibus, & mundo corde. Allelúia, allel.

*℣. Luc. 1.* Ecce virgo concipiet, & páriet filiúm Jesum Christum. Allelúia.

Sequéntia sancti Evangélíi secúndum Lucam.

*Luc. 1. c.*

**I**N illo témpore: Missus est Angelus Gábriel à Deo in civitátem Galilææ, cui nomen Názareth, ad vírginem desponsátam viro, cui nomen erat Joseph, de domo David, & nomen vírginis Maria. Et ingrédessus Angelus ad eam dixit: Ave grátia plena: Dóminus tecum: Benedícta tu in

mulieribus. Quæ cum audisset, turbáta est in sermóne ejus, & cogitábat qualis esset ista salutátio. Et ait Angelus ei: Ne tímeas María; invénisti enim grátiam apud Deum: ecce concípies in útero, & paries filium, & vocábis nomen ejus Jesum. Hic erit magnus, & Fílius Altíssimi vocábitur, & dabit illi Dóminus Deus sedem David patris ejus: & regnábit in domo Jacob in ætérnum, & regni ejus non erit finis. Dixit autem María ad Angelum: Quómodo fiet istud, quóniam virum non cognósko? Et respóndens Angelus, dixit ei: Spíritus sanctus supervéniet in te, & virtus Altíssimi obumbrábit tibi. Ideóque & quod nascétur ex te Sanctum, vocábitur Fílius Dei. Et ecce Elísabeth cognáta tua, & ipsa concépit filium in senectúte sua: & hic mensis sextus est illi, quæ vocátur stérilis: quia non erit impossíbile apud Deum omne verbum. Dixit autem María: Ecce ancílla Dómini, fiat mihi secúndum verbum tuum. Credo.

*Offertorium. Luc. 1.* Ave María, grátia plena: Dóminus tecum: Benedícta tu in mulieribus, & benedíctus fructus ventris tui.

*Secreta.*

**I**N méntibus nostris, quæsumus Dómine, veræ fidei sacraménta confirma: ut qui concéptum de vírgine Deum verum & hóminem confitémur, per ejus salutíferæ resurrectiónis poténtiam, ad ætérnam mereámur pervenire lætítiam. Per eúmdem Dóminum.

*Præfatio de B. Maria.* Et te in Expectatióne.

*Com-*



*Communio. Isa. 7.* Ecce Virgo concipiet, & pariet filium; & vocabitur nomen ejus Emmanuel.

*Postcommunio.*

**G**Ratiam tuam, quaesumus Domine, mentibus nostris infunde: ut, qui Angelo nuntiante, Christi Filii tui incarnationem cognovimus; per passionem ejus & crucem, ad resurrectionis gloriam perducamur. Per eundem Dominum nostrum,

*Si hoc festum venerit Feria iv. Quatuor Temporum, in fine Missae non dicitur Evangelium Ferae, quia dictum est, sed S. Joannis.*

*Die xx. Decembris.*

IN VIGILIA S. THOMÆ.

*dicitur Missa. Ego autem sicut oliva. de Communi in Vigilia. Apostolorum. i. cum commem. Ferae Adventus: & in ea servetur Rubrica posita in Vigilia S. Andreae.*

*Si autem hæc Vigilia venerit in Quatuor Temporibus, de ea fit tantum commemoratio.*

*Die xxi. Decembris.*

IN FESTO S. THOMÆ APOSTOLI.

*Introitus. Psal. 138.*

**M**Ihi autem nimis honorati sunt amici tui Deus: nimis confortatus est principatus eorum.

*Psal. ibid.* Domine probasti me, & cognovisti me: tu cognovisti sessionem meam, & resurrectionem meam.

*v. Gloria Patri.*

*Oratio.*

**D**A nobis, quaesumus Domine, beata Apostoli tui Thomæ solemnitatibus gloriari: ut ejus semper & patrociniis sublevemur, & fidem congrua devotione sectemur. Per Dominum.

Lectio Epistolæ beati Pauli Apostoli ad Ephesios.

*Ephes. 2. d.*

**F**Ratres, Jam non estis hospites, & advenæ: sed estis cives sanctorum, & domestici Dei: superædificati super fundamentum Apostolorum, & Prophetarum, ipso summo angulari lapide Christo Jesu: in quo omnis ædificatio constructa crescit in templum sanctum in Domino, in quo & vos coædificamini in habitaculum Dei, in Spiritu.

*Graduale. Psal. 138.* Nimis honorati sunt amici tui Deus: nimis confortatus est principatus eorum. *v.* Dinumerabo eos: & super arenam multiplicabuntur.

Allelúia, allelúia.

*v. Psal. 32.* Gaudete justi in Domino: rectos decet collaudatio. Allelúia.

Sequéntia sancti Evangelii secundum Joannem.

*Joan. 20. f.*

**I**N illo tempore: Thomas, unus ex duodecim, qui dicitur Dídymus, non erat cum eis, quando venit Jesus. Dixérunt ergo ei alii discipuli: Vídimus Dominum. Ille autem dixit eis: Nisi videro in manibus ejus fixuram clavorum, & mittam digitum meum in locum clavorum, & mittam manum meam in la-



tus ejus, non credam. Et post dies octo, iterum erant discipuli ejus intus: & Thomas cum eis. Venit Jesus januis clausis, & stetit in medio, & dixit: Pax vobis. Deinde dicit Thomæ: Infer digitum tuum huc, & vide manus meas, & affer manum tuam, & mitte in latus meum: & noli esse incredulus, sed fidelis. Respondit Thomas, & dixit ei: Dominus meus, & Deus meus. Dixit ei Jesus: Quia vidisti me Thoma, credidisti: beati qui non vident, & crediderunt. Credo.

*Offertorium. Ps. 18.* In omnem terram exivit sonus eorum: & in fines orbis terræ verba eorum. *Secreta.*

**D**ebitum tibi, Domine, nostræ reddimus servitutis, suppliciter exorantes: ut suffragiis beati Thomæ Apostoli, in nobis tua munera tuearis, cujus honoranda confessione, laudis tibi hostias immolamus. Per Dominum nostrum.

*Præfatio de Apostolis. Communio. Jo. 20.* Mitte manum tuam, & cognosce loca clavorum: & noli esse incredulus, sed fidelis.

*Postcommunio.*

**A**desto nobis misericors Deus: & intercedente pro nobis beato Thoma Apostolo, tua circa nos propitiatus dona custodi. Per Dominum.

## FESTA JANUARIi.

*Die xi. Januarii.*

¶ *Pro commem. S. Hygini Papæ & mart.*

*Oratio.*

**I**nfirmitatem nostram respice omnipotens Deus: & quia pondus propriæ actionis

gravat, beati Hygini martyris tui atque Pontificis, intercessio gloriosa nos protegat. Per Dominum.

*Tertia Oratio de S. Maria.* Deus, qui salutis. ut infra. 334.

*Secreta.*

**H**ostias tibi, Domine, beati Hygini martyris tui atque Pontificis dicatas meritis, benignus assume: & ad perpetuum nobis tribue provenire subsidium. Per Dominum nostrum.

*Postcommunio.*

**R**efecti participatione muneris sacri, quæsumus Domine Deus noster: ut, cujus exequimur cultum, intercedente beato Hygino martyre tuo atque Pontifice, sentiamus effectum. Per Dominum.

*Dominica ii. Post Epiphaniam.*

IN FESTO SS. NOMINIS JESU.

*Introitus. Phil. 2.*

**I**N nomine Jesu omne genu flectatur, cœlestium, terrestrium, & infernorum: & omnis lingua confiteatur, quia Dominus Jesu Christus in gloria est Dei Patris.

*Psal. 8.* Domine Dominus noster, quam admirabile est nomen tuum in universa terra!

℣. Gloria Patri.

*Oratio.*

**D**eus, qui unigenitum Filium tuum constituisti humani generis Salvatorem, & Jesum vocari jussisti: concede propitius; ut cujus sanctum Nomen veneramur in terris, ejus quoque aspectu perfruamur in cœlis. Per eundem Dominum.

*Deinde*



*Deinde fit commemor. Dominicæ secundæ post Epiphaniam.*  
*Oratio.*

**O**Mnípotens sempitérne Deus, qui cœléstia simul & terréna moderáris: supplicatiónes pópuli tui cleménter exáudi, & pacem tuam nostris concéde tempóribus. Per Dóminum.

Léctio Actuum Apostolorum.

*Act. 4.*

**I**N diébus illis: Petrus replétus Spíritu sancto, dixit: Principes pópuli, & senióres audíte: Si nos hódie dijudicámur in benefácto hóminis infirmi, in quo iste salvus factus est; notum sit ómnibus vobis, & omni plebi Israél, quia in nómine Dómini nostri Jesu Christi Nazaréni, quem vos crucifixístis, quem Deus suscitávit à mórtuis, in hoc iste astat coram vobis sanus. Hic est lapis, qui reprobátus est à vobis ædificántibus: qui factus est in caput ánguli: & non est in álio áliquo salus. Nec enim áliud nomen est sub cœlo datum homínibus, in quo opórteat nos salvos fieri.

*Graduale. Psal. 105.* Salvos fac nos Dómine Deus noster, & cóngrega nos de natióibus: ut confiteámur nómini sancto tuo, & gloriémur in glória tua. *Ps. Isaia 63.* Tu Dómine, pater noster, & redemptor noster, à sæculo nomen tuum. Allelúia, allelúia.

*Ps. 144.* Laudem Dómini loquétur os meum, & benedícat omnis caro nomen sanctum ejus.

*Post Septuagesimam, ommissis Allelúia, & Ps. sequenti dicitur Tractus. Ps. 79. & Cant. 2.* Dómine Deus virtútum con-

verte nos: & osténde faciém tuam, & salvi érimus: sonet vox tua in áuribus meis.

*Ps. Cant. 2.* Vox enim tua dulcis, & facies tua decóra nimis.

*Ps. Cant. 1.* Oleum effúsum nomen tuum Jesu: ideò adolescentulæ dilexérunt te.

*Tempore Pasch. in Missis Votivis.* Allelúia, allelúia.

*Ps. 144.* Laudem Dómini loquétur os meum, & benedícat omnis caro nomen sanctum ejus. Allelúia.

*ibid.* Exaltábo te, Deus meus Rex, & benedicam nómini sancto tuo Jesu in sæculum, & in sæculum sæculi. Allelúia.

Sequéntia sancti Evangélii secundum Lucam.

*Luc. 2. c.*

**I**N illo témpore: Postquam consummáti sunt dies octo, ut circumciderétur puer: vocátum est nomen ejus Jesus, quod vocátum est ab Angelo priúsquam in útero conciperétur.

*Et dicitur Credo.*

*Offertorium. Psal. 85.* Confitebor tibi Dómine Deus meus in toto corde meo, & glorificábo nomen tuum in ætérnum. Quóniam tu Dómine suávis & mitis es, & multæ misericórdiæ ómnibus invocántibus te, allelúia.

*Secreta.*

**B**enedíctio tua, clementíssimé Deus, qua omnis víget creatúra, sanctíficet, quæsumus, hoc sacrificium nostrum, quod ad glóriam nominis Fílii tui Dómini nostri Jesu Christi offerimus tibi: ut majestáti tuæ placére possit ad laudem,



laudem, & nobis proficere ad salutem. Per eundem Dominum.

*Pro Dominica secunda post Epiphaniam.*

*Secreta.*

**O**blata, Domine, munera sanctifica: nosque à peccatorum nostrorum maculis emunda. Per Dominum.

*Præfatio de Nativitate.*

*Communio. ib.* Omnes gentes quascumque fecisti, venient, & adorabunt coram te, Domine, & glorificabunt nomen tuum: quoniam magnus es tu, & faciens mirabilia: tu es Deus solus, alleluia.

*Postcommunio.*

**O**Mnipotens æternæ Deus, qui creasti, & redemisti nos, respice propitius vota nostra: & sacrificium salutæ hostiæ, quod in honorem Nominis Filii tui Domini nostri Jesu Christi, majestati tuæ obtulimus; placido & benigno vultu suscipere digneris: ut gratia tua nobis infusa, sub glorioso nomine Jesu, æternæ prædestinationis titulo gaudeamus nomina nostra scripta esse in cælis. Per eundem Dominum.

*Pro Dominica secunda post Epiphaniam. Postcommunio.*

**A**ugeatur in nobis, quæsumus Domine, tuæ virtutis operatio: ut divinis vegetati sacramentis, ad eorum promissa capienda, tuo munere præparemur. Per Dominum.

*In fine Missæ legitur Evang. Dominicæ.*

*Die xiv. Januarii.*

IN FESTO S. HILARII  
Episcopi & Confessoris.

*Introitus. Eccli. 15.*

**I**N medio Ecclesiæ aperuit os ejus: & implevit eum Dominus spiritu sapientiæ & intellectus: stolam gloriæ induit eum.

*Psal. 91.* Bonum est confiteri Domino, & psallere nomini tuo, Altissime.

✠. Glória Patri.

*Oratio.*

**D**Eus, qui populo tuo æternæ salutis beatum Hilarium ministrum tribuisti: præsta quæsumus; ut, quem doctorem vitæ habuimus in terris, intercessorem habere mereamur in cælis. Per Dominum.

¶ *Pro commemor. S. Felicis Presbyteri, & martyris.*

*Oratio.*

**C**oncède quæsumus omnipotens Deus: ut ad meliorem vitam, sanctorum tuorum exempla nos provocent; quatenus quorum solèmnia agimus, etiam actus imitemur. *Tertia Oratio.*

**D**Eus, qui salutis æternæ, beatæ Mariæ virginitate fecunda, humano generi præmia præstitisti: tribue quæsumus; ut ipsam pro nobis intercedere sentiamus, per quam meruimus auctorem vitæ suscipere, Dominum nostrum Jesum Christum Filium tuum: Qui tecum vivit & regnat.

Lectio Epistolæ beati Pauli  
Apóstoli ad Timotheum.

*2. Tim. 4.*

**C**harissime, Testificor coram Deo, & Jesu Christo,



to, qui judicatúrus est vivos & mórtuos, per advéntum ipsíus, & regnum ejus: prædica verbum, instā opportúnè, importúnè: argue, óbsecra, increpa in omni patiéntia, & doctrína. Erit enim tempus, cū sanam doctrínā non sustinébunt, sed ad sua desidéria coacervábunt sibi magístros, pruriéntes áuribus, & à veritate quidem auditum avértent, ad fábulas autem converténtur. Tu verò vígila, in ómnibus labóra, opus fac Evangelístæ, ministériū tuū imple. Sóbrius esto. Ego enim jam delíbor, & tempus resolutionis meæ instat. Bonum certámen certávi, cursum consummávi, fidem servávi. In réliquo repósita est mihi coróna justítiæ, quam reddet mihi Dóminus in illa die justus judex: non solūm autem mihi, sed & iis qui díligunt advéntum ejus.

*Graduale. Psal. 36.* Os justī meditatūbitur sapiéntiam, & lingua ejus loquétur judícium.

℣. Lex Dei ejus in corde ipsíus: & non supplantabúntur gressus ejus. Allelúia, allel.

℣. *Eccli. 46.* Amávit eum Dóminus, & ornávit eum: stolam glóriæ induit eum. Allelúia.

*Post Septuag. omissis Allelúia, & ℣. sequenti, dicitur Tractus. Psal. 111.* Beátus vir, qui timet Dóminum: in mandátis ejus cupit nimis.

℣. Potens in terra erit semen ejus: generátio rectórum benedicétur. ℣. Glória & divítiæ in domo ejus: & justitia ejus manet in sæculum sæculi.

Sequéntia sancti Evangelii secundū Matthæum.

*Matth. 5. b.*

**I**N illo témpore: Dixit Jesus discíplis suis: Vos estis sal terræ. Quòd si sal evanúerit, in quo salietur? ad níhilum valet ultrà, nisi ut mittátur foras, & conculcétur ab homínibus. Vos estis lux mundi. Non potest civitas abscondi supra montem pósta. Neque accéndunt lucérnam, & ponunt eam sub módio, sed super candelábrum, ut luceat ómnibus qui in domo sunt. Sic luceat lux vestra coram homínibus, ut vídeant ópera vestra bona: & gloríficent Patrem vestrum, qui in cœlis est. Nolíte putáre quóniam veni sółvere legem, aut Prophétas: non veni sółvere, sed adimplére. Amen quippe dico vobis, donec tránseat cœlum & terra, ióta unum, aut unus apex non præteríbit à lege, donec ómnia fiant. Qui ergo sółverit unum de mandátis istis mínimis, & docúerit sic homines, mínimus vocábitur in regno cœlórum: qui autem fécerit & docúerit, hic magnus vocábitur in regno cœlórum.

*Offertorium. Psal. 91.* Justus ut palma florébit: sicut cedrus, quæ in Líbano est, multiplicábitur.

*Secreta.*

**S**Ancti tui Hilárii nobis, Dómine, pia non desit orátio: quæ & múnera nostra concíliet, & tuam nobis indulgéntiam semper obtíneat. Per Dóminum nostrum.

*Pro*



*Pro S. Felice. Secreta.*

**H**ostias tibi, Dómine, beáti Felícis mártiris tui dicátas méritis, benígnus assúme: & ad perpétuum nobis tríbue proveníre subsídium.

*De S. Maria. Secreta.*

**M**Unéribus nostris, quæsumus Dómine, precibúsque fuscéptis: & cœléstibus nos munda mystériis, & cleménter exáudi. Per Dóminum.

*Communio. Luc. 12.* Fidélis fervus & prudens, quem constituit dóminus super familiam suam: ut det illis in tēpore trítici mensúram.

*Postcommunio.*

**U**T nobis, Dómine, tua sacrificia dent salútem: beátus Hilárius conféssor tuus, & doctór egregius, precátor accédát. Per Dóminum.

*Pro S. Felice. Postcommunio.*

**Q**uæsumus Dómine, salutaribus repléti mystériis: ut beáti Felícis mártiris tui, cujus solémnia celebrámus, oratióibus adjuvémur.

*De S. Maria. Postcommunio.*

**H**æc nos commúnio, Dómine, purget à crímine: & intercedénte beáta vírgine Dei genitríce Mariá, cœléstis remédii fáciat esse consórtes. Per eúndem Dóminum.

¶ *Si contingat festum S. Hilarii transferri in alium diem, non tamen prædicta commem. S. Felicis transfertur, sed de ea fit suo die: quod & in sequenti festo, & in similibus semper servatur.*

*Die xv. Januarii.*

IN FESTO S. PAULI PRIMARI ERMITÆ.

*Introitus. Psal. 91.*

**J**ustus ut palma florébit: sicut cedrus Líbani multiplicábitur: plantátus in domo Dómini, in átriis domus Dei nostri.

*Psal. ibid.* Bonum est confitéri Dómino, & psállere nómini tuo, Altíssime.

v. Glória Patri.

*Oratio.*

**D**Eus, qui nos beáti Pauli Confessóris tui ánnua solemnitate lætíficas: concede propítius; ut cujus natalitia cólimus, étiam actiões imitémur. Per Dóminum.

*Pro commemorat. S. Mauri Abbatís. Oratio.*

**I**ntercéssio nos, quæsumus Dómine, beáti Mauri Abbatís comméndet: ut quod nostris méritis non valémus, ejus patrocínio assequámur. Per Dóminum.

Léctio Epístolæ beáti Pauli Apóstoli ad Philippénfes.

*Phil. 3. b.*

**F**Ratres, Quæ mihi fuerunt lucra, hæc arbitrátus sum propter Christum detrimenta. Verúmtamen exístimo ómnia detrimentum esse propter eminentem sciéntiam Jesu Christi Dómini mei: propter quem ómnia detrimentum feci, & árbitor ut stérco-ra, ut Christum lucrifáciam, & invéniam in illo, non habens meam justítiam, quæ ex lege est: sed illam quæ ex fide est Christi Jesu: quæ ex Deo est justítia in fide ad cognoscéndum illum, & virtútem resurrectionis ejus, & societátem passiónum illius: configurá-tus



tus morti ejus: si quo modo occurrā ad resurrectionem, quæ est ex mortuis: non quod jam accēperim, aut jam perfectus sim: sequor autem, si quo modo comprehendam, in quo & comprehensus sum à Christo Jesu.

*Graduale. Psal. 91.* Justus ut palma florēbit: sicut cedrus Libani multiplicābitur in domo Dōmini. *v.* Ad annuntiāndum manē misericōrdiam tuam, & veritatem tuam per noctem. Allelūia, allelūia.

*v. Osee 14.* Justus germinābit sicut liliū: & florēbit in ætēnum ante Dōminum. Allelūia.

*Si hoc Festum celebretur post Septuagesimam, omissis Allelūia, & v. sequenti, dicitur Tractus. Psal. 111.* Beātus vir, qui timet Dōminum: in mandātis ejus cupit nimis.

*v.* Potens in terra erit semen ejus: generatio rectōrum benedicetur. *v.* Glōria & divitiæ in domo ejus: & justitia ejus manet in sæculum sæculi.

Sequētia sancti Evangēlii secundū Matthæum.

*Matth. 11. d.*

**I**N illo tēpore: respōndens Jesus dixit: Confiteor tibi Pater, Dōmine coeli & terræ, quia abscondisti hæc à sapiētibz & prudentibz, & revelasti ea parvulis. Ita Pater: quoniam sic fuit placitum ante te. Omnia mihi trādita sunt à Patre meo; Et nemo novit Fīlium, nisi Pater: neque Patrem quis novit, nisi Fīlius, & cui voluerit Fīlius revelāre. Venite ad

me omnes, qui laborātis, & onerāti estis, & ego reficiam vos. Tōllite jugum meum super vos, & discite à me, quia mitis sum, & hūmilis corde: & inveniētis requiem animabus vestris. Jugum enim meum suāve est, & onus meum leve.

*Offertorium. Psal. 20.* In virtute tua, Dōmine, lætābitur justus, & super salutare tuum exultābit vehemēter: desiderium animæ ejus tribuisti ei.

*Secreta.*

**L**Audis tibi, Dōmine, hostias immolāmus, in tuorum commemoratiōne sanctorum: quibus nos & præsētibz exui malis confidimus, & futuris. Per Dōminum.

*Pro S. Mauro. Secreta.*

**P**Ræsta nobis, quæsumus omnipotens Deus: ut nostræ humilitatis oblatio, & pro tuorum tibi grata sit honore sanctorum, & nos corpore pariter & mente purificet. Per Dōminum.

*Communio. Ps. 63.* Lætābitur justus in Dōmino, & sperābit in eo: & laudabūntur omnes recti corde.

*Postcommunio.*

**R**EFECTI cibo potūque cœlesti, Deus noster, te supplices exorāmus: ut in cujus hæc commemoratiōne percēpimus, ejus muniamur & precibus. Per Dōminum.

*Pro S. Mauro Abbate.*

*Postcommunio.*

**P**Rôtegat nos, Dōmine, cum tui perceptiōne sacramenti beātus Maurus Abbas, pro nobis intercedēdo: ut & conversatiōnis ejus experiāmur insignia, & inter-

U u

cessiō-



cessiónis percipiámus suffragia. Per Dóminum.

*Die xvi. Januarii.*

IN FESTO S. MARCELLI  
PAPÆ ET MARTYRIS.

*Introitus. Eccli. 45. c.*

**S**Tátuit ei Dóminus testaméntum pacis: & príncipem fecit eum: ut sit illi sacerdotii dignitas in ætérnum.

*Ps. 131.* Meménto Dómine David, & omnis mansuetúdinis ejus. *v.* Glória Patri.

*Oratio.*

**P**Reces pópuli tui, quæsumus Dómine, cleménter exáudi: ut beáti Marcelli mártiris tui atque Pontíficis méritis adjuvémur, ejus passionē lætámur. Per Dóminum.

Léctio Epístolæ beáti Pauli  
Apóstoli ad Corínthios.

*2. Cor. 1.*

**F**Ratres, Benedíctus Deus, & Pater Dómini nostri Jesu Christi, Pater misericórdiarum, & Deus totius consolatiónis, qui consolátur nos in omni tribulatióne nostra: ut possimus & ipsi consolári eos, qui in omni pressúra sunt, per exhortatióem, qua exhortámur & ipsi à Deo. Quóniam sicut abundant passiones Christi in nobis: ita & per Christum abundat consolatio nostra. Sive autem tribulámur pro vestra exhortatióne & salute, sive consolámur pro vestra consolatióne, sive exhortámur pro vestra exhortatióne & salute, quæ operáitur to-

lerántiam earúndem passiónum, quas & nos pátimur: ut spes nostra firma sit pro vobis: sciéntes, quòd sicut sócii passiónum estis, sic éritis & consolatiónis: in Christo Jesu Dómino nostro.

*Graduale. Ps. 88.* Invéni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum. *v.* Nihil proficiet inimícus in eo, & filius iniquitátis non nocébit ei. Allelúia, allelúia.

*v. Psal. 109.* Tu es facérdos in ætérnum secúndum órđinem Melchisedech. Allelúia.

*Si hoc Festum celebretur post Septuagesimam, omíssis Allelúia, & v. sequenti, dicitur Tractus. Psal. 20.* Desidérium animæ ejus tribuísti ei, & voluntáte labiórur ejus non fraudásti eum. *v.* Quóniam prævenísti eum in benedictiõnibus dulcedinis. *v.* Posuísti in cápite ejus coronam de lapide pretiõso.

Sequéntia sancti Evangélii secúndum Matthæum.

*Matth. 16.*

**I**N illo témpore: Dixit Jesus discíulis suis: Si quis vult post me veníre, abneget semetípsum, & tollat crucem suam, & sequátur me. Qui enim volúerit ánimam suam salvam fácere, perdet eam. Qui autem perdíderit ánimam suam propter me, invéniet eam. Quid enim prodest hómíni, si mundum univérsum lucrétur, ánimæ verò suæ detriméntum patiátur? Aut quam dabit homo com-



commutationem pro anima sua? Filius enim hominis venturus est in gloria Patris sui cum Angelis suis: & tunc reddet unicuique secundum opera ejus.

*Offertorium. Ps. 88.* Veritas mea, & misericordia mea cum ipso: & in nomine meo exaltabitur cornu ejus.

*Secreta.*

**S**uscipe, quaesumus Domine, munera dignanter oblata: & beati Marcelli martyris tui atque Pontificis suffragantibus meritis, ad nostrae salutis auxilium provenire concede. Per Dominum.

*Communio. Matt. 25.* Domine, quinque talenta tradidisti mihi, ecce alia quinque superlucratus sum: euge serve bone & fidelis: quia in pauca fuisti fidelis, supra multa te constituam, intra in gaudium Domini tui.

*Postcommunio.*

**S**atiasti Domine familiam tuam muneribus sacris: ejus, quaesumus, semper interventione nos refove, cujus solennia celebramus. Per Dominum.

*Die xvii. Januarii.*

IN FESTO S. ANTONII  
ABBATIS.

*Introitus. Psal. 36.*

**O**s justi meditabitur sapientiam, & lingua ejus loquetur judicium: lex Dei ejus in corde ipsius.

*Psal. ibid.* Noli aemulari in malignantibus: neque zelaveris facientes iniquitatem.

*v.* Gloria Patri.

*Oratio.*

**I**ntercessio nos, quaesumus Domine, beati Antonii Abbatis commendet: ut quod nostris meritis non valemus, ejus patrocinio assequamur. Per Dominum.

*Lectio libri Sapientiae.*

*Eccli. 45.*

**D**ilectus Deo & hominibus, cujus memoria in benedictione est. Similem illum fecit in gloria sanctorum, & magnificavit eum in timore inimicorum, & in verbis suis monstra placavit. Glorificavit illum in conspectu regum, & jussit illi coram populo suo, & ostendit illi gloriam suam. In fide & lenitate ipsius sanctum fecit illum, & elegit eum ex omni carne. Audivit enim eum & vocem ipsius, & induxit illum in nubem. Et dedit illi coram praecipua, & legem vitae & disciplinae.

*Graduale. Psal. 20.* Domine praevenisti eum in benedictionibus dulcedinis: posuisti in capite ejus coronam de lapide pretioso. *v.* Vitam petiit a te, & tribuisti ei longitudinem dierum in saeculum saeculi. Alleluia, alleluia.

*v. Psal. 91.* Justus ut palma florebit: sicut cedrus Libani multiplicabitur. Alleluia.

*Post Septuagesimam, omittis Alleluia, & Versu sequenti dicitur Tract. Psal. 111.* Beatus vir, qui timet Dominum: in mandatis ejus cupit nimis.

*v.* Potens in terra erit semen ejus: generatio rectorum benedicetur. *v.* Gloria & divitiae in domo ejus: & justitia ejus manet in saeculum saeculi.



Sequéntia sancti Evangélii secúndum Lucam.

*Luc. 12. c.*

**I**N illo témpore: Dixit Jesus discíplis suis: Sint lumbi vestri præcíncti, & lucérnæ ardéntes in mánibus vestris: & vos símiles homínibus expectántibus dóminum suum, quando revertatur à núptiis: ut, cùm vénerit, & pulsáverit, conféstim apériant ei. Beati servi illi, quos, cùm vénerit dóminus, invénerit vigilántes: amen dico vobis, quòd præcínget se, & faciet illos discumbere, & tránsiens ministrábit illis. Et si vénerit in secúnda vigília, & si in tertia vigília vénerit, & ita invénerit, beáti sunt servi illi. Hoc autem scitóte, quóniam si sciret paterfamílias, qua hora fur veníret, vigiláret útique, & non sîneret pérfodi domum suam. Et vos estóte paráti, quia qua hora non putátis, Fílius hóminis véniet.

*Offertorium. Psal. 20.* Desiderium ánimæ ejus tribuísti ei Dómine, & voluntáte labiórum ejus non fraudásti eum: posuísti in cápite ejus corónam de lápide pretióso.

*Secreta.*

**S**acris altáribus, Dómine, hóstias superpósitas sanctus Antónius Abbas, quæsumus, in salutem nobis proveníre depóscat. Per Dóminum.

*Communio. Luc. 12.* Fidélis servus & prudens, quem constituit dóminus super familiam suam: ut det illis in témpore tritici mensúram.

*Postcommunio.*

**P**róteget nos, Dómine, cum tui perceptióne sa-

craménti beátus Antónius Abbas, pro nobis intercedendo: ut & conversatiónis ejus experiámur insígnia, & intercessiósni percipiámus suffrágia. Per Dóminum.

*Die xviii. Januarii.*

**IN FESTO CATHEDRÆ S. PETRI,** qua Romæ primum sedit.

*Introitus. Eccl. 45.*

**S**Tátuit ei Dóminus testaméntum pacis, & príncipem fecit eum: ut sit illi sacerdotii dígnitas in ætérnum. *Psal. 131.* Meménto Dómine David, & omnis mansuetúdinis ejus.

*v. Glória Patri. Oratio.*

**D**Eus, qui beáto Petro Apóstolo tuo, collátis clávis regni cœléstis, ligandi atque solvéndi pontificium tradidísti: concéde, ut intercessiósni ejus auxílio, à peccatórum nostrórum nexibus liberémur. Qui vivis & regnas.

*Et fit commem. de S. Paulo ante quascumque commemoratiónes, etiam Dominicæ: quod & servatur in commem. S. Petri, quæ fit in festis S. Pauli.*

*Oratio.*

**D**Eus, qui multitudinem Géntium beáti Pauli Apóstoli prædicatióne docuísti: da nobis quæsumus; ut cujus commemoratiónem cólimus, ejus apud te patrocínia sentiámus.

*Deinde fit commem. S. Priscæ virginis & mart.*

*Oratio.*

**D**A, quæsumus, omnípotens Deus: ut qui beátæ Priscæ vírginis & mártiris tuæ



tux natalitia cõlimus, & annua solemnitãte lætemur, & tantæ fidei proficiãmus exẽm-  
plo. Per Dõminum.

Lectio Epistolæ beãti Petri  
Apõstoli. 1. Pet. 1.

**P**etrus Apostolus Jesu Christi, electis advenis dispersionis Ponti, Galatiæ, Cappadociæ, Asiæ, & Bithyniæ, secundum præscientiam Dei Patris, in sanctificationem Spiritus, in obedientiam, & asperionem sanguinis Jesu Christi: Grãtia vobis, & pax multiplicetur. Benedictus Deus, & Pater Dõmini nostri Jesu Christi, qui secundum misericordiam suam magnam regeneravit nos in spem vivam, per resurrectionem Jesu Christi ex mortuis, in hæreditatem incorruptibilem, & incontaminatam, & immarcescibilem, conservatam in cœlis in vobis, qui in virtute Dei custodimini per fidem in salutem, paratam revelari in tempore novissimo. In quo exultabitis, modicum nunc si oportet contristari in variis tentationibus: ut probatio vestræ fidei multo pretiosior auro (quod per ignem probatur) inveniat in laudem, & gloriã, & honorem, in revelatione Jesu Christi Dõmini nostri.

*Graduale. Psal. 106. Exal-  
tent eum in ecclesia plebis: &  
in cathedra seniorum laudent  
eum. V. Confiteantur Dõmi-  
no misericordiæ ejus: & mira-  
bilia ejus filiis hominum.*

*Si festum Cathedræ venerit an-  
te Septuagesimam, post Graduale  
statim dicitur, Allelûia, alle-  
lûia.*

*V. Matth. 16. Tu es Petrus,  
& super hanc petram ædificabo  
Ecclesiã meam. Allelûia.*

*Si autem venerit post Septua-  
gesimam, omittis Allelûia, &  
V, dicitur sequens Tractus. ibid.  
Tu es Petrus, & super hanc  
petram ædificabo Ecclesiã  
meam. V. Et portæ inferi  
non prævalébunt adversus e-  
am: & tibi dabo claves regni  
cœlorum. V. Quodcũque  
ligaveris super terram, erit li-  
gatum & in cœlis. V. Et quod-  
cũque solveris super terram,  
erit solutum & in cœlis.*

*Sequẽtia sancti Evangelii se-  
cundum Matthæum.*

*Matth. 16. b.*

**I**n illo tempore: Venit Je-  
sus in partes Cæsariæ Phi-  
lippi: & interrogabat disci-  
pulos suos, dicens: Quem  
dicunt homines esse Filiũ ho-  
minis? At illi dixerunt: Alii  
Joannem Baptistam, alii au-  
tem Eliã, alii verò Jeremiã-  
am, aut unum ex Prophætis.  
Dicit illis Jesus: Vos autem  
quem me esse dicitis? Respon-  
dens Simon Petrus dixit: Tu  
es Christus Filius Dei vivi.  
Respondens autem Jesus dix-  
it ei: Beatus es Simon Bar-  
Jona: quia caro & sanguis  
non revelavit tibi, sed Pater  
meus, qui in cœlis est. Et  
ego dico tibi, quia tu es Pe-  
trus, & super hanc petram æ-  
dificabo Ecclesiã meam, &  
portæ inferi non prævalébunt  
adversus eam. Et tibi dabo  
claves regni cœlorum. Et  
quodcũque ligaveris super  
terram, erit ligatum & in cœ-  
lis: & quodcũque solveris  
super terram, erit solutum &  
in cœlis. Credo.

*Offer-*



*Offertorium. ibid.* Tu es Petrus, & super hanc petram ædificabo Ecclesiam meam: & portæ inferi non prævalébunt adversus eam: & tibi dabo claves regni cælorum.

*Secreta.*

**E**cclésiæ tuæ, quæsumus Dómine, preces & hóstias beáti Petri Apóstoli comméndet oratio: ut quod pro illius glória celebrámus, nobis prosit ad véniam. Per Dóminum.

*Pro S. Paulo. Secreta.*

**A**póstoli tui Pauli précibus, Dómine, plebis tuæ dona sanctífica: ut quæ tibi tuo grata sunt institúto, gratióra fiant patrocínio supplicántis.

*Pro S. Prisca. Secreta.*

**H**æc hóstia, quæsumus Dómine, quam sanctórum tuórum natalítia recénsentes offérimus, & víncula nostræ pravitatís absolvat, & tuæ nobis misericórdiæ dona concíliet. Per Dóminum.

*Præfatio de Apostolis. Communio. ibid.* Tu es Petrus, & super hanc petram ædificabo Ecclesiam meam.

*Postcommunio.*

**L**ætíficet nos, Domine, munus oblátum: ut, sicut in Apóstolo tuo Petro te miráblem prædicámus, sic per illum tuæ sumámus indulgéntiæ largitátem. Per Dóminum.

*Pro S. Paulo. Postcommunio.*

**S**anctificáti, Dómine, salutarí mystério: quæsumus, ut nobis ejus non desit oratio, cujus nos donásti patrocínio gubernári.

*Pro S. Prisca. Postcommunio.*

**Q**uæsumus Dómine, salutaribus repléti mystériis:

ut, cujus solémnia celebrámus, ejus oratióibus adjuvémur. Per Dóminum.

*Die xix. Januarii.*

IN FESTO S. CANUTI

*Regis & mart. Semiduplex ad libitum.*

*Missa. In virtúte tua. de Comuni unius Mart. non Pontificis. iv. præter Orationem sequentem, & Evangelium.*

*Oratio.*

**D**eus, qui ad illustrándam Ecclesiam tuam beátum Canútum Danórum Regem martyrii palma, & gloriósis miraculis decoráre dignátus es: concéde propítius; ut, sicut ipse Domínicæ passiónis imitátor fuit, ita nos per ejus vestigia gradiétes, ad gáudia sempitérna pervenire mereámur. Per eúndem Dóminum.

*Et fit commem. SS. Martyrum Marii, Marthæ, Audifacis, & Abachum, cum Oratione. Exáudi Dómine. ex Missa propria, ut sequitur: & tertia Oratio erit de S. Maria. Deus, qui salutis. 334.*

*Evangelium. Si quis vult post me veníre. sumatur ex Missa. Sacerdótes Dei. de eodem Comuni. iii.*

*Secreta pro commemor. SS. Martyrum. Preces, Dómine. ut infra.*

*Tertia Secreta de S. Maria. Tua, Dómine, propitiatióne. 236.*

*Pro commemor. SS. Mart. Postcommunio. Sanctórum tuórum. ut infra.*

*Tertia Postcommunio de S. Maria, Hæc nos communio. 336.*



MISSA SS. MARII, MARTHÆ, AUDIFACIS, ET ABACHUM martyrum.

*Introitus. Psal. 67.*

**I**usti epuléntur, & exúltent in conspéctu Dei, & delecténtur in lætítia.

*Psal. ibid.* Exúrgat Deus, & dissipéntur inimíci ejus: & fúgiant qui odérunt eum, à fácie ejus.

℟. Glória Patri.

*Oratio.*

**E**Xáudi Dómine pópulum tuum, cum sanctórum tuórum patrocínio supplicántem: ut & temporális vitæ nos tríbuas pace gaudere, & æternæ reperíre subsidium. Per Dóminum.

Lectio Epístolæ beati Pauli Apóstoli ad Hebræos.

*Heb. 10. f.*

**F**Ratres, Rememorámini prístinos dies, in quibus illumináti, magnum certámen sustinuístis passiónum: & in áltero quidem oppróbriis & tribulatióibus spectáculum facti: in áltero autem sócii táliter conversántium effécti. Nam & vinctis compássi estis, & rapínam bonórum vestrórum cum gáudio suscepístis, cognoscéntes vos habére meliorem, & manéntem substantiam. Nolíte itaque amittere confidéntiam vestram, quæ magnam habet remuneratió-nem. Patiéntia enim vobis necessária est: ut voluntátem Dei faciéntes, reportétis promissió-nem. Adhuc enim módicum aliquántulum, qui ventúrus est, véniet, & non tardábit. Justus autem meus ex fide vivit.

*Graduale. Sap. 3.* Justórum ánimæ in manu Dei sunt: & non tanget illos torméntum malítiæ. ℞. Visi sunt óculis insipientium innoxii: illi autem sunt in pace. Allelúia, allel.

℞. *Psal. 67.* Mirábilis Deus noster in sanctis suis. Allelúia.

*Si hoc Festum venerit post Septuag. omissis Allelúia, & ℞. sequenti, dicitur Tractus.*

*Psal. 125.* Qui féminant in lá-crymis, in gáudio metent. ℞. Eúntes ibant & flebant, mít-téntes fémina sua. ℞. Veni-éntes autem vénient cum ex-ultatió-ne, portántes manípulos suos.

Sequéntia sancti Evangélíi secúndum Matthæum.

*Matth. 24.*

**I**N illo témpore: Sedénte Jesu super montem Olivéti, accessérunt ad eum discípuli secrétò, dicéntes: Dic nobis, quando hæc erunt? & quod signum advéntus tui, & consummatiósis sæculi? Et respóndens Jesus, dixit eis: Vidéte ne quis vos sedúcat. Multi enim vénient in nómine meo, dicéntes: Ego sum Christus, & multos sedúcent. Auditúri enim estis prælia, & opiniónes præliórum. Vidéte ne turbémini. Opór-tet enim hæc fieri, sed nondum est finis. Consúrget enim gens in gentem, & regnum in regnum: & erunt pestiléntiæ, & fames, & terræmótus per loca. Hæc autem ómnia iní-tia sunt dolórum. Tunc tradent vos in tribulatió-nem, & occident vos, & éritis ódio ómnibus Géntibus propter nomen meum. Et tunc scandalizabúntur multi, & invicem tra-



tradent, & odio habebunt invicem. Et multi pseudoprophetae surgent: & seducant multos. Et quoniam abundavit iniquitas, refrigeret charitas multorum. Qui autem perseveraverit usque in finem, hic salvus erit.

*Offertorium. Ps. 123.* Anima nostra, sicut passer, erepta est de laqueo venantium: laqueus contritus est, & nos liberati sumus.

*Secreta.*

**P**Reces, Domine, tuorum respice, oblationesque fidelium: ut & tibi grata sint pro tuorum festivitate sanctorum, & nobis conferant tuae propitiationis auxilium. Per Dominum.

*Communio. Luc. 12.* Dico autem vobis amicis meis: ne terreamini ab his, qui vos persequuntur.

*Postcommunio.*

**S**anctorum tuorum, Domine, intercessione placatus, praesta quaesumus: ut quae temporali celebramus actione, perpetua salvatione capiamus. Per Dominum.

*Die xx. Januarii.*

IN FESTO SS. FABIANI  
ET SEBASTIANI marty-  
rum.

*Introitus.*

*Ps. 78.*

**I**ntret in conspectu tuo, Domine, gemitus compeditorum: redde vicinis nostris septuplum in sinu eorum: vindica sanguinem sanctorum tuorum, qui effusus est.

*Psal. ibid.* Deus venerunt Gentes in hereditatem tuam, polluerunt templum sanctum tuum: posuerunt Jerusalem in pomorum custodiam.

v. Gloria Patri. *Oratio.*

**I**nfirmi-  
tatem nostram re-  
spice omnipotens Deus: &  
quia pondus propriae actionis  
gravat, beatorum martyrum  
tuorum Fabiani & Sebastiani  
intercessio gloriosa nos prote-  
gat. Per Dominum.

Lectio Epistolae beati Pauli  
Apostoli ad Hebraeos.

*Heb. 11. f.*

**F**Ratres, Sancti per fidem  
vicerunt regna, operati  
sunt iustitiam, adepti sunt re-  
promissiones, obturaverunt o-  
ra leonum, extinxerunt im-  
petum ignis, effugerunt aciem  
gladii, convalescerunt de infir-  
mitate, fortes facti sunt in bel-  
lo, castra vertierunt exteror-  
um: acceperunt mulieres de  
resurrectione mortuos suos:  
alii autem distenti sunt, non  
susceptantes redemptionem, ut  
melio-rem invenirent resurrec-  
tionem. Alii vero ludibria &  
verbera experti, insuper &  
vincula & carceres: lapidati  
sunt, secti sunt, tentati sunt, in  
occisione gladii mortui sunt,  
circumierunt in pelotis, in pel-  
libus caprinis, egentes, angus-  
tiati, afflicti: quibus dignus  
non erat mundus: in solitudi-  
nibus errantes, in montibus, &  
speluncis, & in cavernis terrae.  
Et hi omnes testimonio fidei  
probati inventi sunt: in Chris-  
to Jesu Domino nostro.

*Graduale. Exod. 15.* Glorioso  
Deus in sanctis suis: mi-  
rabilis in maiestate, faciens  
prodigia. v. Dextera tua Do-  
mine glorificata est in virtu-  
te: dextera manus tua con-  
frégit inimicos. Allel. allel.

v. *Ps. 144.* Sancti tui, Domi-  
ne, benedicent te: gloriam  
regni tui dicent. Alleluia.



*Si hoc Festum venerit post Septuages. omittis Alleluia & Versu sequenti, dicitur Tractus. Psal. 125. Qui seminant in lacrymis, in gaudio metent. v. Eúntes ibant & flebant, mitténtes semina sua. v. Veniéntes autem venient cum exultatione, portántes manipulos suos.*

*Sequéntia sancti Evángelii secundum Lucam.*

*Luc. 6. c.*

**I**N illo témpore: Descéndens Jesus de monte, stetit in loco campéstri, & turba discipulórum ejus, & multitúdo copiósa plebis ab omni Judæa, & Jerúsalem; & marítima, & Tyri, & Sidónis, qui vénerant, ut audírent eum; & sanaréntur à languóribus suis. Et qui vexabántur à spirítibus immúndis, curabántur. Et omnis turba quærébat eum tangére: quia virtus de illo exíbat, & sanábat omnes. Et ipse elevátis óculis in discipulos suos, dicébat: Beáti páuperes: quia vestrum est regnum Dei. Beáti qui nunc esurítis: quia saturabímmini. Beáti qui nunc fletis: quia ridébitis. Beáti éritis, cum vos óderint hómines, & cum separáverint vos, & exprobráverint, & ejécerint nomen vestrum tamquam malum, propter Fílium hóminis. Gaudeíte in illa die, & exultáte: ecce enim merces vestra multa est in cælo.

*Offertórium. Ps. 31. Lætámini in Dómino, & exultáte justi: & glóriamini omnes recti corde. Secreta.*

**H**ostias tibi, Dómine, beatorum mártýrum tuó-

rum Fabiáni & Sebastíani dicatas méritis, benígnus assúme: & ad perpétuum nobis tribue proveníre subsídium. Per Dóminum.

*Communio. Luc. 6. Multitúdo languéntium, & qui vexabántur à spirítibus immúndis, veniébant ad eum; quia virtus de illo exíbat, & sanábat omnes. Postcommunio.*

**R**efécti participatióne múnieris sacri, quæsumus Dómine Deus noster: ut, cujus exéquimur cultum, intercedéntibus sanctis martyribus tuis Fabiáno & Sebastíano sentiámus effectum. Per Dóminum nostrum.

*Die xxi. Januarii.*

**IN FESTO S. AGNETIS**  
virginis, & martyris.

*Introitus. Psal. 118.*

**M**E expectavérunt peccatóres, ut pérderent me: testimónia tua Dómine intellexi: ómnis consuminatiónis vidi finem: latum mandátum tuum nimis.

*Pf. ibid.* Beáti immaculáti in via: qui ámbulant in lege Dómini.

*v. Glória Patri. Oratio.*

**O**Mnípotens sempitérne Deus, qui infirma mundi éligis, ut fortia quæque confúndas: concéde propítius; ut qui beatæ Agnétis virginis & mártýris tuæ solémnia cólimus, ejus apud te patrocínia sentiámus. Per Dóminum.

*Lectio libri Sapientiae.*

*Eccli. 51.*

**C**onfitebor tibi Dómine Rex, & collaudábo te Deum Salvatórem meum.

X x

Con-



Confitebor nōmini tuo: quoniam adiutor & protector factus es mihi, & liberaſti corpus meum à perditione, à laqueo linguæ iniquæ, & à labiis operantium mendacium, & in conſpectu aſtantium factus es mihi adiutor. Et liberaſti me ſecundum multitudinem miſericordiæ nōminis tui à ruginentibus, præparatis ad eſcam, de manibus quaerentium animam meam, & de portis tribulationum, quæ circumdederunt me, à preſſura flammæ, quæ circumdedit me, & in medio ignis non ſum æſtuata: de altitudine ventris inferi, & à lingua coinquinata, & à verbo mendacii, à rege iniquo, & à lingua injuſta: laudabit uſque ad mortem anima mea Dōminum, quoniam eruis ſuſtinētes te, & liberaſ eos de manibus Gēntium, Dōmine Deus noſter.

*Graduale. Pſ. 44.* Diffuſa eſt grātia in labiis tuis: propterea benedixit te Deus in ætēnum. *ŷ.* Propter veritatem, & manſuetudinem, & juſtitiam, & deducet te mirabiliter dextera tua. Allelūia, allelūia.

*ŷ. Matth. 25.* Quinque prudentes virgines acceperunt oleum in vasis ſuis cum lampadibus: media autem nocte clamor factus eſt: Ecce ſponſus venit, exite obviam Chriſto Dōmino. Allelūia.

*Post Septuag. omiſſis Allel. & ŷ. ſequenti, dicitur Tractus.* Veni ſponſa Chriſti, accipe coronam, quam tibi Dōminus præparavit in ætēnum: pro cuius amore ſanguinem tuum fudiſti.

*ŷ. Pſal. 44.* Dilexiſti juſticiam, & odiſti iniquitatem: propterea unxit te Deus, Deus tuus oleo lætitiæ præ confortibus tuis. *ŷ.* Spēcie tua, & pulchritudine tua intēde, proſperè procēde & regna.

Sequētia ſancti Evangēlii ſecundum Matthæum.

*Matth. 25.*

**I**N illo tēpore: Dixit Jeſus diſcīpulis ſuis parabolam hanc: Sīmile erit regnum cœlorum decem virgīnibus: quæ accipiētes lampades ſuas, exierunt obviam ſponſo & ſponſæ. Quinque autem ex eis erant fatuæ, & quinque prudentes: ſed quinque fatuæ, acceptis lampadibus, non ſumpſerunt oleum ſecum: prudentes verò acceperunt oleum in vasis ſuis cum lampadibus. Moram autem faciente ſponſo, dormitaverunt omnes, & dormierunt. Media autem nocte clamor factus eſt: Ecce ſponſus venit, exite obviam ei. Tunc ſurrexerunt omnes virgines illæ, & ornaverunt lampades ſuas. Fatuæ autem ſapiētibibus dixerunt: Date nobis de oleo veſtro: quia lampades noſtræ extinguuntur. Reſponderunt prudentes, dicētes: Ne fortē non ſufficiat nobis & vobis, ite pōtius ad vendētes, & emite vobis. Dū autem irent emere, venit ſponſus: & quæ paratæ erant, intraverunt cum eo ad nūptias, & clauſa eſt janua. Noviffimè verò veniunt & reliquæ virgines, dicētes: Dōmine, Dōmine, aperi nobis. At ille reſpōdens, ait: Amen dico vobis, nēſcio vos. *Vigi-*



Vigilate itaque, quia nescitis diem, neque horam.

*Offertorium. Ps. 44.* Afferentur Regi virgines post eam: proximæ ejus afferentur tibi in lætitia & exultatione, adducuntur in templum Regi Domino. *Secreta.*

**H**ostias, Domine, quas tibi offerimus, propitius suscipe: & intercedente beata Agnête virgine & martyre tua vincula peccatorum nostrorum absolue. Per Dominum.

*Communio. Matth. 25.* Quinque prudentes virgines acceperunt oleum in vasis suis cum lampadibus: media autem nocte clamor factus est: Ecce sponsus venit, exite obviam Christo Domino.

*Postcommunio.*

**R**efecti cibo potuque cœlesti, Deus noster, te supplices exoramus: ut in cujus hæc commemoratiōne percipimus, ejus muniamur & precibus. Per Dominum.

*Die xxii. Januarii.*

IN FESTO SS. VINCEN-  
TII & Anastasii mart.

*Missa.* Intret in conspectu tuo. de Comuni plurimorum Martyrum. xii, exceptis Orationibus quæ dicuntur ut infra.

*Oratio.*

**A**desto Domine supplicationibus nostris: ut qui ex iniquitate nostra reos nos esse cognoscimus, beatorum martyrum tuorum Vincentii & Anastasii intercessione liberemur. Per Dominum.

*Secreta.*

**M**unera tibi, Domine, nostræ devotionis offerimus: quæ & pro tuorum tibi

grata sint honore justorum, & nobis salutaria, te miserante, reddantur. Per Dominum.

*Postcommunio.*

**Q**uæsumus omnipotens Deus: ut qui cœlestia alimenta percipimus, intercedentibus beatis martyribus tuis Vincentio & Anastasio, per hæc contra omnia adversa muniamur. Per Dominum.

*Die xxiii. Januarii.*

IN FESTO DESPONSATIONIS B. M. VIRGINIS.

*Introitus. Sedulius.*

**S**alve sancta parens, enixa puerpera Regem: qui cœlum terramque regit in sæcula sæculorum.

*Psalms 44.* Eructavit cor meum verbum bonum: dico ego opera mea Regi.

*V. Gloria Patri. Oratio.*

**F**amulis tuis, quæsumus Domine, cœlestis gratiæ munus impertire: ut quibus beatæ Virginis partus extitit salutis exordium, Desponsationis ejus votiva sollemnitas, pacis tribuat incrementum. Per Dominum.

*Et fit commem. S. Joseph, ante quascumque commemoratiōnes, etiam Dominicæ.*

*Oratio.*

**S**anctissimæ Genitricis tuæ Sponsi, quæsumus Domine, meritis adjuvemur: ut quod possibilitas nostra non obtinet, ejus nobis intercessione donetur.

*Deinde fit commemoratio S. Emerentianæ.*

*Oratio.*

**I**ndulgentiam nobis, quæsumus Domine, beata Emeren-



rentiána virgo & martyr implóret: quæ tibi grata semper éxstitit, & mérito castitátis, & tuæ professióne virtútis. Per Dóminum nostrum.

Léctio libri Sapiéntiæ.

*Prov. 8. c.*

**D**ominus possédit me in inítio viárum suarum, ántequam quidquam fáceret à princípio. Ab ætérno ordináta sum, & ex antiquis, ántequam terra fieret. Nondum erant abyssi, & ego jam concépta eram: necdum fontes aquárum erúperant: necdum montes gravi mole constitérant: ante colles ego parturiébar: adhuc terram non fécerat, & flúmina, & cárdines orbis terræ. Quando præparábat cœlos, áderam: quando certa dege, & gyro vallábát abyssos: quando æthera firmábat fursum, & librábat fontes aquárum: quando circúmdabat mari términum suum, & legem ponebat aquis, ne transírent fines suos: quando appendébat fundaménta terræ. Cum eo eram, cuncta compónens: & delectábar per singulos dies, ludens coram eo omni témpore: ludens in orbe terrárum; & delíciæ meæ esse cum filiis hóminum. Nunc ergo filii audite me: Beáti qui custódiunt vias meas. Audíte disciplinam, & estóte sapiéntes, & nolíte abjícere eam. Beátus homo, qui audit me, & qui vígilat ad fores meas quotídie, & obsérvat ad postes óstii mei. Qui me invénerit, invéniet vitam, & háuriet salútem à Dómino.

*Graduale.* Benedícta & venerábilis es virgo María: quæ fine tactu pudóris invénta es mater Salvatóris.

*v.* Virgo Dei génitrix, quem totus non capit orbis, in tua se clausit víscera, factus homo. Allelúia, allelúia.

*v.* Felix es sacra virgo María, & omni laude digníssima: quia ex te ortus est sol justitiæ, Christus Deus noster. Allel.

*Post Septuagesimam, omissis Allelúia, & v. sequenti, dicitur Tractus.* Gaude María virgo, cunctas hæreses sola interemísti. *v.* Quæ Gabriélis Archángeli dictis credidísti.

*v.* Dum virgo Deum & hóminem genuísti: & post partum, Virgo, invioláta permansísti. *v.* Dei génitrix intercéde pro nobis.

Sequéntia sancti Evangélii secúndum Matthæum.

*Matth. 1. c.*

**C**um esset desponsáta mater Jesu María, Joseph; ántequam convenírent, invénta est in útero habens de Spíritu sancto. Joseph autem vir ejus cūm esset justus, & nollét eam tradúcere, voluit occultè dímítere eam. Hæc autem eo cogitánte, ecce Angelus Dómini appáruit in somnis ei, dicens: Joseph fili David, noli timére, accípere Mariam conjugem tuam: quod enim in ea natum est, de Spíritu sancto est. Páriet autem filium, & vocábis nomen ejus Jesum. Ipse enim saluum fáciét pópulum suum à peccátis eórum. Credo.

*Offertorium.* Beáta es virgo María, quæ ómnium portásti Crea-



Creatorem: genuisti, qui te fecit, & in æternum permanes virgo.

*Secreta.*

**U**Nigéniti tui, Dómine, nobis succurrat humanitas: ut, qui natus de Virgine, matris integritatem non minuit, sed sacravit; in Desponsationis ejus solénniis, nostris nos piáculis exuens, oblationem nostram tibi faciat acceptam Jesus Christus Dóminus noster. Qui tecum vivit.

*Pro sancto Joseph.*

*Secreta.*

**D**Ebitum tibi Dómine, nostræ reddimus servitutis, suppliciter exorantes: ut suffrágis beáti Joseph Sponsi Genitricis Fílii tui Jesu Christi Dómini nostri, in nobis tua múnera tuearis: ob cujus venerándam festivitatem, laudis tibi hóstias immolámus.

*Pro S. Emerentiana.*

*Secreta.*

**H**ostias tibi, Dómine, beátæ Emerentiænæ virginis & mártiris tuæ dicatas méritis, benígnus assúme, & ad perpétuum nobis tribue proveníre subsidium. Per Dóminum nostrum.

*Præfatio B. Mariæ.* Et te in Desponsatione.

*Communio.* Beáta víscera Mariæ virginis, quæ portaverunt æterni Patris Fílium.

*Postcommunio.*

**S**umpimus, Dómine, celebritatis annuæ votiva sacramenta: præsta quæsumus; ut & temporális vitæ nobis remédia præbeant, & æternæ. Per Dóminum.

*Pro S. Joseph. Postcommunio.*

**A**desto nobis, quæsumus, misericors Deus: & in-

tercedente pro nobis beáto Joseph Confessore, tua circa nos propitiatus dona custodi.

*Pro S. Emerentiana.*

*Postcommunio.*

**D**ivini muneris largitate satiati, quæsumus Dómine Deus noster, ut intercedente beáta Emerentiána virgine & mártire tua, in ejus semper participatióne vivamus. Per Dóminum.

*Die xxiv. Januarii.*

IN FESTO S. TIMOTHEI  
Episcopi & martyris.

*Introitus. Eccli. 45. c.*

**S**tátuit ei Dóminus testamentum pacis, & príncipem fecit eum: ut sit illi sacerdótii dignitas in æternum.

*Psal. 131.* Meménto Dómine David, & omnis mansuetudinis ejus. *v.* Glória Patri.

*Oratio.*

**I**nfirmitatem nostram respice omnipotens Deus: & quia pondus propriæ actionis gravat, beáti Timóthei mártiris tui atque Pontíficis, intercessio gloriósa nos protegat. Per Dóminum.

Lectio Epístolæ beáti Pauli Apóstoli ad Timótheum.

*1. Tim. 6. c.*

**C**haríssime, Sectare justitiam, pietatem, fidem, charitatem, patientiam, mansuetudinem. Certa bonum certamen fidei, apprehende vitam æternam, in qua vocatus es, & confessus bonam confessionem coram multis téstibus. Præcipio tibi coram Deo, qui vivificat omnia, & Christo Jesu, qui testimonium reddidit sub Póntio Pilato,



Piláto, bonam confessiõnem : ut serves mandátum sine mácula, irreprehensibile, usque in adventum Dómini nostri Jesu Christi : quem suis temporibus osténdet beátus & solus potens, Rex regum, & Dóminus dominántium : qui solus habet immortalitatem, & lucem inhabitat inaccessibilem, quem nullus hóminum vidit, sed nec videre potest : cui honor & impérium sempiternum. Amen.

*Graduale. Ps. 88.* Invéni David servum meum, óleo sancto meo unxi eum : manus enim mea auxiliábitur ei, & bráchium meum confortábit eum. *v.* Nihil proficiet inimicus in eo, & filius iniquitátis non nocébit ei. Allelúia, allelúia.

*v. Ps. 109.* Tu es facérdos in ætérnum secúndum órđinem Melchísedech. Allelúia.

*Si venerit post Septuages. omis-  
sis Allelúia, & Versu sequenti,  
dicitur Tractus.* Desidérium animæ ejus tribuísti ei, & voluntáte labiórũ ejus non fraudásti eum.

*v.* Quóniam prævenísti eum in benedictiónibus dulcedinis.

*v.* Posuísti in cápite ejus corónam de lápide pretiósó.

Sequéntia sancti Evangélíi secúndum Lucam.

*Luc. 14. f.*

**I**N illo témpore : Dixit Jesus turbis : Si quis venit ad me, & non odit patrem suum, & matrem, & uxórem, & filios, & fratres, & soróres, adhuc autem & animam suam, non potest meus esse discípulus. Et qui non bájulat crucem suam, & venit post

me, non potest meus esse discípulus. Quis enim ex vobis volens turrim ædificáre, non prius sedens cómputat sumptus, qui necessarij sunt, si hábeat ad perficiéndum ; ne, posteaquam posúerit fundamentum, & non potúerit perficere, omnes qui vident, incípiant illúdere ei, dicéntes : Quia hic homo cœpit ædificáre, & non pótuit consummáre ? Aut quis rex itúrus committere bellum advérsus álium regem, non sedens prius cógitat, si possit cum decem míllibus occurrere ei, qui cum viginti míllibus venit ad se ? alióquin adhuc illo longè agente, legatióem mittens, rogat ea quæ pacis sunt. Sic ergo omnis ex vobis, qui non renúnciat ómnibus quæ pössidet, non potest meus esse discípulus.

*Offertorium. Ps. 88.* Véritas mea, & misericórdia mea cum ipso : & in nómine meo exaltábitur cornu ejus.

*Secreta.*

**H**ostias tibi, Dómine, beáti Timóthei mártýris tui atque Pontíficis dicátas méritis, benígnus assúme : & ad perpétuum nobis tríbue proveníre subsídium. Per Dóminum nostrum.

*Communio. ib.* Semel jurávi in sancto meo : semen ejus in ætérnum manébit : & sedes ejus sicut sol in conspéctu meo, & sicut luna perfectá in ætérnum, & testis in cœlo fidelis.

*Postcommunio.*

**R**efécti participatióne muneris sacri, quæsumus Dómine Deus noster : ut, ejus exé-



exequimur cultum, intercedente beato Timotheo martyre tuo atque Pontifice sentiamus effectum. Per Dominum.

*Die xxv. Januarii.*

IN CONVERSIONE S. PAULI Apostoli.

*Introitus. 2. Tim. 1.*

**S**Cio cui credidi, & certus sum, quia potens est depositum meum servare in illum diem, justus iudex.

*Pf. 138.* Domine probasti me, & cognovisti me: tu cognovisti sessionem meam, & resurrectionem meam.

*v. Gloria Patri. Oratio.*

**D**Eus, qui universum mundum beati Pauli Apostoli predicatione docuisti: da nobis quaesumus; ut, qui ejus hodie Conversionem colimus: per ejus ad te exempla gradiamur. Per Dominum.

*Et fit commemor. de S. Petro. Oratio.*

**D**Eus, qui beato Petro Apostolo tuo, collatis clavibus regni coelestis, ligandi atque solvendi pontificium tradidisti: concede, ut intercessionis ejus auxilio, a peccatorum nostrorum nexibus liberemur. Qui vivis & regnas.

*Lectio Actuum Apostolorum.*

*Act. 9.*

**I**N diebus illis: Saulus adhuc spirans minarum, & cædis in discipulos Domini, accessit ad principem sacerdotum, & petiit ab eo epistolas in Damascum ad synagogas: ut si quos invenisset hujus viæ viros ac mulieres, victos perduceret in Jerusalem. Et cum iter faceret, contigit ut ap-

propinquaret Damasco: & subito circumfulsit eum lux de coelo. Et cadens in terram, audivit vocem dicentem sibi: Saule, Saule, quid me persequeris? Qui dixit: Quis es Domine? Et ille: Ego sum Jesus, quem tu persequeris. Darum est tibi contra stimulum calcitrare. Et tremens, ac stupens, dixit: Domine, quid me vis facere? Et Dominus ad eum: Surge, & ingredere civitatem, & ibi dicetur tibi, quid te oporteat facere. Viri autem illi, qui comitabantur eum eo, stabant stupefacti, audientes quidem vocem, neminem autem videntes. Surrexit autem Saulus de terra, apertisque oculis nihil videbat. Ad manus autem illum trahentes, introduxerunt Damascum. Et erat ibi tribus diebus non videns, & non manducavit, neque bibit. Erat autem quidam discipulus Damasci, nomine Ananias: & dixit ad illum in visu Dominus: Anania. At ille ait: Ecce ego, Domine. Et Dominus ad eum: Surge, & vade in vicum, qui vocatur Rectus: & quære in domo Judæ Saulum nomine Tarsensem: ecce enim orat. (Et vidit virum, Ananiam nomine, introeuntem, & imponentem sibi manus, ut visum recipiat.) Respondit autem Ananias: Domine, audivi a multis de viro hoc, quanta mala fecerit sanctis tuis in Jerusalem: & hic habet potestatem a principibus sacerdotum alligandi omnes, qui invocant nomen tuum. Dixit autem ad eum Dominus: Vade, quoniam vas electionis est mihi



hi iste, ut portet nomen meum coram Géntibus, & régibus, & filiis Israël. Ego enim ostendam illi quanta opórtet eum pro nómine meo pati. Et ábiit Ananías, & introívit in domum: & impónens ei manus, dixit: Saule frater, Dóminus misit me Iesus, qui appáruit tibi in via qua veniébas, ut vídeas, & implearis Spíritus sancto. Et conféstim cecidérunt ab óculis ejus tamquam squamæ, & visum recépit: & surgens baptizátus est. Et cùm accepisset cibum, confortátus est. Fuit autem cum discípulis, qui erant Damásci, per dies áliquot. Et continuò in synagógis prædicábat Iesum: quóniam hic est Fílius Dei. Stupébant autem omnes qui audiébant, & dicébant: Nónne hic est, qui expugnabat in Jerúsalem eos, qui invocábant nomen istud: & huc ad hoc venit, ut vinctos illos dúceret ad príncipes sacerdotum? Saulus autem multò magis convalescébat, & confundébat Judæos, qui habitábant Damásci, affirmans quóniam hic est Christus.

*Graduale. Gal. 2.* Qui operátus est Petro in Apostolátum, operátus est & mihi inter Gentes: & cognovérunt grátiam Dei, quæ data est mihi.

℣. Grátia Dei in me vácuá non fuit: sed grátia ejus semper in me manet. Allelúia, allelúia. ℣. Magnus sanctus Paulus vas electiónis, verè dignè est glorificándus, qui & méruit thronum duodécimum possidére. Allelúia.

*Si venerit post Septuages.*  
*Tract.* Tu es vas electiónis sancte Paule Apóstole: verè dignè es glorificándus.

℣. Prædicátor veritátis, & doctor Géntium in fide & veritate. ℣. Per te omnes Gentes cognovérunt grátiam Dei.

℣. Intercéde pro nobis ad Deum, qui te elégit.

Sequéntia sancti Evangélíi secundum Matthæum.

*Matth. 19. d.*

**I**N illo témpore: Dixit Petrus ad Iesum: Ecce nos reliquimus ómnia, & secúti sumus te: quid ergo erit nobis? Iesus autem dixit illis: Amen dico vobis, quòd vos, qui secúti estis me, in regeneratione cùm sederit Fílius hóminis in sede majestátis suæ, sedébitis & vos super sedes duódecim, judicátes duódecim tribus Israël. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, centuplum accípiet, & vitam æternam possidébit. Credo.

*Offertorium. Psal. 138.* Mihi autem nimis honorati sunt amíci tui Deus: nimis confortátus est principátus eórum.

*Secreta.*

**A** Póstoli tui Pauli precibus, Dómine, plebis tuæ dona sanctífica: ut quæ tibi grata sunt institúto, gratióra fiant patrocínio supplicántis. Per Dóminum.

*Pro S. Petro. Secreta.*

**E**Cclésiæ tuæ, quæsumus Dómine, preces & hóstias beati Petri Apóstoli commendet oratio: ut quod pro illius glória celebrámus, nobis profit ad veniam. Per Dóminum nostrum.

*Præfatio de Apostolis.*

*Com-*



*Communio. Matth. 19.* Amen dico vobis, quòd vos qui reliquistis omnia, & secuti estis me, centuplum accipietis, & vitam æternam possidebitis.

*Postcommunio.*

**S**anctificati, Dómine, salutari mystério: quæsumus, ut nobis ejus non desit oratio, cujus nos donasti patrocínio gubernari. Per Dóminum.

*Pro S. Petro. Postcommunio.*

**L**ætificet nos, Dómine, munus oblátum: ut, sicut in Apóstolo tuo Petro te mirabilem prædicamus, sic per illum tuæ sumamus indulgentiæ largitatem. Per Dóminum nostrum.

*Die xxvi. Januarii.*

IN FESTO S. POLYCARPI Episcopi & mártiris.

*Introitus. Dan. 3.*

**S**acerdotes Dei benedicite Dóminum: sancti & humiles corde laudate Deum.

*Dan. ibid.* Benedicite omnia opera Dómini Dómino: laudate & superexaltate eum in sæcula.

℣: Glória Patri.

*Oratio.*

**D**eus, qui nos beati Polycarpi mártiris tui atque sanctificis annua solemnitate lætificas: concède propitius; ut cujus natalitia cõlimus, de ejusdem etiam protectione gaudeamus. Per Dóminum.

Lectio Epístolæ beati Joannis Apóstoli. 1. Joan. 3. b.

**C**harissimi, Omnis qui non est justus, non est ex Deo, & qui non diligit fratrem suum, quóniam hæc est annuntiatio, quam audistis ab initio, ut diligatis alterutrum.

Non sicut Cain, qui ex maligno erat, & occidit fratrem suum. Et propter quid occidit eum? Quóniam opera ejus maligna erant: fratris autem ejus, justa. Nolite mirari fratres, si odit vos mundus. Nos scimus quóniam translati sumus de morte ad vitam, quóniam diligimus fratres. Qui non diligit, manet in morte: omnis qui odit fratrem suum, homicida est. Et scitis, quóniam omnis homicida non habet vitam æternam in semetipso manentem. In hoc cognovimus charitatem Dei, quóniam ille animam suam pro nobis posuit: & nos debemus pro fratribus animas ponere.

*Graduale. Psal. 8.* Glória & honore coronasti eum. ℣. Et constituisti eum super opera manuum tuarum, Dómine. Allelúia, allelúia. ℣. Hic est sacerdos, quem coronavit Dóminus. Allelúia.

*Post Septuages. Tract. Ps. 111.* Beatus vir, qui timet Dóminum: in mandatis ejus cupit nimis. ℣. Potens in terra erit semen ejus: generatio rectorum benedicetur.

℣. Glória & divitiæ in domo ejus: & justitia ejus manet in sæculum sæculi.

Sequéntia sancti Evangelii secundum Matthæum.

*Matth. 10. c.*

**I**n illo tempore: Dixit Jesus discipulis suis: Nihil est opertum, quod non revelabitur: & occultum, quod non sciétur. Quod dico vobis in tenebris, dicite in lumine: & quod in aure auditis, prædicáte super tecta. Et nolite



līte timēre eos; qui occidunt corpus, animam autem non possunt occidere: sed pōtius timēte eum, qui pōtest & animam & corpus pēdere in gehēnnam. Nōne duo pās-feres asse vāneunt: & unus ex illis non cādet super terram sine Patre vestro? Vestri autem capilli cāpitis omnes numerāti sunt. Nolīte ergo timēre: multis pāsēribus meliōres estis vos. Omnis ergo, qui confitēbitur me coram hominibus, confitēbor & ego eum coram Patre meo, qui in cœlis est.

*Offertorium. Ps. 88.* Inveni David servum meum, oleo sancto meo unxi eum: manus enim mea auxiliābitur ei, & brāchium meum confortābit eum.

*Secreta.*

**M**Unera tibi, Dōmine, dicāta sanctifica: & intercedēte beāto Polycārpo mārtyre tuo atque Pontífice, per eādem nos placātus intēde. Per Dōminum.

*Communio. Ps. 20.* Posuisti Dōmine in cāpite ejus corōnam de lapide pretiōso.

*Postcommunio.*

**R**efēcti participatione muneris sacri, quæsumus Dōmine Deus noster: ut, cujus exequimur cultum, intercedēte beāto Polycārpo mārtyre tuo atque Pontífice, sentiāmus effēctum. Per Dōminum.

*Die xxvii. Januarii.*

IN FESTO S. JOANNIS  
CHRYSOSTOMI Epif.  
& Conf.

*Introitus. Eccli. 15.*

**I**N médio Ecclēsiæ apēruit  
os ejus: & implēvit eum Dō-

minus spīritu sapiētiæ & intellectus: stolam glōriæ induit eum.

*Psal. 91.* Bonum est confiteri Dōmino: & psāllere nōmini tuo, Altīssime.

✠. Glória Patri.

*Oratio.*

**E**Cclēsiā tuam, quæsumus Dōmine, grātia cœlestis amplīfiet: quam beāti Joānnis Chrysóstomi Confessoris tui atque Pontíficis illustrāre volūisti gloriōsis mēritis & doctrīnis. Per Dōminum.

Lēctio Epīstolæ beāti Pauli  
Apōstoli ad Timótheum.

2. *Tim. 4.*

**C**Harīssime, Testīficor coram Deo, & Jesu Christo, qui judicatūrus est vivos & mōrtuos, per advēntum ipsius, & regnum ejus: prædica verbum, instā opportunē, importūnē: argue, obsecra, increpa in omni patiētia, & doctrīna. Erit enim tempus, cū sanam doctrīnam non sustinēbunt, sed ad sua desidēria coacervābunt sibi magīstros, pruriētes auribus, & a veritate quidem auditum avērtent, ad fābulas autem convertētur. Tu verò vīgila, in omnibus labōra, opus fac Evangelistæ, ministērium tuum imple. Sōbrius esto. Ego enim jam delībor, & tempus resolutionis meæ instat. Bonum certāmen certāvi, cūsum consummāvi, fidem servāvi. In reliquo repōsita est mihi corōna justitiæ, quam reddet mihi Dōminus in illa die justus judex: non solum autem mihi, sed & iis qui diligunt advēntum ejus.

*Gra-*



*Graduale. Eccli. 44.* Ecce facērdos magnus, qui in diēbus suis plācuit Deo. *v.* Non est invēntus similis illi, qui conservāret legem Excēlſi. Allelūia, allelūia.

*v. Jac. 1.* Beātus vir, qui suffert tentatiōnem: quōniam cūm probātus fūerit, accīpiet corōnam vitæ. Allelūia.

*Post Septuagesimam, omissis Alleluia, & v. sequenti, dicitur Tractus. Ps. 111.* Beātus vir, qui timet Dōminum: in mandātis ejus cupit nimis. *v.* Potens in terra erit semen ejus: generātiō rectōrum benedicētur. *v.* Glōria & divitiæ in domo ejus: & justitia ejus manet in sæculi.

Sequēntia sancti Evangēlii fecūndūm Matthæum.

*Matth. 5. b.*

**I**N illo tēpore: Dixit Jesus discīpulis suis: Vos estis sal terræ. Quōd si sal evanūerit, in quo salietur? ad nīhilum valet ultrā, nisi ut mittātur foras, & conculcētur ab homīnibus. Vos estis lux mundi. Non potest civitas abscondi supra montem pōsita. Neque accēdunt lucērnā, & ponunt eam sub mōdio, sed super candelābrum, ut luceat omnibus qui in domo sunt. Sic luceat lux vestra coram homīnibus, ut vīdeant ōpera vestra bona: & glorificent Patrem vestrum, qui in cœlis est. Nolīte putāre quōniam veni sōlvēre legem, aut Prophētas: non veni sōlvēre, sed adimplēre. Amen quippe dico vobis, donec trānseat cœlum, & terra, iōta unum, aut unus apex non præteribit à lege, donec ōnia fiant. Qui ergo sōlverit

unum de mandātis istis minimis, & docūerit sic hōmines, minimus vocābitur in regno cœlōrum: qui autem fēcerit & docūerit, hic magnus vocābitur in regno cœlōrum. Credo.

*Offertorium. Psal. 91.* Justus ut palma florēbit: sicut cedrus, quæ in Lībano est, multiplicābitur.

*Secreta.*

**S**ancti Pontificis tui Joānis Chrysōstomi nobis, Dōmine, pia non desit oratio: quæ & mūnera nostra concīliet, & tuam nobis indulgētiā semper obtīneat. Per Dōminum.

*Communio. Luc. 12.* Fidēlis servus & prudens, quem constituit dōminus super familiam suam: ut det illis in tēpore tritici mensuram.

*Postcommunio.*

**U**T nobis, Dōmine, tua sacrificia dent salutem: beātus Joānes Chrysōstomus Pōntifex tuus, & doctor egregius, quæsumus, precātor accēdat. Per Dōminum.

*Die xxviii. Januarii.*

**S. AGNETIS SECUNDO.**

*Introitus.*

*Psal. 44.*

**V**ultum tuum deprecabuntur omnes divites plebis: adducētur Regi virgines post eam: proximæ ejus adducētur tibi in lætitia & exultatiōe.

*Psal. ibid.* Eructavit cor meum verbum bonum: dico ego ōpera mea Regi.

*v. Glōria Patri.*

*Oratio.*

**D**eus, qui nos annua beatæ Agnētis virginis & martyris tuæ solemnitate lætificas:



tificas: da quæsumus; ut quam venerâmur officio, etiâ piæ conversationis sequâmur exêmplo. Per Dóminum nostrum.

Lectio Epístolæ beati Pauli Apóstoli ad Corínthios.

2. Cor. 10. d.

**F**Ratres, Qui gloriâtur, in Dómino gloriétur. Non enim qui seípsum comméndat, ille probatus est; sed quem Deus comméndat. Utinam sustinerétis módicum quid insipientiæ meæ, sed & supportâte me. Æmulor enim vos Dei æmulatione. Despón-di enim vos uni viro vírginem castam exhibére Christo,

*Graduale. Ps. 44.* Spécie tua, & pulchritúdine tua inténde, prospère procéde, & regna. *v.* Propter veritatem, & mansuetúdinem, & justítiam, & dedúcet te mirábiliter dextera tua. Allelúia, allelúia.

*v.* Adducéntur Regi vírgines post eam, próximæ ejus afferéntur tibi in lætítia. Allelúia.

*Post Septuagesimam, Tract. ibid.* Audi filia, & vide, & inclína aurem tuam: quia concupívit Rex spéciem tuam.

*v.* Vultum tuum deprecabúntur omnes dívites plebis: filia regum in honóre tuo.

*v.* Adducéntur Regi vírgines post eam: próximæ ejus afferéntur tibi. *v.* Afferéntur in lætítia & exultatione: adducéntur in templum Regis.

Sequéntia sancti Evangélíi secúndum Matthæum.

*Matth. 13.*

**I**N illo témpore: Dixit Jesus discípulis suis parábola hanc: Símile est regnum

cœlórû thesauro abscondito in agro: quem qui invénit homo, abscondit, & præ gáudio illíus vadit, & vendit univérfa, quæ habet, & emit agrum illum. Iterûm símile est regnum cœlórû hómini negotiatóri quærénti bonas margarítas. Invénta autem una pretiósa margaríta, ábiit, & véndidit ómnia quæ hábuit, & emit eam. Iterûm símile est regnum cœlórû sagénæ missæ in mare, & ex omni génere píscium congregánti. Quam, cum impléta esset, educéntes, & secus littus sedéntes; elegerunt bonos in vasa, malos autem foras misérunt. Sic erit in consummatione sæculi. Exíbunt Angeli, & separábunt malos de médio justórum, & mittent eos in camínû ignis: ibi erit fletus, & stridor déntium. Intellexístis hæc ómnia? Dicunt ei: Etiam. Ait illis: Ideò omnis scriba doctus in regno cœlórû, símilis est hómini patrifamílias, qui profert de thesauro suo nova & vétera.

*Offert. Psal. 44.* Diffusa est grátia in lábiis tuis: propterea benedíxit te Deus in ætérnum, & in sæculum sæculi.

*Secreta.*

**S**UPER has, quæsumus Dómine, hóstias benedíctio copiósa descéndat: quæ & sanctificationem nobis cleménter operétur, & de Mártýrum nos solemnitáte lætíficet. Per Dóminum.

*Communio. Matth. 13.* Símile est regnum cœlórû hómini negotiatóri, quærénti bonas margarítas: invénta una pretiósa



rosa margarita, dedit omnia sua, & comparavit eam.

*Postcommunio.*

**S**umpimus, Domine, celebritatis annuæ votiva sacramenta: præsta quæsumus; ut & temporális vitæ nobis remédia præbeant, & æternæ, Per Dominum.

*Die xxix. Januarii.*

*In festo S. Francisci Salesii Episc. & Confess. Missa. Stáruit ei Dóminus. de Communi Confess. Pontif. xvi.*

*Oratio.*

**D**eus, qui ad animárum salutem, beátum Franciscum Confessorem tuum atque Pontíficem, omnibus omnia factum esse voluísti: concede propítius; ut charitátis tuæ dulcedine perfusi, ejus dirigéntibus mónitis, ac suffragántibus méritis, æterna gáudia consequámur. Per Dominum,

*Die xxx. Januarii.*

*In festo S. Martinæ virginis & mart. Missa. Loquébar. de Communi Virginum & martyrum. xxv.*

*Die xxxi. Januarii.*

*In festo S. Petri Nolasci Confessoris, Missa. Justus ut palma. de Communi Confessoris non Pontificis. xxiii.*

*Oratio.*

**D**eus, qui in tuæ charitátis exéplum ad Fidélium redemptionem sanctum Petrum Nolascum, Ecclesiám tuam nova prole fecundáre divinitus docuísti: ipsius

nobis intercessióne concéde, à peccáti servitute solútis, in cœlésti pátria perpétua libertate gaudére. Qui vivis & regnas.

## FESTA FEBRUARII.

*Die i. Februarii.*

**IN FESTO S. IGNATII**  
Episcopi & martyris.

*Introitus.*

*Gal. 6.*

**M**ihi autem absit gloriári, nisi in Cruce Dómini nostri Jesu Christi, per quem mihi mundus crucifixus est, & ego mundo,

*Psal. 131.* Meménto Dómine David, & omnis mansuetúdinis ejus.

*v. Glória Patri.*

*Oratio.*

**I**nfirmi-  
tatem nostram, respice omnipotens Deus: & quia pondus propriæ acti-  
onis gravat, beáti Ignatii mártiris tui atque Pontíficis inter-  
cessio gloriósa nos próte-  
gat. Per Dominum.

*Lectio Epístolæ beáti Pauli Apóstoli ad Romános.*

*Rom. 8.*

**F**ratres, Quis nos separá-  
bit à charitate Christi? Tribulatio, an angústia, an fames, an núditas, an periculum, an persecutio, an gladius? (sicut scriptum est: Quia propter te mortificámur tota die: æstimáti sumus sicut oves occisi-  
onis.) Sed in his omnibus superámus propter eum, qui diléxit nos. Cér-  
tus sum enim, quia neque mors, neque vita, neque An-  
geli, neque Principátus, neque Virtútes, neque instántia, neque futúra, neque fortitúdo, neque altitúdo, neque pro-



profundum, neque creatúra  
 ália póterit nos separáre à  
 charitáte Dei, quæ est in  
 Christo Jesu Dómino nostro.

*Graduale. Eccli. 44.* Ecce sa-  
 cérdos magnus, qui in diébus  
 suis plácuit Deo. *v.* Non est  
 invéntus símilis illi, qui con-  
 ferváret legem Excélsi.

Allelúia, allelúia.

*v. Gal. 2.* Christo confixus  
 sum cruci: vivo ego, jam  
 non ego, vivit verò in me  
 Christus. Allelúia.

*Post Septuages. Tractus.*  
*Psal. 20.* Desidérium ánimæ  
 ejus tribuísti ei, & voluntáte  
 labiórum ejus non fraudásti  
 eum. *v.* Quóniam prævenísti  
 eum in benedictiónibus dulcé-  
 dinis. *v.* Posuísti in cápite ejus  
 corónam de lápide pretiósó.

Sequéntia sancti Evangélii se-  
 cúndum Joánnem.

*Joan. 12. d.*

**I**N illo témpore: Dixit Je-  
 sus discíplis suis: Amen,  
 ámen dico vobis, nisi gra-  
 num fruménti cadens in ter-  
 ram, mórtuum fúerit; ipsum  
 solum manet. Si autem mór-  
 tuum fúerit, multum fructum  
 affert. Qui amat ánimam su-  
 am, perdet eam: & qui odit  
 ánimam suam in hoc mundo,  
 in vitam ætérnam custódit  
 eam. Si quis mihi minístrat,  
 me sequátur: & ubi sum ego,  
 illic & miníster meus erit. Si  
 quis mihi ministráverit, hono-  
 rificábit eum Pater meus.

*Offertorium. Psal. 8.* Glória  
 & honó e coronásti eum: &  
 constituísti eum super ópera  
 mánuum tuárum, Dómine.

*Secreta.*

**H**ostias tibi, Dómine,  
 beáti Ignátii mártiris

tui atque Pontíficis dicátas  
 méritis, benignus assúme: &  
 ad perpétuum nobis tribue  
 proveníre subsidium. Per  
 Dóminum.

*Communio.* Fruméntum Chris-  
 ti sum, déntibus bestiárum  
 molar, ut panis mundus in-  
 véniar.

*Postcommunio.*

**R** Efēcti participatióne mú-  
 neris sacri, quæsumus  
 Dómine Deus noster: ut, cujus  
 exéquimur cultum, interce-  
 dente beáto Ignátio mártý-  
 re tuo atque Pontífice sen-  
 tiámus efféctum. Per Dómi-  
 num.

*Die ii. Februarii.*

**I N F E S T O**

*Purificationis B. M. V.*

*Si hoc festum venerit Domi-  
 nicis Septuagesimæ, Sexagesimæ,  
 vel Quinquagesimæ, fit tantum  
 benedictio, & distributio Cande-  
 larum, & Processio: & Missa  
 dicitur de Dominica: Missa ve-  
 rò Festi transfertur in sequentem  
 diem.*

*¶ Finita Tertia, Sacerdos in-  
 dutus pluviali violaceo, vel sine  
 casula, cum ministris simili-  
 ter indutis, procedit ad bene-  
 dicendum Candelas, in medio  
 ante Altare, vel ad cornu  
 Epistolæ positas; & ipse ibidem  
 stans versus ad Altare, dicit in  
 tono Orationis Missæ Ferialis:  
 Dóminus vobíscum.*

*R.* Et cum spíritu tuo.

*Orémus.*

*Oratio.*

**D**omine sancte, Pater om-  
 nípotens, ætérne Deus,  
 qui ómnia ex níhilo creásti, &  
 jussu tuo per ópera apum,  
 hunc liquórem ad perfecti-  
 nem céri veníre fecísti: & qui  
 hodi-



hodierna die petitionem iusti Simeonis implēsti: te humiliter deprecāmur, ut has Candelas ad usus hominum, & sanitatem corporum & animarum, sive in terra, sive in aquis, per invocationem tui sanctissimi nominis, & per intercessionem beatæ Mariæ semper virginis, cujus hodie festa devotè celebrantur, & per preces omnium Sanctorum tuorum, bene **✠**dicere, & sancti **✠**ficare digneris: & hujus plebis tuæ, quæ illas honorificè in manibus desiderat portare, teque cantando laudare, exaudias voces de cælo sancto tuo, & de sede maiestatis tuæ: & propitius sis omnibus clamantibus ad te, quos redemisti pretioso sanguine Filii tui. Qui tecum vivit & regnat in unitate Spiritus sancti Deus, per omnia sæcula sæculorum. **R.** Amen.

Orémus.

**O**Mnipotens sempiternus Deus, qui hodierna die Unigenitum tuum, ulnis sancti Simeonis in templo sancto tuo suscipiendum præsentasti: tuam supplices deprecāmur clementiam, ut has Candelas, quas nos famuli tui, in tui nominis magnificentiam suscipientes, gestare cupimus luce accensas, bene **✠**dicere, & sancti **✠**ficare, atque lumine supernæ benedictionis accendere digneris: quatenus eastibi Dómino Deo nostro offerendo, digni, & sancto igne dulcissimæ charitatis tuæ succēsi, in templo sancto gloriæ tuæ præsentari mereāmur. Per eundem Dóminum nostrum. **R.** Amen.

Orémus.

**D**omine Jesu Christe, lux vera, qui illuminas omnem hominem venientem in hunc mundum: effunde benedictionem tuam super hos Cereos, & sancti **✠**fica eos lumine gratiæ tuæ, & concede propitius, ut sicut hæc luminaria igne visibili accensa, nocturnas depellant tenebras; ita corda nostra invisibili igne, idest, sancti Spiritus splendore illustrata, omnium vitiorum cæcitate careant: ut purgato mentis oculo, ea cernere possimus, quæ tibi sunt placita, & nostræ salutis utilia: quatenus post hujus sæculi caliginosa discrimina, ad lucem indeficientem pervenire mereāmur. Per te Christe Jesu Salvator mundi, qui in Trinitate perfecta vivis & regnas Deus, per omnia sæcula sæculorum.

**R.** Amen. Orémus.

**O**Mnipotens sempiternus Deus, qui per Moysen famulum tuum purissimum olei liquorem ad luminaria ante conspectum tuum jūgiter concinnanda præparari iussisti: bene **✠**ditionis tuæ gratiam super hos Cereos benignus infunde: quatenus sic administrent lumen exteriūs, ut te donante, lumen Spiritus tui, nostris non desit mentibus interiūs. Per Dóminum nostrum. in unitate ejusdem Spiritus sancti Deus.

**R.** Amen. Orémus.

**D**omine Jesu Christe, qui hodierna die in nostræ carnis substantia inter homines apparens, à parentibus in templo es præsentatus: quem Simeon venerabilis senex, lumine Spiritus tui irradiatus, agnó-



agnóvit, fuscépit; & benedixit: præsta propítius; ut ejúsdem Spíritus sancti gratia illumináti atque edócti; te veráriter agnoscámus, & fidériter diligámus. Qui cum Deo Patre in unitáte ejúsdem Spíritus sancti vivis & regnas Deus, per ómnia sæcula sæculorum. *R.* Amen.

¶ *Finitis Orationibus, Celebrans ponit incensum in thuribulum, deinde ter aspergit Candelas aqua benedicta, dicendo Antiphonam. Asperges me, sine cantu & sine Psalmo: & ter adolet incenso. Tum dignior ex Clero accedit ad Altare, & ab eo Celebrans accipit Candelam non genuflectens, nec osculans manum illius. Postea Celebrans stans in medio ante Altare, versus ad populum distribuit Candelas, primùm digniori, à quo ipse acceperat: deinde Diacono & Subdiacono paratis, & aliis Clericis singulatim per ordinem, ultimò laicis, omnibus genuflectentibus, Candelam & manum Celebrantis osculanti- bus, exceptis Prælatis, si adsint. Et cum inceperit distribuere Candelas, à Choro cantatur Antiphona. Lucæ 2. Lumen ad revelationem Géntium: & gloriam plebis tuæ Israël.*

*Canticum.* Nunc dimíttis fervum tuum Dómine, secúndum verbum tuum in pace.

*Deinde repetitur tota Antiphona. Lumen ad revelationem Géntium: quæ similiter repetitur post quemlibet Versum.*

Quia vidérunt óculi mei salutáre tuum. *Antiphona.* Lumen.

Quod parásti ante faciém ómnium populórum.

*Antiphona. Lumen. Glória Patri.*

*Antiph. Lumen. Sicut erat.*

*Antiph. Lumen. His expletis cantatur Antiph. Ps. 43. Exúrge Dómine, ádjuva nos: & libera nos propter nomen tuum.*

*Psal. Deus áuribus nostris audívimus: patres nostri annuntiavérunt nobis.*

*V. Glória Patri.*

*Et repetitur, Exúrge Dómine. Deinde Sacerdos dicit: Orémus.*

*Et si fuerit post Septuagesimam, & non in die Dominica, Diaconus dicit: Flectámus gè-  
nua. R. Leváte.*

*Oratio.*

**E**Xáudi, quæsumus Dómine, plebem tuam: & quæ extrínsecus ánnua tribuis devotióne venerári, intérius ásequi grátia tuæ luce concède. Per Christum Dóminum nostrum. *R. Amen.*

*Deinde fit Processio. Et primò Celebrans imponit incensum in thuribulum: postea Diaconus vertens se ad populum, dicit: Procedámus in pace. Et Chorus respondet: In nómine Christi, Amen. Præcedit thuriferarius cum thuribulo fumigante: deinde Subdiaconus paratus, deferens Crucem, medius inter duos Ácolythos cum candelabris accensis: sequitur Clerus per ordinem, ultimò Celebrans cum Diacono à sinistris, omnes cum Candelis accensis in manibus: & cantantur Antiphonæ sequentes. Antiphona. Adórna thálamum tuum Sion, & fúscipe Regem Christum: ampléctere Maríam, quæ est coeléstis porta: ipsa enim portat Regem glóriæ noví luminis: subsístit virgo,*



go, addúcens mánibus filium ante lucíferum génitum: quem accípiens Símeon in ulnas suas, prædicávit pópulis Dóminum eum esse vitæ & mortis, & Salvatórem mundi.

*Alia Antiphona.* Respónsum accépit Símeon à Spíritu sancto, non visúrum se mortem, nisi vidéret Christum Dómini: & cùm inducerent púerum in templum, accépit eum in ulnas suas, & benedíxit Deum, & dixit: Nunc dimíttis servum tuum Dómine in pace. *℟.* Cùm inducerent púerum Jesum paréntes ejus, ut fácerent secúndum consuetúdinem legis pro eo, ipse accépit eum in ulnas suas.

*Et ingrediendo Ecclesiam, cantatur ℞.* Obtulérunt pro eo Dómino par turturum, aut duos pullos columbárum, \* Sicut scriptum est in lege Dómini. *℟.* Postquam impléri sunt dies purgatiónis Maríæ secúndum legem Móysi, tulérunt Jesum in Jerúsalem, ut síferent eum Dómino. Sicut scriptum est.

*℟.* Glória Patri, & Fílio, & Spíritui sancto. Sicut scriptum est.

*Finita Processione, Celebrans, & ministri, depositis violaceis, accipiunt paramenta alba pro Missa. Et candelæ tenentur in manibus accensæ dum legitur Evangelium, & iterum ad elevationem Sacramenti usque ad Communionem.*

## A D M I S S A M.

*Introitus. Psal. 47.*

**S**uscépinus Deus misericórdiam tuam in médio templi tui: secúndum nomen

tuum Deus, ita & laus tua in fines terræ: justítia plena est dextera tua.

*Psal. ibid.* Magnus Dóminus, & laudábilis nimis: in civitáte Dei nostri, in monte sancto ejus.

*℟.* Glória Patri.

*Oratio.*

**O**Mnípotens sempitérne Deus, majestátem tuam súpplices exorámus: ut sicut unigénitus Fílius tuus hodierna die cum nostræ carnis substantia in templo est præsentátus; ita nos fácias purificáti tibi méntibus præsentári. Per eúndem Dóminum.

Léctio Malachíæ Prophétæ.

*Malach. 3.*

**H**Æc dicit Dóminus Deus: Ecce ego mitto Angelum meum, & præparábit viam ante faciém meam. Et statim véniet ad templum suum Dóminátor, quem vos quæritis, & Angelus testaménti, quem vos vultis. Ecce venit, dicit Dóminus exercítuum: & quis póterit cogitare diem advéntus ejus, & quis stabit ad vidéndum eum? Ipse enim quasi ignis conflans, & quasi herba fullónum: & sedébit conflans, & emúndans argéntum, & purgábit filios Levi, & colábit eos quasi aurum, & quasi argéntum: & erunt Dómino offeréntes sacrificia in justítia. Et placébit Dómino sacrificium Judæ & Jerúsalem, sicut dies sæculi, & sicut anni antiqui: dicit Dóminus omnípotens.

*Graduale. Psal. 47.* Suscépinus Deus misericórdiam tuam in médio templi tui: secúndum nomen tuum Deus,



ita & laus tua in fines terræ.  
 V. Sicut audivimus, ita & vidimus in civitate Dei nostri, in monte sancto ejus. Allelúia, allelúia. V. Senex puerum portabat: puer autem senem regébat. Allelúia.

*Post Septuagesimam, omittis Allelúia, & Versu sequenti, dicitur Tractus. Luc. 2.* Nunc dimittis servum tuum Dómine, secundum verbum tuum in pace. V. Quia viderunt oculi mei salutare tuum.

V. Quod parasti ante faciem omnium populorum. V. Lumen ad revelationem Gentium, & glóriam plebis tuæ Israël.

Sequéntia sancti Evángelii secundum Lucam.

*Luc. 2.*

**I**N illo tempore: Postquam impléti sunt dies purgationis Mariæ secundum legem Móysi, tulérunt Jesum in Jerúsalem, ut sisterent eum Dómino, sicut scriptum est in lege Dómini: Quia omne masculinum adaperiens vulvam, sanctum Dómino vocábitur. Et ut darent hostiam secundum quod dictum est in lege Dómini, par turturum, aut duos pullos columbárum. Et ecce homo erat in Jerúsalem, cui nomen Simeon, & homo iste justus, & timorátus, expectans consolationem Israël, & Spíritus sanctus erat in eo. Et responsum accéperat à Spíritu sancto, non visurum se mortem, nisi prius vidéret Christum Dómini. Et venit in spiritu in templum. Et cum inducerent puerum Jesum parentes ejus, ut facerent secun-

dum consuetudinem legis pro eo: & ipse accépit eum in ulnas suas: & benedixit Deum, & dixit: Nunc dimittis servum tuum Dómine, secundum verbum tuum in pace: Quia viderunt oculi mei salutare tuum. Quod parasti ante faciem omnium populorum: Lumen ad revelationem Gentium, & glóriam plebis tuæ Israël. Credo.

*Offertorium. Psal. 44.* Diffusa est grátia in lábiis tuis: propterea benedixit te Deus in ætérnum, & in sæculum sæculi.

*Secreta.*

**E**Xaudi, Dómine, preces nostras: & ut digna sint múnera, quæ oculis tuæ majestátis offerimus, subsidium nobis tuæ pietátis impende. Per Dóminum.

*Præfatio. de Nativitate Domini.*

*Communio. Luc. 2.* Responsum accépit Simeon à Spíritu sancto, non visurum se mortem, nisi vidéret Christum Dómini.

*Postcommunio.*

**Q**Uæsumus Dómine Deus noster: ut sacrosáncta mystéria, quæ pro reparationis nostræ munimine contulisti, intercedente beáta María semper vírgine, & præsens nobis remédium esse facias, & futurum. Per Dóminum.

*Die iii. Februarii.*

*S. Blasii Episc. & mart. Missa. Sacerdotes Dei. ut in Communi unius Mart. Pontif. iii.*

*Die*



Die iv. Februarii.

IN FESTO S. ANDREÆ  
Corfini Episcopi & Confess.  
Missa. Státuit ei Dóminus.  
ut in Communi Confessoris  
Pontificis. xvi.

Oratio.

**D**Eus, qui in Ecclesiá tua  
nova, semper instáuras  
exémpla virtútum; da pópulo  
tuo, beáti Andréæ Confessóris  
tui atque Pontíficis ita sequi  
vestígia, ut assequátur & præ-  
mia. Per Dóminum.

Die v. Februarii.

IN FESTO S. AGATHÆ  
virg. & mart.

Introitus.

**G**Audeámus omnes in Dó-  
mino, diem festum ce-  
lebrántes sub honóre beátæ  
Agathæ vírginis & mártý-  
ris: de cujus passióne gau-  
dent Angeli, & colláudant  
Fílium Dei.

*Psal. 44.* Eructávit cor meum  
verbum bonum: dico ego ópe-  
ra mea Regi. *Ps.* Glória Patri.

Oratio.

**D**Eus, qui inter cétera po-  
téntiæ tuæ mirácula,  
étiam in sexu frágili victóriam  
martyrii contulísti: concéde  
propítius; ut qui beátæ Aga-  
thæ vírginis & mártýris tuæ  
natalítia cólimus, per ejus ad  
te exémpla gradiámur. Per  
Dóminum.

Léctio Epístolæ beáti Pauli  
Apóstoli ad Corínthios.

1. Cor. 1. d.

**F**Ratres, Vidéte vocatió-  
nem vestram, quia non  
multi sapiéntes secúndum car-  
nem, non multi poténtes, non  
multi nóbiles: sed quæ stulta  
sunt mundi elégit Deus, ut

confúndat sapiéntes: & infir-  
ma mundi elégit Deus, ut con-  
fúndat fórtia: & ignobília  
mundi, & contemptibília elégit  
Deus, & ea quæ non sunt, ut ea  
quæ sunt destrúeret: ut non  
gloriétur omnis caro in con-  
spéctu ejus. Ex ipso autem vos  
estis in Christo Jesu, qui factus  
est nobis sapiéntia à Deo, &  
justítia, & sanctificátio, & re-  
demptio: ut quemádmódum  
scriptum est: Qui gloriátur, in  
Dómino gloriétur.

*Graduale. Psal. 45.* Adjuvábít  
eam Deus vultu suo: Deus in  
medio ejus, non commovébi-  
tur. *Ps.* Flúminis ímpetus lætí-  
ficat civitátem Dei: sanctifi-  
cávit tabernáculum suum Al-  
tíssimus. Allelúia, allelúia.

*Psal. 118.* Loquébar de  
testimóniis tuis in conspéctu  
regum, & non confundébar.  
Allelúia.

*Si venerit post Septuag. omis-  
sis Allelúia. & Versu sequenti,  
dicitur Tractus. Psal. 125.* Qui  
séminant in lácrymis, in gáu-  
dio metent. *Ps.* Eúntes ibant,  
& flebant, mitténtes sémína  
sua. *Ps.* Veniéntes autem vé-  
nient cum exultatióne, por-  
tántes manípulos suos.

Sequéntia sancti Evangélii se-  
cúndum Matthæum.

Matth. 19.

**I**N illo témpore: Accessé-  
runt ad Jesum Pharisei  
tentántes eum, & dicéntes:  
Si licet hómini dimíttére  
uxórem suam, quacúmque ex  
causa? Qui respóndens, ait  
eis: Non legístis, quia qui fe-  
cit hóminem ab inítio, máscu-  
lum & féminam fecit eos? &  
dixit: Propter hoc dimíttet



homo patrem, & matrem, & adhærébit uxóri suæ, & erunt duo in carne una. Itaque jam non sunt duo, sed una caro. Quod ergo Deus conjúnxit, homo non séparet. Dicunt illi: Quid ergo Móyses mandávit dare libellum repúdií, & dimíttre? Ait illis: Quóniam Móyses ad durítiam cordis vestri permísit vobis dimíttre uxóres vestras: ab inítio autem non fuit sic. Dico autem vobis, quia quicumque dimíserit uxórem suam, nisi ob fornicatiónem, & áliam dúxerit, mœchátur: & qui dimíssam dúxerit, mœchátur. Dicunt ei discípuli ejus: Si ita est causa hóminis cum uxóre, non expedit núbere. Qui dixit illis: Non omnes cāpiunt verbum istud, sed quibus datum est. Sunt enim eunúchi, qui de matris útero sic nati sunt: & sunt eunúchi, qui facti sunt ab homínibus: & sunt eunúchi, qui seíplos castravérunt propter regnum coelórum. Qui potest cāpere, cāpiat.

*Offertorium. Psal. 44.* Afferéntur Regi vírgines post eam: próximæ ejus afferéntur tibi.

*Secreta.*

**S**Uscipe Dómine múnera, quæ in beátæ Agathæ vírginis & mártiris tuæ solemnitáte deférimus: cujus nos confidimus patrocínio liberári. Per Dóminum.

*Communio.* Qui me dignátus est ab omni plaga curáre, & mamíllam meam meo péc-tori restitúere: ipsum invoco Deum vivum.

*Postcommunio.*

**A**uxiliéntur nobis, Dómine, sumptá mystéria: & intercedénte beáta Agatha

vírgine & mártire tua, sempitérna protectióne confirmént. Per Dóminum.

*Die vi. Februarii.*

¶ *Sanctæ Dorotheæ virginis & mart. Missa.* Me expectáverunt. *de Communi Virginum & mart. xxxi.*

*Die vii. Februarii.*

¶ *In festo S. Romualdi Ab-batis, Missa.* Os justi meditabitur. *de Communi Abbatum. xxiv.*

*Die viii. Februarii.*

IN FESTO S. JOANNIS de Matha Confessoris. *Missa.* Os justi. *de Communi Confess. non Pontif. xxii.*

*Oratio.*

**D**Eus, qui per sanctum Joánnem de Matha Ordinem sanctíssimæ Trinitátis ad rediméndum de potestáte Saracenórum captívos coelitus institúere dignátus es: præsta quæsumus; ut ejus suffragántibus méritis, à captivitáte córporis & animæ te adjuvánte liberémur. Per Dóminum.

*Die ix. Februarii.*

¶ *S. Apolloniæ virginis & mart. Missa.* Loquébar de testimóniis. *de Communi Virg. & mart. xxv.*

*Die x. Februarii.*

IN FESTO S. SCHOLASTICÆ Virginis, *Missa.* Dilexísti. *ut in Communi Virg. xxix.*

*Ora-*



## Oratio.

**D**Eus, qui animam beatæ virginis tuæ Scholasticæ, ad ostendendam innocentie suæ viam, in Columbæ specie Cælum penetrare fecisti; da nobis ejus meritis & precibus ita innocentè vivere, ut ad æternæ mereamur gaudia pervenire. Per Dñm.

*Deinde fit commem. Ferie, si celebretur in Quadragesima.*

*Die xi. Februarii.*

*In festo S. Raymundi de Pennafort Confessoris, Missa. Os justi. ut in Communi Confessoris non Pontif. xxii.*

## Oratio.

**D**Eus, qui beatum Raymundum Pœnitentiæ Sacramenti insignem ministrum elegisti, & per maris undas mirabiliter traduxisti: concede, ut ejus intercessione dignos pœnitentiæ fructus facere, & ad æternæ salutis portum pervenire valeamus. Per Dñm.

*Die xiv. Februarii.*

**SANCTI VALENTINI**  
Presbyt. & mart.

*Missa. In virtute tua. de Communi unius Mart. iv. præter Orationes, quæ infra assignantur.*

## Oratio.

**P**Ræsta quæsumus omnipotens Deus: ut qui beati Valentini martyris tui natalitia colimus, à cunctis malis imminèntibus, ejus intercessione liberemur. Per Dñm.

## Secreta.

**O**blatis, quæsumus Dñm, placare munèribus: & intercedente beato Valentino martyre tuo, à cunctis nos defende periculis. Per Dñm.

## Postcommunio.

**S**it nobis Dñm, reparatio mentis & corporis cœlestè mystèrium: ut, cujus exequimur actionem, intercedente beato Valentino martyre tuo, sentiamus effectum. Per Dominum.

*Die xv. Februarii.*

¶ *SS. mart. Faustini & Jovite, Missa. Salus autem. in Communi plurim. Mart. xiv.*

*Die xviii. Februarii.*

*S. Simeonis Episc. & mart. Missa. Státuit ei Dñmus. de Communi unius Martyris Pontif. ii.*

*Die xxii. Februarii.*

¶ *In Cathedra Antiochena S. Petri, omnia dicuntur, sicut in festo Cathedræ Romanæ, ut supra. 340. ommissa commemoratione sanctæ Priscæ, & cum commemor. Ferie, si venerit in Quadragesima.*

*Die xxiii. vel xxiv. Februarii.*

¶ *In Vigilia S. Mathie, Missa. Ego autem sicut oliva. de Communi in Vigilia unius Apostoli. i.*

*Si hæc Vigilia venerit in Quadragesima, fit de ea tantum commemor. in Missa.*

*Die*



Die xxiv. vel xxv. Februarii.  
IN FESTO S. MATHIÆ  
Apostoli.

*Introitus. Psal. 138.*

**M**ihi autem nimis honorati sunt amici tui Deus: nimis confortatus est principatus eorum. *Psal. ibid.* Domine probasti me, & cognovisti me: tu cognovisti sessionem meam, & resurrectionem meam.

*℣. Glória Patri. Oratio.*

**D**eus, qui beatum Mathiam Apostolorum tuorum collégio sociasti: tribue quaesumus; ut ejus interventione, tuæ circa nos pietatis semper viscera sentiamus. Per Dominum.

Lectio Actuum Apostolorum.

*Act. 1. c.*

**I**N diebus illis: Exurgens Petrus in medio fratrum, dixit: (erat autem turba hominum simul ferè centum viginti.) Viri fratres, oportet impleri Scripturam, quam prædixit Spiritus sanctus per os David de Juda, qui fuit dux eorum, qui comprehendérunt Jesum, qui connumeratus erat in nobis, & sortitus est sortem ministerii hujus. Et hic quidem possedit agrum de mercede iniquitatis, & suspensus crepuit medius: & diffusa sunt omnia viscera ejus. Et notum factum est omnibus habitantibus Jerúsalem, ita ut appellaretur ager ille, lingua eorum, Haceldama, hoc est, ager sanguinis. Scriptum est enim in libro Psalmorum: Fiat commoratio eorum deserta, & non sit qui inhabitet in ea: & episcopatum ejus accipiat alter.

Opórtet ergo ex his viris, qui nobiscum sunt congregati in omni tempore, quo intravit, & exiit inter nos Dominus Jesus, incipiens à baptismo Joannis, usque in diem, qua assumptus est à nobis, testem resurrectionis ejus nobiscum fieri unum ex istis. Et statuerunt duos, Joseph, qui vocabatur Barsabas, qui cognominatus est justus: & Mathiam. Et orantes, dixerunt: Tu Domine, qui corda nosti omnium, ostende, quem elegeris ex his duobus unum, accipere locum ministerii hujus, & Apostolatus, de quo prævaricatus est Judas, ut absiret in locum suum. Et dederunt sortes eis, & cecidit fors super Mathiam, & annumeratus est cum undecim Apostolis.

*Graduale. Psal. 138.* Nimis honorati sunt amici tui Deus: nimis confortatus est principatus eorum. *℣. Dinumerabo eos: & super arenam multiplicabuntur.*

*Tractus.* Desiderium animæ ejus tribuisti ei, & voluntate labiorum ejus non fraudasti eum. *℣. Quoniam prævenisti eum in benedictionibus dulcedinis. ℣. Posuisti in capite ejus coronam de lapide pretioso.*

Sequencia sancti Evangelii secundum Matthæum.

*Matth. 11.*

**I**N illo tempore respondens Jesus dixit: Confiteor tibi Pater, Domine cœli & terræ, quia abscondisti hæc à sapientibus & prudentibus, & revelasti ea parvulis. Ita Pater: quoniam sic fuit placitum ante te. Omnia mihi tradita sunt à Patre meo. Et



Et nemo novit Fílium, nisi Pater: neque Patrem quis novit, nisi Fílius, & cui volúerit Fílius reveláre. Veníte ad me omnes, qui laborátis, & oneráti estis, & ego reficiam vos. Tóllite jugum meum super vos, & díscite à me, quia mitis sum, & húmilis corde: & inveniétis réquiem animábus vestris. Jugum enim meum suáve est, & onus meum leve. Credo.

*Offertorium. Ps. 44.* Constítues eos príncipes super omnem terram: mémores erunt nóminis tui Dómine, in omni progénie & generatióne.

*Secreta.*

**H**ostias tibi, Dómine, quas nómini tuo sacrádas offerimus, sancti Mathíæ Apóstoli tui prosequátur orátio: per quam vos expiári fácias, & deféndi. Per Dóminum.

*Præfatio de Apóst.*

*Communio. Matth. 19.* Vos qui secúti estis me, sedébitis super sedes, judicántes duódecim tribus Israél.

*Postcommunio.*

**P**ræsta quæsumus omnípotens Deus: ut per hæc sancta quæ sumpsimus, interveniente beáto Mathía Apóstolo tuo, véniam consequámur & pacem. Per Dóminum.

## FESTA MARTII.

*Die iv. Martii.*

IN FESTO S. CASIMIRI  
Confessoris.

*Introitus.*

*Psal. 36.*

**O**s justi meditábitur sapiéntiam, & lingua ejus

loquétur judícium: lex Dei ejus in corde ipsíus.

*Psal. ibid.* Noli æmulári in malignántibus: neque zeláveris faciéntes iniquitatem.

℣. Glória Patri.

*Oratio.*

**D**eus, qui inter regáles delicias, & mundi illécebras Sanctum Casimírum virtúte constántiæ roborásti: quæsumus, ut ejus intercessióne fideles tui terréna despícient, & ad coeléstia semper aspírent. Per Dóminum.

*Si venerit in Quadragesima, fit commemoratio Feriæ.*

*Pro commemoratione S. Lucii Papæ & mart.*

*Oratio.*

**D**eus, qui nos beáti Lúcii mátyristui atque Pontíficis ánnua solemnitáte lætíficas: concéde propítius; ut cujus natalítia cólimus, de ejúsdem étiam protectióne gaudeámus. Per Dóminum.

Léctio libri Sapiéntiæ.

*Eccli. 31.*

**B**eátus vir, qui invéntus est sine mácula, & qui post aurum non ábiit, nec sperávit in pecúnia & thesáuris. Quis est hic, & laudábimus eum? fecit enim mirabília in vita suá. Qui probátus est in illo, & perfectus est, erit illi glória æténa: qui pótuit tránsgredi, & non est transgréssus: fácere mala, & non fecit: ideo stabilita sunt bona illíus in Dómino, & eleemósynas illíus enarrábit omnis Ecclésia sanctórum.

*Graduale. Ps. 91.* Justus ut palma florébit: sicut cedrus Líbani multiplicábitur in domo Dómini. ℣. Ad annuntiándum



dum manè misericórdiam tuam, & veritatem tuam per noctem.

*Tractus. Psal. 111.* Beátus vir, qui timet Dóminum: in mandátis ejus cupit nimis.

✠. Potens in terra erit semen ejus: generatio rectorum benedicetur. ✠. Glória & divitiæ in domo ejus: & justitia ejus manet in sæculum sæculi.

Sequéntia sancti Evángelií secundum Lucam.

*Luc. 12. c.*

**I**N illo tēpore: Dixit Jesus discipulis suis: Sint lum-  
bi vestri præcincti, & lucernæ ardentes in manibus vestris: & vos símiles hominibus expectántibus dóminum suum, quando revertátur à nuptiis: ut, cum vénerit, & pulsáverit, conféstim apériant ei. Beáti servi illi, quos, cum vénerit dóminus, invenerit vigilántes: amen dico vobis, quod præcínget se, & faciet illos discumbere, & tránsiens ministrábit illis. Et si vénerit in secúnda vigília, & si in tértia vigília vénerit, & ita invenerit, beáti sunt servi illi. Hoc autem scitóte, quóniam si sciret paterfamilias, qua hora fur veníret, vigiláret útique, & non síneret pèrfodi domum suam. Et vos estóte paráti, quia qua hora non putátis, Fílius hominis veniet.

*Offertorium. Ps. 88.* Véritas mea, & misericórdia mea cum ipso: & in nómine meo exaltábitur cornu ejus.

*Secreta.*

**L**Audis tibi, Dómine, hóstias immolámus in tuórum commemoratióne Sanctórum: quibus nos & præsen-

tibus exui malis confidimus & futúris. Per Dóminum.

*Pro S. Lucio. Secreta.*

**M**Unera tibi, Dómine, dicáta sanctífica: & intercedente beáto Lúcio mártire tuo atque Pontífice, per eadem nos placátus inténde. Per Dóminum.

*Communio. Mat. 24.* Beátus servus, quem, cum vénerit dóminus, invenerit vigilántem: amen dico vobis, super ómnia bona sua constituet eum.

*Postcommunio.*

**R**efécti cibo potúque cœlésti, Deus noster, te supplices exorámus: ut in cujus hæc commemoratióne percépimus, ejus muniámur & precibus. Per Dóminum.

*Pro S. Lucio. Postcommunio.*

**H**Æc nos commúnio, Dómine, purget à crimine: & intercedente beáto Lúcio mártire tuo atque Pontífice, cœléstis remédii faciat esse consórtes. Per Dóminum.

*Die vii. Martii.*

IN FESTO S. THOMÆ DE AQUINO Confessoris, & Ecclesiæ Doctoris.

*Introitus. Eccl. 15.*

**I**N médio Ecclesiæ apèruit os ejus: & implevit eum Dóminus spíritu sapiéntiæ & intelléctus: stolam glóriæ induit eum.

*Ps. 91.* Bonum est confitéri Dómino: & psállere nómini tuo, Altíssime.

✠. Glória Patri. *Oratio.*

**D**Eus, qui Ecclesiám tuam beáti Thomæ Confessoris tui mira eruditiónē clarificas, & sancta operatióne fecúndas:



cūdas: da nobis quæsumus, & quæ dōcuit, intellectu conspicere, & quæ egit, imitatione complere. Per Dōminum.

*Et fit commem. Ferie, si venerit in Quadragesima, & postea SS. Perpetuæ & Felicitatis martyrum.*

*Oratio.*

**D**A nobis, quæsumus Dōmine Deus noster, sanctarum martyrum tuarum Perpetuæ & Felicitatis palmas incessabili devotione venerari: ut quas digna mente non possumus celebrare, humilibus saltem frequentemus obsequiis. Per Dōminum,

Lectio libri Sapiëntiæ.

*Sap. 7.*

**O**ptavi, & datus est mihi sensus: & invocavi, & venit in me spīritus sapiëntiæ: & præposui illam regnis & fēdibus, & divitias nihil esse duxi in comparatione illius: nec comparavi illi lapidem pretiosum: quoniam omne aurum in comparatione illius, arēna est exigua, & tamquam lutum æstimabitur argentum in conspectu illius. Super salutem & spēcīem dilēxi illam, & proposui pro lucē habere illam: quoniam inextinguibile est lumen illius. Venerunt autem mihi omni bona pariter cum illa, & innumerabilis honestas per manus illius, & lætatus sum in omnibus: quoniam antecedebat me ista sapiëntia, & ignorabam quoniam horum omnium mater est. Quam sine fictione didici, & sine invidia comunico, & honestatem illius non abscondo. Infinitus enim thesaurus est hominibus: quo qui usi sunt, participes facti sunt

amicitiæ Dei, propter disciplinæ dona commendati.

*Graduale. Ps. 36.* Os iusti meditabitur sapiëntiam, & lingua ejus loquétur iudicium.

✠. Lex Dei ejus in corde ipsius: & non supplantabuntur gressus ejus.

*Tractus. Ps. 111.* Beatus vir, qui timet Dōminum: in mandatis ejus cupit nimis.

✠. Potens in terra erit semen ejus: generatio rectorum benedicetur ✠. Glória & divitiæ in domo ejus: & justitia ejus manet in sæculum sæculi.

Sequëntia sancti Evangelii secundum Matthæum.

*Matth. 5. b.*

**I**N illo tempore; Dixit Jesus discipulis suis: Vos estis sal terræ. Quod si sal evanuerit, in quo salietur? ad nihilum valet ultra, nisi ut mittatur foras, & conculcetur ab hominibus. Vos estis lux mundi. Non potest civitas abscondi supra montem posita. Neque accendunt lucernam, & ponunt eam sub mōdio, sed super candelabrum: ut luceat omnibus qui in domo sunt. Sic luceat lux vestra coram hominibus, ut videant opera vestra bona, & glorificent Patrem vestrum, qui in cœlis est. Nolite putare quoniam veni sōlvēre legem, aut Prophētas: non veni sōlvēre, sed adimplere. Amen quippe dico vobis, donec transeat cœlum & terra, iōta unum, aut unus apex non præteribit à lege, donec omnia fiant. Qui ergo sōlverit unum de mandatis istis minimis, & docuerit sic homines, minimus vocabitur in regno cœlorum: qui autem



fecerit & docuerit, hic magnus vocabitur in regno coelorum. Credo.

*Offertorium. Ps. 91.* Justus ut palma florebit: sicut cedrus, quæ in Libano est, multiplicabitur. *Secreta.*

**S**ancti Thomæ Confessoris tui, atque Doctoris nobis, Domine, pia non desit oratio: quæ & mûnera nostra conciliet, & tuam nobis indulgentiam semper obtineat. Per Dominum.

*Pro SS. martyribus. Secreta.*

**I**ntende, quæsumus Domine, mûnera, altaribus tuis pro sanctarum martyrum Perpetuæ & Felicitatis festivitate propòsita: ut sicut per hæc beata mystéria illis glóriam contulisti: ita nobis indulgentiam largiaris. Per Dominum.

*Communio. Luc. 12.* Fidelis servus & prudens, quem constituit dominus super familiam suam: ut det illis in tempore tritici mensuram.

*Postcommunio.*

**U**t nobis, Domine, tua sacrificia dent salutem: beatus Thomas Confessor tuus, & doctor egregius, quæsumus, precator accedat. Per Dominum.

*Pro SS. martyrib. Postcomm.*

**P**ræsta nobis, quæsumus Domine, intercedentibus sanctis martyribus tuis Perpetua & Felicitate: ut quod ore contingimus, pura mente capiamus. Per Dominum.

*Die viii. Martii.*

IN FESTO S. JOANNIS DE DEO Confessoris.

*Introitus. Psal. 36.*

**O**s justus meditabitur sapientiam, & lingua ejus

loquetur judicium: lex Dei ejus in corde ipsius.

*Psal. ibid.* Noli æmulari in malignantibus: neque zelaveris facientes iniquitatem. *V. Glória Patri.*

*Oratio.*

**D**eus, qui beatum Joannem, tuo amore succensum, inter flammæ innoxium incedere fecisti, & per eum Ecclesiam tuam nova prole fecundasti: præsta ipsius suffragantibus meritis; ut igne charitatis tuæ vitia nostra curentur, & remedia nobis æterna proveniant. Per Dominum nostrum.

*In Quadrag. fit commem. Feriæ.*

Lectio libri Sapientiae.

*Eccli. 31.*

**B**eatus vir, qui inventus est sine macula, & qui post aurum non abiit, nec speravit in pecunia & thesauris. Quis est hic, & laudabimus eum? fecit enim mirabilia in vita sua. Qui probatus est in illo, & perfectus est, erit illi gloria æterna: qui potuit transgredi, & non est transgressus: facere mala, & non fecit: ideo stabilita sunt bona illius in Domino, & eleemosynas illius enarrabit omnis Ecclesia sanctorum.

*Graduale. Psal. 91.* Justus ut palma florebit: sicut cedrus Libani multiplicabitur in domo Domini. *V. Ad annuntiandum manè misericordiam tuam, & veritatem tuam per noctem.*

*Tractus. Psalm. 111.* Beatus vir, qui timet Dominum: in mandatis ejus cupit nimis.

*V. Potens in terra erit semen ejus: generatio rectorum benedi-*



nedicetur. v. Glória & divitiæ in domo ejus : & justitia ejus manet in sæculum sæculi.

Sequéntia sancti Evangélíi secundum Matthæum.

*Matth. 22. d.*

**I**N illo tēpore : Accēserunt ad Jesum Pharisei : & interrogāvit eum unus ex eis legis doctor, tentans eum : Magister, quod est mandatum magnum in lege ? Ait illi Jesus : Dīliges Dōminum Deum tuum ex toto corde tuo, & ex tota anima tua, & in tota mente tua. Hoc est mǎximum, & primum mandatum. Secundum autem sīmīle est huic : Dīliges prōximum tuum, sicut teīpsum. In his duōbus mandātis univērsa lex pendet, & Prophētæ. Congregātis autem Phariseis, interrogāvit eos Jesus, dicens : Quid vobis videtur de Christo ? cujus filius est ? Dicunt ei : David. Ait illis : Quōmodo ergo David in spīritu vocat eum Dōminum, dicens : Dixit Dōminus Dōmino meo, Sede à dextris meis, donec ponam inimicos tuos scabellum pedum tuōrum ? Si ergo David vocat eum Dōminum, quōmodo filius ejus est ? & nemo pōterat ei respondere verbum : neque ausus fuit quisquam ex illa die eum ampliùs interrogāre.

*Offertorium. Psal. 88.* Vēritas mea, & misericórdia mea cum ipso : & in nōmine meo exaltābitur cornu ejus.

*Secreta.*

**L**Audis tibi, Dōmine, hostias immolāmus in tuō-

rum commemoratiōne Sanctōrum : quibus nos & præsētibz exui malis confidimus & futūris. Per Dōminum.

*Communio. Matth. 24.* Beātus servus, quem, cum venerit dōminus, invēnerit vigilāntem : amen dico vobis, super ōmnia bona sua constituet eum.

*Postcommunio.*

**R**Efecti cibo potūque cœlesti, Deus noster, te supplices exorāmus : ut in cujus hęc commemoratiōne percēpimus, ejus muniāmur & prēcibus. Per Dōminum.

*Die ix. Martii.*

**IN FESTO S. FRANCISCÆ Viduæ, Missa.** Cognōvi. de Comuni nec Virginis nec Mart. xxxii.

*Oratio.*

**D**Eus, qui beatam Franciscam famulam tuam, inter cetera gratiæ tuæ dona familiari Angeli consuetudine decorasti : concede quæsumus ; ut intercessiōnis ejus auxilio Angelōrum consōrtium consequi mereāmur. Per Dōminum nostrum.

*Et fit commem. Fer. si venerit in Quadragesima.*

*Die x. Martii.*

**IN FESTO SS. Quadraginta Martyrum.**

*Introitus. Psal. 33.*

**C**Lamaverunt justī, & Dōminus exaudivit eos : & ex ōnibus tribulatiōibus eōrum liberāvit eos.

*Psal. ibid.* Benedicam Dōminum in omni tēpore : semper laus ejus in ore meo.



℣. Glória Patri. Oratio.

**P**Ræsta quæsumus omnipotens Deus: ut qui glorioſos Mártyres fortes in ſua confefſiõne cognóvimus, pios apud te in noſtra interceſſiõne ſentiámus. Per Dóminum.

*Deinde fit commem. Feriæ.*

Léctio Epíſtolæ beáti Pauli Apóſtoli ad Hebræos.

*Heb. 11.*

**F**Ratres, Sancti per fidem vicérunt regna, operáti ſunt juſtítiam, adépti ſunt re-promiſſiões, obturavérunt ora leónum, extinxérunt ímpetum ignis, effugérunt áciem gládii, convaluérunt de infirmitáte, fortes facti ſunt in bello, caſtra vertérunt exterórum: accepérunt mulieres de reſurrectiõne mórtuos ſuos: álii autem diſténti ſunt, non ſuſcipiéntes redemptionem, ut meliõrem invenírent reſurrectionem. Alii verò ludíbria & vérbera expérti, ínſuper & víncula & cárceres: lapidáti ſunt, ſecti ſunt, tentáti ſunt, in occiſiõne gládii mórtui ſunt, circuiérunt in melótis, in pél-libus caprínis, egéntes, anguſtiáti, afflícti: quibus dignus non erat mundus: in ſolitudínibus errántes, in móntibus, & ſpelúncis, & in cavérnis terræ. Et hi omnes teſtimónio fidei probáti invénti ſunt: in Chriſto Jeſu Dómino noſtro.

*Graduale. Pſalm. 132.* Ecce quàm bonum, & quàm jucúndum, habitáre fratres in unum.

℣. Sicut unguéntum in cápite, quod deſcéndit in barbam, barbam Aaron.

*Tractus. Pſal. 125.* Qui ſéminant in lácrymis, in gáudio metent.

℣. Eúntes ibant & flebant, mitténtes ſémina ſua.

℣. Veniéntes autem vénient cum exultatiõne, portántes manípulos ſuos.

Sequéntia ſancti Evangélíi ſecúndum Lucam.

*Luc. 6.*

**I**N illo témpore: Deſcéndens Jeſus de monte, ſtetit in loco campéſtri, & turba diſcipulórum ejus, & multitúdo copiõſa plebis ab omni Judæa, & Jerúſalem, & marítima, & Tyri, & Sidónis, qui vénerant, ut audírent eum, & ſanaréntur à languóribus ſuis. Et qui vexabántur à ſpirítibus immúndis, curabántur. Et omnis turba quærébat eum tangére: quia virtus de illo exíbat, & ſanábat omnes. Et ipſe elevátis óculis in diſcipulos ſuos, dicébat: Beáti páuperes: quia veſtrum eſt regnum Dei. Beáti qui nunc eſurítis: quia ſaturabímini. Beáti qui nunc fletis: quia ridébitis. Beáti éritis, cùm vos óderint hómínes, & cùm ſeparáverint vos, & exprobráverint, & ejécerint nomen veſtrum tamquam malum, propter Fílium hómínis. Gaudéte in illa die, & exultáte: ecce enim merces veſtra multa eſt in cœlo.

*Offertorium. Pſ. 31.* Lætámini in Dómino, & exultáte juſti: & glóriamini omnes recti corde.

*Secreta.*

**S**Acrificiis præſéntibus, quæſumus Dómine, inténde placátus: ut intercedéntibus ſanctis Martyribus tuis, & devotiõni noſtræ profici-



ſciant, & ſaluti. Per Dóminum noſtrum, &c.

¶ Si hoc feſtum venerit in Feriam quintam poſt Cineres, tunc Secreta pro commem. Ferie debet mutari, quia eſt eadem cum Secreta Ss. Martyrum, ſuprà, & debet ſumi Secreta ex miſſa Ferie ſextæ ſequentis, nempe, Sacrificium Dómine, &c.

*Communio. Matth. 12.* Quicumque fécerit voluntátem Patris mei, qui in cœlis eſt: ipſe meus frater, & ſoror, & mater eſt, dicit Dóminus.

*Postcommunio.*

**Q**Uæſumus omnípotens Deus: ut illius ſalutáris capiámus efféctum, cujus per hæc myſtéria pignus accepiſimus. Per Dóminum.

*Die xii. Martii.*

IN FESTO S. GREGORII  
Papæ Conf. & Eccleſiæ Doct.

*Introitus. Dan. 3.*

**S**acerdótes Dei benedícite Dóminum: ſancti & húmiles corde laudáte Deum.

*Dan. ibid.* Benedícite ómnia ópera Dómini Dómino: laudáte & ſuperexaltáte eum in ſæcula.

ŷ. Glória Patri.

*Oratio.*

**D**Eus, qui ánimæ ſámuli tui Gregórii, æternæ beatitúdinis præmia contuſiſti: concéde propítius; ut qui peccatórum noſtrórum póndere préminur, ejus apud te précibus ſublevémur. Per Dóminum.

*Deinde fit commem. Ferie.*

Léctio Epíſtolæ beáti Pauli Apóſtoli ad Timótheum.

2. Tim. 4.

**C**haríſſime, Teſtíſcor coram Deo, & Jeſu Chriſto, qui judicatúrus eſt vivos & mórtuos, per advéntum ipſius, & regnum ejus: prædica verbum, inſta opportunè, importunè: árgue, óbſecra, increpa in omni paciéntia, & doctrína. Erit enim tempus, cum ſanam doctrínam non ſuſtinébunt, ſed ad ſua deſidéria coacervábunt ſibi magiſtros, pruriéntes áuribus, & à veritate quidem audítum avértent, ad fábulas autem converténtur. Tu verò vígila, in ómnibus labóra, opus fac Evangelíſtæ, miniſtérium tuum imple. Sóbrius eſto. Ego enim jam delíbor, & tempus reſolutiónis meæ inſtat. Bonum certamen certávi, curſum conſummávi, fidem ſervávi. In réliquo repóſita eſt mihi coróna juſtitiæ, quam reddet mihi Dóminus in illa die juſtus judex: non ſolúm autem mihi, ſed & iis qui diligunt advéntum ejus.

*Graduale. Pſalm. 109.* Jurávit Dóminus, & non poenitébit eum: tu es ſacerdos in æternum ſecúndum órđinem Melchíſedech.

ŷ. Dixit Dóminus Dómino meo: Sede à dextris meis.

*Tractus. Pſal. 111.* Beátus vir, qui timet Dóminum: in mandátis ejus cupit nimis.

ŷ. Potens in terra erit ſemen ejus: generátio rectórum benedicétur. ŷ. Glória & divitiæ in domo ejus: & juſtitia ejus manet in ſæculum ſæculi.

Se-



Sequéntia sancti Evangelii secúndum Matthæum.

*Matth. 5. b.*

**I**N illo témpore: Dixit Jesus discíplis suis: Vos estis sal terræ. Quòd si sal evanúerit, in quo saliétur? ad níhilum valet ultrà, nisi ut mittatur foras, & conculcétur ab homínibus. Vos estis lux mundi. Non potest cívitas abscón-di supra montem pósta. Ne-que accéndunt lucérnam, & ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona: & gloríficent Patrem vestrum, qui in cœlis est. Nolíte putáre quóniam veni sólvare legem, aut Prophétas: non veni sólvare, sed adimplére. Amen quippe dico vobis, donec trán-seat cœlum & terra, ióta unum, aut unus apex non præ-teríbit à lege, donec ómnia fiant. Qui ergo sólverit unum de mandátis istis mínimis, & docúerit sic hómines, mínimus vocábitur in regno cœlórum: qui autem fécerit & docúerit, hic magnus vocábitur in regno cœlórum. Credo.

*Offertorium. Ps. 88.* Véritas mea, & misericórdia mea cum ipso: & in nómine meo exal-tábitur cornu ejus.

*Secreta.*

**A**Nnue nobis, quæsumus Dómine, ut intercessióne beati Gregórii hæc nobis pro-sit oblátio: quam immolándo, totíus mundi tribuísti relaxári delícta. Per Dóminum.

*Communio. Luc. 12.* Fidélis servus & prudens, quem con-stítuit dóminus super famí-

liam suam: ut det illis in tém-póre trítici mensúram,

*Postcommunio.*

**D**Eus, qui beátum Gregó-rium Pontificem, sanctórum tuórum méritis coæquásti: concéde propítius; ut qui commemoratiónis ejus festa percólimus, vitæ quoque imi-témur exémpa. Per Dómi-num.

¶ *Si dies crastina fuerit Feria sexta post Dominicam Passionis, tunc agendum erit de Festo Sep-tem Dolorum B. V. Mariæ, cujus Missa propria habetur in fine Missarum Sanctorum hujus Mensi infrà, 378.*

*Die xvii. Martii.*

IN FESTO S. PATRITII

Episcopi & Confessoris.

*Missæ.* Státuit ei Dóminus. *de Communi Conf. Pontif. xvi. præter Orationem.*

*Oratio.*

**D**Eus, qui ad prædicándam Géntibus glóriam tuam beátum Patrítium Confessórem atque Pontificem mittere dignátus es: ejus méritis, & intercessióne concéde; ut quæ nobis agénda præcipis, te mi-seránte adimplére possimus. Per Dóminum.

*Deinde fit commem. Feriæ: & Oratio tertia, A cunctis. 267.*

*Sed si fuerit infra Hebdomad. Passionis, Oratio tertia erit, Ec-clésiæ. vel pro Papa. 118.*

*Die xix. Martii.*

IN FESTO S. JOSEPH

Sponsi B. V. M. Confessoris.

*Introitus.*

*Psalm. 91.*

**J**ustus ut palma florébit: sicut cedrus Líbani mul-tipli-



triplicabitur: plantatus in domo Domini, in atriis domus Dei nostri.

*Psal. ibid.* Bonum est confiteri Domino, & psallere nomini tuo, Altissime.

✽. Glória Patri.

*Oratio.*

**S**anctissimæ genitricis tuæ Sponsi, quæsumus Domine, méritis adjuvémur: ut, quod possibilitas nostra non obtinet, ejus nobis intercessióne donetur. Qui vivis & regnas, &c.

*In Quadrag. fit commem. Ferie.*

Lectio libri Sapiéntiæ.

*Eccli. 45.*

**D**ilectus Deo & hominibus, cujus memoria in benedictione est. Similem illum fecit in glória sanctorum, & magnificavit eum in timore inimicorum, & in verbis suis monstra placavit. Glorificavit illum in conspectu regum, & jussit illi coram populo suo, & ostendit illi glóriam suam. In fide & lenitate ipsius sanctum fecit illum, & elegit eum ex omni carne. Audivit enim eum & vocem ipsius, & induxit illum in nubem. Et dedit illa coram præcepta, & legem vitæ & disciplinæ.

*Graduale. Ps. 20.* Domine prævenisti eum in benedictionibus dulcedinis: posuisti in capite ejus coronam de lapide pretioso. ✽. Vitam petiit à te, & tribuisti ei longitudinem dierum in sæculum sæculi.

*Tracl. Psal. 111.* Beatus vir, qui timet Dominum: in mandatis ejus cupit nimis.

✽. Potens in terra erit semen ejus: generatio rectorum benedicetur. ✽. Glória & divitiæ

in domo ejus: & justitia ejus manet in sæculum sæculi.

*Post Pascha, Allelúia, allel.*

✽. *Eccli. 45.* Amavit eum Dominus, & ornavit eum: stolam glóriæ induit eum. Allelúia, allelúia.

✽. *Os. 14.* Justus germinabit sicut lilium: & florébit in ætérnum ante Dominum. Allelúia.

Séquentia sancti Evangelii secundum Matthæum.

*Matth. 1. c.*

**C**um esset desponsata mater Jesu Maria, Joseph, antequam convenirent, inventa est in útero habens de Spíritu sancto. Joseph autem vir ejus cum esset justus, & nollet eam tradúcere, voluit occultè dimittere eam. Hæc autem eo cogitante, ecce Angelus Domini apparuit in somnis ei, dicens: Joseph fili David, noli timere, accipere Mariam conjugem tuam: quod enim in ea natum est, de Spíritu sancto est. Pariet autem filium, & vocabis nomen ejus Jesum: ipse enim salvum faciet populum suum à peccatis eorum.

*Offertorium. Ps. 88.* Veritas mea, & misericórdia mea cum ipso: & in nomine meo exaltabitur cornu ejus.

*Secreta.*

**D**ebitum tibi, Domine, nostræ reddimus servitutis, suppliciter exorantes: ut suffragiis beati Joseph Sponsi genitricis Filii tui Jesu Christi Domini nostri, in nobis tua múnera tuearis; ob cujus venerándam festivitatem, laudis tibi



tibi hóstias immolámus. Per eúndem Dóminum.

*Communio. Matth. i.* Joseph filii David, noli timére accípere Mariám cónjugem tuam: quod enim in ea natum est de Spíritu sancto est. *Postcommunio.*

**A** Désto nobis, quæsumus, misericors Deus: & intercedente pro nobis beáto Joseph Confessóre, tua circa nos propitiátus dona custódi. Per Dóminum.

*Die xxi. Martii.*

IN FESTO S. BENEDICTI Abbatis.

*Missæ. Os just. de communi Abbatum. xxiv.*

*De Festis Duplicibus, & Semiduplicibus, quæ veniunt à Dominica Palmarum usque ad Oct. Paschæ, nihil fit, sed post Oct. celebrantur: & tunc in fine Introitus ante Psalmum dicuntur duo Allelúia, & in fine Offertorii, & Communionis unum Allelúia. Post Epistolam non dicitur Graduale, sed dicuntur duo Versus, cum quatuor Allelúia, ut notatum est in Sabbato in Albis.*

*Et hoc idem observatur in omnibus Festis, quæ celebrantur inter Pascha & Pentecosten.*

*Die xxv. Martii.*

IN FESTO ANNUNTIATIONIS B. M. VIRG.

*Introitus. Psal. 44.*

**V**ultum tuum deprecabúntur omnes dívites plebis: adducéntur Regi vírgines post eam: próximæ ejus adducéntur tibi in lætítia & exultatióne.

*Psal. ibid. Eructávit cor*

meum verbum bonum: dico ego ópera mea Regi.

*v. Glória Patri.*

*Oratio.*

**D**eus, qui de beátæ Mariæ vírginis útero, Verbum tuum, Angelo nuntiánte, carnem fuscípere voluísti: præsta supplicibus tuis; ut qui verè eam genitrícem Dei crédimus, ejus apud te intercessiónibus adjuvémur. Per eúndem Dóminum.

*Si celebretur in Quadrages. fit commem. Feriæ.*

Léctio Isaiaæ Prophætæ.

*Isa. 7. b.*

**I**N diébus illis: Locútus est Dóminus ad Achaz, dicens: Pete tibi signum à Dómino Deo tuo in profúndum inférni, sive in excélsu supra. Et dixit Achaz: Non petam, & non tentábo Dóminum. Et dixit: Audíte ergo domus David: Numquid parum vobis est, moléstos esse homínibus, quia molésti estis & Deo meo? Propter hoc dabit Dóminus ipse vobis signum. Ecce virgo concípíet, & páriet filium, & vocábitur nomen ejus Emmánuel. Butyrum & mel cómedet, ut sciat reprobáre malum, & elígere bonum.

*Graduale. Psal. 44.* Diffúsa est grátia in lábiis tuis: propterea benedíxit te Deus in ætérnum. *v.* Propter veritatem, & mansuetúdinem, & justítiam, dedúcet te mirábiliter dextera tua.

*Tractus. ibid.* Audi filia, & vide, & inclína aurem tuam: quia concupívit Rex spéciem tuam. *v.* Vultum tuum deprecabúntur omnes dívites plebis: filiæ regum in honóre tuo.

*v. Addu-*



¶ Adducéntur Regi vírgines post eam: próximæ ejus afferéntur tibi. ¶ Adducéntur in lætítia, & exultatióne: adducéntur in templum Regis.

*Post Pascha, omissis Graduali, & Tractu, dicitur Alleluia, alleluia. ¶ Luc. 1. Ave María, grátia plena: Dóminus tecum: Benedícta tu in muliéribus. Alleluia. ¶ Virga Jesse floruit: virgo Deum & hóminem genuit: pacem Deus reddidit: in se reconcilians ima summis. Alleluia.*

Sequéntia sancti Evangélíi secúndum Lucam.

*Luc. 1.*

**I**N illo témpore: Missus est Angelus Gábriel à Deo in civitátem Galilææ, cui nomen Názareth, ad vírginem desponsátum viro, cui nomen erat Joseph, de domo David: & nomen vírginis María. Et ingræssus Angelus ad eam, dixit: Ave grátia plena: Dóminus tecum: Benedícta tu in muliéribus. Quæ cùm audíffet, turbáta est in sermóne ejus & cogitábat qualis esset ista salutátio. Et ait Angelus ei: Ne tímeas María, invenísti enim grátiam apud Deum: ecce concípies in útero, & páries filium, & vocábis nomen ejus Jesum. Hic erit magnus, & Fílius Altíssimi vocábitur: & dabit illi Dóminus Deus sedem David patris ejus: & regnábít in domo Jacob in ætérnum, & regni ejus non erit finis. Dixit autem María ad Angelum: Quómodo fiet istud, quóniam virum non cognósco? Et respóndens Ange-

lus, dixit ei: Spíritus sanctus supervéniet in te, & virtus Altíssimi obumbrábit tibi. Ideóque & quod nascétur ex te Sanctum, vocábitur Fílius Dei. Et ecce Elísabeth cognáta tua, & ipsa concépit filium in senectúte sua: & hic mensis sextus est illi, quæ vocátur stérilis: quia non erit impossíbile apud Deum omne verbum. Dixit autem María: Ecce ancílla Dómini, fiat mhi secúndum verbum tuum. Credo.

*Offertorium. Luc. 1. Ave María, grátia plena: Dóminus tecum: Benedícta tu in muliéribus, & benedíctus fructus ventris tui.*

*Secreta.*

**I**N méntibus nostris, quæsumus Dómine, veræ fidei sacraménta confirma: ut, qui concéptum de vírgine Deum verum & hóminem confitémur, per ejus salutíferæ resurrectionis poténtiam, ad ætérnam mereámur perveníre lætítiam. Per eúndem Dóminum.

*Præfatio de B. Maria. Et te in Annuntiatióne Beátæ Mariæ.*

*Communio. Isa. 7. Ecce virgo concípíet, & páriet filium: & vocábitur nomen ejus Emmánuel.*

*Postcommunio.*

**G**Rátiam tuam, quæsumus Dómine, méntibus nostris infúnde: ut, qui Angelo nuntiánte, Christi Fílii tui incarnationem cognóvimus: per passióne ejus & crúcem, ad resurrectionis glóriam perducámur. Per eúndem Dóminum.



*Feria vi. post Dominicam  
Passionis.*

MISSA DE SEPTEM DO-  
LORIBUS, B. M. VIRG.

*Introitus. Joan. 10.*

**S**tabant juxta Crucem Je-  
su, Mater ejus, & soror  
Matris ejus, María Cléophæ,  
& Salómæ, & María Magda-  
léne.

*Vers. ibid.* Múlier, ecce fi-  
lius tuus, dixit Jesus; ad dis-  
cípulum autem: Ecce Mater  
tua.

*℣. Glória Patri.*

*Oratio.*

**D**Eus, in cujus Passióne,  
secúndum Simeónis  
prophetíam, dulcíssimam áni-  
mam gloriósæ vírginis & ma-  
tris Mariæ doloris gládus  
pertransívit: concéde propí-  
tius; ut qui transfixiónem ejus  
& passiónem venerádo recó-  
limus, gloriósis méritis & pré-  
cibus ómnium Sanctórum  
Cruci fidéliter astántium in-  
tercedéntibus, passiónis tuæ  
efféctum felícem consequá-  
mur. Qui vivis & regnás cum  
Deo Patre in unitáte, &c.

*Lectio libri Judith.*

*Jud. 13.*

**B**enedixit te Dóminus in  
virtúte sua, quia per te  
ad níhilum redégit inimicos  
nostros. Benedícta es tu filia  
à Dómino Deo excélso, præ  
ómnibus muliéribus super ter-  
ram. Benedíctus Dóminus,  
qui creávit cœlum & terram:  
quia hódie nomen tuum ita  
magnificávit, ut non recédat  
laus tua de ore hóminum, qui  
mémores fúerint virtútis Dó-  
mini in ætérnum: pro qui-  
bus non pepercísti ánimæ tuæ  
propter angústias & tribula-  
tiónem géneris tui, sed subve-

nísti ruínæ ante conspéctum  
Dei nostri.

*Graduale.* Dolorósa & lacry-  
mábilis es virgo María, stans  
juxta Crucem Dómini Jesu  
filii tui Redemptóris.

*℣. Virgo Dei Génitrix, quem  
totus non capit orbis, hoc  
Crucis fert supplícium vitæ  
factus homo.*

*Tractus. Joan. 19.* Stabat  
sancta María, cœli Regína,  
& mundi Dómina, juxta  
Crucem Dómini nostri Jesu  
Christi dolorósa.

*℣. Thren. 1.* O vos omnes,  
qui transítis per viam, attén-  
dite, & vidéte si est dolor sicut  
dolor meus.

*Sequentia in Votivis omittenda.*

**S**tabat Mater dolorósa  
Juxta Crucem lacrymó-  
sa,

Dum pendébat Fílius.

Cujus ánimam geméntem,  
Contristátam & doléntem,  
Pertransívit gládus.

O quàm tristis & afflícta  
Fuit illa benedícta  
Mater Unigéniti!

Quæ mœrébat, & dolébat,  
Et tremébat, cùm vidébat  
Nati pœnas íncltyti.

Quis est homo qui non fleret,  
Christi Matrem si vidéret  
In tanto supplício?

Quis possét non contristári,  
Piam Matrem contemplári,  
Doléntem cum Fílio?

Pro peccátis suæ gentis  
Vidit Jesum in torméntis,  
Et flagéllis súbditum.

Vidit suum dulcem natum  
Moriéntem desolátum,  
Dum emísit spíritum.

Eja Mater fons amóris,  
Me sentíre vim doloris  
Fac, ut tecum lúgeam.

Fac



Fac ut árdeat cor meum  
 In amándo Christum De-  
 um,  
 Ut sibi compláceam.  
 Sancta mater istud agas,  
 Crucifixi fige plagas  
 Cordi meo válidè.  
 Tui Nati vulneráti,  
 Tam dignáti pro me pati,  
 Pœnas mecum dívide.  
 Fac me verè tecum flere,  
 Crucifixo condolére,  
 Donec ego víxero.  
 Juxta Crucem tecum stare,  
 Te libénter sociáre  
 In planctu desídero  
 Virgo vírginum præclára,  
 Mihi jam non sis amára.  
 Fac me tecum plángere.  
 Fac ut portem Christi mor-  
 tem,  
 Passiõnis fac consórtem,  
 Et plagas recólere.  
 Fac me plagis vulnerári,  
 Cruce hac inebriári,  
 Ob amórem Fílii.  
 Inflammátus, & accénsus,  
 Per te, Virgo, sim defénsus  
 In die Judícii.  
 Fac me cruce custodíri,  
 Morte Christi, præmuníri,  
 Confovéri grátia.  
 Quando corpus moriétur,  
 Fac ut ánimæ donétur  
 Paradísi glória. Amen.  
 Sequéntia sancti Evangélíi se-  
 cúndum Joánnem.

*Joan. 19. c.*

**I**N illo témpore: Stabant  
 juxta Crucem Jesu Mater  
 ejus, & soror Matris ejus  
 María Cléophæ, & María  
 Magdaléne. Cùm vidíffet ergo  
 Jesus Matrem, & discípulum  
 stantem, quem diligébat, di-  
 cit Matri suæ: Múlier, ecce  
 filius tuus. Deínde dicit discí-  
 pulo: Ecce Mater tua. Et ex

illa hora accépit eam discípu-  
 lus in sua. Credo.

*Offertorium.* Recordáre vir-  
 go Mater Dei, dum stéteris in  
 conspéctu Dómini ut loquá-  
 ris pro nobis bona, & ut avér-  
 tas indignatióem suam à no-  
 bis.

*Secreta.*

**O**fférimus tibi preces &  
 hóstias, Dómine Jesu  
 Christe, humíliter supplicán-  
 tes: ut qui transfixiónem dul-  
 císsimi spíritus beatæ Mariæ  
 Matris tuæ précibus recensé-  
 mus; suæ, suorúmque sub  
 Cruce Sanctórum consórtium,  
 multiplicáto piíssimo inter-  
 véntu, méritis mortis tuæ,  
 méritum cum Beátis habeá-  
 mus. Qui vivis & regnas.

*Præfatio.* Et te in transfixi-  
 óne.

*Communio.* Felíces fensus  
 beatæ Mariæ vírginis, qui si-  
 ne morte meruérunt martyrii  
 palmam sub Cruce Dómini.

*Postcommunio.*

**S**acrificia quæ sumpsimus,  
 Dómine Jesu Christe,  
 transfixiónem Matris tuæ &  
 vírginis devótè celebrántes,  
 nobis ímpetrent apud cle-  
 méntiam tuam omnis boni sa-  
 lutáris efféctum. Qui vivis  
 & regnas.

*In Missis votivis, excatur sequens  
 Oratio.*

**I**ntervéniat pro nobis, quæ-  
 sumus Dómine Jesu Chris-  
 te, nunc, & in hora mor-  
 tis nostræ apud tuam cle-  
 méntiam beáta virgo María  
 mater tua, cujus sacratíssi-  
 mam ánimam in hora tuæ  
 passiõnis dolóris gládus per-  
 transívit. Qui vivis & regnas.



## FESTA APRILIS.

*Die ii. Aprilis.*INFESTO S. FRANCISCI  
de Paula Confessoris.*Introitus. Psal. 91.***J**ustus ut palma florébit:  
sicut cedrus Líbani mul-  
tiplicábitur: plantátus in do-  
mo Dómini, in átriis domus  
Dei nostri.*Psal. ibid.* Bonum est con-  
fiteri Dómino, & psállere nó-  
mini tuo, Altíssime.*v. Glória Patri. Oratio.***D**eus humílium celsitúdo,  
qui beátum Francíscum  
Confessórem, sanctórum tuó-  
rum glória sublimásti: tríbe  
quæsumus, ut ejus méritis &  
imitatióne promíssa humíli-  
bus præmia feliciter conse-  
quámur. Per Dóminum.*In Quadrag. fit commemor. Feriæ.*Lectio Epístolæ beati Pauli  
Apóstoli ad Philippénfes.*Phil. 3. b.***F**ratres, Quæ mihi fué-  
runt lucra, hæc arbitrá-  
tus sum propter Christum de-  
triménta. Verúmtamen exísti-  
mo, ómnia detriméntum esse  
propter eminentem sciéntiam  
Jesu Christi Dómini mei:  
propter quem ómnia detri-  
méntum feci, & ábitror ut  
stercora: & Christum lucrí-  
ficiam, & invéniam in illo,  
non habens meam justítiam,  
quæ ex lege est, sed illam,  
quæ ex fide est, Christi Jesu:  
quæ ex Deo est justítia in fide,  
ad cognoscéndum illum, &  
virtútem resurrectiόνis ejus,  
& societátem passiónum il-  
lius: configurátus morti ejus.  
Si quo modo occúrram ad re-  
surrectiόνem, quæ est ex mór-tuis: non quòd jam accéperim,  
aut jam perféctus sim: sequor  
autem, si quo modo compre-  
héndam, in quo & comprehén-  
sus sum à Christo Jesu.*Graduale. Psal. 36.* Os justí  
meditábitur sapiéntiam, &  
lingua ejus loquétur judí-  
cium. *v.* Lex Dei ejus in  
corde ipsíus: & non supplanta-  
búntur gressus ejus.*Tractus. Psal. 111.* Beátus  
vir, qui timet Dóminum: in  
mandátis ejus cupit nimis.*v.* Potens in terra erit semen  
ejus: generatió rectórum be-  
nedicétur.*v.* Glória & divítia in domo  
ejus: & justítia ejus manet in  
sæculum sæculi.*Tempore Paschali omittitur  
Graduale, & ejus loco dicitur,*  
Allelúia, allelúia. *v.* Beátus  
vir, qui timet Dóminum: in  
mandátis ejus cupit nimis.  
Allelúia. *v. Osee 14.* Justus  
germinábit sicut lílium: &  
florébit in ætérnum ante Dó-  
minum. Allelúia.Sequéntia sancti Evangélíi se-  
cúndum Lucam.*Luc. 12. d.***I**n illo témpore: Dixit Je-  
sus discípulis suis: Nolíte  
timére pusíllus grex, quia  
complácuit Patri vestro dare  
vobis regnum. Véndite quæ  
possidéti, & date eleemósy-  
nam. Facite vobis sácculos qui  
non veteráscunt, thesáurum  
non deficiéntem in cælis: quò  
fur non apprópiat, nequi tí-  
nea corrúmpit. Ubi enim the-  
sáurus vester est, ibi & cor  
vestrum erit.*Offertorium. Psal. 20.* In vir-  
túte tua, Dómine, lætábitur  
justus,



justus, & super salutáre tuum exultábit veheménter: desidérium ánimæ ejus tribuísti ei.

*Secreta.*

**H**Æc dona devótæ plebis, Dómine, quibus tua cumulámus altária, beáti Francísci méritis, tibi grata, nobisque salutária, te miserante, reddántur. Per Dóminum.

*Communio. Matth. 19.* Amen dico vobis, quòd vos qui reliquistis ómnia, & secúti estis me, centuplum accipiétis, & vitam ætérnam possidébitis.

*Postcommunio.*

**S**umpta, Dómine, sacraménta cœléstia: beato Francíscó Confessóre tuo intercedénte precámur: ut & temporális vitæ subsidia nobis cónferant, & ætérnæ. Per Dóminum.

*Die iv. Aprilis.*

IN FESTO S. ISIDORI  
Episcopi, & Confess.

*Missa. In médio Ecclésiæ.  
de Communi Doctórum. xx. cum  
Credo.*

*Die v. Aprilis.*

IN FESTO S. VINCENTII  
FERRERII Confess.

*Missa. Os justí. de Communi  
Confess. non Pontificis. xxii. præter  
Orationem sequentem.*

*Oratio.*

**D**Eus, qui Ecclésiám tuam beáti Vincéntii Confessoris tui méritis & prædicatione illustráre dignátus es: concéde nobis famulis tuis, ut & ipsius instruámur exemplis, & ab ómnibus ejus pa-

tracínio liberémur advérsis.  
Per Dóminum.

*Die xi. Aprilis.*

IN FESTO S. LEONIS  
Papæ & Confess.

*Introitus. Eccli. 45. c.*

**S**Tátuit ei Dóminus testaméntum pacis: & principem fecit eum: ut sit illi sacerdotii dignitas in ætérnum.

*Pf. 131.* Meménto Dómine David, & omnis mansuerúdinis ejus. *V. Glória Patri.*

*Oratio.*

**E**Xáudi, quæsumus Dómine, preces nostras, quas in beáti Leónis Confessoris tui atque Pontificis solemnitate deférimus: & qui tibi dignè méruit famulári, ejus intercedéntibus méritis, ab ómnibus nos absólve peccatis. Per Dóminum.

Lectio libri Sapiéntiæ.

*Eccli. 44. c.*

**E**Cce facérdos magnus, qui in diébus suis plácuit Deo, & invéntus est justus: & in témpore iracúndiæ factus est reconciliátio. Non est invéntus símilis illi, qui conservávit legem Excélli. Ideò jurejurádo fecit illum Dóminus créscere in plebem suam. Benedictiónem ómnium Géntium dedit illi, & testaméntum suum confirmávit super caput ejus. Agnóvit eum in benedictiónibus suis: conservávit illi misericórdiam suam: & invénit grátiam coram óculis Dómini. Magnificávit eum in conspéctu regum: & dedit illi corónam glóriæ. Státuit illi testamén-



tum ætérnum : & dedit illi sacerdotium magnum : & beatificávit illum in glória. Fungi sacerdotio, & habére laudem in nómine ipsíus, & offerre illi incénsus dignum, in odórem suavitátis.

*Graduale. Eccli. 44.* Ecce sacerdos magnus, qui in diébus suis plácuit Deo. *℣.* Non est invéntus símilis illi, qui conserváret legem Excélsi.

*Tractus. Ps. III.* Beátus vir, qui timet Dóminum; in mandátis ejus cupit nimis.

*℣.* Potens in terra erit semen ejus: generatio rectórum benedicétur. *℣.* Glória & divítiæ in domo ejus: & justítia ejus manet in sæculum sæculi.

*Post Pascha, Allelúia, allelúia.*

*℣.* Tu es sacerdos in ætérnum secúndum órđinem Melchisedech. Allelúia. *℣.* Hic est sacerdos, quem coronávit Dóminus. Allelúia.

Sequéntia sancti Evangélii secúndum Matthæum.

*Matth. 16.*

**I**N illo témpore: Venit Jesus in partes Cæsaréæ Philíppi: & interrogábat discipulos suos, dicens: Quem dicunt hómines esse Fílium hóminis? At illi dixerunt: Alii Joánnem Baptístam, alii autem Elíam, álii verò Jeremíam, aut unum ex Prophétis. Dicit illis Jesus: Vos autem quem me esse dicitis? Respóndens Simon Petrus dixit: Tu es Christus Fílius Dei vivi. Respóndens autem Jesus dixit ei: Beátus es Simon Bar-Jóna: quia caro & sanguis non revelávit tibi, sed Pater meus, qui in cœlis est. Et ego dico tibi, quia tu es Pe-

trus, & super hanc petram ædificábo Ecclésiám meam, & portæ inferi non prævalébunt advérsus eam. Et tibi dabo claves regni cœlórum. Et quodcúmque ligáveris super terram, erit ligátum & in cœlis: & quodcúmque sólveris super terram, erit solútum & in cœlis.

*Offertorium. Psal. 88.* Inveni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum.

*Secreta.*

**S**ANCTI Leónis confessoris tui atque Pontíficis, quæsumus Dómine, ánnua solémnitas pietáti tuæ nos reddat accéptos: ut per hæc piæ placatiónis officia, & illum beáta retribútio comitétur, & nobis grátia tuæ dona concíliet. Per Dóminum.

*Communio. Matth. 24.* Beátus servus, quem, cùm vénerit Dóminus, invénerit vigílantem: amen dico vobis, super ómnia bona sua constituet eum.

*Postcommunio.*

**D**EUS, fidélium remunerátor animárum: præsta, ut beáti Leónis confessoris tui atque Pontíficis, cujus venerándam celebrámus festivitátem, précibus indulgéntiam consequámur. Per Dóminum.

*Die xiii. Aprilis.*

IN FESTO SANCTI HERMENEGILDI martyris.

*Introitus. Psal. 20.*

**P**ROTEXISTI ME DEUS à conventu malignántium, allelúia:



allelúia : à multitudīne operāntium iniquitātem, allelúia, allelúia.

*Psal. ibid.* Exáudi Deus orationem meam cūm deprecor : à timóre inimíci éripe animam meam.

✠. Glória Patri.

*Oratio.*

**D**Eus, qui beátum Hermenegildum mártýrem tuum coelēsti regno terrēnum postpōnere docuísti ; da quæsumus nobis, ejus exémplo cadúca despícere, atque æterna sectári. Per Dóminum.

Lectio libri Sapiéntiæ,

*Sap. 5.*

**S**Tabant justī in magna constantia advérsus eos, qui se angustiavérent, & qui abstulerunt labóres eórum. Vidéntes turbabúntur timóre horribili, & mirabúntur in subitantiōne insperátæ salútis, dicéntes intra se, pœniténtiam ágéntes, & præ angústia spíritus geméntes : Hi sunt, quos habúimus aliquādo in derisum, & in similitúdinem impropérii. Nos insensáti vitam illórum æstimabámus infániam, & finem illórum sine honóre : ecce quómodo computáti sunt inter filios Dei, & inter sanctos fors illórum est.

Allelúia, allelúia. ✠. Confitebúntur cœli mirabília tua Dómine : étenim veritatem tuam in ecclēsia sanctórum. Allelúia. ✠. Posuísti Dómine super caput ejus corónam de lápide pretióso. Allelúia.

Sequéntia sancti Evangélii secúndum Lucam.

*Luc. 14.*

**I**N illo témpore : Dixit Jesus turbis : Si quis venit

ad me, & non odit patrem suum, & matrem, & uxórem, & filios, & fratres, & soróres, adhuc autem & ánimam suam, non potest meus esse discípulus. Et qui non bájulat crucem suam, & venit post me, non potest meus esse discípulus. Quis enim ex vobis volens turrīm ædificáre, non prius sedens cómputat sumptus, qui necessárii sunt, si hábeat ad perficiéndum ; ne, posteaquam posúerit fundaméntum, & non potúerit perficere, omnes qui vident, incipient illúdere ei, dicéntes : Quia hic homo cœpit ædificáre, & non pótuit consummáre ? Aut quis rex itúrus committere bellum advérsus álium regem, non sedens prius cógitat, si possit cum decem míllibus occúrrere ei, qui cum viginti míllibus venit ad se ? alióquin adhuc illo longè agente, legationem mittens, rogat ea quæ pacis sunt. Sic ergo omnis ex vobis, qui non renúnciat ómnibus quæ póssidet, non potest meus esse discípulus.

*Offertorium. Psal. 88.* Confitebúntur cœli mirabília tua Dómine, & veritatem tuam in Ecclēsia sanctórum, allelúia, allelúia.

*Secreta.*

**M**Unéribus nostris, quæsumus Dómine, precibúsq; susceptis, & coelēstibus nos munda mystériis, & cleménter exáudi. Per Dóminum.

*Communio. Psal. 63.* Lætábitur justus in Dómino, & sperábit in eo : & laudabúntur omnes recti corde, allelúia, allelúia.

*Post.*



*Postcommunio.*

**D**A quæsumus Dómine Deus noster: ut sicut tuórum commemoratióne Sanctórum, temporáli gratulamur officio; ita perpétuo lætémur aspéctu. Per Dóminum.

*Si autem celebretur tempore Quadrage. Missa. In virtúte. ut in Comuni unius Mart. non Pontificis iv. cum Orationibus & Evangelio supradictis; & fit commemor. Feriæ occurr. & O-ratio tertia erit, Ecclésiæ. vel pro Papa. 118. & in fine Missæ legitur Evangel. Feriæ.*

*Die xiv. Aprilis.*

SS. MART. TIBURTII, VALERIANI, & MAXIMI.

*Si venerit in Quadragesima, fit de eis commemoratio tantum. Si autem post Pascha dicitur sequens Missa; quod & in similibus servetur.*

*Introitus. Psal. 144.*

**S**ancti tui, Dómine, benedicent te: glóriam regni tui dicent, allelúia, allelúia.

*Psal. ibid.* Exaltábo te Deus meus Rex, & benedícam nómini tuo in sæculum, & in sæculum sæculi.

*v. Glória Patri.*

*Oratio.*

**P**ræsta quæsumus omnipotens Deus: ut, qui sanctórum mártýrum tuórum Tibúrtii, Valeriáni, & Máximí solémnia cólimus, eórum étiam virtútes imitémur. Per Dóminum.

*Lectio libri Sapiéntiæ.*

*Sap. 5.*

**S**tabant iusti in magna constantia advérsus eos, qui se angustiavérunt, & qui ab-

stulérunt labóres eórum. Vidéntes turbabúntur timóre horríbili, & mirabúntur in subitatióne insperátæ salútis, dicéntes intra se, poeniténtiam agéntes, & præ angústia spíritus geméntes: Hi sunt, quos habúimus aliquándo in derísam, & in similitúdinem improperii. Nos insensáti vitam illórum æstimabámus insániam, & finem illórum sine honóre: ecce quómodo computáti sunt inter filios Dei, & inter sanctos fors illórum est.

Allelúia, allelúia. *v.* Sancti tui Dómine florébunt sicut lílium, & sicut odor bálfami erunt ante te. Allelúia.

*v. Psal. 115.* Pretiósá in conspéctu Dómini mors sanctórum ejus. Allelúia.

Sequéntia sancti Evangelii secúndum Joánnem.

*Joan. 15.*

**I**N illo témpore: Dixit Jesus discípulis suis: Ego sum vitis vera: & Pater meus agrícola est. Omnem pálmitem in me non feréntem fructum, tollet eum: & omnem qui fert fructum, purgábit eum, ut fructum plus áfferat. Jam vos mundi estis propter fermónem, quem locútus sum vobis. Manéte in me: & ego in vobis. Sicut palmes non potest ferre fructum à semetípso, nisi mánserit in vite: sic nec vos, nisi in me manséritis. Ego sum vitis, vos pálmities: qui manet in me, & ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras



ras sicut palmes, & aréscet, & cōlligent eum, & in ignem mittent, & ardet. Si manseritis in me, & verba mea in vobis manserint, quodcūque volueritis, petétis, & fiet vobis.

*Offertorium. Psal. 31.* Lætāmini in Dōmino, & exultāte iusti: & gloriāmini omnes recti corde, allelūia, allelūia.

*Secreta.*

**H**Æc hōstia, quæsumus Dōmine, quam Sanctōrum mārtyrum tuōrum natalitia recensētes offērimus, & vīcula nostræ pravitatīs absolvat, & tuæ nobis misericordiæ dona concīliet. Per Dōminum.

*Communio. Psal. 32.* Gaudete iusti in Dōmino, allelūia: rectos decet collaudatio, allelūia.

*Postcommunio.*

**S**acro mūnere satiāti, supplices te Dōmine deprecāmur: ut quod debitæ servitutis celebrāmus officio, salvatiōis tuæ sentiāmus augmentum. Per Dōminum.

*Die xvii. Aprilis.*

S. ANICETI Papæ & Martyris.

*Introitus.*

*Psal. 63.*

**P**rotexisti me Deus à conventu malignāntium, allelūia: à multitudine operāntium iniquitatem, allelūia, allelūia.

*Psal. ibid.* Exaudi Deus orationem meam cūm deprecor: à timōre inimici eripe animam meam.

v. Glória Patri. *Oratio.*

**D**eus, qui nos beāti Aniceti mārtyris tui atque

Pontificis, annua solemnitate lætificas: concède propitius; ut cujus natalitia cōlinus, de ejusdem etiā protectione gaudeāmus. Per Dōminum.

Lectio libri Sapiētiæ.

*Sap. 5.*

**S**tabunt iusti in magna constantia adversus eos, qui se angustiarerunt, & qui abstulerunt labores eorum. Videntes turbabuntur timore horribili, & mirabuntur in subitatione insperatæ salutis, dicentes intra se, poenitentiam agentes, & præ angustia spiritus gementes: Hi sunt, quos habuimus aliquādo in derisum, & in similitudinem improperii. Nos insensati vitam illorum æstimabamus infānam, & finem illorum sine honore: ecce quōmodo computati sunt inter filios Dei, & inter sanctos fors illorum est.

Allelūia, allelūia.

v. *Psal. 88.* Confitebuntur celi mirabilia tua Dōmine: etenim veritatem tuam in Ecclesia sanctōrum. Allelūia.

v. *Psal. 20.* Posuisti Dōmine super caput ejus coronam de lapide pretioso. Allelūia.

Sequētia sancti Evangelij secundū Joānnem.

*Joan. 16. c.*

**I**N illo tempore: Dixit Jesus discipulis suis: Amen, amen dico vobis: quia plorabitis, & flebitis vos, mundus autem gaudēbit: vos verò contristabimini, sed tristitia vestra vertetur in gaudium. Mulier cūm parit, tristitiam habet, quia venit hora ejus: cūm autem pepererit puerum, jam non meminit pressuræ, propter



ter gáudium, quia natus est homo in mundum. Et vos ígitur nunc quidem tristítiam habétis: íterùm autem vidébo vos, & gaudébit cor vestrum: & gáudium vestrum nemo tollet à vobis.

*Offertorium. Ps. 88.* Confitebuntur cœli mirabília tua Dómine, & veritátem tuam in Ecclésia sanctórum, allelúia, allelúia.

*Secreta.*

**M**Unera tibi, Dómine, dicata sanctífica: & intercedente beáto Anicéto mártire tuo atque Pontífice, per eadem nos placátus inténde. Per Dóminum.

*Communio. Ps. 67.* Lætábitur justus in Dómino, & sperábit in eo: & laudabúntur omnes recti corde, allelúia, allelúia.

*Postcommunio.*

**H**Æc nos commúnio, Dómine, purget à crimine: & intercedente beáto Anicéto mártire tuo atque Pontífice, cœléstis remédii fáciat esse consórtes. Per Dóminum.

*Die xxi. Aprilis.*

IN FESTO S. ANSELMI  
Episcopi & Confessoris.

*Missa. In médio Ecclésiæ.  
de Communi Doctórum. xx.  
cum Credo.*

*Die xxii. Aprilis.*

IN FESTO SS. SOTERIS,  
& CAII Pontificum, &  
mart.

*Introitus. Psal. 144.*

**S**Ancti tui, Dómine, benedícant te: glóriam regni tui dicent, allelúia, allelúia.

*Psal. ibid.* Exaltábo te Deus meus Rex, & benedícam nómini tuo in sæculum, & in sæculum sæculi.

*v. Glória Patri.*

*Oratio.*

**B**Eatórum mártirum, páritérque Pontíficum Sotérís & Caii nos, quæsumus Dómine, festa tueántur: & eórum comméndet oratio veneránda. Per Dóminum.

Léctio libri Apocalypsis beáti  
Joánnis Apóstoli.

*Apoc. 19.*

**I**N diébus illis: Post hæc ego Joánnes audívi quasi vocem turbárum multárum in cœlo, dicéntium: Allelúia: Salus, & glória, & virtus Deo nostro est: quia vera & iusta iudícia sunt ejus, qui iudicávit de meretríce magna, quæ corrúpit terram in prostitu-tióne sua, & vindicávit sanguinem servórum suórum de mánibus ejus. Et íterùm dixerunt: Allelúia. Et fumus ejus ascéndit in sæcula sæculórum. Et cecidérunt senióres vigintiquátuor, & quátuor animália, & adoravérunt Deum sedéntem super thronum, dicéntes: Amen: Allelúia. Et vox de throno exívit, dicens: Laudem dícite Deo nostro omnes servi ejus, & qui timétis eum, pusílli & magni. Et audívi quasi vocem turbæ magnæ, & sicut vocem aquárum multárum, & sicut vocem tonitruórum magnórum, dicéntium: Allelúia: quóniam regnávit Dóminus Deus noster omnípotens. Gaudeámus, & exultémus, & demus glóriam ei: quia venérunt núptiæ Agni,



Agni, & uxor ejus præparavit se. Et datum est illi, ut coopérior se byssino splendénti & cándido. Byssinum enim justificationes sunt sanctorum. Et dixit mihi: Scribe: Beati, qui ad cœnam nuptiarum Agni vocati sunt.

Allelúia, allelúia. *℣.* Sancti tui Dómine florébunt sicut lílium, & sicut odor bálsami erunt ante te. Allelúia.

*℣. Psal. 115.* Pretiósa in conspéctu Dómini mors sanctorum ejus. Allelúia.

Sequéntia sancti Evangélii secúndum Joánnem.

*Joan. 15.*

**I**N illo témpore: Dixit Jesus discíulis suis: Ego sum vitis, vos pálmities: qui manet in me, & ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras sicut palmes, & aréscet, & cólligent eum, & in ignem mittent, & ardet. Si manséritis in me, & verba mea in vobis mánserint: quodcúmque voluérítis, petétis, & fiet vobis. In hoc clarificátus est Pater meus, ut fructum plúrimum afferátis, & efficiámini mei discípli. Sicut diléxit me Pater, & ego diléxi vos. Manéte in dilectióne mea. Si præcépta mea servavérítis, manébitis in dilectióne mea, sicut & ego Patris mei præcépta servávi, & máneo in ejus dilectióne. Hæc locútus sum vobis: ut gáudium meum in vobis sit, & gáudium vestrum impleátur.

*Offertorium. Ps. 31.* Lætámini in Dómino, & exultáte

justi: & gloriámini omnes recti corde, allelúia.

*Secreta.*

**A**Desto Dómine supplicationibus nostris, quas in Sanctorum tuorum commemoratione deférimus: ut, qui nostræ justitiæ fidúciā non habémus, eórum qui tibi placuerunt, méritis adjuvémur. Per Dóminum.

*Communio. Psal. 32.* Gaudéte justi in Dómino, allelúia: rectos decet collaudátio, allelúia,

*Postcommunio.*

**Q**Uæsumus Dómine, salutáribus repléti mystériis: ut quorum solémnia celebrámus, eórum orationibus adjuvémur. Per Dóminum nostrum Jesum Christum Fílium tuum, &c.

*Si hoc Festum transferatur post Pentecosten, tunc Missa erit, Intret in conspéctu tuo. Oratio, Beatórum mártýrum. de Comuni plurimorum Mártýrum extra tempus Paschale. xij.*

*Die xxiii. Aprilis.*

IN FESTO S. GEORGII  
martyris.

**P**Rotexísti me Deus à conventu malignántium, allelúia: à multítudine operántium iniquitátem, allelúia, allelúia.

*Psal. ibid.* Exáudi Deus orationem meam cùm deprecor: à timóre inimíci éripe ánimam meam.

*℣. Glória Patri.*

*Oratio.*

**D**Eus, qui nos beati Geórgii mártýris tui méritis & intercessióne lætíficas: concede



cède propitius; ut, qui, tua per eum beneficia poscimus, dono tuæ gratiæ consequamur. Per Dominum.

Lectio Epistolæ beati Pauli Apostoli ad Timotheum,

2. Tim. 2.

**C**harissime, Memor esto Dominum Jesum Christum resurrexisse à mortuis ex semine David, secundum Evangelium meum, in quo laboro usque ad vincula, quasi malè operans: sed verbum Dei non est alligatum. Ideò omnia sustineo propter electos, ut & ipsi salutem consequantur, quæ est in Christo Jesu, cum gloriæ coelesti. Tu autem affectus es meam doctrinam, institutionem, propositum, fidem, longanimitatem, dilectionem, patientiam, persecutiones, passionem: quæ mihi facta sunt Antiochiæ, Iconii, & Lystris: quales persecutiones sustinui, & ex omnibus eripuit me Dominus. Et omnes, qui piè volunt vivere in Christo Jesu, persecutionem patientur.

Allelúia, allelúia.

Ps. 88. Confitebuntur coeli mirabilia tua Domine: etenim veritatem tuam in Ecclesia sanctorum. Allelúia.

Ps. 20. Posuisti Domine super caput ejus coronam de lapide pretioso. Allelúia.

Sequencia sancti Evangelii secundum Joannem.

Joan. 15.

**I**n illo tempore: Dixit Jesus discipulis suis: Ego sum vitis vera: & Pater

meus agricola est. Omnem palmitem in me non ferentem fructum, tollet eum: & omnem qui fert fructum, purgabit eum, ut fructum plus afferat. Jam vos mundi estis propter sermonem, quem locutus sum vobis. Manete in me: & ego in vobis. Sicut palmes non potest ferre fructum à semetipso, nisi manserit in vite: sic nec vos, nisi in me manseritis. Ego sum vitis, vos palmites: qui manet in me, & ego in eo, hic fert fructum multum: quia sine me nihil potestis facere. Si quis in me non manserit, mittetur foras sicut palmes, & arcescet, & colligent eum, & in ignem mittent, & ardet. Si manseritis in me, & verba mea in vobis manserint: quodcumque volueritis, petetis, & fiet vobis.

Offertorium. Psal. 88. Confitebuntur coeli mirabilia tua Domine: & veritatem tuam in Ecclesia sanctorum, allelúia, allelúia.

Secreta.

**M**unera Domine, oblata sanctifica: & intercedente beato Georgio martyre tuo, nos per hæc à peccatorum nostrorum maculis emunda. Per Dominum.

Communio. Psal. 63. Lætabitur justus in Domino, & sperabit in eo: & laudabuntur omnes recti corde, allelúia, allelúia.

Postcommunio.

**S**upplices te rogamus omnipotens Deus: ut, quos tuis relictis sacramentis, intercedente beato Georgio martyre tuo, tibi etiam placitis mori-



móribus dignánteſ tribuas deſervíre. Per Dóminum.

¶ Si prædictum Feſtum tranſferatur poſt Dominicam Trinit. Miſſa erit, In virtúte. de Comuni. iv. cum Orationib. ex Miſſa, Protexíſti. ut ſuprà. Evangel. Si quis venit. iii.

Die xxiv. Aprilis.

IN FESTO S. FIDELIS A  
SIGMARINGA Martyris.

Introitus. Protexiſti.

Oratio.

**D**Eus qui beátum Fidélem ſeráphico ſpíritus ardóre ſuccénſum, in veræ fidei propagatione martyrii palma & glorióſis miráculis, decoráre dignátus es: ejus quæſumus méritis, & interceſſióne; ita nos per grátiam tuam, in fide & charitáte confirma, ut in fervítio tuo fidéles uſque ad mortem inveníri mereámur. Per Dóminum.

Die xxv. Aprilis.

IN FESTO S. MARCI  
Evangelistæ. Litaniæ majores.

Statio ad ſanctum Petrum.

Ad Proceſſionem dicitur Miſſa de Rogationibus. 242. ſine commemoratione S. Marci: & ſi contingat tranſferri feſtum S. Marci, non tamen tranſfertur Proceſſio, niſi quando prædictum feſtum occurreret in die Paſchatis; tunc enim in Feriam tertiam ſequentem tranſferatur,

Introitus. Pſal. 63.

**P**rotexíſti me Deus à conventu malignántium, allelúia: à multitudíne operán-

tium iniquitátem, allelúia, allelúia.

Pſalm. ibid. Exáudi Deus oratióem meam cum deprecor: à timóre inimíci éripe ánimam meam.

v. Glória Patri.

Oratio.

**D**Eus, qui beátum Marcum Evangelíſtam tuum, Evangélicæ prædicatiónis grátia ſublimáſti: tribue quæſumus; ejus nos ſemper & eruditíone proficere, & oratióne deféndi. Per Dóminum.

Léctio Ezechiélis Prophætæ.

Ezech. i. c.

**S**imilitúdo vultus quátuor animálium: fácies hóminis, & fácies leónis à dextris ipſórum quátuor: fácies autem bovis à ſiníſtris ipſórum quátuor, & fácies áquilæ deſuper ipſórum quátuor. Fácies eórum, & pennæ eórum exténtæ deſuper: duæ pennæ ſingulórum jungébántur, & duæ tegébant córpora eórum: & unumquódque eórum coram fácie ſua ámbulábat: ubi erat ímpetus ſpíritus, illuc gradiebántur, nec revertebántur cum ambulárent. Et ſimilitúdo animálium, aſpéctus eórum quaſi carbónum ignis ardéntium, & quaſi aſpéctus lampadárum. Hæc erat víſio diſcúrrens in médio animálium, ſplendor ignis, & de igne fulgur egrédiens. Et animália ibant, & revertebántur in ſimilitúdinem fúlguris coruſcántis.

Allelúia, allelúia.

v. Pſal. 88. Conſitebúntur cœli mirabília tua Dómine: étenim veritatem tuam in Eccléfia ſanctórum. Allelúia.

v. Pſ.



̄. *Ps.* 20. Posuisti Dómine super caput ejus coronam de lapide pretioso. Allelúia,

Sequéntia sancti Evangelii secundum Lucam.

*Luc.* 10.

**I**N illo témpore: Designavit Dóminus & álios septuaginta duos, & misit illos binos ante faciém suam in omnem civitátem, & locum, quò erat ipse ventúrus. Et dicébat illis: Messis quidem multa, operárii autem pauci. Rogáte ergo dóminum messis, ut mittat operários in messem suam. Ite: ecce ego mitto vos sicut agnos inter lupos. Nolíte portáre fácculum, neque peram, neque calceaménta: & néminem per viam salutavéritis. In quamcúmque domum intravéritis, primùm dícite: Pax huic domui, & si ibi fúerit filius pacis, requiescet super illum pax vestra: sin autem, ad vos revertétur. In eádem autem domo manéte, edéntes & bibéntes quæ apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, & suscepérint vos, manducáte quæ apponúntur vobis: & curáte infirmos, qui in illa sunt, & dícite illis: Appropinquávit in vos regnum Dei. Credo.

*Offertorium. Psal.* 88. Confitebúntur cœli mirabília tua Dómine: & veritátem tuam in Ecclesiá sanctórum, allelúia, allelúia.

*Secreta.*

**B**Eáti Marci Evangelístæ tui solémnitáte, tibi mú-

nera deferéntes, quæsumus Dómine: ut sicut illum prædicatio Evangélica fecit gloriósum; ita nos ejus intercessio, & verbo & ópere tibi reddat accéptos. Per Dóminum.

*Præfatio de Apostolis.*

*Communio. Ps.* 63. Lætábitur justus in Dómino, & sperábit in eo: & laudabúntur omnes recti corde, allelúia, allelúia.

*Postcommunio.*

**T**Ríbuant nobis, quæsumus Dómine, contínuum tua sancta præsidium: quo beáti Marci Evangelístæ tui précibus, nos ab ómnibus semper tueántur advérsis. Per Dóminum.

*Die xxvi. Aprilis.*

IN FESTO SS. CLETI, & MARCELLINI Pontificum & mart.

*Introitus. Psal.* 144.

**S**ancti tui, Dómine, benedícant te: glóriam regni tui dicent, allelúia, allel.

*Psal. ibid.* Exaltábo te Deus meus Rex: & benedícam nómini tuo in sæculum, & in sæculum sæculi.

̄. Glória Patri.

*Oratio.*

**B**Eatórum mártýrum, patrítérque Pontíficum Cleti & Marcellíni nos Dómine fóveat pretiósa conféssio: & pia júgiter intercessio tueátur. Per Dóminum.

Léctio Epístolæ beáti Petri Apóstoli. 1. *Pet.* 1.

**B**enedíctus Deus, & Pater Dómini nostri Jesu Christi, qui secundum misericórdiam suam magnam regenerávit



ravit nos in spem vivam, per resurrectionem Jesu Christi ex mortuis, in hæreditatem incorruptibilem, & incontaminatam, & immarcescibilem, conservatam in cælis in vobis, qui in virtute Dei custodimini per fidem in salutem, paratam revelari in tempore novissimo. In quo exultabitis, modicum nunc si oportet contristari in variis tentationibus: ut probatio vestræ fidei multo pretiosior auro (quod per ignem probatur) inveniatur in laudem, & gloriam, & honorem, in revelatione Jesu Christi Domini nostri.

Allelúia, allelúia.

✠. Sancti tui Domine florébunt sicut lílium, & sicut odor bálsami erunt ante te. Allel.

✠. Ps. 115. Pretiosa in conspectu Domini mors sanctorum ejus. Allelúia.

Sequéntia sancti Evangélíi secundum Joánnem.

Joan. 15.

**I**N illo tempore: Dixit Jesus discipulis suis: Ego sum vitis, vos palmites: qui manet in me, & ego in eo, hic fert fructum multum: quia sine me nihil potestis facere. Si quis in me non manserit, mittetur foras sicut palme, & aréscet, & colligent eum, & in ignem mittent, & ardet. Si manseritis in me, & verba mea in vobis manserint: quodcúmque volueritis, petetis, & fiet vobis. In hoc clarificatus est Pater meus, ut fructum plurimum afferatis, & efficiamini mei discipuli. Sicut dilexit me Pater, & ego dilexi vos. Manete in dilectione mea.

Si præcepta mea servaveritis, manebitis in dilectione mea, sicut & ego Patris mei præcepta servavi, & maneo in ejus dilectione. Hæc locutus sum vobis: ut gaudium meum in vobis sit, & gaudium vestrum impleatur.

*Offertorium. Psal. 31. Lætámini in Domino, & exultate justi: & gloriámini omnes recti corde, allelúia, allelúia.*

*Secreta.*

**A**Desto Domine supplicationibus nostris, quas in Sanctorum tuorum commemoratione deferimus: ut, qui nostræ justitiæ fiduciam non habemus, eorum qui tibi placuerunt, méritis adjuvemur. Per Dominum.

*Communio. Ps. 32. Gaudete justi in Domino, allelúia: rectos decet collaudatio, allelúia.*

*Postcommunio.*

**Q**Uæsumus, Domine, saltatibus repléti mystériis: ut quorum solémnia celebramus, eorum orationibus adjuvemur. Per Dominum.

¶ *Extra tempus Paschale, Missa erit, Intret in conspectu. Oratio. Beatórum martyrum. de Comuni plurim. Martyr. extra tempus Paschale. xii.*

*Die xxviii. Aprilis.*

**SANCTI VITALIS** Martyris.

*Missa. Protexísti me Deus. de Comuni unius Martyr. temp. Pasch. viii. præter Orationes sequentes.*

*Oratio.*

**P**Ræsta quæsumus omnipotens Deus: ut qui beati Vitalis mártiris tui natalitia cõli-



cólinus, intercessióne ejus in  
tui nóminis amore roboré-  
mur. Per Dóminum.

*Secreta.*

**M**Unéribus nostris, quæ-  
sumus Dómine, preci-  
búsque susceptis, & cœléstibus  
nos munda mystériis, & cle-  
ménter exáudi. Per Dómi-  
num.

*Postcommunio.*

**D**A quæsumus Dómine  
Deus noster: ut sicut tuó-  
rum commemoratióne Sanc-  
tórúm, temporáli gratulámur  
officio: ita perpétuo lætémur  
aspéctu. Per Dóminum.

*Die xxix. Aprilis.*

IN FESTO S. PETRI  
Martyris.

*Introitus.*

*Psal. 63.*

**P**Rotexisti me Deus à con-  
vénitu malignántium, al-  
lelúia: à multitúdine operán-  
tium iniquitátem, allel. allel.

*Psal. ibid.* Exáudi Deus  
oratióne meam cum dēpre-  
cor: à timóre inimíci éripe  
ánimam meam.

*Glória Patri.*

*Oratio.*

**P**Ræsta quæsumus omnípo-  
tens Deus: ut beáti Petri  
mártiris tui fidem cógrua  
devotióne sectémur: qui pro  
ejúsdem fidei dilatatióne, mar-  
tyrii palmam méruit obtinére.  
Per Dóminum.

Léctio Epístolæ beáti Pauli  
Apóstoli ad Timótheum.

*2. Tim. 2. b.*

**C**Haríssime, Memor esto  
Dóminum Jesum Chris-  
tum resurrexísse à mórtuis  
ex sémíne David, secúndum  
Evangélium meum, in quo  
labóro usque ad víncula,

quasi malè óperans: sed ver-  
bum Dei non est alligátum.  
Ideò ómnia sustíneo propter  
eléctos, ut & ipsi salútem  
consequántur, quæ est in  
Christo Jesu, cum glória cœ-  
lésti. Tu autem affecútus es  
meam doctrínam, institutió-  
nem, propósitum, fidem,  
longanimitátem, dilectiόnem,  
patiéntiam, persecutiόnes, pas-  
siόnes: quália mihi facta  
sunt Antiochiæ, Iconii, &  
Lystris: quales persecutiόnes  
sustínui, & ex ómnibus erí-  
puit me Dóminus. Et om-  
nes, qui piè volunt vívere  
in Christo Jesu, persecutiό-  
nem patiéntur.

Allelúia, allelúia.

*v. Psal. 88.* Confitebúntur  
cœli mirabilia tua Dómine:  
étenim veritátem tuam in Ec-  
clésia sanctórum. Allelúia.

*v.* Posuísti Dómine super  
caput ejus corónam de lápide  
pretiόso. Allelúia.

Sequéntia sancti Evangélii se-  
cúndum Joánnem.

*Joan. 15.*

**I**N illo témpore: Dixit Je-  
sus discípulis suis: Ego  
sum vitis vera: & Pater  
meus agrícola est. Omnem  
pálmitem in me non ferén-  
tem fructum, tollet eum: &  
omnem qui fert fructum,  
purgábit eum, ut fructum  
plus áfferat. Jam vos mundi  
estis propter sermónem, quem  
locútus sum vobis. Manéte  
in me: & ego in vobis. Sicut  
palmes non potest ferre fruc-  
tum à semetípso, nisi máu-  
ferit in vite: sic nec vos, nisi  
in me manséritis. Ego sum  
vitis, vos pálmities, qui ma-  
net in me, & ego in eo, hic  
fert



fert fructum multum : quia si-  
ne me nihil potestis facere. Si  
quis in me non manserit, mit-  
tetur foras sicut palmes, &  
arescet, & colligent eum, &  
in ignem mittent, & ardet.  
Si manseritis in me, & verba  
mea in vobis manserint : quod-  
cumque volueritis, petetis, &  
fiet vobis.

*Offertorium. Psal. 88.* Con-  
fitebuntur coeli mirabilia tua  
Domine : & veritatem tuam in  
Ecclesia sanctorum, alleluia,  
alleluia. *Secreta.*

**P**reces, quas tibi Domine  
offerimus, intercedente  
beato Petro martyre tuo, cle-  
menter intende : & propugna-  
tores fidei sub tua protectio-  
ne custodi. Per Dominum.

*Communio. Psal. 63.* Laetabi-  
tur justus in Domino, & spe-  
rabit in eo : & laudabuntur  
omnes recti corde, alleluia,  
alleluia.

*Postcommunio.*

**F**ideles tuos, Domine, cus-  
todiant sacramenta quae  
sumpsimus : & intercedente  
beato Petro martyre tuo, con-  
tra omnes adversos tueantur  
incursus. Per Dominum.

*Quando Festum hoc trans-  
ferendum sit post Festum Trini-  
tatis, tunc dicitur Missa, Lae-  
tabitur justus. de Comuni-  
unius Mart: non Pontificis. vi.  
praeter Orationes proprias, ut su-  
pra, Evangelium. Si quis  
vult post me venire. iv.*

*Die xxx. Aprilis.*  
**IN FESTO SANCTAE CA-  
THARINAE SENENSIS**  
Virginis.

*Introitus. Psal. 36.*

**D**ilexisti iustitiam, & o-  
disti iniquitatem : prop-

teream unxit te Deus, Deus  
tuus oleo laetitiae prae conforti-  
bus tuis, alleluia, alleluia.

*Psalms. ibid.* Eructavit cor  
meum verbum bonum : dico  
ego opera mea Regi.

*v. Gloria Patri.*

*Oratio.*

**D**A, quaesumus omnipo-  
tens Deus : ut qui beatae  
Catharinae virginis tuae nata-  
litia colimus, & annua solem-  
nitatem laetemur, & tantae vir-  
tutis proficiamur exemplo.  
Per Dominum.

*Lectio Epistolae beati Pauli*  
*Apostoli ad Corinthios.*

*2. Cor. 10.*

**F**ratres, Qui gloriatur, in  
Domino gloriatur. Non  
enim qui seipsum commen-  
dat, ille probatus est ; sed quem  
Deus commendat. Utinam  
sustineretis modicum quid in-  
sipientiae meae, sed & suppor-  
tate me. Aemulor enim vos  
Dei aemulatione. Despondi  
enim vos uni viro virginem  
castam exhibere Christo.

Alleluia, alleluia.

*v. Ps. 44.* Adducuntur Regi  
virgines post eam, proximae  
ejus afferentur tibi in laetitia.  
Alleluia.

*v. Specie tua, & pulchritu-  
dine tua, intende, prosperè  
procède, & regna. Alleluia.*

*Sequentia sancti Evangelii se-  
cundum Matthaeum.*

*Matth. 25.*

**I**N illo tempore : Dixit Je-  
sus discipulis suis parabo-  
lam hanc : Simile erit reg-  
num coelorum decem virgi-  
nibus : quae accipientes lam-  
pades suas, exierunt obviam  
sponso & sponsae. Quinque  
autem



autem ex eis erant fatuæ, & quinque prudentes: sed quinque fatuæ, acceptis lampadibus, non sumplerunt oleum secum: prudentes verò acceperunt oleum in vasis suis cum lampadibus. Moram autem faciente sponso, dormitaverunt omnes, & dormierunt. Média autem nocte clamor factus est: Ecce sponsus venit, exite obviam ei. Tunc surrexerunt omnes virgines illæ, & ornaverunt lampades suas. Fatuæ autem sapientibus dixerunt: Date nobis de oleo vestro: quia lampades nostræ extinguuntur. Responderunt prudentes, dicentes: Ne fortè non sufficiat nobis & vobis, ite potius ad vendentes, & emite vobis. Dum autem irent emere, venit sponsus: & quæ paratæ erant, intraverunt cum eo ad nuptias, & clausa est janua. Novissimè verò veniunt & reliquæ virgines, dicentes: Domine, Domine, áperi nobis. At ille respondens, ait: Amen dico vobis, nescio vos. Vigiláte itaque, quia nescitis diem, neque horam.

*Offertorium. Ps. 44.* Fíliæ regum in honóre tuo: ástitit regína à dextris tuis in vestítu deauráto, circúmdata varietáte, allelúia.

*Secreta.*

**A** Scéndant ad te, Domine, quas in beátæ Catharínæ solemnitáte offérimus preces, & hóstia salutáris virgíneo fragrans odóre. Per Dóminum.

*Communio. Matth. 25.* Quinque prudentes virgines acceperunt oleum in vasis suis cum lampadibus: média au-

tem nocte clamor factus est, ecce sponsus venit, exite obviam Christo Dómino, allelúia.

*Postcommunio.*

**A** Ternitatem nobis, Domine, cónferat, qua pasti sumus, mensa cœlestis: quæ beátæ Catharínæ virginis vitam étiam áluit temporálem. Per Dominum.

*Dominica iii. post Pascha.*

MISSA PATROCINII  
S. JOSEPH.

*Introitus. Psal. 32.*

**A** Djutor, & Protéctor noster est Dóminus: in eo lætábitur cor nostrum: & in nómine sancto ejus sperávimus, allelúia, allelúia.

*Psal. 79.* Qui regis Israël inténde: qui dedúcis velut ovem Joseph.

ʒ. Glória Patri.

*Oratio.*

**D**Eus, qui ineffábili providéntia beátum Joseph, Sanctíssimæ Genitrícis tuæ sponsum eligere dignátus es: præsta quæsumus; ut, quem Protectórem venerámur in terris, intercessórem habére mereámur in cœlis. Qui vivis, &c.

*Et fit commem. Dominicæ iii. post Pascha.*

Léctio libri Génesis.

*Gen. 49.*

**F**ilius accrésceus Joseph, filius accrésceus & decórus aspéctu: filiæ discurrerunt super murum. Sed exasperaverunt eum, & jurgati sunt, invideruntque illi habéntes jácula. Sedit in forti arcus ejus, & dissoluta sunt vin-



vīcula brachiōrum & mā-  
nuum illius per manus po-  
tētis Jacob: inde Pastor  
egressus est, lapis Israël.  
Deus patris tui erit Adjutor  
tuus, & Omnipotens bene-  
dicet tibi benedictionibus cœ-  
li desuper, benedictionibus  
abyssi jacētis deorsum, bene-  
dictionibus ūberum, & vul-  
væ. Benedictiones patris tui  
confortatæ sunt benedictioni-  
bus patrum ejus, donec veni-  
ret desiderium Cōllium æter-  
norum. Fiant in cāpite Jo-  
seph, & in vértice Naza-  
ræi inter fratres suos.

Allelúia, allelúia.

℣. De quacúmque tribula-  
tione clamáverint ad me;  
exaudiam eos: & ero Protec-  
tor eorum semper. Allelúia.

℣. Fac nos innócuam, Jo-  
seph, decurrere vitam, sitque  
tuo semper tuta Patrocínio.  
Allelúia.

Sequētia sancti Evangēlii se-  
cūndum Lucam.

*Luc. 3.*

**I**N illo tēpore. Factum  
est autem cū baptizare-  
tur omnis populus, & Jesu  
baptizato, & orante, apér-  
tum est cœlum, & descendit  
Spíritus sanctus corporali spé-  
cie sicut Colúmba in ipsum,  
& vox de cœlo facta est: Tu  
es Fílius meus diléctus, in  
te complácu mihi. Et ipse  
Jesús erat incípiens quasi an-  
nórum trigínta, ut putabatur,  
Fílius Joseph.

*Dicitur Credo.*

*Offertorium. Psal. 147. Lau-  
da Jerúsalem Dóminum:  
quóniam confortávit seras*

portarum tuarum; benedixit  
filiis tuis in te, alleluia, allel.

*Secreta.*

**S**ANCTÍSSIMÆ GENITRÍCIS TUÆ  
Sponsi Patrocínio sufful-  
ti, rogāmus Dómine clemén-  
tiam tuam; ut corda nostra  
fácias terrēna cuncta despí-  
cere, ac te verum Deum per-  
fēcta charitatē dilígere. Qui  
vivis, &c.

*Et fit commemoratio Domi-  
nicæ.*

*Communio.* Jacob autem  
génuit Joseph virum Mariæ:  
de qua natus est Jesus, qui  
vocatur Christus, alleluia.

*Postcommunio.*

**D**IVINI MÚNERIS FONTE RE-  
fēcti, quæsumus, Dó-  
mine Deus noster; ut, sicut  
nos facis beāti Joseph pro-  
tectiōne gaudere, ita ejus mē-  
ritis, & intercessiōne cœlés-  
tis glóriæ fácias esse partíci-  
pes. Per Dóminum,

*Et fit commemoratio Domini-  
cæ, & in fine Missæ Evangeli-  
um ejusdem.*

## FESTA MAII.

*Die i. Maii.*

INFESTOSANCTORUM  
Apostolorum Philippi &  
Jacobi.

*Introitus. 2. Esdr. 9.*

**C**LAMAVÉRUNT AD TE DÓMI-  
ne in tēpore afflictio-  
nis suæ: & tu de cœlo exau-  
disti eos, allelúia, allelúia.

*Psal. 32. Exultáte justi in  
Dómino: rectos decet collau-  
datio.*

℣. Glória Patri.

*Oratio.*

**D**EUS, qui nos ánnua Aposto-  
lōrum tuōrum Philíp-  
pi



pi & Jacóbi solemnitate lætíficas: præsta quæsumus; ut quorum gaudemus méritis, instruámur exémplic. Per Dóminum nostrum.

Lectio libri Sapientiae.

Sap. 5.

**S**tabunt iusti in magna constantia advérsus eos, qui se angustiavérunt, & qui abstulérunt labóres eórum. Vidéntes turbabúntur timóre horribili, & mirabúntur in subitatióne insperatæ salutis, dicéntes intra se, pœniténtiam agéntes, & præ angústia spíritus gémentes: Hi sunt quos habuimus aliquándo in derisum, & in similitúdinem improperii. Nos insensáti vitam illórum æstimabámus insániam, & finem illórum sine honóre: ecce quómodo computáti sunt inter filios Dei, & inter sanctos fors illórum est.

Allelúia, allelúia.

℣. *Psal.* 88. Confitebúntur cœli mirabilia tua Dómine: étenim veritátem tuam in Ecclesia sanctorum. Allelúia.

℣. *Joan.* 14. Tanto témpore vobiscum sum, & non cognovístis me? Philippe, qui videt me, videt & Patrem meum. Allelúia.

Sequéntia sancti Evangélii secundum Joánnem.

*Joan.* 14.

**I**N illo témpore: Dixit Jesus discipulis suis: Non turbétur cor vestrum. Créditis in Deum, & in me credite. In domo Patris mei mansiónes multæ sunt. Si quò minùs, dixissem vobis: Quia vado parare vobis locum. Et si abiero, & præparávero vobis

locum: iterum vénio, & accipiam vos ad meípsum, ut ubi sum ego, & vos sitis. Et quò ego vado scitis, & viam scitis. Dicit ei Thomas: Dómine nescimus quò vadis: & quómodo póssumus viam scire? Dicit ei Jesus: Ego sum via, & veritas, & vita. Nemo venit ad Patrem, nisi per me. Si cognovissétis me, & Patrem meum útique cognovissétis: & ámodò cognoscétis eum, & vidístis eum. Dicit ei Philípus: Dómine, osténde nobis Patrem, & súfficit nobis. Dicit ei Jesus: Tanto témpore vobiscum sum, & non cognovístis me? Philíppe, qui videt me, videt & Patrem. Quómodo tu dicis: Osténde nobis Patrem? Non créditis, quia ego in Patre, & Pater in me est? Verba, quæ ego loquor vobis, à me ipso non loquor. Pater autem in me manens, ipse facit ópera. Non créditis, quia ego in Patre, & Pater in me est? Alióquin propter ópera ipsa créдите. Amen, amen dico vobis: qui crêdit in me, ópera quæ ego fácio, & ipse faciet, & maióra horum faciet: quia ego ad Patrem vado. Et quodcúmque petiéritis Patrem in nómine meo, hoc fáciam. Credo.

*Offertorium. Psal.* 88. Confitebúntur cœli mirabilia tua Dómine, & veritátem tuam in Ecclesia sanctorum, allelúia, allelúia.

*Secreta.*

**M**Unera, Dómine, quæ pro Apostolorum tuórum Philíppi & Jacóbi solemnitate deférimus, propítius súscipe: & mala ómnia quæ



quæ merémur, averte, Per Dóminum.

*Præfatio de Apostolis.*

*Communio.* Joan. 14. Tanto tēpore vobiscum sum, & non cognovistis me? Philíppe, qui videt me, videt & Patrem meum, allelúia: non credis, quia ego in Patre, & Pater in me est? allelúia, allelúia.

*Postcommunio.*

**Q**uæsumus Dómine, salutaribus replēti mystériis: ut, quorum solēnnia celebrāmus, eórum orationibus adjuvémur. Per Dóminum.

¶ Si hoc Festum transferendum sit post Pentecosten, dicitur Missa ut suprā, præter Epistolam, Graduale, & Offertor. quæ sumuntur ex Missa votiva SS. Apostolorum Petri & Pauli, xxxix.

*Die ii. Maii.*

**INFESTO S. ATHANASII**  
Episcopi, & Confessoris.

*Introitus.* Eccli. 15.

**I**n médio Ecclésiæ apérui os ejus: & implēvit eum Dóminus sp̄ritu sapiéntiæ & intelléctus: stolam glóriæ induit eum, allelúia, allelúia.

*Psal. 91.* Bonum est confiteri Dómino: & psállere nómini tuo, Altíssime.

℣. Glória Patri.

*Oratio.*

**E**xáudi, quæsumus Dómine, preces nostras, quas in beati Athanásii Confessoris tui atque Pontíficis solemnitāte deférimus: & qui tibi dignè méruit famulári, ejus intercedéntibus méritis, ab ómnibus nos absólve peccátis. Per Dóminum nostrum.

Léctio Epístolæ beati Pauli Apóstoli ad Corínthios.

2. Cor. 4. b.

**F**Ratres, Non nosmetipsos prædicāmus, sed Jesum Christum Dóminum nostrum; nos autem servos vestros per Jesum: quóniam Deus, qui dixit de tēnebris lucem splendescere, ipse illúxit in córdibus nostris ad illuminatióem sciéntiæ claritátis Dei in fácie Christi Jesu. Habémus autem thesaurum istum in vasis fictilibus: ut sublimitas sit virtutis Dei, & non ex nobis. In ómnibus tribulationem pátimur, sed non angustiamur: aperiámur, sed non destituimur: persecutióem pátimur, sed non derelinquimur: deijcimur, sed non perimus: semper mortificatióem Jesu in corpore nostro circumferentes, ut & vita Jesu manifestetur in corpóribus nostris. Semper enim nos, qui vívimus, in mortem tradimur propter Jesum: ut & vita Jesu manifestetur in carne nostra mortáli. Ergo mors in nobis operátur, vita autem in vobis. Habéntes autem eúmdem sp̄ritum fidei, sicut scriptum est: Crédidi, propter quod locútus sum: & nos crédimus, propter quod & loquimur: sciéntes, quóniam qui suscitávit Jesum, & nos cum Jesu suscitábit, & constituet vobiscum.

Allelúia, allelúia.

℣. Ps. 109. Tu es sacerdos in ætérnum, secúndum ordinem Melchisedech. Allelúia.

℣. Jac. 1. Beátus vir, qui suffert tentatióem: quóniam

cum



cūm probātus fuerit, accipiet coronam vitæ. Allelúia.

Sequéntia sancti Evangélíi secundam Matthæum.

*Matth. 10.*

**I**N illo tēpore: Dixit Iesus discipulis suis: Cūm persequētur vos in civitatē ista, fugite in aliam. Amen dico vobis, non consummābitis civitates Israël, donec veniat Fílius hóminis. Non est discipulus super magístrum, nec servus super dómīnum suum. Súfficit discipulo, ut sit sicut magíster ejus: & servo, sicut dómīnus ejus. Si patrem famílias Beélzebub vocaverunt: quantò magis domésticos ejus? Ne ergo timuéritis eos. Nihil enim est opértum, quod non revelābitur: & occultum, quod non sciétur. Quod dico vobis in tēnebris, dicite in lúmine: & quod in aure auditis, prædicáte super tecta. Et nolíte timére eos, qui occidunt corpus, ánimam autem non possunt occidere: sed pótius timéte eum, qui potest & ánimam & corpus pèrdere in gehénnam. Credo.

*Offertorium. Ps. 88.* Inveni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum, allelúia.

*Secreta.*

**S**ancti Athanási Confessoris tui atque Pontíficis, quæsumus Dómine, ánnua solémnitas pietáti tuæ nos reddat accéptos: ut per hæc piæ placatiónis officia, & illum beáta retribútió comitétur, & nobis grátia tuæ dona concíliet. Per Dómīnum.

*Communio. Matth. 10.*

Quod dico vobis in tēnebris, dicite in lúmine, dicit Dóminus: & quod in aure auditis, prædicáte super tecta, allelúia.

*Postcommunio.*

**D**Eus, fidélium remunerátor animárum: præsta, ut beáti Athanási Confessoris tui atque Pontíficis, cujus venerándam celebrámus festivitátem, précibus indulgéntiam consequámur. Per Dómīnum nostrum.

*Die iii. Maii.*

IN FESTO INVENTIONIS S. CRUCIS.

*Introitus. Gal. 6.*

**N**Os autem gloriári oportet in cruce Dómini nostri Jesu Christi: in quo est salus, vita, & resurrectio nostra: per quem salváti, & liberáti sumus, allelúia, allel.

*Psal. 66.* Deus misereátur nostri, & benedícat nobis: illuminet vultum suum super nos, & misereátur nostri.

*V. Glória Patri.*

*Oratio.*

**D**Eus, qui in præclára salutíferæ Crucis inventionē, passiónis tuæ miracula suscitásti: concéde, ut vitális ligni pretio, æternæ vitæ suffrágia consequámur. Qui vivis & regnas.

*In Missis privatis pro commem. SS. Alexandri, Eventii, & Theoduli mart. ac Juvenalis Episc. & Confess.*

*Oratio.*

**P**Ræsta quæsumus omnipotens Deus: ut qui sanctorum tuorum Alexandri, Eventii,



Evéntii, Theodúli, atque Juvenális natalítia cólimus, à cunéctis malis imminéntibus, eórum intercessiónibus liberémur. Per Dóminum.

Léctio Epístolæ beáti Pauli Apóstoli ad Philippénfes.

*Phil. 2.*

**F**Ratres, Hoc enim sentíte in vobis, quod & in Christo Jesu: qui cùm in forma Dei esset, non rapínam arbitrátus est esse se æquálem Deo: sed semetípsum exinanívit, formam servi accípiens, in similitúdinem hóminum factus, & hábitu invéntus ut homo. Humiliávit semetípsum, factus obédiens usque ad mortem, mortem autem crucis. Propter quod & Deus exaltávit illum, & donávit illi nomen, quod est super omne nomen: *Hic genuflectitur*: ut in nómine Jesu omne genu flectátur, coeléstiū, terréstriū, & infernórum: & omnis lingua confiteátur, quia Dóminus Jesus Christus in glória est Dei Patris. ♦

Allelúia, allelúia.

℣. Dícite in Géntibus, quia Dóminus regnávit à ligno. Allelúia. ℣. Dulce lignum, dulces clavos, dúlcia ferens póndera: quæ sola fuísti digna sustinére Regem coelórum, & Dóminum. Allelúia.

Seqúentia sancti Evangélii secúndum Joánnem.

*Joan. 3.*

**I**N illo témpore: Erat homo ex Pharisæis, Nicodémus nómine, princeps Judæórum. Hic venit ad Jesum nocte, & dixit ei: Rabbi, scimus quia à Deo venísti ma-

gíster; nemo enim potest hæc signa fácere, quæ tu facis, nisi fúerit Deus cum eo. Respóndit Jesus, & dixit ei: Amen, amen dico tibi: nisi quis renátus fúerit dénuò, non potest vidére regnum Dei. Dicit ad eum Nicodémus: Quómodo potest homo nasci, cùm sit fenex? numquid potest in ventrem matris suæ iterátò introíre, & renásci? Respóndit Jesus: Amen, amen dico tibi: nisi quis renátus fúerit ex aqua & Spíritu sancto, non potest introíre in regnum Dei. Quod natum est ex carne, caro est: & quod natum est ex spíritu, spíritus est. Non miréris quia dixi tibi: opórtet vos nasci dénuò. Spíritus ubi vult spirat: & vocem ejus audis, sed nescis unde véniat, aut quò vadat: sic est omnis, qui natus est ex spíritu. Respóndit Nicodémus, & dixit eis: Quómodo possunt hæc fieri? Respóndit Jesus, & dixit ei: Tu es magíster in Israél, & hæc ignóras? Amen, amen dico tibi: quia quod scimus loquimur, & quod vídimus testámur, & testimónium nostrum non accípitis. Si terréna dixi vobis, & non créditois: quémódo si díxero vobis coeléstia, créditois? Et nemo ascéndit in cœlum, nisi qui descéndit de cœlo, Fílius hóminis, qui est in cœlo. Et sicut Móyses exaltávit serpéntem in deserto, ita exaltári opórtet Fílium hóminis: ut omnis, qui credit in ipsum, non péreat, sed habeat vitam ætérnam. Credo.

*Offertorium. Ps. 117.* Dextera Dómini fecit virtútem, dextera Dómini exaltávit me:

non



non móriar, sed vivam & nar-  
rábo ópera Dómini, allelúia.  
*Secreta.*

**S**acrificium, Dómine, quod  
tibi immolámus, placátus  
inténde: ut ab omni nos éruat  
bellórum nequítia; & per  
vexillum sanctæ Crucis Fílii  
tui, ad conteréndas potestátis  
advérse insídias, nos in tuæ  
protectiōnis securitáte con-  
stituat. Per eúndem Dómi-  
num.

*Pro SS. Alexandro, &c.*

*Secreta.*

**S**uper has hóstias, quæsu-  
mus Dómine, benedíctio  
copiósá descéndat: quæ &  
sanctificatiōnem nobis cle-  
ménter operétur, & de sanctó-  
rum nos solemnitáte lætíficet.  
Per Dóminum.

*Præfatio de Cruce.* Qui sa-  
lútem.

*Communio.* Per signum Crú-  
cis de inimícis nostris libera  
nos Deus noster, allelúia.

*Postcommunio.*

**R**epléti alimónia coelésti,  
& spiritali póculo recre-  
áti, quæsumus omnipotens  
Deus: ut ab hoste maligno de-  
féndas, quos per lignum sanc-  
tæ Crucis Fílii tui, arma ius-  
titiæ pro salúte mundi trium-  
pháre iussisti. Per eúndem  
Dóminum.

*Pro SS. Alexandro, &c.*

*Postcommunio.*

**R**efécti participatiōne mú-  
neris sacri, quæsumus  
Dómine Deus noster; ut,  
cujus exéquimur cultum, in-  
tercedéntibus sanctis tuis  
Alexándro, Evéntio, Theo-  
dúlo, & Juvenále, sentiámus  
efféctum. Per Dóminum.

¶ *Sed si Festum Inventionis  
S. Crucis contigerit transferri post*

*Pentecosten, tunc omnia sumenda  
erunt ex Festo Exaltationis 14.  
Septembris: Orationes verò,  
Evangelium, & Offertorium erunt  
ex Missa Inventionis, supra.*

*Die iv. Maii.*

IN FESTO S. MONICÆ  
Viduæ.

*Introitus. Psal. 118.*

**C**ognóvi Dómine, quia  
æquitas iudícia tua, &  
in veritáte tua humiliásti  
me: confige timóre tuo car-  
nes meas: à mandátis tuis tí-  
mui, allelúia, allelúia.

*Psal. ibid.* Beáti immacu-  
láti in via, qui ámbulant in  
lege Dómini.

*v. Glória Patri.*

*Oratio.*

**D**eus mœréntium conso-  
látor, & in te sperántium  
salus, qui beátæ Mónica plás  
lácrymas in Conversiōe filii  
sui Augustíni misericórditer  
suscepísti: da nobis utriúsque  
intervéntu peccáta nostra de-  
ploráre; & grátia tuæ indul-  
géntiam inveníre. Per Dó-  
minum nostrum.

Léctio Epístolæ beáti Pauli  
Apóstoli ad Timótheum.

*1. Tim. 5.*

**C**haríssime, Víduas honó-  
ra, quæ verè víduæ sunt.  
Si quæ autem vídua filios, aut  
nepótes habet, discat primùm  
domum suam régere, & mú-  
tuam vicem réddere parénti-  
bus: hoc enim accéptum est  
coram Deo. Quæ autem verè  
vídua est, & desoláta, speret in  
Deum, & instet obsecratiōni-  
bus & oratiōibus nocte ac die.  
Nam quæ in delíciis est, vi-  
vens mórtua est. Et hoc præci-  
pe,



pe, ut irreprehensibiles sint. Si quis autem suorum, & maxime domesticorum curam non habet, fidem negavit, & est infideli deterior. Vidua eligatur non minus sexaginta annorum, quæ fuerit unus viri uxor, in operibus bonis testimonium habens, si filios educavit, si hospitio recepit, si sanctorum pedes lavit, si tribulationem patientibus ministravit, si omne opus bonum subsecuta est.

Allelúia, allelúia.

Ps. 44. Spécie tua, & pulchritudine tua inténde, prospere procéde, & regna. Allelúia. Ps. Propter veritatem, & mansuetudinem, & iustitiam, & deducet te mirabiliter dextera tua. Allelúia.

Sequéntia sancti Evangélíi secundum Lucam.

Luc. 7. b.

**I**N illo tempore: Ibat Iesus in civitatem, quæ vocatur Naim: & ibant cum eo discipuli ejus, & turba copiosa. Cum autem appropinquaret portæ civitatis, ecce defunctus efferebatur filius unicus matris suæ: & hæc vidua erat, & turba civitatis multa cum illa. Quam cum vidisset Dominus, misericordia motus super eam, dixit illi: Noli flere. Et accessit, & tetigit loculum. (Hi autem, qui portabant, steterunt.) Et ait: Adolescens, tibi dico, surge. Et refedit qui erat mortuus, & coepit loqui. Et dedit illum matri suæ. Accépit autem omnes timor: & magnificabant Deum, dicentes: Quia Prophéta magnus surrexit in nobis: & quia Deus visitavit plebem suam.

*Offertorium. Ps. 44.* Diffusa est grátia in lábiis tuis, propterea benedixit te Deus in ætérnum, & in sæculum sæculi, allelúia.

*Secreta.*

**A**ccépta tibi sit, Dómine, sacratæ plebis oblátio, pro tuorum honóre sanctorum, quorum se méritis percipisse de tribulatione cognóscit auxílium. Per Dóminum.

*Communio. ibid.* Dilexisti iustitiam, & odisti iniquitatem: propterea unxit te Deus, Deus tuus, óleo lætitiæ præ consórtibus tuis, allelúia.

*Postcommunio.*

**S**atiasti, Dómine, familiam tuam munéribus sacris: ejus, quæsumus, semper interventione nos réfove, cujus solémnia celebrámus. Per Dóminum.

*Die v. Maii.*

IN FESTO S. PII V. Papæ & Conf.

*Missæ. Státuit ei Dóminus. de Communi Confess. Pontif. xvi.*

*Oratio.*

**D**eus, qui ad conterendos Ecclésiæ tuæ hostes, & ad divinum cultum reparandum, Pium quintum Pontíficem máximum eligere dignatus es: fac nos ipsius defendi præsídiis, & ita tuis inhærere obsequiis; ut ómnium hostium superátis insídiis, perpétua pace lætémur. Per Dóminum.

*Reliqua omnia ut in eadem Missa.*



*Die vi. Maii.*IN FESTO S. JOANNIS  
ante Portam Latinam.*Introitus. Psal. 63.***P**rotexisti me Deus à con-  
vèntu malignántium, al-  
lelúia: à multitudìne operán-  
tium iniquitátem, allelúia,  
allelúia.*Psal. ibid.* Exáudi Deus  
oratióem meam cùm dépre-  
cor: à timóre inimíci éripe  
ánimam meam.*ψ.* Glória Patri.*Oratio.***D**eus, qui cónspicis, quia  
nos úndique mala nostra  
pertúrbant: præsta quæsu-  
mus; ut beáti Joánnis Apóst-  
oli tui & Evangelístæ inter-  
cèssio gloriósa nos prótegat.  
Per Dóminum.

Lectio libri Sapiéntiæ.

*Sap. 5.***S**tabunt iusti in magna con-  
stántia advérsus eos, qui  
se angustia vérunť, & qui ab-  
stulérunt labóres eórum. Vi-  
déntes turbabúntur timóre  
horribili, & mirabúntur in  
subitatióne insperátæ salútis,  
dicéntes intra se, pœniténti-  
am agéntes, & præ angús-  
tia spíritus geméntes: Hi  
sunt quos habúimus aliquán-  
do in derísu, & in similitú-  
dinem impropérii. Nos in-  
sensáti vitam illórum æstima-  
bámus infániam, & finem il-  
lórum sine honóre: ecce quó-  
modo computáti sunt inter  
filios Dei, & inter sanctos  
fors illórum est.

Allelúia, allelúia.

*ψ. Psal. 91.* Justus ut palma  
florébit: sicut cedrus Líbani  
multiplicábitur. Allelúia.*ψ. Osee 14.* Justus germi-nabit sicut lílium: & florébit  
in ætérnum ante Dóminum.  
Allelúia.Sequéntia sancti Evangélíi se-  
cúndum Matthæum.*Matth. 20. c.***I**n illo témpore: Accéssit  
ad Jesum mater filiórum  
Zebedæi cum filiis suis, adó-  
rans & petens áliquíd ab eo.  
Qui dixit ei: Quid vis? Ait  
illi: Dic ut sédeant hi duo filii  
mei, unus ad dexteram tuam,  
& unus ad sinístram in regno  
tuo. Respóndens autem Jesus,  
dixit: Nescítis quid petátis.  
Potéstis bíbere cálicem, quem  
ego bibitúrus sum? Dicunt  
ei: Póssumus. Ait illis: Cá-  
licem quidem meum bibétis:  
sedére autem ad dexteram  
meam vel sinístram, non est  
meum dare vobis, sed quibus  
parátum est à Patre meo.  
Credo.*Offertorium. Ps. 88.* Confi-  
tebúntur cœli mirabília tua  
Dómine: & veritátem tuam in  
Ecclésia sanctórum, allelúia,  
allelúia.*Secreta.***M**Unéribus nostris, quæ-  
sumus Dómine, preci-  
búsque suscéptis, & cœlésti-  
bus nos munda mystériis, &  
cleménter exáudi. Per Dó-  
minum nostrum.*Præfatio de Apostolis.**Communio. Psal. 63.* Lætá-  
bitur justus in Dómino, &  
sperábit in eo: & laudabún-  
tur omnes recti corde, allel.*Postcommunio.***R**efécti, Dómine, pane  
cœlésti: ad vitam quæ-  
sumus nutriámur æternam.  
Per Dóminum.



¶ Si contigerit Festum S. Joannis transferri post Pentecosten, tunc Missa sumatur ex alio Festo ejusdem Sancti, Mense Decembri, fol. 23. Orationes verò & Evangelium ut suprà in hoc Festo.

Die vii. Maii.

IN FESTO S. STANISLAI  
Episcopi, & martyris.

Missa. Protexisti me Deus.  
ut in Communi unius Mart. Pontificis temp. Pasch. viii. præter  
Orationes sequentes.

Oratio.

**D**Eus, pro cuius honore gloriosus Pontifex Stanislaus gladiis impiorum occubuit: præsta quæsumus; ut omnes qui ejus implorant auxilium, petitionis suæ salutarem consequantur effectum. Per Dominum.

Secreta.

**M**Unera tibi, Domine, dicata sanctifica: & intercedente beato Stanislao martyre tuo atque Pontifice, per eadem nos placatus intende. Per Dominum.

Postcommunio.

**H**Æc nos commūnio, Domine, purget à crimine: & intercedente beato Stanislao martyre tuo atque Pontifice, cœlestis remēdii faciat esse cōsortes. Per Dominum.

¶ Si hoc Festum celebrari contigerit post Pentecosten, tunc dicitur Missa, Sacerdotes Dei. de Communi unius Martyris Pontificis secundo loco. iii. Orationes verò, suprà posite.

¶ Notandum, quòd si Festum Apparitionis S. Michaelis, vel aliquod ex Festis sequentibus, sive Duplex, sive Semiduplex, inci-

derit in Feriam sextam post Oct. Ascensionis, tunc in Missa de Festo fit commemor. de Feria sexta prædicta, cum Orationibus ex Missa Dominicæ infra Octav. Ascensionis: idem agatur etiam si contigerit fieri de aliquo Festo translato, dummodò non sit primæ vel secundæ Classis, quia tunc nulla commemor. facienda erit.

Die viii. Maii.

IN APPARITIONE S.  
MICHAELIS ARCH.  
ANGELI.

Introitus. Psal. 102.

**B**enedicite Dominum omnes Angeli ejus: potentes virtute, qui facitis verbum ejus, ad audiendam vocem sermonum ejus, allelúia, allelúia.

Psal. ibid. Benedic anima mea Domino: & omnia, quæ intra me sunt, nomini sancto ejus.

¶ Glória Patri.

Oratio.

**D**Eus, qui miro ordine, Angelorum ministéria, hominumque dispensas: concede propitius; ut, à quibus tibi ministrantibus in cœlo semper assistitur, ab his in terra vita nostra muniatur. Per Dominum nostrum.

Lectio libri Apocalypsis beati Joannis Apostoli.

Apoç. i.

**I**N diēbus illis: Significavit Deus, quæ oportet fieri citò, mittens per Angelum suum servo suo Joānni, qui testimonium perhibuit verbo Dei, & testimonium Jesu Christi quæcūque vidit. Beātus, qui legit & audit verba prophetiæ hujus: & servat ea, quæ in



ea scripta sunt: tempus enim propè est. Joannes septem Ecclesiis, quæ sunt in Asia. Grátia vobis & pax ab eo, qui est, & qui erat, & qui venturus est: & à septem spirítibus, qui in conspéctu throni ejus sunt: & à Jesu Christo, qui est testis fidelis, primogénitus mortuórum, & princeps regum terræ, qui diléxit nos, & lavit nos à peccátis nostris in sanguine suo.

Allelúia, allelúia.

℣. Sancte Michael Archángele, defénde nos in prælio: ut non pereamus in treméndo júdicio. Allelúia. ℣. Concússum est mare, & contrémuit terra, ubi Archángelus Michael descéndit de cælo. Allel.

Sequéntia sancti Evangélíi secundum Matthæum.

Matth. 18.

**I**N illo témpore: Accessérunt discípuli ad Jesum, dicétes: Quis, putas, major est in regno cœlórum? Et advocans Jesus párvulum, státuit eum in médio eórum, & dixit: Amen dico vobis, nisi convérsi fuéritis, & efficiámini sicut párvuli, non intrabitis in regnum cœlórum. Quicumque ergo humiliáverit se sicut párvulus iste, hic est major in regno cœlórum. Et qui fuscéperit unum párvulum talem in nómine meo, me súscipit. Qui autem scandalizáverit unum de pusíllis istis, qui in me credunt, expedit ei ut suspendátur mola asinária in collo ejus, & demergátur in profúndum maris. Væ mundo à scándalis. Necesse est enim ut véniant scándala: ve-

rúntamen væ hómini illi, per quem scándalum venit. Si autem manus tua, vel pes tuus scandalízat te, abscíde eum, & prójice abs te: bonum tibi est ad vitam ingredi débilem, vel claudum, quam duas manus, vel duos pedes habéntem mitti in ignem ætérnum. Et si óculus tuus scandalízat te, érue eum, & prójice abs te: bonum tibi est cum uno óculo in vitam intráre, quam duos óculos habéntem mitti in gehénnam ignis. Vidéte, ne contemnátis unum ex his pusíllis: dico enim vobis, quia Angeli eórum in cœlis semper vident faciém Patris mei, qui in cœlis est. Credo.

*Offertorium. Apoc. 5.* Stetit Angelus juxta aram templi, habens thuríbulum áureum in manu sua, & data sunt ei incénsa multa: & ascéndit fumus arómatum in conspéctu Dei, allelúia.

*Secreta.*

**H**ostias tibi, Dómine, laudis offérimus, supplíciter deprecátes: ut eádem Angélico pro nobis interveniente suffrágio, & placátus accípias, & ad salútem nostram proveníre concédas. Per Dóminum.

*Communio. Dan. 3.* Benedícite omnes Angeli Dómini Dóminum: hymnum dícite, & superexaltáte eum in sæcula, allelúia.

*Postcommunio.*

**B**Eáti Archángeli tui Michaelis intercessióne súfulti, súpplices te, Dómine, deprecámur: ut quod ore prosequimur, contingámus & mente. Per Dóminum.

¶ Quan-



¶ Quando Festum prædictum transferri contigerit post Pentecosten, tunc Missa sumatur ex Festo Dedicationis ejusdem die 29. Septembris, infra.

Die ix. Maii.

IN FESTO S. GREGORII  
Nazianzeni Episc. & Conf.

Introitus: Eccli. 31.

**I**N medio Ecclesiæ aperuit os ejus: & implévit eum Dóminus spíritu sapiéntiæ & intelléctus: stolam glóriæ induit eum, allelúia, allelúia.

P/. 91. Bonum est confitéri Dómino: & psállere nómini tuo, Altíssime. V. Glória Patri.

Oratio.

**D**Eus, qui pópulo tuo æternæ salutis beátum Gregorium minístrum tribuísti: præsta quæsumus; ut, quem doctórem vitæ habuimus in terris, intercessórem habere mereámur in cœlis. Per Dóminum.

Léctio libri Sapiéntiæ.

Eccli. 39.

**J**ustus cor suum tradet ad vigilándum dilúculo ad Dóminum, qui fecit illum, & in conspéctu Altíssimi deprecábitur. Apériet os suum in oratione, & pro delíctis suis deprecábitur. Si enim Dóminus magnus volúerit: spíritu intellégentiæ replébit illum: & ipse tamquam imbres mittet elóquia sapiéntiæ suæ, & in oratione confitébitur Dómino: & ipse diriget consílium ejus, & disciplínam, & in absconditis suis consiliábitur. Ipse palàm faciet disciplínam doctrínæ suæ, & in lege testaménti Dómini gloriábitur. Collaudá-

bunt multi sapiéntiam ejus, & usque in sæculum non delébitur. Non recédet memória ejus, & nomen ejus requirétur à generatióne in generatiónem. Sapiéntiam ejus enarrábunt Gentes, & laudem ejus enuntiábit Ecclesiá.

Allelúia, allelúia.

V. Eccli. 45. Amávit eum Dóminus, & ornávit eum: stolam glóriæ induit eum. Allelúia.

V. Osee 14. Justus germinábit sicut lílium: & florébit in ætérnum ante Dóminum. Allelúia.

Sequéntia sancti Evangélii secundum Matthæum.

Matth. 5. b.

**I**N illo témpore: Dixit Jesus discíplis suis: Vos estis sal terræ. Quòd si sal evanúerit, in quo salietur? ad níhilum valet ultrà, nisi ut mittátur foras, & conculcétur ab homínibus. Vos estis lux mundi. Non potest civitas abscondi supra montem póstita. Neque accéndunt lucérnam, & ponunt eam sub módio, sed super candelábrum: ut luceat ómnibus qui in domo sunt. Sic luceat lux vestra coram homínibus, ut vídeant ópera vestra bona, & gloríficent Patrem vestrum, qui in cœlis est. Nolite putáre quóniam veni sôlvere legem, aut Prophétas: non veni sôlvere, sed adimplére. Amen quippe dico vobis, donec tránseat cœlum & terra, ióta unum, aut unus apex non præteríbit à lege, donec ómnia fiant. Qui ergo sôlverit unum de mandátis istis mínimis, & docúerit sic homi-



hómínes, mínímus vocábitur in regno cœlórum: qui autem fécerit & docúerit, hic magnus vocábitur in regno cœlórum. Credo,

*Offertorium. Psal. 91.* Justus ut palma florébit: sicut cedrus, quæ in Líbano est, multiplicábitur, allelúia.

*Secreta.*

**S**ancti tui Gregórii nobis, Dómine, pia non desit oratio: quæ & múnera nostra concíliet, & tuam nobis indulgéntiam semper obtíneat. Per Dóminum.

*Communio. Luc. 12.* Fidélis servus & prudens, quem constituit dóminus super familiam suam: ut det illis in témpore trítici mensúram, allelúia.

*Postcommunio.*

**U**T nobis, Dómine, tua sacrificia dent salutem: beátus Gregórius Conféssor tuus, & doctor egregius, precátor accédât. Per Dóminum.

*Die x. Maii.*

IN FESTO S. ANTONINI  
Epis. & Confess.

*Missa. Státuit ei. de Comuni Confess. Pontificis. xvi. præter Orationem sequentem,*

*Oratio.*

**S**ancti Antoníni Dómine Confessóris tui atque Pontíficis méritis adjuvémur: ut sicut te in illo mirábilem prædicámus; ita in nos misericórdem fuísse gloriémur. Per Dóminum.

*Reliqua omnia ut in eadem Missa: & fit commem. SS. Martyrum Gordiani & Epimachi, cum Orationibus ex Missa propria eorundem, ut infra; &*

*tertia Oratio de B. M. Concede nos. 236.*

*Sed si Festum S. Antonini transfertur post Pentec. tunc Oratio secunda erit, A cunctis. 267.*

*Tertia ad libitum.*

*Eodem die.*

SS. GORDIANI & Epimachi martyrum.

*Missa. Sancti tui. sumatur ex Festo SS. Soteris & Cati Pontificum & mart. ut supra. 390. cum Orationibus propriis, ut sequitur.*

*Oratio.*

**D**A, quæsumus omnipotens Deus, ut qui beatórum mártýrum tuórum Gordiáni & Epímachi solénnia cólimus, eórum apud te intercessiónibus adjuvémur. Per Dóminum.

*Secreta.*

**H**ostiastibi, Dómine, beatórum mártýrum tuórum Gordiáni & Epímachi dicátas méritis, benígnus assúme: & ad perpétuum nobis tríbe proveníre subsidium, Per Dóminum.

*Postcommunio.*

**Q**uæsumus omnipotens Deus: ut qui cœléstia aliménta percépimus, intercedéntibus sanctis martyribus tuis Gordiáno & Epímacho, per hæc contra ómnia advérsa muniámur. Per Dóminum.

*Die xij. Maii.*

IN FESTO SS. NEREI,  
Achillei, & Domitillæ virginis, atque Pancratii martyrum.

*Introitus.*

*Psal. 32.*

**E**Cce óculi Dómini super timéntes eum, sperántes



tes in misericórdia ejus, allelúia: ut erípiat à morte ánimas eórum: quóniam adjutor & protector noster est, allelúia, allelúia.

*Psal. ibid.* Exultáte justí in Dómino: rectos decet collaudatio. *v.* Glória Patri.

*Oratio.*

**S**emper nos, Dómine, mártýrum tuórum Nérei, Achílleí, Domitíllæ atque Pancratíi foveat quæsumus beáta solémnitas: & tuo dignos reddat obsequio. Per Dóminum.

Léctio libri Sapiéntiæ.

*Sap. 5.*

**S**tabunt justí in magna constantia advérsus eos, qui se angustíaverunt, & qui abstulerunt labóres eórum. Vidéntes turbabúntur timóre horribili, & mirabúntur in subitátione insperátæ salútis, dicéntes intra se, pœniténtiam ágéntes, & præ angústia spíritus geméntes: Hi sunt, quos habuimus aliquándo in derísu, & in similitúdinem improperii. Nos insensáti vitam illórum æstimabámus infániam, & finem illórum sine honóre: ecce quómodo computáti sunt inter filios Dei, & inter sanctos fors illórum est.

Allelúia, allelúia. *v.* Hæc est vera fraternitas, quæ vicit mundi crimina: Christum secúta est, inclyta tenens regna cœléstia. Allelúia.

*v.* Te Mártýrum candidátus laudat exércitus, Dómine. Allelúia.

Sequéntia sancti Evangélíi secúndum Joánnem.

*Joan. 4. f.*

**I**n illo témpore: Erat quidam régulus, cujus filius

infirmabátur Caphárnaum. Hic cùm audíffet quia Jesus adveníret à Judæa in Galilæam, abiit ad eum, & rogábat eum ut descenderet, & sanáret filium ejus: incipiébat enim mori. Dixit ergo Jesus ad eum: Nisi signa & prodígia videritis, non créditis. Dicit ad eum régulus: Dómine, descénde priúsquam moriátur filius meus. Dicit ei Jesus: Vade, filius tuus vivit. Crédidit homo sermóni, quem dixit ei Jesus, & ibat. Jam autem eo descendente, servi occurrerunt ei, & nuntiavérunt, dicéntes, quia filius ejus víveret. Interrogábat ergo horam ab eis, in qua mélius habúerit. Et dixerunt ei: Quia heri hora séptima relíquit eum febris. Cognóvit ergo pater, quia illa hora erat, in qua dixit ei Jesus: Fílius tuus vivit: & crédidit ipse, & domus ejus tota.

*Offertorium. Ps. 88.* Confitebúntur cœli mirabília tua Dómine, & veritátem tuam in Ecclésia sanctórum, allelúia, allelúia.

*Secreta.*

**S**anctórum mártýrum tuórum, quæsumus Dómine, Nérei, Achílleí, Domitíllæ, atque Pancratíi sit tibi grata conféssio: quæ & múnera nostra comméndet, & tuam nobis indulgéntiam semper implóret. Per Dóminum.

*Communio.* Gaudéte justí in Dómino, allelúia: rectos decet collaudatio, allelúia.

*Postcommunio.*

**Q**uæsumus Dómine, ut beatórum mártýrum tuórum Nérei, Achílleí, Domitíllæ, atque Pancratíi de-

pre-



precatiōnibus, sacramenta sancta quæ sumpimus, ad tuæ nobis proficiant placatiōnis augmentum. Per Dōminum.

¶ Si verò hoc Festum celebretur post Pentecosten, dicitur Missa. Sapiētiā. ut in Comuni plurim. Martyrum. xiii. exceptis Orationibus & Evangelio propriis, ut suprā. 407.

Die xiv. Maii.

SANCTI BONIFACII  
mart. Missa. Protexisti me. de Comuni Martyrum temp. Paschali. viii. præter Orationem sequentem.

Oratio.

**D**A quæsumus omnipotens Deus: ut qui beati Bonifacii martyris tui solēnnia cōlimus, ejus apud te intercessiōnibus adjuvēmur, Per Dōminum.

Secreta. Muneribus nostris. ix.

Postcommunio. Refecti participatione. ix.

Die xvi. Maii.

IN FESTO S. JOANNIS  
Nepomuceni martyris.

Si non fuerit expletum tempus Paschale, tunc dicitur Missa. Protexisti me. de Comuni Mart. tempore. Pasch. viii. præter Orationes sequentes, & Evangelium. Nihil est opertum. vi.

Si verò fuerit post Pentec. tunc Missa erit, Lætabitur justus. de Comuni unius Mart. non Pontif. vi. exceptis Orationibus propriis, ut infrā.

Oratio.

**D**Eus, qui ob invictum beati Joannis Sacramen-

tāle silentium, nova Ecclesiā tuam martyrii corōna decorasti: da nobis ejus intercessiōne, & exēplo linguam cautē custodire; ac omnia pōtius mala, quā animæ detrimētum, in hoc sæculo tolerāre. Per Dōminum nostrum.

Secreta.

**P**ER hæc tua, Dōmine, sacra mystéria illo nos charitātis igne accendāmur, quo inclytus martyr Joānes, eādē peragēdo flagrabat. Per Dōminum nostrum Jesum Christum, &c.

Postcommunio.

**S**PÍRITUM, Dōmine, fortitudinis hæc nobis tríbuat mensa cœlestis, quæ beati martyris tui Joānnis pro Sacramēti honóre tentatam constantiam, jūgiter aluit ad victóriam. Per Dōminum, in unitate ejusdem Spíritus.

Die xvii. Maii.

IN FESTO S. PASCHALIS  
Baylon, Confessoris.

Missa. Os justī. de Comuni Confessoris non Pontificis. xxii.

Oratio.

**D**EUS, qui beātum Paschālem Confessorem tuum, mirífica erga Cōporis & Sanguinis tui sacra mystéria dilectiōne decorasti: concēde propitius; ut, quam ille ex hoc divīno convivio spíritus percēpit pinguedinem, eāndē & nos percipere mereāmur. Qui vivis, & regnas cum Deo Patre, &c.

Die



Die xviii. Maii.

## IN FESTO S. VENANTII martyris.

*Missa. Protexisti me Deus. de Communi Mart. tempore Pasch. viii. præter Orationes sequentes.* *Oratio.*

**D**Eus, qui hunc diem beati Venantii martyris tui triumpho consecrasti: exaudi preces populi tui, & præsta; ut qui ejus merita veneramur, fidei constantiam imitemur. Per Dominum. *Secreta.*

**H**Anc oblationem omnipotens Deus, beati Venantii merita tibi reddant acceptam; ut ipsius subsidiis adjuti, gloriæ ejus consortes efficiamur. Per Dominum.

*Postcommunio.*

**S**umpsimus, Domine, æternæ vitæ sacramenta, te humiliter deprecantes, ut beato Venantio martyre tuo pro nobis deprecante, veniam nobis concilient & gratiam. Per Dominum.

*Si autem celebretur extra tempus Paschale, Missa. In virtute tua. ut in Communi unius Mart. non Pontif. Orationes, ut supra, & Evangel. Si quis venit ad me. de Communi Mart. Pontificis. iii.*

¶ *Si aliquod Festum ex sequentibus venerit tempore Paschali, Missa dicitur ut in Communi temp. Pasch. Si autem venerit post Oct. Pentec. dicitur ut infra assignatur.*

Die xix. Maii.

## IN FESTO S. PETRI Cœlestini Papæ &amp; Conf.

*Introitus. Eccli. 45. c.*

**S**TATUIT ei Dominus testamentum pacis, & princi-

pem fecit eum: ut sit illi sacerdotii dignitas in æternum.

*Psal. 131. Meménto Domine David, & omnis mansuetudinis ejus.*

*v. Glória Patri.**Oratio.*

**D**Eus, qui beatum Petrum Cœlestinum ad summi Pontificatus apicem sublimasti, quique illum humilitati postponere docuisti: concede propitius: ut ejus exemplo cuncta mundi despiceret, & ad promissa humilibus præmia pervenire feliciter mereamur. Per Dominum.

*Deinde fit commemoratio S. Pudencianæ virginis.*

*Oratio.*

**E**XAUDI nos Deus salutaris noster: ut sicut de beatæ Pudencianæ virginis tuæ festivitæte gaudemus; ita piæ devotionis erudiamur affectu. Per Dominum.

## Lectio libri Sapientie.

*Eccli. 44. c.*

**E**CCE sacerdos magnus, qui in diebus suis placuit Deo, & inventus est justus: & in tempore iracundiæ factus est reconciliatio. Non est inventus similis illi, qui conservavit legem Excelsi. Ideo jurejurando fecit illum Dominus crescere in plebem suam. Benedictionem omnium Gentium dedit illi, & testamentum suum confirmavit super caput ejus. Agnovit eum in benedictionibus suis: conservavit illi misericordiam suam: & invenit gratiam coram oculis Domini. Magnificavit eum in conspectu regum: & dedit illi coronam gloriæ. STATUIT illi testamen-



tum ætérnum : & dedit illi sacerdotium magnum : & beatificávit illum in glória. Fungi sacerdotio, & habére laudem in nómine ipsíus, & offérre illi incénsum dignum, in odórem suavitátis.

*Graduale. Eccli. 44.* Ecce sacerdos magnus, qui in diébus suis plácuit Deo. *℣.* Non est invéntus símilis illi, qui conserváret legem Excélsi.

Allelúia, allelúia.

*℣.* Tu es sacerdos in ætérnum secúndum órđinem Melchisedech. Allelúia.

*Si celebretur tempore Paschali, omissis Graduali & ℣. dicitur* Allelúia, allelúia.

*℣. Psal. ibid.* Tu es sacerdos in ætérnum secúndum órđinem Melchisedech. Allel.

*℣.* Hic est sacerdos, quem coronávit Dóminus. Allelúia. Sequéntia sancti Evangélíi secúndum Matthæum.

*Matth. 19.*

**I**N illo témpore : Dixit Petrus ad Jesum : Ecce nos relíquimus ómnia, & secúti sumus te : quid ergo erit nobis ? Jesus autem dixit illis : Amen dico vobis, quòd vos, qui secúti estis me, in regeneratione cùm féderit Fílius hóminis in sede majestátis suæ, sedébitis & vos super fedes duódecim, judicántes duódecim tribus Israél. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, cénuplum accípiet, & vitam ætérnam possidébit.

*Offertorium. Ps. 88.* Invéni David servum meum, óleo sancto meo unxi eum : manus

enim mea auxiliábitur ei, & bráchium meum confortábit eum.

*Secreta.*

**S**ancti tui, quæsumus Dómine, nos ubique lætíficent : ut dum eórum mérita recólimus, patrocínia sentiámus. Per Dóminum.

*Pro S. Pudentiana.*

*Secreta.*

**A**Ccépta tibi sit, Dómine, sacratæ plebis oblátio, p̄o tuórum honóre sanctórum : quorum se méritis de tribulatione percepisse cognóscit auxílium. Per Dóminum.

*Communio. Luc. 12.* Fidélis servus & prudens, quem constituit dóminus super familiam suam : ut det illis in témpore trítici mensúram.

*Postcommunio.*

**P**Ræsta quæsumus omnipotens Deus : ut de perceptis munéribus grátias exhibéntes, intercedénte beáto Petro Cœlestíno Confessóre tuo atque Pontífice, beneficia potióra sumámus. Per Dóminum.

*Pro S. Pudentiana.*

*Postcommunio.*

**S**atiásti Dómine familiam tuam munéribus sacris : ejus, quæsumus, semper interventione nos réfove, cujus solémnia celebrámus. Per Dóminum.

*Die xx. Maii.*

IN FESTO S. BERNARDINI Senensis Conf.

*Missæ. Os justi. de Comuni Confessoris non Pontificis. xxii. præter Orationem & Evangelium.*

*Oratio.*

**D**omine Jesu, qui beáto Bernardíno Confessóri tuo,



tuo, exímiū sancti Nóminis  
tui amórem tribuísti: ejus,  
quæsumus, méritis & interces-  
sione, spíritum nobis tuæ di-  
lectiónis benígnus infunde.  
Qui vivis. in unitáte ejúsdem.

*Evangelium. Ecce nos re-  
líquimus. de Communi Abba-  
tum. xxv.*

*Die xxi. Maii.*

IN FESTO S. UBALDI  
Episcopi & Confess.

*Missa. Státuit. de Communi  
Conf. Pontif. xvi. præter Ora-  
tionem sequentem. Oratio.*

**A**uxílium tuum nobis,  
Dómine quæsumus, pla-  
catus impénde: & intercessió-  
ne beáti Ubáldi Confessóris  
tui atque Pontíficis, contra  
omnes diáboli nequítias dexte-  
ram super nos tuæ propitiatio-  
nis exténde. Per Dóminum.

*Die xxv. Maii.*

IN FESTO S. GREGORII  
VII. Papæ & Confessoris.

*Missa. Státuit ei Dóminus.  
de Communi Confess. Pontif. pri-  
mo loco. xvi. Oratio.*

**D**eus in te sperántium for-  
titúdo, qui beátum Gre-  
góriū Confessórem tuum  
atque Pontíficem, pro tuén-  
da Ecclesiæ libertáte, virtú-  
te constántiæ roborásti: da  
nobis ejus exémplo & inter-  
cessione, ómnia adversántia  
fórtiter superáre. Per Dó-  
minum.

*Et fit commemor. S. Urbani Pa-  
pæ & martyris. Oratio.*

**D**A quæsumus omnípo-  
tens Deus: ut qui beáti  
Urbáni mártiris tui atque  
Pontíficis solémnia cólimus,  
ejus apud te intercessiónibus  
adjuvémur. Per Dóminum.

*Evangelium. Vigiláte. de eo-  
dem Communi secundo loco. xix.*

*Pro S. Urbano. Secreta.*

**H**æchóstia, Dómine quæ-  
sumus, emúndet nostra  
delicta: & ad sacrificium ce-  
lebrándum, subditórum tibi  
córpora, mentésque sanctífi-  
cet. Per Dóminum.

*Pro S. Urbano. Postcommunio.*

**R**efécti participatióne mú-  
neris sacri, quæsumus  
Dómine Deus noster: ut, cujus  
exéquimur cultum, interce-  
dente beáto Urbáno már-  
tyre tuo atque Pontífice, sen-  
tiámus efféctum. Per Dómi-  
num.

*Die xxvi. Maii.*

IN FESTO S. PHILIPPI  
Nerii Confessoris.

*Introitus. Rom. 5.*

**C**háritas Dei diffusa est in  
córdibus nostris per inha-  
bitántem spíritum ejus in nobis.

*Pf. 102. Bénedic ánima mea  
Dómino: & ómnia quæ intra  
me sunt, nómini sancto ejus.*

*v. Glória Patri. Oratio.*

**D**eus, qui beátum Philip-  
pum Confessórem tuum  
sanctórum tuórum glória sub-  
limásti: concéde propítius;  
ut, cujus solemnitáte lætá-  
mur, ejus virtútum proficiá-  
musexémplo. Per Dóminum.

*Pro commem. S. Eleutherii  
Papæ & mart. Oratio.*

**I**nfirmitátem nostram ré-  
spice omnípotens Deus: &  
quia pondus propriæ actiónis  
gravat, beáti Eleuthérii már-  
tyris tui atque Pontíficis in-  
tercessio gloriósa nos próte-  
gat. Per Dóminum.

*Lectio libri Sapientíæ. Sap. 7.*

**O**ptávi, & datus est mihi  
sensus: & invocavi, &  
venit



venit in me spírítus sapiéntiæ : & præpósui illam regnis & sédibus, & divítias nihil esse duxi in comparatióne illíus : nec comparávi illi lápidem pretiósúm : quóniam omne aurum in comparatióne illíus, aréna est exígua, & tamquam lutum æstimábitur argéntum in conspéctu illíus. Super salútem & spéciem diléxi illam, & propósui pro luce habére illam : quóniam inextinguíbile est lumen illíus. Venérunt autem mihi ómnia bona páriter cum illa, & innumerábilis honestas per manus illíus, & lætátus sum in ómnibus : quóniam antecedébat me ista sapiéntia, & ignorábam quóniam horum ómnium mater est. Quam sine fictiône dídici, & sine invidia commúnico, & honestátem illíus non abscondo. Infínitus enim thesáurus est homínibus : quo qui usi sunt, partícipes facti sunt amicitíæ Dei, propter disciplínæ dona commendáti.

*Graduale. Psal. 33. Veníte filii, audíte me : timórem Dómini docébo vos. V. Accédite ad eum, & illuminámini : & fácies vestræ non confundén- tur. Allelúia, allelúia.*

*V. Thren. 1. De excélsó misit ignem in óssibus meis, & erudívit me. Allelúia.*

*Tempore Paschali, omissis Graduali & Versu, dicitur Allelúia, allelúia.*

*V. ib. De excélsó misit ignem in óssibus meis, & erudívit me. Allelúia. V. Psal. 38. Concáluit cor meum intra me : & in meditatióne mea exardéscet ignis. Allelúia.*

Sequéntia sancti Evangélii secúndum Lucam. *Luc. 12. c.*

**I**N illo témpore : Dixit Jesus discipulis suis : Sint lumbi vestri præcíncti, & lucérnæ ardéntes in mánibus vestris : & vos símiles homínibus expectántibus dómimum suum, quando revertátur à nuptiis : ut, cùm vénérit, & pulsáverit, conféstim apérian- ti ei. Beáti servi illi, quos, cùm vénérit dómínus, invénit vigi- lántes : amen dico vobis, quòd præcínget se, & fáci- et illos discumbere, & trán- siens ministrábit illis. Et si vénérit in secúnda vigília, & si in tértia vigília vénérit, & ita invénerit, beáti sunt servi illi. Hoc autem scitóte, quóniam si sciret paterfamílias, qua hora fur veníret, vigiláret útique, & non síneret pèrfodi domum suam. Et vos estóte paráti, quia qua hora non putátis, Fílius hóminis véniet.

*Offertorium. Ps. 118. Viam mandatórum tuórum cucúrri, cùm dilatásti cor meum.*

*Secreta.*

**S**Acrificiis præsentibus, quæsumus Dómine, inténde placátus, & præsta : ut illo nos igne Spírítus sanctus inflámmet, quo beáti Philíppi cor mirábiliter penetrávit. Per Dóminum. in unitáte ejúsdem.

*Pro S. Eleutherio. Secreta.*

**H**OSTIAS tibi, Dómine, beáti Eleuthérii mártiris tui atque Pontíficis dicátas méritis, benígnus assúme : & ad perpétuum nobis tríbue proveníre subsidium. Per Dóminum nostrum.

*Communio. Psalm. 83. Cor meum, & caro mea exultavérunt in Deum vivum.*

*Post.*



*Postcommunio.*

**C**œlestibus Dômine pasti-  
deliciis, quæsumus: ut  
beāti Philippi Confessoris tui  
méritis & imitatione, semper  
eâdem, per quæ veraciter vi-  
vimus, appetâmus. Per Dô-  
minum nostrum.

*Pro S. Eleutherio. Postcomm.*

**R**efecti participatione mû-  
neris sacri, quæsumus  
Dômine Deus noster: ut, cu-  
jus exequimur cultum, inter-  
cedente beato Eleuthério mâr-  
tyre tuo atque Pontífice, sen-  
tiâmus effectum. Per Dô-  
minum.

*Die xxvii. Maii.*

**IN FESTO S. Mariæ**  
Magdalænæ de Pazzis virg.

*Missæ. Dilexisti iustitiam.*  
*de Communi Virgin. xxix.*  
*præter Orationem. Oratio.*

**D**eus virginitatis amâ-  
tor, qui beatam Mariam  
Magdalénam virginem tuo  
amóre succénsam, cœlestibus  
donis decorâsti: da, ut, quam  
festiva celebritate venerâmur,  
puritate & charitate imité-  
mur. Per Dôminum.

*Et fit commem. S. Joannis*  
*Papæ & Mart. cum Orationi-*  
*bus ex Missæ. Sacerdotes. ut*  
*in Communi unius Martyris. iii.*

*Die xxx. Maii.*

*Sancti Felicis Papæ & Mar-*  
*tyris, Missæ. Stâtuit ei Dômi-*  
*nus. ut in Communi unius Mar-*  
*tyris. ii.*

*Die xxxi. Maii.*

*Sanctæ Petronillæ Virginis,*  
*Missæ. Vultum tuum. de Com-*  
*muni Virginum non Martyrum.*  
*xxx.*

## FESTA JUNII.

*Die ii. Junii.*

**SS. MARTYRUM MAR-**  
**CELLINI, PETRI AT-**  
**QUE ERASMI.**

*Introitus. Psal. 33.*

**C**lamaverunt iusti, & Dô-  
minus exaudivit eos: &  
ex omnibus tribulationibus eô-  
rum liberâvit eos.

*Psal. ibid. Benedicam Dô-*  
*minum in omni tēpore: sem-*  
*per laus ejus in ore meo.*

*v. Glória Patri.*

*Oratio.*

**D**eus, qui nos ânnua bea-  
tôrum mârtyrum tuô-  
rum Marcellîni, Petri, atque  
Erâsmi solemnitate lætificas:  
præsta quæsumus; ut quo-  
rum gaudemus méritis, ac-  
cendâmur exēplis. Per Dô-  
minum nostrum.

**Lectio Epistolæ beāti Pauli**  
**Apóstoli ad Românos.**

*Rom. 8.*

**F**ratres, Non sunt con-  
dignæ passiones hujus tem-  
poris ad futûram glóriam, quæ  
revelâbitur in nobis. Nam ex-  
pectatio creatûræ, revelatiô-  
nem filiôrum Dei expéctat:  
Vanitati enim creatûra subjec-  
ta est non volens, sed propter  
eum, qui subjecit eam in spe:  
quia & ipsa creatûra liberâbi-  
tur à servitute corruptionis,  
in libertatem gloriæ filiôrum  
Dei. Scimus enim quod omnia  
creatûra ingemiscit, & par-  
turit usque adhuc. Non so-  
lûm autem illa, sed & nos  
ipsi primitias spiritus habên-  
tes: & ipsi intra nos gemi-  
mus, adoptionem filiôrum Dei  
expéctantes, redemptionem  
côporis nostri.

*Gra-*



*Graduale. Ps. 33.* Clamaverunt iusti, & Dóminus exaudivit eos: & ex ómnibus tribulationibus eórum liberávit eos. *v.* Juxtà est Dóminus his, qui tribuláto sunt corde: & húmiles spíritu salvábit.

Allelúia, allelúia.

*v. Joan. 15.* Ego vos elégi de mundo: ut eátis, & fructum afferátis, & fructus vester máneat. Allelúia.

Sequéntia sancti Evangélii secúndum Lucam,

*Luc. 21.*

**I**N illo témpore: Dixit Jesus discípulis suis: Cum audiéritis prælia & seditiões, nolíte terréri: opórtet primùm hæc fieri, sed nondum statim finis. Tunc dicebat illis: Surget gens contra gentem, & regnum advérsus regnum. Et terræmótus magni erunt per loca, & pestiléntiæ, & fames, terrorésque de cælo, & signa magna erunt. Sed ante hæc ómnia injicient vobis manus suas, & persequéntur, tradéntes in synagógas & custódias, trahéntes ad reges & præfides propter nomen meum: contínget autem vobis in testimónium. Pónite ergo in córdibus vestris non præmeditari quemádmódum respondeátis. Ego enim dabo vobis os & sapiéntiam, cui non póterunt resístere & contradícere omnes advérsarii vestri. Tradémini autem à parentibus, & fratribus, & cognátis, & amicis, & morte afficient ex vobis: & éritis ódio ómnibus propter nomen meum: & capillus de capite vestro non pe-

ríbit. In patientia vestra possidébitis ánimas vestras.

*Offertorium. Psal. 31.* Lætámini in Dómino, & exultáte iusti: & gloriámini omnes recti corde.

*Secreta.*

**H**Æc hóstia, quæsumus Dómine, quam sanctórum Martyrum tuórum natalítia recenséntes offérimus, & víncula nostræ pravitatís absolvat, & tuæ nobis misericórdiæ dona concíliet. Per Dóminum nostrum.

*Communio. Sap. 3.* Justórum animæ in manu Dei sunt, & non tanget illos torméntum malítiæ: visi sunt óculis insipientium mori, illi autem sunt in pace,

*Postcommunio.*

**S**acro múnere satiáti, supplices te Dómine deprecámur, ut quod débitæ servitutis celebrámus officio, salvatiónis tuæ sentiámus augmentum. Per Dóminum.

*Die vi. Junii.*

IN FESTO S. NORBERTI  
Episcopi & Confess.

*Missæ.* Státuit ei Dóminus.  
*de Communi Conf. Pontif. xvi.*

*Oratio.*

**D**Eus, qui beátum Norbertum confessorém tuum atque Pontíficem, verbi tui præcónem exímium effecísti, & per eum Ecclésiám tuam nova prole fecundásti: præsta quæsumus; ut ejúsdem suffragántibus méritis, quod ore simul & ópere dócuit, te adjuvánte exercére valeámus. Per Dóminum.

*Die*



Die ix. Junii.

SS. MARTYRUM PRIMI  
& FELICIANI.

Introitus. Eccli. 44.

**S**apiéntiam sanctorum narrent populi, & laudes eorum nuntiet ecclesia: nomina autem eorum vivent in saeculum saeculi.

*Psal. 32.* Exultate iusti in Domino: rectos decet collaudatio.

v. Glória Patri.

Oratio.

**F**ac nos, quaesumus Domine, sanctorum martyrum tuorum Primi & Feliciani semper festa sectari: quorum suffragiis, protectionis tuae dona sentiamus. Per Dominum.

## Lectio libri Sapientiae.

Sap. 5. c.

**I**usti autem in perpetuum vivent, & apud Dominum est merces eorum, & cogitatio illorum apud Altissimum. Ideo accipient regnum decoris, & diadema speciei de manu Domini; quoniam dextera sua teget eos, & brachio sancto suo defendet illos. Accipiet armaturam zelus illius, & armabit creaturam ad ultionem inimicorum. Induet pro thorace iustitiam, & accipiet pro galea iudicium certum. Sumet scutum inexpugnabile aequitatem.

*Graduale. Psal. 88.* Confitebuntur caeli mirabilia tua Domine: etenim veritatem tuam in Ecclesia sanctorum.

v. Misericordias tuas Domine in aeternum cantabo, in generatione, & progénie.

Allelúia, allelúia. v. Haec est vera fraternitas, quae vicit

mundi crimina: Christum secuta est, incluta tenens regna coelestia. Allelúia.

Sequentia sancti Evangelii secundum Matthaeum.

Matth. 11,

**I**n illo tempore respondens Jesus dixit: Confiteor tibi Pater, Domine caeli & terrae, quia abscondisti haec a sapientibus & prudentibus, & revelasti ea parvulis. Ita Pater: quoniam sic fuit placitum ante te. Omnia mihi tradita sunt a Patre meo. Et nemo novit Filium, nisi Pater: neque Patrem quis novit, nisi Filius, & cui voluerit Filius revelare. Venite ad me omnes, qui laboratis, & onerati estis, & ego reficiam vos. Tollite jugum meum super vos, & discite a me, quia mitis sum, & humilis corde: & invenietis requiem animabus vestris. Jugum enim meum suave est, & onus meum leve.

*Offertorium. Psal. 67.* Mirabilis Deus in sanctis suis: Deus Israel ipse dabit virtutem, & fortitudinem plebi suae: benedictus Deus, allel.

Secreta.

**F**iat tibi, quaesumus Domine, hostia sacra placabilis, pretiosi celebritate martyrii: quae & peccata nostra purificet: & tuorum tibi vota conciliet famulorum. Per Dominum nostrum.

*Communio. Ioan. 12.* Ego vos elegi de mundo, ut eatis, & fructum afferatis: & fructus vester maneat.

Postcommunio.

**Q**uaesumus omnipotens Deus: ut sanctorum mar-



martyrum tuorum Primi & Feliciani coelestibus mysteriis celebrata solemnitas, indulgentiam nobis tuæ propitiationis acquirat. Per Dominum.

*Die x. Junii.*

IN FESTO S. MARGARITÆ Reginæ Scotiæ.

*Missæ. Cognovi. de Communi nec Virginum nec Martyrum. xxxii. præter Orationem.*

*Oratio.*

**D**Eus, qui beatam Margaritam Scotorum reginam eximia in pauperes charitate mirabilem effecisti: da, ut ejus intercessione & exemplo tua in cordibus nostris charitas jugiter augeatur. Per Dominum.

*Si fuerit Feria vi. post Oñ. Ascensionis fit de ea commemor. cum Orationib. Dominicæ præced. & Oratio tertia erit de Beata Maria, Concède nos. 236.*

*Si verò fuerit post Pentecosten, secunda Oratio, A cunctis. 267.*

*Tertia ad libitum.*

*Die xi. Junii.*

IN FESTO S. BARNABÆ Apostoli.

*Notandum quòd si hoc Festum celebretur tempore Paschali, Missa dicitur ut suprà in Festo S. Marci, 389. præter Orationes, Epistolam, & Evangelium, quæ sumuntur ex Missa sequenti.*

*Si verò fuerit post tempus Paschale, Missa erit sequens.*

*Introitus. Psal. 138.*

**M**Ihi autem nimis honorati sunt amici tui De-

us: nimis confortatus est principatus eorum.

*Psal. ibid. Domine probasti me, & cognovisti me: tu cognovisti sessionem meam, & resurrectionem meam.*

*v. Glória Patri.*

*Oratio.*

**D**Eus, qui nos beati Barnabæ Apostoli tui meritis & intercessione lætificas: concède propitius; ut, qui tua per eum beneficia poscimus, dono tuæ gratiæ consequamur. Per Dominum nostrum.

Lectio Actuum Apostolorum.

*Act. 11. c.*

**I**N dièbus illis: Multus numerus credentium, Antiochiæ conversus est ad Dominum. Pervenit autem sermo ad aures Ecclesiæ, quæ erat Jerosolymis super istis: & miserunt Barnabam usque ad Antiochiam. Qui cum pervenisset, & vidisset gratiam Dei, gavisus est: & hortabatur omnes in proposito cordis permanere in Domino: quia erat vir bonus, & plenus Spiritu sancto, & fide. Et appòlita est multa turba Domino. Profectus est autem Barnabas Tarsum, ut quæreretur Saulum: quem cum invenisset, perduxit Antiochiam. Et annum totum conversati sunt ibi in Ecclesià: & docuerunt turbam multam, ita ut cognominarentur primum Antiochiæ discipuli, Christiani. Erant autem in Ecclesià, quæ erat Antiochiæ, Prophætæ, & doctores, in quibus Barnabas, & Simon, qui vocabatur Niger,



ger, & Lúcius Cyrenénfis, & Mánahen, qui erat Heródis Tetrárchæ collectáneus, & Saulus. Ministrántibus autem illis Dómino, & jejunántibus, dixit illis Spíritus sanctus: Segregáte mihi Saulum & Bárnabam in opus, ad quod assúmpsi eos. Tunc jejunántes, & orántes, imponentésque eis manus, dimiserunt illos.

*Graduale. Ps. 18.* In omnem terram exívit sonus eórum: & in fines orbis terræ verba eórum. *V.* Cœli enarrant glóriam Dei: & ópera mánuum ejus annúntiat firmaméntum.

Allelúia, allelúia.

*V. Joan. 15.* Ego vos elégi de mundo, ut eátis, & fructum afferátis: & fructus vester máneat. Allelúia.

Sequéntia sancti Evangélíi secúndum Matthæum.

*Matth. 10.*

**I**N illo témpore: Dixit Jesus discípulis suis: Ecce ego mitto vos sicut oves in médio lupórum. Estóte ergo prudéntes sicut serpéntes, & simplices sicut colúmbæ. Cavéte autem ab homínibus. Tradent enim vos in concíliis & in synagógis suis flagellábunt vos: & ad prælides & ad reges ducémini propter me in testimónium illis, & Géntibus. Cúm autem tradent vos, nolíte cogitare quómodo aut quid loquámini: dábitur enim vobis in illa hora, quid loquámini. Non enim vos estis qui loquimini, sed Spíritus Patris vestri, qui lóquitur in vobis. Tradet autem frater fratrem in mortem, & pater filium, &

infúrgent filii in paréntes, & morte eos afficient: & éritis ódio ómnibus propter nomen meum: qui autem perseveráverit usque in finem, hic salvus erit. Credo.

*Offertorium. Ps. 44.* Constítues eos príncipes super omnem terram: mémores erunt nóminis tui Dómine, in omni progénie & generatióne.

*Secreta.*

**M**Unera, Dómine, oblata sanctífica: & intercedénte beáto Bárnaba Apóstolo tuo, nos per hæc à peccatórum nostrórum máculis emúnda. Per Dóminum.

*Præfatio de Apostolis.*

*Communio. Matth. 19.* Vos qui secúti estis me, sedébitis super sedes, judicántes duódecim tribus Israél.

*Postcommunio.*

**S**upplices te rogámus omnipotens Deus: ut, quos tuis réficis sacraméntis, intercedénte beáto Bárnaba Apóstolo tuo, tibi étiam plácitis móribus dignánte tribuas deservíre. Per Dóminum.

*Die xii. Junii.*

IN FESTO S. JOANNIS  
à S. Facundo Confess.

*Missa. Os just. de Communi Confessoris non Pontificis. xxii. præter Orationem sequentem.*

*Oratio.*

**D**Eus auctor pacis, & amátor charitátis, qui beátum Joánnem Confessorem tuum mirífica diffidentes componéndi grátia decorásti: ejus méritis, & intercessióne concéde: ut in tua charitáte firmáti, nullis à te



tentationibus separémur. Per Dóminum.

*Et fit commem. SS. Basilidis, Cyrini, Naboris & Nazarii Mart.*

*Oratio.*

**S**anctorum mártýrum tuorum Basilidis, Cyrini, Náboris, atque Nazarii, quæsumus Dómine, natalitia nobis votiva resplédeant: & quod illis contulit excellentia sempiterna, fructibus nostræ devotionis accréscat. Per Dóminum.

*Pro Commem. SS. Mart.*

*Secreta.*

**P**ro sanctorum tuorum Basilidis, Cyrini, Náboris, atque Nazarii, sanguine venerando, hostias tibi Dómine solémniter immolámus, tua mirabilia pertractantes: per quem talis est perfecta victoria. Per Dóminum.

*Pro Commem. SS. Mart.*

*Postcommunio.*

**S**emper, Dómine, sanctorum mártýrum tuorum Basilidis, Cyrini, Náboris, atque Nazarii solémnia celebrantes: præsta quæsumus; ut eorum patrocínia júgiter sentiámus. Per Dóminum.

*Die xiii. Junii.*

IN FESTO S. ANTONII DE PADUA Confessoris.

*Introitus. Psal. 36.*

**O**s justí meditábitur sapientiam, & lingua ejus loquétur judícium: lex Dei ejus in corde ipsius.

*Psal. ibid.* Noli æmulári in malignántibus: neque zeláveris faciéntes iniquitatem.

*V. Glória Patri.*

*Oratio.*

**E**cclésiám tuam, Deus, beáti Antonii Confessoris tui solémnitas votiva lætificet: ut spiritualibus semper muniátur auxiliis, & gaudiis pérfrui mereátur æternis. Per Dóminum.

Lectio Epístolæ beáti Pauli Apóstoli ad Corínthios.

*I Cor. 4. b.*

**F**ratres, Spectáculum facti sumus mundo, & Angelis & homínibus. Nos stulti propter Christum, vos autem prudentes in Christo: nos infirmi, vos autem fortes: vos nobiles, nos autem ignobiles. Usque in hanc horam & esurimus, & sitimus, & nudi sumus, & colaphis cædimur, & instábiles sumus, & laborámus operántes máribus nostris: maledicimur, & benedicimus: persecutióem patimur, & sustinémus: blasphemámur, & obsecrámus tamquam purgamenta hujus mundi facti sumus, ómnium peripféma usque adhuc. Non ut confundam vos, hæc seribo, sed ut filios meos charíssimos moneo: in Christo Jesu Dómino nostro.

*Graduale. Psal. 91.* Justus ut palma florébit; sicut cedrus Líbani multiplicábitur in domo Dómini. *V.* Ad annuntiándum manè misericórdiam tuam, & veritatem tuam per noctem.

Allelúia, allelúia.

*V.* Amávit eum Dóminus, & ornávit eum: stolam glóriæ induit eum. Allelúia.

Se-



Sequētia sancti Evangēlii secūndum Lucam.

*Luc. 12. c.*

**I**N illo tēpore: Dixit Jēsus discipulis suis: Sint lumbi vestri prēcincti, & lucernæ ardētes in mānibus vestris: & vos sīmiles hominibus expectāntibus dōminum suum, quando revertātur a nūptiis: ut, cūm vēnerit, & pullāverit, confestim apēriant ei. Beāti servi illi, quos, cūm vēnerit dōminus, invēnerit vigilāntes: amen dico vobis, quod prēcīget se, & faciēt illos discūmbere, & trānsiens ministrābit illis. Et si vēnerit in secūnda vigīlia, & si in tertia vigīlia vēnerit, & ita invēnerit, beāti sunt servi illi. Hoc autem scitōte, quōniam si sciret paterfamīlias, qua hora fur venīret, vigilāret utique, & non sīneret pērfodi domum suam. Et vos estōte parāti, quia qua hora non putātis, Fīlius hōminis veniet.

*Offertorium. Psal. 88.* Vēritas mea, & misericōrdia mea cūm ipso: & in nōmine meo exaltābitur cornu ejus.

*Secreta.*

**P**Ræsens oblatio fiat, Dōmine, pōpulo tuo salutaris: pro quo dignātus es Patri tuo te vivētem hostiam immolārē. Qui cum eōdem Deo Patre, & Spīritu sancto vivis, & regnas, &c.

*Communio. Matth. 24.* Beātus servus, quem, cūm vēnerit dōminus, invēnerit vigilāntem: amen dico vobis, super omnia bona sua constituet eum.

*Postcommunio.*

**D**ivinis, Dōmine, munēribus satiāti, quæsumus,

ut beāti Antōnii Confessōris tui mēritis & intercessiōne, salutāris sacrificii sentiāmus effectum. Per Dōminum.

*Die xiv. Junii.*

**IN FESTO S. BASILII**

Episcopi & Confessoris.

*Introitus. Eccli. 45.*

**I**N medio Ecclēsiæ apēruit os ejus: & implēvit eum Dōminus spīritu sapiētiæ & intellēctus: stolam glōriæ induit eum.

*Psal. 91.* Bonum est confiteri Dōmino: & psāllere nōmini tuo, Altīssime.

*v. Glōria Patri.*

*Oratio.*

**E**Xaudi, quæsumus Dōmine, preces nostras, quas in beāti Basilii Confessoris tui atque Pontificis solēmnitate deferimus: & qui tibi dignē mēruit famulārī, ejus intercedēntibus mēritis, ab omnibus nos absolve peccatis. Per Dōminum.

**Lectio Epistolæ beāti Pauli Apōstoli ad Timōtheum.**

*I Timoth. 4.*

**C**harissime, Testificor coram Deo, & Jesu Christo, qui judicaturus est vivos & mōrtuos, per adventum ipsius, & regnum ejus: prædica verbum, in sta opportūnē, importūnē: argue, obsecra, increpa in omni patiētia, & doctrīna. Erit enim tempus, cūm sanam doctrīnam nō sustinēbunt, sed ad sua desidēria coacervābunt sibi magīstros, pruriētes auribus, & a veritate quidem, auditum avērtent, ad fābulas autem convertēntur. Tu verō vigila, in



omnibus labóra, opus fac Evangelistæ, ministérium tuum imple. Sóbrius esto. Ego enim jam delíbor, & tempus resolutionis meæ instat. Bonum certámen certávi, cursum consummávi, fidem servávi. In réliquo repóstita est mihi coróna justítiæ, quam reddet mihi Dóminus in illa die justus judex: non solum autem mihi, sed & iis qui diligunt advéntum ejus.

*Graduale. Psal. 36.* Os justí meditábitur sapiéntiam, & lingua ejus loquétur judícium.

*V.* Lex Dei ejus in corde ipsíus: & non supplantabúntur gressus ejus. Allelúia, allelúia.

*V.* *Psal. 88.* Invéni David servum meum, óleo sancto meo unxi eum. Allelúia.

Sequéntia sancti Evangélíi secundum Lucam.

*Luc. 14. f.*

**I**N illo témpore: Dixit Jesus turbis: Si quis venit ad me, & non odit patrem suum, & matrem, & uxórem, & filios, & fratres, & soróres, adhuc autem & ánimam suam, non potest meus esse discípulus. Et qui non bájulat crucem suam, & venit post me, non potest meus esse discípulus. Quis enim ex vobis volens turrim ædificáre, non prius sedens cómputat sumptus, qui necessárii sunt, si hábeat ad perficiéndum; ne, posteaquam posúerit fundaméntum, & non potúerit perficere, omnes qui vident, incípíant illúdere ei, dicéntes: Quia hic homo cœpit ædificáre, & non pótuit consummáre? Aut quis rex itú-

rus committere bellum advérsus álium regem, non sedens prius cógitat, si possit cum decem míllibus occurrere ei, qui cum vigínti míllibus venit ad se? alióquin adhuc itlo longè agente, legatiónem mittens, rogat ea quæ pacis sunt. Sic ergo omnis ex vobis, qui non renúnciat ómnibus quæ póssidet, non potest meus esse discípulus. Bonum est sal. Si autem sal evanúerit, in quo condiétur? Neque in terram, neque in sterquilínium útile est: sed foras mittétur. Qui habet aures audiéndi, áudiat. Credo.

*Offertorium. Psal. 88.* Véritas mea, & misericórdia mea cum ipso: & in nómine meo exaltábitur cornu ejus.

*Secreta.*

**S**ancti Basilíi confessoris tui atque Pontíficis, quæsumus Dómine, ánnua solémnitas pietáti tuæ nos reddat acceptos: ut per hæc piæ placatiónis officia, & illum beáta retribútio comitétur, & nobis grátia tuæ dona concíliet. Per Dóminum.

*Communio. Luc. 12.* Fidélis servus & prudens, quem constituit dóminus super familiam suam: ut det illis in témpore trítici mensúram.

*Postcommunio.*

**D**eus, fidélium remunerátor animárum, præsta: ut beáti Basilíi confessoris tui atque Pontíficis, cujus venerándam celebrámus festivitátem, précibus indulgéntiam consequamur. Per Dóminum.

*Die*



Die xv. Junii,  
SS. VITI, MODESTI, AT-  
QUE CRESCENTIÆ  
Mart.

*Introitus. Psal. 33.*

**M**ultæ tribulationes ius-  
tôrum, & de his om-  
nibus liberavit eos Dóminus:  
Dóminus custódit ómnia ossa  
eórum: unum ex his non con-  
terétur.

*Psal. ibid.* Benedícam Dó-  
minum in omni témpore:  
semper laus ejus in ore meo.

*v.* Glória Patri.

*Oratio.*

**D**A Ecclesiæ tuæ, quæsu-  
mus Dómine, sanctis  
martyribus tuis Vito, Modés-  
to, atque Crescéntia interce-  
déntibus, supérbè non sápere,  
sed tibi plácita humilitáte pro-  
ficere: ut prava despíciens,  
quæcúmque recta sunt, líbera  
exerceat charitáte. Per Dó-  
minum nostrum.

Léctio libri Sapientiae.

*Sap. 3.*

**J**ustórum ánimæ in manu  
Dei sunt, & non tanget il-  
los torméntum mortis. Visi  
sunt óculis insipientium mori:  
& æstimáta est afflíctio éxitus  
illórum: & quod à nobis est  
iter, exterminium: illi au-  
tem sunt in pace. Et si coram  
homínibus torménta passi  
sunt, spes illórum immortali-  
táte plena est. In paucis vexá-  
ti, in multis benè disponén-  
tur: quóniam Deus tentávit  
eos, & invénit illos dignos se.  
Tamquam aurum in fornáce  
probávit illos, & quasi holo-  
causti hóstiam accépit illos,  
& in témpore erit respéctus  
illórum. Fulgébunt justi, &  
tamquam scintillæ in arundi-  
néto discúrrant. Judicábunt

natiónes, & dominabúntur  
pópulis, & regnabit Dóminus  
illórum in perpétuum.

*Graduale. Ps. 149.* Exultá-  
bunt Sancti in glória: læta-  
búntur in cubílibus suis. *v.*  
Cantáte Dómino canticum  
novum: laus ejus in Ecclesiá  
sanctórum.

Allelúia, allelúia.

*v. Psal. 144.* Sancti tui Dó-  
mine benedícent te: glóriam  
regni tui dicent. Allelúia.

Sequéntia sancti Evangélii se-  
cúndum Lucam.

*Luc. 10. c.*

**I**N illo témpore: Dixit Je-  
sus discípulis suis: Qui  
vos audit, me audit: & qui  
vos spernit, me spernit. Qui  
autem me spernit, spernit  
eum, qui misit me. Révéri-  
sunt autem septuagínta duo  
cum gáudio, dicéntes: Dómi-  
ne, étiam dæmónia subjiú-  
ntur nobis in nómine tuo. Et ait  
illis: Vidébam sátanam sicut  
fulgur de cœlo cadéntem. Ec-  
ce dedi vobis potestátem cal-  
cándi supra serpéntes, & scor-  
piónes, & super omnem virtú-  
tem inimíci: & nihil vobis no-  
cébit. Verúmtamen in hoc no-  
líte gaudére, quia spíritus vo-  
bis subjiúntur: gaudére au-  
tem, quòd nómina vestra  
scripta sunt in cœlis.

*Offertorium. Ps. 67.* Mirábi-  
lis Deus in sanctis suis: Deus  
Israël ipse dabit virtútem, &  
fortitúdinem plebi suæ: bene-  
díctus Deus.

*Secreta.*

**S**icut glóriam divínæ potén-  
tiæ, múnera pro sanctis  
obláta testántur: sic nobis ef-  
féctum, Dómine, tuæ salva-  
tiónis



tionis impendant. Per Dóminum.

*Communio. Sap. 3.* Justórum animæ in manu Dei sunt, & non tanget illos tormentum malitiæ: visi sunt oculis insipientium mori, illi autem sunt in pace.

*Postcommunio.*

**R** Epléti, Dómine, benedictione solémni, quæsumus: ut per intercessionem sanctorum mártirum tuorum Viti, Modésti, & Crescéntiæ, medicína sacraménti & corpóribus nostris profic, & méntibus. Per Dóminum.

*Die xviii. Junii.*

SS. MARCI ET MARCELLIANI Mártirum.

*Introitus. Psal. 36.*

**S** Alus autem justórum à Dómino: & protéctor eórum est in témpore tribulationis.

*Psal. ibid.* Noli æmulári in malignántibus, neque zeláveris faciéntes iniquitátem.

℟. Glória Patri.

*Oratio.*

**P** Ræsta quæsumus omnipotens Deus: ut, qui sanctorum mártirum tuorum Marci & Marcelliani natalitia cólimus, à cunctis malis imminéntibus eórum intercessionibus liberémur. Per Dóminum.

Léctio Epístolæ beáti Pauli Apóstoli ad Romános.

*Rom. 5.*

**F** Ratres, Justificáti ex fide, pacem habeamus ad Deum per Dóminum nostrum Jesum Christum: per quem & habemus accéssum per fidem in grátiam istam, in qua stamus, & gloriámur in spe gló-

riæ filiórum Dei. Non solum autem, sed & gloriámur in tribulationibus: sciéntes quòd tribulatio patientiam opéatur: patientia autem probatióem, probatio vero spem, spes autem non confundit: quia cháritas Dei diffusa est in córdibus nostris per Spíritum sanctum, qui datus est nobis.

*Graduale. Sap. 3.* Justórum animæ in manu Dei sunt, & non tanget illos tormentum malitiæ. ℣. Visi sunt oculis insipientium mori, illi autem sunt in pace.

Allelúia, allelúia.

℣. Hæc est vera fraternitas, quæ nunquam potuit violári certámine: qui effuso sanguine, secúti sunt Dóminum.

Allelúia.

Sequéntia sancti Evangelii secundum Lucam.

*Luc. 11. f.*

**I** N illo témpore: Dicébat Jesus Scribis, & Pharisæis: Væ vobis, qui ædificátis monuménta Prophetárum; patres autem vestri occidérunt illos. Profécitò testificámini quod consentitis opéribus patrum vestrórum: quóniam ipsi quidem eos occidérunt, vos autem ædificátis eórum sepúlchra. Propterea & sapientia Dei dixit: Mittam ad illos Prophétas & Apóstolos, & ex illis occident, & persequéntur. Ut inquirátur sanguis ómnium Prophetárum, qui effusus est à constitutióne mundi à generatióne ista, à sanguine Abel, usque ad sanguinem Zachariæ, qui perit inter altáre & ædem. Ita dico vobis,



vobis, requirétur ab hac generatione.

*Offertorium. Ps. 123.* Anima nostra, sicut passer, erepta est de láqueo venantium: láqueus contritus est, & nos liberati sumus.

*Secreta.*

**M**Unera tibi Dómine, dicata sanctifica: & intercedéntibus sanctis martyribus tuis Marco & Marcelliano, per eadem nos placatus inténde. Per Dóminum.

*Communio. Matth. 25.* Amen dico vobis: quod uni ex minimis meis fecistis, mihi fecistis: veníte benedícti Patris mei, possidete parátum vobis regnum ab initio sæculi.

*Postcommunio.*

**S**alutáris tui, Dómine, munere satiati, supplices exorámus: ut ejus lætámur gustu, intercedéntibus sanctis martyribus tuis Marco & Marcelliano renovémur efféctu. Per Dóminum.

*Die xix. Junii.*

IN FESTO S. JULIANÆ  
de Falconeriis Virginis.

*Missa. Dilexisti. de Communi Virg. xxix.*

*Oratio.*

**D**Eus, qui beatam Juliānam Virginem tuam extremo morbo laborantem pretioso Filii tui Corpore mirabiliter recreare dignatus es: concede quæsumus; ut, ejus intercedéntibus méritis, nos quoque eodem in mortis agone refecti ac roborati, ad cœlestem pátriam perducamur. Per eundem Dóminum nostrum.

*Pro commem. SS. Gervasii & Protasii Mart.*

*Oratio.*

**D**Eus, qui nos annua sanctorum mártirum tuorum Gervasii & Protasii solemnitate lætíficas: concede propítius: ut, quorum gaudemus méritis, accendámur exemplis. Per Dóminum.

*Pro commem. SS. Mart.*

*Secreta.*

**O**blátis, quæsumus Dómine, placare munéribus, & intercedéntibus sanctis martyribus tuis, á cunctis nos defénde perículis. Per Dóminum nostrum.

*Pro commem. SS. Mart.*

*Postcommunio.*

**H**æc nos communio, Dómine, purget à crimine: & intercedéntibus sanctis martyribus tuis Gervasio & Protasio, cœlestis remédii faciat esse confórtes. Per Dóminum nostrum.

*Die xx. Junii.*

S. SILVERII Papæ & Martyris.

*Introitus.*

*Eccli. 45.*

**S**tátuit ei Dóminus testamentum pacis, & principem fecit eum: ut sit illi sacerdótii dignitas in ætérnum.

*Ps. 131.*

Meménto Dómine David, & omnis mansuerúdinis ejus.

*G. Glória Patri.*

*Oratio.*

**I**nfirmitatem nostram respice omnipotens Deus: & quia pondus propriæ actiōnis gravat, beati Silverii mártiris tui atque Pontíficis, intercessio gloriósa nos protégat. Per Dóminum.

Lectio



Lectio Epistolæ beati Judæ  
Apóstoli.

**C**haríssimi, Mémoires estó-  
te verbórum, quæ præ-  
dicta sunt ab Apóstolis Dómini  
nostri Jesu Christi, qui dicé-  
bant vobis, quóniam in novís-  
simo témpore vénient illusó-  
res, secúndum desidéria sua  
ambulantes in impietátibus.  
Hi sunt, qui ségregant semet-  
ípsos, animáles, spíritum non  
habéntes. Vos autem charíssi-  
mi, superædificátes vosmet-  
ípsos sanctíssimæ vestræ fidei,  
in Spíritu sancto orántes, vos-  
metípsos in dilectióne Dei  
serváte, expectántes miseri-  
córdiam Dómini nostri Jesu  
Christi in vitam ætérnam.

*Graduale. Ps. 88.* Invéni Da-  
vid servum meum, óleo sancto  
meo unxi eum: manus enim  
mea auxiliábitur ei, & brá-  
chium meum confortábit eum.

*V.* Nihil proficiet inimicus  
in eo: & filius iniquitátis non  
nocébit ei.

Allelúia, allelúia.

*V. Ps. 109.* Tu es sacerdos  
in ætérnum secúndum órdi-  
nem Melchisedech. Allelúia.

Sequéntia sancti Evangélj se-  
cúndum Lucam.

*Luc. 14.*

**I**n illo témpore: Dixit Je-  
sus turbis: Si quis venit  
ad me, & non odit patrem  
suum, & matrem, & uxórem,  
& filios, & fratres, & soróres,  
adhuc autem & ánimam suam,  
non potest meus esse discípu-  
lus. Et qui non bájulat crucem  
suam, & venit post me, non  
potest meus esse discípus.  
Quis enim ex vobis volens  
turrím ædificáre, non prius se-

dens cómputat sumptus, qui  
necessárii sunt, si hábeat ad  
perficiéndum; ne, postea-  
quam posúerit fundaméntum,  
& non potúerit perficere, om-  
nes qui vident, incípiant illú-  
dere ei, dicéntes: Quia hic  
homo cœpit ædificáre, & non  
pótuit consummáre? Aut quis  
rex itúrus committere bellum  
advérsus álium regem, non se-  
dens prius cogitat, si possit  
cum decem míllibus occurrere  
ei, qui cum vigínti míllibus  
venit ad se? alióquin adhuc  
illo longè agente, legatióem  
mittens, rogat ea quæ pacis  
sunt. Sic ergo omnis ex vobis,  
qui non renúnciat ómnibus  
quæ pössidet, non potest meus  
esse discípus.

*Offertorium. Ps. 88.* Véritas  
mea, & misericórdia mea cum  
ipso: & in nómine meo exal-  
tábitur cornu ejus.

*Secreta.*

**H**ostias tibi, Dómine,  
beati Silvérii mártiris  
tui atque Pontíficis dicátas  
méritis, benígnus assúme: &  
ad perpétuum nobis tríbue  
proveníre subsidium. Per Dó-  
minum.

*Communio. ibid.* Semel jurá-  
vi in sancto meo: semen ejus  
in ætérnum manébit: & se-  
des ejus sicut sol in conspéctu  
meo, & sicut luna perfécta in  
ætérnum, & testis in coelo  
fidélis.

*Postcommunio.*

**R**efécti participatióne mú-  
neris sacri, quæsumus  
Dómine Deus noster; ut,  
cujus exéquimur cultum, in-  
tercedente beato Silvério már-  
tyre tuo atque Pontífice, sen-  
tiámus efféctum. Per Dómi-  
num nostrum.

*Die*



Die xxii. Junii.  
SANCTI PAULINI Epif-  
copi & Confessoris.

*Introitus. Psal. 131.*

**S**acerdotes tui, Domine,  
induant justitiam: &  
sancti tui exultent: propter  
David servum tuum, non  
avertas faciem Christi tui.

*Psalm. ibid.* Meménto Dó-  
mine David, & omnis man-  
fuetudinis ejus.

v. Glória Patri.

*Oratio.*

**D**A quæsumus omnípo-  
tens Deus: ut beáti Pau-  
lini Confessoris tui atque Pon-  
tificis veneranda sollemnitas,  
& devotíonem nobis áugeat,  
& salutem. Per Dóminum.

Lectio Epístolæ beáti Pauli  
Apóstoli ad Corínthios.

2. Cor. 8. b.

**F**Ratres, Scitis grátiam Dó-  
mini nostri Jesu Christi,  
quóniam propter vos egénus  
factus est, cū esset dives, ut  
illius inópia vos dívites effétis.  
Et consílium in hoc do: hoc  
enim vobis útile est, qui non  
solum fácere, sed & velle cœ-  
pístis ab anno prióre: nunc  
verò & factó perficite: ut quem-  
admodum promptus est áni-  
mus voluntátis, ita sit & per-  
ficiéndi ex eo quod habétis.  
Si enim volúntas prompta est,  
secúndum id quod habet, ac-  
cépta est, non secúndum id  
quod non habet. Non enim  
ut áliis sit remíssio, vobis au-  
tem tribulátio, sed ex æquali-  
tate. In præfénti témpore, ves-  
tra abundantia illórum inó-  
piam súppleat: ut & illórum  
abundántia vestræ inópiæ sit  
supplémentum, ut fiat æquá-  
litas, sicut scriptum est: Qui

multum, non abundávit: &  
qui modicum, non minorávit.

*Graduale. Eccli. 44.* Ecce sa-  
cérdos magnus, qui in diébus  
suis plácuít Deo. v. Non est  
inventus símilis illi, qui con-  
serváret legem Excélli.

Allelúia, allelúia.

v. *Ps. 109.* Tu es sacerdos  
in ætérnum secúndum ordi-  
nem Melchisedech. Allelúia.

Sequéntia sancti Evāgélíi se-  
cúndum Lucam.

*Luc. 12.*

**I**N illo témpore: Dixit Je-  
sus discípulis suis: Nolíte  
timére pusillus grex, quia  
complácuít Patri vestro dare  
vobis regnum. Véndite quæ  
possidétis, & date eleemósy-  
nam. Fácite vobis sácculos,  
qui non veteráscunt, thesau-  
rum non deficiéntem in cœlis:  
quò fur non apprópiat, neque  
tínea corrúmpit. Ubi enim  
thesáurus vester est, ibi & cor  
vestrum erit.

*Offertorium. Ps. 88.* Inveni  
David servum meum, óleo  
sancto meo unxi eum: manus  
enim mea auxiliábitur ei, &  
bráchiū meum confortábit  
eum.

*Secreta.*

**S**ancti tui, quæsumus Dó-  
mine, nos ubique lætífi-  
cent: ut dum eórum mérita  
recólimus, patrocínia sentiám-  
us. Per Dóminum.

*Communio. Luc. 12.* Fidélis  
servus & prudens, quem con-  
stituit dóminus super famí-  
liam suam: ut det illis in tém-  
pore trítici mensúram.

*Postcommunio.*

**P**Ræsta quæsumus omnípo-  
tens Deus, ut de percép-  
tis



tis munéribus grátias exhibentes, intercedente beato Paulino Confessore tuo atque Pontífice, beneficia potióra sumámus. Per Dóminum.

*Die xxiii. Junii.*

## IN VIGILIA S. JOANNIS Baptistæ.

*Introitus.*

*Luc. 1.*

**N**E timeas Zacharía: exaudita est oratio tua, & Elísabeth uxor tua pariet tibi filium, & vocabis nomen ejus Joánnem: & erit magnus coram Dómino, & Spíritu sancto replébitur adhuc ex útero matris suæ: & multi in nativitate ejus gaudebunt. *Psalm. 20.* Dómine in virtute tua lætábitur rex: & super salutare tuum exultábit veheménter.

*v. Glória Patri.*

*Oratio.*

**P**Ræsta quæsumus omnipotens Deus, ut familia tua per viam salutis incédât: & beati Joánnis præcursoris hortaménta sectando, ad eum quem prædixit, secúra perveniat, Dóminum nostrum Jesum Christum Fílium tuum. Qui tecum vivit & regnat.

*Secunda Oratio de S. Maria, Concède. tertia, Ecclesiæ. vel pro Papa, Deus. 236.*

*Lectio Jeremiæ Prophætæ.*

*Jerem. 1.*

**I**N diébus illis: Factum est verbum Dómini ad me, dicens: Priusquam te formárem in útero, novi te: & ántequam exíres de vulva, sanctificávi te, & Prophétam in Géntibus dedi te. Et dixi, A, a, a, Dómine Deus: ecce nescio loqui,

quia puer ego sum. Et dixit Dóminus ad me: Noli dicere: Puer sum: quóniam ad ómnia, quæ mittam te, ibis: & univérsa quæcúmque mandávero tibi, loquéris. Ne timeas à fácie eórum: quia tecum ego sum, ut éruam te, dicit Dóminus. Et misit Dóminus manum suam, & tétigit os meum: & dixit Dóminus ad me: Ecce dedi verba mea in ore tuo: ecce constitui te hódie super Gentes, & super regna, ut evéllas, & déstruas, & dispérdas, & dissipes, & ædífices, & plantes: dicit Dóminus omnipotens.

*Graduale. Joan. 1.* Fuit homo missus à Deo, cui nomen erat Joánnes. *v.* Hic venit ut testimónium perhiberet de lumine, parare Dómino plebem perfectam.

*Inítium sancti Evangelii secundum Lucam.*

*Luc. 1.*

**F**UIT in diébus Heródis regis Judææ, sacerdos quidam nómine Zacharías, de vice Abía, & uxor illius de filiabus Aaron, & nomen ejus Elísabeth. Erant autem justi ambo ante Deum, incedentes in ómnibus mandátis & justificationibus Dómini sine querela, & non erat illis filius, eò quòd esset Elísabeth stérilis, & ambo processissent in diébus suis. Factum est autem, cum sacerdótio fungeretur in órdine vicis suæ ante Deum, secundum consuetudinem sacerdótii, sorte éxiit, ut incénsus póneret, ingressus in templum Dómini: & omnis multitúdo pópuli erat orans foris hora incénsi. Appáruit autem illi Angelus Dómini,



mini, stans à dextris altaris incensu. Et Zacharias turbatus est, videns; & timor irruit super eum. Ait autem ad illum Angelus: Ne timeas Zacharia, quoniam exaudita est deprecatio tua: & uxor tua Elisabeth pariet tibi filium, & vocabis nomen ejus Joannem: & erit gaudium tibi & exultatio, & multi in nativitate ejus gaudebunt: erit enim magnus coram Domino: vinum & siceram non bibet, & Spiritu sancto replebitur adhuc ex utero matris suae, & multos filiorum Israel convertet ad Dominum Deum ipsorum: & ipse praecedet ante illum in spiritu & virtute Eliae: ut convertat corda patrum in filios, & incredulos ad prudentiam justorum, parare Domino plebem perfectam.

*Offertorium. Psal. 8.* Gloria & honore coronasti eum, & constituisti eum super opera manuum tuarum, Domine.

*Secreta.*

**M**Unera, Domine, oblata sanctifica: & intercedente beato Joanne Baptista, nos per haec à peccatorum nostrorum maculis emunda. Per Dominum.

*Communio. Psal. 20.* Magna est gloria ejus in salutari tuo: gloriam & magnum decorem impones super eum, Domine.

*Postcommunio.*

**B**eati Joannis Baptistae nos, Domine, praeclara comitetur oratio: & quem venturum esse praedixit, poscat nobis fore placatum, Dominum nostrum Jesum Christum Filium tuum: Qui tecum vivit.

*Die xxiv. Junii.*

## IN NATIVITATE SANCTI JOANNIS BAPTISTAE.

*Introitus.*

*Isa. 49.*

**D**E ventre matris meae vocavit me Dominus nomine meo: & posuit os meum ut gladium acutum: sub tegumento manus suae protexit me, & posuit me quasi sagittam electam. *Psal. 91.* Bonum est confiteri Domino, & psallere nomini tuo, Altissime.

*v. Gloria Patri.*

*Oratio.*

**D**Eus, qui praesentem diem honorabilem nobis in beati Joannis nativitate fecisti: da populis tuis spiritualem gratiam gaudiorum; & omnium fidelium mentes dirige in viam salutis aeternae. Per Dominum.

*Lectio Isaiae Prophetae.*

*Isa. 49.*

**A**udite insulae, & attendite populi de longe: Dominus ab utero vocavit me, de ventre matris meae recordatus est nominis mei. Et posuit os meum quasi gladium acutum: in umbra manus suae protexit me, & posuit me sicut sagittam electam: in pharetra sua abscondit me. Et dixit mihi: Servus meus es tu Israel, quia in te glorior. Et nunc dicit Dominus, formans me ex utero servum sibi: Ecce dedi te in lucem Gentium, ut sis salus mea usque ad extremum terrae. Reges videbunt, & consurgent principes, & adorabunt propter Dominum, & sanctum Israel, qui elegit te.

*Graduale. Jer. 1.* Priusquam



quam te formárem in útero, novi te: & ántequam exíres de ventre, sanctificávi te. *ꝿ.* Misit Dóminus manum suam, tétigit os meum: & dixit mihi.

Allelúia, allelúia.

*ꝿ. Luc. i.* Tu puer, Prophéta Altíssimi vocáberis: præíbis ante Dóminum paráre vias ejus. Allelúia.

Sequéntia sancti Evangélíi secúndum Lucam.

*Luc. i.*

**E**Lísabeth. implétum est tempus pariéendi, & péperit fílium. Et audiérunt vicini & cognáti ejus, quia magnificávit Dóminus misericórdiam suam cum illa, & congratulabántur ei. Et factum est in die octávo, venérunt circumcídere púerum, & vocábant eum nómine patris sui Zachariám. Et respóndens mater ejus, dixit: Nequáquam, sed vocábitur Joánes. Et dixerunt ad illam: Quia nemo est in cognatióne tua, qui vocétur hoc nómine. Innuébant autem patri ejus, quem vellet vocári eum. Et póstulans pugillárem, scripsit, dicens: Joánes est nomen ejus. Et miráti sunt univérsi. Apértum est autem illicò os ejus, & lingua ejus, & loquebátur benedicens Deum. Et factus est timor super omnes vicínos eórum: & super ómnia montána Judææ divulgábántur ómnia verba hæc: & posué-runt omnes qui audierant in corde suo, dicétes: Quis, putas, puer iste erit? Etenim manus Dómini erat cum illo. Et Zachariás pater ejus replétus est Spíritu sancto, & prophetávit, dicens: Benedíctus Dóminus Deus Israël, quia

visitávit, & fecit redempti-  
nem plebis suæ.

*Non dicitur Credo. nisi in Ecclesia propria: vel nisi venerit in Dominica, aut inf. Oct. Corporis Christi: sed in die Oct. dicitur, propter Oct. Apostol.*

*Offertorium. Psal. 91.* Justus ut palma florébit: sicut cedrus, quæ in Líbano est, multiplí-cábitur. *Secreta.*

**T**Ua, Dómine, munéri-bus altária cumulámus: illíus nativitátem honóre débito celebrátes, qui Salvatórem mundi & cécinit adfutúrum, & adesse monstrávit, Dóminum nostrum Jesum Christum Fílium tuum: Qui tecum vivit & regnat.

*Communio. Luc. i.* Tu puer, Prophéta Altíssimi vocáberis: præíbis enim ante fáciem Dómini paráre vias ejus.

*Postcommunio.*

**S**umat Ecclésia tua, Deus, beáti Joánnis Baptístæ generatióne lætitiám: per quem suæ regeneratiónis cognóvit auctórem, Dóminum nostrum Jesum Christum Fílium tuum: Qui tecum vivit.

*¶ Infra Oct. S. Joannis, & in ipso die Octavæ sit idem Officium quod in die. Sed infra Octavam post Orationem diei dicitur secunda Oratio de S. Maria, Concede nos. Tertia, contra persecutores Ecclesiæ, vel pro Papa. 236.*

*Die xxv. Junii.*

IN FESTO S. GULIELMI  
Abbatis.

*Missæ. Os justí. de Comuni Abbatum xxiv. excepta Oratione.*

*Oratio.*

**D**Eus, qui infirmitáti nostræ ad teréndum salú-tis



tis viam, in Sanctis tuis exemplum & præsídium collocasti: da nobis ita beati Gulielmi Abbátis mérita venerári; ut ejúsdem excipiámus suffrágia, & vestígia prosequámur. Per Dóminum nostrum Jesum Christum Fílium tuum, &c.

*Et fit commemoratio Octavæ sancti Joannis Baptistæ.*

*Die xxvi. Junii.*

IN FESTO SS. JOANNIS  
ET PAULI Martyrum.

*Introitus. Psal. 33.*

**M**ultæ tribulationes iustórum, & de his ómnibus liberávit eos Dóminus: Dóminus custódit ómnia offa eórum: unum ex his non conterétur.

*Psal. ibid.* Benedícam Dóminum in omni témpore: semper laus ejus in ore meo.

*v. Glória Patri.*

*Oratio.*

**Q**uæsumus omnipotens Deus: ut nos geminata lætítia hodiernæ festivitátis excípiat, quæ de beatórum Joánnis & Pauli glorificatióne procédit: quos éadem fides & pássio verè fecit esse germános. Per Dóminum.

*Et fit comm. Oct. S. Joannis, Oratio.* Deus, qui præsentem. *ut supra. 427.*

Lectio libri Sapiéntiæ.

*Eccli. 44. b.*

**H** viri misericórdiæ sunt, quorum pietátes non defuérent: cum semine eórum permanent bona, hæreditas sancta nepótes eórum, & in testaméntis stetit semen eórum: & filii eorum propter illos us-

que in ætérnum manent: semen eórum, & glória eórum non derelinquétur. Córpora ipsórum in pace sepúlta sunt, & nomen eórum vivit in generatióem & generatióem. Sapiéntiam ipsórum narrent pópuli, & laudem eórum nuntiet Ecclésia.

*Graduale. Psalm. 132.* Ecce quàm bonum, & quàm jucúndum habitáre fratres in unum.

*v.* Sicut unguéntum in cápite, quod descéndit in barbam, barbam Aaron.

Allelúia, allelúia.

*v.* Hæc est vera fraternitas, quæ vicit mundi crímina: Christum secúta est, ínclýta tenens regna cœléstia. Allelúia.

Sequéntia sancti Evangélii secúndum Lucam.

*Luc. 12.*

**I**n illo témpore: Dixit Jesus discípulis suis: Atténdite à fermento Pharisæórum, quod est hypócrisis. Nihil autem opértum est, quod non revelétur: neque absconditum, quod non sciátur. Quóniam quæ in ténebris dixístis, in lúmine dicéntur: & quod in aurem locúti estis in cubiculis, prædicábitur in tectis. Dico autem vobis amícis meis: Ne terreámini ab his qui occídunt corpus, & post hæc non habent ampliús quid faciant. Osténdam autem vobis quem timeátis: timéte eum, qui postquam occiderit, habet potestátem mittere in genénam. Ita dico vobis, hunc timéte. Nónne quinque pálleres véneunt dipóndio, & unus ex illis non est in oblivióne coram



coram Deo? Sed & capilli capitis vestri omnes numerati sunt. Nolite ergo timere: multis passeribus pluris estis vos. Dico autem vobis: Omnis, quicumque confessus fuerit me coram hominibus, & Filius hominis confitebitur illum coram Angelis Dei.

*Offertorium. Psal. 5. Gloriantur in te omnes, qui diligunt nomen tuum, quoniam tu Domine benedices iusto: Domine, ut scuto bonae voluntatis tuae coronasti nos.*

*Secreta.*

**H**ostias tibi, Domine, sanctorum martyrum tuorum Joannis & Pauli dicatas meritis, benignus assume: & ad perpetuum nobis tribue provenire subsidium. Per Dominum nostrum.

*Communio. Sap. 3. Et si coram hominibus tormenta passi sunt, Deus tentavit eos: tamquam aurum in fornace probavit eos, & quasi holocausta accepit eos.*

*Postcommunio.*

**S**umpsimus, Domine, sanctorum martyrum tuorum Joannis & Pauli solennia celebrantes, sacramenta coelestia: presta quaesumus; ut, quod temporaliter gerimus, aeternis gaudiis consequamur. Per Dominum.

*¶ Si sequens festum S. Leonis venerit in Dominica, transfertur post Octavam Apostolorum: & Missa dicitur de Dominica, cum commemoratione sancti Joannis: & in Sabbato praecedenti dicitur Missa de Vigilia Apostolorum: secunda Oratio de sancto Joanne; tertia de beata Maria; Concede nos. 236.*

*Quotumque vero alio die venerit festum S. Leonis, fit de eo, cum commemoratione Octavae S. Joannis, & Vigiliae.*

*Die xxviii. Junii.*

IN FESTO S. LEONIS  
Papae & Confessoris.

*Introitus. Psal. 131.*

**S**acerdotes tui, Domine, induant justitiam: & sancti tui exultent: propter David servum tuum, non avertas faciem Christi tui.

*Psal. ibid. Memento Domine David, & omnis mansuetudinis ejus.*

*v. Gloria Patri. Oratio.*

**D**eus, qui beatum Leonem Pontificem, sanctorum tuorum meritis coaequasti: concede propitius; ut, qui commemorationis ejus festa percolumus: vitae quoque imitemur exempla. Per Dominum.

*Pro commem. Oct. S. Joannis. Oratio.*

**D**eus, qui praesentem diem honorabilem nobis in beati Joannis nativitate fecisti: da populis tuis spiritualium gratiarum gaudiorum; & omnium fidelium mentes dirige in viam salutis aeternae.

*Pro commemoratione Vigiliae.*

*Oratio.*

**P**resta quaesumus omnipotens Deus: ut nullis nos permittas perturbationibus concuti, quos in Apostolicae confessionis petra solidasti. Per Dominum.

Lectio Epistolae beati Pauli Apostoli ad Hebraeos.

*Hebr. 7.*

**F**ratres, Plures facti sunt sacerdotes, idcirco quod morte



morte prohiberentur permanere: Jesus autem eo quod maneat in æternum, sempiternum habet sacerdotium. Unde & salvare in perpetuum potest accedentes per semetipsum ad Deum: semper vivens ad interpellandum pro nobis. Talis enim decēbat, ut nobis esset pōntifex, sanctus, innocens, impollutus, segregatus à peccatoribus, & excelsior cœlis factus: qui non habet necessitatem quotidie, quemadmodum sacerdotes, prius pro suis delictis hōstias offerre, deinde pro pōpuli: hoc enim fecit semel, seipsum offerendo, Jesus Christus Dōminus noster.

*Graduale. Psal. 131.* Sacerdotes ejus induam salutari: & sancti ejus exultatione exultabunt. *℟.* Illuc producam cornu David: paravi lucernam Christo meo.

Allelūia, allelūia.

*℟. Psal. 109.* Juravit Dōminus, & non poenitebit eum: Tu es sacerdos in æternum secundum ordinem Melchisedech. Allelūia.

Sequentia sancti Evangelii secundum Matthæum.

*Matth. 25.*

**I**N illo tempore: Dixit Jesus discipulis suis parabolam hanc: Homo peregrinē proficiscens, vocavit servos suos, & tradidit illis bona sua. Et uni dedit quinque talenta, alii autem duo, alii verò unum, unicuique secundum propriam virtutem, & profectus est statim. Abiit autem qui quinque talenta accēperat, & operatus est in eis, & lucratus est alia quinque. Simili-

ter & qui duo accēperat, lucratus est alia duo. Qui autem unum accēperat, abiens fodit in terram, & abscondit pecuniam dōmini sui. Post multum verò temporis venit dōminus servorum illorum, & posuit rationem cum eis. Et accedens qui quinque talenta accēperat, obtulit alia quinque talenta, dicens: Dōmine, quinque talenta tradidisti mihi, ecce alia quinque superlucratus sum. Ait illi dōminus ejus: Euge serve bone & fidelis, quia super pauca fuisti fidelis, super multa te constituam, intra in gaudium dōmini tui. Accessit autem & qui duo talenta accēperat, & ait: Dōmine, duo talenta tradidisti mihi, ecce alia duo lucratus sum. Ait illi dōminus ejus: Euge serve bone & fidelis, quia super pauca fuisti fidelis, super multa te constituam, intra in gaudium dōmini tui.

*Offertorium. Psal. 88.* Veritas mea, & misericordia mea cum ipso: & in nomine meo exaltabitur cornu ejus.

*Secreta.*

**A**Nnue nobis, quæsumus Dōmine, ut intercessionē beati Leōnis hæc nobis profit oblatio: quam immolando, totius mundi tribuisti relaxari delicta. Per Dōminum.

*Pro S. Joanne. Secreta.*

**T**ua, Dōmine, muneribus altaria cumulamus, illius nativitatem honore debito celebrantes: qui Salvatorem mundi & cecinit adfuturum, & adesse monstravit, Dōminum nostrum Jesum Christum Filium tuum.

*Pro*



*Pro Vigilia. Secreta.*

**M**Unus pópuli tui, quæsumus Dómine, Apostólica intercessióne sanctifica: nosque à peccatórum nostrórum máculis emúnda. Per Dóminum nostrum.

*Communio. Matth. 24.* Beátus servus, quem, cum vénerit dóminu, invénerit vigilántem: amen dico vobis, super ómnia bona sua constituet eum.

*Postcommunio.*

**D**Eus, qui ánimæ fámuli tui Leónis, æternæ beatitúdinis præmia contulísti: concéde propítius, ut, qui peccatórum nostrórum póndere prémimur, ejus apud te précibus sublevémur. Per Dóminum.

*Pro S. Joanne. Postcommunio.*

**S**umat Eccléfra tua, Deus, beáti Joánnis Baptístæ generatióne lætítiam: per quem suæ regeneratiónis cognóvit auctórem, Dóminum nostrum Jesum Christum Fílium tuum.

*Pro Vigilia. Postcommunio*

**Q**Uos coelésti, Dómine, alimento satiásti, Apostólicis intercessiónibus ab omni adversitate custódi. Per Dóminum nostrum.

*Die xxviii. Junii.*

IN VIGILIA APOSTOLORUM PETRI ET PAULI.

*Introitus. Jo. 21.*

**D**icit Dóminus Petro: Cúm esses júnior, cingébas te, & ambulábas ubi volébas: cúm autem senúeris, exténdes manus tuas, & álius

te cinget, & ducét quò tu non vis: hoc autem dixit, significans qua morte clarificáturus esset Deum.

*Psal. 18.* Cœlí enarrant glóriam Dei: & ópera mánuum ejus annúntiat firmaméntum.

*V. Glória Patri.*

*Non dicitur, Glória in excélsis.*

*Oratio.*

**P**Ræsta quæsumus omnipotens Deus: ut nullis nos permíttas perturbatióibus cóncuti, quos in Apostólicæ confessiós petra solidásti. Per Dóminum.

*Secunda Oratio & tertia, ut in superiori Rubrica notatúr.*

Léctio Actuum Apostolorum.

*Act. 3.*

**I**N diébus illis: Petrus & Joánnes ascendébant in templum ad horam oratióis nominam. Et quidam vir, qui erat claudus ex útero matris suæ, bajulabátur: quem ponébant quotidie ad portam templi, quæ dicitur Speciósá, ut péteret eleemósynam ab introeúntibus in templum. Is cúm vídisset Petrum & Joánnem incipiéntes introíre in templum, rogábat ut eleemósynam accíperet. Intuéns autem in eum Petrus cúm Joánné, dixit: Réspice in nos. At ille intendébat in eos, sperans se áliquíd acceptúrum ab eis. Petrus autem dixit: Argéntum & aurum non est mihi: quod autem hábeo, hoc tibi do: In nómine Jesu Christi Nazaréni surge, & ambula. Et apprehénsa manu ejus dextera, allevávit eum, & prótinus consolidatæ sunt bases ejus & plantæ. Et exíliens stetit, & ambulábat: & intrávit cum



cum illis in templum, ambulans & exiliens, & laudans Deum. Et vidit omnis populus eum ambulantem, & laudantem Deum. Cognoscebant autem illum, quod ipse erat, qui ad eleemosynam sedebat ad Speciosam portam templi: & implati sunt stupore & extasi, in eo quod contigerat illi.

*Graduale. Ps. 18.* In omnem terram exivit sonus eorum: & in fines orbis terrae verba eorum.

*v.* Caeli enarrant gloriam Dei: & opera manuum ejus annuntiat firmamentum.

Sequentia sancti Evangelii secundum Joannem.

*Joan. 21.*

**I**N illo tempore; Dixit Jesus Simoni Petro: Simon Joannis, diligis me plus his? Dicit ei: Etiam Domine, tu scis quia amo te. Dicit ei: Pasce agnos meos. Dicit ei iterum: Simon Joannis, diligis me? Ait illi: Etiam Domine, tu scis quia amo te. Dicit ei: Pasce agnos meos. Dicit ei tertio: Simon Joannis, amas me? Contristatus est Petrus, quia dixit ei tertio, Amas me? & dixit ei: Domine tu omnia nosti: tu scis quia amo te. Dixit ei: Pasce oves meas. Amen, amen dico tibi: cum esses junior, cingebas te, & ambulabas ubi volebas: cum autem senueris, extendes manus tuas, & alius te cinget, & ducet quod tu non vis. Hoc autem dixit, significans quam morte clarificaturus esset Deum.

*Offertorium. Ps. 138.* Mihi autem nimis honorati sunt

amici tui Deus: nimis confortatus est principatus eorum.

*Secreta.*

**M**Unus populi tui, quaesumus Domine, Apostolica intercessione sanctifica: nosque a peccatorum nostrorum maculis emunda. Per Dominum nostrum.

*Communio. Joan. 21.* Simon Joannis, diligis me plus his? Domine, tu omnia nosti: tu scis Domine, quia amo te. *Postcommunio.*

**Q**Uos caelesti, Domine, alimento satiasti: Apostolicis intercessionibus ab omni adversitate custodi. Per Dominum nostrum.

*Die xxix. Junii.*

IN FESTO SS. APOSTOLORUM PETRI ET PAULI.

*Introitus. Act. 12.*

**N**Unc scio verè, quia misit Dominus Angelum suum: & eripuit me de manu Herodis, & de omni expectatione plebis Judaeorum.

*Psal. 138.* Domine probasti me, & cognovisti me: tu cognovisti sessionem meam, & resurrectionem meam.

*v. Gloria Patri. Oratio.*

**D**Eus, qui hodiernam diem Apostolorum tuorum Petri & Pauli martyrio consecrasti: da Ecclesiae tuae, eorum in omnibus sequi praeceptum, per quos religionis sumpsit exordium. Per Dominum.

*Et non fit comm. de S. Paulo, quia Oratio est communis: nec de Octava sancti Joannis.*

Lectio Actuum Apostolorum.

*Act. 12.*

**I**N diebus illis: Misit Herodes rex manus, ut affligeret quos-



quosdam de Ecclesia. Occidit autem Jacobum fratrem Joannis gladio. Videns autem quia placeret Judæis, apposuit ut apprehenderet & Petrum. Erant autem dies Azymorum. Quem cum apprehendisset, misit in carcerem, tradens quatuor quaternionibus militum custodiendum, volens post Pascha producere eum populo. Et Petrus quidem servabatur in carcere. Oratio autem fiebat sine intermissione ab Ecclesia ad Deum pro eo. Cum autem producturus eum esset Herodes, in ipsa nocte erat Petrus dormiens inter duos milites, vinctus catenis duabus: & custodes ante ostium custodiebant carcerem. Et ecce Angelus Domini astitit: & lumen refulsit in habitaculo: percussioque latere Petri, excitavit eum, dicens: Surge velociter. Et ceciderunt catenæ de manibus ejus. Dixit autem Angelus ad eum: Præcingere, & calcea te caligas tuas. Et fecit sic. Et dixit illi: Circumdatus vestimentum tuum, & sequere me. Et exiens sequebatur eum, & nesciebat quia verum est quod fiebat per Angelum: existimabat autem se visum videre. Transeuntes autem primam & secundam custodiam, venerunt ad portam ferream, quæ ducit ad civitatem: quæ ultrò aperta est eis. Et exeuntes processerunt vicem unum: & continuo discessit Angelus ab eo. Et Petrus ad se reversus, dixit: Nunc scio verè, quia misit Dominus Angelum suum, & eripuit me de manu Herodis, & de omni expectatione plebis Judæorum.

*Graduale. Psal. 44.* Constitues eos principes super omnem terram: memores erunt nominis tui Domine.

*V.* Pro patribus tuis nati sunt tibi filii: propterea populi confitebuntur tibi.

Allelúia, allelúia.

*V. Matth. 16.* Tu es Petrus, & super hanc petram ædificabo Ecclesiam meam. Allelúia.

Sequentia sancti Evangelii secundum Matthæum.

*Matth. 16.*

**I**N illo tempore: Venit Jesus in partes Cæsariæ Philippi: & interrogabat discipulos suos, dicens: Quem dicunt homines esse Filium hominis? At illi dixerunt: Alii Joannem Baptistam, alii autem Eliam, alii verò Jeremiam, aut unum ex Prophetis. Dicit illis Jesus: Vos autem quem me esse dicitis? Respondens Simon Petrus dixit: Tu es Christus Filius Dei vivi. Respondens autem Jesus, dixit ei: Beatus es Simon Bar-Jóna: quia caro & sanguis non revelavit tibi, sed Pater meus, qui in cælis est. Et ego dico tibi, quia tu es Petrus, & super hanc petram ædificabo Ecclesiam meam, & portæ inferi non prævalébunt adversus eam. Et tibi dabo claves regni cælorum. Et quodcúmque ligáveris super terram, erit ligatum & in cælis: & quodcúmque solveris super terram, erit solutum & in cælis. Credo.

*Offertorium. Ps. 44.* Constitues eos principes super omnem terram: memores erunt nominis tui Domine, in omni progénie & generatione.

*Secreta.*



*Secreta.*

**H**ostias, Dómine, quas nómini tuo sacrádas offérimus, Apostólica prosequátur orátio: per quam nos expiári tríbuas, & deféndi. Per Dóminum.

*Præfatio de Apostolis.*

*Communio. Matth. 16.* Tu es Petrus, & super hanc petram ædificábo Ecclésiám meam.

*Postcommunio.*

**Q**uos cœlésti, Dómine, alimento satiásti: Apostólicis intercessiónibus ab omni adversitate custódi. Per Dóminum.

*Die xxx. Junii.*

IN COMMEMORATIONE S. PAULI Apostoli.

*Introitus. 2. Tim. 1.*

**S**cio cui crédidi, & certus sum, quia potens est depositum meum servare in illum diem, justus iudex.

*Psal. 138.* Dómine probásti me, & cognovísti me: tu cognovísti sessiónem meam, & resurrectionem meam.

v. Glória Patri,

*Oratio.*

**D**eus, qui multitudinem Géntium beáti Pauli Apostoli prædicatione docuísti: da nobis, quæsumus; ut cujus natalítia cólimus, ejus apud te patrocínia sentiámus. Per Dóminum.

*Et fit commem. S. Petri Apostoli.**Oratio.*

**D**eus, qui beáto Petro Apostolo tuo, collátis clavibus regni cœlestis, ligandi atque solvendi pontificium tradidísti: concéde, ut intercessiónis ejus auxílio, à pec-

catórum nostrórum nexibus liberémur.

*Deinde fit commemoratio S. Joannis, præterquam in Ecclesiá propria S. Pauli.*

*Oratio.*

**D**eus, qui præsentem diem honorábilem nobis in beáti Joánnis nativitate fecísti: da pópulis tuis spirituum grátiam gaudiórum; & ómnium fidélium mentes dirige in viam salutis æternæ. Per Dóminum,

Léctio Epístolæ beáti Pauli Apostoli ad Gálatas.

*Gal. 1.*

**F**ratres, Notum vobis fá-  
cio Evangélium, quod evangelizátum est a me, quia non est secúndum hóminem: neque enim ego ab hómine accépi illud, neque didici, sed per revelatióem Jesu Christi. Audístis enim conversatióem meam aliquándo in Judaísmo: quóniam supra modum persequébar Ecclésiám Dei, & expugnábam illam, & proficiébam in Judaísmo supra multos coætáneos meos in genere meo, abundántius æmulátor existens paternárum meárum traditiónum. Cum autem placuit ei, qui me segregávit ex útero matris meæ, & vocávit per grátiam suam, ut reveláret Fílium suum in me, ut evangelizárem illi in Géntibus: continuo non acquievi carni & sanguini, neque veni Jerosólymam ad antecessóres meos Apostolos: sed abii in Arábiam: & iterum revérsus sum Damáscum: deinde post annos tres veni Jerosólymam vidére Petrum, & mansi apud eum diebus quatuor-



decim: alium autem Apostolorum vidi neminem, nisi Jacobum fratrem Domini. Quæ autem scribo vobis, ecce coram Deo, quia non mentior.

*Graduale. Gal. 2.* Qui operatus est Petro in Apostolatuum, operatus est & mihi inter Gentes: & cognoverunt gratiam Dei, quæ data est mihi.

*v. 1. Cor. 15.* Grátia Dei in me vacua non fuit: sed grátia ejus semper in me manet.

Allelúia, allelúia.

*v.* Sancte Paule Apóstole prædicátor veritatis, & Doctor Géntium, intercède pro nobis. Allelúia.

Sequéntia sancti Evangélíi secundum Matthæum,

*Matth. 10.*

**I**N illo témpore: Dixit Jesus discípu-  
lis suis: Ecce ego mitto vos sicut oves in médio lupórum. Estóte ergo prudentes sicut serpéntes, & simplices sicut colúmbæ. Cavéte autem ab homínibus. Tradent enim vos in concíliis, & in synagógis suis flagellábunt vos: & ad præfides & ad reges ducémini propter me in testimónium illis, & Géntibus. Cùm autem tradent vos, nolíte cogitare quómodo aut quid loquámini: dábitur enim vobis in illa hora, quid loquámini. Non enim vos estis qui loquimini, sed Spíritus Patris vestri, qui loquitur in vobis. Tradet autem frater fratrem in mortem, & pater filium: & insúrgent filii in paréntes, & morte eos afficient: & éritis odio omnibus propter nomen meum: qui autem perseveráverit usque in finem, hic salvus erit. Credo.

*Offertorium. Ps. 138.* Mihi autem nimis honoráti sunt amíci tui Deus: nimis confortátus est principátus eórum.

*Secreta.*

**A** Póstoli tui Pauli præcibus, Dómine, plebis tuæ dona sanctífica: ut, quæ tibi tuo grata sunt institúto, gratióra fiant patrocínio supplicántis, Per Dóminum.

*Pro S. Petro. Secreta.*

**E**Cclésiæ tuæ, quæsumus Dómine, preces & hostias beati Petri Apóstoli comméndet oratio: ut, quod pro illius glória celebrámus, nobis profít ad véniam.

*Pro S. Joanne. Secreta.*

**T**Ua, Dómine, munéribus altária cumulámus, illius nativitatem honóre debito celebránte, qui Salvatorem mundi & cécinit adfuturum, & adesse monstrávit, Dóminum nostrum Jesum Christum Fílium tuum. Qui tecum vivit & regnat.

*Præfatio de Apostolis.*

*Communio. Matth. 19.* Amen dico vobis: quòd vos qui reliquistis ómnia, & secúti estis me, centuplum accipiétis, & vitam ætérnam possidébitis.

*Postcommunio.*

**P**ERCÉPTIS, Dómine, sacraméntis, beato Paulo Apóstolo tuo interveniénte deprecámur: ut, quæ pro illius celebráta sunt glória, nobis proficiant ad medélam. Per Dóminum nostrum,

*Pro S. Petro. Postcommunio.*

**L**ÆTÍFICET nos, Dómine, munus oblátum: ut sicut in Apóstolo tuo Petro, te miráblem prædicámus, sic per illum



illum tuæ sumamus indulgentiæ largitatem.

*Pro sancto Joanne. Postcomm.*

**S**umat Ecclesia tua, Deus, beati Joannis Baptistæ generatione lætitiā: per quem suæ regenerationis cognovit auctorem, Dñm nostrum Jesum Christum Fñm tuum. Qui tecum vivit & regnat.

## FESTA JULII.

*Die i. Julii.*

IN OCTAVA S. JOANNIS Baptistæ,

*Dicitur Missa ut in ejus die Festo 427 cum Commemoratione Apostolorum ut supra in eorum Festo, & in ea dicitur Credo, & Prefatio de Apostolis.*

*Die ii. Julii.*

IN FESTO VISITATIONIS B. Mariæ Virginis.

*Introitus.*

*Sedulus.*

**S**alve sancta Parens, enixa puérpera Regem: qui cœlum terramque regit in sæcula sæculorum.

*Psal. 44.* Eructavit cor meum verbum bonum: dico ego ópera mea Regi.

v. Glória Patri.

*Oratio.*

**F**amulis tuis, quæsumus Dñe, cœlestis gratiæ munus impertire: ut quibus beatæ Virginis partus extitit salutis exórdium, Visitationis ejus votiva sollemnitas, pacis tríbuat incrementum. Per Dñm nostrum.

*Pro commem. Apostolorum Petri & Pauli. Oratio.*

**D**eus, qui hodiernam diem Apostolorum tuorum Petri & Pauli martyrio consecrasti: da Ecclesiæ tuæ, eorum in ómnibus sequi præceptum, per quos religionis sumpsit exórdium.

*Pro SS. martyribus Processo & Martiniano. Oratio.*

**D**eus, qui nos sanctorum mártyrum tuorum Processi & Martiniani gloriósas confessionibus circúndas, & prótegis: da nobis & eorum imitatione proficere, & intercessione gaudere. Per Dñm nostrum.

Lectio libri Sapientiae.

*Cant. 2. b.*

**E**cce iste venit saltiens in montibus, transiliens colles: similis est dilectus meus capræ, hinnuloque cervorum. En ipse stat post parietem nostrum, respiciens per fenestras, prospiciens per cancellos. En dilectus meus loquitur mihi: Surge, pròpera amica mea, columba mea, formosa mea, & veni. Jam enim hiems transiit, imber abiit, & recessit. Flores apparuerunt in terra nostra: tempus putationis advénit: vox turturis audita est in terra nostra: ficus protulit grossos suos: vineæ floréntes dedérunt odorem suum. Surge amica mea, speciosa mea, & veni: columba mea in foraminibus petrae, in caverna maceriae, ostende mihi faciem tuam: sonet vox tua in auribus meis: vox enim tua dulcis, & facies tua decora.

*Graduale. Benedicte & v-*

*ne-*



nerabilis es virgo María: quæ sine tactu pudoris inventa es mater Salvatoris. *V.* Virgo Dei genitrix, quem totus non capit orbis, in tua se clausit viscera factus homo.

Allelúia, allelúia.

*V.* Felix es sacra virgo María, & omni laude dignissima: quia ex te ortus est sol justitiæ Christus Deus noster. Allelúia.

Sequéntia sancti Evangelii secundum Lucam.

*Luc. 1. d.*

**I**N illo tempore: Exurgens María, abiit in montana cum festinatione in civitatem Juda: & intravit in domum Zachariæ, & salutavit Elísabeth. Et factum est, ut audivit salutationem Mariæ Elísabeth, exultavit infans in útero ejus: & repléta est spiritu sancto Elísabeth: & exclamavit voce magna, & dixit: Benedícta tu inter mulieres, & benedíctus fructus ventris tui. Et unde hoc mihi, ut veniat mater Dómini mei ad me? ecce enim ut facta est vox salutationis tuæ in áuribus meis, exultavit in gáudio infans in útero meo. Et beáta, quæ credidisti, quóniam perficiéntur ea, quæ dicta sunt tibi à Dómino. Et ait María: Magnificat ánima mea Dóminum: & exultavit spíritus meus in Deo salutári meo. Credo.

*Offertorium.* Beáta es virgo María, quæ ómnium portásti creatórem: genuísti qui te fecit, & in ætérnum pèrmanes virgo.

*Secreta.*

**U**Nigéniti tui, Dómine, nobis succúrrat humani-

tas: ut qui natus de Vírgine, matris integritatem non minuit, sed sacrávit: in Visitationis ejus solémniis, nostris nos piáculis exuens, oblationem nostram tibi faciat acceptam Jesus Christus Dóminus noster: Qui tecum vivit.

*Pro SS. Apostolis Petro & Paulo. Secreta.*

**H**ostias, Dómine, quas nómini tui sacrandas offerimus, Apostólica persequatur oratio: per quam nos expiári tríbuas, & deféndi.

*Pro SS. martyribus Processo & Martiniano. Secreta.*

**S**uscipe Dómine preces & múnera: quæ ut tuo sint digna conspéctu, sanctórum tuórum précibus adjuvémur. Per Dóminum.

*Præfatio de B. Maria. Et te in Visitatione.*

*Communio.* Beáta viscera Mariæ virginis: quæ portavérunt ætérni Patris Fílium.

*Postcommunio.*

**S**umpsumus, Dómine, celebritatis annuæ votiva sacramenta: præsta quæsumus; ut temporális vitæ nobis remédia præbeant & ætérnæ. Per Dóminum.

*Pro SS. Apostolis Petro & Paulo. Postcommunio.*

**Q**uos cælésti, Dómine, alimento satiásti, Apostólicos intercessiónibus ab omni adversitate custodi.

*Pro SS. martyribus Processo & Martiniano. Postcomm.*

**C**orporis sacri & pretiosi sanguinis repléti libámine, quæsumus Dómine Deus noster: ut quod pia devotióne gérimus, certa redemptione capiámus. Per eúndem Dóminum.

*Die*



Die iiii. Julii.

INFRA OCTAVAM SS.  
APOSTOL. PETRI &  
PAULI.

Introitus. Psal. 138.

**M**ihi autem nimis honorati sunt amici tui Deus: nimis confortatus est principatus eorum.*Psal. ibid.* Dómine probasti me, & cognovisti me: tu cognovisti sessionem meam, & resurrectionem meam.

V. Glória Patri.

Oratio.

**D**Eus, qui hodiernam diem Apostolorum tuorum Petri & Pauli martyrio consecrasti: da Ecclesiæ tuæ, eorum in omnibus sequi præceptum, per quos religionis sumpsit exordium. Per Dóminum.*Secunda Oratio de S. Maria, Concède nos. tertia, Ecclesiæ tuæ. vel pro Papa. 236.*

Lectio Actuum Apostolorum.

Act. 1. b.

**I**N diébus illis: Per manus Apostolorum fiebant signa & prodigia multa in plebe. Et erant unanimiter omnes in pórticu Salomónis. Ceterorum autem nemo audébat se conjungere illis: sed magnificábat eos pópulus. Magis autem augebátur credentium in Dómino multitúdo virórum, ac mulierum, ita ut in platéas ejicerent infirmos, & pónerent in lectulis ac grabátis; ut, veniente Petro, saltem umbra illius obumbráret quemquam illórum, & liberaréntur ab infirmitatibus suis. Concurrébat autem & multitúdo vicinárum civitátum Jerúsalem, afferéntes ægros, & vexátos

à spiritibus immúndis: qui curabántur omnes.

*Graduale. Psal. 44.* Constitues eos príncipes super omnem terram: mémores erunt nóminis tui Dómine.

V. Pro pátribus tuis nati sunt tibi filii: propterea pópuli confitebúntur tibi.

Allelúia, allelúia.

V. *Luc. 2.* Rogávi pro te, Petre, ut non deficiat fides tua: & tu aliquándo convérsus, confirma fratres tuos. Allelúia.

Sequéntia sancti Evangélii secundum Matthæum.

Matth. 19.

**I**N illo témpore: Dixit Petrus ad Jesum: Ecce nos reliquimus omnia, & secúti sumus te: quid ergo erit nobis? Jesus autem dixit illis: Amen dico vobis, quòd vos, qui secúti estis me, in regeneratione cum séderit Fílius hóminis in sede majestátis suæ, sedébitis & vos super sedes duódecim, judicántes duódecim tribus Israél. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, centuplum accípiet, & vitam ætérnam possidébit.

Dicitur. Credo.

*Offertorium. Ps. 18.* In omnem terram exívit sonus eorum: & in fines orbis terræ verba eorum.

Secreta.

**H**Ostias, Dómine, quas nómini tuo sacrándas offerimus, Apostólica prosequátur



quatur oratio: per quam nos expiari tribuas, & defendi. Per Dóminum.

*Secunda Secreta, Tua Dómine. Tertia, Prótege. vel Oblátis. 236.*

*Præfatio de Apostolis.*

*Communio. Matth. 19.* Vos qui secúti estis me, sedébitis super sedes, judicánte duódecim tribus Israél.

*Postcommunio.*

**Q**uos cœlésti, Dómine, aliménto satiásti: Apostólicis intercessiónibus ab omni adversitate custódi. Per Dóminum.

*Secunda Postcommunio, Sump-tis Dómine. Tertia, Quæsumus Dómine. vel. Hæc nos. 236.*

*Die vi. Julii.*

IN OCTAVA APOSTO-  
LORUM PETRI &  
PAULI.

*Introitus. Eccli. 44.*

**S**apiéntiam Sanctorum narrent pópuli, & laudes eorum nuntiet Ecclesiá: nómína autem eorum vivent in sæculum sæculi.

*Psal. 32.* Exultáte iusti in Dómino: rectos decet collaudatio.

✠. Glória Patri.

*Oratio.*

**D**Eus, cujus dextera beatum Petrum ambulánte in fluctibus, ne mergeretur, erexit: & coapóstolum ejus Paulum tertio naufragánte, de profundo pélagi liberávit: exáudi nos propítius, & concéde; ut ambórum méritis, æternitátis glóriam consequámur. Qui vivis & regnas.

Lectio libri Sapiéntiæ.

*Eccli. 44. b.*

**H**I viri misericórdiæ sunt, quorum pietates non defuerunt, cum femine eorum permanent bona, hæreditas sancta nepotes eorum, & in testaméntis stetit semen eorum: & filii eorum propter illos usque in ætérnum manent: semen eorum, & glória eorum non derelinquétur. Corpora ipsorum in pace sepulta sunt, & nomen eorum vivit in generatióem & generatióem. Sapiéntiam ipsorum narrent pópuli, & laudem eorum nuntiet Ecclesiá.

*Graduale. Sap. 3.* Justorum animæ in manu Dei sunt, & non tanget illos tormentum malitiæ. ✠. Visi sunt oculis insipientium mori: illi autem sunt in pace.

Allelúia, allelúia.

✠. *Luc. 22.* Vos estis, qui permansistis mecum in tentationibus meis: & ego dispóno vobis regnum, ut sedeátis super thronos, judicánte duódecim tribus Israél. Allelúia.

Sequéntia sancti Evangélii secundum Matthæum.

*Matth. 14.*

**I**N illo tempore: Compulit Jesus discipulos ascéndere in navículam, & præcedere eum trans frétum, donec dimitteret turbas. Et dimissa turbâ, ascéndit in montem solus orare. Vespere autem facto, solus erat ibi. Navícula autem in médio mari jaçtabátur fluctibus: erat enim contrárius ventus. Quarta autem vigília noctis venit ad eos, ambulans super mare. Et vidéntes eum super mare ambulánte, turbati



bátisunt, dicentes: Quia phantasma est. Et præ timóre clamaverunt. Statimque Jesus locutus est eis, dicens: Habéte fiduciam: ego sum, nolite timere. Respondens autem Petrus, dixit: Dómine, si tues, jube me ad te venire super aquas. At ipse ait: Veni. Et descendens Petrus de navícula, ambulabat super aquam ut veniret ad Jesum. Videns verò ventum válidum, tímuit: & cùm coepisset mergi; clamávit dicens: Dómine, salvum me fac. Et continuo Jesus extendens manum, apprehéndit eum: & ait illi: Módicæ fidei, quare dubitásti? Et cùm ascendissent in navículam, cessávit ventus. Qui autem in navícula erant, venerunt, & adoraverunt eum, dicentes: Verè Fílius Dei es. Credo.

*Offertorium. Psal. 149.* Exultábunt Sancti in glória: lætabúntur in cubilibus suis: exaltatiónes Dei in fáucibus eórum.

*Secreta.*

**O**fferimus tibi, Dómine, preces & múnera: quæ ut tuo sint digna conspéctu, Apostolórum tuórum Petri & Pauli précibus adjuvémur. Per Dóminum.

*Præfatio de Apostolis.*

*Communio. Sap. 3.* Justórum animæ in manu Dei sunt, & non tanget illos tormentum malitiæ: vísi sunt óculis insipientium mori, illi autem sunt in pace.

*Postcommunio.*

**P**rotege Dómine pópulum tuum: & Apostolórum tuórum Petri & Pauli patrocinio confidentem, perpetua

defensióne conserva. Per Dóminum nostrum.

*Die viii. Julii.*

IN FESTO S. ELISABETH Reginae Portugalliae Viduae.

*Missæ. Cognóvi Dómine. de Communi nec virg. nec martyris xxxii. præter Orationem sequentem.*

*Oratio.*

**C**lementissime Deus, qui beatam Elísabeth reginam, inter céteras egrégias dotes, bélici furóris sedandi prærogatíva decorásti: da nobis ejus intercessióne, post mortális vitæ, quam supplíciter pétimus, pacem, ad æterna gáudia pervenire. Per Dóminum nostrum.

*Die ix. Julii.*

IN FESTO BB. MARTYRUM GORCOMIENSIVM NICOLAI & SOCIORUM.

*Missæ. Intret in conspéctu. de Communi plurimorum Martyrum, præter Orationem.*

*Oratio.*

**D**eus, qui beatórum mártýrum tuórum, Nicolái & sociórum ejus gloriósum pro Fide tuâ certámen æternitátis láureâ decorásti: concede propátius; ut eórum méritis & imitatione, certantes in terris, cum ipsis coronári mereámur in coelis. Per Dóminum nostrum.

*Post Epistolam dicitur Graduale, ut sequitur.* Gloríus Deus in Sanctis suis: mirabilis in majestáte, faciens prodí-



gia. *Ps.* Dextera tua Dómine, glorificáta est in virtúte: dextera manus tua confrégit inimicos.

Allelúia, allelúia.

*Ps.* Hæc est vera fraternitas; quæ vicit mundi crimina: Christum secuta est, inclyta tenens régna cœlestia. Allelúia.

*Reliqua omnia ut in Missa supradicta.*

*Die x. Julii.*

IN FESTO SANCTORUM SEPTEM FRATRUM, ac RUFINÆ & SECUNDÆ Virg. & Mart.

*Introitus. Psal. 112.*

**L**Audáte púeri Dóminum, laudáte nomen Dómini: qui habitare facit stérilem in domo, matrem filiórum lætántem.

*Psal. ibid.* Sit nomen Dómini benedíctum: ex hoc nunc, & usque in sæculum.

*Ps.* Glória Patri.

*Oratio.*

**P**Ræsta quæsumus omnipotens Deus: ut, qui gloriosos Mártyres, fortes in sua confessione cognóvimus, pios apud te in nostra intercessionem sentiámus. Per Dóminum.

Lectio libri Sapientiae.

*Prov. 31. d.*

**M**ulierem fortem quis invéniet? procul, & de ultimis finibus pretium ejus. Confidit in ea cor viri sui, & spóliis non indigebit. Reddet ei bonum, & non malum omnibus diebus vitæ suæ. Quæsit lanam, & linum,

& operata est consilio manuum suarum. Facta est quasi navis institoris, de longè portans panem suum. Et de nocte surrexit, deditque prædam domesticis suis, & cibaria ancillis suis. Consideravit agrum, & emit eum: de fructu manuum suarum plantavit vineam. Accinxit fortitudine lumbos suos, & roboravit brachium suum. Gustavit, & vidit quia bona est negotiatio ejus: non extinguetur in nocte lucerna ejus. Manum suam misit ad fortia; & digitus ejus apprehenderunt fenum. Manum suam aperuit inopi, & palmas suas extendit ad pauperem. Non timebit domui suæ à frigoribus nivis: omnes enim domestici ejus vestiti sunt duplicibus. Stragulatam vestem fecit sibi: byssus, & purpura indumentum ejus. Nobilis in portis vir ejus, quando sederit cum senatoribus terræ. Sindonem fecit, & vendidit, & cingulum tradidit Chanaanæo. Fortitudo & decor indumentum ejus, & ridebit in die novissimo. Os suum aperuit sapientiæ, & lex clementiæ in lingua ejus. Consideravit semitas domus suæ, & panem otiosa non comedit. Surrexerunt filii ejus, & beatissimam predicaverunt, vir ejus, & laudavit eam. Multæ filiae congregaverunt divitias: tu supergressa es universas. Fallax gratia, & vana est pulchritudo: mulier timens Dóminum, ipsa laudabitur. Date ei de fructu manuum suarum: & laudent eam in portis opera ejus.

*Graduale. Psal. 123.* Anima nostra, sicut passer, erepta est de laqueo venantium.

*Ps.* La-



✠. Láqueus contritus est, & nos liberati sumus: adiutorium nostrum in nómine Dómini, qui fecit cœlum & terram.

Allelúia, allelúia.

✠. Hæc est vera fraternitas, quæ vicit mundi crimina: Christum secuta est, inclyta tenens regna cœlestia. Allelúia.

Sequéntia sancti Evangelii secundum Matthæum.

*Matth. 12.*

**I**N illo tēpore: Loquente Jesu ad turbas, ecce mater ejus & fratres stabant foris, quærentes loqui ei. Dixit autem ei quidam: Ecce mater tua & fratres tui foris stant, quærentes te. At ipse respondens dicenti sibi, ait: Quæ est mater mea, & qui sunt fratres mei? Et extendens manum in discipulos suos, dixit: Ecce mater mea & fratres mei. Quicumque enim fecerit voluntatem Patris mei, qui in cœlis est: ipse meus frater, & soror, & mater est.

*Offertorium. Psal. 123.* Anima nostra, sicut passer, erepta est de láqueo venantium: láqueus contritus est, & nos liberati sumus.

*Secreta.*

**S**acrificiis præsentibus, quæsumus Dómine, intendere placatus: & intercedentibus sanctis tuis, devotioni nostræ proficiant, & salutem. Per Dóminum.

*Communio. Matth. 12.* Quicumque fecerit voluntatem Patris mei, qui in cœlis est: ipse meus frater, & soror, & mater est, dicit Dóminus.

*Postcommunio.*

**Q**uæsumus omnipotens Deus: ut intercedenti-

bus sanctis tuis, illius salutaris capiamus effectum, cujus per hæc mystéria pignus accepimus. Per Dóminum.

*Die xi. Julii.*

SANCTI PII Papæ & Mart.

*Dicitur Missa. Statuit. ut in Communi unius Mart. Pontif. ii.*

*Die xii. Julii.*

IN FESTO S. JOANNIS

Gualberti Abbatis.

*Introitus. Psalm. 36.*

**O**S justi meditabitur sapientiam, & lingua ejus loquetur judicium: lex Dei ejus in corde ipsius.

*Psalm. ibid.* Noli æmulari in malignantibus: neque zelaveris facientes iniquitatem.

✠. Glória Patri: *Oratio.*

**I**ntercessio nos, quæsumus Dómine, beati Joannis Gualberti Abbatis commendat: ut quod nostris méritis non valémus, ejus patrocínio assequámur. Per Dóminum.

*Pro commem. SS. Naboris & Felicis martyrum.*

*Oratio.*

**P**ræsta, quæsumus Dómine: ut sicut nos sanctorum martyrum tuorum Naboris & Felicis natalitia celebranda non deserunt, ita jūger suffragiis comitentur. Per Dóminum.

Lectio libri Sapientie:

*Eccli. 45.*

**D**ilectus Deo & hominibus, cujus memoria in benedictione est. Similem illum fecit in glória sanctorum, & magnificavit eum in timore inimicorum, & in verbis suis



monstra placavit. Glorificavit illum in conspectu regum, & jussit illi coram populo suo, & ostendit illi gloriam suam. In fide & lenitate ipsius sanctum fecit illum, & elegit eum ex omni carne. Audivit enim eum, & vocem ipsius, & induxit illum in nubem. Et dedit illi coram præcepta, & legem vitæ, & disciplinæ.

*Graduale. Psal. 20.* Domine, prævenisti eum in benedictionibus dulcedinis: posuisti in capite ejus coronam de lapide pretioso. *V.* Vitam petiit a te, & tribuisti ei longitudinem dierum in sæculum sæculi.

Allelúia, allelúia.

*V.* Justus ut palma florebit: sicut cedrus Líbani multiplicabitur. Allelúia.

Sequéntia sancti Evangélíi secundum Matthæum.

*Matth. 5. f.*

**I**N illo tempore: Dixit Jesus discipulis suis: Audistis quia dictum est: Dilige proximum tuum, & odio habebis inimicum tuum. Ego autem dico vobis: Diligite inimicos vestros, benefacite his, qui oderunt vos: & orate pro persequentibus & calumniantibus vos: ut sitis filii Patris vestri, qui in coelis est: qui solem suum oriri facit super bonos & malos, & pluit super justos & injustos. Si enim diligitis eos, qui vos diligunt, quam mercedem habebitis? nonne & publicani hoc faciunt? Et si salutaveritis fratres vestros tantum, quid amplius facitis: nonne & ethnici hoc faciunt? Estote ergo vos perfecti, sicut & Pater vester cælestis perfectus est.

*Offertorium. Psal. 20.* Desiderium animæ ejus tribuisti ei, Domine, & voluntate labiorum ejus non fraudasti eum: posuisti in capite ejus coronam de lapide pretioso.

*Secreta.*

**S**acris altaribus, Domine, hostias superpositas, sanctus Joannes Gualbertus Abbas, quæsumus, in salutem nobis provenire deprecatur. Per Dominum

*Pro SS. Nabore & Felice mart.*

*Secreta.*

**M**unera plebis tuæ, quæsumus Domine, sanctorum martyrum tuorum Naboris & Felicis fiant grata suffragiis: & quorum triumphis tuo nomini offeruntur, ipsorum digna perficiantur & meritis. Per Dominum,

*Communio. Luc. 12.* Fidelis servus & prudens, quem constituit dominus super familiam suam: ut det illis in tempore tritici mensuram.

*Postcommunio.*

**P**rotegat nos, Domine, cum tui perceptione sacramenti beatus Joannes Gualbertus Abbas, pro nobis intercedendo: ut & conversationis ejus experiamur insignia, & intercessionis percipiamus suffragia. Per Dominum.

*Pro SS. Nabore & Felice mart.*

*Postcommunio.*

**N**atalitiis Sanctorum tuorum, quæsumus Domine, ut sacramenti munere vegetati: bonis, quibus per tuam gratiam nunc fovemur, perfruamur æternis. Per Dominum.



Die xiii. Julii.

## IN FESTO S. ANACLETI

Papæ &amp; Martyris.

Introitus.

Dan. 3.

**S**acerdotes Dei benedicite  
Dominum: sancti & hu-  
miles corde laudate Deum.

Dan. ib. Benedicite omnia  
opera Domini Domino: lau-  
date & superexaltate eum in  
secula.

v. Gloria Patri.

Oratio.

**D**eus, qui nos beati Ana-  
clæti martyris tui atque  
Pontificis ænua solemnitate  
lætificas: concede propitius;  
ut cujus natalitia colimus, de  
ejusdem etiam protectione  
gaudeamus. Per Dominum.  
Lectio Epistolæ beati Pauli  
Apostoli ad Corinthios.

2. Cor. 1.

**F**ratres, Benedictus Deus,  
& Pater Domini nostri Je-  
su Christi, Pater misericordi-  
um, & Deus totius consola-  
tionis, qui consolatur nos in  
omni tribulatione nostrâ: ut  
possimus & ipsi consolari eos,  
qui in omni pressura sunt, per  
exhortationem, qua exhorta-  
mur & ipsi a Deo. Quoniam  
sicut abundant passiones Chris-  
ti in nobis: ita & per Chris-  
tum abundat consolatio nos-  
tra. Sive autem tribulamur  
pro vestra exhortatione & sa-  
lute, sive consolamur pro ves-  
tra consolatione, sive exhor-  
tamur pro vestra exhortati-  
one & salute, quæ operatur to-  
lerantiam earundem passio-  
num, quas & nos patimur:  
ut spes nostra firma sit pro vo-  
bis: scientes, quod sicut so-  
cii passionum estis, sic eritis  
& consolationis: in Christo  
Jesu Domino nostro.

Graduale. Psal. 8. Glória &  
honore coronasti eum. v. Et  
constituisti eum super opera  
manuum tuarum Domine.

Allelúia, allelúia.

v. Hic est sacerdos, quem  
coronavit Dominus. Allelúia.

Sequéntia sancti Evangelii se-  
cundum Lucam.

Luc. 14. f.

**I**n illo tempore: Dixit Jesus  
turbis: Si quis venit ad me,  
& non odit patrem suum, &  
matrem, & uxorem, & filios,  
& fratres, & sorores, adhuc  
autem & animam suam, non  
potest meus esse discipulus. Et  
qui non bajulat crucem suam,  
& venit post me, non potest  
meus esse discipulus. Quis  
enim ex vobis volens turrim  
ædificare, non prius sedens  
computat sumptus, qui neces-  
sarii sunt, si habeat ad perfici-  
endum; ne, posteaquam po-  
suerit fundamentum, & non  
potuerit perficere, omnes qui  
vident, incipiant illudere ei,  
dicentes: Quia hic homo cepit  
ædificare, & non potuit con-  
summare? Aut quis rex iturus  
committere bellum adversus  
alium regem, non sedens prius  
cogitat, si possit cum decem  
millibus occurrere ei, qui cum  
viginti millibus venit ad se?  
alioquin adhuc illo longè agen-  
te, legationem mittens, rogat  
ea quæ pacis sunt. Sic ergo  
omnis ex vobis, qui non re-  
nuntiat omnibus quæ possidet,  
non potest meus esse discipu-  
lus.

Offertorium. Ps. 88. Inveni  
David servum meum, oleo  
sancto meo unxi eum: manus  
enim mea auxiliabitur ei, &  
brá-



brachium meum confortabit eum.

*Secreta.*

**M**Unera tibi, Dómine, dicata sanctifica: & intercedente beato Anacleto mártire tuo atque Pontífice, per eadem nos placatus inténde. Per Dóminum.

*Communio. Ps. 20.* Posuisti Dómine in cápite ejus coronam de lápide pretiósio.

*Postcommunio.*

**H**Æc nos commúnio, Dómine, purget à crimine: & intercedente beato Anacleto mártire tuo atque Pontífice, coeléstis remédii fáciat esse confórtes. Per Dóminum.

*Die xiv. Julii.*

INFESTOS. BONAVENTURÆ Episcopi & Confessoris.

*Introitus. Eccli. 15.*

**I**N médio Ecclésiæ aperuit os ejus: & implévit eum Dóminus spírítu sapiéntiæ & intelléctus: stolam glóriæ induit eum.

*Psal. 91.* Bonum est confiteri Dómino: & psállere nómini tuo, Altíssime.

℣. Glória Patri.

*Oratio.*

**D**Eus, qui pópulo tuo æternæ salutis beátum Bonaventúram mínistrum tribuisti: præsta quæsumus; ut, quem doctórem vitæ habuimus in terris, intercessórem habére mereámur in coelis. Per Dóminum.

Léctio Epístolæ beáti Pauli Apóstoli ad Timótheum.

*2. Tim. 4.*

**C**haríssime, Testíficor coram Deo, & Jesu Chris-

to, qui judicatúrus est vivos & mórtuos, per advéntum ipsius, & regnum ejus: prædica verbum, in ista opportunè, importunè: argue, óbsecra, increpa in omni paciéntia, & doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, & à veritate quidem auditum avértent, ad fábulas autem converténtur. Tu verò vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delíbor, & tempus resolutionis meæ instat. Bonum certámen certávi, cursum consummávi, fidem servávi. In réliquo repósita est mihi coróna justítiæ, quam reddet mihi Dóminus in illa die justus judex; non solum autem mihi, sed & iis qui díligunt advéntum ejus.

*Graduale. Psalm. 36.* Os justi meditabitur sapiéntiam, & lingua ejus loquétur júdícium.

℣. Lex Dei ejus in corde ipsius: & non supplantabúntur gressus ejus.

Allelúia, allelúia.

℣. *Psal. 109.* Jurávit Dóminus, & non pœnitébit eum: Tu es sacérdos in ætérnum secúndum órđinem Melchisedech. Allelúia.

Sequéntia sancti Evangélii secúndum Matthæum.

*Matth. 5. b.*

**I**N illo tempore: Dixit Jesus discípulis suis: Vos estis sal terræ. Quòd si sal evanúerit, in quo salietur? ad níhi-



nihilum valet ultrà, nisi ut mittatur foras, & conculcetur ab hominibus. Vos estis lux mundi. Non potest civitas abscondi supra montem posita. Neque accendunt lucernam, & ponunt eam sub modio, sed super candelabrum: ut luceat omnibus qui in domo sunt. Sic luceat lux vestra coram hominibus, ut videant opera vestra bona, & glorificent Patrem vestrum, qui in cœlis est. Nolite putare quoniam veni solvere legem, aut Prophetas: non veni solvere, sed adimplere. Amen quippe dico vobis, donec transeat cœlum & terra, iota unum, aut unus apex non præteribit à lege, donec omnia fiant. Qui ergo solverit unum de mandatis istis minimis, & docuerit sic homines, minimus vocabitur in regno cœlorum: qui autem fecerit & docuerit, hic magnus vocabitur in regno cœlorum. Credo.

*Offertorium. Ps. 88.* Veritas mea, & misericordia mea cum ipso: & in nomine meo exaltabitur cornu ejus.

*Secreta.*

**S**ancti Bonaventuræ Confessoris tui atque Pontificis, quæsumus Domine, annua sollemnitas pietati tuæ nos reddat acceptos: ut per hæc piæ placationis officia, & illum beata retributio commitetur, & nobis gratiæ tuæ dona conciliet. Per Dominum.

*Communio. Luc. 12.* Fidelis servus & prudens, quem constituit Dominus super familiam suam: ut det illis in tempore tritici mensuram.

*Postcommunio.*

**D**Eus, fidelium remunerator animarum, præsta: ut beati Bonaventuræ Confessoris tui atque Pontificis, cujus venerandam celebramus festivitatem, precibus indulgentiam consequamur. Per Dominum.

*Die xv. Julii.*

IN FESTO S. HENRICI  
Confessoris.

*Missæ, Os just. ut in Comuni Confessoris non Pontificis.*  
xxii. *Oratio.*

**D**Eus, qui hodierna die beatum Henricum Confessorem tuum è terreni culmine Imperii ad regnum æternum transtulisti: te supplices exoramus; ut sicut illum gratiæ tuæ ubertate præventum, illécebras sæculi superare fecisti; ita nos facias, ejus imitatione, mundi hujus blandimenta vitare, & ad te puris mentibus pervenire. Per Dominum nostrum.

*Die xvi. Julii.*

IN FESTO B. Virginis  
MARIÆ de Monte Carmelo.

*Introitus.*

**G**Audeamus omnes in Domino, diem festum celebrantes, sub honore beatæ Mariæ virginis: de cujus sollemnitate gaudent Angeli, & collaudant Filium Dei.

*Psal. 44.* Eruetavit cor meum verbum bonum: dico ego opera mea Regi.

v. Glória Patri.

*Oratio.*



*Oratio.*

**D**Eus, qui beatissimæ semper virginis & genitricis tuæ Mariæ singulari titulo Carmeli Ordinem decorasti: concède propitius, ut cujus hodie commemorationem solemni celebramus officio, ejus muniti præsiis, ad gaudia sempiterna pervenire mereamur. Qui vivis & regnas.

Lectio libri Sapientiae.

*Eccli. 24. c.*

**E**go quasi vitis fructificavi suavitatem odoris: & flores mei fructus honoris, & honestatis. Ego mater pulchræ dilectionis, & timoris, & agnitionis, & sanctæ spei. In me grátia omnis viæ & veritatis, in me omnis spes vitæ & virtutis. Transíte ad me omnes qui concupiscitis me, & à generationibus meis implémini. Spíritus enim meus super mel dulcis, & hæreditas mea super mel, & favum. Memória mea in generationes sæculorum. Qui edunt me, adhuc esúrient: & qui bibunt me, adhuc sítient. Qui audit me, non confundétur: & qui operántur in me, non peccábunt. Qui elúcidant me, vitam ætérnam habébunt.

*Graduale.* Benedícta & venerábilis es virgo María, quæ sine tactu pudóris, inventa es Mater Salvatóris.

*℣.* Virgo Dei Génitrix, quem totus non capit orbis, in tua se clausit víscera factus homo.

Allelúia, allelúia.

*℣.* Per te Dei Génitrix nobis est vita pérdita data: quæ de cœlo suscepisti prolem; & mundo genuisti Salvátorem. Allelúia.

Sequéntia sancti Evangélíi secúndum Lucam.

*Luc. 11.*

**I**N illo témpore: Loquén-te Jesu ad turbas, extól-lens vocem quædam mulier de turba, dixit illi: Beátus venter, qui te portávit: & úbera, quæ suxísti. At ille dixit: Quínimò, beáti qui áudiunt verbum Dei, & custódiunt illud. Credo.

*Offertorium.* Recordáre virgo Mater, in conspéctu Dei, ut loquáris pro nobis bona, & ut avértas indignatióem suam à nobis. *Secreta.*

**S**anctífica, Dómine quæsumus, oblata libámina: & beatæ Dei Genitricis Mariæ salubérrima intercessióne, nobis salutária fore concède. Per eúndem Dóminum.

*Præfatio.* Et te in Commemoratione beatæ Mariæ.

*Communio.* Regina mundi digníssima, María virgo perpétua, intercède pro nostra pace & salúte, quæ genuisti Christum Dóminum Salvátorem ómnium.

*Postcommunio.*

**A**Djuvet nos, quæsumus Dómine, gloriósæ tuæ genitricis, sempérque virginis Mariæ intercessio veneránda: ut quos perpétuis cumulávit beneficiis, à cunctis perículis absolutos sua fáciat pietáte concórdes. Qui vivis & regnas.

*Die xvii. Julii.*

IN FESTO S. ALEXII Confess.

*Introitus.*

*Psal. 36.*

**O**S justí meditábitur sapiéntiam, & lingua ejus loqué-



loquétur iudícium: lex Dei  
ejus in corde ipsius.

*Psal. ibid.* Noli æmulári  
in malignántibus: neque ze-  
láveris faciéntes iniquitátem.

℣. Glória Patri.

*Oratio.*

**D**Eus, qui nos beáti Aléxii  
Confessóris tui ánnua  
solemnitate lætíficas: concéde  
propítius; ut cujus natalítia  
cólimus, étiam actiónes imi-  
temur. Per Dóminum.

Lectio Epístolæ beáti Pauli  
Apóstoli ad Timótheum.

*1 Tim. 6. b.*

**C**harissime, Est quæstus  
magnus, pietas cum suf-  
ficiéntia. Nihil enim intú-  
limus in hunc mundum:  
haud dúbium quòd nec au-  
ferre quid póssumus. Habén-  
tes autem aliménta, & qui-  
bus tegámur, his conténti  
sumus. Nam qui volunt dí-  
vites fieri, incidunt in ten-  
tationem, & in láqueum diá-  
boli, & desidéria multa inu-  
tília & nocíva, quæ mergunt  
hómines in intéritum & per-  
ditionem. Radix enim om-  
nium malórum est cupiditas:  
quam quidam appeténtes, er-  
ravérunt à fide, & inferué-  
runt se dolóribus multis. Tu  
autem ò homo Dei hæc fu-  
ge; sectáre verò justítiam,  
pietátem, fidem, charitátem,  
patiéntiam, mansuetúdinem.  
Certa bonum certámen fi-  
dei, apprehénde vitam æté-  
nam.

*Graduale. Psal. 91.* Justus  
ut palma florébit: sicut ce-  
drus Líbani multiplicábitur  
in domo Dómini. ℣. Ad  
annuntiándum manè miseri-

córdiam tuam, & veritátem  
tuam per noctem.

Allelúia, allelúia.

℣. *Jac. 1.* Beátus vir, qui  
suffert tentationem: quóniam  
cúm probátus fúerit, accípiet  
corónam vitæ. Allelúia.

Sequéntia sancti Evangélii se-  
cúndum Matthæum.

*Matth. 19.*

**I**N illo témpore: Dixit Pe-  
trus ad Jesum: Ecce nos  
relíquimus ómnia, & secúti  
sumus te: quid ergo erit no-  
bis? Jesus autem dixit illis:  
Amen dico vobis, quòd vos,  
qui secúti estis me, in rege-  
neratione eúm féderit Fílius  
hóminis in sede majestátis  
suæ, sedébitis & vos super se-  
des duódecim, judicántes du-  
ódecim tribus Israël. Et om-  
nis, qui reliquerit domum,  
vel fratres, aut soróres, aut  
patrem, aut matrem, aut ux-  
órem, aut filios, aut agros,  
propter nomen meum, cén-  
tuplum accípiet, & vitam æ-  
tértiam possidébit.

*Offertorium. Psal. 88.* Vé-  
ritas mea, & misericórdia mea  
cum ipso: & in nómine meo  
exaltábitur cornu ejus.

*Secreta.*

**L**audis tibi, Dómine, hós-  
tias immolámus in tuó-  
rum commemoratióne Sanc-  
tórum: quibus nos & præsen-  
tibus exui malis confidimus,  
& futúris. Per Dóminum.

*Communio. Matth. 24.* Beá-  
tus servus, quem, cúm véne-  
rit Dóminus, invenerit vigi-  
lántem; amen dico vobis,  
super ómnia bona sua consti-  
tuét eum.



*Postcommunio.*

**R**efecti cibo potuque cœlesti, Deus noster, te supplices exoramus: ut in cuius hæc commemoratione percipimus, ejus muniamur & precibus. Per Dñm.

*Die xviii. Julii.*

IN FESTO S. CAMILLI  
de Lellis Confessoris.

*Introitus. Joan. 15.*

**M**ajorem hac dilectionem nemo habet, ut animam suam ponat quis pro amicis suis.

*Psal. 40.* Beatus, qui intelligit super egenum, & pauperem: in die mala liberabit eum Dñus.

v. Glória Patri.

*Oratio.*

**D**eus, qui sanctum Camillum, ad animarum in extremo agone luctantium subsidium, singulâri charitatis prærogativa decorasti: ejus, quaesumus, meritis, Spíritum nobis tuæ dilectionis infunde: ut in hora exitus nostri, hostem vincere, & ad cœlestem mereamur coronam pervenire. Per Dñm nostrum. . . . . in unitate ejusdem Spíritus sancti.

*Pro commemoratione SS. Symphoræ & septem Filiorum Martyrum.*

*Oratio.*

**D**eus, qui nos concedis sanctorum Martyrum tuorum Symphoræ & filiorum ejus, natalitia cõlere: da nobis in æterna beatitudine de eorum societate gaudere. Per Dñm nostrum Jesum Christum Fílium tuum: Qui tecum.

Lectio Epistolæ beati Joannis  
Apóstoli. I. 3. b.

**C**harissimi: Nolite mirari, si odit vos mundus. Nos scimus, quoniam translâti sumus de morte ad vitam, quoniam diligimus fratres. Qui non diligit, manet in morte: omnis, qui odit fratrem suum, homicida est. Et scitis, quoniam omnis homicida, non habet vitam æternam in semetipso manentem. In hoc cognovimus charitatem Dei, quoniam ille animam suam pro nobis posuit, & nos debemus pro fratribus animas ponere. Qui habuerit substantiam hujus mundi, & viderit fratrem suum necessitatem habere, & clâuserit viscera sua ab eo, quomodo charitas Dei manet in eo? Filii mei, non diligamus verbo, neque lingua, sed opere, & veritate.

*Grad. Psal. 36.* Os iusti meditabitur sapiéntiam, & lingua ejus loquetur iudicium. Lex Dei ejus in corde ipsius, & non supplantabuntur gressus ejus.

Allelúia, allelúia.

v. *Psal. 111.* Beatus vir, qui timet Dñm, in mandatis ejus capit nimis, Alhel.

Sequéntia sancti Evangelii secundum Joannem. 15.

**I**n illo tempore: Dixit Jesus discipulis suis: Hoc est præceptum meum, ut diligatis invicem, sicut dilexi vos. Majorem hac dilectionem nemo habet, ut animam suam ponat quis pro amicis suis. Vos amici mei estis, si feceritis, quæ ego præcipio vobis: Jam non dicam vos servos: quia servus nescit, quid faci-



at dñus ejus. Vos tamen dixi amicos: quia omnia quæcumque audivi à Patre meo, nota feci vobis. Non vos me elegistis: sed ego elegi vos, & posui vos, ut eatis, & fructum afferatis, & fructus vester maneat: ut quodcumque petieritis Patrem in nōmine meo, det vobis.

*Offert. Ps. 20.* In virtute tua, Dñe, lætabitur justus, & super salutare tuum exultabit vehementer: desiderium animæ ejus tribuisti ei.

*Secreta.*

**H**ostia immaculata, qua illud Dñi nostri Jesu Christi immensæ charitatis opus renovamus, sancto Camillo intercedente, sit contra omnes corporis, & animæ infirmitates, salutare remedium, & in extremo agone solatium, & tutela. Per eundem Dñum nostrum.

*Pro SS. Symphorosa, & septem Filiis Martyribus,*

*Secreta.*

**M**unera tibi, Dñe, nostræ devotionis offerimus: quæ & pro tuorum tibi grata sint honore justorum, & nobis salutaria, te miserante, reddantur. Per Dñum nostrum Jesum Christum Filium tuum.

*Commun. Matt. 25.* Infirmus fui, & visitastis me: Amen, amen dico vobis: quamdiu fecistis uni ex his fratribus meis minimis, mihi fecistis.

*Postcommunio.*

**P**er hæc cœlestia alimenta, quæ, sancti Camilli Confessoris tui solœmnia cele-

brantes, pia devotione suscepimus: da, quæsumus, Dñe, ut in hœra mortis nostræ Sacramentis refecti, & culpis omnibus expiati, in sinum misericordiæ tuæ, læti suscipi mereamur. Qui vivis & regnas cum.

*Pro SS. Symphorosa, & septem Filiis Martyribus,*

*Postcommunio.*

**P**ræsta nobis, quæsumus, Dñe intercedentibus sanctis Martyribus tuis Symphorosa & filiis ejus: ut quod ore contingimus, pura mente capiamus. Per Dñum.

*Die xix. Julii.*

IN FESTO S. VINCEN-  
TII à Paulo, Confessoris.

*Missæ.* Justus ut palma. *de Comuni Confess. non Pontif. xxiii.*

*Oratio.*

**D**eus, qui ad evangelizandum pauperibus, & Ecclesiastici Ordinis decorem promovendum, beatum Vincentium Apostolica virtute roborasti: præsta quæsumus; ut cujus pia mèrita veneramur, virtutum quoque instruiamur exemplis. Per Dñum nostrum.

*Evangelium.* Designavit Dñus. *sumatur ex Festo S. Ignatii die 31. hujus Mensis.*

*Die xx. Julii.*

IN FESTO S. HIERONY-  
MI Æmiliani Confessoris.

*Introitus. Jer. Thr. 2.*

**E**ffusum est in terra jecur meum super contritione filiae populi mei, cum deficeret parvulus, & lactens in



platéis oppidi. *Ps.* 112. Laudate pueri Dóminum: laudate nomen Dómini.

*v.* Glória Patri.

*Oratio.*

**D**Eus, misericordiárum Pater, per mérita & intercessiōnem beáti Hierónymi, quem órphanis adiutórem & patrem esse voluisti: concede, ut spíritum adoptiōnis, quo filii tui nominámur & sumus, fidéliter custodiámus, Per Dóminum.

*Pro Commem. S. Margaritæ Virg. & Mart. Oratio.* Indulgentiam nobis &c. *Vide Com. xxvii.*

Lectio Isaíæ Prophétæ.

*Isa. 58.*

**F**RANGE esuriénti panem tuum, & egénos vagósque induc in domum tuam: cūm videris nudum, óperi eum, & carnem tuam ne despéxeris. Tunc erumpet quasi mane lumen tuum, & fánitas tua citius oriétur, & antefibit faciém tuam justitia tua, & glória Dómini colliget te. Tunc invocabis, & Dóminus exáudiet: clamábis, & dicet, Ecce adsum: si abstúleris de médio tui caténam & desieris exténdere dígitum, & loqui quod non prodest. Cūm effúderis esuriénti animam tuam, & animam afflictam repléveris, oriétur in ténebris lux tua, & ténebræ tuæ erunt sicut merídiés. Et réquiem tibi dabit Dóminus semper, & implébit splendóribus animam tuam, & ossa tua liberábit, & eris quasi hortus irriguus, & sicut fons aquarum, cujus non deficient aquæ.

*Grad. Prov. 5.* Derivéntur fontes tui foras, & in platéis aquas tuas dívide.

*v. Ps. 111.* Jucúndus homo, qui miserétur & cómmodat: dispónet sermónes suos in judício, quia in ætérnum non commovébitur.

Allelúia, allelúia.

*v.* Dispérfit, dedit paupéribus: justitia ejus manet in sæculum sæculi, Allelúia.

Sequéntia sancti Evangélii secúndum Matthæum.

*Matth. 19.*

**I**N illo témpore: Obláti sunt Jesu párvuli, ut manus eis impóneret & oráret. Discípuli autem increpábant eos. Jesus verò ait eis: Sinite párvulos, & nolite eos prohibére ad me venire: talium est enim regnum cœlórum. Et cūm imposuisset eis manus, abiit inde. Et ecce unus accédens, ait illi: Magíster bone, quid boni faciám, ut hábeam vitam ætérnam? Qui dixit ei: Quid me intérogas de bono? Unus est bonus, Deus. Si autem vis ad vitam ingredi, serva mandata: Dicit illi: Quæ? Jesus autem dixit: Non homicídium faciés: Non adulterábis: Non faciés furtum: Non falsum testimónium dicés: Honóra patrem tuum, & matrem tuam, & díliges próximum tuum sicut teípsum. Dicit illi adoléscent: Omnia hæc custodívi à juventúte mea, quid adhuc mihi deest? Ait illi Jesus: Si vis perfectus esse, vade, vende quæ habes, & da paupéribus, & habébis thesáurum in cœlo: & veni, séquere me.

*Offert.*



*Offert. Tob. 12.* Quando orábas cum lácrymis, & sepe-  
liébas mórtuos, & derelinqué-  
bas prándium tuum, & mórtu-  
os abscondébas per diem in  
dómo tua, & nocte sepeliébas  
eos, ego óbtuli oratiónem tu-  
am Dómino.

*Secreta.*

**C**lementíssime Deus, qui  
vétéri hómine consump-  
to, novum secúndum te in be-  
áto Hierónymo créare digná-  
tus es: da, per mérita ipsíus,  
ut nos páriter renováti, hanc  
placatiónis hóstiam in odórem  
tibi suavíssimum offerámus.  
Per Dóminum.

*Pro S. Margarita, Secreta.*  
Hostias tibi, &c. xxviii.

*Communio. Jac. 1.* Religio  
munda & immaculáta apud  
Deum & Patrem, hæc est:  
Visitare pupílos, & víduas  
in tribulatióne eórum, & im-  
maculátum se custodire ab  
hoc sæculo.

*Postcommunio.*

**A**ngelórum pane refécti  
te, Dómine, supplíci-  
ter deprecámur: ut qui án-  
nuam beáti Hierónymi Con-  
fessóris tui memóriam cele-  
bráre gaudémus, ejúsdem éti-  
am & exéplum imitémur,  
& amplíssimum in regno tuo  
præmium obtinére valeámus.  
Per Dóminum.

*Pro S. Margarita, Postcomm.*  
Divini muneris, &c. xxviii.

*Die xxi. Julii.*

S. PRAXEDIS VIRGINIS.

*Introitus. Psal. 118.*

**L**oquébar de testimoniis  
tuis in conspéctu regum,

& non confundébar: & medi-  
tábar in mandátis tuis, quæ  
diléxi nimis.

*Psal. ibid.* Beáti immaculáti  
in via: qui ámbulant in lege  
Dómini.

*v. Glória Patri. Oratio.*

**E**xáudi nos Deus salutáris  
noster: ut sicut de beátæ  
Praxedis vírginis tuæ festivi-  
táte gaudémus; ita piæ de-  
votiónis erudiámur afféctu.  
Per Dóminum.

Léctio Epístolæ beáti Pauli  
Apóstoli ad Corínthios.

*1. Cor. 7.*

**F**ratres, De vírgínibus præ-  
céptum Dómini non há-  
beo: consílium autem do, tam-  
quam misericórdiam consecú-  
tus à Dómino, ut sim fidélis.  
Exístimo ergo hoc bonum esse  
propter instántem necessitá-  
tem, quóniam bonum est hó-  
mini sic esse. Alligátus es uxó-  
ri? noli quærere solutiónem.  
Solútus es ab uxóre? noli quæ-  
rere uxórem. Si autem accépe-  
ris uxórem, non peccásti. Et si  
núpserit virgo, non peccávit.  
Tribulatiónem tamen carnis  
habébunt hujúsmodi. Ego au-  
tem vobis parco. Hoc itaque  
dico, fratres: Tempus breve  
est: réliquum est, ut & qui ha-  
bent uxóres, tamquam non ha-  
bentes sint: & qui flent, tam-  
quam non flentes: & qui gau-  
dent, tamquam non gaudén-  
tes: & qui emunt, tamquam  
non possidentes: & qui utuntur  
hoc mundo, tamquam non  
utántur: præterit enim figúra  
hujus mundi. Volo autem vos  
sine sollicitúdine esse. Qui sine  
uxóre est: solícitus est quæ  
Dómini sunt, quómodo plá-  
ceat Deo. Qui autem cum  
uxóre



uxóre est: solícitus est quæ sunt mundi, quómodo pláceat uxóri, & dívísus est. Et múlier innúpta, & virgo cógitat quæ Dómini sunt, ut sit sancta córpore & spírítu. In Christo Jesu Dómino nostro.

*Graduale. Psal. 44.* Dilexísti iustítiam, & odísti iniquitátem. *V.* Proptérea unxit te Deus, Deus tuus óleo lætítiae. Allelúia, allelúia.

*V.* Spécie tua, & pulchritúdine tua inténde, prósperè procéde, & regna. Allelúia.

Sequéntia sancti Evangélíi secúndum Matthæum.

*Matth. 13.*

**I**N illo témpore: Dixit Jesus discíplis suis parábolam hanc: Símile est regnum cœlórum thesauro abscondito in agro: quem qui invenit homo, abscondit, & præ gáudio illíus vadit, & vendit univérsa quæ habet, & emit agrum illum. Iterum símile est regnum cœlórum hómini negotiatóri quærénti bonas margarítas. Inventa autem una pretiósa margaríta, abiit, & vendidit ómnia quæ hábuit, & emit eam. Iterum símile est regnum cœlórum sagénæ missæ in mare, & ex omni génere píscium congregánti. Quam, cùm impléta esset, educéntes, & secus littus sedéntes, elegérunt bonos in vasa, malos autem foras misérunt. Sic erit in consummatione sæculi. Exibunt Angeli, & separábunt malos de médio iustórum, & mittent eos in camínium ignis: ibi erit fletus, & stridor déntium. Intellexístis hæc ómnia? Di-

cunt ei: Etiam. Ait illis: Ideo omnis scriba doctus in regno cœlórum, símilis est hómini patrifamílias, qui profert de thesauro suo nova & vétéra.

*Offertorium. Ps. 44.* Diffúsa est grátia in lábiis tuis: proptérea benedíxit te Deus in ætérnum, & in sæculum sæculi.

*Secreta.*

**A**Ccépta tibi sit, Dómine, sacratæ plebis oblátio, pro tuórum honóre Sanctórum: quorum se méritis de tribulatione percepísse cognóscit auxílium. Per Dóminum.

*Communio. Matth. 13.* Símile est regnum cœlórum hómini negotiatóri, quærénti bonas margarítas: inventa una pretiósa margaríta, dedit ómnia sua, & comparávit eam.

*Postcommunio.*

**S**atiásti Dómine famíliam tuam munéribus sacris: ejus quæsumus, semper interventióne nos résove, cujus solémnia celebrámus. Per Dóminum.

*Die xxii. Julii.*

IN FESTO S. MARIÆ  
Magdalénæ.

*Introitus. Psal. 118.*

**M**E expectavérunt peccatóres, ut pérderent me: testimónia tua Dómine intellexi: omnis consummationis vidi finem: latum mandatum tuum nimis.

*Psal. ibid.* Beáti immaculáti in via: qui ámbulant in lege Dómini.

*V.* Glória Patri.

*Oratio.*

**B**eatæ Mariæ Magdalénæ, quæsumus Dómine, suffrágíis adjuvémur: cujus precibus



cibus exoratus, quatríduānum fratrem Lázaram vivum ab inferis resuscitasti. Qui vivis & regnas.

Lectio libri Sapiéntiæ.

*Cant. 3.*

**S**urgam, & circuibo civitatem: per vicos & plateas quæram quem diligit anima mea: quæsi vi illum, & non invēni. Invenērunt me vīgiles, qui custodiunt civitatem. Num quem diligit anima mea, vidistis? Pāululum cum pertransissem eos, invēni quem diligit anima mea: tēnuī eum; nec dimittam, donec introducam illum in domum matris meæ, & in cubiculum genitricis meæ. Adjūro vos filiæ Jerūsalem per capreas cervosque camporum; ne suscitētis, neque evigilāre faciātis dilectam, donec ipsa velit. Pone me ut signāculum super cor tuum, ut signāculum super brāchium tuum: quia fortis est ut mors dilectio: dura sicut infērnus æmulatio: lāmpades ejus, lāmpades ignis, atque flammārum. Aquæ multæ non potuerunt extingūere charitatem, nec flūmina obruent illam: si dederit homo omnem substantiam domus suæ pro dilectione, quasi nihil despiciet eam.

*Graduale. Ps. 44.* Dilexisti justitiam, & odisti iniquitatem. *v.* Propterea unxit te Deus, Deus tuus oleo lætitiæ.

Allelūia, allelūia.

*v.* Diffusa est grātia in labiis tuis, propterea benedixit te Deus in ætēnum. Allelūia. Sequētia sancti Evangēlii secundū Lucam.

*Luc. 7. f.*

**I**n illo tempore: Rogabat Jesum quidam de Phari-

sæis, ut manducāret cum illo. Et ingressus domum Pharisæi, discubuit. Et ecce mulier, quæ erat in civitate peccatrix, ut cognovit quod accubuisset in domo Pharisæi, attulit alabāstrum unguenti: & stans retrò secus pedes ejus, lacrymis cæpit rigare pedes ejus, & capillis capitis sui tergebat, & osculabatur pedes ejus, & unguento ungebat. Videns autem Pharisæus, qui vocāverat eum, ait intra se, dicens: Hic si esset Propheta, sciret utique quæ & qualis est mulier, quæ tangit eum: quia peccatrix est. Et respondens Jesus, dixit ad illum: Simon, habeo tibi aliquid dicere. At ille ait: Magister, dic. Duo debitores erant cuīdam scenaratori: unus debēbat denarios quingētos, & alius quinquaginta. Non habentibus illis unde redderent, donavit utrisque. Quis ergo eum plus diligit: Respondens Simon, dixit: Æstimo quia is, cui plus donavit. At ille dixit ei: Recte judicasti. Et conversus ad mulierem, dixit Simōni: Vides hanc mulierem? Intravi in domum tuam, aquam pedibus meis non dedisti: hæc autem lacrymis rigavit pedes meos, & capillis suis terxit. Osculum mihi non dedisti: hæc autem, ex quo intravi, non cessavit osculari pedes meos. Oleo caput meum non unxisti: hæc autem unguento unxit pedes meos. Propter quod dico tibi: Remittuntur ei peccata multa, quoniam dilexit multum. Cui autem minus dimittitur, minus diligit. Dixit autem ad illam: Remittuntur tibi peccata. Et cæperunt qui simul accum-



accumbébant, dicere intra se :  
Quis est hic, qui étiam pec-  
cáta dimíttit? Dixit autem ad  
mulierem : Fides tua te salvam  
fecit : vade in pace. Credo.

*Offertorium. Psal. 44.* Fíliæ  
regum in honóre tuo : ástitit  
regína à dextris tuis in vestítu  
deauráto, circúmdata varic-  
táte.

*Secreta.*

**M**Unera nostra, quæsu-  
mus Dómine, beátæ  
Mariæ Magdalénæ gloriósa  
mérita tibi reddant accépta :  
cujus oblatiónis obsequium  
unigénitus Fílius tuus cle-  
ménter fuscépit impénsus.  
Qui tecum vivit.

*Communio. Psal. 118.* Feci  
judícium & justítiam, Dómi-  
ne, non calumniéntur mihi  
supérbi : ad ómnia mandáta  
tua dirigébar, omnem viam  
iniquitátis ódio hábui.

*Postcommunio.*

**S**umpto, quæsumus Dómi-  
ne, único ac salutári remé-  
dio, corpore & ságuine tuo  
retiósó : ab ómnibus malis,  
sanctæ Mariæ Magdalénæ pa-  
trociniiis eruámur. Qui vivis  
& regnas.

*Die xxiii. Julii.*

IN FESTO S. APOLLI-  
NARIS Episc. & Mart.

*In rogitus. Dan. 3.*

**S**acerdótes Dei benedícite  
Dóminum : Sancti & hú-  
miles corde laudáte Deum.

*Dan. ibid.* Benedícite ómnia  
ópera Dómini Dómino : lau-  
dáte & superexáltáte eum in  
sæcula.

v. Glória Patri.

*Oratio.*

**D**Eus, fidélium remunerá-  
tor animárum, qui hunc  
diem beáti Apollináris sacer-  
dótis tui martyrio consecrásti :  
tribue nobis, quæsumus, fá-  
mulis tuis ; ut, cujus vene-  
rándam celebrámus festivitá-  
tem, précibus ejus indulgén-  
tiam consequámur. Per Dó-  
minum nostrum.

¶ *Pro commem. S. Liborii  
Episcopi & Confess.*

*Oratio.*

**D**A, quæsumus omnípo-  
tens Deus : ut beáti Li-  
bórii Confessóris tui atque  
Pontíficis veneránda solémni-  
tas, & devotióne nobis áu-  
geat & salútem. Per Dómi-  
num nostrum.

Léctio Epístolæ beáti Petri  
Apóstoli. 1. Pet. 5.

**C**haríssimi, Senióres, qui  
in vobis sunt, óbsecro,  
consénior & testis Christi pas-  
siónum : qui & ejus, quæ in fu-  
túro revelánda est, glóriæ com-  
municátor : páscite qui in vo-  
bis est, gregem Dei, providén-  
tes non coáctè, sed spontáneè  
secúndum Deum : neque tur-  
pislúcri grátia, sed voluntáriè :  
neque ut dominátes in cleris,  
sed forma facti gregis ex áni-  
mo. Et cùm apparúerit prin-  
ceps pastórum, percipiétis im-  
marcescibilem glóriæ coró-  
nam. Simíliter adolescéntes  
súbditi estóte senióribus. Om-  
nes autem invicem humilitá-  
tem insinuáte ; quia Deus su-  
perbis resístit, humílibus au-  
tem dat grátiam. Humiliámi-  
ni ígitur sub poténti manu  
Dei, ut vos exáltet in témpore  
visitatiónis : omnem sollicitú-  
dinem véstram projiciéntes in  
eum, quóniam ipsi cura est de  
vobis.



vobis. Sóbrii estóte, & vigiláte: quia adversárius vester diábolus tamquam leo rúgiens circuit, quærens quem devoret: cui resístite fortes in fide; sciéntes eámdem passióem ei, quæ in mundo est, vestræ fraternitáti fieri. Deus autem omnis grátia, qui vocávit nos in ætérnam suam glóriam in Christo Jesu; módicum passos ipse perficiet; confirmábit, solidabítque. Ipsi glória, & impérium in sæcula sæculórum: Amen.

*Graduale. Ps. 88.* Inveni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum. *Ps. 109.* Nihil proficiet inimicus in eo: & filius iniquitátis non nocébit ei.

Allelúia, allelúia.

*Ps. 109.* Jurávit Dóminus, & non pœnitébit eum: Tu es sacerdos in ætérnum, secúndum órđinem Melchisedech. Allelúia.

Sequéntia sancti Evangélíi secúndum Lucam.

*Luc. 22.*

**I**N illo témpore: Facta est conténtio inter discípulos, quis eórum viderétur esse major? Dixit autem eis Jesus: Reges Géntium dominántur eórum: & qui potestátem habent super eos, benéfici vocántur. Vos autem non sic: sed qui major est in vobis, fiat sicut minor; & qui præcéssor est, sicut ministrátor. Nam quis major est, qui recúmbit, an qui ministrat? nónne qui recúmbit? Ego autem in médio vestrum sum, sicut qui ministrat:

vos autem estis, qui perman-sístis mecum in tentatióibus meis. Et ego dispóno vobis, sicut dispósuit mihi Pater meus regnum, ut edátis, & bibátis super mensam meam in regno meo: & sedeátis super thronos judicántes duódecim tribus Israél.

*Offertorium. Ps. 88.* Véritas mea, & misericórdia mea cum ipso: & in nómine meo exaltábitur cornu ejus.

*Secreta.*

**R**Espice Dómine propítius super hæc múnera, quæ pro beáti sacerdotis & Mártiris tui Apollináris commemoratione deférimus, & pro nostris offensióibus immolámus. Per Dóminum.

*Pro S. Liborio. Secreta.*

**S**Ancti tui, quæsumus Dómine, nos ubique lætíficent: ut dum eórum mérita recólimus, patrocínia fentiámus. Per Dóminum.

*Communio. Matt. 25.* Dómine, quinque talénta tradidísti mihi: ecce ália quinque superlucrátus sum: euge ferve bone & fidélis: quia in pauca fuísti fidélis, supra multa te constítuam, intra in gáudium dómíni tui.

*Postcommunio.*

**T**ua sancta suméntes, quæsumus Dómine, ut beáti Apollináris nos foveant continuáta præsidia: quia non definis propítius intuéri, quos talibus auxiliis concésseris adjuvári. Per Dóminum.

*Pro S. Liborio. Postcomm.*

**P**Ræsta quæsumus omnipotens Deus: ut de percéptis munéribus grátias exhibéntes, intercedénte beáto Libório Confessóre tuo atque Pontífice,



ce, beneficiâ potiôra fumâ-  
mus. Per Dóminum.

*Die xxiv. Julii.*

IN VIGILIA S. JACOBI  
Apostoli.

*Missâ.* Ego autem sicut  
olîva. *de Comuni.* i. *Et fit*  
*commemor.* S. *Christinæ virg.*  
*& mart. cum Orationibus ex*  
*Missâ,* Me expectavérunt.  
xxxi. *& tertia Oratio de S. Ma-*  
*ria,* Concède nos. 236.

¶ *Si festum S. Jacobi venerit*  
*Feria ii. de Vigilia fit commem.*  
*in Sabbato in Missâ S. Apolli-*  
*naris, & tunc pro commem. S.*  
*Liborii sumatur Oratio.* Exáu-  
di, quæsumus. xviii. *de S.*  
*Christina verò fit in Dominica.*

*Die xxv. Julii.*

IN FESTO S. JACOBI  
Apostoli.

*Introitus. Psal. 138.*

**M**ihi autem nimis hono-  
râti sunt amici tui  
Deus: nimis confortâtus est  
principâtus eorum.

*Psal. ibid.* Dómine probâsti  
me, & cognovisti me: tu cog-  
novisti sessionem meam, &  
resurrectionem meam.

v. Glória Patri.

*Oratio.*

**E**sto Dómine, plebi tuæ  
sanctificâtor & custos: ut  
Apóstoli tui Jacóbi munîta  
præsidiis, & conversatióne  
tibi pláceat, & secúra mente  
deserviat. Per Dóminum.

¶ *Pro commemoratione S. Chris-*  
*tophori mart.*

*Oratio.*

**P**ræsta quæsumus omni-  
potens Deus: ut qui, beâti

Christóphori mártiris tui na-  
talitia cólimus, intercessióne  
ejus in tui nóminis amore ro-  
borémur. Per Dóminum.

Léctio Epístolæ beâti Pauli  
Apóstoli ad Corínthios.

i. Cor. 2. b.

**F**ratres, Puto quòd Deus  
nos Apóstolos novíssimos  
osténdit, tamquam mortidesti-  
nâtos: quia spectâculum facti  
sumus mundo, & Angelis, &  
homínibus. Nos stulti propter  
Christum, vos autem prudén-  
tes in Christo: nos infirmi,  
vos autem fortes: vos nóbiles,  
nos autem ignóbiles. Usque  
in hanc horam & esurimus, &  
sitimus, & nudi sumus, & colá-  
phis cædimur, & instábiles su-  
mus, & laborâmus operântes  
mánibus nostris: maledíci-  
mur, & benedícimus: perse-  
cutiônem pâtimur, & sustinê-  
mus: blasphemâmur, & obse-  
crâmus: tamquam purgamén-  
ta hujus mundi facti sumus,  
ómnium peripséma usque ad-  
huc. Non ut confundam vos,  
hæc scribo, sed ut filios meos  
charíssimos moneo. Nam si  
decem míllia pædagogorum  
habeátis in Christo: sed non  
multos patres. Nam in Chris-  
to Jesu per Evangélium ego  
vos genui.

*Graduale. Ps. 44.* Constitues  
eos príncipes super omnem  
terram: mémores erunt nómi-  
nis tui, Dómine. v. Pro pátri-  
bus tuis nati sunt tibi filii: prop-  
tèreâ pópuli confitebúntur  
tibi.

Allelúia, allelúia.

v. Ego vos elégi de mundo,  
ut eátis, & fructum afferátis,  
&



& fructus vester maneat. Allelúia.

Sequéntia sancti Evangelii secundum Matthæum.

*Matth. 20.*

**I**N illo tempore: Accéssit ad Jesum mater filiorum Zebedæi cum filiis suis, adorans & petens aliquid ab eo. Qui dixit ei: Quid vis? Ait illi: Dic ut sedeant hi duo filii mei, unus ad dexteram tuam, & unus ad sinistram in regno tuo. Respondens autem Jesus, dixit: Nescitis quid petatis. Potestis bibere calicem, quem ego bibiturus sum? Dicunt ei: Possumus. Ait illis: Calicem quidem meum bibetis: sedere autem ad dexteram meam, vel sinistram, non est meum dare vobis, sed quibus paratum est à Patre meo. Credo.

*Offertorium. Ps. 18.* In omnem terram exiit sonus eorum, & in fines orbis terræ verba eorum.

*Secreta.*

**O**blationes populi tui, quæsumus Domine, beati Jacobi Apostoli passio beata conciliet: & quæ nostris non aptæ sunt meritis, fiant tibi placitæ ejus deprecatione. Per Dominum.

*Pro S. Christophoro martyre.*

*Secreta.*

**M**uneribus nostris, quæsumus Domine, precibusque susceptis: & cœlestibus nos munda mysteriis, & clementer exaudi. Per Dominum nostrum.

*Præfatio de Apostolis.*

*Communio. Matt. 19.* Vos qui secuti estis me, sedebitis super

sedes, judicantes duodecim tribus Israël.

*Postcommunio.*

**B**Eati Apostoli tui Jacobi, quæsumus Domine, intercessione nos adjuva: pro cuius festivitatem percipimus tuam sancta lætantes. Per Dominum.

*Pro S. Christophoro mart.*

*Postcommunio.*

**D**A quæsumus Domine Deus noster: ut sicut tuorum commemoratione Sanctorum, temporali gratulamur officio, ita perpetuo lætemur aspectu. Per Dominum.

*Die xxvi. Julii.*

IN FESTO S. ANNÆ  
Matris B. MARIÆ Virginis.

*Introitus.*

**G**Audeamus omnes in Domino, diem festum celebrantes sub honore beatæ Annæ: de cuius solemnitate gaudent Angeli, & collaudant Filium Dei.

*Psal. 44.* Eructavit cor meum verbum bonum: dico ego opera mea Regi,

*Ps. Glória Patri. Oratio.*

**D**Eus, qui beatæ Annæ gratiam conferre dignatus es: ut genitricis unigeniti Filii tui mater effici mereretur: concede propitius; ut cuius sollemnia celebramus, ejus apud te patrocinis adjuvemur. Per eundem Dominum.

*Lectio libri Sapientiae.*

*Prov. 31. b.*

**M**ulierem fortem quis inveniet? procul, & de ultimis finibus pretium ejus. Confidit in ea cor viri sui, &



spóliis non indigébit. Reddet ei bonum, & non malum ómnibus diébus vitæ suæ. Quæsívit lanam & linum, & operáta est consílio mánuum suarum. Facta est quasi navis institóris, de longé portans panem suum. Et de nocte surrexit, dedítque prædam domésticis suis, & cibaria ancíllis suis. Considerávit agrum, & emit eum: de fructu mánuum suárum plantávit vineam. Accínxit fortitúdine lumbos suos, & roborávit bráchium suum. Gustávit, & vidit quia bona est negotiatio ejus: non extingúetur in nocte lucérna ejus. Manum suam misit ad fórtia; & dígití ejus apprehendérunt fufum. Manum suam apéruiť inopi, & palmas suas exténdit ad páuperem. Non tímébit dómui suæ à frigóribus nivis; omnes enim doméstici ejus vestíti sũnt duplícibus. Stragulátam vestem fecit sibi: byssus, & púrpura induméntum ejus. Nóbilis in portis vir ejus, quando féderit cum senatóribus terræ. Síndonem fecit, & véndidit, & cíngulum trádidit Chananæo. Fortitúdo & decor induméntum ejus, & ridébit in die novíssimo. Os suum apéruiť sapiéntiæ, & lex cleméntiæ in lingua ejus. Considerávit fémitas domus suæ, & panem otíosa non comédit. Surrexérunt filii ejus, & beatíssimam prædicavérunt, vir ejus, & laudávit eam. Multæ filiæ congregavérunt divítias: tu supergréssa es univérsas. Fallax grátia, & vana est pulchritúdo: mulier tímens Dóminum, ipsa laudábitur; date ei de fructu

mánuum suárum: & laudent eam in portis ópera ejus.

*Graduale. Psalm. 44.* Dilexísti justítiam, & odísti iniquitátem.

ʒ. Proptéreà unxit te Deus, Deus tuus óleo lætítiæ.

Allelúia, allelúia.

ʒ. Diffúsa est grátia in lábiis tuis: proptéreà benedíxit te Deus in ætérnum. Allelúia.

Sequéntia sancti Evangélíi secúndum Matthæum.

*Matth. 13.*

**I**N illo témpore: Dixit Jesus discíplis suis parábolam hanc: Símile est regnum cœlórum thesáuro abscondito in agro: quem qui ínvenit homo, abscondit, & præ gáudio illíus vadit, & vendit univérsa quæ habet, & emit agrum illum. Iterúm símile est regnum cœlórum hómíni negotiátóri quærénti bonas margarítas. Invénta autem una pretiósa margaríta, ábiit, & véndidit ómnia quæ hábuit, & emit eam. Iterúm símile est regnum cœlórum sagénæ missæ in mare, & ex omni genere píscium congregánti; quam, cùm impléta esset, educéntes, & secus littus sedéntes, elegérunt bonos in vasa, malos autem foras misérunt. Sic erit in consummatione sæculi. Exíbunt Angeli, & separábunt malos de médio justórum, & mittent eos in camínus ignis: ibi erit fletus, & stridor déntium. Intellexístis hæc ómnia? Dicunt ei: Etiam. Ait illis: Ideò omnis scribe doctus in regno cœlórum, símilis est hómíni patrifamílias, qui profert de thesáuro suo nova & yétera.

*Offert.*



*Offertor. Psal. 44.* Fíliæ regum in honóre tuo: ástitit regína à dextris tuis in vestítu deauráto, circumdata varietáte.

*Secreta.*

**S**acrificiis præsentibus, qua sumus Dómine, placátus inténde. ut per intercessiónem beátæ Annæ, quæ genitrícis Fílii tui Dómini nostri Jesu Christi mater éxstitit, & devotióni nostræ proficiant & salúti. Qui tecum vivit.

*Communio. ibid.* Diffúsa est grátia in lábiis tuis, propterea benedíxit te Deus in ætérnum, & in sæculum sæculi.

*Postcommunio.*

**C**æléstibus sacraméntis vegetáti, quæsumus Dómine Deus noster; ut intercessióne beátæ Annæ, quam genitrícis Fílii tui matrem esse voluísti, ad ætérnam salútem perveníre mereámur. Qui tecum vivit.

*Die xxvii. Julii.*

S. PANTALEONIS martyris.

*Missæ. Lætábitur justus. de Comuni unius Martyris. vi.*

*Die xxviii. Julii.*

IN FESTO SS. NAZARII, CELSI, & VICTORIS martyr. ac INNOCENTII Papæ, & Conf.

*Introitus. Psal. 78.*

**I**ntret in conspéctu tuo Dómine gémitus compeditórum: redde vicínis nostris séptuplum in sinu eórum: yíndica sánguinem sanctórum

tuórum, qui effúsus est. *Psal. ibid.* Deus venérunt Gentes in hæreditátem tuam, polluerunt templum sanctum tuum: posuerunt Jerúsalem in pomórum custódiam.

*Glória Patri.*

*Oratio.*

**S**anctórum tuórum nos, Dómine, Nazarii, Celsi, Victóris, & Innocéntii confessio beáta commúniat: & fragilitáti nostræ subsídium dignánte exóret. Per Dóminum.

Léctio libri Sapiéntiæ.

*Sap. 10. c.*

**R**eddidit Deus justis mercedem labórum suórum, & dedúxit illos in via mirábili: & fuit illis in velaménto diéi, & in luce stellárum per noctem: tránstulit illos per Mare rubrum, & transvéxit illos per aquám nímiam. Inimícos autem illórum demérsit in mare, & ab altitúdine inferórum edúxit illos. Ideò justi tulérunt spólia impiórum, & decantavérunt, Dómine, nomen sanctum tuum, & victricem manum tuam laudavérunt páriter, Dómine Deus noster.

*Graduale. Exod. 15.* Gloríus Deus in sanctis suis: mirabilis in majestáte, fáciens prodígia. *Ps.* Dextera tua, Dómine, glorificáta est in virtúte: dextera manus tua confrégit inimícos.

Allelúia, allelúia.

*Ps. Eccli. 44.* Córpora sanctórum in pace sepúlta sunt: & nómina eórum vivent in generatióne & generatióne. Allelúia.

Se-



Sequéntia sancti Evangélii secundum Lucam.

*Luc. 21.*

**I**N illo témpore: Dixit Jesus discipulis suis: Cum audiéritis prælia & seditiões, nolíte terréri: opórtet primùm hæc fieri, sed nondum statim finis. Tunc dicébat illis: Surget gens contra gentem, & regnum adversus regnum. Et terræmótus magni erunt per loca, & pestiléntiæ, & fames, terrorésque de cælo, & signa magna erunt. Sed ante hæc ómnia injicient vobis manus suas, & persequéntur, tradéntes in synagógas & custódias, trahéntes ad reges & præsides propter nomen meum: contínget autem vobis in testimónium. Pónite ergo in córdibus vestris non præmeditári quemádmódum respondeátis. Ego enim dabo vobis os & sapiéntiam, cui non póterunt resístere & contradícere omnes adversárii vestri. Tradémini autem à paréntibus, & frátribus, & cognátis, & amícis, & morte afficient ex vobis: & éritis ódio ómnibus propter nomen meum: & capíllus de cápite vestro non períbit. In paciéntia vestra possidébitis ánimas vestras.

*Offertorium. Ps. 67.* Mirábilis Deus in sanctis suis: Deus Israël ipse dabit virtútem, & fortitúdinem plebi suæ: benedíctus Deus, allelúia.

*Secreta.*

**C**oncède nobis omnípotens Deus: ut his munéribus, quæ in sanctórum tuórum Nazárii, Celsi, Victóris, & Innocéntii honóre deféri-

mus, & te placémus exhibitis, & nos vivificémur accéptis. Per Dóminum.

*Communio. Sap. 3.* Et si eoram homínibus torménta passi sunt, Deus tentávit eos: tamquam aurum in fornáce probávit eos, & quasi holocausta accépit eos.

*Postcommunio.*

**S**anctórum Nazárii, Celsi, Victóris, & Innocéntii, Dómine, intercessióne placátus: præsta quæsumus; ut quod temporáli celebrámus actióne, perpétua salvatióne capiámus. Per Dóminum.

*Die xxix. Julii.*

IN FESTO S. MARTHÆ virginis.

*Introitus.*

*Psal. 44.*

**D**ilexisti justítiam, & odisti iniquitátem: propterea unxit te Deus, Deus tuus óleo lætitiæ præ consórtibus tuis.

*Ps. ibid.* Efructávit cor meum verbum bonum: dico ego ópera mea Regi.

v. Glória Patri.

*Oratio.*

**E**Xáudi nos Deus salutáris noster: ut sicut de beatæ Marthæ vírginis tuæ festivitáte gaudémus; ita piæ devotionis erudiámur afféctu. Per Dóminum nostrum.

*Pro commem. SS. Felicis, Simplicii, Faustini, & Beatricis martyrum.*

*Oratio.*

**P**ræsta quæsumus Dómine: ut sicut pópulus Christiánus mártýrum tuórum Felicis, Simplicii, Faustini, & Beatricis temporáli solem-



solemnitate congáudet, ita perfruátur ætérna: & quod votis célebrat, comprehéndat efféctu.

*Ad pascenda Suffragia Sanctorum. Oratio.*

**A** Cunctis nos, quæsumus Dómine, mentis & corporis defénde perículis: & intercedénte beáta & gloriósa semper vírgine Dei genitríce Mariá, cum beátis Apóstolis tuis Petro & Paulo, atque beáto N. & ómnibus Sanctis, salutem nobis tríbe benignus, & pacem; ut destrúctis adversitatibus & erróribus univérſis, Ecclésia tua secúra tibi sérviat libertáte. Per eúndem Dóminum.

Lectio Epístolæ beáti Pauli Apóstoli ad Corínthios.

2. Cor. 10.

**F**ratres, Qui gloriátur, in Dómino gloriétur. Non enim qui seípsum comméndat, ille probátus est; sed quem Deus comméndat. Utinam sustinerétis módicum quid insipientiæ meæ, sed & suppor-táte me. Æmulor enim vos Dei æmulatióne. Despóndi enim vos uni viro víginem castam exhibére Christo.

*Graduale. Ps. 44.* Spécie tua, & pulchritúdine tua inténde, prospérè procéde, & regna. *v.* Propter veritátem, & mansuetúdinem, & justítiam: & dedúcet te mirabíliter dextera tua. Allelúia, allelúia.

*v.* Adducéntur Regi vírgines post eam: próximæ ejus afferéntur tibi in lætítia. Allelúia.

Sequéntia sancti Evangélii secundum Lucam.

*Luc. 10. g.*

**I**N illo témpore: Intrávit Iesus in quoddam castellum: & múluer quædam Martha nómine, excépit illum in domum suam: & huic erat soror nómine Mariá, quæ étiam sedens secus pedes Dómini, audiebat verbum illius. Martha autem satagébat circa frequens ministérium: quæ stetit, & ait: Dómine, non est tibi curæ quòd soror mea relíquit me solam ministráre? dic ergo illi, ut me adjuvet. Et respóndens, dixit illi Dóminus: Martha, Martha solícita es, & turbáris erga plúrima. Porró unum est necessárium. Mariá óptimam partem elégit, quæ non auferétur ab ea.

*Offertorium. Psal. 44.* Fíliæ regum in honóre tuo: ástitit regína à dextris tuis in vestítu deauráto, circúmdata varietate. *Secreta.*

**A**Ccépta tibi sit, Dómine, sacrátæ plebis oblátio, pro tuórum honóre sanctórum: quorum se méritis de tribulatióne percepisse cognóscit auxílium. Per Dóminum.

*Pro SS. Mart. Felice, &c.*

*Secreta.*

**H**ostias tibi, Dómine, pro sanctórum mátyrum tuórum Felícis, Simplicii, Faustini, & Beatricis commemoratione deferimus, suppliciter deprecántes: ut indulgéntiam nobis páriter cónferant, & salutem.

*Ad pascenda suffragia Sanctorum.*

*Secreta.*

**E**Xáudi nos Deus salutáris noster: ut per hujus sacraménti virtútem, à cunctis nos méntis



mentis & corporis hostibus tuearis, gratiam tribuens in presenti, & gloriam in futuro. Per Dominum.

*Communio. Matth. 25.* Quinque prudentes virgines acceperunt oleum in vasis suis cum lampadibus: media autem nocte clamor factus est, Ecce sponsus venit, exite obviam Christo Domino.

*Postcommunio.*

**S**atiasti Domine familiam tuam muneribus sacris: ejus, quæsumus, semper interventione nos refove, cujus sollemnia celebramus. Per Dominum.

*Pro SS. martyribus Felice, & sociis. Postcommunio.*

**P**resta quæsumus omnipotens Deus: ut sanctorum martyrum tuorum Felicis, Simplicii, Faustini, & Beatricis coelestibus mysteriis celebrata sollemnitas, indulgentiam nobis tuæ propitiationis acquirat.

*Ad poscenda suffragia Sanctorum.*

*Postcommunio.*

**M**undet & muniat nos, quæsumus Domine, divini sacramenti munus oblatum: & intercedente beata virgine Dei genitrice Maria, cum beatis Apostolis tuis Petro & Paulo, atque beato N. & omnibus Sanctis; à cunctis nos reddat & perversitatibus expiatis, & adversitatibus expeditos. Per eundem Dominum.

*Die xxx. Julii.*

SS. ABDON ET SENNEN  
Mart.

*Introitus.*

*Psal. 78.*

**I**ntret in conspectu tuo Domine gemitus compedi-

torum: redde vicinis nostris septuplum in sinu eorum: vindica sanguinem sanctorum tuorum, qui effusus est.

*Psal. ibid.* Deus venerunt Gentes in hereditatem tuam, polluérunt templum sanctum tuum: posuerunt Jerusalem in pomorum custodiam.

*v. Gloria Patri.*

*Oratio.*

**D**eus, qui sanctis tuis Abdon & Sennen ad hanc gloriam veniendi copiosum munus gratiæ contulisti: da famulis tuis suorum veniam peccatorum; ut sanctorum tuorum intercedentibus meritis, ab omnibus mereamur adversitatibus liberari. Per Dominum.

Lectio Epistolæ beati Pauli  
Apostoli ad Corinthios.

*2. Cor. 6.*

**F**ratres, Exhibeamus nosmetipsos sicut Dei ministros in multa patientia; in tribulationibus, in necessitatibus, in angustiis, in plagis, in carceribus, in seditionibus, in laboribus, in vigiliis, in jejuniis, in castitate, in scientia, in longanimitate, in suavitate, in Spiritu sancto, in charitate non ficta, in verbo veritatis, in virtute Dei, per arma justitiæ à dextris, & à sinistris: per gloriam, & ignobilitatem: per infamiam, & bonam famam: ut seductores, & veraces: sicut qui ignoti, & cogniti: quasi morientes, & ecce vivimus: ut castigati, & non mortificati: quasi tristes, semper autem gaudentes: sicut egentes, multos autem locupletantes: tamquam nihil habentes, & omnia possidentes.

*Gra-*



*Graduale. Exod. 15.* Glorí-  
fus Deus in sanctis suis : mirá-  
bilis in maiestáte, fáciens pro-  
dígia. *℣.* Déxtera tua, Dómi-  
ne, glorificáta est in virtúte :  
déterta manus tua confrégit  
inimícos. Allelúia, allelúia.

*℣. Sap. 3.* Justórum ánimæ  
in manu Dei sunt : & non tan-  
get illos torméntum malítiæ.  
Allelúia.

Sequéntia sancti Evangélíi se-  
cúndum Matthæum.

*Matth. 5.*

**I**N illo témpore : Videns  
Iesus turbas, ascéndit in  
montem, & cùm sedíffet,  
accessérunt ad eum discípuli  
ejus, & apériens os suum,  
docébat eos, dicens : Beáti  
páuperes spírítu : quóniam  
ipsórum est regnum cœlórum.  
Beáti mites : quóniam ipsi  
possidébunt terram. Beáti,  
qui lugent : quóniam ipsi con-  
solabúntur. Beáti, qui esú-  
riunt & sítiunt justítiam :  
quóniam ipsi saturabúntur.  
Beáti misericórdes : quóniam  
ipsi misericórdiam consequén-  
tur. Beáti mundo corde : quó-  
niam ipsi Deum vidébunt.  
Beáti pacífici : quóniam filii  
Dei vocabúntur. Beáti, qui  
persecutiónem patiúntur prop-  
ter justítiam : quóniam ip-  
sórum est regnum cœlórum.  
Beáti estis cùm maledíxerint  
vobis, & persecúti vos fúe-  
rint, & díxerint omne ma-  
lum advérsus vos, mentién-  
tes, propter me : gaudéte, &  
exultáte, quóniam merces  
vestra copiósá est in cœlis.

*Offertorium. Psal. 67.* Mi-  
rábilis Deus in sanctis suis :  
Deus Israël ipse dabit virtú-

tem, & fortitúdinem plebi  
suæ : benedíctus Deus.

*Secreta.*

**H**Æc hóstia, quæsumus  
Dómine, quam sanctó-  
rum mártýrum tuórum na-  
talítia recenséntes offérimus,  
& víncula nostræ pravitá-  
tis absólvat, & tuæ nobis  
misericórdiæ dona concíliet.  
Per Dóminum.

*Communio. Ps. 78.* Posuérunt  
mortália fervórum tuórum  
Dómine, escas volatílibus cœ-  
li, carnes sanctórum tuórum  
béstiis terræ, secúndum mag-  
nitúdinem bráchii tui pösside  
filios morte punitórum.

*Postcommunio.*

**P**ER hujus, Dómine, ópe-  
rationem mystérii, & ví-  
tia nostra purgéntur, & in-  
tercedéntibus sanctis marty-  
ribus tuis Abdon & Sennen,  
justa desidéria compleántur.  
Per Dóminum.

*Die xxxi. Julii.*

IN FESTO S. IGNATII  
Confessoris.

*Intróitus.*

*Phil. 2.*

**I**N nómine Jesu omne genu  
flectátur, cœléstium, ter-  
réstrium, & inférnórum, &  
omnis lingua confiteátur, quia  
Dóminus Jesus Christus in  
glória est Dei Patris.

*Psal. 5.* Gloriabúntur in te  
omnes, qui dñligunt nomen  
tuum : quóniam tu benedíces  
justo.

*℣. Glória Patri.*

*Oratio.*

**D**Eus, qui ad majórem tuí  
Nóminis glóriam propa-  
gán-



gándam, novo per beátum Ignátium subsidio militántem Ecclesiám roberásti; concede, ut ejus auxilio & imitatione certantes in terris, coronári cum ipso mereámur in cœlis. Per Dóminum.

Lectio Epístolæ beáti Pauli Apóstoli ad Timótheum.

2. Tim. 2.

**C**haríssime, Memor esto Dóminum Jesum Christum resurrexisse à mórtuis ex sémine David, secúndum Evangélium meum, in quo labóro usque ad víncula, quasi malè óperans: sed verbum Dei non est alligátum. Ideò ómnia sustíneo propter eléctos, ut & ipsi salutem consequántur, quæ est in Christo Jesu, cum glória cœlésti. Tu autem affecútus es meam doctrínam, institutió-nem, propósitum, fidem, longanimitátem, dilectiódinem, paciéntiam, persecutiódines, passióes: quália mihi facta sunt Antiochiæ, Iconii, & Lystris: quales persecutiódines sustínui, & ex ómnibus erí-puit me Dóminus. Et omnes, qui piè volunt vívere in Christo Jesu, persecutiódinem paciéntur.

*Graduale. Psal. 91.* Justus ut palma florébit: sicut cedrus Líbani multiplicábitur in domo Dómini. *v.* Ad annuntiándum manè misericórdiam tuam, & veritátem tuam per noctem.

Allelúia, allelúia.

*v. Jac. 1.* Beátus vir, qui suffert tentatiódinem: quóniam cùm probátus fúerit, accípiet corónam vitæ. Allelúia.

Sequéntia sancti Evangélii secúndum Lucam.

Luc. 10.

**I**N illo témpore: Designávit Dóminus & álios septuaginta duos: & misit illos binos ante faciém suam, in omnem civitátem, & locum quò erat ipse ventúrus. Et dicebat illis: Messis quidem multa, operárii autem pauci. Rogáte ergo dóminum messis, ut mittat operários in messem suam. Ite: ecce ego mitto vos sicut agnos inter lupos. Nolíte portáre fácculum, neque peram, neque calceaménta, & néminem per viam salutaréritis. In quamcúmque domum intravéritis, primum dí-cite: Pax huic domui: & si ibi fúerit filius pacis, requiescet super illum pax vestra: sin autem, ad vos revertétur. In eádem autem domo manéte, edéntes & bibéntes quæ apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, & suscéperint vos, manducáte quæ apponúntur vobis: & curáte infirmos, qui in illa sunt, & dí-cite illis: Appropinquávit in vos regnum Dei.

*Offertarium. Psal. 88.* Véritas mea, & misericórdia mea cum ipso: & in nómine meo exaltábitur cornu ejus.

*Secreta.*

**A**Dsint Dómine Deus oblationibus nostris sancti Ignátii benígna suffrágia, ut sacrosáncta mystéria, in quibus omnis sanctitátis fontem constituísti, nos quoque in veritate



ritate sanctificent. Per Dóminum nostrum.

*Communio. Luc. 12.* Ignem veni mittere in terram, & quid volo, nisi ut accendatur?

*Postcommunio.*

**L** Audis hóstia, Dómine, quam pro sancto Ignatio grátias ágéntes obtúlimus, ad perpétuam nos Majestátis tuæ laudatiónem, ejus intercessióne perdúcat. Per Dóminum.

## FESTA AUGUSTI.

*Die i. Augusti.*

IN FESTO S. PETRI ad Vincula.

*Introitus. Act. 12.*

**N**unc scio verè, quia misit Dóminus Angelum suum: & eripuit me de manu Heródis, & de omni expectatióne plebis Judæórum.

*Psal. 138.* Dómine probásti me, & cognovísti me: tu cognovísti fessiónem meam, & resurrectiόnem meam.

v. Glória Patri.

*Oratio.*

**D**eus, qui beatum Petrum Apóstolum, à vīculis absolutum, illæsum abire fecisti: nostrórum, quæsumus, absolve vīcula peccatórum; & ómnia mala à nobis propitiátus excludé. Per Dóminum.

*Et fit commem. S. Pauli.*

*Oratio.*

**D**eus, qui multitudinem Géntium beati Pauli Apóstoli prædicatióne docuísti: da nobis quæsumus; ut cujus commemoratiónem cōlimus, ejus apud te patrocīnia sentiámus.

*Deinde SS. Machabæorum mart.*

*Oratio.*

**F**ratérna nos, Dómine, mártýrum tuórum coróna lætíficet: quæ & fidei nostræ præbeat incrementa virtútum; & múltiplici nos suffrágio consolétur. Per Dóminum.

Léctio Actuum Apostolórum.

*Act. 12.*

**I**N diébus illis: Misit Heródes rex manus, ut afflígeret quosdam de Ecclésia. Occídit autem Jacóbum fratrem Joánis gládio. Videns autem quia placéret Judæis, appósuit ut apprehénderet & Petrum. Erant autem dies Azymórum. Quem cum apprehendisset, misit in cárcerem, tradens quátuor quaterniόνibus militum custodiéndum, volens post Pascha producere eum pópulo. Et Petrus quidem servabátur in cárcere. Orátio autem fiebat sine intermissiόne ab Ecclésia ad Deum pro eo. Cum autem productúrus eum esset Heródes, in ipsa nocte erat Petrus dórmiens inter duos milites, vinctus caténis duabus: & custódes ante óstrum custodiébant cárcerem. Et ecce Angelus Dómini ástitit: & lumen refulsit in habitáculo: percussióque látere Petri, excitávit eum, dicens: Surge velóciter. Et ceciderunt caténæ de mánibus ejus: Dixit autem Angelus ad eum: Præcingere, & calcea te caligas tuas. Et fecit sic. Et dixit illi: Circúmda tibi vestiméntum tuum, & séquere me. Et éxiens sequebátur eum, & nesciébát quia verum est quod fiebat per Angelum: existi-mábat



mabat autem se visum videre. Transeuntes autem primam & secundam custodiam, venerunt ad portam ferream, quæ ducit ad civitatem: quæ ultrò aperta est eis. Et exeuntes processerunt vicum unum: & continuo discessit Angelus ab eo. Et Petrus ad se reversus, dixit: Nunc scio verè, quia misit Dominus Angelum suum; & eripuit me de manu Herodis, & de omni expectatione plebis Judæorum.

*Graduale. Psal. 44.* Constitues eos principes super omnem terram: memores erunt nominis tui, Domine.

℣. Pro patribus tuis nati sunt tibi filii: propterea populi confitebuntur tibi.

Allelúia, allelúia.

℣. Solve jubente Deo terrarum Petre catenas: qui facis, ut pateant cælestia regna Beatis. Allelúia.

Sequéntia sancti Evangélíi secundum Matthæum.

*Matth. 16.*

**I**N illo tempore: Venit Jesus in partes Cæsariæ Philippi: & interrogabat discipulos suos, dicens: Quem dicunt homines esse Filium hominis? At illi dixerunt: Alii Joannem Baptistam, alii autem Eliam, alii verò Jeremiam, aut unum ex Prophetis. Dicit illis Jesus: Vos autem quem me esse dicitis? Respondens Simon Petrus dixit: Tu es Christus Filius Dei vivi. Respondens autem Jesus, dixit ei: Beatus es Simon Bar-Jóna: quia caro & sanguis non revelavit tibi, sed Pater meus, qui in cælis est.

Et ego dico tibi, quia tu es Petrus, & super hanc petram ædificabo Ecclesiam meam, & portæ inferi non prævalébunt adversus eam. Et tibi dabo claves regni cælorum. Et quodcúmque ligáveris super terram, erit ligátum & in cælis: & quodcúmque sólveris super terram, erit solútum & in cælis. Credo.

*Offertorium. Psal. 44.* Constitues eos principes super omnem terram: memores erunt nominis tui Domine, in omni progénie & generatióne.

*Secreta.*

**O**blátum tibi, Domine, sacrificium, intercedente beato Petro Apóstolo tuo vivíficet nos semper, & muniat. Per Dominum.

*Pro S. Paulo. Secreta.*

**A**póstoli tui Pauli præcibus, Domine, plebis tuæ dona sanctífica: ut quæ tibi tuo grata sunt institúto, gratióra fiant patrocínio supplicantis.

*Pro SS. Machabæis. Secreta.*

**M**ysteria tua, Domine, pro sanctorum mártirum tuorum honóre, devótamente tractémus: quibus & præsidium nobis crescat, & gáudium. Per Dominum.

*Præfatio de Apostolis.*

*Communio. Matth. 16.* Tu es Petrus, & super hanc petram ædificabo Ecclesiam meam.

*Postcommunio.*

**C**orporis sacri & pretiósi sanguinis repléti libámine, quæsumus Domine Deus noster: ut quod pia devotióne gérimus, certa redemptione capiámus. Per eúndem Dominum.

*Pro*



*Pro S. Paulo. Postcommunio.*

**P**ercéptis, Dómine, sacraméntis, beáto Paulo Apóstolo tuo interveniēte, deprecámur: ut quæ pro illius celebráta sunt glória, nobis proficiant ad medélam.

*Pro SS. Machabæis.*

*Postcommunio.*

**P**ræsta quæsumus omnípotens Deus: ut quorum memóriam sacraménti participatione recólimus, fidem quoque proficiēdo sectémur. Per Dóminum.

*Die ii. Augusti.*

S. STEPHANI Papæ & Mart.

*Introitus. Psal. 31.*

**S**acerdótes ejus induam salutári: & sancti ejus exultatióne exultábunt.

*Psal. ibid.* Meménto Dómine David, & omnis mansuetúdinis ejus.

℣. Glória Patri.

*Oratio.*

**D**eus, qui nos beáti Stéphani mártiris tui atque Pontificis ánnua solemnitáte lætíficas: concéde propítius; ut cujus natalítia cólimus, de ejúsdem étiam protectióne gaudeámus. Per Dóminum.

Lectio Actuum Apostolorum.

*Act. 20. d.*

**I**n diébus illis: A Miléto Paulus mittens Ephesum, vocávit Majóres natu Ecclesiæ. Qui cū venissent ad eum, & simul essent, dixit eis: Vos scitis à prima die, qua ingressus sum in Asiam, quáliter vobíscum per omne tempus fúerim, sérvians Dómino cum omni humilitáte, & lácrymis,

& tentatióibus, quæ mihi accidérunt ex insídiis Judæórum: quómodo nihil subtráxerim útilium, quò minús annuntiárem vobis, & docérem vos públicè, & per domos, testíficans Judæis atque Gentílibus in Deum pœniténtiam, & fidem in Dóminum nostrum Jesum Christum.

*Graduale. Eccli. 44.* Ecce facérdos magnus, qui in diébus suis plácuit Deo. ℣. Non est invéntus símilis illi, qui conserváret legem Excélsi.

Allelúia, allelúia.

℣. *Pf. 109.* Tu es facérdos in ætérnum secúndum órđinem Melchísedech. Allelúia.

Sequéntia sancti Evangélii secúndum Matthæum.

*Matth. 16.*

**I**n illo témpore: Dixit Jesus discíplis suis: Si quis vult post me veníre, ábneget semetípsum, & tollat crucem suam, & sequátur me. Qui enim volúerit ánimam suam salvam fácere, perdet eam. Qui autem perdíderit ánimam suam propter me, invéniet eam. Quid enim prodest hómini, si mundum univérsum lucrétur, ánimæ verò suæ detrimentum patiátur? Aut quam dabit homo commutatióem pro ánima sua? Fílius enim hóminis ventúrus est in glória Patris sui cum Angelis suis: & tunc reddet unicuique secúndum ópera ejus.

*Offertorium. Ps. 88.* Inveni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum.

*Secreta.*



*Secreta.*

**M**Unera tibi, Dómine, dicata sanctífica: & intercedente beato Stéphano mártire tuo atque Pontífice, per eadem nos placatus inténde. Per Dóminum nostrum.

*Communio. Matth. 25.* Dómine, quinque talénta tradidisti mihi: ecce ália quinque superlucratus sum: euge serve bone & fidélis: quia in pauca fuisti fidélis, supra multa te constitúam, intra in gáudium dómini tui.

*Postcommunio.*

**H**Æc nos commúnio, Dómine, purget à crimine: & intercedente beato Stéphano mártire tuo atque Pontífice, coeléstis remédii fáciat esse consórtes. Per Dóminum.

*Die iii. Augusti.*

**IN INVENTIÖNE S. STEPHANI** Protomartyris.

*Introitus. Psal. 118.*

**S**ederunt principes, & adversum me loquebantur, & iniqui persecuti sunt me: adjuva me Dómine Deus meus, quia servus tuus exercebatur in tuis justificatiönibus.

*Psal. ibid.* Beati immaculati in via: qui ámbulant in lege Dómini.

*V. Glória Patri.**Oratio.*

**D**A nobis, quæsumus Dómine, imitari quod cólimus, ut discamus & inimicos diligere: quia ejus Inventiönem celebrámus, qui novit étiam pro persecutóribus exorare, Dóminum nostrum Jesum Christum Fílium tuum: Qui tecum.

*Ad poscenda Suffragia Sancto- rum. Oratio.*

**A**Cunctis nós, quæsumus Dómine, mentis & corpóris defénde perículis: & intercedente beata & gloriósa semper vírgine Dei genitríce María, cum beátis Apóstolis tuis Petro & Paulo, atque beato N. & ómnibus Sanctis, salutem nobis tríbue benígnus, & pacem: ut destrúctis adversitatibus & erróribus univér- sis, Ecclesiá tua secúra tibi sérviat libertáte. Per eum- dem Dóminum.

*Tertia ad libitum.*

Léctio Actuum Apostolorum.

*Act. 6.*

**I**N diébus illis: Stéphanus plenus grátia & fortitúdine, faciébat prodígia & signa magna in pópulo. Surrexérunt autem quidam de synagóga, quæ appellátur Libertinórum, & Cyrenénsium, & Alexandrinórum, & eórum qui erant à Cilícia, & Asia disputántes cum Stéphano: & non póterant resístere sapiéntiæ, & Spíritui, qui loquebátur. Audiéntes autem hæc, dissecabántur córdibus suis, & stridébant déntibus in eum. Cùm autem esset Stéphanus plenus Spíritu sancto, inténdens in cœlum, vidit glóriam Dei, & Jesum stantem à dextris Dei. Et ait: Ecce vídeo cœlos apértos, & Fílium hóminis stantem à dextris Dei. Exclamántes autem voce magna continuérunt aures suas, & ímpetum fecérunt unánimiter in eum. Et ejiciéntes eum extra civitatem lapidábant: & testes deposuérunt vestiménta sua secus pedes adolescentis, qui vocabá-  
tur



tur Saulus. Et lapidabant Stéphanum invocantem, & dicentem: Dómine Jesu súscipe spíritum meum. Póstitis autem génibus, clamávit voce magna, dicens: Dómine, ne státuas illis hoc peccátum. Et cùm hoc dixisset, obdormívit in Dómino.

*Graduale. Ps. 118.* Sedérunt príncipes, & advérsus me loquebántur: & iníqui perfecúti sunt me. *V.* Adjuva me Dómine Deus meus: saluum me fac propter misericórdiam tuam.

Allelúia, allelúia.

*V.* Vídeo coelos apértos, & Jesum stantem à dextris virtútis Dei. Allelúia.

Sequéntia sancti Evangélíi fecúndum Matthæum.

*Matth. 23.*

**I**N illo témpore: Dicébat Iesus Scribis & Pharisæis: Ecce ego mitto ad vos Prophétas, & sapiéntes, & Scribas, & ex illis occidétis, & crucifigétis, & ex eis flagellábitis in synagógis vestris, & persequémini de civitaté in civitaté: ut véniat super vos omnis sanguis iustus, qui effúsus est super terram, à sanguine Abel iusti usque ad sanguinem Zachariæ filii Barachíæ, quem occidístis inter templum & altáre. Amen dico vobis, vénient hæc ómnia super generatióem istam. Jerúsalem, Jerúsalem, quæ occídís Prophétas, & lápidas eos qui ad te missi sunt, quótiès volui congregáre filios tuos, quemádmódum gallína congregat pullos suos, sub alas, & nolúisti? Ecce relinquétur vo-

bis domus vestra desérta. Dico enim vobis: non me vidébitis amodò, donec dicátis: Benedíctus, qui venit in nómine Dómini. *Non dicitur. Credo.*

*Offertorium. Act. 6. & 7.* Elegerunt Apóstoli Stéphanum Levítam, plenum fide & Spíritu sancto: quem lapidaverunt Judæi orantem, & dicentem: Dómine Jesu, áccipe spíritum meum, allelúia.

*Secreta.*

**S**Uscipe Dómine múnera, pro tuórum commemoratióne sanctórum: ut sicut illos pássio gloriósa effécit, ita nos devótió reddat innócuos. Per Dóminum.

*Ad poscenda suffragia Sanctórum.*

*Secreta.*

**E**Xaudi nos Deus salutáris noster: ut per hujus sacraménti virtútem, à cunctis nos mentis & córporis hóstibus tueáris, grátiam tríbuens in præsénti, & glóriam in futuro.

*Tertia ad libitum.*

*Communio. Act. 7.* Vídeo coelos apértos, & Jesum stantem à dextris virtútis Dei: Dómine Jesu, áccipe spíritum meum, & ne státuas illis hoc peccátum.

*Postcommunio.*

**A**Uxiliéntur nobis, Dómine, sumpta mystéria: & intercedénte beáto Stéphano mártire tuo, sempitérna protectione confirmet. Per Dóminum nostrum.

*Ad poscenda suffragia Sanctórum.*

*Postcommunio.*

**M**Undet & múniat nos, quæsumus Dómine, divíni sacraménti munus oblátum: & intercedénte beáta vir-

vir-



vírgine Dei genitríce María, cum beáteis Apóstolis tuis Petro & Paulo, atque beáto N. & ómnibus Sanctis; à cunctis nos reddat & perverfitatibus expiátos, & adversitatibus expeditos.

*Tertia ad libitum.*

*Die iv. Augusti.*

IN FESTO S. DOMINICI  
Confessoris.

*Introitus. Psal. 36.*

**O**S justi meditábitur sapientiam, & lingua ejus loquétur judícium: lex Dei ejus in corde ipsíus.

*Psal. ibid.* Noli æmulári in malignántibus: neque zeláveris faciéntes iniquitatem.

℣. Glória Patri.

*Oratio.*

**D**Eus, qui Ecclesiám tuam beáti Domínici Confessoris tui illumináre dignátus es méritis & doctérinis: concéde, ut ejus intercessióne, temporalibus non destituátur auxiliis, & spirituálibus semper proficiat incrementis. Per Dóminum nostrum.

Lectio Epístolæ beáti Pauli Apóstoli ad Timótheum.

2. *Tim. 4.*

**C**Haríssime, Testíficor coram Deo, & Jesu Christo, qui judicatúrus est vivos & mórtuos, per advéntum ipsíus, & regnum ejus: prædica verbum, instá opportunè, importunè: árgue, óbsecra, increpa in omni paciéntia, & doctérina. Erit enim tempus, cum sanam doctérinam non sustinébunt, sed ad sua desidéria coacervábunt sibi magístros, pruriéntes áuribus, & à veritate quidem auditum avér-

tent, ad fábulas autem converténtur. Tu verò vígila, in ómnibus labóra, opus fac Evangelístæ, ministérium tuum imple. Sóbrius esto. Ego enim jam delíbor, & tempus resolutionis meæ instat. Bonum certámen certávi, cursum consummávi, fidem servávi. In réliquo repósita est mihi coróna justítiæ, quam reddet mihi Dóminus in illa die justus judex: non solúm autem mihi, sed & iis qui díligunt advéntum ejus.

*Graduale. Psal. 91.* Justus ut palma florébit: sicut cedrus Líbani multiplicábitur in domo Dómini. ℣. Ad annuntiándum manè misericórdiam tuam, & veritatem tuam per noctem.

Allelúia, allelúia.

℣. Justus germinábit sicut lílium: & florébit in ætérnum ante Dóminum. Allel. Sequéntia sancti Evangelii secúndum Lucam.

*Luc. 12. c.*

**I**N illo témpore: Dixit Jesus discíplis suis: Sint lumbi vestri præcíncti, & lucernæ ardéntes in mánibus vestris: & vos símiles homínibus expectántibus dóminum suum, quando revertátur à nuptiis: ut, cum vénerit, & pulsáverit, conféstim apérianť ei. Beáti servi illi, quos, cum vénerit dóminus, invénierit vigilántes: amen dico vobis, quòd præcínget se, & faciet illos discumbere, & tránfiens ministrábit illis. Et si vénerit in secúnda vigília, & si in tértia vigília vénerit, & ita invénierit, beáti sunt servi illi. Hoc autem scitóte, quóniam si sciret paterfamilias, qua



qua hora fur veniret, vigilaret utique, & non sinneret perfodi domum suam. Et vos estote parati, quia qua hora non putatis, Filius hominis veniet.

*Offertorium. Psal. 88.* Veritas mea, & misericordia mea cum ipso: & in nomine meo exaltabitur cornu ejus.

*Secreta.*

**M**Unera tibi, Domine, dicata sanctifica: ut meritis beati Domini Confessoris tui, nobis proficiant ad medelam. Per Dominum.

*Communio. Luc. 12.* Fidelis servus & prudens, quem constituit dominus super familiam suam: ut det illis in tempore tritici mensuram.

*Postcommunio.*

**C**oncède quæsumus omnipotens Deus: ut qui peccatorum nostrorum pondere premimur, beati Domini Confessoris tui patrocínio sublevemur. Per Dominum.

*Die v. Augusti.*

*In Dedicatione S. Mariæ ad Nives, Missa.* Salve sancta parens, ut in Missis votivis B. Mariæ virginis à Pentecoste usque ad Adventum. xlix. Et dicitur Credo. & Præfatio de S. Maria. Et in festivitæte beatæ Mariæ.

*Die vi. Augusti.*

IN FESTO TRANSFIGURATIONIS DOMINI NOSTRI JESU CHRISTI.

*Introitus. Psal. 76.*

**I**luxerunt coruscationes tuæ orbi terræ: commota est, & contrémuit terra.

*Psal. 83.* Quam dilecta tabernacula tua, Domine virtutum! concupiscit, & deficit anima mea in atria Domini.  
v. Glória Patri.

*Oratio.*

**D**Eus, qui fidei sacramenta, in Unigeniti tui gloriosa Transfiguratione, patrum testimonio roborasti, & adoptionem filiorum perfectam, voce delapsa in nube lucida, mirabiliter præsignasti: concède propius; ut ipsius Regis gloriæ nos cohæredes efficias, & ejusdem gloriæ tribuas esse consortes. Per eundem Dominum.

*Pro commem. SS. Xysti, Felicissimi, & Agapiti mart.*

*Oratio.*

**D**Eus, qui nos concedis sanctorum martyrum tuorum Xysti, Felicissimi, & Agapiti natalitia colere: da nobis in æterna beatitudine de eorum societate gaudere. Per Dominum.

Lectio Epistolæ beati Petri Apostoli.

2. Pet. i.

**C**harissimi, Non doctas fabulas secuti, notam fecimus vobis Domini nostri Jesu Christi virtutem & præsentiam: sed speculatores facti illius magnitudinis. Accipiens enim à Deo Patre honorem & gloriæ, voce delapsa ad eum hujuscemodi à magnifica gloriæ: Hic est Filius meus dilectus, in quo mihi complacui, ipsum audite. Et hanc vocem nos audivimus de cælo allatam, cum essemus cum ipso in monte sancto. Et habemus firmiorem propheti-



cum sermónem : cui benè faciatis attendentes, quasi lucernæ lucénti in caliginóso loco, donec dies elucéscat, & lícifer oriátur in córdibus vestris.

*Graduale. Psal. 44.* Speciosus forma præ filiis hóminum : diffusa est grátia in lábiis tuis.

✠. Eructávit cor meum verbum bonum, dico ego ópera mea Regi.

Allelúia, allelúia.

✠. *Sap. 7.* Candor est lucis æternæ, spéculum sine mácula, & imágo bonitátis illíus. Allelúia.

Sequéntia sancti Evangélii secundum Matthæum.

*Matth. 17.*

**I**N illo témpore : Assúmpsit Jesus Petrum, & Jacóbum, & Joánnem fratrem ejus, & duxit illos in montem excélsū seórsū : & transfigurátus est ante eos. Et resplénduit fácies ejus sicut sol : vestiménta autem ejus facta sunt alba sicut nix. Et ecce apparuérunt illis Móyses & Elías cum eo loquéntes. Respóndens autem Petrus, dixit ad Jesum : Dómine, bonum est nos híc esse : si vis faciámus híc tria tabernácula, tibi unum, Móysi unum, & Elíæ unum. Adhuc eo loquente, ecce nubes lícida obumbrávit eos. Et ecce vox de nube, dicens : Hic est Fílius meus dilectus, in quo mihi benè complácuí : ipsum audíte. Et audiéntes discípuli, cecidérunt in fáciem suam, & timuérunt valdè. Et accéssit Jesus, & tétigit eos, dixítque eis : Súr-gite, & nolíte timére. Le-

vántes autem óculos suos, nēminem vidérunt, nisi solum Jesum. Et descendéntibus illis de monte, præcépit eis Jesus, dicens : Nēmini dixeritis visiónem, donec Fílius hóminis à mórtuis resúrgat. Credo.

*Offertorium. Psal. 111.* Glória & divítie in domo ejus ; & justítia ejus manet in sæculum sæculi, allelúia.

*Secreta.*

**O** Bláta, quæsumus Dómine, múnera, gloriósa Unigéniti tui Transfiguratióne sanctífica : nosque à peccatórum máculis, splendóribus ipsíus illustratiónis emúnda. Per eúndem Dóminum.

*Pro SS. martyribus Xysto, Felicissimo, & Agapito.*

*Secreta.*

**M**Unera tibi, Dómine, nostræ devotiónis offerimus : quæ & pro tuórum tibi grata sint honóre justórum ; & nobis salutária, te miseránte, reddántur. Per Dóminum.

*Præfatio de Nativ. Domini.* Quia per incarnáti Verbi.

*Communio. Matth. 17.* Visiónem quam vidístis, nēmini dixeritis, donec à mórtuis resúrgat Fílius hóminis.

*Postcommunio.*

**P**Ræsta quæsumus omnipotens Deus : ut sacrosánta Fílii tui Transfiguratiónis mystéria, quæ solémni celebrámus officio, purificátæ mentis intelligéntia consequámur. Per eúndem Dóminum.

*Pro*



*Pro SS. martyribus Xysto, Felicissimo, & Agapito.*

*Postcommunio.*

**P**ræsta nobis, quæsumus Domine, intercedentibus sanctis martyribus tuis Xysto, Felicissimo, & Agapito: ut quod ore contingimus, pure mente capiamus. Per Dominum.

*Die vii. Augusti.*

**IN FESTO S. CAJETANI**

*Confessoris.*

*Introitus. Psal. 36.*

**O**s justi meditabitur sapientiam, & lingua ejus loquetur judicium: lex Dei ejus in corde ipsius.

*Psal. ibid.* Noli æmulari in malignantibus: neque zelaveris facientes iniquitatem.

*v. Gloria Patri. Oratio.*

**D**eus, qui beato Cajetano Confessori tuo Apostolicam vivendi formam imitari tribuisti: da nobis ejus intercessione & exemplo in te semper confidere, & sola cœlestia desiderare. Per Dominum.

*Pro commem. S. Donati Episcopi & martyris. Oratio.*

**D**eus tuorum gloria sacerdotum: præsta quæsumus; ut sancti martyris tui & Episcopi Donati, cujus festa gerimus, sentiamus auxilium. Per Dominum.

*Lectio libri Sapientiae.*

*Eccli. 31.*

**B**eatus vir, qui inventus est sine macula, & qui post aurem non abiit, nec speravit in pecunia & thesauris. Quis est hic, & laudabimus eum? fecit enim mirabilia in vita sua. Qui probatus est in illo, & perfectus est, erit illi glô-

ria æterna: qui potuit transgredi, & non est transgressus; facere mala, & non fecit: ideo stabilita sunt bona illius in Domino, & eleemosynas illius enarrabit omnis Ecclesia sanctorum.

*Graduale. Ps. 91.* Justus ut palma florebit: sicut cedrus Libani multiplicabitur in domo Domini. *v.* Ad annuntiandum manè misericordiam tuam, & veritatem tuam per noctem.

*Allelûia, allelûia.*

*v. Jac. 1.* Beatus vir, qui suffert tentationem: quoniam cum probatus fuerit, accipiet coronam vitæ. *Allelûia.*

*Sequentia sancti Evangelii secundum Matthæum.*

*Matth. 6. c.*

**I**n illo tempore: Dixit Jesus discipulis suis: Nemo potest duobus dominis servire: aut enim unum odio habebit, & alterum diliget: aut unum sustinebit, & alterum contemnet. Non potestis Deo servire, & mammonæ. Ideo dico vobis, ne solliciti sitis animæ vestræ quid manducetis, neque corpori vestro quid induamini. Nonne anima plus est quam esca: & corpus plus quam vestimentum? Respiciite volatilia cœli, quoniam non serunt, neque metunt, neque congregant in horrea: & Pater vester cœlestis pascit illa. Nonne vos magis pluris estis illis? Quis autem vestrum cogitans, potest adjicere ad staturam suam cubitum unum? Et de vestimento quid solliciti estis? Considerate lilia agri quomodo crescunt: non laborant, neque nent. Dico autem vobis: quoniam nec Salomon in omni glô-



glória sua coopértus est sicut unum ex istis. Si autem fœnum agri, quod hódie est, & cras in clíbanum míttitur, Deus sic vestit: quantò magis vos módicæ fidei? Nolíte ergo solíciti esse, dicéntes: Quid manducábimus, aut quid bibémus, aut quo operiémur? Hæc enim ómnia Gentes inquírent. Scit enim Pater vester, quia his ómnibus indigétis. Quærite ergo primùm regnum Dei & justítiam ejus, & hæc ómnia adjiciéntur vobis.

*Offertorium. Ps. 88.* Véritas mea, & misericórdia mea cum ipso: & in nómine meo exaltábitur cornu ejus. *Secreta.*

**P**Ræsta nobis, quæsumus, omnipotens Deus: ut nostræ humilitátis oblátio, & pro tuórum tibi grata sit honóre Sanctorum, & nos corpore páriter & mente puríficet. Per Dóminum.

*Pro S. Donato Episcopo & mart. Secreta.*

**P**Ræsta, quæsumus Dómine: ut sancti mártiris tui & Epíscopi Donáti intercessióne, quem ad laudem nóminis tui dicátis munéribus honorámus, piæ nobis fructus devotiónis accréscat. Per Dóminum.

*Communio. Matth. 24.* Beátus servus, quem, cùm vénerit Dóminus, invenerit vigilántem: amen dico vobis, super ómnia bona sua constituet eum. *Postcommunio.*

**Q**uæsumus omnipotens Deus: ut qui cœléstia aliménta percépimus, intercedente beáto Cajetáno Confessóre tuo, per hæc contra ómnia advérsamuniámur. Per Dóminum.

*Pro sancto Donato, Postcommunio.*

**O**Mnípotens & misericors Deus, qui nos sacramentórum tuórum & partícipes éfficis, & minístros: præsta quæsumus; ut intercedente beáto Donáto mártire tuo atque Pontífice, ejúsdem proficiámus & fidei consórtio, & digno servítio. Per Dóminum.

*Die viii. Augusti.*

IN FESTO SS. CYRIACI, LARGI, & SMARAGDI Mart.

*Introitus. Psal. 33.*

**T**iméte Dóminum omnes sancti ejus, quóniam nihil deest timéntibus eum: dívites eguérunt & esuriérunt: inquiréntes autem Dóminum, non deficient omni bono.

*Psal. ibid.* Benedícam Dóminum in omni témpore: semper laus ejus in ore meo.

℣. Glória Patri.

*Oratio.*

**D**Eus, qui nos ánnua sanctorum mártirum tuórum Cyríaci, Largi, & Smarágdi solemnitáte lætíficas: concéde propítius; ut quorum natalítia cólimus, virtutem quoque passiónis imitémur. Per Dóminum.

Léctio Epístolæ beáti Pauli Apóstoli ad Thessalonicénfes. *1. Thess. 2. c.*

**F**Ratres, Grátias ágimus Deo sine intermissióne: quóniam cùm accepíssétis à nobis verbum audítus Dei, accepístis illud, non ut verbum hóminum, sed (sicut est verè) verbum Dei, qui operátur in vobis, qui credidístis. Vos enim



enim imitatōres facti estis, fratres, Ecclesiārum Dei, quæ sunt in Judæa in Christo Jesu: quia eādem passi estis & vos à contribulibus vestris, sicut & ipsi à Judæis, qui & Dóminum occiderunt Jesum, & Prophétas, & nos persecuti sunt, & Deo non placent, & omnibus hominibus adversantur, prohibentes nos Géntibus loqui, ut salvæ fiant, ut impleant peccata sua semper: pervénit enim ira Dei super illos, usque in finem.

*Graduale. Psal. 33.* Timéte Dóminum omnes sancti ejus: quóniam nihil deest timéntibus eum. *℣.* Inquiréntes autem Dóminum, non deficient omni bono.

Allelúia, allelúia.

*℣. Sap. 3.* Fulgebunt justi, & tamquam scintillæ in arundineto discurrent in ætérnum. Allelúia.

Sequéntia sancti Evangélii secundum Marcum.

*Marc. 16. c.*

**I**N illo témpore: Dixit Jesus discipulis suis: Eúntes in mundum univérsum prædicáte Evangélium omni creatúræ. Qui crediderit, & baptizatus fúerit, salvus erit: qui vero non crediderit, condemnábitur. Signa autem eos, qui crediderint, hæc sequéntur. In nómine meo dæmónia ejicient: linguis loquéntur novis: serpéntes tollent: & si mortíferum quid bíberint, non eis nocébit: super ægros manus imponent, & benè habébunt.

*Offertorium. Psal. 31.* Lætámini in Dómino, & exultáte justi: & glóriámini omnes recti corde.

*Secreta.*

**A**Ccépta sit in conspéctu tuo, Dómine, nostra devótio: & eórum nobis fiat supplicatióne salutáris, pro quorum solemnitáte defértur. Per Dóminum.

*Communio. Marc. 16.* Signa autem eos qui in me credunt, hæc sequéntur: dæmónia ejicient: super ægros manus imponent, & benè habébunt.

*Postcommunio.*

**R**Efecti participatióne muneris sacri, quæsumus Dómine Deus noster: ut, cujus exéquimur cultum; intercedéntibus sanctis martyribus tuis Cyriaco, Largo, & Smarágdo, sentiámus effectum. Per Dóminum.

*¶ Si festum S. Laurentii venerit Feria ii. commem. S. Romani fit in Dominica, & de Vigilia in Sabbato, in quo celebratur festum SS. Cyriaci, &c. & de ea legitur Evangelium in fine.*

*Die ix. Augusti.*

IN VIGILIA S. LAURENTII Martyris.

*Introitus. Psal. 111.*

**D**ispérfit, dedit pauperibus: justítia ejus manet in sæculum sæculi: cornu ejus exaltábitur in glória.

*Psal. ibid.* Beatus vir, qui timet Dóminum: in mandátis ejus cupit nimis.

*℣. Glória Patri.*

*Oratio.*

**A**Desto Dómine supplicatióibus nostris: & inter



tercessiōne beāti Lauréntii mártiris tui, cuius præveni-  
mus festivitátem, perpétuam  
nobis misericórdiam benígnus  
impénde. Per Dóminum.

*Pro commemor. S. Romani mart.*

*Oratio.*

**P**Ræsta quæsumus omni-  
potens Deus: ut interce-  
dente beáto Románo mártire  
tuo, & à cunctis adversitáti-  
bus liberémur in corpore, &  
à pravis cogitatiōibus mun-  
démur in mente.

*De sancta Maria. Oratio.*

**C**oncède nos fámulos  
tuos, quæsumus Dómi-  
ne Deus, perpétua mentis &  
corpore fanitáte gaudere: &  
gloriósa beátæ Mariæ semper  
vírginis intercessiōne, à præ-  
sénti liberári tristítia, & ætér-  
na pérfrui lætítia. Per Dó-  
minum.

*Lectio libri Sapientiae.*

*Eccli. 51.*

**C**onfitebor tibi Dómine  
Rex, & collaudábo te  
Deum Salvatórem meum.  
Confitebor nómini tuo: quó-  
niam adjutor, & protéctor fac-  
tus es mihi, & liberásti cor-  
pus meum à perditione, à lá-  
queolinguæ iniquæ, & à lábiis  
operántium mendácium, & in  
conspéctu astántium factus es  
mihi adjutor. Et liberásti me  
secúndum multitudinem mise-  
ricórdiæ nóminis tui à rugién-  
tibus, præparátis ad escam, de  
mánibus quæréntium ánimam  
meam, & de portis tribulatió-  
num, quæ circumdedérunt  
me: à pressúra flammæ, quæ

circumdedit me, & in médio  
ignis non sum æstuátus: de al-  
titudine ventris inferi, & lin-  
gua coinquináta, & à verbo  
mendácii, à rege iníquo, & à  
lingua injústa: laudábit usque  
ad mortem ánima mea Dómi-  
num; quóniam éruis sustinén-  
tes te, & líberas eos de má-  
nibus Géntium, Dómine De-  
us noster.

*Graduale. Psalm. 111.* Dis-  
pérsit, dedit paupéribus: ius-  
títia ejus manet in sæculum  
sæculi.

ʒ. Potens in terra erit se-  
men ejus: generatio rectórum  
benedicétur.

*Sequéntia sancti Evangélii se-  
cúndum Matthæum.*

*Matth. 16.*

**I**N illo témpore: Dixit Je-  
sus discípulis suis: Si quis  
vult post me veníre, abne-  
get semetípsum, & tollat cru-  
cem suam, & sequátur me. Qui  
enim volúerit ánimam suam  
salvam fácere, perdet eam.  
Qui autem perdíderit ánimam  
suam propter me, invéniet  
eam. Quid enim prodest hó-  
mini, si mundum univérsum  
lucrétur, ánimæ verò suæ de-  
triméntum patiátur? Aut  
quam dabit homo commuta-  
tióem pro ánima sua? Fílius  
enim hóminis ventúrus est in  
glória Patris sui cum Angelis  
suis: & tunc reddet unicuique  
secúndum ópera ejus.

*Offertorium. Job. 16.* Oratio  
mea munda est: & ideo peto,  
ut detur locus voci meæ in  
cælo: quia ibi est iudex me-  
us, & conscíus meus in ex-  
celsis: ascéndat ad Dóminum  
deprecátio mea.

*Secreta.*



*Secreta.*

**H**ostias, Dómine, quas tibi offerimus, propítius súscipe: & intercedente beáto Lauréntio mártire tuo, víncula peccatórum nostrórum absólve. Per Dóminum.

*Pro sancto Romano martyre.**Secreta.*

**M**unéribus nostris, quæsumus Dómine, precibúsq; súscéptis, & cœléstibus nos munda mystériis, & cleménter exáudi.

*De beata Maria. Secreta.*

**T**ua, Dómine, propitiatióne, & beátæ Mariæ semper vírginis intercessióne, ad perpétuam atq; præsentem hæc oblátio nobis proficiat prosperitátem & pacem. Per Dóminum.

*Communio. Matth. 16. Qui vult venire post me, abneget semetipsum: & tollat crucem suam, & sequatur me.*

*Postcommunio.*

**D**A quæsumus Dómine Deus noster: ut, sicut beáti Lauréntii mártiris tui commemoratióne, temporáli gratulamur officio, ita perpétuo lætémur aspéctu. Per Dóminum nostrum.

*Pro sancto Romano.**Postcommunio.*

**Q**uæsumus omnipotens Deus: ut qui cœléstia aliménta percépimus, intercedente beáto Románo mártire tuo, per hæc contra ómnia advérfa muniámur.

*De B. Maria. Postcommunio.*

**S**umptis, Dómine, salútis nostræ subsidiis: da quæsumus, beátæ Mariæ semper vírginis patrocíniis nos ubique prótegi; in cuius venera-

tióne, hæc tuæ obtúlimus majestáti. Per Dóminum.

*Die x. Augusti.*

IN FESTO S. LAURENTII Martyris.

*Introitus.**Psal. 95.*

**C**onfessio & pulchritudo in conspéctu ejus: sanctitas & magnificéntia in sanctificatióne ejus.

*Psal. ibid. Cantáte Dómino cánticum novum: cantáte Dómino omnis terra.*

*v. Glória Patri.**Oratio.*

**D**A nobis, quæsumus omnipotens Deus, vitiórum nostrórum flammæ extingueret: qui beáto Lauréntio tribuísti tormentórum suórum incéndia superáre. Per Dóminum nostrum.

Lectio Epístolæ beáti Pauli Apóstoli ad Corínthios.

*2. Cor. 9. b.*

**F**Ratres, Qui parcè sémínat, parcè & metet: & qui sémínat in benedictiónibus, de benedictiónibus & metet. Unusquisque prout destinávit in corde suo, non ex tristitia, aut ex necessitate: hilarem enim datórem diligit Deus. Potens est autem Deus omnem grátiam abundáre fácere in vobis: ut in ómnibus semper omnem sufficiéntiam habéntes, abundétis in omni opus bonum, sicut scriptum est: Dispérsit, dedit paupéribus: justítia ejus manet in sæculum sæculi. Qui autem adminístrat semen sémínanti: & panem ad manducándum præstábit, & multiplicábit semen vestrum, & augébit incre-



creménta frugum justítiæ vest-  
træ.

*Graduale. Psal. 16.* Probásti  
Dómine cor meum: & visitásti  
nocte. *v.* Igne me examiná-  
sti: & non est invénta in me  
iníquitas.

Allelúia, allelúia.

*v.* Levíta Lauréntius bo-  
num opus operátus est: qui  
per signum crucis cæcos illu-  
minávit. Allelúia.

Sequéntia sancti Evangélii se-  
cúndum Joánnem.

*Joan. 13.*

**I**N illo témpore: Dixit Je-  
sus discípulis suis: Amen,  
amen dico vobis, nisi granum  
fruménti cadens in terram,  
mórtuum fúerit; ipsum solum  
manet. Si autem mórtuum  
fúerit, multum fructum af-  
fert. Qui amat ánimam suam,  
perdet eam & qui odit áni-  
mam suam in hoc mundo, in  
vitam ætérrnam custódit eam.  
Si quis mihi ministrat, me se-  
quátur & ubi sum ego, illic &  
miníster meus erit. Si quis  
mihi ministráverit, honorifi-  
cábit eum Páter meus.

*Non dicitur Credo. nisi in  
Ecclesia propria, vel nisi venerit  
in Dominica.*

*Offertorium. Psal. 95.* Con-  
fessio & pulchritúdo in con-  
spéctu ejus: sanctitas & mag-  
nificéntia in sanctificatióne  
ejus.

*Secreta.*

**A**Ccipe, quæsumus Dómi-  
ne, múnera dignánte ob-  
lata: & beáti Lauréntii suffra-  
gántibus méritis, ad nostræ  
salútis auxílium proveníre  
concéde. Per Dóminum.

*Communio. Joan. 12.* Qui  
mihi ministrat, me sequátur:

& ubi ego sum, illic & miní-  
ster meus erit.

*Postcommunio.*

**S**acro múnere satiáti, sup-  
plices te Dómine deprecá-  
mur, ut quod débitæ servitútis  
celebrámus officio, interce-  
dente beáto Lauréntio márti-  
re tuo, salvatiónis tuæ sentiá-  
mus augméntum. Per Dómi-  
num.

*¶ Infra Octavam S. Lauren-  
tii dicitur eadem Missa sicut in  
ejus festo, & post Orationem diei  
fit commem. de festo Simplicii oc-  
currente: & tertia Oratio dicitur  
de B. Maria, Concéde nos.  
fol. 236.*

*Sed si occurrat dies Dominica,  
ii. Oratio erit de Octava, &  
tertia de Sanctis.*

*Die xi. Augusti.*

*Pro commem. SS. Tiburtii, &  
Susannæ mart. Oratio.*

**S**anctorum mártirum tuó-  
rum Tibúrtii & Susánnæ,  
nos Dómine foveant conti-  
nuáta præsidia: quia non desi-  
nis propítius intuéri, quos tá-  
libus auxíliis concésseris ad-  
juvári.

*Secreta.*

**A**désto Dómine précibus  
pópuli tui, adésto mu-  
néribus: ut quæ sacris sunt  
oblata mystériis, tuórum tibi  
pláceant intercessióne sanctó-  
rum.

*Postcommunio.*

**S**umpsimus, Dómine, pig-  
nus redemptiόνis ætérrnæ:  
quod sit nobis, quæsumus, in-  
terveniéntibus sanctis Marty-  
ribus tuis, vitæ præsentis aux-  
ílium páriter & futuræ.

*Die*



*Die xii. Augusti.*  
IN FESTO S. CLARÆ  
Virginis.

*Missæ. Dilexisti iustitiam.  
de Communi Virginum xxix.  
& fit commemor. Ocl. S. Lauren-  
tii cum Orationibus, ut supra. 479.*

*Die xiii. Augusti.*  
*Pro commemor. SS. Hippolyti, &  
Cassiani martyrum.*  
*Oratio.*

**D**A quæsumus omnipotens  
Deus: ut beatorum mar-  
tyrum tuorum Hippolyti &  
Cassiani veneranda solémni-  
tas, & devotiōnem nobis au-  
geat, & salutem. *Secreta.*

**R**espice, Dómine, múnera  
pópuli tui, sanctorum fes-  
tivitáte votíva: & tuæ testifica-  
tio veritátis nobis proficiat ad  
salutem. *Postcommunio.*

**S**acramentorum tuorum,  
Dómine, communio sump-  
ta nos salvet: & in tuæ veri-  
tátis luce confirmet.

*Die xiv. Augusti.*  
IN VIGILIA ASSUMPTI-  
ONIS B. M. Virg.

*Introitus. Psal. 44.*

**V**ultum tuum depreca-  
buntur omnes dívites  
plebis: adducéntur Regi vir-  
gines post eam: próximæ ejus  
adducéntur tibi in lætítia &  
exultatiōe.

*Psal. ibid.* Eructávit cor  
meum verbum bonum: dico  
ego ópera mea Regi.

*v. Glória Patri.*

*Non dicitur Glória in ex-  
celsis.* *Oratio.*

**D**eus, qui virginálem au-  
lam beatæ Mariæ, in qua  
habitáres, eligere dignátus es:

da quæsumus; ut sua nos de-  
fensiōe munítos, jucúndos  
facias suæ interéssē festivitáti.  
Qui vivis & regnas.

*Et fit commemor. Octavæ S.  
Laurentii, Oratio.* Da nobis,  
quæsumus omnipotens Deus.  
*ut supra. 479.*

*Deinde S. Eusebii Confessoris.*  
*Oratio.*

**D**eus, qui nos beáti Eufé-  
bii Confessoris tui án-  
nua sollemnitate lætíficas:  
concéde propítius; ut cujus  
natalítia cólimus, per ejus  
ad te exémpa gradiámur. Per  
Dóminum nostrum.

*Lectio libri Sapiéntiæ.*

*Eccli. 24. c.*

**E**go quasi vitis fructificá-  
vi suavitatem odóris: &  
flores mei fructus honóris,  
& honestátis. Ego mater  
pulchræ dilectiōnis, & ti-  
móris, & agnitiōnis, & sanc-  
tæ spei. In me grátia om-  
nis viæ & veritátis, in me  
omnis spes vitæ & virtútis.  
Transíte ad me omnes, qui  
concupíscitis me, & à genera-  
tiōibus meis implémini.  
Spíritus enim meus super mel  
dulcis, & hæreditas mea super  
mel, & favum. Memória  
mea in generatiōes sæculó-  
rum. Qui edunt me, adhuc  
esúrient, & qui bibunt me,  
adhuc sítient. Qui audit me,  
non confundétur: & qui ope-  
rántur in me, non peccábunt.  
Qui elúcidant me, vitam æ-  
térnam habébunt.

*Graduale.* Benedícta & vé-  
nerábilis es virgo María, quæ  
fine tactu pudóris, invénta es  
Mater Salvatóris. *v. Virgo  
Dei Génitrix, quem totus non  
capit orbis, in tua se clausit  
víscera factus homo.*



Sequētia sancti Evāgēlii secundū Lucam.

*Luc. 11.*

**I**N illo tēpore: Loquēte Jesu ad turbas, extol-  
lens vocem quādam mū-  
lier de turba, dixit illi: Beā-  
tus venter, qui te portāvit: &  
ūbera, quæ fuxisti. At ille  
dixit: Quinimō, beāti qui  
audiunt verbum Dei, & cū-  
todiunt illud.

*Offertorium.* Beāta es vir-  
go Mariā, quæ omnium por-  
tasti Creatōrem: genuisti, qui  
te fecit, & in ætēnum pēr-  
manes virgo.

*Secreta.*

**M**Unera nostra, Dōmi-  
ne, apud clemētiā  
tuā Dei genitricis commē-  
det oratio: quam idcirco de  
præsenti sæculo transtulisti,  
ut pro peccatis nostris apud te  
fiducialiter intercēdat. Per  
eūdem Dōminum.

*Pro S. Laurentio. Secreta.*  
Accipe, quæsumus Dōmi-  
ne. 480.

*Pro S. Eusebio. Secreta.*  
**L**Audis tibi, Dōmine, hōs-  
tias immolāmus in tuō-  
rum commemoratiōne sanctō-  
rum: quibus nos & præsenti-  
bus exui malis confidimus, &  
futūris. Per Dōminum.

*Præfatio communis.*

*Communio.* Beāta viscera  
Mariæ virginis: quæ porta-  
verunt ætēni Patris Filium.

*Postcommunio.*

**C**Oncede misericors Deus  
fragilitati nostræ præsī-  
dium: ut qui sanctæ Dei ge-  
nitricis festivitatem præveni-  
mus, intercessiōnis ejus auxī-  
lio, à nostris iniquitatibus re-

furgāmus. Per eūdem Dō-  
minum nostrum.

*Pro sancto Laurentio.*

*Postcommunio.*

Sacro mūnere satiāti. 480.

*Pro sancto Eusebio.*

*Postcommunio.*

**R**Efēcti cibo potūque cœ-  
lēsti, Deus noster, te  
supplices exorāmus: ut in eu-  
jus hæc commemoratiōne per-  
cēpimus, ejus muniamur &  
précibus. Per Dōminum.

*Die xv. Augusti.*

**IN ASSUMPTIONE B.  
MARIE Virginis.**

*Introitus.*

**G**Audeāmus omnes in Dō-  
mino, diem festum ce-  
lebrāntes sub honore beatæ  
Mariæ virginis: de cujus As-  
sumptiōne gaudent. Angeli,  
& collaudant Filium Dei.

*Psalm. 44.* Eructāvit cor  
meum verbum: bonum: dico  
ego opera mea Regi  
v. Glória Patri.

*Oratio.*

**F**Amulōrum tuōrum, quæ-  
sumus Dōmine, delictis  
ignosce: ut qui tibi placere de  
actibus nostris non valēmus,  
genitricis Filii tui Dōmini  
nostri intercessiōne salvēmur.  
Qui tecum vivit & regnat.

*Lectio libri Sapientię.*

*Eccli. 24.*

**I**N omnibus requiem quæsi-  
vi, & in hæreditate Dōmini  
morabor. Tunc præcepit, &  
dixit mihi Creator omnium:  
& qui creāvit me, requiēvit in  
tabernaculo meo, & dixit mi-  
hi: In Jacob inhābita, & in  
Israēl hæreditare, & in electis  
meis mitte radices. Et sic in  
Sion armāta sum, & in civi-  
tate



tate sanctificata similiter requievi, & in Jerúsalem potestas mea. Et radicavi in populo honorificato, & in parte Dei mei hæreditas illius, & in plenitudine sanctorum detentio mea. Quasi cedrus exaltata sum in Libano, & quasi cypræssus in monte Sion: quasi palma exaltata sum in Cades, & quasi plantatio rosæ in Jericho. Quasi oliva speciosa in campis, & quasi platanus exaltata sum juxta aquam in plateis. Sicut cinnamomum & balsamum aromatizans odorem dedi: quasi myrrha electa dedi suavitatem odoris.

*Graduale. Psal. 44.* Propter veritatem, & mansuetudinem, & justitiam, & deducet te mirabiliter dextera tua.

*V.* Audi filia, & vide, & inclina aurem tuam: quia concupivit Rex speciem tuam.

*Allelúia, allelúia.*

*V.* Assumpta est María in cælum, gaudet exercitus Angelorum. *Allelúia.*

Sequéntia sancti Evangelii secundum Lucam.

*Luc. 10. g.*

**I**N illo tempore: Intravit Jesus in quoddam castellum: & mulier quædam, Martha nomine, excepit illum in domum suam: & huic erat soror nomine María, quæ etiam sedens secus pedes Domini, audiebat verbum illius. Martha autem satagebat circa frequens ministerium: quæ sterit, & ait: Domine, non est tibi curæ quod soror mea reliquit me solam ministrare? dic ergo illi, ut me adjuvet. Et respondens, dixit illi Dominus: Martha, Martha so-

licita es, & turbaris erga plurima. Porro unum est necessarium. María optimam partem elegit, quæ non auferetur ab ea. *Credo.*

*Offertorium.* Assumpta est María in cælum: gaudent Angeli, collaudantes benediciunt Dominum, allelúia.

*Secreta.*

**S**ubveniat, Domine, plebi tuæ Dei genitricis oratio: quam etsi pro conditione carnis migrasse cognoscimus, in cælesti glória apud te pro nobis intercedere sentiamus. Per eundem Dominum.

*Præfatio de B. M.* Et te in Assumptione.

*Et dicitur per totam Octav. etiam in festis.*

*Communio. Luc. 10.* Optimam partem elegit sibi María, quæ non auferetur ab ea in æternum. *Postcommunio.*

**M**ensæ cælestis participes effecti, imploramus clementiam tuam, Domine Deus noster: ut qui Assumptionem Dei genitricis colimus, à cunctis malis imminéntibus, ejus intercessione liberemur. Per eundem Dominum.

*Infra Octavam Assumpt. B. Mariæ, & in ejus die Octava, fit idem Offic. quod in die festi. Et infra Oct. dicitur secunda Oratio de Spiritu sancto, Deus qui corda fidelium xl. ter-tia, Ecclesiæ tuæ. vel pro Papa. 236.*

*Dominica infra Octavam*

*Assumpt. B. M. Mariæ.*

**FIT DE FESTO S. JOACHIM. Confess. & Patris B. virg. Mariæ.**

*Si prædicta Dominica impe-*



*data fuerit à die Octava S. Laurentii, vel à die Octava Assumptionis, tunc Festum S. Joachim transferatur in aliam diem.*

*Introitus. Psal. III.*

**D**ispersit, dedit pauperibus: justitia ejus manet in sæculum sæculi: cornu ejus exaltabitur in glória.

*Psal. ibid.* Beátus vir, qui timet Dóminum: in mandatis ejus cupit nimis.

*v. Glória Patri.*

*Oratio.*

**D**Eus, qui præ omnibus Sanctis tuis beátum Jóachim genitrícis Fílii tui patrem esse voluísti: concéde quæsumus; ut cujus festa venerámur, ejus quoque perpetuò patrocínia sentiámus. Per eúndem Dóminum.

*Et fit commem. Dominicæ occurrentis; & postea de Octavis, nisi Festum S. Joachim transferatur post omnes Octavas: & in fine Missæ legitur Evangelium Dominicæ.*

*Lectio libri Sapiéntiæ.*

*Eccli. 31.*

**B**Eátus vir, qui invéntus est sine mácula, & qui post aurum non ábiit, nec sperávit in pecúnia & thesauris. Quis est hic, & laudábitur eum? fecit enim mirabilia in vita sua. Qui probátus est in illo, & perféctus est, erit illi glória æténa: qui pótuit transgredi, & non est transgréssus: fácere mala, & non fecit: ideo stabilita sunt bona illius in Dómino, & eleemósynas illius enarrábit omnis Ecclesiá sanctórum.

*Graduale. Psal. III.* Dispersit, dedit pauperibus: justitia ejus manet in sæculum sæculi.

*v. Potens in terra erit semen ejus: generatio rectórum benedicetur.*

*Allelúia, allelúia.*

*v. O Jóachim, sanctæ conjux Annæ, pater almæ Virginis, híc famulis confer salutis opem.*

*Inítium sancti Evangelii secundum Matthæum.*

*Matth. I.*

**L**Iber generatiónis Jesu Christi, filii David, filii Abraham. Abraham genuit Isaac. Isaac autem genuit Jacob. Jacob autem genuit Judam, & fratres ejus. Judas autem genuit Phares, & Zaram de Thamar. Phares autem genuit Efron. Efron autem genuit Aram. Aram autem genuit Aminadab. Aminadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomónem ex ea quæ fuit Uríæ. Salomon autem genuit Róboam. Róboam autem genuit Abíam. Abías autem genuit Afa. Afa autem genuit Jósaphat. Jósaphat autem genuit Joram. Joram autem genuit Ozías. Ozías autem genuit Jóatham. Jóatham autem genuit Achaz. Achaz autem genuit Ezechíam. Ezechías autem genuit Manássen. Manásses autem genuit Amon. Amon autem genuit Josías. Josías autem genuit Jechoníam, & fratres ejus in transmigratióne Babylónis. Et post transmigratió- nem Babylónis, Jechonías genuit



nuit Saláthiel. Saláthiel autem genuit Zoróbabel. Zoróbabel autem genuit Abiud. Abiud autem genuit Eliacim. Eliacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleázar. Eleázar autem genuit Mathan. Mathan autem genuit Jacob. Jacob autem genuit Joseph virum Mariæ, de qua natus est Jesus, qui vocatur Christus.

*Credo. nisi transferatur post Octavam.*

*Offertorium. Psal. 8. Glória & honóre coronásti eum: & constituísti eum super ópera mánuum tuárum, Dómine.*

*Secreta.*

**S**uscipe, elementíssime Deus sacrificium in honórem sancti Patriarchæ Jóachim, patris Mariæ virginis, majestati tuæ oblátum: ut ipso cum cónjuge sua, & beatíssima prole intercedente, perfectam consequi mereámur remissionem peccatórum, & glóriam sempitérnam. Per Dóminum.

*Præfatio de B. V. Maria. Et te in Assumptione. nisi transferatur post Oct.*

*Communio. Luc. 12. Fidélis servus & prudens, quem constituit dóminus super familiam suam: ut det illis in tempore tritici mensuram.*

*Postcommunio.*

**Q**uæsumus omnipotens Deus: ut per hæc sacramenta quæ sumpsimus, intercedéntibus méritis & precibus beáti Jóachim patris genitrícis dilecti Filii tui Dómini nostri Jesu Christi, tuæ

gratiæ in præsentí, & æternæ glóriæ in futuro partícipes esse mereámur. Per eundem Dóminum.

*Die xvi. Augusti.*

IN FESTO S. HYACINTHI Confessoris.

*Missæ. Os justí. de Comuni Confess. non Pontif. xxii. Et sit commem. Octavarum Assumptionis, & S. Laurentii. Et dicitur Credo.*

*Die xvii. Augusti.*

IN OCTAVA S. LAURENTII.

*Introitus. Psal. 16.*

**P**robásti Dómine cor meum, & visitásti nocte: igne me examinásti, & non est invénta in me iniquitas.

*Psal. ibid. Exáudi Dómine justítiam meam: inténde deprecationem meam.*

*v. Glória Patri.*

*Oratio.*

**E**Xcita, Dómine, in Ecclesia tua Spíritum, cui beatus Laurentius Levíta servívit: ut eódem nos repléti, studeámus amáre quod amávit, & ópere exercére quod dócuit. Per Dóminum. in unitáte ejúsdem Spíritus, &c.

*Pro Octava Assumptionis B. Mariæ, Oratio. Famulorum tuorum. 482.*

Léctio Epístolæ beáti Pauli Apóstoli ad Corínthios.

*2. Cor. 9. b.*

**P**ratres, Qui parcè sémínat, parcè & metet: & qui sémínat in benedictionibus, de benedictionibus & metet. Unusquisque prout destinávit

in



in corde suo, non ex tristitia, aut ex necessitate: hilarem enim datorem diligit Deus. Potens est autem Deus omnem gratiam abundare facere in vobis: ut in omnibus semper omnem sufficientiam habentes, abundetis in omne opus bonum, sicut scriptum est: Dispensit, dedit pauperibus: justitia ejus manet in seculum seculi. Qui autem administrat semen seminanti: & panem ad manducandum prae-stabit, & multiplicabit semen vestrum, & augébit incrementa frugum justitiae vestrae.

• *Graduale. Psalm. 8.* Glória & honore coronasti eum Dómine.

• *v.* Et constituisti eum super opera manuum tuarum.

Allelúia, allelúia.

• *v.* Levíta Laurentius bonum opus operatus est: qui per signum crucis caecos illuminavit. Allelúia.

Sequentia sancti Evangelii secundum Joannem.

*Joan. 12. d.*

**I**N illo tempore: Dixit Jesus discipulis suis: Amen, amen dico vobis, nisi granum frumenti cadens in terram, mortuum fuerit; ipsum solum manet. Si autem mortuum fuerit, multum fructum affert. Qui amat animam suam, perdet eam: & qui odit animam suam in hoc mundo, in vitam aeternam custodit eam. Si quis mihi ministrat, me sequatur: & ubi sum ego, illic & minister meus erit. Si quis mihi ministraverit, honorificabit eum Pater meus. Credo.

*Offertorium. Psalm. 20.* In virtute tua Dómine lætabitur justus, & super salutare tuum exultabit vehementer: desiderium animæ ejus tribuisti ei.

*Secreta.*

**S**acrificium nostrum tibi, Dómine quæsumus, beati Laurentii precatio sancta conciliet: ut cujus honore sollemniter exhibetur, ejus meritis efficiatur acceptum. Per Dóminum.

*Pro Octava Assumptionis, Secreta.* Subveniat, Dómine. 483.

*Et dicitur Præfatio de B. Maria.* Et te in Assumptione.

*Communio. Matth. 16.* Qui vult venire post me, abneget semetipsum: & tollat crucem suam, & sequatur me.

*Postcommunio.*

**S**upplices te rogâmus omnipotens Deus: ut quos donis coelestibus satiasti, intercedente beato Laurentio martyre tuo, perpétua protectione custodias. Per Dóminum nostrum.

*Pro Octava Assumpt. Postcommunio.* Mensæ coelestis partícipes, 483.

*Die xviii. Augusti.*

PRO COMMÉMORATIONE S. AGAPITI Mart.

*Oratio.*

**L**ætetur Ecclésia tua, Deus, beati Agapiti martyris tui confisa suffragiis: atque ejus precibus gloriós & devóta permaneat, & secúra consistat.

*Ter-*



*Tertia Oratio de Spiritu sancto, Deus, qui corda fidélium. xl. nisi venerit in Dominica: quia tunc tertia Oratio erit de Sancto.*

*Secreta.*

**S**uscipe Dómine múnera, quæ in ejus tibi solemnitáte deferimus, cujus nos confidimus patrocínio liberári.

*Postcommunio.*

**S**atiásti Dómine familiam tuam munéribus sacris: ejus, quæsumus, semper interventione nos réfove, cujus solemnia celebrámus.

*Die xx. Augusti.*

IN FESTO S. BERNARDI  
Abbatis.

*Intritus. Psal. 36.*

**O**s justí meditábitur sapiéntiam, & lingua ejus loquétur judícium: lex Dei ejus in corde ipsíus.

*Psal. ibid.* Noli æmulári in malignántibus: neque zeláveris faciéntes iniquitátem.

v. Glória Patri.

*Oratio.*

**I**ntercéssio nos, quæsumus Dómine, beáti Bernardi Abbátis comméndet: ut quod nostris méritis non valémus, ejus patrocínio assequámur. Per Dóminum.

*Et fit commem. Ocl. Assumpt.*

*Oratio. Famulórum. 482.*

Léctio libri Sapiéntiæ.

*Eccli. 39.*

**J**ustus cor suum tradet ad vigilándum dilúculò ad Dóminum, qui fecit illum, & in conspéctu Altíssimi deprecábitur. Apériet os suum in oratione, & pro delictis suis deprecábitur. Si enim Dóminus magnus volúerit: spíritu intelli-

géntiæ replébit illum: & ipse tamquam imbres mittet eloquia sapiéntiæ suæ, & in oratione confitébitur Dómino: & ipse diriget consílium ejus, & disciplinam, & in absconditis suis consiliábitur. Ipse palam faciet disciplinam doctrinæ suæ, & in lege testamenti Dómini gloriábitur. Collaudábunt multi sapiéntiam ejus, & usque in sæculum non delébitur. Non recedet memória ejus, & nomen ejus requirétur à generatione in generatióem. Sapiéntiam ejus enarrábunt Gentes, & laudem ejus enuntiábit Ecclésia.

*Graduale. Psal. 20.* Dómine prævenísti eum in benedictionibus dulcédinis: posuísti in cápite ejus coronam de lapide pretioso. v. Vitam petíit à te, & tribuísti ei longitudinem diérum in sæculum sæculi.

Allelúia, allelúia.

v. *Psal. 91.* Justus ut palma florébit: sicut cedrus Libani multiplicábitur. Allelúia.

Sequéntia sancti Evangélii secundum Matthæum.

*Matth. 19.*

**I**n illo témpore: Dixit Petrus ad Jesum: Ecce nos reliquimus ómnia, & secútí sumus te: quid ergo erit nobis? Jesus autem dixit illis: Amen dico vobis, quòd vos, qui secútí estis me, in regeneratione cum séderit Fílius hóminis in sede majestátis suæ, sedébitis & vos super sedes duódecim, judicántes duódecim tribus Israël. Et omnis, qui reliquerit domum, vel fra-



fratres, aut sorores, aut patrem, aut matrem, aut uxorem, aut filios, aut agros, propter nomen meum, centuplum accipiet, & vitam æternam possidebit.

*Et dicitur Credo.*

*Offertorium. Psal. 20.* Desiderium animæ ejus tribuisti ei, Domine, & voluntate labiorum ejus non fraudasti eum: posuisti in capite ejus coronam de lapide pretioso.

*Secreta.*

**S**acris altaribus, Domine, hostias superpositas, sanctus Bernardus Abbas, quaesumus, in salutem nobis provenire deprecetur. Per Dominum.

*Pro Oct. Assumpt. Secreta.* Subveniat, Domine. 483.

*Et dicitur Præfatio de B. Maria.* Et te in Assumptione.

*Communio. Luc. 12.* Fidelis servus & prudens, quem constituit dominus super familiam suam: ut det illis in tempore tritici mensuram.

*Postcommunio.*

**P**rotegat nos, Domine, cum tui perceptione sacramenti beatus Bernardus Abbas, pro nobis intercedendo: ut & conversationis ejus experiamur insignia, & intercessionis percipiamus suffragia. Per Dominum.

*Pro Octava Assumptionis B. Mariæ. Postcomm.* Mensæ cœlestis. 483.

*Die xxi. Augusti.*

IN FESTO S. JOANNÆ FRANCISCÆ Fremiot à Chantal Viduæ.

*Missæ, Cognitioni Domine.*

*de Communi nec Virginis nec Mart. xxxii. præter Orationes sequentes.*

*Et fit commemoratio Octavæ; dicitur Credo. & Præfatio de beata Maria; Et te in Assumptione, nisi hoc Fest. transfer. post Oct. Oratio.*

**O**Mnipotens & misericors Deus, qui beatam Joannam Franciscam tuo amore succensam, admirabili spiritus fortitudine per omnes vitæ fœmitas in via perfectionis donasti; quique per illam illustrare Ecclesiam tuam nova prole voluisti: ejus meritis & precibus concede; ut, qui infirmitatis nostræ conscii de tua virtute confidimus, cœlestis gratiæ auxilio, cuncta nobis adversantia vincamus. Per Dominum. *Secreta.*

**I**llo nos amoris igne, quaesumus Domine, hæc hostia salutaris inflamment, quo beatæ Joannæ Franciscæ cor vehementer incendit, & flammis adussit æternæ charitatis. Per Dominum.

*Postcommunio.*

**S**piritum nobis, Domine, tuæ charitatis infunde: ut quos cœlestis panis virtute satiasti, beata Joanna Francisca intercedente, facias terrena despiciere, & te solum Deum pura mente sectari. Per Dominum. . . . in unitate ejusdem Spiritus sancti.

*Die xxii. Augusti.*

*In Oct. Assumpt. B. Mariæ. Missæ ut in die, cum commem. SS. Timothei, Hippolyti, & Symphoriani mart. Oratio.*

**A**uxilium tuum nobis, Domine quaesumus, placatus



catus impende: & intercedentibus beatis martyribus tuis Timotheo, Hippolyto, & Symphoriano, dexteram super nos tuæ propitiationis extende. Per Dominum.

*Secreta.*

**A** Ccepta tibi fit, Domine, sacratæ plebis oblatio, pro tuorum honore sanctorum: quorum se meritis de tribulatione percepisse cognoscit auxilium. Per Dominum.

*Postcommunio.*

**D**ivini muneris largitate satiati, quæsumus Domine Deus noster: ut intercedentibus sanctis martyribus tuis, Timotheo, Hippolyto, & Symphoriano, in ejus semper participatione vivamus. Per Dominum nostrum.

*Die xxiii. Augusti.*

IN FESTO S. PHILIPPI  
Benitii Confessoris.

*Missæ. Justus ut palma. de Communi Confessoris non Pontif. xxiii.*

*Oratio.*

**D**eus, qui per beatum Philippum Confessorem tuum exemplum nobis humilitatis exemplum tribuisti: da famulis tuis prospera mundi ex ejus imitatione despiciere, & cœlestia semper inquirere. Per Dominum.

*Et fit commem. Vigiliæ sancti Bartholomæi, ubi Festum ejusdem celebratur die xxiv.*

*Die xxiii. vel xxiv. Augusti.*

IN VIGILIA S. BARTHOLOMÆI Apostoli.

*Missæ. Ego autem sicut oliva. de Communi i. Secunda*

*Oratio de B. Maria, Concede nos. Tertia, Ecclesiæ. Vel pro Papa. 236.*

*¶ Sequens festum sancti Bartholomæi celebretur secundum consuetudinem locorum, vel 24. vel 25. Augusti. Romæ celebratur 25. & de sancto Ludovico fit die 26. cum commemorat: sancti Zephyrini.*

*Die xxiv. vel xxv. Augusti.*

IN FESTO S. BARTHOLOMÆI Apostoli.

*Introitus. Psal. 138.*

**M**ihi autem nimis honorati sunt amici tui Deus: nimis confortatus est principatus eorum.

*Psal. ibid.* Domine probasti me, & cognovisti me: tu cognovisti sessionem meam, & resurrectionem meam.

*¶ Gloria Patri.*

*Oratio.*

**O**Mnipotens sempiternus Deus, qui hujus diei venerandam sanctamque lætiam, in beati Apostoli tui Bartholomæi festivitate tribuisti: da Ecclesiæ tuæ, quæsumus, & amare quod credidit, & prædicare quod docuit. Per Dominum.

Lectio Epistolæ beati Pauli  
Apostoli ad Corinthios.

*1. Cor. 12. d.*

**F**Ratres, Vos estis corpus Christi, & membra de membro. Et quosdam quidem posuit Deus in Ecclesia: primum Apostolos, secundo Prophetas, tertio Doctores, deinde virtutes, exinde gratias orationum, opitulationes, gubernationes, genera linguarum,



rum, interpretationes sermo-  
num. Numquid omnes Após-  
toli? numquid omnes Pro-  
phetae? numquid omnes Doc-  
tores? numquid omnes virtu-  
tes? numquid omnes gratiam  
habent curationum? numquid  
omnes linguis loquuntur?  
numquid omnes interpretan-  
tur? *Æmulamini autem cha-  
rismata meliōra.*

*Graduale. Psal. 44.* Consti-  
tues eos principes super om-  
nem terram: memores erunt  
nominis tui Dōmine. *v.* Pro  
patribus tuis nati sunt tibi  
filii: propterea pōpuli confi-  
tebuntur tibi.

*Allelūia, allelūia.*

*v.* Te gloriōsus Apostolō-  
rum chorus laudat, Dōmine.  
*Allelūia.*

Sequētia sancti Evangēlii se-  
cundum Lucam.

*Luc. 6. g.*

**I**N illo tempore: Exiit Je-  
sus in montem orare, &  
erat pernoctans in oratione  
Dei. Et cum dies factus es-  
set, vocavit discipulos suos:  
& elegit duodecim ex ipsis  
(quos & Apōstolos nomina-  
vit) Simōnem, quem cogno-  
minavit Petrum, & Andréam  
fratrem ejus, Jacobum &  
Joānnem, Philippum & Bar-  
tholomæum, Matthæum &  
Thomam, Jacobum Alphæi,  
& Simōnem, qui vocatur Ze-  
lotes, & Judam Jacobi, &  
Judam Iscariōtem, qui fuit  
proditor. Et descendens cum  
illis, stetit in loco campēstri,  
& turba discipulōrum ejus, &  
multitudo copiosa plebis ab  
omni Judæa, & Jerūsalem, &  
maritima, & Tyri, & Sidonis,

qui venerant ut audirent eum,  
& sanarentur a languoribus  
suis. Et qui vexabantur a spi-  
ritibus immundis, curaban-  
tur. Et omnis turba quære-  
bat eum tangere: quia virtus  
de illo exibat, & sanabat om-  
nes. *Credo.*

*Offertorium. Ps. 138.* Mihi  
autem nimis honorati sunt  
amici tui Deus: nimis confor-  
tatus est principatus eorum.

*Secreta.*

**B**Eāti Apōstoli tui Bartho-  
lomæi solēnnia recen-  
sentes, quæsumus Dōmine: ut  
ejus auxilio tua beneficia ca-  
piamus, pro quo tibi laudis  
hōstias immolāmus. Per Dō-  
minum.

*Præfatio de Apostolis.*

*Communio. Matth. 19.* Vos,  
qui secuti estis me, sedebitis  
super sedes, judicantes duode-  
cim tribus Israhel, dicit Dō-  
minus.

*Postcommunio.*

**S**umptum, Dōmine, pig-  
nus redemptionis æternæ,  
sit nobis, quæsumus, interve-  
niente beato Bartholomæo  
Apōstolo tuo, vitæ præsentis  
auxilium pariter & futuræ.  
Per Dōminum.

*Die xxv. Augusti.*

IN FESTO S. LUDOVICI

Confessoris.

*Introitus. Psal. 36.*

**O**S justi meditabitur sapi-  
entiam, & lingua ejus  
loquetur judicium: lex Dei  
ejus in corde ipsius.

*Psal. ibid.* Noli æmulari in  
malignitatibus: neque zelā-  
veris faciētes iniquitatem.

*v.* Glōria Patri.

*Ora-*



## Oratio.

**D**eus, qui beatum Ludovicum Confessorem tuum, de terreno regno ad cœlestis regni gloriā transtulisti: ejus, quæsumus, meritis & intercessione, Regis regum Jesu Christi Filii tui facias nos esse co-sortes. Qui tecum vivit & regnat.

Lectio libri Sapientię.

Sap. 10. 6.

**I**ustum deduxit Dominus per vias rectas, & ostendit illi regnum Dei, & dedit illi scientiam sanctorum: honestavit illum in laboribus, & complēvit labores illius. In fraude circumvenientium illum affuit illi, & honestum fecit illum. Custodivit illum ab inimicis, & a spūctoribus tutavit illum, & certamen forte dedit illi ut vinceret, & sciret quoniam omnium, potentior est sapientia. Hęc venditum rustum non dereliquit, sed a peccatoribus liberavit eum: descenditque cum illo in fossam, & in vinculis non dereliquit illum, donec afferret illi sceptrum regni, & potentiam adversus eos, qui eum depri-mebant: & mendaces ostendit, qui maculaverunt illum: & dedit illi claritatem æternam. Dominus Deus noster.

Graduale. Psal. 91. Justus ut palma florebit: sicut cedrus Libani multiplicabitur in domo Domini. V. Ad annuntiandum manē misericordiam tuam, & veritatem tuam per noctem.

Alleluia, alleluia.

V. Jac. 1. Beatus vir, qui suffert tentationem: quoniam cum probatus fuerit, accipiet coronam vitę. Alleluia.

Sequētia sancti Evangelii secundum Lucam.

Luc. 10. 6.

**I**n illo tempore: Dixit Jesus discipulis suis parabolam hanc: Homo quidam nobilis abiit in regionem longinquam accipere sibi regnum, & reverti. Vocatis autem decem servis suis, dedit eis decem mnas, & ait ad illos: Negotiamini dum venio. Cives autem ejus oderant eum: & miserunt legationem post illum, dicentes: Nolumus hunc regnare super nos. Et factum est ut rediret, accepto regno: & jussit vocari servos, quibus dedit pecuniam, ut sciret quantum quisque negotiatus esset. Venit autem primus, dicens: Domine, mna tua decem mnas acquavit. Et ait illi: Euge bone ferve, quia in modico fuisti fidelis, eris potestatem habens super decem civitates. Et alter venit, dicens: Domine, mna tua fecit quinque mnas. Et huic ait: Et tu esto super quinque civitates. Et alter venit, dicens: Domine, ecce mna tua, quam habui repositam in sudario: timui enim te, quia homo austerus es: tollis quod non posuisti, & metis quod non seminasti. Dicit illi: De ore tuo te judico, serve nequam. Sciebas quod ego homo austerus sum, tollens quod non posui, & metens quod non seminavi: & quare non dedisti pecuniam meam ad meniam, ut ego veniens, cum uluris utique exegissem illam? Et altantibus dixit: Averte ab illo mnam, & date illi, qui decem mnas habet. Et dixerunt



erunt ei: Dómine: habet decem mnas. Dico autem vobis, quia omni habenti dabitur, & abundabit: ad eo autem, qui non habet, & quod habet, auferetur ab eo.

*Offertorium. Psal. 88.* Veritas mea, & misericórdia mea cum ipso: & in nómine meo exaltabitur cornu ejus.

*Secreta.*

**P**raesta quæsumus omnipotens Deus: ut sicut beatus Ludovicus Confessor tuus, spretis mundi oblectamentis, soli Regi Christo placere studeat: ita ejus oratio nos tibi reddat acceptos. Per eundem Dóminum.

*Communio. Matth. 24.* Beatus servus, quem, cum venerit Dóminus, invenerit vigilantem: amen dico vobis, super omnia bona sua constituet eum.

*Postcommunio.*

**D**eus, qui beatum Confessorem tuum Ludovicum mirificasti in terris, & gloriosum in coelis fecisti: eundem, quæsumus, Ecclesiæ tuæ continue defensorem. Per Dóminum nostrum.

*Die xxvi. Augusti.*

**S. ZEPHYRINI PAPÆ & Martyris.**

*Missæ. Sacerdotes Dei, de Communione unius Martyris. Pontif. iii. præter Orationem sequentem.*

*Oratio.*

**P**raesta quæsumus omnipotens Deus: ut beati Zephyrini martyris tui atque Pontificis, cujus gaudemus méritis, instruamur exemplis. Per Dóminum.

*Die xxvii. Augusti.*

**IN FESTO S. JOSEPHI Calasanti Confessoris.**

*Introitus. Psal. 33.*

**V**enite filii, audite me, timórem Dómini docebo vos. *Psal. ibid.* Benedicam Dóminum in omni tēpore, semper laus ejus in ore meo.

*v. Glória Patri.*

*Oratio.*

**D**eus, qui per sanctum Iosephum Confessorem tuum, ad erudiendam spíritu intelligentiæ ac pietatis, juventutem, novum Ecclesiæ tuæ subsidium providere dignatus es: præsta, quæsumus; nos ejus exemplo & intercessione ita facere & docere, ut præmia consequámur æterna, Per Dóminum.

*Lectio libri Sapiéntiæ.*

*Sap. 10. 6.*

**J**ustum deduxit Dóminus per vias rectas, & ostendit illi regnum Dei, & dedit illi scientiam sanctorum, honestavit illum in laboribus, & complévit labores illius. In fraude circumvenientium illum affuit illi, & honestum fecit illum. Custodivit illum ab inimicis, & a seductoribus tutavit illum, & certamen forte dedit illi ut vinceret, & sciret quoniam omnium potentior est sapientia. Hæc venditum, justum non dereliquit, sed a peccatoribus liberavit eum: descenditque cum illo in foveam, & in vinculis non dereliquit illum, donec afferret illi sceptrum regni, & potentiam adversus eos, qui eum deprimebant: & mendaces ostendit, qui maculaverunt illum, & dedit illi claritatem



tatem æternam, Dóminus Deus noster.

*Graduale. Psal. 36.* Os iusti meditabitur sapiéntiam, & lingua ejus loquétur iudícium. *v.* Lex Dei ejus in corde ipsius, & non supplantabúntur gressus ejus.

Allelúia, allelúia.

*v. Jac. 1.* Beátus vir, qui sufferi tentationem, quóniam cum probátus fúerit, accípiet coronam vitæ. Allelúia.

Sequéntia sancti Evangélíi secúndum Matthæum.

*Matth. 18. c.*

**I**N illo témpore: Accessérunt discípuli ad Jesum dicéntes: Quis, putas, major est in regno cœlórum? Et advocans Jesus párvulum stáuit eum in médio eórum, & dixit: Amen dico vobis, nisi convérsi fuéritis, & efficiámini sicut párvuli, non intrábitis in regnum cœlórum. Qui- cumque ergo humiliáverit se sicut párvulus iste, hic est major in regno cœlórum: & qui fuscéperit unum párvulum talem in nómine meo, me suscepit.

*Offertorium. Psal. 10.* Desiderium páuperum exaudivit Dóminus: præparationem cordis eórum audivit auris tua.

*Secreta.*

**A**ltáre tuum, Dómine, munéribus cumulámus oblatis: ut ejus nobis fiant supplicatióne propítia, cujus nos donasti patrocínio adjuvánti. Per Dóminum.

*Communio. Marc. 10.* Sinite párvulos venire ad me, & ne prohibuéntis eos: talium est enim regnum Dei.

*Postcommunio.*

**S**anctificáti, Dómine, salutári mystério, quæsumus: ut intercedente sancto Josépho Confessore tuo ad majus semper proficiámus pietátis incrementum. Per Dóminum.

*Die xxviii. Augusti.*

IN FESTO S. AUGUSTINI Episcopi, & Confessoris, & Ecclesiæ Doctoris.

*Introitus. Eccli. 15.*

**I**N médio Ecclesiæ aperuit os ejus: & implevit eum Dóminus spíritu sapiéntiæ & intelléctus; stolam glóriæ induit eum.

*Psal. 91.* Bonum est confiteri Dómino: & psállere nómini tuo, Altíssime.

*v. Gloria Patri.*

*Oratio.*

**A**desto supplicatióibus nostris omnipotens Deus: & quibus fiduciam sperandæ pietátis indulges, intercedente beáto Augustino Confessore tuo Catque Pontífice, consuétæ misericórdiæ tribue benígnus effectum. Per Dóminum.

*Pro commemor. S. Hermetis*

*márt.*

*Oratio.*

**D**eus, qui beátum Hermétem mártirem tuum virtute constantiæ in passione roborásti: ex ejus nobis imitatione tribue, pro amore tuo próspéra mundi despícere, & nulla ejus adversa formidare. Per Dóminum.

Lectio Epístolæ beati Pauli Apóstoli ad Timótheum.

*2. Tim. 4.*

**C**haríssime, Testificor coram Deo, & Jesu Christo,

to,



to, qui iudicaturus est vivos & mortuos, per adventum ipsius, & regnum ejus: prædica verbum, in ista opportune, importune; argue, obsecra, increpa in omni patientia, & doctrina. Erit enim tempus, cum sanam doctrinam non sustinebunt, sed ad sua desideria coacervabunt sibi magistros, pruriētes auribus, & a veritate quidem auditum avertent, ad fabulas autem convertentur. Tu verò vigila, in omnibus labora, opus fac Evangelistæ, ministerium tuum imple. Sobrius esto. Ego enim jam delibor, & tempus resolutionis meæ instat. Bonum certamen certavi, cursum consummavi, fidem servavi. In reliquo reposita est mihi corona justitiæ, quam reddet mihi Dominus in illa die justus iudex; non solum autem mihi, sed & iis qui diligunt adventum ejus.

*Graduale. Psal. 36.* Os justi meditabitur sapientiam, & lingua ejus loquetur iudicium.

*V.* Lex Dei ejus in corde ipsius: & non supplantabuntur gressus ejus.

*Allelúia, allelúia.*

*V. Ps. 88.* Inveni David ferum meum, oleo sancto meo unxi eum. *Allelúia.*

*Sequētia sancti Evangelii secundum Matthæum.*

*Matth. 5.*

**I**n illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur? ad nihilum valet ultra, nisi ut mittatur foras, & conculcetur ab hominibus. Vos estis lux

mundi. Non potest civitas abscondi supra montem posita. Neque accendunt lucernam, & ponunt eam sub mōdio, sed super candelabrum: ut luceat omnibus qui in domo sunt. Sic luceat lux vestra coram hominibus, ut videant opera vestra bona, & glorificent Patrem vestrum, qui in coelis est. Nolite putare quoniam veni solvere legem, aut Prophetas: non veni solvere, sed adimplere. Amen quippe dico vobis, donec transeat cœlum & terra, iota unum, aut unus apex non præteribit à lege, donec omnia fiant. Qui ergo solverit unum de mandatis istis minimis, & docuerit sic homines, minimus vocabitur in regno cœlorum: qui autem fecerit & docuerit, hic magnus vocabitur in regno cœlorum. *Credo.*

*Offertorium. Psal. 91.* Justus ut palma florebit: sicut cedrus, quæ in Libano est, multiplicabitur.

*Secreta.*

**S**ancti Confessoris tui Augustini nobis, Domine, pia non desit oratio: quæ & muneribus nostra conciliet, & tuam nobis indulgentiam semper obtineat. *Per Dominum nostrum.*

*Pro S. Hermete. Secreta.*

**S**acrificium tibi, Domine, laudis offerimus in tuorum commemoratione sanctorum: da, quaesumus, ut quod illis contulit gloriam, nobis proficiat ad salutem. *Per Dominum nostrum.*

*Communio. Luc. 12.* Fidelis servus & prudens, quem constituit dominus super familiam



nam suam: ut det illis in tēpore tritici mensuram.

*Postcommunio.*

**U**T nobis, Dōmine, tua sacrificia dent salutem: beatus Confessor tuus Augustinus & Pontifex, quāsumus, precator accēdat. Per Dōminum.

*Pro sancto Hermete.*

*Postcommunio.*

**R**Eplēti, Dōmine, benedictione cōlesti, quāsumus clemētiā tuā: ut intercedēte beato Hermete mārtyre tuo, quā humiliter gerimus, salūbriter sentiamus. Per Dōminum nostrum.

*Die xxix. Augusti.*

**IN DECOLLATIONE S. JOANNIS BAPTISTÆ.**

*Introitus. Psal. 118.*

**L**Oquēbar de testimoniis tuis in conspectu regum, & non confundebar: & meditabar in mandatis tuis, quā dilexi nimis.

*Psal. 91.* Bonum est confiteri Dōmino: & psallere nōmini tuo, Altissime.

*V. Gloria Patri.*

*Oratio.*

**S**ANCTI Joānnis Baptiste præcursoris & mārtyris tui, quāsumus Dōmine, venerāda festiuitas, salutāris auxiliī nobis præstet effectum. Qui vivis & regnas.

*Pro commem. S. Sabine mart.*

*Oratio.*

**D**EUS qui inter cētera potentie tue miracula, etiā in sexu fragili victōriam martyrii contulisti: concede propitius; ut qui beatæ Sabine mārtyris tue natalitia cō-

linus, per ejus ad te exēpla gradiāmur. Per Dōminum.

*Lectio Jeremiæ Prophete.*

*Jer. 1.*

**I**N diēbus illis: Factum est verbum Dōmini ad me, dicens: Accinge lumbos tuos, & surge, & loquere ad Juda omnia quæ ego præcipio tibi. Ne formides à facie eōrum: nec enim timere te faciā vultum eōrum. Ego quippe dedi te hōdie in civitatem munitam, & in columnam ferream, & in murum æreum, super omnem terram, regibus Juda, principibus ejus, & sacerdotibus, & populo terræ. Et bellabunt adversum te, & non prævalēbunt: quia ego tecum sum, ait Dōminus, ut liberem te.

*Graduale Psal. 91.* Justus ut palma florebit: sicut cedrus Libani multiplicabitur in domo Dōmini. *V.* Ad annuntiandum manē misericordiam tuam, & veritatem tuam per noctem.

*Allelūia, allelūia.*

*V. Osee 14.* Justus germinabit sicut lilium: & florebit in ætēnum ante Dōminum. *Allelūia.*

*Sequentia sancti Evangelii secundum Marcum.*

*Marc. 6. c.*

**I**N illo tēpore: Misit Herodes, ac tenuit Joānnem: & vinxit eum in carcere propter Herodiadem uxorem Philippi fratris sui, quia duxerat eam. Dicebat enim Joānes Herōdi: Non licet tibi habere uxorem fratris tui. Herōdias autem insidiabatur illi: & volēbat occidere eum, nec poterat.



póterat. Heródes enim metuébat Joánnem, sciens eum virum justum & sanctum: & custodiébat eum, & audíto eo, multa faciébat, & libén-ter eum audiébat. Et cùm dies opportunus accidisset, Heródes natális sui cœnam fecit principibus, & tribúnis, & primis Galilææ. Cùmque introisset filia ipsíus Herodiadis, & saltasset, & placuisset Heródi, simulque recumbéntibus; rex ait puellæ: Pete à me quod vis, & dabo tibi: & jurávit illi: Quia quidquid petieris dabo tibi, licet dimídium regni mei. Quæ cùm exisset, dixit matri suæ: Quid petam? At illa dixit: Caput Joánnis Baptístæ. Cùmque introisset statim cum festinatione ad regem, petívit, dicens: Volo ut pròtinus des mihi in disco caput Joánnis Baptístæ. Et contristátus est rex propter iusjurándum, & propter simul discumbéntes, nóluit eam contristáre: sed misso spiculatóre præcépit afférri caput ejus in disco. Et decollávit eum in cárcere, & attulit caput ejus in disco: & dedit illud puellæ, & puella dedit matri suæ. Quo audíto, discípuli ejus venérunt, & tulerunt corpus ejus, & posuerunt illud in monumento.

*Offertorium. Psal. 20.* In virtúte tua Dómine lætábitur justus, & super salutáre tuum exultábit veheménter: desiderium animæ ejus tribuísti ei.

*Secreta.*

**M**Unera, quæ tibi Dómine pro sancti mártiris tui Joánnis Baptístæ passióne deferimus, quæsumus, ut ejus

obténtu, nobis proficiant ad salutem. Per Dóminum.

*Pro S. Sabina. Secreta.*

**H**ostias tibi, Dómine, beátæ Sabinae mártýris tuæ dicátas méritis, benígnus assúme: & ad perpétuum nobis tribue proveníre subsidi-um. Per Dóminum.

*Communio. ibid.* Posuísti Dómine in cápite ejus corónam de lápide pretiósó.

*Postcommunio.*

**C**onferat nobis, Dómine, sancti Joánnis Baptístæ solémnitas: ut & magnífica sacraménta quæ sumpsimus, significáta venerémur; & in nobis pótius édita gaudeámus. Per Dóminum.

*Pro S. Sabina. Postcomm.*

**D**ivini múnieris largitáte satiáti, quæsumus Dómine Deus noster: ut intercedente beáta Sabína mártýre tua, in ejus semper participatióne vivámus. Per Dóminum.

*Die xxx. Augusti.*

IN FESTO S. ROSÆ à S. MARIA virginis Limanæ. *Missa. Dilexísti. de Comuni Virginum. xxix.*

*Oratio.*

**B**onórum ómnium largitor omnípotens Deus, qui beátam Rosam, coeléstis grátiae rore prævéntam, virginitátis & patientiæ decóre Indis floréscere voluísti: da nobis famulis tuis; ut in odórem suavitátis ejus currétes, Christi bonus odor éffici mereámur. Qui tecum vivit, &c.

*Et fit commemor. SS. Felicis & Adaucti martyrum.*

*Ora-*



*Oratio.*

**M**Ajestatem tuam, Dómine, supplices exoramus: ut sicut nos júgiter sanctorum tuorum commemoratione lætificas, ita semper supplicatione defendas. Per Dóminum.

*Secreta.*

**H**ostias, Dómine, tuæ plebis inténde: & quas in honore sanctorum tuorum devóta mente célebrat, proficere sibi sentiat ad salutem. Per Dóminum.

*Postcommunio.*

**R**epleti, Dómine, munéribus sacris, quæsumus: ut intercedéntibus sanctis tuis, in gratiarum semper actione maneámus. Per Dóminum.

*Die xxxi. Augusti.*

IN FESTO S. RAYMUNDI Nonnati Confessoris.

*Missæ. Os justi. ut in Comuni Conf. non Pontif. xxii. præter primam Orationem hinc propriam.*

*Oratio.*

**D**eus, qui in liberandis Fidélibus tuis, ab impiorum captivitate beátum Raymúndum Nonnátum Confessórem tuum miráblem effecísti: ejus nobis intercessióne concéde; ut à peccatorum vñculis absolúti, quæ tibi sunt plácita, líberis méntibus exequámur. Per Dóminum.

## FESTA SEPTEMBRIS.

*Die i. Septembris.*

SANCTI ÆGIDII AB-  
Batis. *Missæ. Os justi.*  
*de Comuni Abbatum. xxiv.*

*Et fit commem. SS. martyrum duodecim Fratrum.*

*Oratio.*

**F**raterna nos, Dómine, Mátyrum tuorum corónat lætificet: quæ & fidei nostræ præbeat incrementa virtutum, & multiplici nos suffragio consolétur.

*Secreta.*

**M**ysteria tua, Dómine, pro sanctorum Mátyrum tuorum commemoratione devóta mente tractémus, quibus nobis & præsidium crescat, & gaudium.

*Postcommunio.*

**P**ræsta quæsumus omnipotens Deus: ut quorum memóriam sacraménti participatione recolimus, fidem quoque proficiendo sectémur.

*Die ii. Septembris.*

IN FESTO S. STEPHANI Hungariæ Regis Confess.

*Introitus.**Psal. 36.*

**O**s justi meditábitur sapientiam, & lingua ejus loquétur júdiciúm: lex Dei ejus in corde ipsíus.

*Psal. ibid.* Noli æmulári in malignántibus: neque zeláveris faciéntes iniquitatem.

*v. Glória Patri. Oratio.*

**C**oncéde, quæsumus Ecclésiæ tuæ omnipotens Deus: ut beátum Stéphanum Confessórem tuum, quem regnántem in terris propagatórem hábuit, propugnatórem habére mereatur gloriósum in coelis. Per Dóminum.

Lectio libri Sapientiae.

*Eccli. 31.*

**B**eátus vir, qui invéntus est sine mácula; & qui post  
3 R aurum



aurum non abiit, nec speravit in pecunia & thesauris. Quis est hic, & laudabimus eum? fecit enim mirabilia in vita sua. Qui probatus est in illo, & perfectus est, erit illi gloria æterna; qui potuit transgredi, & non est transgressus: facere mala, & non fecit: ideo stabilita sunt bona illius in Domino, & eleemosynas illius enarrabit omnis Ecclesia sanctorum.

*Graduale. Psal. 91.* Justus ut palma florebit: sicut cedrus Libani multiplicabitur in domo Domini. *V.* Ad annuntiandum manem misericordiam tuam, & veritatem tuam per noctem.

Allelúia, allelúia.

*V. Jac. 1.* Beatus vir, qui suffert tentationem: quoniam cum probatus fuerit, accipiet coronam vitæ. Allelúia.

Sequentia sancti Evangelii secundum Lucam.

*Luc. 19. b.*

**I**N illo tempore: Dixit Jesus discipulis suis parabolan hanc: Homo quidam nobilis abiit in regionem longinquam accipere sibi regnum, & reverti. Vocatis autem decem servis suis, dedit eis decem mnas, & ait ad illos: Negotiamini dum venio. Cives autem ejus oderant eum: & miserunt legationem post illum, dicentes: Nolumus hunc regnare super nos. Et factum est ut rediret, accepto regno: & jussit vocari servos, quibus dedit pecuniam, ut sciret quantum quisque negotiatus esset. Venit autem primus, dicens: Domine, mna tua decem mnas acquisi-

vit. Et ait illi: Euge bone serve, quia in modico fuisti fidelis, eris potestatem habens super decem civitates. Et alter venit, dicens: Domine, mna tua fecit quinque mnas. Et huic ait: Et tu esto super quinque civitates. Et alter venit, dicens: Domine, ecce mna tua, quam habui repositam in sudario: timui enim te, quia homo austerus es: tollis quod non posuisti, & metis quod non seminasti. Dicit ei: De ore tuo te iudico, serve nequam. Sciebas quod ego homo austerus sum, tollens quod non posui, & metens quod non seminavi: & quare non dedisti pecuniam meam ad mensam, ut ego veniens, cum usuris utique exegissem illam? Et astantibus dixit: Auferte ab illo mnam, & date illi, qui decem mnas habet. Et dixerunt ei: Domine, habet decem mnas. Dico autem vobis, quia omni habenti dabitur, & abundabit: ab eo autem, qui non habet, & quod habet, auferetur ab eo.

*Offertorium. Ps. 88.* Veritas mea, & misericordia mea cum ipso: & in nomine meo exaltabitur cornu ejus.

*Secreta.*

**R**Espice, quas offerimus, hostias, omnipotens Deus, & presta: ut qui passionis Domini mystéria celebramus, imitemur quod agimus. Per Dominum.

*Communio. Matth. 24.* Beatus servus, quem, cum venerit dominus, invenerit vigilantem: amen dico vobis, super omnia bona sua constituet eum.

*Post-*



*Postcommunio.*

**P**Ræsta quæsumus omnípotens Deus: ut beáti Stéphani Confessóris tui fidem congrua devotióne sectémur, qui ejúsdem fidei dilatatióne, de terréno regno ad coeléstis regni glóriam méruit pervenire. Per Dóminum.

*Die v. Septembris.*

IN FESTO S. LAURENTII JUSTINIANI Episc. & Confess. Semiduplex.

*Missæ.* Státuit ei Dóminus, de Communi Conf. Pontif. xvi.

*Die viii. Septembris.*

IN NATIVITATE B. MARIE Virginis.

*Introitus. Sedulius.*

**S**alve sancta parens, eníxa spúerpera Regem: qui cœlum terrámque regit in sæcula sæculórum.

*Psal. 44.* Eructávit cor meum verbum bonum: dico ego ópera mea Regi.

v. Glória Patri.

*Oratio.*

**F**Amulis tuis, quæsumus Dómine, coeléstis grátie munus impertíre: ut quibus beátæ Víriginis partus extítit salútis exórdium, Nativitátis ejus votíva solémnitas, pacis tríbuat incrementum. Per Dóminum nostrum.

*In Missis privatis pro commemoratione S. Adriani martyris.*

*Oratio.*

**P**Ræsta quæsumus omnípotens Deus: ut, qui beáti Adriani mártiris tui natalítia cólimus, intercessióne ejus in tui nóminis amóre roborémur. Per Dóminum.

*Léctio libri Sapiéntiæ.*

*Prov. 8. c.*

**D**ominus possédit me in iníitio viárum suárum, ántequam quidquam fáceret à princípio. Ab ætérno ordináta sum, & ex antíquis ántequam terra fieret. Nondum erant abyssi, & ego jam concépta eram: necdum fontes aquárum erúperant: necdum montes gravi mole constáterant: ante colles ego parturiébar: adhuc terram non fécerat, & flúmina, & cárdines orbis terræ. Quando præparábat cœlos, áderam: quando cérta lege, & gyro vallábat abyssos: quando æthera firmábat sursum, & librábat fontes aquárum: quando circúmdabát mari téminum suum, & legem ponébat aquis, ne transírent fines suos: quando appendébat fundaménta terræ. Cum eo eram, cuncta compónens: & delectábar per singulos dies, ludens coram eo omni témpore, ludens in orbe terrárum: & delíciæ meæ, esse cum filiis hóminum. Nunc ergo filii audíte me: Beáti, qui custódiunt vias meas. Audíte disciplínam, & estóte sapiéntes, & nolíte abjícere eam. Beátus homo, qui audit me, & qui vígilat ad fores meas quotidie, & obsérvat ad postes óstii mei. Qui me invenerit, invéniet vitám, & háuriet salútem à Dómino.

*Graduale.* Benedícta & venerábilis es virgo María: quæ sine tactu pudóris invénta es mater Salvatóris. v. Virgo Dei génitrix, quem totus non capit orbis, in tua se clausit víscera factus homo.



Allelúia, allelúia.

v. Felix es sacra virgo María, & omni laude digníffima: quia ex te ortus est sol justí-  
tiæ, Christus Deus noster.  
Allelúia.

Inítium sancti Evangélíi se-  
cúndum Matthæum.

*Matth. i.*

**L**iber generatiónis Jesu Christi, filii David, filii Abraham. Abraham genuit Isaac. Isaac autem genuit Jacob. Jacob autem genuit Judam, & fratres ejus. Judas autem genuit Phares, & Zaram de Thamar. Phares autem genuit Efron. Efron autem genuit Aram. Aram autem genuit Aminadab. Aminadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomónem ex ea quæ fuit Uriæ. Salomón autem genuit Róboam. Róboam autem genuit Abíam. Abías autem genuit Afa. Afa autem genuit Jósaphat. Jósaphat autem genuit Joram. Joram autem genuit Ozíam. Ozías autem genuit Jóatham. Jóatham autem genuit Achaz. Achaz autem genuit Ezechíam. Ezechías autem genuit Manáffen. Manáffes autem genuit Amon. Amon autem genuit Josíam. Josías autem genuit Jechoníam, & fratres ejus in transmigratióne Babylónis. Et post transmigratió-  
nem Babylónis, Jechonías genuit Saláthiel. Saláthiel autem genuit Zoróbabel. Zoró-

babel autem genuit Abiud. Abiud autem genuit Eliá-  
cim. Eliáxim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleázar. Eleázar autem genuit Mathan. Mathan autem genuit Jacob. Jacob autem genuit Joseph virum Mariæ, de qua natus est Jesus, qui vocatur Christus. Credo.

*Offertorium.* Beáta es virgo María, quæ ómnium portásti Creatórem: genuísti, qui te fecit, & in ætérnum pérmanes virgo.

*Secreta.*

**U**Nigéniti tui, Dómine, nobis succúrrat humanitas: ut qui natus de Vírgine, matris integritátem non mínuit, sed sacrávit; in Nativitátis ejus solémniis, nostris nos piáculis éxuens, oblati-  
onem nostram tibi fáciat accéptam Jesus Christus Dóminus noster. Qui tecum vivit & regnat.

*Pro S. Adriano. Secreta.*

**M**Unéribus nostris, quæsumus Dómine, precibúque susceptis: & coeléstibus nos munda mystériis, & cleménter exáudi. Per Dóminum.

*Præfatio de B. Mariæ.* Et te in Nativitáte. quæ dicitur per totam Octavam, etiam in festis, nisi habuerint propriam.

*Communio.* Beáta víscera Mariæ vírginis, quæ portáverunt ætérni Patris Fílium.

*Postcommunio.*

**S**umpsimus, Dómine, celebritátis ánnuæ votíva sacraménta, præsta quæsumus; ut & temporális vitæ nobis



nobis remédia præbeant, & æternæ. Per Dóminum.

*Pro S. Adriano. Postcommunio.*

**D**A, quæsumus Dómine Deus noster: ut sicut tuórum commemoratióne sanctórum, temporáli gratulamur officio, ita perpétuo lætémur aspéctu. Per Dóminum.

*Infra Oét. Nativitatis B. M. & in die Oétava, dicitur Missa sicut in die Festi; sed infra Oétavam, quando non fit commemoratio festi Simplicis, dicitur secunda Oratio de Spiritu sancto, Deus, qui corda. xl. tertia, Ecclesiæ. vel pro Papa. Deus ómnium. 236.*

*Dominica infra Oét. Nativitatis Beatæ Mariæ Virginis.*

**FESTUM SS. NOMINIS BEATÆ Mariæ Virginis.**

**V**ultum tuum deprecabuntur omnes dívites plebis: adducéntur Regi vírgines post eam: próximæ ejus adducéntur tibi, in lætítia & exultatióne.

*Psal. ibid.* Eructávit cor meum verbum bonum: dico ego ópera mea Regi.

*v. Glória Patri.*

*Oratio.*

**C**oncède, quæsumus omnípotens Deus: ut fideles tui, qui sub sanctíssimæ virginis Mariæ Nómine & protectiόne lætántur; ejus pia intercessiόne, à cunctis malis liberéntur in terris, & ad gáudia æterna pervenire mereántur in cœlis. Per Dóminum.

*Et fit comem. Dominica occur.*

Léctio libri Sapiéntiæ.

*Eccli. 24.*

**E**Go quasi vitis fructificávi suavitátem odóris: & flores mei fructus honóris, & honestátis. Ego mater pulchræ dilectiόnis, & timóris, & agnitiόnis, & sanctæ spei. In me grátia omnis viæ & veritátis, in me omnis spes vitæ & virtútis. Transíte ad me omnes, qui concupíscitis me, & à generatiόnibus meis implémini. Spíritus enim meus super mel dulcis, & hæreditas mea super mel, & favum. Memória mea in generatiόnes sæculórum. Qui edunt me, adhuc esúrient: & qui bibunt me, adhuc sítient. Qui audit me, non confundetur: & qui operántur in me, non peccábunt. Qui elúcidant me, vitam æternam habébunt.

*Graduale.* Benedícta & venerábilis es virgo María, quæ sine tactu pudóris, invénta es Mater Salvatóris. *v. Virgo Dei Génitrix, quem totus non capit orbis, in tua se clausit víscera factus homo.*

*Allelúia, allelúia.*

*v. Post partum, Virgo, invioláta permansísti, Dei Génitrix intercède pro nobis. Allelúia.*

*Sequéntia sancti Evangélii secundum Lucam.*

*Luc. 1.*

**I**n illo témpore: Missus est Angelus Gábriel à Deo in civitátem Galilææ, cui nomen Názareth, ad Virgínem desponsátam viro, cui nomen erat Ioseph, de domo David,



David, & nomen vîrginis Maríæ. Et ingrêssus Angelus ad eam, dixit: Ave grátia plena: Dóminus tecum: Benedícta tu in muliéribus. Quæ cûm audisset, turbáta est in sermóne ejus, & cogitábat qualis esset ista salutátio. Et ait Angelus ei: Ne tímeas Maríæ, invenísti enim grátiam apud Deum: ecce concípies in útero, & páries filium, & vocábis nomen ejus Jesum. Hic erit magnus, & Fílius Altíssimi vocábitur: & dabit illi Dóminus Deus sedem David patris ejus: & regnábit in domo Jacob in ætérnum, & regni ejus non erit finis. Dixit autem Maríæ ad Angelum: Quómodo fiet istud, quóniam virum non cognósko? Et respóndens Angelus, dixit ei: Spíritus sanctus supervéniet in te, & virtus Altíssimi obumbrábit tibi. Ideóque & quod nascétur ex te Sanctum, vocábitur Fílius Dei. Et ecce Elísabeth cognáta tua, & ipsa concépit filium in senectúte sua: & hic mensis sextus est illi, quæ vocátur stérilis: quia non erit impossíbile apud Deum omne verbum. Dixit autem Maríæ: Ecce ancílla Dómini, fiat mihi secúndum verbum tuum. Credo.

*Offertorium, Luc. 1.* Ave Maríæ, grátia plena: Dóminus tecum: Benedícta tu in muliéribus, & benedíctus fructus ventris tui.

*Secreta.*

**T**Ua, Dómine, propitiatióne, & beátæ Maríæ semper vîrginis intercessióne, ad perpétuam atque præsen-

tem hæc oblátio nobis proficiat prosperitátem & pacem. Per Dóminum.

*Deinde fit commem. Dominicæ.*

*Præfatio de B. M. V.* Et te in festivitáte beátæ Maríæ.

*Communio.* Beáta víscera Maríæ vîrginis: quæ portavérunt ætérni Patris Filium.

*Postcommunio.*

**S**umptis, Dómine, salutis nostræ subsidiis: da, quæsumus, beátæ Maríæ semper vîrginis patrocíniis nos ubique prótegi: in cujus veneratióne hæc tuæ obtúlimus majestáti. Per Dóminum.

*Deinde fit commem. Dominicæ.*

*In fine Missæ legitur Evangelium Dominicæ.*

*Die ix. Septembris.*

PRO COMMÉM. S. GORGONII martyr.

*Oratio.*

**S**anctus tuus, Dómine, Gorgónius sua nos intercessióne lætíficet: & pia faciát solemnitate gaudere.

*Tertia Oratio de Spiritu sancto.* Deus qui corda. xl. nisi venerit in Dominica: tunc enim tertiâ Oratio erit de Sancto.

*Secreta.*

**G**Rata tibi sit, Dómine, nostræ servitútis oblátio: pro qua sanctus Gorgónius martyr intervéntor exístat.

*Postcommunio.*

**F**amíliam tuam, Deus, suávitatis ætérna contíngat, & végetet: quæ in mártire tuo Gorgónio, Christi Fílii tui bono júgiter odóre pascátur.

*Die*



Die x. Septembris.

IN FESTO S. NICOLAI  
de Tolentino.*Introitus. Psal. 91.*

**J**ustus ut palma florébit, sicut cedrus Líbani multiplicábitur: plantátus in domo Dómini, in átriis domus Dei nostri.

*Psal. ibid.* Bonum est confitéri Dómino: & psállere nómini tuo, Altíssime.

*v. Glória Patri. Oratio.*

**A**désto Dómine suppli-  
cationibus nostris, quas in beáti Nicolái Confessóris tui solemnitáte deférimus: ut qui nostræ justítiæ fidúciā non habémus, ejus, qui tibi plácuít précibus adjuvémur. Per Dóminum.

*Pro commem. Octavæ Nativitatis B. Mariæ. Oratio.*

**F**Amulis tuis, quæsumus Dómine, coeléstis grátiae munus impertíre: ut quibus beátæ Vírginis partus éxstitit salútis exórdium, Nativitátis ejus votíva solémnitas, pacis tríbuat incrementum. Per Dóminum nostrum.

Léctio Epístolæ beáti Pauli  
Apóstoli ad Corínthios.*1. Cor. 4.*

**F**Ratres, Spectáculum facti sumus mundo, & Angelis, & homínibus. Nos stulti propter Christum, vos autem prudéntes in Christo: nos infirmi, vos autem fortes: vos nóbiles, nos autem ignóbiles. Usque in hanc horam & esurímus, & sitímus, & nudi sumus, & cólaphis cædimur, & instábiles sumus, & laborámus operántes má nibus nostris: maledícimur, & benedícimus: persecutió nem páti-  
mur, & sustinémus: blasphemamur, & obsecrámus: tamquam purgamenta hujus mundi facti sumus, ómnium peripféma usque adhuc. Non ut confúndam vos, hæc scribo, sed ut filios meos charísimos móneo: in Christo Jesu Dómino nostro.

*Graduale. Psal. 36.* Os justí meditábitur sapiéntiam, & lingua ejus loquétur judícium.

*v.* Lex Dei ejus in corde ipsíus: & non supplantabúntur gressus ejus. Allel. allel.

*v. Ps. 111.* Beátus vir, qui timet Dóminum: in mandátis ejus cupit nimis. Allelúia. Sequéntia sancti Evangélii secúndum Lucam. *Luc. 12. d.*

**I**N illo témpore: Dixit Jesus discípulis suis: Nolíte timére pusíllus grex, quia complácuít Patri vestro dare vobis regnum. Véndite quæ possidéti, & date eleemósy-  
nam. Fácite vobis fácculos qui non veteráscunt, thesáurum non deficiéntem in coelis: quò-  
fur non apprópiat, neque tí-  
nea corrúmpit. Ubi enim the-  
sáurus vester est, ibi & cor vestrum erit. Credo.

*Offertorium. Ps. 20.* In virtúte tua, Dómine, lætábitur justus, & super salutáre tuum exultábit veheménter: desidérium ánimæ ejus tribuísti ei.

*Secreta.*

**P**Ræsta nobis, quæsumus omnipotens Deus: ut nostræ humilitátis oblátio, & pro tuórum tibi grata sit honóre sanctórum, & nos córpore páriter & mente puríficet. Per Dóminum.

*Pro commem. Octavæ Nativitatis B. Mariæ. Secreta.*

**U**Nigéniti tui, Dómine, nobis succúrrat humanitas:



tas: ut qui natus de Virgine, matris integritatem non minuit, sed sacravit: in Nativitatis ejus sollemniis, nostris nos piaculis exuens, oblationem nostram tibi faciat acceptam Jesus Christus Dominus noster. Qui tecum vivit & regnat.

*Communio. Matth. 19.* Amen dico vobis, quod vos qui reliquistis omnia, & secuti estis me: centuplum accipietis, & vitam æternam possidebitis.

*Postcommunio.*

**Q**uæsumus omnipotens Deus: ut qui cœlestia alimenta percipimus, intercedente beato Nicolao Confessore tuo, per hæc contra omnia adversa muniamur. Per Dominum nostrum.

*Pro Oct. Nativitatis B. Mariæ.*

*Postcommunio.*

**S**umpimus, Domine, celebritatis annuæ votiva sacramenta: præsta quæsumus; ut & temporalis vitæ nobis remedia præbeant, & æternæ. Per Dominum nostrum.

*Die xi. Septembris.*

PRO COMM. SS. PROTI, & HYACINTHI Mart.

*Oratio.*

**B**eatorum martyrum tuorum Proti & Hyacintii nos, Domine, foveat pretiosa confessio: & pia jûgiter intercessio tueatur.

*De Spiritu sancto iii. Oratio.* Deus, qui corda. xl. *Secreta.*

**P**ro sanctorum martyrum tuorum Proti & Hyacintii commemoratione, munera tibi, Domine, quæ debemus, exsolvimus: præsta, quæ-

sumus, ut remedium nobis perpætuae salutis operentur.

*Postcommunio.*

**U**T percépta nos, Domine, tua sancta purificent, beatórum mártýrum tuórum Proti & Hyacínthi, quæsumus, implóret oratio.

*Die xiv. Septembris.*

IN FESTO EXALTATIONIS S. CRUCIS.

*Introitus.*

*Gal. 6.*

**N**Os autem gloriári oportet in Cruce Domini nostri Jesu Christi, in quo est salus, vita, & resurrectio nostra: per quem salvati, & liberati sumus.

*Psal. 66.* Deus misereatur nostri, & benedicat nobis: illuminet vultum suum super nos, & misereatur nostri.

v. Glória Patri. *Oratio.*

**D**eus, qui nos hodiernæ die Exaltationis sanctæ Crucis annua solemnitáte lætificas: præsta quæsumus; ut, cujus mystérium in terra cognovimus, ejus redemptionis præmia in cœlo mereámur. Per eundem Dominum.

*Et fit contmem. de Octava Nativitatis B. Mariæ.*

*Oratio.*

**F**amulis tuis, quæsumus Domine, cœlestis gratiæ munus impertire: ut quibus beatæ virginis partus extitit salutis exórdium, Nativitatis ejus votiva sollemnitas, pacis tríbuat incrementum. Per Dominum.

Lectio Epistolæ beati Pauli Apóstoli ad Philippenses.

*Phil. 2.*

**F**Ratres, Hoc enim sentite in vobis, quod & in Christo



to Jesu : qui cū in forma Dei esset, non rapinam arbitratus est esse se æqualem Deo : sed semetipsum exinanivit, formam servi accipiens, in similitudinem hominum factus, & habitu inventus ut homo. Humiliavit semetipsum, factus obediens usque ad mortem, mortem autem crucis. Propter quod & Deus exaltavit illum : & donavit illi nomen, quod est super omne nomen : (*Hic genuflectitur.*) ut in nomine Jesu omne genu flectatur cœlestium, terrestrium, & infernorum, & omnis lingua confiteatur, quia Dominus Jesus Christus in gloria est Dei Patris.

*Graduale. ibid.* Christus factus est pro nobis obediens usque ad mortem, mortem autem crucis. *Ps.* Propter quod & Deus exaltavit illum : & dedit illi nomen, quod est super omne nomen.

Allelúia, allelúia.

*Ps.* Dulce lignum, dulces clavos, dulcia ferens pōdera : quæ sola fuisti digna sustinere Regem cœlorum, & Dominum. Allelúia.

Sequētia sancti Evangelii secundum Joānnem.

*Joan. 12. e.*

**I**N illo tempore : Dixit Jesus turbis Judæorum : Nunc iudicium est mundi : nunc princeps hujus mundi ejicietur foras. Et ego, si exaltatus fuero à terra, omnia traham ad meipsum : (hoc autem dicebat, significans qua morte esset moriturus.) Respondit ei turba : Nos audivimus ex lege, quia Christus manet in

æternum : & quomodo tu dicis : Oportet exaltari Filium hominis ? Quis est iste Filius hominis ? Dixit ergo eis Jesus : Adhuc modicum lumen in vobis est. Ambulate dum lucem habetis, ut non vos tenebræ comprehendant : & qui ambulat in tenebris, nescit quò vadat. Dum lucem habetis, credite in lucem, ut filii lucis sitis. Credo.

*Offertorium.* Prōtege Dōmine plebem tuam per signum sanctæ Crucis, ab insidiis inimicorum omnium : ut tibi gratam exhibeamus servitutem, & acceptabile fiat sacrificium nostrum, allelúia.

*Secreta.*

**J**esu Christi Dōmini nostri corpore & sanguine saginandī, per quem Crucis est sanctificatum vexillum, quæsumus Dōmine Deus noster : ut sicut illud adorare meruimus, ita perenniter ejus gloriæ salutāris potiāmur effectu. Per eundem Dōminum.

*De Octava. Secreta.*

**U**Nigēniti tui, Dōmine, nobis succurrat humanitas : ut qui natus de Virgine, matris integritatem non minuit, sed sacravit : in Nativitatis ejus solēnniis, nostris nos piaculis exuens, oblationem nostram tibi faciat acceptam Jesus Christus Dōminus noster. Qui tecum vivit & regnat.

*Præfatio de Cruce.* Qui salutem.

*Communio.* Per signum Crucis de inimicis nostris libera nos Deus noster.

*Postcommunio.*

**A**Desto nobis Dōmine Deus noster : & quos sanctæ Crucis lætari facis honore, ejus



ejus quoque perpétuis defén-  
de subsidiis. Per Dóminum.

*De Octava. - Postcommunio.*

**S**umpsimus, Dómine, cele-  
britatis annuæ votiva sa-  
cramenta: præsta quæsumus;  
ut & temporális vitæ nobis re-  
média præbeant, & æternæ.  
Per Dóminum.

*Die xv. Septembris.*

IN OCTAVA NATIVI-  
TATIS BEATÆ MA-  
RIÆ.

*Missæ ut in Die, cum com-  
mem. S. Nicomedis mart.*

*Oratio.*

**A**desto Dómine pópulo  
tuo: ut beáti Nicomedis  
mártiris tui mérita præclára  
suscípiens, ad impetrándam  
misericórdiam tuam semper  
ejus patrocíniis adjuvétur. Per  
Dóminum nostrum Jesum  
Christum Fílium.

*Secreta.*

**S**uscipe, Dómine, múnera  
propítius oblata: quæ ma-  
jestáti tuæ beáti Nicomedis  
mártiris comméndet orátio.  
Per Dóminum nostrum.

*Postcommunio.*

**P**uríficent nos, Dómine,  
sacramenta quæ sumpsi-  
mus: & intercedente beáto  
Nicoméde mártire tuo, à  
cunctis efficiant víitiis absolú-  
tos. Per Dóminum nostrum.

*Si sequens festum SS. Corne-  
lii & Cypriani venerit in Do-  
minica, transfertur in primam  
diem non impeditam; sed com-  
mem. SS. Euphemie, &c. fit  
in Dominica. Si verò occurrat  
in Feria iv. Quatuor Temp. fit  
commem. primùm de Feria, pos-  
teà de SS. Euphemia, &c.*

*Die xvi. Septembris.*

IN FESTO SS. CORNE-  
LII & CYPRIANI Pon-  
tificum & martyrum.

*Missæ. Intret in conspéctu.  
de Communi plurimor. Marty-  
rum xii.*

*Et fit commem. SS. Euphemie,  
Lucie, & Geminiani mart.*

*Oratio.*

**P**ræsta Dómine précibus  
nostris cum exultatióne  
provéntum: ut sanctórum  
mártirum Euphemie, Lucie  
& Geminiani, quorum diem  
passiónis annua devotióne re-  
cólimus, étiam fidei constán-  
tiam subsequámur.

*Tertia Oratio. A cunctis. 267.*

*Pro commemor. SS. Euphemie,  
&c. Secreta.*

**V**ota pópuli tui, quæsu-  
mus Dómine, propítius  
inténde: & quorum nos trí-  
buis solémnia celebrâre, fac  
gaudére suffrágiis.

*Tertia Secreta. Exáudi nos.  
268.*

*Pro SS. Euphemia, &c.*

*Postcommunio.*

**E**xáudi Dómine preces nos-  
tras: & sanctórum már-  
tyrum tuórum Euphemie,  
Lucie, & Geminiani, quo-  
rum festa solémniter cele-  
brámus, continuis foveámur  
auxílis.

*Tertia Postcommunio. Mun-  
det & múniat. 268.*

*Die xvii. Septembris.*

IN FESTO IMPRESSIO-  
NIS Sacrorum Stigmatum  
in corpore beati Francisci.

*Introitus.*

*Gal. 6.*

**M**ihi autem absit gloriá-  
ri, nisi in Cruce Dó-  
mini



mini nostri Jesu Christi: per quem mihi mundus crucifixus est, & ego mundo.

*Psal. 141.* Voce mea ad Dóminum clamávi: voce mea ad Dóminum deprecátus sum.

*v. Glória Patri. Oratio.*

**D**omine Jesu Christe, qui frigescente mundo, ad inflammándum corda nostra tui amoris igne, in carne beatissimi Francísci passiónis tuæ sacra Stigmata renovásti: concede propítius; ut ejus méritis & précibus crucem júgiter ferámus, & dignos fructus poenitentiæ faciámus. Qui vivis & regnas.

Léctio Epístolæ beáti Pauli Apóstoli ad Gálatas.

*Gal. 6.*

**F**ratres, Mihi autem absit gloriári, nisi in Cruce Dómini nostri Jesu Christi: per quem mihi mundus crucifixus est, & ego mundo. In Christo enim Jesu, neque circumcisio aliquid valet, neque præputium, sed nova creatúra. Et quicumque hanc régulam secuti fuerint, pax super illos, & misericórdia, super Israël Dei. De cetero nemo mihi molestus sit: ego enim Stigmata Dómini Jesu in corpore meo porto. Grátia Dómini nostri Jesu Christi, cum spíritu vestro, fratres. Amen.

*Graduale. Psal. 36.* Os iusti meditábitur sapiéntiam, & lingua ejus loquétur iudícium. *v. Lex Dei ejus in corde ipsius: & non supplantabúntur gressus ejus.*

Allelúia, allelúia.

*v. Franciscus pauper & húmilis, cœlum dives ingreditur, hymnis cœlestibus honorátur. Allelúia.*

Sequéntia sancti Evangélíi secundum Matthæum.

*Matth. 10.*

**I**n illo témpore: Dixit Jesus discipulis suis: Si quis vult post me veníre, abneget semetípsum, & tollat crucem suam, & sequátur me. Qui enim volúerit ánimam suam salvam facere, perdet eam. Qui autem perdiderit ánimam suam propter me, invéniet eam. Quid enim prodest hómini, si mundum univérsum lucrétur, ánimæ verò suæ detrimentum patiátur? Aut quam dabit homo commutatíonem pro ánima sua? Fílius enim hóminis ventúrus est in glória Patris sui cum Angelis suis: & tunc reddet unicuique secundum ópera ejus.

*Offertorium. Psal. 88.* Veritas mea, & misericórdia mea cum ipso: & in nómine meo exaltábitur cornu ejus.

*Secreta.*

**M**unera tibi, Dómine, dicáta sanctifica: & intercedente beáto Francíscó, ab omni nos culpárum labe purifica. Per Dóminum nostrum.

*Communio. Luc. 12.* Fidéls fervus & prudens, quem constituit dñus super familiam suam: ut det illis in témpore trítici mensúram.

*Postcommunio.*

**D**eus, qui mira crucismysteria in beáto Francíscó Confessore tuo multifórmiter demonstrásti: da nobis, quæsumus, devotiónis suæ semper exémpia sectári, & assidua ejúsdem Crucis meditatione muníri. Per Dóminum.



*Die xviii. Septembris.*

IN FESTO S. JOSEPHI à  
Cupertino Confessoris.

*Introitus. Eccli. i.*

**D**ilèctio Dei honorábilis  
sapientia: quibus autem  
apparuerit in visu, díligunt  
eam in visióne, & in agnití-  
one magnálium suórum.

*Psal. 83.* Quàm dilècta ta-  
bernacula tua, Dòmiñe vir-  
tutum! concupiscit & déficit  
ánima mea in átria Dómini.

✠. Glória Patri.

*Oratio.*

**D**eus, qui ad Unigénitum  
Fílium tuum exaltátum  
à terra ómnia tráhere disposu-  
ísti: pèrfice propítius; ut  
méritis & exémplo Seráphici  
Confessoris tui Joséphi supra  
terrénas omnes cupiditátes e-  
leváti, ad eum perveníre me-  
reámur, Qui tecum vivit &  
regnat,

Léctio Epístolæ beáti Pauli  
Apóstoli ad Corínthios.

*1. Cor. 13.*

**F**ratres, Si linguis hómi-  
num loquar, & Ange-  
lórum, charitátem autem non  
hábeam, factus sum velut æs  
sonans, aut cymbalum tinni-  
ens. Et si habúero propheti-  
am, & nóverim mystéria óm-  
nia, & omnem sciéntiam; &  
si habúero omnem fidem, ita  
ut montes transférám, chari-  
tátem autem non habúero,  
nihil sum. Et si distribúero  
in cibos páuperum omnes fa-  
cultátes meas, & si tradídero  
corpus meum, ita ut árdeam,  
charitátem autem non habú-  
ero, nihil mihi prodest. Chá-  
ritas pátiens est, benígna est:  
Cháritas non æmulátur, non  
agit pérperám, non inflátur,

non est ambitiósá, non quærit  
quæ sua sunt, non irritátur,  
non cógitat malum: non gau-  
det super iniquitáte, congáu-  
det autem veritáti: ómnia  
suffert, ómnia credit; ómnia  
sperat, ómnia sústinet. Chá-  
ritas numquam éxcidit, sive  
prophetiæ évacuabúntur, sive  
linguæ cessábunt, sive scién-  
tia destruétur.

*Graduale. Psal. 20.* Dómi-  
nè, prævenísti eum in bene-  
dictiónibus dulcédinis, posu-  
ísti in cápite ejus corónam de  
lápide pretiósó. ✠. Vitam pé-  
tiit à te, & tribuísti ei longi-  
tudinem diérum in sæculum,  
& in sæculum sæculi.

Allelúia, allelúia.

✠. *Eccli. 11.* Oculus Dei  
respéxit illum in bono, & e-  
réxit eum ab humilitáte ipsí-  
us, & exaltávit caput ejus.  
Allelúia.

Sequéntia sancti Evangélii se-  
cúndum Matthæum.

*Matth. 22. c.*

**I**n illo témpore: Loquebátur  
Jesus Princípibus Sacerdó-  
tum & Pharisæis in parábolis  
dicens: Símile factum est reg-  
num coelórum hómini regi,  
qui fecit núptias filio suo. Et  
misit servos suos vocáre invi-  
tátos ad núptias, & nolébant  
veníre. Iterúm misit álios  
servos suos dicens: Dícite in-  
vitátis: Ecce prándium me-  
um parávi, tauri mei & altília  
mea occísa sunt, & ómnia  
paráta: veníte ad núptias. Il-  
li autem neglexérunt, & abi-  
érunt, álius in villam suam,  
álius verò ad negotiatiónem  
suam: réliqui verò tenuérunt  
servos ejus, & contuméliis af-  
féctos occidérunt. Rex au-  
tem



sem cū audisset, iratus est, & missis exercitibus suis perdidit homicidas illos, & civitatem eorum succendit. Tunc ait servis suis: Nuptiæ quidem paratæ sunt, sed qui invitati erant, non fuerunt digni. Ite ergo ad exitus viarum, & quoscūque invenēritis, vocate ad nuptias. Et egressi servi ejus in vias, congregaverunt omnes, quos invenērunt, malos & bonos: & implētæ sunt nuptiæ discumbentium. Intravit autem rex ut vidēret discumbētes, & vidit ibi hōinem non vestitum veste nuptiāli: Et ait illi: Amice quōmodo huc intrāsti non habens vestem nuptiālem? At ille obmutuit. Tunc dixit rex ministris: Ligātis manibus & pedibus ejus, mittite eum in tenebras exteriores: ibi erit fletus & stridor dentium. Multi enim sunt vocāti, pauci verò electi.

*Offert. Psal. 34.* Ego autem cū mihi molesti essent, induēbar cilicio. Humiliābam in jejūnio animam meam: & oratio mea in sinu meo convertetur.

*Secreta.*

**L** Audistibi, Dōmine, hostias immolāmus in tuorum commemoratione sanctorum: quibus nos & præsētibz exui malis confidimus, & futuris. Per Dōminum.

*Communio. Psal. 68.* Ego sum pauper & dolens: salus tua, Deus, suscepit me. Laudābo nomen Dei cum cāntico: & magnificābo eum in laude.

*Postcommunio.*

**R** Efēcti cibo potūque cœlesti, Deus noster, te

sūpplices exorāmus: ut in cuius hæc commemoratione percēpimus, ejus muniāmur & precibus. Per Dōminum.

*Die xix. Septembris.*

IN FESTO SS. MART. JANUARIi Episc. & socior.

*Missa.* Salus autem iustorum. *de Communi plurimorum Martyrum.* xiv.

*Si sequens festum SS. Eustachii & socior. Mart. venerit in Dominica, fit de eo; & in sabbato præcedenti, in quo celebratur fest. SS. Januarii & socior. Mart. post commemorationem Quatuor temporum cujus Evangelium legitur in fine Missæ additur commem. Vigiliæ S. Matthæi: quocumque verò alio die venerit festum SS. Eustachii & sociorum fit commem. Vigiliæ cum Evang. ejusdem nisi in aliquibus ex Quatuor Temporibus incidit.*

*Die xx. Septembris.*

IN FESTO SS. EUSTACHII & sociorum mart.

*Missa.* Sapientiam Sanctorum. *de Communi plurimorum Martyrum.* xiii.

*Die xx. Septembris.*

IN VIGILIA S. MATTHÆI Apostoli & Evangelistæ.

*Introitus. Psal. 51.*

**E**Go autem sicut olīva fructifera in domo Dōmini, sperāvi in misericordia



dia Dei mei: & expectábo nomen tuum, quóniam bonum est ante conspéctum sanctórum tuórum.

*Psal. ibid.* Quid gloriáris in malítia, qui potens es in iniquitate?

*V. Glória Patri.*

*Oratio.*

**D**A quæsumus omnipotens Deus: ut beáti Matthæi Apóstoli tui & Evangelístæ, quam prævenimus, veneránda solémnitas, & devotionem nobis áugeat, & salutem. Per Dóminum.

*Secunda Oratio de S. Maria, Concède nos. Tertia, Ecclesiæ. Vel pro Papa, Deus ómnium fidélium. 236.*

*Léctio libri Sapiéntiæ.*

*Eccli. 44.*

**B**enedictio Dómini super caput iusti. Ideò dedit illi Dóminus hæreditátem, & divisit illi partem in tribubus duódecim: & invénit grátiam in conspéctu omnis carnis. Et magnificávit eum in timóre inimicórum, & in verbis suis monstra placávit. Glorificávit illum in conspéctu regum, & iussit illi coram pópulo suo, & osténdit illi glóriam suam. In fide & lenitate ipsíus sanctum fecit illum, & elégit eum ex omni carne. Et dedit illi coram præcépta, & legem vitæ & disciplínæ: & excélsam fecit illum. Státuit ei testaméntum ætérnum, & circumcínxit eum zona justítiæ, & induit eum Dóminus corónam glóriæ.

*Graduale. Ps. 91.* Justus ut palma florébit: sicut cedrus Libani multiplicábitur in domo Dómini.

*V. Ad annuntiándum manè misericórdiam tuam, & veritátem tuam per noctem.*

*Sequéntia sancti Evangélii secúndum Lucam.*

*Luc. 1. c.*

**I**N illo témpore: Vidit Jesus publicánum, nómine Levi, sedéntem ad telónium, & ait illi: Séquere me. Et relíctis ómnibus, surgens secútus est eum. Et fecit ei convívium magnum Levi in domo sua: & erat turba multa publicanórum & aliórum, qui cum illis erant discumbéntes. Et murmurábant Pharisæi & Scribæ eórum, dicéntes ad discípulos ejus: Quare cum publicánis & peccatoribus manducátis & bibitis? Et respóndens Jesus, dixit ad illos: Non egent qui sani sunt médico, sed qui malè habent. Non veni vocáre justos, sed peccatóres ad pœniténtiam.

*Offertorium. Psal. 8.* Glória & honóre coronásti eum: & constituísti eum super ópera mánuum tuárum, Dómine.

*Secreta.*

**A** Postólici reveréntia cúlminis offeréntes tibi sacra mystéria, Dómine quæsumus, ut beáti Matthæi Apóstoli tui & Evangelístæ suffrágiis, cujus natalitia prævenimus, plebs tua semper & sua vota deprómat, & desideráta percípiat. Per Dóminum nostrum.

*Secunda Secreta de S. Maria, Tua Dómine.*

*Tertia, Prótege nos. Vel pro Papa. Oblátis. 236.*

*Communio. Psal. 20.* Magna est glória ejus in salutári tuo: gló-



glóriam & magnum decórem  
impónes super eum, Dómine.

*Postcommunio.*

**S**Añeli Apóstoli tui & Evan-  
gelístæ Matthæi, quæsu-  
mus Dómine, supplicatióne  
placátus, & véniam nobis trí-  
bue, & remédia sempitérna  
concéde. Per Dóminum.

*Secunda Postcommunio de S.  
Maria, Sumptis, Dómine. Ter-  
tia, Quæsumus Dómine. Vel  
pro Papa. Hæc nos, quæsu-  
mus. 236.*

*Die xxi. Septembris.*

IN FESTO S. MATTHÆI  
Apostoli & Evangelistæ.

*Introitus. Psal. 36.*

**O**S iusti meditábitur sapi-  
éntiam, & lingua ejus  
loquétur iudícium: lex Dei  
ejus in corde ipsius.

*Psal. ibid.* Noli æmulári  
in malignántibus: neque ze-  
láveris faciéntes iniquitátem.

ʒ. Glória Patri.

*Oratio.*

**B**Eáti Apóstoli & Evange-  
lístæ Matthæi, Dómine,  
précibus adjuvémur: ut quód  
possibílitas nostra non óbti-  
net, ejus nobis intercessióne  
donétur. Per Dóminum.

Léctio Ezechiélis Prophétæ.

*Ezech. i. c.*

**S**imilitúdo vultus quátuor  
animálium, fácies hómi-  
nis, & fácies leónis à dextris  
ipsórum quátuor: fácies au-  
tem bovis à sinístris ipsórum  
quátuor: & fácies áquilæ de-  
super ipsórum quátuor. Fá-  
cies eórum, & pennæ eórum  
exténtæ desuper: duæ pennæ  
singulórum jungebántur, &  
duæ tegébant córpora eórum:  
& unumquódque eórum co-

ram fácie sua ambulábat: ubi  
erat ímpetus spíritus, illuc  
gradiebántur, nec reverte-  
bántur cùm ambulárent. Et  
similitúdo animálium, aspéc-  
tus eórum quasi carbónum  
ignis ardéntium, & quasi  
aspéctus lampadárum. Hæc  
erat vífio discúrrens in médio  
animálium, splendor ignis,  
& de igne fulgur egrédiens.  
Et animália ibant, & reverte-  
bántur in similitúdinem fúl-  
guris coruscántis.

*Graduale. Psal. 111.* Beátus  
vir, qui timet Dóminum: in  
mandátis ejus cupit nimis.

ʒ. Potens in terra erit se-  
men ejus: generatio rectórum  
benedicétur.

Allelúia, allelúia.

ʒ. Te gloriósus Apostoló-  
rum chorus laudat, Dómine.  
Allelúia.

Sequéntia sancti Evángelii se-  
cúndum Matthæum.

*Matth. 10.*

**I**N illo témpore: Vidit Je-  
sus hóminem sedéntem  
in telónio, Matthæum nó-  
mine. Et ait illi: Séquere  
me. Et surgens, secúsus est  
eum. Et factum est, discum-  
bente eo in domo, ecce multi  
publicáni & peccatóres ve-  
niéntes, discumbébant cum  
Jesu, & discíplis ejus. Et vi-  
dentes Pharisæi dicébant dis-  
cípulis ejus: Quare cum pub-  
licánis & peccatóribus man-  
ducat Magíster vester? At Je-  
sus áudiens, ait: Non est opus  
valéntibus médicus, sed ma-  
lè habéntibus. Eúntes autem  
discite quid est: Misericór-  
diam volo, & non sacrificium.  
Non enim veni vocáre justos,  
sed peccatóres. Credo.

*Offer-*



*Offertorium. Psal. 20.* Posuisti Dómine in cápite ejus corónam de lápide pretiósó : vitam pétiit à te, & tribuísti ei, allelúia.

*Secreta.*

**S**upplicatióibus beáti Matthæi Apóstoli & Evangelístæ, quæsumus Dómine, Ecclésiæ tuæ commendétur oblátio : cujus magníficis prædicationibus eruditur. Per Dóminum.

*Præfatio de Apostolis.*

*Communio. ibid.* Magna est glória ejus in salutári tuo : glóriam & magnum decórem impónes super eum, Dómine.

*Postcommunio.*

**P**ercéptis, Dómine, sacraméntis, beato Matthæo Apóstolo tuo & Evangelísta interveniénte, deprecámur : ut quæ pro ejus celebráta sunt glória, nobis proficiant ad medélam. Per Dóminum.

*Die xxii. Septembris.*

**IN FESTO S. THOMÆ**  
de Villanova Episcopi & Confessoris.

*Missa. Státuit ei. de Comuni Conf. Pontif. xvi. Prima Oratio propria.*

**D**eus, qui beátum Thomam Pontíficem insígnis in pauperes misericórdiæ virtúte decorásti : quæsumus, ut ejus intercessióne in omnes, qui te deprecántur, divítias misericórdiæ tuæ benígnus effúndas. Per Dóminum.

*Pro commem. SS. Mart. Maurítii & sociorum ejus.*

*Oratio.*

**A**nnue, quæsumus omnipótens Deus : ut sanctó-

rum mártýrum tuórum Maurítii & sociórum ejus, nos lætíficet festíva solémnitas ; ut quorum suffrágiis nítimur, eórum natalítiis gloriémur. Per Dóminum nostrum.

*Pro SS. Mart. Secreta.*

**R**espice, quæsumus Dómine, múnera, quæ in sanctórum mártýrum tuórum Maurítii & sociórum ejus, commemoratióne deférimus, & præsta : ut quórum honóre sunt grata, eórum nobis fiant intercessióne perpétua. Per Dóminum nostrum.

*Pro SS. Mart. Postcommunio.*

**C**œléstibus refécti sacraméntis & gáudiis, súpplices te rogámus, Dómine : ut, quorum gloriámur triúmphis, protegámur auxíliis. Per Dóminum nostrum.

*Die xxiii. Septembris.*

**IN FESTO S. LINI Papæ & Mart.**

*Introitus. Eccli. 45.*

**S**tátuit ei Dóminus testaméntum pacis, & príncipem fecit eum : ut sit illi sacerdotíi dignitas in ætérnum.

*Pf. 131.* Meménto Dómine David, & omnis mansuetúdinis ejus.

*V. Glória Patri.*

*Oratio.*

**D**eus, qui nos beáti Lini mártýris tui atque Pontíficis ánnua solémnitáte lætíficas : concéde propítius ; ut cujus natalítia cólimus, de ejúsdem étiam protectióne gaudeámus. Per Dóminum.

*Deinde fit commem. S. Theclæ virg. & martyr. nisi fuerit Dominica : quia tunc commem. S. Theclæ fit in Dominica & festum*



festum S. Lini transfertur in aliam diem.

*Oratio.*

**D**A, quæsumus omnipotens Deus: ut qui beatæ Theclæ virginis & martyris tuæ natalitia cõlimus, & annua solemnitate lætémur, & tantæ fidei proficiámus exemplo.

*Oratio iii. A cunctis. 463.*

Lectio Epistolæ beati Jacobi Apóstoli. *Jac. i.*

**C**haríssimi, Beátus vir, qui suffert tentationem: quoniam cum probátus fúerit, accípiet coronam vitæ, quam repromísit Deus diligentibus se. Nemo cum tentátur, dicat quoniam à Deo tentátur: Deus enim intentátor malórum est: ipse autem néminem tentat. Unusquisque verò tentátur à concupiscéntia sua abstráctus, & illéctus. Deínde concupiscéntia cum concéperit, parit peccátum: peccátum verò cum consummátum fúerit, génerat mortem. Nolíte itaque erráre, fratres mei dilectíssimi. Omne datum óptimum, & omne donum perféctum defúrsus est, descéndens à Patre lúminum, apud quem non est transmutátio, nec vicissitúdinis obumbrátio. Voluntáriè enim genuit nos verbo veritátis, ut simus inítium aliquod creatúræ ejus.

*Graduale. Ps. 88.* Inveni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum.

*v.* Nihil proficiet inimícus in eo: & filius iniquitátis non nocébit ei.

Allelúia, allelúia.

*v. Psal. 109.* Tu es sacerdos in ætérnum, secúndum ordinem Melchisedech. Allelúia.

Sequéntia sancti Evangelii secúndum Lucam.

*Luc. 14.*

**I**N illo témpore: Dixit Jesus turbis: Si quis venit ad me, & non odit patrem suum, & matrem, & uxórem, & filios, & fratres, & soróres, adhuc autem & ánimam, suam non potest meus esse discípulus. Et qui non bájulat crucem suam, & venit post me, non potest meus esse discípulus. Quis enim ex vobis volens turrim ædificáre, non priùs sedens cõputat sumptus, qui necessarij sunt, si hábeat ad perficiéndum; ne, posteaquam posúerit fundaméntum, & non potúerit perficere, omnes qui vident, incípiant illúdere ei, dicéntes: Quia hic homó cœpit ædificáre, & non pótuit consumináre? Aut quis rex itúrus committere bellum advérsus álium regem, non sedens priùs cõgitat, si possit cum decem míllibus occurrere ei, qui cum vigínti míllibus venit ad se? alióquin adhuc illo longè agente, legationem mittens, rogat ea quæ pacis sunt. Sic ergo omnis ex vobis, qui non renúntiat ómnibus quæ pössidet, non potest meus esse discípulus.

*Offertórium. Psal. 88.* Veritas mea, & misericórdia mea cum ipso: & in nómine meo exaltábitur cornu ejus.

*Secreta.*

**M**Unera tibi, Dómine, dicáta sanctífica: & inter-



intercedente beato Lino martyre tuo atque Pontifice, per eadem nos placatus intende. Per Dominum.

*Pro S. Thecla. Secreta.*

**S**uscipe Domine munera, quæ in beatæ Theclæ virginis & martyris tuæ sollemnitate deferimus, cujus nos confidimus patrocínio liberari.

*Secreta. iii. Exaudi nos.*  
463.

*Communio. ibid.* Semel juravi in sancto meo: semen ejus in æternum manebit: & sedes ejus sicut sol in conspectu meo, & sicut luna perfecta in æternum, & testis in cælo fidelis.

*Postcommunio.*

**H**æc nos communio, Domine, purget à crimine: & intercedente beato Lino martyre tuo atque Pontifice, cœlestis remédii faciat esse confortes. Per Dominum.

*Pro S. Thecla. Postcomm.*

**A**uxiliéntur nobis, Domine, sumpta mystéria: & intercedente beata Thecla virgine & martyre tua, sempiterna faciant protectione gaudere.

*Postcommunio. iii. Mundet.*  
464.

*Die xxiv. Septembris.*

IN FESTO B. MARIE  
Virginis de Mercede.

*Introitus.*

*Sedulus.*

**S**alve sancta parens, enixa puérpera Regem: qui cœlum terramque regit in sæcula sæculorum.

*Psal. 44.* Eructavit cor meum verbum bonum: dico ego opera mea Regi.

✠. Glória Patri.

*Oratio.*

**D**eus, qui per gloriosissimam Filii tui Matrem ad liberandos Christi fideles à potestate Paganorum nova Ecclesiam tuam prole amplificare dignatus es: præsta quæsumus; ut quam piè veneramur tanti operis Institutricem, ejus pariter méritis & intercessiône à peccátis omnibus, & captivitate dæmonis liberémur. Per eundem Dominum.

Lectio libri Sapiéntiæ.

*Eccli. 24.*

**A**B initio, & ante sæcula creata sum, & usque ad futurum sæculum non desinam, & in habitatione sancta coram ipso ministravi. Et sic in Sion firmata sum, & in civitate sanctificata similiter requievi, & in Jerúsalem potestas mea. Et radicavi in populo honorificato, & in parte Dei mei hæreditas illius, & in plenitudine sanctorum detentio mea.

*Graduale.* Benedicta & venerabilis es virgo María: quæ sine tactu pudoris inventa es mater Salvatoris. ✠. Virgo Dei genitrix, quem totus non capit orbis, in tua se clausit viscera factus homo.

Allelúia, allelúia.

✠. Post partum, Virgo, inviolata permansisti, Dei Genitrix intercède pro nobis. Allelúia.

Sequentia sancti Evangelii secundum Lucam.

*Luc. 11. d.*

**I**N illo tempore: Loquente Jesu ad turbas, extollens vocem quædam mulier



lier de turba, dixit illi: Beátus venter, qui te portávit; & úbera, quæ suxísti. At ille dixit: Quinímò, beáti qui áudiunt verbum Dei, & custódiunt illud. Credo.

*Offertorium.* Ave María, grátia plena: Dóminus tecum: Benedícta tu in muliéribus, & benedíctus fructus ventris tui.

*Secreta.*

**T**Ua, Dómine, propitiátione, & beátæ Mariæ semper vírginis intercessióne, ad perpétuam atque præséntem hæc oblátio nobis proficiat prosperitátem & pacem. Per Dóminum.

*Præfatio.* Et te in festivitáte beátæ Mariæ. 207.

*Communio.* Beáta víscera Mariæ vírginis: quæ portáverunt ætérni Patris Fílium.

*Postcommunio.*

**S**umptis, Dómine, salutis nostræ subsidiis: da, quæsumus, beátæ Mariæ semper vírginis patrociníis nos ubique prótegi; in cuius veneratióne hæc tuæ obtúlimus majestáti. Per Dóminum.

*Die xxvi. Septembris.*

SS. MARTYRUM CYPRIANI & JUSTINÆ.

*Missa.* Salus autem iustórum. de Comuni plurimarum Mart. xiv. præter Orationes sequentes.

*Oratio.*

**B**eatórum mártýrum Cypríani & Justínæ nos, Dómine, fóveant continuáta præsidia: quia non definis propítius intuéri, quos tali-bus auxiliis concésseris adjuvári. Per Dóminum.

*Secreta.*

**M**unera tibi, Dómine, nostræ devotiónis offérimus: quæ & pro tuórum tibi grata sint honóre iustórum, & nobis salutária, te miseránte, reddántur. Per Dóminum.

*Postcommunio.*

**P**ræsta nobis, quæsumus Dómine, intercedéntibus sanctis mártýribus tuis Cypriáno & Justína: ut quod ore contíngimus, pura mente capiámus. Per Dóminum.

*Die xxvii. Septembris.*

IN FESTO SS. Mart. COSMÆ & DAMIANI.

*Introitus.*

*Eccli. 44.*

**S**apiéntiam sanctórum narrent pópuli, & laudes eórum nuntiet ecclesiá: nomina autem eórum vivent in sæculum sæculi.

*Psal. 32.* Exultáte iusti in Dómino: rectos decet collaudatio.

*v. Glória Patri.*

*Oratio.*

**P**ræsta quæsumus omnipotens Deus: ut qui sanctórum mártýrum tuórum Cosmæ & Damiáni natalitá cõlinus, à cunctis malis imminéntibus, eórum intercessiõnibus liberémur. Per Dóminum nostrum.

Lectio libri Sapiéntiæ.

*Sap. 5. c.*

**J**usti autem in perpétuum vivent, & apud Dóminum est merces eórum, & cogitatio illórum apud Altíssimum. Ideò accipient regnum deceris, & diadéma speciëi de manu Dómini: quóniam dextera



sua teget eos, & bráchio sancto suo deféndet illos. Accípiet armatúram zelus illius, & armábit creatúram ad ulciónem inimicórum. Induet pro thoráce justítiam, & accípiet pro gálea judícium certum. Sumet scutum inexpugnábile æquitátem.

*Graduale. Psal. 33.* Clamaverunt iusti, & Dóminus exaudivit eos: & ex ómnibus tribulationibus eórum liberávit eos. *V.* Juxtà est Dóminus his qui tribuláto sunt corde: & húmiles spíritu salvábit.

Allelúia, allelúia.

*V.* Hæc est vera fraternitas, quæ vicit mundi crimina: Christum secúta est, inclyta tenens regna cœlestia. Allelúia.

Sequéntia sancti Evangélíi secundum Lucam.

*Luc. 6. c.*

**I**N illo témpore: Descéndens Iesus de monte, stetit in loco campéstri, & turba discipulórum ejus, & multitúdo copiósa plebis ab omni Judæa, & Jerúsalem, & marítima, & Tyri, & Sidónis, qui vénéran't ut audírent eum, & sanaréntur à languóribus suis. Et qui vexabántur à spirítibus inmúndis, curabántur. Et omnis turba quærébat eum tângere: quia virtus de illo exíbat, & sanábat omnes. Et ipse eleváti's óculis in discipulos suos, dicébat: Beáti páuperes: quia vestrum est regnum Dei. Beáti, qui nunc esurítis: quia saturabímini. Beáti, qui nunc fletis: quia ridébitis. Beáti éritis cùm vos óderint hómínes, & cùm separáverint vos, & exprobráverint, & ejécerint nomen

vestrum tamquam malum, propter Fílium hómínis. Gaudéte in illa díe, & exultáte: ecce enim merces vestra multa est in cœlo.

*Offertorium. Psal. 5.* Gloriabúntur in te omnes, qui diligunt nomen tuum, quóniam tu Dómine benedíces iusto: Dómine, ut scuto bonæ voluntátis tuæ coronásti nos.

*Secreta.*

**S**ANCTÓRUM tuórum nobis, Dómine, pia non desit orátio: quæ & múnera nostra concíliet, & tuam nobis indulgéntiam semper obtíneat. Per Dóminum.

*Communio. Psal. 78.* Posuerunt mortália servórum tuórum, Dómine, escas volatílibus cœli: carnes sanctórum tuórum béstíis terræ: secundum magnitúdinem bráchii tui pósside filios morte puni-tórum. *Postcommunio.*

**P**RÓTEGAT, quæsumus Dómine, pópulum tuum, & participátio cœlestis indúlta convívii, & deprecátio colláta sanctórum. Per Dóminum nostrum.

*Die xxviii. Septembris.*

IN FESTO SS. WENCESLAI DUCIS & Martyris.

*Missæ.* In virtúte tua de Communi unius Martyr. iv.

*Oratio.*

**D**EUS, qui beátum Wencesláum per martyrii palmam à terréno Principátu ad cœlestem glóriam transfulísti, ejus précibus nos ab omni adversitáte custódi, & ejusdem tribue gaudere confortio. Per Dóminum.

*Die*



Die xxix. Septembris.

IN DEDICATIONE S.  
MICHAELIS Archan.

Introitus. Psal. 102.

**B**enedícite Dóminum omnes Angeli ejus: poténtes virtúte, qui fácitis verbum ejus, ad audiéndam vocem fermónum ejus.

*Ps. ibid.* Benedic ánima mea Dómino: & ómnia quæ intra me sunt, nómini sancto ejus.

v. Glória Patri.

Oratio.

**D**eus, qui miro órdine, Angelórum ministéria, hominúmque dispénfas: concede propítius; ut à quibus tibi ministrántibus in cœlo semper assístitur, ab his in terra vita nostra muniátur. Per Dóminum nostrum.

Léctio libri Apocalypsis beáti  
Joánnis Apóstoli.

Apoc. 1.

**I**N diébus illis: Significávit Deus quæ opórtet fieri citò, mittens per Angelum suum servo suo Joánni: qui testimónium perhibuit verbo Dei, & testimónium Jesu Christi, quæcúmque vidit. Beátus, qui legit & audit verba prophetiæ hujus: & servat ea, quæ in ea scripta sunt. Tempus enim propè est. Joánnes septem Ecclesiis, quæ sunt in Asia. Grátia vobis, & pax ab eo, qui est, & qui erat, & qui ventúrus est: & à septem spirítibus, qui in conspéctu throni ejus sunt: & à Jesu Christo, qui est testis fidelis, primogénitus mortuórum, & princeps regum terræ, qui diléxit nos, & lavit nos à peccátis nostris in sán-guine suo.

*Graduale. Ps. 102.* Benedícite Dóminum omnes Angeli ejus, poténtes virtúte, qui fácitis verbum ejus. v. Benedic ánima mea Dóminum, & ómnia interióra mea nomen sanctum ejus.

Allelúia, allelúia.

v. Sancte Míchaél Archángele defénde nos in prælio, ut non pereámus in treméndo judício. Allelúia.

Sequentia sancti Evangélii secundum Matthæum.

Matth. 18.

**I**N illo témpore: Accessérunt discípuli ad Jesum, dicéntes: Quis, putas, major est in regno cœlórum? Et ádvocans Jesus párvulum, stáruit eum in médio eórum, & dixit: Amen dico vobis, nisi convérsi fuéritis, & efficiámini sicut párvuli, non intrábitis in regnum cœlórum. Quicúmque ergo humiliáverit se sicut párvulus iste, hic est major in regno cœlórum. Et qui suscepérit unum párvulum talem in nómine meo, me súscepit. Qui autem scandalizáverit unum de pusíllis istis, qui in me credunt, expédit ei ut suspendátur mola asinária in collo ejus, & demergátur in profúndum maris. Væ mundo à scándalis. Necesse est enim ut véniant scándala: verúmtamen væ hómini illi, per quem scándalum venit. Si autem manus tua, vel pes tuus scandalízat te; abscínde eum, & prójice abs te: bonum tibi est ad vitam ingredi débilem, vel claudum, quam duas manus, vel duos pedes habéntem mitti in ignem ætérnum. Et si óculus tuus scan-



scandalizat te; erue eum, & projice abs te: bonum tibi est cum uno oculo in vitam intrare, quam duos oculos habentem mitti in gehennam ignis. Videte ne contemnatis unum ex his pusillis: dico enim vobis, quia Angeli eorum in coelis semper vident faciem Patris mei, qui in coelis est. Credo.

*Offertorium. Apoc. 8.* Stetit Angelus juxta aram templi, habens thuribulum aureum in manu sua: & data sunt ei incensa multa: & ascendit fumus aromatum in conspectu Dei, alleluia. *Secreta.*

**H**ostias tibi Domine, laudis offerimus, suppliciter deprecantes: ut eandem Angelico pro nobis interveniente suffragio, & placatus accipias, & ad salutem nostram provenire concedas. Per Dominum nostrum.

*Communio. Dan. 3.* Benedicite omnes Angeli Domini Dominum: hymnum dicite, & superexaltate eum in saecula. *Postcommunio.*

**B**eati Archangeli tui Michaelis intercessione suffulti, supplices te, Domine, deprecamur: ut quod ore prosequimur, contingamus & mente. Per Dominum.

*Dic xxx. Septembris.*  
IN FESTO S. HIERONYMI Presbyt. Conf. & Ecclesiae Doctoris.

*Missae. In medio Ecclesiae. de Communi Doctorum. xx. praeter Orationes sequentes.*

*Oratio.*

**D**eus, qui Ecclesiae tuae in exponendis sacris

Scripturis beatum Hieronymum Confessorem tuum, doctorem maximum providere dignatus es, presta quaesumus; ut ejus suffragantibus meritis, quod ore simul & opere docuit, te adjuvante, exercere valeamus. Per Dominum nostrum.

*Et dicitur Credo.*

*Secreta.*

**D**onis coelestibus, da nobis, quaesumus Domine, libera tibi mente servire: ut munera, quae deferimus, interveniente beato Hieronymo Confessore tuo, & medelam nobis operentur, & gloriam. Per Dominum nostrum.

*Postcommunio.*

**R**epleti alimonia coelesti, quaesumus Domine, ut interveniente beato Hieronymo Confessore tuo, misericordiae tuae gratiam consequi mereamur. Per Dominum nostrum.

---

## FESTA OCTOBRIS.

---

*Dominica i. Octobris.*  
IN FESTO SS. ROSARII  
B. Mariae Virginis.

*Introitus. Sedulius.*

**S**alve sancta parens, enixa puerpera Regem: qui coelum terramque regit in saecula saeculorum.

*P/. 44.* Eructavit cor meum verbum bonum: dico ego opera mea Regi.

*v. Gloria Patri.*

*Oratio.*

**D**eus, cujus Unigenitus, per Vitam, Mortem, & Resurrectionem suam, nobis salutis aeternae praemia com-



comparavit: concède, quæsumus, ut hæc mystéria sanctissimo beætæ Mariæ Virginis Rosário recolentes, & imitemur quod continent; & quod promittunt, assequámur. Per eúndem Dóminum nostrum. *Et fit commem. Dominicæ occurr.*

Lectio libri Sapientiae.

*Eccli. 24. b.*

**A**B initio, & ante sæcula creáta sum, & usque ad futurum sæculum non desinam, & in habitatione sancta coram ipso ministravi. Et sic in Sion firmata sum, & in civitate sanctificata similiter requievi, & in Jerúsalem potestas mea. Et radicavi in populo honorificato, & in parte Dei mei hæreditas illius, & in plenitudine sanctorum detentio mea.

*Graduale.* Benedicta & venerabilis es virgo María: quæ sine tactu pudoris inventa es mater Salvatoris.

*v.* Virgo Dei genitrix, quem totus non capit orbis, in tua se clausit viscera factus homo.

Allelúia, allelúia.

*v.* Post partum, Virgo, inviolata permansisti, Dei Genitrix intercède pro nobis. Allelúia.

Séquentia sancti Evangelii secundum Lucam.

*Luc. ii.*

**I**N illo tempore: Loquente Jesu ad turbas, extollens vocem quædam mulier de turba, dixit illi: Beatus venter, qui te portavit, & úbera, quæ suxisti. At ille dixit: Quinimò, beati qui audiunt verbum Dei, & custodiunt illud. Credo.

*Offertorium. Luc. 1. Ave* María, grátia plena: Dóminus tecum: Benedicta tu in mulieribus, & benedictus fructus ventris tui. *Secreta.*

**F**Ac nos, quæsumus, Dómine, his munéribus offerendis convenienter aptari: & per Sanctissimi Rosárii mystéria sic Vitam, Passiónem, & Glóriam Unigéniti tui recollere; ut ejus digni promissionibus efficiámur. Per eúndem Dóminum.

*Deinde fit commem. Dominicæ. Præfatio.* Et te in solemnitate beætæ Mariæ.

*Communio.* Beata viscera Mariæ virginis: quæ portaverunt æterni Patris Fílium.

*Postcommunio.*

**S**anctissimæ Genitrícis tuæ, cujus Rosarium celebramus, quæsumus, Dómine, precibus adjuvémur: & mysteriórum, quæ recolimus, virtus percipiátur, & Sacramentórum, quæ sumpsimus, obtineátur effectus. Qui vivis & regnas.

*Deinde fit commem. Dominicæ.*

*Die i. Octobris.*

IN FESTO S. REMIGII  
Episcopi & Conf. Semid.  
ad libit.

*Missa. Statuit. de Communi Confess. Pontif. xvi.*

*Die ii. Octobris.*

IN FESTO SS. ANGELO-  
RUM CUSTODUM.

*Introitus. Psal. 108.*

**B**enedicite Dóminum omnes Angeli ejus: potentes virtute, qui facitis verbum ejus,



ejus, ad audiendam vocem sermonum ejus.

*Psal. ibid.* Benedic anima mea Dómino: & omnia quæ intra me sunt, nómini sancto ejus. *v.* Glória Patri.

*Oratio.*

**D**Eus, qui ineffábili providéntia sanctos Angelos tuos ad nostram custódiam mittere dignáris: largíre supplicibus tuis, & eórum semper protectióne deféndi, & ætérna societáte gaudére. Per Dóminum.

Léctio libri Exodi.

*Exod. 23.*

**H**Æc dicit Dóminus Deus: Ecce ego mittam Angelum meum, qui præcedat te, & custódiat in via, & introducat in locum, quem parávi. Obsérva eum, & audi vocem ejus, nec contemnéndum putes, quia non dimíttet cùm peccáveris, & est nomen meum in illo. Quòd si audieris vocem ejus, & féceris omnia quæ loquor, inimicus ero inimícis tuis, & affligam affligéntes te: præcedétque te Angelus meus.

*Graduale. Psal. 90.* Angelis suis Deus mandávit de te, ut custódiant te in ómnibus viis tuis. *v.* In mánibus portábunt te, ne umquam offéndas ad lápidem pedem tuum.

Allelúia, allelúia.

*v. Psal. 102.* Benedícite Dómino omnes virtútes ejus: minístri ejus, qui fácitis voluntátem ejus. Allelúia.

Sequéntia sancti Evangélíi secúndum Matthæum.

*Matth. 18.*

**I**N illo témpore: Accessérunt discípuli ad Jesum dicéntes: Quis, putas, major est in regno cœlórum? Et

advocans Jesus párvulum, stáuit eum in médio eórum, & dixit: Amen dico vobis, nisi convérsi fuéritis, & efficiámini sicut párvuli, non intrábitis in regnum cœlórum. Quicúmque ergo humiliáverit se sicut párvulus iste, hic est major in regno cœlórum. Et qui fuscéperit unum párvulum talem in nómine meo, me fúscipit. Qui autem scandalizáverit unum de pusíllis istis, qui in me credunt, expedit ei ut suspendátur mola afinária in collo ejus, & demergátur in profúndum maris. Væ mundo à scándalis. Necesse est enim ut véniant scándala: verúmtamen væ hómini illi, per quem scándalum venit. Si autem manus tua, vel pes tuus scandalízat te; abscínde eum, & prójice abs te: bonum tibi est ad vitam íngredi débilem, vel claudum, quàm duas manus, vel duos pedes habéntem mitti in ignem ætérnum. Et si óculus tuus scandalízat te; érue eum, & prójice abs te: bonum tibi est cum uno óculo in vitam intráre, quàm duos óculos habéntem mitti in gehénnam ignis. Vidéte ne contemnátis unum ex his pusíllis: dico enim vobis, quia Angeli eórum in cœlis semper vident faciém Patris mei, qui in cœlis est. Credo.

*Offertorium. Ps. 102.* Benedícite Dóminum omnes Angeli ejus: minístri ejus, qui fácitis verbum ejus, ad audiendam vocem sermónum ejus.

*Secreta.*

**S**Uscipe Dómine múnera, quæ pro sanctórum Angelórum tuórum veneratióne deférimus: & concéde propítius;



tius; ut perpétuis eorum præ-  
sidiis, à præsentibus periculis  
liberemur, & ad vitam perve-  
niamus æternam. Per Dómi-  
num nostrum.

*Communio. Dan. 3.* Benedi-  
cite omnes Angeli Dómini  
Dóminum: hymnum dícite,  
& superexaltáte eum in sæ-  
cula.

*Postcommunio.*

**S**umpimus, Dómine, divi-  
na mystéria, sanctorum  
Angelorum tuorum festivitá-  
te lætantes: quæsumus, ut  
eorum protectiône ab hós-  
tium júgiter liberemur insí-  
diis, & contra ómnia advér-  
sa muniámur. Per Dóminum.

*Die iv. Octobris.*

IN FESTO S. FRANCISCI  
Confess.

*Introitus. Gal. 6.*

**M**ihi autem absit gloriári,  
nisi in Cruce Dómini  
nostri Jesu Christi: per quem  
mihi mundus crucifixus est,  
& ego mundo.

*Psal. 141.* Voce mea ad  
Dóminum clamávi: voce mea  
ad Dóminum deprecátus sum.

*v. Glória Patri. Oratio.*

**D**eus, qui Ecclesiám tuám  
beáti Francisci méritis,  
foetu novæ prolis amplificas:  
tribue nobis, ex ejus imitatió-  
ne terréna despícere, & cœ-  
léstium donorum semper par-  
ticipatióne gaudere. Per Dó-  
minum.

Léctio Epístolæ beáti Pauli  
Apóstoli ad Gálatas.

*Gal. 6. d.*

**F**ratres, Mihi autem absit  
gloriári, nisi in Cruce Dó-  
mini nostri Jesu Christi: per  
quem mihi mundus crucifixus

est, & ego mundo. In Chris-  
to enim Jesu, neque circum-  
císió aliquid valet, neque præ-  
pútium, sed nova creatúra. Et  
quicúmque hanc régulam se-  
cúti fúerint, pax super illos, &  
misericórdia, & super Israël  
Dei. De cétero nemo mihi  
moléstus sit: ego enim Stíg-  
mata Dómini Jesu in corpore  
meo porto. Gratia Dómini  
nostri Jesu Christi, cum spíri-  
tu vestro, fratres. Amen.

*Graduale. Psal. 36.* Os justí  
meditábitur sapiéntiam, &  
lingua ejus loquétur judícium.

*v.* Lex Dei ejus in corde  
ipsíus: & non supplanta-  
búntur gressus ejus.

Allelúia, allelúia.

*v.* Franciscus pauper & hú-  
milis, cœlum dives ingrédi-  
tur, hymnis cœléstibus hono-  
rátur. Allelúia.

Sequéntia sancti Evangélii se-  
cúndum Matthæum.

*Matth. 11.*

**I**N illo témpore respón-  
dens Jesus, dixit: Con-  
fiteor tibi, Pater, Dómine  
cœli & terræ, quia abscondí-  
ti hæc à sapiéntibus & pru-  
déntibus, & revelásti ea pár-  
vulis. Ita Pater: quóniam  
sic fuit plácitum ante te. Om-  
nia mihi trádita sunt à Patre  
meo. Et nemo novit Fílium,  
nisi Pater: neque Patrem quis  
novit, nisi Fílius, & cui volue-  
rit Fílius revelare. Veníte ad  
me omnes, qui laborátis, &  
onerátí estis, & ego reficiam  
vos. Tóllite jugum meum su-  
per vos: & discite à me, quia  
mitis sum, & humilis corde:  
& inveniétis réquiem animá-  
bus vestris. Jugum enim me-  
um suáve est, & onus meum  
leve.



*Offertorium. Ps. 88.* Véritas mea, & misericórdia mea cum ipso: & in nómine meo exaltábitur cornu ejus.

*Secreta.*

**M**Unera tibi, Dómine, dicáta sanctífica: & intercedente beáto Francíscó, ab omni nos culpárum labe purífica. Per Dóminum.

*Communio. Luc. 12.* Fidélis servus & prudens, quem constituit dóminus super familiam suam: ut det illis in tempore trítici mensúram.

*Postcommunio.*

**E**Cclésiám tuam, quæsumus Dómine, grátia cœléstis amplíficet: quam beáti Francísci Confessoris tui illumináre voluísti gloriósis méritis & exémpis. Per Dóminum nostrum.

*Die v. Octobris.*

SS. PLACIDI & soc. mart.

*Missá. Salus autem justórum. de Communi plurimorum Mart. xiv. præter Orationes sequentes.*

*Oratio.*

**D**Eus, qui nos concédis sanctórum mártýrum tuórum Plácidi & sociórum ejus, natalítia cólere: da nobis in æténa beatitúdine de eórum societáte gaudére. Per Dóminum nostrum.

*Secreta.*

**M**Unera tibi, Dómine, nostræ devotiónis offérimus: quæ & pro tuórum tibi grata sint honóre justórum, & nobis salutária, te miseránte, reddántur. Per Dóminum.

*Postcommunio.*

**P**Ræsta nobis, quæsumus Dómine, intercedéntibus sanctis martyribus tuis Pláci-

do & sóciis ejus: ut quod ore contíngimus, pura mente capiámus. Per Dóminum.

*Die vi. Octobris.*

IN FESTO S. BRUNONIS  
Confessoris.

*Missá. Os justí. de Communi Confessoris non Pontificis. xxii.*

*Oratio.*

**S**ANCTI Brunónis Confessoris tui, quæsumus Dómine, intercessiόνibus adjuvémur: ut qui majestátem tuam gráviter delinquendo offéndimus; ejus méritis & précibus nostrórum delictórum véniam consequámur. Per Dóminum.

*Secreta.*

**L**AUDIS tibi, Dómine, hóstias immolámus in tuórum commemoratióne Sanctórum: quibus nos & præsentibus exuí malis confidimus, & futúris. Per Dóminum.

*Postcommunio.*

**Q**UÆSUMUS, omnipotens Deus, ut qui cœléstia aliménta percépimus, intercedente beáto Brunóne Confessore tuo, per hæc contra ómnia advérsa muniámur. Per Dóminum.

*Die vii. Octobris.*

S. MARCI Papæ & Confessoris.

*Introitus. Psal. 131.*

**S**ACERDOTES tui, Dómine, induant justítiam: & sancti tui exúltent: propter David servum tuum, non avértas faciém Christi tui.

*Psal. ibid.* Meménto Dómine David, & omnis mansuetúdinis ejus.

v. Glória Patri.

*Oratio.*



## Oratio.

**E**Xaudi Dómine preces nostras: & interveniente beáto Marco Confessóre tuo atque Pontífice, indulgéntiam nobis tríbus placátus & pacem. Per Dóminum.

*Commem. SS. mart. Sergii, Bacchi, Marcelli & Apuleii.*

## Oratio.

**S**Anctorum mártirum tuorum nos, Dómine, Sérgii, Bacchi, Marcélli & Apuléii beáta mérita prosequántur: & tuo semper fácient amóre fervéntes.

*Tertia Oratio. A cunctis nos. 463.*

Léctio Epístolæ beáti Pauli Apóstoli ad Hebræos.

*Heb. 7. d.*

**F**Ratres, Plures facti sunt sacerdotes, idcirco quod morte prohiberéntur permanere: Jesus autem eò quod maneat in ætérnum, sempitérnum habet sacerdotium. Unde & salváre in perpétuum potest accedéntes per semetípsum ad Deum: semper vivens ad interpellándum pro nobis. Talis enim decébat, ut nobis esset pöntifex, sanctus, innocens, impellútus, segregátus à peccatoribus, & excéllior cœlis factus, qui non habet necessitátem quotidie, quemádmódum sacerdotes, prius pro suis delíctis hóstias offerre, deinde pro pópuli: hoc enim fecit semel, seípsum offeréndo Jesus Christus Dóminus noster.

*Graduale. Psal. 131. Sacerdotes ejus induam salutári, & Sancti ejus exultatióne exultábunt. V. Illuc producam*

cornu David: parávi lucernam Christo meo.

Allélúia, allelúia.

*V. Ps. 109. Jurávit Dóminus, & non pœnitébit eum: Tu es facérdos in ætérnum secúndum ordinem Melchisedech. Allelúia.*

Sequéntia sancti Evangélíi secúndum Matthæum.

*Matth. 24.*

**I**N illo témpore: Dixit Jesus discípulis suis: Vigiláte, quia nescítis qua hora Dóminus vester ventúrus sit. Illud autem scitóte, quóniam si sciret paterfamílias, qua hora fur ventúrus esset, vigiláret útique, & non sîneret pérforáre domum suam. Ideò & vos estóte paráti: quia qua nescítis hora Fílius hóminis ventúrus est. Quis, putas, est fidelis servus & prudens, quem constituit dóminus suus super familiam suam, ut det illis cibum in témpore? Beátus ille servus, quem, cùm vénerit dóminus ejus, invénerit sic faciéntem. Amen dico vobis, quóniam super ómnia bona sua constituet eum.

*Offertorium. Psal. 88. Véritas mea, & misericórdia mea cum ipso: & in nómine meo exaltábitur cornu ejus.*

*Secreta.*

**A**Ccépta tibi sit, Dómine, sacrátæ plebis oblátio, pro tuórum honóre Sanctorum: quórum se méritis percepísse de tribulatióne cognóscit auxílium. Per Dóminum.

*Pro SS. martyribus Sergio, Baccho, Marcello & Apulejo.*

*Secreta.*

**M**Ajestátem tuam nobis, Dómine quæsumus, hæc



hæc hóstia reddat immolánda placátam, tuórum digna postulatióne sanctórum.

*Tertia Secreta.* Exáudi nos Deus. 463.

*Communio.* *Matth.* 24. Beátus servus, quem, cùm vénerit dñus, invenerit vigilántem: amen dico vobis, super ómnia bona sua constituet eum.

*Postcommunio.*

**D**A, quæsumus Dómine, fídelibus pópulis sanctórum tuórum semper veneratióne lætári, & eórum perpétua supplicatióne muníri. Per Dóminum nostrum.

*Pro SS. martyribus Sergio, Baccho, Marcello & Apuleio.*

*Postcommunio.*

**S**acraméntis, Dómine, muniámur accéptis, & sanctórum mártirum tuórum Sèrgii, Bacchi, Marcélli & Apuléii intercessióne, contra omnes nequítias irruéntes, armis cœlestibus protegámur.

*Tertia Postcommunio.* Mundet & múniat. 464.

*Die viii. Octobris.*

IN FESTO S. BIRGITTÆ  
Viduæ.

*Missa.* Cognóvi. de Comuni nec Virg. nec Martyrum. xxxii.

*Oratio.*

**D**omine Deus noster, qui beatæ Birgittæ per Fílium tuum unigénitum secréta cœlestia revelásti: ipsíus pia intercessióne da nobis fámulis tuis, in revelatióne sempitérnæ glóriæ tuæ gaudere lætántes. Per eúndem Dóminum nostrum.

*Epistola.* Charíssime, Víduas honóra. *ut supra in Festo S. Monicæ die 4. Maii.* 400.

*Die ix. Octobris.*

IN FESTO SS. Martyrum  
DIONYSII, RUSTICI,  
& ELEUTHERII.

*Introitus.* *Eccli.* 44.

**S**apiéntiam sanctórum narrent pópuli, & laudes eórum nuntiét eccléſia: nómína autém eórum vivent in sæculum sæculi.

*Pſalm.* 32. Exultáte iusti in Dómino: rectos decet collaudátio.

V. Glória Patri.

*Oratio.*

**D**eus, qui hodiérna die beátum Dionysium mártirem tuum atque Pontíficem, virtúte constantiæ in passióne roborásti: quique illi ad prædicándum Géntibus glóriam tuam, Rusticum & Eleuthérium fociáre dignátus es: tríbue nobis, quæsumus, eórum imitatióne pro amore tuo próspéra mundi despícere, & nulla ejus advérſa formidáre. Per Dóminum.

Lectio Actuum Apostolorum.

*Act.* 17.

**I**n diébus illis: Stans Paulus in médio Areopági, ait: Viri Athenienses per ómnia quasi superstitióſiores vos vídeo. Præteriens enim, & videns simulácrá vestra, invéni & aram, in qua scriptum erat: Ignóto Deo. Quod ergo ignorantes cólitis, hoc ego annúntio vobis. Deus, qui fecit mundum, & ómnia quæ in eo sunt, hic cœli & terræ cùm sit Dóminus, non in manu-  
nufac-



in factis templis habitat, nec manibus humanis colitur, indigens aliquo, cum ipse det omnibus vitam, & inspirationem, & omnia: fecitque ex uno omne genus hominum inhabitare super universam faciem terrae, definiens statuta tempora, & terminos habitationis eorum, quaerere Deum, si forte attritent eum, aut inveniant, quamvis non longe sit ab unoquoque nostrum. In ipso enim vivimus, & movemur, & sumus: sicut & quidam vestrorum Poetarum dixerunt: Ipsius enim & genus sumus. Genus ergo cum simus Dei, non debemus aestimare auro, aut argento, aut lapidi, sculpturae artis, & cogitationis hominis, Divinum esse simile. Et tempora quidem huius ignorantiae despiciens Deus, nunc annuntiat hominibus, ut omnes ubique poenitentiam agant, eo quod statuit diem, in quo iudicaturus est orbem in aequitate, in viro, in quo statuit, fidem praebens omnibus, suscitans eum a mortuis. Cum audissent autem resurrectionem mortuorum, quidam quidem irridebant, quidam vero dixerunt: Audiemus te de hoc iterum. Sic Paulus exivit de medio eorum. Quidam vero viri adherentes ei, crediderunt: in quibus & Dionysius Areopagita, & mulier nomine Damaris: & alii cum eis.

*Graduale. Psal. 123.* Anima nostra, sicut passer, erepta est de laqueo venantium. *V.* Laqueus contritus est, & nos liberati sumus: adiutorium nostrum in nomine Domini, qui

fecit caelum & terram. Allel. allel.

*V. Ps. 67.* Iusti epulentur, & exultent in conspectu Dei: & delectentur in laetitia. Allel.

Sequentia sancti Evangelii secundum Lucam.

*Luc. 12. b.*

**I**N illo tempore: Dixit Jesus discipulis suis: Attēdite à fermento Phariseorum, quod est hypocrisis. Nihil autem opertum est, quod non reveletur: neque absconditum, quod non sciatur. Quoniam quae in tenebris dixistis, in lumine dicentur: & quod in aurem locuti estis in cubiculis, praedicabitur in tectis. Dico autem vobis amicis meis: Ne terreamini ab his qui occidunt corpus, & post haec non habent amplius quid faciant. Ostendam autem vobis quem timeatis: timeate eum, qui postquam occiderit, habet potestatem mittere in gehennam. Ita dico vobis, hunc timeate: Nonne quinque pases véneunt dipondio, & unus ex illis non est in oblivione coram Deo? Sed & capilli capitis vestri omnes numerati sunt. Nolite ergo timere: multis passeribus pluris estis vos. Dico autem vobis: Omnis, quicumque confessus fuerit me coram hominibus, & Filius hominis confitebitur illum coram Angelis Dei.

*Offertorium. Psal. 149.* Exultabunt Sancti in gloria, laetabuntur in cubilibus suis: exaltationes Dei in faucibus eorum, alleluia.

*Secreta.*

**O** Blata tibi, Domine, munera populi tui, pro tuorum



orum honore Sanctorum, suscipe propitius, quaesumus: & eorum nos intercessione sanctifica. Per Dominum.

*Communio. Luc. 12.* Dico autem vobis amicis meis: ne terreamini ab his, qui vos persequuntur.

*Postcommunio.*

**S**umptis Domine, sacramentis, quaesumus: ut intercedentibus beatis martyribus tuis Dionysio, Rustico & Eleutherio, ad redemptionis aeternae proficiamus augmentum. Per Dominum.

*Die x. Octobris.*

IN FESTO S. FRANCISCI  
BORGIAE Confessoris.

*Introitus. Psal. 36.*

**O**s justi meditabitur sapientiam, & lingua ejus loquetur judicium: lex Dei ejus in corde ipsius.

*Psal. ibid.* Noli aemulari in malignantibus: neque zelaveris facientes iniquitatem.

*v. Gloria Patri.*

*Oratio.*

**D**omine Jesu Christe, verae humilitatis & exemplar, & praemium: quaesumus, ut sicut beatum Franciscum in terreni honoris contemptu imitatore tuum gloriosum effecisti; ita nos ejusdem imitationis, & gloriae tribuas esse confortes. Qui vivis & regnas.

Lectio libri Sapientiae.

*Eccli. 45.*

**D**ilectus Deo & hominibus, cujus memoria in benedictione est. Similem il-

lum fecit in gloria Sanctorum, & magnificavit eum in timore inimicorum, & in verbis suis monstra placavit. Glorificavit illum in conspectu regum, & jussit illi coram populo suo, & ostendit illi gloriam suam. In fide & lenitate ipsius sanctum fecit illum, & elegit eum ex omni carne. Audivit enim eum, & vocem ipsius, & induxit illum in nubem. Et dedit illi coram praecipua, & legem vitae & disciplinae.

*Graduale. Psal. 20.* Domine, praevenisti eum in benedictionibus dulcedinis: posuisti in capite ejus coronam de lapide pretioso. *v.* Vitam petiit a te, & tribuisti ei longitudinem dierum in saeculum saeculi.

Alleluia, alleluia.

*v. Psalm. 91.* Justus ut palma florebit: sicut cedrus Libani multiplicabitur. Alleluia.

Sequentia sancti Evangelii secundum Matthaeum.

*Matth. 19.*

**I**n illo tempore: Dixit Petrus ad Jesum: Ecce nos reliquimus omnia, & secuti sumus te: quid ergo erit nobis? Jesus autem dixit illis: Amen dico vobis, quod vos, qui secuti estis me, in regeneratione cum sederit Filius hominis in sede majestatis suae, sedebitis & vos super sedes duodecim, judicantes duodecim tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros, propter nomen meum, centuplum accipiet, & vitam aeternam possidebit.

*Offer-*



*Offertorium. Psal. 20.* Desiderium animæ ejus tribuisti ei Dómine, & voluntate labiorum ejus non fraudasti eum: posuisti in capite ejus coronam de lapide pretioso.

*Secreta.*

**S**acris altaribus, Dómine, hostias superpositas sanctus Franciscus Borgia, quæsumus, in salutem nobis provenire depóscat. Per Dóminum.

*Communio. Luc. 12.* Fidélis servus & prudens, quem constituit dóminus super familiam suam: ut det illis in tempore tritici mensuram.

*Postcommunio.*

**P**rotegat nos, Dómine, cum tui perceptione sacramenti, beatus Franciscus Borgia, pro nobis intercedendo: ut & conversationis ejus experiamur insignia, & intercessionis percipiamus suffragia. Per Dóminum.

*Die xiii. Octobris.*

IN FESTO S. EDUARDI  
Confess.

*Missæ. Os justi. xxii.*

*Oratio.*

**D**eus, qui beatum regem Eduardum Confessorem tuum æternitatis glória coronasti: fac nos, quæsumus, ita eum venerari in terris, ut cum eo regnare possimus in cœlis. Per Dóminum nostrum.

*Die xiv. Octobris.*

IN FESTO S. CALLISTI  
Papæ & Martyris.

*Introitus. Dan. 3.*

**S**acerdotes Dei benedicite Dóminum: Sancti & humiles corde laudate Deum.

*Dan. ibid.* Benedicite omnia ópera Dómini Dómino: laudate & superexaltate eum in sæcula.

*Glória Patri.*

*Oratio.*

**D**eus, qui nos conspicias ex nostra infirmitate deficere: ad amorem tuum nos misericórditer per Sanctorum tuorum exempla restaura. Per Dóminum nostrum.

*Lectio Epistolæ beati Pauli Apóstoli ad Hebræos.*

*Hebr. 5.*

**F**ratres, Omnis pontifex ex hominibus assumptus, pro hominibus constituitur in iis, quæ sunt ad Deum: ut offerat dona & sacrificia pro peccatis: qui condolere possit iis, qui ignorant, & errant: quoniam & ipse circumdatus est infirmitate: & propterea debet, quemadmodum pro populo, ita etiam & pro semetipso offerre pro peccatis. Nec quisquam sumit sibi honorem, sed qui vocatur à Deo, tamquam Aaron.

*Graduale. Ps. 88.* Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum.

*V.* Nihil proficiet inimicus in eo: & filius iniquitatis non nocébit ei.

*Allelúia, allelúia.*

*V. Eccli. 45.* Amavit eum Dóminus, & ornavit eum: stolam glóriæ induit eum. *Allelúia.*

*Sequéntia sancti Evangelii secundum Matthæum.*

*Matth. 10. c.*

**I**n illo tempore: Dixit Jesus discipulis suis: Nihil



est opertum, quod non revelabitur: & occultum, quod non sciatur. Quod dico vobis in tenebris, dicite in lumine: & quod in aure auditis, predicare super terra. Et nolite timere eos, qui occidunt corpus, animam autem non possunt occidere: sed potius timete eum, qui potest & animam & corpus perdere in gehennam. Nonne duo passeret affectu veniunt: & unus ex illis non cadet super terram sine Patre vestro? Vestri autem capilli capitis omnes numerati sunt. Nolite ergo timere: multis passeribus meliores estis vos. Omnis ergo, qui confitebitur me coram hominibus, confitebor & ego eum coram Patre meo, qui in caelis est.

*Offertorium. Psal. 88.* Veritas mea, & misericordia mea cum ipso: & in nomine meo exaltabitur cornu ejus.

*Secreta.*

**M**ystica nobis, Domine, profit oblatio: quæ nos & à reatibus nostris expediat, & perpetua salvatione confirmet. Per Dominum.

*Communio. Matth. 24.* Beatus servus, quem, cum venerit dominus, invenerit vigilantem: amen dico vobis, super omnia bona sua constituet eum. *Postcommunio.*

**Q**uesumus omnipotens Deus: ut reatus nostros munera sacra purificent; & recte vivendi nobis operentur effectum. Per Dominum.

*Die xv. Octobris.*

IN FESTO S. TERESIAE virginis.

*Missæ.* Dilexisti iustitiam.

*de Communi Virginum tantum.*  
xxix. præter Orationem sequentem. *Oratio.*

**E**xaudi nos Deus salutaris, noster: ut sicut de beatæ Teresiæ virginis tuæ festivitatem gaudemus; ita cœlestis ejus doctrinæ pabulo nutriamur, & piæ devotionis erudiamur affectu. Per Dominum.

*Die xvii. Octobris.*

IN FESTO S. HEDVIGIS VIDUÆ.

*Missæ.* Cognovi. de Communi nec virg. nec mart. xxxii.

*Oratio.*

**D**eus, qui beatam Hedvigem à sæculi pompa ad humilem tuæ crucis sequelam toto corde transire docuisti: concede, ut ejus meritis & exemplo discamus perituras mundi calcare delicias, & in amplèxu tuæ crucis omnia nobis adversantia superare. Qui vivis & regnas cum Deo Patre.

*Die xviii. Octobris.*

IN FESTO S. LUCÆ Evangelistæ.

*Introitus. Psal. 138.*

**M**ihi autem nimis honorati sunt amici tui Deus: nimis confortatus est principatus eorum.

*Psal. ibid.* Domine probasti me, & cognovisti me: tu cognovisti sessionem meam, & resurrectionem meam.

℣. Gloria Patri.

*Oratio.*

**I**nterveni pro nobis, quesumus, Domine, sanctus tuus Lucas Evangelista: qui crucis mortificationem jugiter in suo corpore, pro tui nominis ho-



honóre portávit. Per Dómi-  
num.

Léctio Epístolæ beāti Pauli  
Apóstoli ad Corínthios.

2. Cor. 8. c.

**F**Ratres, Grátias ago Deo,  
qui dedit eámdem solici-  
túdinem pro vobis in corde  
Tití, quóniam exhortatióem  
quidem fuscépit: sed cū soli-  
cítior esset, sua voluntáte pro-  
fécus est ad vos. Mísimus éti-  
am cū illo fratrem, cujus  
laus in Evangélio per omnes  
Ecclésiās: non solūm autem,  
sed & ordinátus est ab Ecclé-  
siis comes peregrinatióis nos-  
stræ in hanc grátiam, quæ  
ministrátur à nobis ad Dómi-  
ni glóriam, & destinátam vo-  
luntátem nostram: devitántes  
hoc, ne quis nos vitúperet in  
hac plenitúdine, quæ minis-  
trátur à nobis. Providémus e-  
nim bona non solūm coram  
Deo, sed étiam coram homíni-  
bus. Mísimus autem cum illis  
& fratrem nostrum, quem pro-  
bávimus in multis sæpè solíci-  
tum esse: nunc autem multò  
solicitiórem, confidéntia mul-  
ta in vos, sive pro Tito, qui  
est sócius meus, & in vobis  
adjutor, sive fratres nostri,  
Apóstoli Ecclesiárum, glória  
Christi. Ostenfiónem ergo,  
quæ est charitátis vestræ, &  
nostræ glóriæ pro vobis, in  
illos osténdite in fáciem Ec-  
clesiárum.

*Graduale. Psal. 18.* In om-  
nem terram exívit sonus eó-  
rum: & in fines orbis terræ  
verba eórum. *v.* Cœli enár-  
rant glóriam Dei: & ópera  
mánuum ejus, annúntiat fir-  
maméntum.

Allelúia, allelúia.

*v. Joan. 15.* Ego vos elégi  
de mūdo, ut eátis, & fruc-  
tum afferátis: & fructus ves-  
ter máneat. Allelúia.

Sequéntia sancti Evangélii se-  
cúndam Lucám.

*Luc. 10.*

**I**N illo témpore: Designá-  
vit Dóminus & álios sep-  
tuaginta duos: & misit illos  
binos ante fáciem suam, in  
omnem civitátem, & locum  
quò erat ipse ventúrus. Et di-  
cébat illis: Messis quidem  
multa, operárii autem pauci.  
Rogáte ergo dóminum messis,  
ut mittat operários in messem  
suam. Ite: ecce ego mitto vos  
sicut agnos inter lupos. Nolí-  
te portáre sácculum, neque  
perám, neque calceaménta,  
& néminem per viam saluta-  
véritis. In quamcúmque dó-  
mum intravéritis, primūm dí-  
cite: Pax huic dómui: & si ibi  
fúerit filius pacis, requiescet  
super illum pax vestra: sin au-  
tem, ad vos revertétur. In eá-  
dem autem domo manéte,  
edéntes & bibéntes quæ apud  
illos sunt: dignus est enim ope-  
rárius mercéde sua. Nolíte  
transire de domo in domum.  
Et in quamcúmque civitátem  
intravéritis, & suscepérint  
vos, manducáte quæ appo-  
núntur vobis: & curáte in-  
firmos, qui in illa sunt, & dí-  
cite illis: Appropinquávit in  
vos, regnum Dei. Credo.

*Offertorium. Psal. 138.* Mihi  
autem nimis honorátí sunt  
amíci tui, Deus: nimis con-  
fortátus est princípatus eó-  
rum.

*Secreta.*

**D**Onis cœlestibus da no-  
bis, quæsumus Dómine,  
libe-



libera tibi mente servire : ut múnera, quæ deférimus, interveniente beáto Evangelísta tuo Luca, & medélam nobis operéntur, & glóriam. Per Dóminum nostrum.

*Præfatio de Apostolis.*

*Communio. Matth. 19.* Vos, qui secúti estis me, sedébitis super sedes, judicántes duódecim tribus Ísraél.

*Postcommunio.*

**P**Ræsta, quæsumus, omnipotens Deus : ut quod de sancto altári tuo accépimus, précibus beáti Evangelístæ tui Lucæ, sanctíficet ánimas nostras, per quod tuti esse possimus. Per Dóminum.

*Die xix. Octobris.*

IN FESTO S. PETRI de Alcantara Confessoris.

*Introitus. Psal. 91.*

**J**ustus ut palma florébit, sicut cedrus Líbani multiplicábitur : plantátus in domo Dómini, in átriis domus Dei nostri.

*Psal. ibid.* Bonum est confitéri Dómino : & psállere nómini tuo, Altíssime.

*v. Glória Patri. Oratio.*

**D**eus, qui beátum Petrum Confessórem tuum admirábilis pœniténtiæ, & altíssimæ contemplatiónis múnere illustráre dignátus es : da nobis, quæsumus ; ut ejus suffragántibus méritis, carne mortificáti, facílius cœléstia capíamus. Per Dóminum.

Léctio Epístolæ beáti Pauli Apóstoli ad Philippénfes.

*Phil. 3. b.*

**F**Ratres, Quæ mihi fuérunt luera, hæc arbitrátus sum propter Christum detri-

ménta. Verúntamen exístimo, ómnia detriméntum esse propter eminentem sciéntiam Jesu Christi Dómini mei : propter quem ómnia detriméntum feci, & ábitror ut stércora, ut Christum lucrifáciam, & invéniam in illo, non habens meam justítiam, quæ ex lege est, sed illam, quæ ex fide est, Christi Jesu : quæ ex Deo est justítia in fide, ad cognoscéndum illum, & virtútem resurrectiόνis ejus, & societátem passiόνum illius : configurátus morti ejus. Si quo modo occúrram ad resurrectiόνem, quæ est ex mortuis : non quòd jam accéperim, aut jam perféctus sim : sequor autem, si quo modo comprehendam, in quo & comprehénsus sum à Christo Jesu.

*Graduale.* Os justí meditábitur sapiéntiam, & lingua ejus loquétur judícium.

*v.* Lex Dei ejus in corde ipsíus : & non supplantabúntur gressus ejus.

Allelúia, allelúia.

*v. Psal. 111.* Beátus vir, qui timet Dóminum : in mandátis ejus cupit nimis. Allelúia.

Sequéntia sancti Evangélíi secúndum Lucam.

*Luc. 12.*

**I**N illo témpore : Dixit Jesus discíplis suis : Nolíte timére pusíllus grex, quia complácuit Patri vestro dare vobis regnum. Véndite quæ possidétis, & date eleemósy-  
nam. Fácite vobis fácculos qui non veteráscunt, thesáurum non deficientem in cœlis : quòd fur non apprópiat, neque tínea corrúmpit. Ubi enim the-  
sau-



saſurus veſter eſt, ibi & cor veſtrum erit.

*Offertorium. Pſ. 20.* In virtute tua, Dómine, lætábitur juſtus, & ſuper ſalutáre tuum exultábit veheménter: deſidérium ánimæ ejus tribuíſti ei.

*Secreta.*

**P**Ræſta nobis, quæſumus omnipotens Deus: ut noſtræ humilitátis oblátio, & pro tuórum tibi gráta ſit honóre ſanctórum, & nos córpore páriter & mente puríſcet. Per Dóminum.

*Communio. Matth. 19.* Amen dico vobis, quòd vos qui reliquíſtis ómnia, & ſecúti eſtis me: céntuplum accipiétis, & vitam ætérnam poſſidébitis.

*Postcommunio.*

**Q**Uæſumus omnipotens Deus: ut qui cœléſtia aliménta percépimus, intercedente beáto Petro Confefſóre tuo, per hæc contra ómnia advérſa muniámur. Per Dóminum.

*Die xx. Octobris.*

IN FESTO S. JOANNIS  
Cantii Confessoris.

*Introitus. Eccl. 18.*

**M**iſerátio hóminis circa próximum ſuum: Miſericórdia autem Dei ſuper omnem carnem. Qui miſericórdiam habet, docet, & erúdit quaſi paſtor gregem ſuum.

*Pſal. 1.* Beátus vir, qui non ábiit in. conſílio impiórum, & in via peccatórum non ſtetit, & in cáthedra peſtiléntiæ non ſedit.

*v. Glória Patri.*

*Oratio.*

**D**A, quæſumus, omnipotens Deus: ut ſancti

Joánnis Confefſóris exémplo in ſciéntia ſanctórum proficiéntes, atque áliis miſericórdiam exhibéntes, ejus méritis indulgéntiam apud te conſequámur. Per Dóminum.

Léctio Epíſtolæ beáti Jacóbi Apóſtoli.

*Jac. 2. c.*

**S**ic loquimini, & ſic fácite, ſicut per legem libertátis incipiéntes judicári: Judícium enim ſine miſericórdia illi, qui non fecit miſericórdiam: ſuperexáltat autem miſericórdia judícium. Quid próderit, fratres mei, ſi fidem quis dicat ſe habére, ópera autem non hábeat? Numquid póterit fides ſalváre eum? Si autem frater & ſoror nudi ſint, & indígeant victu quotidiano, dicat autem áliquis ex vobis illis: Ite in pace, calefacímini, & ſaturámini: non dedéritis autem eis, quæ neceſſária ſunt córpore, quid próderit? Sic & fides, ſi non hábeat ópera, mórtua eſt in ſemetípſa.

*Graduale. Pſal. 106.* Conſiteántur Dómino miſericórdiæ ejus; & mirábilia ejus filiis hóminum.

*v. Quia ſatiávit ánimam inánem, & ánimam efuriéntem ſatiávit bonis.*

*Allelúia, allelúia.*

*v. Prov. 31.* Manum ſuam apéruit inopi, & palmas ſuas exténdit ad páuperem. *Allel.*

Sequéntia ſancti Evangélíi ſcúndum Lucam.

*Luc. 12.*

**I**N illo témpore: Dixit Jeſus diſcípulis ſuis: Sint lumbi



lumbi vestri præcincti, & lucernæ ardentes in manibus vestris, & vos similes hominibus expectantibus dominum suum, quando revertatur à nuptiis: ut, cum venerit, & pulsaverit, confestim aperiant ei. Beati servi illi, quos, cum venerit dominus, invenerit vigilantes: amen dico vobis, quod præcinet se, & faciet illos discumbere, & transiens ministrabit illis. Et si venerit in secunda vigilia, & si in tertia vigilia venerit, & ita invenerit, beati sunt servi illi. Hoc autem scitote, quoniam si sciret paterfamilias quâ horâ fur veniret, vigilaret utique, & non sineret perfodi domum suam. Et vos estote parati: quia quâ horâ non putatis, Filius hominis veniet.

*Offertorium. Job. 29.* Justitia indutus sum & vestivi me, sicut vestimento & diademate, iudicio meo: oculus fui cæco, & pes claudo: Pater eram pauperum.

*Secreta.*

**H**As, quæsumus, Domine hostias sancti Joannis Confessoris tui meritis benignus adsume, & præsta: ut te super omnia, & omnes propter te diligentes, corde tibi & opere placeamus. Per Dominum.

*Communio. Luc. 6.* Date, & dabitur vobis: mensuram bonam, & confertam, & coagitatam, & supereffluentem dabunt in finem vestrum.

*Postcommunio.*

**P**retiōsi corporis & sanguinis tui, Domine, pasti

deliciis, tuam supplices deprecamur clementiam: ut sancti Joannis Confessoris tui meritis & exemplis, ejusdem charitatis imitatores effecti, consortes fimus & gloriæ. Qui vivis & regnas cum Deo Patre.

*Die xxi. Octobris.*

S. HILARIONIS, Abbatis.

*Missæ. Os justi. de Communi Abbatum. xxiv.*

*Et fit commem. SS. Ursulæ & sociarum. Oratio.*

**D**A nobis, quæsumus Domine Deus noster, sanctarum virginum & martyrum tuarum, Ursulæ & sociarum ejus, palmas incessabili devotione venerari; ut quas dignamente non possumus celebrare, humilibus saltem frequentemus obsequiis.

*Tertia Oratio. A cunctis. 463.*

*Pro commem. SS. Ursulæ & sociarum. Secreta.*

**I**Ntende, quæsumus Domine, munera altaribus tuis pro sanctarum virginum & martyrum tuarum, Ursulæ & sociarum ejus, festivitatem proposita: ut sicut per hæc beata mysteria illis gloriam contulisti, ita nobis indulgentiam largiaris.

*Alia Secreta. Exaudi. 464.*

*Pro sanctis Ursula & sociis.*

*Postcommunio.*

**P**Ræsta nobis, quæsumus, Domine, intercedentibus sanctis virginibus & martyribus tuis: ut quod ore contingimus, pura mente capiamus.

*Altera*



*Altera Postcommunio.* Mundet & múniat. 464.

*Die xxv. Octobris.*

SS. Martyrum CHRYSANTHI & DARIÆ.

*Introitus. Psal. 78.*

**I**Ntrèt in conspéctu tuo Dómine gémitus compeditórum: redde vicínis nostris séptuplum in sinu eórum: vándica sánguinem sanctórum tuórum, qui effúsus est.

*Psal. ibid.* Deus venérunt Gentes in hæreditátem tuam, polluérent templum sanctum tuum: posuérent Jerúsalem in pomórum custódiam.

℣. Glória Patri.

*Oratio.*

**B**Eatórum mártýrum tuórum, Dómine, Chrysáanthi & Dariæ, quæsumus, adsit nobis orátio: ut quos venerámur obséquio, eórum pium júgiter experiámur auxílium. Per Dóminum nostrum.

Léctio Epístolæ beáti Pauli Apostolí ad Corinthios.

2. Cor. 6.

**F**Ratres, Exhibeámus nosmetípsos sicut Dei miníistros in multa patiéntia, in tribulatióibus, in necessitati-bus, in angústiiis, in plagis, in carcéribus, in seditióibus, in labóribus, in vigíliis, in jejúniis, in castitáte, in sciéntia, in longanimitáte, in suavitáte, in Spíritu sancto, in charitáte non ficta, in verbo veritátis, in virtúte Dei, per arma justítiæ à dextris, & à sinístris: per gló-

riam, & ignobilitátem: per infámiam, & bonam famam: ut seductóres, & veráces: sicut qui ignóti, & cógnoti: quasi moriéntes, & ecce vívimus: ut castigáti, & non mortificáti: quasi tristes, semper autem gaudéntes: sicut egéntes, multos autem locupletátes: tamquam nihil habéntes, & ómnia possidéntes.

*Graduale. Exodi 15.* Gloriósus Deus in sanctis suis: mirábilis in majestáte, fáciens prodígia. ℣. Déxtera tua, Dómine, glorificáta est in virtúte: déxtera manus tua confrégit inimícos. Allelúia, allelúia.

℣. *Eccli. 44.* Córpora sanctórum in pace sepulta sunt: & nómina eórum vivent in generatióne & generatióne. Allelúia.

Sequéntia sancti Evangélíi secúndum Lucam.

*Luc. 11. f.*

**I**N illo témpore: Dicébat Jesus Scribis & Pharisæis: Væ vobis, qui ædificátis monuménta Prophetárum: patres autem vestri occidérunt illos. Proféctò testificámini, quòd consentítis opéribus patrú vestrórum: quóniam ipsi quidem eos occidérunt, vos autem ædificátis eórum sepulchra. Proptéreà & sapiéntia Dei dixit: Mittam ad illos Prophétas & Apóstolos, & ex illis occídent, & persequéntur, ut inquirátur sanguis ómnium Prophetárum, qui effúsus est à constitutióne mundi à generatióne ista, à sanguine Abel, usque ad sanguinem



nem Zachariæ, qui périit inter altare & ædem. Ita dico vobis, requirétur ab hac generatione.

*Offertorium. Psal. 67.* Mirabilis Deus in sanctis suis: Deus Israël ipse dabit virtutem, & fortitudinem plebi suæ: benedictus Deus, allelúia.

*Secreta.*

**P**opuli tui, quæsumus, Domine, tibi grata sit hóstia: quæ in natalitiis sanctorum martyrum tuorum Chrysanthi & Darie sollemniter immolétur. Per Dominum.

*Communio. Sap. 3.* Et si coram hominibus tormenta passi sunt, Deus tentavit eos: tamquam aurum in fornace probavit eos, & quasi holocausta accepit eos.

*Postcommunio.*

**M**ysticis, Domine, replétus sumus votis & gaudiis: præsta quæsumus; ut intercessionibus sanctorum martyrum tuorum Chrysanthi & Darie, quæ temporaliter ágimus, spiritaliter consequámur. Per Dominum nostrum.

*Die xxvi. Octobris.*

S. EUARISTI Papæ & martyris.

*Missæ. Státuit ei Dominus. de Comuni unius Mart. Pontif. ii.*

*Die xxvii. Octobris.*

IN VIGILIA SS. Apostolorum SIMONIS & JUDÆ.

*Introitus. Psal. 78.*

**I**ntret in conspectu tuo Domine gemitus compeditio-

rum: redde vicinis nostris septuplum in sinu eorum: vindica sanguinem sanctorum tuorum, qui effusus est.

*Psal. ibid.* Deus venerunt Gentes in hæreditatem tuam, polluérunt templum sanctum tuum: posuérunt Jerúsalem in pomorum custodiam.

v. Glória Patri.

*Oratio.*

**C**oncède, quæsumus, omnipotens Deus: ut sicut Apostolorum tuorum Simónis & Judæ gloriósa natalitia prævenimus; sic ad tua beneficia promerenda, majestatem tuam pro nobis ipsi præveniant. Per Dominum nostrum.

*Secunda Oratio de S. Maria, Concède nos. Tertia, Ecclesiæ. Vel pro Papa.* Deus omnium fidelium. 236.

Lectio Epistolæ beati Pauli Apostoli ad Corínthios.

i. Cor. 4.

**F**Ratres, Spectaculum facti sumus mundo, & Angelis, & hominibus. Nos stulti propter Christum, vos autem prudentes in Christo: nos infirmi, vos autem fortes: vos nobiles, nos autem ignobiles. Usque in hanc horam & esurimus, & sitimus, & nudi sumus, & colaphis cædimur, & instabiles sumus, & laboramus operantes manibus nostris: maledicimur, & benedicimus: persecutionem patimur, & sustinemus: blasphemamur, & obsecramus: tamquam purgamenta hujus mundi facti sumus omnium peripséma usque adhuc. Non ut confundam vos, hæc scribo, sed ut filios



filios meos charíffimos mó-  
neo: in Christo Jesu Dómi-  
no nostro.

*Graduale. Psal. 78.* Vín-  
dica Dómine fánguinem sanc-  
tórur tuórum, qui effúsus  
est.

Ÿ. Posuérunt mortália ser-  
vórum tuórum, Dómine,  
escas volatílibus cœli: car-  
nes sanctórur tuórum béstiis  
terræ.

Sequéntia sancti Evangélii se-  
cúndum Joánnem.

*Joan. 15.*

**I**N illo témpore: Dixit Jesus  
discípulis suis: Ego sum  
vitis vera: & Pater meus agrí-  
cola est. Omnem pálmitem in  
me non feréntem fructum, tol-  
let eum: & omnem qui fert  
fructum, purgábit eum, ut  
fructum plus áfferat. Jam vos  
mundi estis propter fermón-  
em, quem locútus sum vo-  
bis. Manéte in me: & ego in  
vobis. Sicut palmes non po-  
test ferre fructum à semetíp-  
so, nisi mánserit in vite: sic  
nec vos, nisi in me manséri-  
tis. Ego sum vitis, vos pál-  
mites: qui manet in me, &  
ego in eo, hic fert fructum  
multum: quia sine me nihil  
potéstis fácere. Si quis in me  
non mánserit, mittétur fo-  
ras sicut palmes, & aréscet,  
& cólligent eum, & in ignem  
mittent, & ardet. Si manséri-  
tis in me, & verba mea in vo-  
bis mánserint, quodcúmque  
voluéritis, petétis, & fiet vo-  
bis.

*Offertorium. Psal. 149.* Ex-  
ultábunt sancti in glória, læ-  
tabuntur in cubílibus suis;

exaltatiónes Dei in fáucibus  
eórum.

*Secreta.*

**M**Unéribus nostris, Dó-  
mine sanctórur Apost-  
tolórur tuórum Simónis &  
Judæ festa præcédimus, te  
supplíciter deprecánte: ut quæ  
consciéntiæ nostræ præpedi-  
úntur obstáculis, illórum mé-  
ritis grata reddántur. Per Dó-  
minum.

*Secunda Secreta de S. Maria,*  
Tua Dómine. *Tertia,* Próte-  
ge nos. *Vel pro Papa,* Oblá-  
tis. 236.

*Communio. Psal. 78.* Posué-  
runt mortália servórum tuó-  
rum, Dómine, escas volatíli-  
bus cœli: carnes sanctórur  
tuórum béstiis terræ: secún-  
dum magnitúdinem bráchii  
tui pösside filios morte puni-  
tórur.

*Postcommunio.*

**S**Umpto, Dómine, sacra-  
ménto, supplíciter depre-  
cámur: ut intercedéntibus  
beátis Apóstolis tuis Simóne  
& Juda, quod temporáliter  
gérimus, ad vitam capiámus  
æternam. Per Dóminum.

*Secunda Postcommunio de S.*  
*Maria,* Sumptis Dómine.  
*Tertia,* Quæsumus Dómine.  
*Vel pro Papa,* Hæc nos, quæ-  
sumus Domine. 236.

*Die xxviii. Octobris.*

IN FESTO SS. APOSTO-  
LORUM SIMONIS &  
JUDÆ.

*Introitus. Psal. 138.*

**M**Ihi autem nimis hono-  
ráti sunt amíci tui,  
Deus:



Deus: nimis confortatus est principatus eorum.

*Psal. ibid.* Dómine probasti me, & cognovisti me: tu cognovisti fessionem meam, & resurrectionem meam.

℣. Glória Patri.

*Oratio.*

**D**Eus, qui nos per beátos Apóstolos tuos Simónem & Judam, ad agnitionem tui nóminis venire tribuisti: da nobis eorum glóriam sempiternam & proficiendo celebrare, & celebrando proficere. Per Dóminum.

Lectio Epístolæ beáti Pauli Apóstoli ad Ephésios.

*Ephes. 4.*

**F**Ratres, Unicuique nostrum data est grátia secundum mensuram donationis Christi. Propter quod dicit: Ascendens in altum, captivam duxit captivitatem, dedit dona hominibus. Quod autem ascendit, quid est, nisi quia & descendit primum in inferiores partes terræ? Qui descendit, ipse est & qui ascendit super omnes coelos, ut impleret omnia. Et ipse dedit quosdam quidem Apóstolos, quosdam autem Prophétas, alios verò Evangelistas, alios autem pastores & doctores ad consummationem Sanctorum in opus ministerii, in ædificationem corporis Christi: donec occurramus omnes in unitatem fidei, & agnitionis Filii Dei, in virum perfectum, in mensuram ætatis plenitudinis Christi.

*Graduale. Psal. 44.* Constitues eos principes super om-

nem terram: memores erunt nóminis tui, Dómine.

℣. Pro patribus tuis nati sunt tibi filii: propterea populi confitebuntur tibi.

Allelúia, allélúia.

℣. *Psal. 138.* Nimis honorati sunt amici tui, Deus: nimis confortatus est principatus eorum. Allelúia.

Sequéntia sancti Evangelii secundum Joánnem.

*Joan. 15.*

**I**N illo tempore: Dixit Jesus discipulis suis: Hæc mando vobis, ut diligatis invicem. Si mundus vos odit, scitote, quia me priorem vobis odio habuit. Si de mundo fuissetis, mundus quod suum erat, diligeret: quia verò de mundo non estis, sed ego elegi vos de mundo, propterea odit vos mundus. Mementote sermonis mei, quem ego dixi vobis. Non est servus major domino suo. Si me persecuti sunt, & vos persequentur: si sermonem meum servaverunt, & vestrum servabunt. Sed hæc omnia facient vobis propter nomen meum: quia nesciunt eum, qui misit me. Si non venissem, & locutus fuissem eis, peccatum non haberent: nunc autem excusationem non habent de peccato suo. Qui me odit, & Patrem meum odit. Si opera non fecissem in eis, quæ nemo alius fecit, peccatum non haberent: nunc autem & viderunt, & oderunt & me, & Patrem meum. Sed ut adimpleatur sermo, qui in lege eorum scriptus est: Quia odio habuerunt me gratis. Credo.

*Offer-*



*Offertorium. Ps. 18.* In omnem terram exiit sonus eorum: & in fines orbis terræ verba eorum.

*Secreta.*

**G**loriam, Dómine, sanctorum Apostolorum tuorum Simónis & Judæ perpetuam venerantes, quæsumus: ut eam, sacris mystériis expiati, dignius celebrémus. Per Dóminum.

*Præfatio de Apostolis.*

*Communio. Matth. 19.* Vos qui secuti estis me, sedebitis super sedes, iudicantes duodecim tribus Israël.

*Postcommunio.*

**P**ercéptis, Dómine sacraméntis, suppliciter exoramus: ut intercedéntibus beátis Apóstolis tuis Simóne & Juda, quæ pro illorum veneranda gerimus passióne, nobis proficiant ad medélam. Per Dóminum.

*Die xxxi. Octobris.*

IN VIGILIA OMNIUM  
SANCTORUM.

*Introitus.*

*Sap. 3.*

**J**udicant Sancti Gentes, & dominantur pópulis: & regnabit Dóminus Deus illorum in perpétuum.

*Psal. 32.* Exultáte justi in Dómino: rectos decet collaudatio.

*v. Glória Patri.*

*Non dicitur Glória in excelsis.*

*Oratio.*

**D**omine Deus noster, multiplica super nos grátiam tuam: & quorum præve-

nimus gloriósa solémnia, tribue subsequi in sancta professione lætítiam. Per Dóminum.

*De Spiritu sancto. Oratio.*

**D**eus, qui corda fidélium sancti Spíritus illustratione docuísti: da nobis in eódem Spíritu recta scápere. & de ejus semper consolatione gaudére.

*Contra persecutores Ecclesiæ.*

*Oratio.*

**E**cclésiæ tuæ, quæsumus; Dómine, preces placatus admítte: ut destrúctis adversitatibus & erróribus univérsis, secúra tibi sérviat libertáte. Per Dóminum nostrum.

*Vel pro Papa. Oratio.*

**D**eus ómnium fidélium pastor & rector, famulum tuum N. quem pastorem Ecclesiæ tuæ præesse voluísti, propítius respice: da ei, quæsumus, verbo & exémplo, quibus præest, proficére; ut ad vitam, unâ cum grége sibi crédito, pervéniat sempitérnâ. Per Dóminum nostrum.

Lectio libri Apocalypsis beati  
Joánnis Apóstoli.

*Apoc. 5.*

**I**n diébus illis: Ecce ego Joánnes vidi in médio throni; & quatuor animálium, & in médio seniórum Agnum stantem tamquam occisum; habentem cornua septem, & oculos septem: qui sunt septem spíritus Dei, missi in omnem terram. Et venit, & accépit de dextera sedéntis in throno librum. Et cum aperuisset librum, quatuor animália, & viginti-



gintiquatuor seniores ceciderunt coram Agno, habentes singuli citharas, & phialas aureas, plenas odorem, quæ sunt orationes Sanctorum: & cantabant canticum novum, dicentes: Dignus es Domine accipere librum, & aperire signacula ejus: quoniam occisus es, & redemisti nos Deo in sanguine tuo ex omni tribu, & lingua, & populo, & natione: & fecisti nos Deo nostro regnum, & sacerdotes; & regnabimus super terram. Et vidi, & audivi vocem Angelorum multorum in circuitu throni, & animalium, & seniorum, & erat numerus eorum millia millium, dicentium voce magna: Dignus est Agnus, qui occisus est, accipere virtutem, & divinitatem, & sapientiam, & fortitudinem, & honorem, & gloriam, & benedictionem, in sæcula sæculorum. Amen.

*Graduale. Psal. 149.* Exultabunt Sancti in gloria, lætabuntur in cubilibus suis.

℣. Cantate Domino canticum novum, laus ejus in Ecclesia Sanctorum.

Sequentia sancti Evangelii secundum Lucam.

*Luc. 6. c.*

**I**N illo tempore: Descendens Jesus de monte, stetit in loco campestri, & turba discipulorum ejus, & multitudo copiosa plebis ab omni Judæa, & Jerúsalem, & maritima & Tyri, & Sidonis, qui venerant ut audirent eum, & sanarentur à languoribus

suis. Et qui vexabantur à spiritibus immundis, curabantur. Et omnis turba quærebat eum tangere: quia virtus de illo exibat, & sanabat omnes. Et ipse elevatis oculis in discipulos suos, dicebat: Beati pauperes: quia vestrum est regnum Dei. Beati, qui nunc esuritis: quia saturabimini. Beati, qui nunc fletis: quia ridebitis. Beati eritis cum vos oderint homines, & cum separaverint vos, & exprobraverint, & ejecerint nomen vestrum tamquam malum, propter Filium hominis. Gaudete in illa die, & exultate: ecce enim merces vestra multa est in celo.

*Offertorium. Ps. 149.* Exultabunt Sancti in gloria, lætabuntur in cubilibus suis: exaltationes Dei in faucibus eorum.

*Secreta.*

**A**Ltare tuum, Domine, muneribus cumulamus oblatis: da quæsumus; ut ad salutem nostram, omnium Sanctorum tuorum precatione proficiant, quorum solèmnia ventura præcurramus. Per Dominum.

*De Spiritu sancto. Secreta.*

**M**Unera, quæsumus Domine, oblata sanctifica: & corda nostra sancti Spiritus illustratione emunda.

*Contra persecutores Ecclesiæ.*

*Secreta.*

**P**Rótege nos, Domine, tuis mystèriis servièntes: ut divinis rebus inhærentes, & cor-



córpore tibi famulémur & mente. Per Dóminum.

*Vel pro Papa. Secreta.*

**O**blátis, quæsumus Dómine, placáre munéribus: & famulum tuum N. quem pastórem Ecclésiæ tuæ præesse voluísti, assídua protéctione gubérna. Per Dóminum.

*Communio. Sap. 3.* Justórum ánimæ in manu Dei sunt, & non tanget illos torméntum malítiæ: visi sunt óculis impiéntium mori: illi autem sunt in pace,

*Postcommunio.*

**S**acraméntis, Dómine, & gáudiis optátæ celebritátis explétis, quæsumus; ut eórum précibus adjuvémur, quorum recordatióibus exhibéntur. Per Dóminum.

*De Spiritu sancto. Postcomm.*

**S**ancti Spíritus, Dómine, corda nostra mundet infúsió: & sui roris intima aspersiône fecúndet.

*Contra persecutores Ecclesiæ.*

*Postcommunio.*

**Q**uæsumus Dómine Deus noster: ut, quos divína tribuís participatióne gaudére, humanis non finas subjacére perículis. Per Dominum.

*Vel pro Papa. Postcomm.*

**H**æc nos, quæsumus Dómine, divíni sacraménti percéptio próteget: & famulum tuum N. quem pastórem Ecclésiæ tuæ præesse voluísti, uná cum commisso sibi grege salvet semper, & múniat. Per Dóminum nostrum.



# FESTA NOVEMBRIS.

DIE I. NOVEMBRIS.

I N F E S T O

## OMNIUM SANCTORUM.

*Introitus.*

**G**Audeamus omnes in Dómino, diem festum celebrantes sub honóre Sanctórum ómnium: de quorum solemnitáte gaudent Angeli, & collaudant Fílium Dei.

*Psal. 32.* Exultáte iusti in Dómino: rectos decet collaudatio.

*V.* Glória Patri.

*Oratio.*

**O**Mnípotens sempitérne Deus, qui nos ómnium Sanctórum tuórum mérita sub una tribuísti celebritáte veneráti: quæsumus, ut desideráram nobis tuæ propitiatiónis abundantiam, multiplicátis intercessóribus largiáris. Per Dóminum.

Léctio libri Apocalypsis beáti Joánnis Apóstoli.

*Apoc. 7.*

**I**N diébus illis: Ecce ego Joánnes vidi álterum Angelum ascendéntem ab ortu solis, habéntem signum Dei vivi: & clamávit voce magna quátuor Angelis, quibus datum est nocére terræ & mari, dicens: Nolíte nocére terræ & mari, neque arbóribus, quoadúsque signémus servos Dei nostri in fróntibus eórum. Et audivi númerum signatórum,

centum quadragínta quátuor mília signáti, ex omni tribu filiórum Israél. Ex tribu Juda duódecim mília signáti. Ex tribu Ruben duódecim mília signáti. Ex tribu Gad duódecim mília signáti. Ex tribu Aser duódecim mília signáti. Ex tribu Néphthali duódecim mília signáti. Ex tribu Manáse duódecim mília signáti. Ex tribu Símeon duódecim mília signáti. Ex tribu Levi duódecim mília signáti. Ex tribu Isachar duódecim mília signáti. Ex tribu Zábulon duódecim mília signáti. Ex tribu Joseph duódecim mília signáti. Ex tribu Bénjamin duódecim mília signáti. Post hæc vidi turbam magnam, quam dinumeráre nemo póterat ex ómnibus géntibus, & tribubus, & pópulis, & linguis stantes ante thronum, & in conspéctu Agni, amícti stolis albis, & palmæ in mánibus eorum: & clamábant voce magna, dicéntes: Salus Deo nostro, qui sedet super thronum, & Agno. Et omnes Angeli stabant in circúitu throni, & seniórum, & quátuor animálium, & cecidérunt in conspéctu throni in fácies suas, & adoravérunt Deum, dicéntes, Amen. Benedíctio, & cláritas, & sapiéntia, & gratiárum



rum áctio, honor, & virtus, & fortitúdo Deo nostro, in sæcula sæculórum, Amen.

*Graduale. Psal. 33.* Timéte Dóminum omnes sancti ejus: quóniam nihil deest timéntibus eum.

¶. Inquiréntes autem Dóminum, non deficient omni bono.

Allelúia, allelúia.

¶. *Matth. 11.* Veníte ad me omnes, qui laborátis, & oneráti estis: & ego reficiam vos. Allelúia.

Sequéntia sancti Evangélíi secúndum Matthæum,

*Matth. 5.*

**I**N illo témpore: Videns Jesus turbas, ascéndit in montem, & cùm sedísset, accessérunt ad eum discípuli ejus, & apériens os suum, docébat eos, dicens: Beáti páuperes spíritu: quóniam ipsórum est regnum coelórum. Beáti mites: quóniam ipsi possidébunt terram. Beáti, qui lugent: quóniam ipsi consolabúntur. Beáti, qui esúriunt & sítiunt justítiam: quóniam ipsi saturabúntur. Beáti misericórdes: quóniam ipsi misericórdiam consequéntur. Beáti mundo corde: quóniam ipsi Deum vidébunt. Beáti pacífici: quóniam filii Dei vocabúntur. Beáti, qui persecutiónem patiúntur propter justítiam: quóniam ipsórum est regnum coelórum. Beáti estis cùm maledíxerint vobis, & persecúti vos fuerint, & díxerint omne malum advérsus vos, mentiéntes, propter me: gaudéte, & exul-

táte, quóniam merces vestra copiósa est in coelis. Credo.

*Offertorium. Sap. 3.* Justórum ánimæ in manu Dei sunt, & non tanget illos tormentum malítiæ: visi sunt óculis insipientium mori: illi autem sunt in pace.

*Secreta.*

**M**Unera tibi, Dómine, nostræ devotiónis offerimus: quæ & pro cunctórum tibi grata sint honóre justórum, & nobis salutária, te miseránte, reddántur. Per Dóminum.

*Communio. Matth. 5.* Beáti mundo corde, quóniam ipsi Deum vidébunt: beáti pacífici, quóniam filii Dei vocabúntur: beáti qui persecutiónem patiúntur propter justítiam, quóniam ipsórum est regnum coelórum.

*Postcommunio.*

**D**A, quæsumus, Dómine, fidélibus pópulis, ómnium Sanctórum semper veneratióne lætári, & eórum perpétua supplicatióne muniri. Per Dóminum.

¶ *Infra Octavam, Missa dicitur sicut in die Festi: Oratio secunda de Spiritu Sancto. Deus, qui corda. tertia, Ecclesiæ. vel pro Papa, Deus ómnium fidélium. ut supra. 236.*

*Et dicitur. Credo.*

*Die ii. Novembris.*

¶ *Secunda die fit Commem. omnium fidélium Defunctorum: & dicitur Missa, Réquiem ætérnam. quæ est prima pro Defunctis, circa finem Missalis.*

*Die*



*Die iv. Novembris.*

IN FESTO S. CAROLI  
Episcopi & Confessoris.

*Introitus. Eccli. 45.*

**S**Tátuit ei Dóminus testa-  
méntum pacis, & prín-  
cipem fecit eum: ut sit illi  
sacerdótii dígnitas in ætér-  
num.

*Psal. 131.* Meménto Dó-  
mine David, & omnis man-  
fuetúdinis ejus.

✠. Glória Patri.

*Oratio.*

**E**Cclésiám tuam, Dómine,  
sancti Cároli Confessóris  
tui atque Pontíficis continúa  
protectióne custódi: ut sicut il-  
lum Pastorális sollicitúdo gló-  
riósus reddidit; ita nos ejus  
intercessió in tuo semper fáciat  
amóre fervéntes. Per Dómi-  
num.

*De Octava Omnium Sanctorum.*

*Oratio.*

**O**Mnípotens sempitérne  
Deus, qui nos ómnium  
Sanctorum tuorum mérita sub  
una tribuísti celebritáte vene-  
rári: quæsumus, ut desiderá-  
tam nobis tuæ propitiatiónis  
abundántiam, multiplicátis in-  
tercessóribus largiáris.

*Pro commem. SS. Vitalis & Ag-  
ricolæ mart. Oratio.*

**P**Ræsta quæsumus omní-  
potens Deus: ut qui sanc-  
torum mártorum tuorum Vi-  
tális & Agricolæ solémnia  
cólimus, eórum apud te in-  
tercessiónibus adjuvémur. Per  
Dóminum nostrum.

*Lectio libri Sapiéntiæ.*

*Eccli. 44. d.*

**E**Cce facérdos magnus, qui  
in diébus suis placuit Deo,  
& invéntus est justus, & in

témpore iracúndiæ factus est  
reconciliátio. Non est invén-  
tus símilis illi, qui conservávit  
legem Excélsi. Ideò jurejurán-  
do fecit illum Dóminus cré-  
scere in plebem suam: Be-  
nedictiónem ómnium Gén-  
tium dedit illi, & testaméntum  
suum confirmávit super caput  
ejus. Agnóvit eum in benedic-  
tiónibus suis: conservávit illi  
misericórdiam suam. & invé-  
nit grátiam coram óculis Dó-  
mini. Magnificávit eum in  
conspéctu regum: & dedit illi  
corónam glóriæ. Státuit illi  
testaméntum ætérnum: & de-  
dit illi sacerdótium magnum:  
& beatificávit illum in glória.  
Fungi sacerdótio, & habére  
laudem in nómine ipsíus, &  
offérre illi incénsus dignum  
in odórem suavitátis.

*Graduale. Eccli. 44.* Ecce  
facérdos magnus, qui in dié-  
bus suis placuit Deo. ✠. Non  
est invéntus símilis illi, qui  
conserváret legem Excélsi.

Allelúia, allelúia.

✠. *Psal. 109.* Tu es facérdos  
in ætérnum secúndum órdi-  
nem Melchísedech. Allelúia.

Sequentia sancti Evangelii se-  
cúndum Matthæum.

*Matth. 25.*

**I**N illo témpore: Dixit Je-  
sus discípulis suis parábo-  
lam hanc: Homo péregrè  
proficísceps, vocávit servos  
suos, & trádedit illis bona sua.  
Et uni dedit quinque talénta,  
alii autem duo, alii verò unum,  
unicuique secúndum própri-  
am virtútem, & proféctus est  
statim. Abiit autem qui quin-  
que talénta accéperat, & operá-  
tus est in eis, & lucrátus est alia  
quin-



quinque. Similiter & qui duo accēperat, lucrātus est alia duo. Qui autem unum ac-  
cēperat, abiens fodit in terram,  
& abscondit pecūniam dōmi-  
ni sui. Post multum verò  
tēporis venit dōminus ser-  
vorum illōrum, & pōsuit ra-  
tione[m] cum eis. Et accēdens  
qui quinque talēta accēperat,  
obtulit alia quinque talēta,  
dicens: Dōmine, quinque  
talēta tradidisti mihi, ecce alia  
quinque superlucrātus sum.  
Ait illi dōminus ejus: Euge  
serve bone & fidēlis, quia su-  
per pauca fuisti fidēlis, super  
multa te constituam, intra in  
gāudium dōmini tui. Accēssit  
autem & qui duo talēta ac-  
cēperat, & ait: Dōmine, duo  
talēta tradidisti mihi, ecce  
alia duo lucrātus sum. Ait illi  
dōminus ejus: Euge serve bo-  
ne & fidēlis, quia super pauca  
fuisti fidēlis, super multa te  
constituam, intra in gāudium  
dōmini tui. Credo.

*Offertorium. Psal. 88.* Inveni  
David servum meum, oleo  
sancto meo unxi eum: ma-  
nus enim mea auxiliābitur ei,  
& brāchium meum confortā-  
bit eum.

*Secreta.*

**S**ancti tui, quæsumus, Dō-  
mine, nos ubique lætifi-  
cent: ut dum eōrum mērita  
recōlimus, patrocīnia sentiā-  
mus. Per Dōminum.

*Pro Octav. Omnium Sanctorum.*

*Secreta.*

**M**unera tibi, Dōmine,  
nostræ devotiōnis offe-  
rimus: quæ & pro cuncti-  
rum tibi grata sint honore  
justōrum, & nobis salutāria,  
te miserante, reddantur.

*Pro SS. mart. Vitale, & Agri-  
cola. Secreta.*

**O**blātis, quæsumus, Dō-  
mine, placāre munéri-  
bus: & intercedētib[us] sanc-  
tis martyrib[us] tuis Vitale &  
Agricola, à cunctis nos de-  
fēnde periculis. Per Dōmi-  
num.

*Communio. Luc. 12.* Fidēlis  
servus & prudens, quem con-  
stituit dōminus super famili-  
am suam: ut det illis in tē-  
pore tritici mensuram.

*Postcommunio.*

**P**ræsta, quæsumus, omni-  
potens Deus: ut de per-  
cēptis munērib[us] grātias ex-  
hibētes, intercedēte beāto  
Cárolo Confessōre tuo atque  
Pontífice, beneficia potiōra  
sumāmus. Per Dōminum.

*Pro Oct. Omnium Sanctorum.*

*Postcommunio.*

**D**A, quæsumus, Dōmine,  
fidēlib[us] pōpulis, om-  
nium Sanctorum semper ve-  
neratiōne lætari, & eōrum  
perpētua supplicatiōne muniri.

*Pro SS. mart. Vitale, & Agri-  
cola. Postcommunio.*

**H**æc nos commūnio, Dō-  
mine, purget à crimine:  
& intercedētib[us] sanctis mar-  
tyrib[us] tuis Vitale & Agrico-  
la, cœlestis remēdii faciāt esse  
consōrtes. Per Dōminum.

*Die viii. Novembris.*

¶ *In Oct. Omnium Sancto-  
rum dicitur Missa sicut in die,  
cum commemor. SS. Martyr.  
Quatuor Coronatorum.*

*Oratio.*

**P**ræsta, quæsumus, omni-  
potens Deus: ut qui glo-  
riosos



riōs mārtyres fortes in sua confessiōe cognōvimus, pios apud te in nostra intercessiōe sentiāmus. Per Dōminum.

*Secreta.*

**B**enedictio tua, Dōmine, larga descēdat: quæ & mūnera nostra, deprecāntibus sanctis Martyribus tuis, tibi reddat accēpta, & nobis sacramētum redemptiōis efficiat. Per Dōminum.

*Postcommunio.*

**C**elēstibus refēcti sacramētis & gaudiis, supplices te, Dōmine, deprecāmur: ut quōrum gloriāmur triūmphis, protegāmur auxiliis. Per Dōminum.

*Die ix. Novembris.*

IN DEDICATIONE BASILICÆ SALVATORIS.

*Missā. Terribilis est locus. de Communi Dedicationis Ecclesiæ. xxxiv.*

*Pro commemor. Theodori martyris. Oratio.*

**D**eus, qui nos beāti Theodōri mārtyris tui confessiōe gloriōsa circūdas & prōtegis: præsta nobis ex ejus imitatiōe proficere, & oratiōe fulcīri. Per Dōminum nostrum.

*Pro commem. S. Theodori.*

*Secreta.*

**S**uscipe Dōmine fidēlium preces cum oblatiōibus hostiārum: & intercedēte beāto Theodōro mārtyre tuo, per hæc piæ devotiōis officia, ad cōelēstem glōriam transeāmus. Per Dōminum nostrum.

*Pro commem. S. Theodori.*

*Postcommunio.*

**P**ræsta nobis, quæsumus Dōmine, intercedēte

beāto Theodōro mārtyre tuo: ut quod ore contīngimus, pura mente capiāmus. Per Dōminum nostrum Jesum Christum Fīlium tuum, &c.

*Die x. Novembris.*

IN FESTO S. ANDREÆ Avellini, Confessoris.

*Missā. Os justi. de Communi Conf. non Pont. xxii. præter Orationem seq. Oratio.*

**D**eus, qui in corde beāti Andréæ Confessoris tui per arduum quotīdie in virtutibus proficiēdi votum admirābiles ad te ascensiōes disposuisti: concēde nobis ipsius mēritis, & intercessiōe, ita ejūsdem grātiæ partīcipes fieri, ut perfectiōra semper exequētes, ad glōriæ tuæ fastīgium feliciter perducāmur. Per Dōminum.

*Et fit commemor. SS. mart. Tryphonis, & sociorum, cum Orationibus, ut in sequenti Missa propria.*

MISSA SS. Mart. TRYPHONIS, RESPICII, & NYMPHÆ Virginis.

*Introitus.*

*Psal. 33.*

**C**lamavērunt justi, & Dōminus exaudivit eos, & ex omnibus tribulatiōibus eōrum liberāvit eos.

*Psal. ibid. Benedicam Dōminum in omni tēpore: semper laus ejus in ore meo.*

*v. Glōria Patri.*

*Oratio.*

**F**ac nos, quæsumus Dōmine, sanctōrum mārtyrum tuōrum Tryphōnis, Respicii, & Nymphæ semper festa



feſta ſectári : quorum ſuffrá-  
giis, proteſtiónis tuæ dona  
ſentiámus. Per Dóminum  
noſtrum.

Léctio Epíſtolæ beáti Pauli  
Apóſtoli ad Romános.

*Rom. 8. d.*

**F**Ratres, Non ſunt condíg-  
næ paſſiões hujus tém-  
poris ad futúram glóriam, quæ  
revelábitur in nobis. Nam ex-  
pectátio creatúre, revelatió-  
nem filiórum Dei expectat.  
Vanitati enim creatúra ſubjéc-  
ta eſt, non volens, ſed prop-  
ter eum, qui ſubjécit eam in  
ſpe : quia & ipſa creatúra li-  
berábitur à ſervitúte corrup-  
tiónis in libertátem glóriæ fi-  
liórum Dei. Scimus enim  
quòd omnis creatúra ingemíſ-  
cit, & párturit uſque adhuc.  
Non ſolùm autem illa, ſed &  
nos ipſi primítias ſpíritus ha-  
béntes : & ipſi intra nos gé-  
mimus, adoptiόνem filiórum  
Dei expectántes, redemptiόν-  
em córporis noſtri.

*Graduale. Pſal. 78.* Víndica  
Dómine ſánguinem ſanctó-  
rum tuórum, qui effúſus eſt.  
ŷ. Poſuérunt mortália ſervó-  
rum tuórum, eſcas volatílibus  
cœli : carnes Sanctórum tuó-  
rum béſtiis terræ.

Allelúia, allelúia.

ŷ. *Pſal. 115.* Pretiόſa in  
conſpéctu Dómini, mors  
Sanctórum ejus. Allelúia.

*Evangelium.* Atténdite à  
ferménto. ſumatur ex Feſto SS.  
Dionyſii, & ſoc. mart. die 9.  
Oſtobris. 525.

*Offertorium. Pſal. 31.* Lætá-  
mini in Dómino, & exultáte

juſti : & gloriámini omnes  
recti corde.

*Secreta.*

**M**Unera tibi, Dómine,  
noſtræ devotiόνis of-  
férimus : quæ & pro tuórum  
tibi grata ſint honóre juſtó-  
rum ; & nobis ſalutária, te  
miſeránte, reddántur. Per  
Dóminum.

*Communio. Matth. 12.* Qui-  
cúmque fécerit voluntátem  
Patris mei, qui in cœlis eſt :  
ipſe meus frater, & ſoror, &  
mater eſt, dicit Dóminus.

*Postcommunio.*

**P**Ræſta nobis, quæſumus,  
Dómine, intercedéntibus  
ſanctis martyribus tuis Try-  
phóne, Reſpício, & Nym-  
pha : ut quòd ore contíngi-  
mus, pura mente capiámus.  
Per Dóminum noſtrum.

*Die xi. Novembris.*

IN FESTO S. MARTINI  
Episcopi & Confessoris.

*Introitus. Eccl. 45.*

**S**Tátuit ei Dóminus testa-  
méntum pacis, & princi-  
pem fecit eum : ut ſit illi ſa-  
cerdótii dignitas in ætérnum.

*Pſal. 131.* Meménto Dó-  
mine David, & omnis man-  
ſuetúdinis ejus.

ŷ. Glória Patri.

*Oratio.*

**D**Eus, qui cónſpicias, quia  
ex nulla noſtra virtúte  
ſubſiſtimus : concéde propí-  
tius ; ut interceſſiόνe beáti  
Martíni Conféſſoris tui atque  
Pontíficis, contra ómnia ad-  
vérsa muniámur. Per Dómi-  
num noſtrum.



*Pro S. Menna. Oratio.*

**P**Ræsta, quæsumus, omnipotens Deus : ut qui beati Mennæ martyrîs tui natalitia cõlimus, intercessiõne ejus tui nòminis amore roborémur. Per Dóminum.

*Lectio libri Sapiéntiæ.*

*Eccli. 44. d.*

**E**Cce sacerdos magnus, qui in diébus suis placuit Deo, & invéntus est justus, & in témpore iracúndiæ factus est reconciliatio. Non est invéntus símilis illi, qui conservávit legem Excélsi. Ideò jurejurádo fecit illum Dóminus créscere in plebem suam. Benedictiõnem ómnium Géntium dedit illi, & testaméntum suum confirmávit super caput ejus. Agnóvit eum in benedictiõnibus suis : conservávit illi misericórdiam suam : & invénit grátiam coram óculis Dómini. Magnificávit eum in conspéctu regum : & dedit illi corónam gloriæ. Státuit illi testaméntum ætérnum : & dedit illi sacerdotium magnum : & beatificávit illum in glória. Fungi sacerdotio, & habére laudem in nómine ipsíus, & offérre illi incénsfum dignum in odórem suavitátis.

*Graduale. Eccli. 44.* Ecce sacerdos magnus, qui in diébus suis placuit Deo. *v.* Non est invéntus símilis illi, qui conserváret legem Excélsi.

Allelúia, allelúia.

*v.* Beátus vir sanctus Martinus, urbis Turónis Epíscopus, requiévît : quem susce-

pérunt Angeli atque Archángeli, Throni, Domínatiões, & Virtútes. Allelúia.

Sequéntia sancti Evangélii secúndum Lucam.

*Luc. 11. c.*

**I**N illo témpore : Dixit Jesus discípulis suis : Nemo lucérnam accéndit, & in abscóndito ponit, neque sub módio : sed supra candelábrum, ut qui ingrediúntur, lumen vídeant. Lucérna corpóris tui, est óculus tuus. Si óculus tuus fúerit simplex, totum corpus tuum lúcidum erit : si autem nequam fúerit, étiam corpus tuum tenebrófum erit. Vide ergo ne lumen quod in te est, ténebræ sint. Si ergo corpus tuum totum lúcidum fúerit, non habens áliquam partem tenebrárum, erit lúcidum totum, & sicut lucérna fulgóris illuminábit te.

*Offertorium. Psal. 88.* Véritas mea, & misericórdiæ mea cum ipso : & in nómine meo exaltábitur cornu ejus.

*Secreta.*

**D**A, miséricors Deus : ut hæc nos salutáris oblátio, & à propriis reátibus indefinéter expédíat, & ab ómnibus tueátur advérsis. Per Dóminum nostrum.

¶ *Si Festum S. Martini incidit in Dominicam xxii. post Pentecosten, debet mutari Secreta Dominicæ, quia est eadem cum Secreta S. Martini, & sumi debet Secreta Dominicæ xxiii. sequentis, nempe, Pro nostræ servitútis, &c.*

*Pro*



*Pro S. Menna mart.**Secreta.*

**M**Unéribus nostris, quæsumus, Dómine, precibúsq; suscéptis: & cœlestibus nos munda mystériis, & cleménter exáudi. Per Dóminum nostrum.

*Communio. Matth. 24.* Beátus servus, quem, cùm vénerit dóminus, invénerit vigílantem: amen dico vobis, super ómnia bona sua constituet eum.

*Postcommunio.*

**P**Ræsta, quæsumus, Dómine Deus noster: ut quorum festivitáte votíva sunt sacraménta, eórum intercessióne salutária nobis reddántur. Per Dóminum.

*Pro S. Menna mart.**Postcommunio.*

**D**A, quæsumus, Dómine Deus noster: ut sicut tuórum commemoratióne Sanctorum, temporáli gratulámur officio, ita perpétuo lætémur aspéctu. Per Dóminum.

*Die xii. Novembris.*

IN FESTO S. MARTINI  
Papæ & martyris.

*Introitus.**Dan. 3.*

**S**Acerdótes Dei benedicite Dóminum: Sancti & húmiles corde laudáte Deum.

*Dan. ibid.* Benedicite ómnia ópera Dómini Dómino: laudáte & superexaltáte eum in sæcula.

℣. Glória Patri.

*Oratio.*

**D**Eus, qui nos beátí Martíni mártiris tui atque Pontíficis ánnua solemnitáte lætíficas: concéde propítius; ut cujus natalítia cólimus, de ejúsdem étiam protectióne gaudeámus. Per Dóminum.

Lectio Epístolæ beátí Petri  
Apóstoli.

1. *Pet. 4.*

**C**Haríssimi, Communicántes Christi passióibus, gaudéte, ut & in revelatióne glóriæ ejus gaudeátis exultántes. Si exprobrámini in nómine Christi, beátí éritis; quóniam quod est honóris, glóriæ, & virtútis Dei, & qui est ejus Spíritus, super vos requiéscit. Nemo autem vestrúm patiátur ut homicída, aut fur, aut malédicus, aut alienórum appetítor. Si autem ut Christiánus, non erubéscat: gloríficet autem Deum in isto nómine. Quóniam tempus est, ut incípiat judícium à domo Dei. Si autem primùm à nobis: quis finis eórum, qui non credunt Dei Evangélio? Et si justus vix salvábitur, ímpius & peccátor ubi parébunt? Itaque & hi, qui patiúntur secúndum voluntátem Dei, fidéli Creatóri comméndent ánimas suas in benefáctis.

*Graduale. Psal. 8.* Glória & honóre coronásti eum. ℣. Et constituísti eum super ópera mánuum tuárum Dómine.

Allelúia, allelúia.

℣. Hic est sacerdos, quem coronávit Dóminus. Allel.



Sequéntia sancti Evangélii secundum Lucam.

*Luc. 14. c.*

**I**N illo tempore: Dixit Jesus turbis: Si quis venit ad me, & non odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus. Et qui non bajulat crucem suam, & venit post me, non potest meus esse discipulus. Quis enim ex vobis volens turrim ædificare, non prius sedens computat sumptus, qui necessarij sunt, si habeat ad perficiendum; ne, posteaquam posuerit fundamentum, & non potuerit perficere, omnes qui vident, incipiant illudere ei, dicentes: Quia hic homo coepit ædificare, & non potuit consummare? Aut quis rex iturus committere bellum adversus alium regem, non sedens prius cogitat, si possit cum decem millibus occurrere ei, qui cum viginti millibus venit ad se? alioquin adhuc illo longè agente, legationem mittens, rogat ea quæ pacis sunt. Sic ergo omnis ex vobis, qui non renuntiat omnibus quæ possidet, non potest meus esse discipulus.

*Offertorium. Psal. 88.* Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum.

*Secreta.*

**M**Unera tibi, Domine, dicata sanctifica: & intercedente beato Martino

martyre tuo atque Pontifice, per eadem nos placatus intende. Per Dominum.

*Communio. Psal. 20.* Posuisti Domine in capite ejus coronam de lapide pretioso.

*Postcommunio.*

**H**Æc nos communio, Domine, purget à crimine: & intercedente beato Martino martyre tuo atque Pontifice, cœlestis remedii faciat esse consortes. Per Dominum.

*Die xiii. Novembris.*

IN FESTO S. DIDACI  
Confessoris.

*Missæ.* Justus ut palma florebit. *ut in Communi Confess. non Pontif. xxiii.*

*Oratio.*

**O**Mnipotens sempiternè Deus, qui dispositione mirabili infirma mundi eligis: ut fortia quæque confundas: concede propitius humilitati nostræ; ut pijs beati Didaci Confessoris tui precibus, ad perennem in cœlis gloriam sublimari mereamur. Per Dominum.

*Die xv. Novembris.*

IN FESTO S. GERTRUDIS virginis.

*Missæ.* Diluxisti justitiam. *de Communi Virginum. xxix. præter Orationem sequentem.*

*Oratio.*

**D**Eus, qui in corde beatæ Gertrudis virginis jucundam tibi mansionem præparasti:



parásti: ipsíus méritis & intercessióne cordis nostri máculas cleménter abstérge; & ejúsdem tribue gaudére confortio. Per Dóminum.

*Die xvii. Novembris.*

IN FESTO S. GREGORII  
Thaumaturgi Ep. & Conf.

*Introitus. Eccli. 45.*

**S**Tátuit ei Dóminus testaméntum pacis, & príncipem fecit eum: ut sit illi sacerdotii dignitas in ætérnum. *Psal. 131.* Meménto Dómine David, & omnis mansuetúdinis ejus.

℣. Glória Patri.

*Oratio.*

**D**A, quæsumus omnípotens Deus: ut beáti Gregórii Confessóris tui, atque Pontíficis veneránda solémnitas, & devotióne nobis áugeat, & salútem. Per Dóminum.

Léctio libri Sapiéntiæ.

*Eccli. 44. d.*

**E**Cce facérdos magnus, qui in diébus suis plácuit Deo, & invéntus est justus, & in témpore iracúndiæ factus est reconciliátio. Non est invéntus símilis illi, qui conservávit legem Excélsi. Ideò jurejurándo fecit illum Dóminus créscere in plebem suam. Benedictiónem ómnium Géntium dedit illi, & testaméntum suum confirmávit super caput ejus. Agnóvit eum in benedictiónibus suis: conservávit illi

misericórdiam suam: & invénit grátiam coram óculis Dómini. Magnificávit eum in conspéctu regum: & dedit illi corónam glóriæ. Státuit illi testaméntum ætérnum: & dedit illi sacerdotium magnum: & beatificávit illum in glória. Fungi sacerdotio, & habére laudem in nómine ipsíus, & offérre illi incénsus dignum in odórem suavitátis.

*Graduale. Eccli. 44.* Ecce facérdos magnus, qui in diébus suis plácuit Deo. ℣. Non est invéntus símilis illi, qui conserváret legem Excélsi.

Allelúia, allelúia.

℣. *Psal. 109.* Tu es facérdos in ætérnum, secúndum ór-dinem Melchísedech. Allelúia.

Sequéntia sancti Evangélii secúndum Marcum.

*Marc. 11.*

**I**N illo témpore: Respóndens Jesus discípulis suis, ait illis: Habéte fidem Dei. Amen dico vobis, quia quicumque díxerit huic monti: Tóllere, & mittere in mare; & non hæsitáverit in corde suo, sed credíderit, quia quodcumque díxerit, fiat, fiet ei. Proptéreà dico vobis: ómnia quæcumque orantes pétitis, créдите quia accipiétis, & evenient vobis.

*Offertorium. Psalm. 88.* Inveni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum. *Secreta.*

**S**Ancti tui, quæsumus, Dómine, nos ubique lætificent:



cent: ut dum eorum mérita recólimus, patrocínia sentiámus. Per Dóminum.

*Communio. Luc. 12.* Fidélis servus & prudens, quem constituit dóminus super familiam suam; ut det illis in tēpore trítici mensúram.

*Postcommunio.*

**P**Ræsta, quæsumus, omnipotens Deus: ut de perceptis munéribus grátias exhibéntes, intercedénte beáto Gregório Confessóre tuo atque Pontífice, beneficia potióra sumámus. Per Dóminum nostrum.

*Die xviii. Novembris.*

IN DEDICATIONE BASILICARUM SS. APOSTOL. PETRI & PAULI.

*Missæ. Terríbilis est locus iste. de Comuni Dedicat. Ecclesiæ, ut infrà. xxxiv. Et dicitur Credo.*

*Die xix. Novembris.*

IN FESTO S. ELISABETH Reginae Hungariæ Viduæ.

*Missæ. Cognóvi. de Comuni nec Virg. nec Mart. xxxii.*

*Oratio.*

**T**Uorum corda fidélium Deus miserátor illústra, & beátæ Elísabeth précibus gloriósis fac nos próspera mundi despícere, & cœlésti semper consolatióne gaudére. Per Dóminum.

*Pro commem. S. Pontiani.*

*Oratio.*

**I**Nfirmitátem nostram respice omnipotens Deus: & quia pondus propriæ actiόνis gravat, beáti Pontiani mártiris tui atque Pontíficis, intercessio gloriósa nos protégat. Per Dóminum.

*Secreta.*

**H**ostias tibi, Dómine, beáti Pontiani mártiris tui atque Pontíficis dicátas méritis, benígnus assúme: & ad perpétuum nobis tríbue proveníre subsidium. Per Dóminum nostrum.

*Postcommunio.*

**R**efécti participatióne múnieris sacri, quæsumus Dómine Deus noster: ut, cujus exéquimur cultum, intercedénte beáto Pontiano mártire tuo atque Pontífice sentiámus effectum. Per Dóminum.

*Die xx. Novembris.*

IN FESTO S. FELICIS de Valois Confessoris.

*Missæ. Justus ut palma. de Comuni Confess. non Pontif. xxiii. præter Orationem sequentem.*

*Oratio.*

**D**Eus, qui beátum Felicem Confessórem tuum ex erémo ad munus rediméndi captivos cœlitus vocáre dignátus es: præsta, quæsumus; ut per grátiam tuam ex peccatórum nostrórum captivitate, ejus intercessióne libe-



liberāti, ad cœlestem pátriam perducámur. Per Dóminum nostrum.

*Die xxi. Novembris.*

IN FESTO PRÆSENTATIONIS BEATÆ MARIÆ Virginis.

*Introitus.*

*Sedulus.*

**S**alve sancta parens, enixa puérpera Regem: qui cœlum terrámque regit in sæcula sæculórum.

*Psal. 44.* Eructávit cor meum verbum bonum: dico ego ópera mea regi.

*v.* Glória Patri.

*Oratio.*

**D**Eus, qui beátam Mariám semper vírginem, Spíritus sancti habitáculum, hodiérna die in templo præsentári voluísti: præsta quæsumus; ut ejus intercessióne, in templo glóriæ tuæ præsentári mereámur. Per Dominum nostrum. in unitáte ejúsdem Spíritus sancti Deus.

Léctio libri Sapiéntiæ.

*Eccli. 24.*

**A**B inítio, & ante sæcula creáta sum, & usque ad futúrum sæculum non définam, & in habitatióne sancta coram ipso ministrávi. Et sic in Sion firmáta sum, & in civitáte sanctificáta simíliter requiévi, & in Jerúsalem potéstas mea. Et radicávi in populo honorificáto, & in parte Dei mei hæréditas illíus, & in plenitúdine Sanctórum détentio mea.

*Graduale.* Benedícta & venerábilis es virgo María, quæ sine tactu pudóris, invēta es Mater Salvatóris. *v.* Virgo Dei génitrix, quem totus non capit orbis, in tua se clausit víscera factus homo.

Allelúia, allelúia.

*v.* Post partum, Virgo, invioláta permansísti, Dei Génitrix intercède pro nobis. Allelúia.

Sequéntia sancti Evangélíi scúndum Lucam.

*Luc. 11.*

**I**N illo témpore: Loquente Jesu ad turbas, extóllens vocem quædam mulier de turba, dixit illi: Beátus venter, qui te portávit: & úbera, quæ suxísti. At ille dixit: Quinímò, beáti qui audiunt verbum Dei, & custodiunt illud. *Dicitur Credo.*

*Offertorium. Luc., 1.* Ave María, grátia plena, Dóminus tecum: Benedícta tu in muliéribus, & benedíctus fructus ventris tui.

*Secreta.*

**T**Ua, Dómine, propitiatióne, & beátæ Mariæ semper vírginis intercessióne, ad perpétuam atque præsentem hæc oblátio nobis proficiat prosperitátem & pacem. Per Dóminum.

*Præfatio. de B. Maria.* Et te in Præsentatióne.

*Communio.* Beáta víscera Mariæ vírginis, quæ portáverunt ætérni Patris Fílium.

*Postcommunio.*

**S**umptis, Dómine, salútis nostræ subsidiis: da, quæ-



quæsumus, beátæ Mariæ  
semper vírginis patrocíniis  
nos ubique prótegi; in cujus  
veneratióne hæc tuæ obtúli-  
musmajestáti. Per Dóminum.

*Die xxii. Novembris.*

IN FESTO S. CÆCILIAE  
virginis & martyris.

*Introitus. Psal. 118.*

**L**Oquébar de testimoniis  
tuis in conspéctu re-  
gum, & non confundébar:  
& meditábar in mandátis tu-  
is, quæ diléxi nimis.

*Psal. ibid.* Beáti immaeu-  
láti in via, qui ámbulant in  
lege Dómini.

ŷ. Glória Patri.

*Oratio.*

**D**Eus, qui nos ánnua be-  
átæ Cæciliæ vírginis &  
mártiris tuæ solemnitáte læ-  
tíficas: da, ut quam venerá-  
mur officio, étiam piæ con-  
versatiónis sequámur exém-  
plo. Per Dóminum.

Léctio libri Sapiéntiæ.

*Eccli. 51. b.*

**D**omine Deus meus, ex-  
altásti super terram ha-  
bitatiónem meam, & pro  
morte defluente deprecáta  
fui. Invocávi Dóminum  
Patrem Dómini mei, ut non  
derelínquat me in die tribula-  
tiónis meæ, & in témpore  
superbórum sine adjutório.  
Laudábo nomen tuum assíduè,  
& collaudábo illud in confes-  
sióne, & exaudíta est orátio  
mea. Et liberásti me de per-

ditiónis, & eripuísti me de  
témpore iníquo. Propterea  
confitébor, & laudem dicam  
tibi, Dómine Deus noster.

*Graduale. Psal. 44.* Audi-  
filia, & vide, & inclína au-  
rem tuam: quia concupívit  
rex spéciem tuam. ŷ. Spécie  
tua, & pulchritúdine tua in-  
ténde, próspere procéde, &  
regna.

Allélúia, allelúia.

ŷ. *Matth. 25.* Quinque  
prudéntes vírgines accepérunt  
óleum in vasis suis cum lam-  
pádibus: média autem nocte  
clamor factus est: Ecce spon-  
sus venit, exíte óbviàm Chrís-  
to Dómino. Allelúia.

Sequéntia sancti Evangélii se-  
cúndum Matthæum.

*Matth. 25.*

**I**N illo témpore: Dixit Je-  
sus discípulis suis parábo-  
lam hanc: Símile erit reg-  
num cœlórum decem virgíni-  
bus: quæ accipiéntes lámpa-  
des suas, exiérunt óbviàm  
sponso & sponsæ. Quinque  
autem ex eis erant fátuæ, &  
quinque prudéntes: sed quin-  
que fátuæ, accéptis lampádi-  
bus, non sumpserunt óleum  
secum: prudéntes verò accepé-  
runt óleum in vasis suis cum  
lampádibus. Moram autem fa-  
ciénste sponso, dormitavérunt  
omnes, & dormiérunt. Média  
autem nocte clamor factus  
est: Ecce sponus venit: exí-  
te óbviàm ei. Tunc surrexé-  
runt omnes vírgines illæ, &  
ornavérunt lámpades suas.  
Fátuæ autem sapiéntibus dix-  
érunt: Date nobis de óleo  
vestro, quia lámpades nostræ  
extin-



extinguuntur. Responderunt prudentes, dicentes: Ne forte non sufficiat nobis & vobis, ite potius ad vendentes, & emite vobis. Dum autem irent emere, venit sponsus: & quæ paratæ erant, intraverunt cum eo ad nuptias, & clausa est janua. Novissimæ verò veniunt & reliquæ virgines, dicentes: Domine, Domine, aperi nobis. At ille respondens, ait: Amen dico vobis, nescio vos. Vigilate itaque, quia nescitis diem, neque horam.

*Offertorium. Psal. 44.* Afferentur Regi virgines post eam: proximæ ejus afferentur tibi in lætitia, & exultatione: adducuntur in templum Regi Domino.

*Secreta.*

**H**Æc hostia, Domine, placationis & laudis, quæsumus, ut intercedente beata Cæcilia virgine & martyre tua, nos propitiatione tua dignos semper efficiat. Per Dominum.

*Communio. Psal. 118.* Confundantur superbi, quia injustè iniquitatem fecerunt in me: ego autem in mandatis tuis exercëbor, in tuis justificationibus, ut non confundar.

*Postcommunio.*

**S**atiasti Domine familiam tuam munëribus sacris: ejus, quæsumus, semper interventione nos refove, cujus solèmnia celebramus. Per Dominum nostrum.

*Die xxiii. Novembris.*

**IN FESTO S. CLEMENTIS**  
Papæ & martyris.

*Introitus. Ex Is. 56. & 57.*

**D**icit Dominus: Sermōnes mei, quos dedi in os tuum, non deficient de ore tuo: & mūnēra tua accepta erunt super altāre meum.

*Psal. 111.* Beātus vir, qui timet Dominum: in mandatis ejus cupit nimis.

*G. Glōria Patri:*

*Oratio.*

**D**Eus, qui nos annua beati Clementis martyris tui atque Pontificis sollemnitate lætificas: concède propiti- us; ut cujus natalitia cōlimus, virtutem quoque passiōnis imitemur. Per Dominum.

*Pro commem. S. Felicitatis martyris.*

*Oratio.*

**P**Ræsta, quæsumus, omnipotens Deus: ut beatæ Felicitatis martyris tuæ solèmnia recensentes, mēritis ipsius protegāmur & precibus.

*Tertia Oratio.* A cunctis nos. 463.

*Lectio Epistolæ beati Pauli Apostoli ad Philippenses.*

*Phil. 3. d.*

**F**Ratres, Imitatores mei estote, & observate eos, qui ita ambulant, sicut habetis formam nostram. Multi enim ambulant, quos sæpē dicebam vobis (nunc autem & flens dico) inimicos crucis Christi: quorum finis interitus, quorum



rum deus venter est : & glória in confusione ipsorum, qui terréna sapiunt. Nostra autem conversatio in cœlis est : unde etiam Salvatorem expectamus Dominum nostrum Jesum Christum, qui reformabit corpus humilitatis nostræ, configuratum corpori claritatis suæ, secundum operationem, qua etiam possit subjicere sibi omnia. Itaque fratres mei charissimi & desideratissimi, gaudium meum, & corona mea : sic state in Domino charissimi. Euodiam rogo, & Syntychem deprecor id ipsum sapere in Domino. Etiam rogo & te, germane compar, adjuva illas : quæ mecum laboraverunt in Evangelio cum Clemente, & ceteris adiutoribus meis, quorum nomina sunt in libro vitæ.

*Graduale. Psal. 109.* Juravit Dominus, & non poenitebit eum : Tu es sacerdos in æternum, secundum ordinem Melchisedech. *v.* Dixit Dominus Domino meo : Sede à dextris meis.

Allelúia, allelúia.

*v.* Hic est sacerdos, quem coronavit Dominus. Allelúia.

Sequéntia sancti Evangelii secundum Matthæum.

*Matth. 24.*

**I**N illo tempore : Dixit Jesus discipulis suis : Vigiláte, quia nescitis qua hora Dominus vester venturus sit. Illud autem scitote, quoniam si sciret paterfamilias, qua hora fur venturus esset, vigiláret

utique, & non sîneret perforare domum suam. Ideò & vos estote parati : quia qua nescitis hora, Filius hominis venturus est. Quis, putas, est fidelis servus & prudens, quem constituit dominus suus super familiam suam, ut det illis cibum in tempore ? Beatus ille servus, quem, cum venerit dominus ejus, invenerit sic facientem. Amen dico vobis, quoniam super omnia bona sua constituet eum.

*Offertorium. Psal. 88.* Veritas mea, & misericordia mea cum ipso : & in nomine meo exaltabitur cornu ejus.

*Secreta.*

**M**Unera tibi, Domine, oblata sanctifica : & intercedente beato Clemente martyre tuo atque Pontífice, per hæc nos à peccatorum nostrorum maculis emunda. Per Dominum nostrum.

*Pro S. Felicitate.*

*Secreta.*

**V**Ota populi tui, Domine, propitiatus intende : & cujus nos tribuis solemnia celebrare, fac gaudere suffragiis.

*Tertia Secreta.* Exaudi nos Deus. 463.

*Communio. Matth. 24.* Beatus servus, quem, cum venerit dominus, invenerit vigilantem : amen dico vobis, super omnia bona sua constituet eum.

*Postcommunio.*

**C**orporis sacri & pretiosi sanguinis repléti libamine, quæsumus, Domine Deus



us noster: ut, quod pia devo-  
tione gerimus, intercedente  
beato Clemente martyre tuo  
atque Pontifice, certa re-  
demptione capiamus. Per  
eundem Dominum nostrum.

*Pro S. Felicitate.*

*Postcommunio.*

**S**upplices te rogamus, om-  
nipotens Deus: ut inter-  
cedentibus Sanctis tuis, &  
tua in nobis dona multiplices,  
& tempora nostra disponas.

*Tertia Postcommunio.* Mun-  
det & muniat. 464.

*Die xxiv. Novembris.*

IN FESTO S. JOANNIS  
à Cruce, Confessoris.

*Missæ. Os justî. de Comuni  
Confessoris non Pontificis. xxii.  
præter Orationem sequentem.*

*Oratio.*

**D**eus, qui sanctum Joân-  
nem Confessorem tu-  
um, perfectæ sui abnegatiô-  
nis, & Crucis amatorem exi-  
mum effecisti: concede; ut  
ejus imitationi jûgiter inhæ-  
rentes, gloriâ assequamur  
æternam. Per Dominum.

*Deinde fit commemoratio S. Chry-  
sogoni martyris, cum Orationi-  
bus, ut in sequenti Missa pro-  
pria.*

MISSA S. CHRYSOGONI  
martyris.

*Introitus*

*Psal. 20.*

**I**N virtute tua, Domine,  
lætabitur justus: & super  
salutâre tuum exultabit vehe-  
menter: desiderium animæ  
ejus tribuisti ei.

*Psal. ibid.* Quoniam præ-  
venisti eum in benedictioni-  
bus dulcedinis: posuisti in  
capite ejus coronam de lapide  
pretioso.

⁂. Glória Patri.

*Oratio.*

**A**desto Domine supplica-  
tionibus nostris: ut qui  
ex iniquitate nostra reos nos  
esse cognoscimus, beati Chry-  
sogoni martyris tui interces-  
sione liberemur. Per Domi-  
num.

Lectio libri Sapientiae.

*Sap. 10. b.*

**J**ustum deduxit Dominus  
per vias rectas, & osten-  
dit illi regnum Dei, dedit illi  
scientiam sanctorum: honesta-  
vit illum in laboribus, & com-  
plevit labores illius. In frau-  
de circumvenientium illum  
affuit illi, & honestum fecit  
illum. Custodivit illum ab ini-  
micis, & à seductoribus tuta-  
vit illum, & certamen forte  
dedit illi ut vinceret, & sciret  
quoniam omnium potentior  
est sapientia. Hæc venditum  
justum non dereliquit, sed à  
peccatoribus liberavit eum:  
descenditque cum illo in fô-  
veam, & in vinculis non dere-  
liquit illum, donec afferret illi  
sceptrum regni, & potentiam  
adversus eos, qui eum depri-  
mebant: & mendaces ostendit,  
qui maculaverunt illum: &  
dedit illi claritatem æternam;  
Dominus Deus noster.

*Graduale. Psal. 111. Beatus  
vir, qui timet Dominum: omnia  
mandata ejus cupit nimis.*

⁂. Potens in terra erit semen

4 A 2

ejus:



ejus: generatio rectorum benedicetur.

Allelúia, allelúia.

*v. Psalm. 20.* Posuisti Dómine super caput ejus coronam de lapide pretioso. Allelúia.

Sequéntia sancti Evangelii secundum Matthæum.

*Matth. 10.*

**I**N illo tempore: Dixit Jesus discipulis suis: Nolite arbitrari quia pacem veni mittere in terram: non veni pacem mittere, sed gladium. Veni enim separare hominem adversus patrem suum, & filiam adversus matrem suam, & nurum adversus socrum suum: & inimici hominis, domestici ejus. Qui amat patrem, aut matrem, plus quam me, non est me dignus. Et qui amat filium, aut filiam super me, non est me dignus. Et qui non accipit crucem suam, & sequitur me, non est me dignus. Qui invenit animam suam, perdet illam: & qui perdidit animam suam propter me, inveniet eam. Qui recipit vos, me recipit: & qui me recipit, recipit eum, qui me misit. Qui recipit Prophétam in nómine Prophète, mercedem Prophete accipiet: & qui recipit justum in nómine justi, mercedem justi accipiet. Et quicumque potum dederit uni ex minimis istis calicem aque frigide tantum in nómine discipuli: amen dico vobis, non perdet mercedem suam.

*Offertorium. Psalm. 8.* Glória & honóre coronasti eum,

& constituisti eum super ópera manuum tuarum Dómine.

*Secreta.*

**O**blatis, quæsumus, Dómine, placare munéribus, & intercedente beato Chrysógono mártire tuo, à cunctis nos defende periculis. Per Dóminum.

*Communio. Matth. 16.* Qui vult venire post me, abneget semetipsum: & tollat crucem suam, & sequatur me.

*Postcommunio.*

**T**ui, Dómine, percepti-  
óne sacraménti, & à nostris mundemur occultis, & ab hostiam liberemur insidiis. Per Dóminum nostrum.

*Die xxv. Novembris.*

IN FESTO S. CATHARI.

*N. Æ. virg. & mart.*

*Intritus.*

*Psalm. 118.*

**L**oquēbar de testimoniis tuis in conspectu regum, & non confundēbar: & meditabar in mandatis tuis, quæ dilexi nimis.

*Psalm. ibid.* Beati immaculati in via, qui ambulant in lege Dómini.

*v. Glória Patri.*

*Oratio.*

**D**eus, qui dedisti legem Moysi in summitate montis Sínai, & in eodem loco per sanctos Angelos tuos corpus beatæ Catharinæ virginis & mártiris tuæ mirabiliter collocasti: præsta quæsumus;



sumus; ut ejus méritis & intercessióne, ad montem, qui Christus est, pervenire valeamus. Qui tecum vivit & regnat.

*LECTIO libri Sapientiae.*

*Eccli. 51.*

**C**onfitebor tibi Dómine Rex, & collaudábo te Deum Salvatórem meum. Confitebor nómini tuo: quóniam adjutor, & protector factus es mihi, & liberásti corpus meum à perditione, à láqueo linguae iniquae, & à lábiis operantium mendácium, & in conspéctu astantium factus es mihi adjutor. Et liberásti me secúndum multitudinem misericórdiae nóminis tui à ruginentibus, præparáti ad escam, de máribus quærentium ánimam meam, & de portis tribulatiónum, quæ circumdederunt me: à pressúra flammæ, quæ circumdedit me, & in médio ignis non sum aestuatus; de altitudine ventris inferi, & à lingua coinquinata, & à verbo mendacii, à rege iniquo, & à lingua injusta: laudabit usque ad mortem ánima mea Dóminum; quóniam éruis sustinentes te, & liberas eos de máribus Géntium, Dómine Deus noster.

*Graduale.* Dilexísti justitiam, & odísti iniquitatem.

*V. Propitius duxit te Deus, Deus tuus, óleo lætitiæ.*

*Allelúia, allelúia.*

*V. Adducéntur Regi vírgines post eam: proximæ ejus afferéntur tibi in lætítia. Allelúia.*

Sequentia sancti Evangelii secundum Matthæum.

*Matth. 25.*

**I**n illo tempore: Dixit Iesus discipulis suis parabolam hanc: Simile erit regnum cœlorum decem virginitibus: quæ accipientes lampades suas, exierunt obviam sponso & sponsæ. Quinque autem ex eis erant fatuæ, & quinque prudentes: sed quinque fatuæ, acceptis lampadibus, non sumplerunt oleum secum: prudentes verò acceperunt oleum in vasis suis cum lampadibus. Moram autem faciente sponso, dormitaverunt omnes, & dormierunt. Média autem nocte clamor factus est: Ecce sponsus venit, exite obviam ei. Tunc surrexerunt omnes virgines illæ, & ornaverunt lampades suas. Fatuæ autem sapientibus dixerunt: Date nobis de oleo vestro: quia lampades nostræ extinguuntur. Responderunt prudentes, dicentes: Ne forte non sufficiat nobis & vobis, ite potius ad vendentes, & emite vobis. Dum autem irent emere, venit sponso: & quæ paratæ erant, intraverunt cum eo ad nuptias, & clausa est janua. Novissimæ verò veniunt & reliquæ virgines, dicentes: Dómine, Domine, áperi nobis. At illi respondens, ait: Amen dico vobis, nescio vos. Vigiláte itaque, quia nescitis diem, neque horam.

*Offertorium. Psal. 44.* Afferéntur Regi virgines post eam: proximæ ejus afferéntur tibi in lætítia, & exultatióne: adducéntur



ducéntur in templum Regi  
Dómino.

*Secreta.*

**S**uscipe Dómine múnera,  
quæ in beátæ Catharínæ  
vîrginis & mártiris tuæ so-  
lemnitate deférimus: cujus  
nos confidimus patrocínio li-  
berári Per Dóminum.

*Communio. Psal. 118.* Con-  
fundántur supérbi, quia injús-  
tè iniquitatem fecérunt in me:  
ego autem in mandátis tuis  
exercébor, in tuis justificatió-  
nibus, ut non confúndar.

*Postcommunio.*

**A**uxiliéntur nobis, Dómi-  
ne, sumpta mystéria: &  
intercedénte beáta Catharína  
vîrgine & mártire tua, sempi-  
térna fáciant protectióne gau-  
dére. Per Dóminum.

*Die xxvi. Novembris.*

**S. PETRI ALEXANDRI-  
NI Episcopi & Mart.**

*Missæ. Státuit ei Dóminus,  
ut in Comuni unius Marty-  
ris. ii.*

**COMMUNE**